

四庫全書存目叢書編纂委員會編

齊魯書社

四庫全書存目叢書

集部
第二一三冊



責任編輯：孫言誠 賀 偉

ISBN 7-5333-0615-5



EB45/11

四庫全書存目叢書·集部二一三

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 51.875 印張

1997 年 7 月第 1 版 1997 年 7 月第 1 次印刷

印數 1—100

ISBN 7-5333-0615-5

Z·60 集部定價：127800 圓

集部第二一三冊目次

集部·別集類

聿修堂集不分卷

〔清〕藍潤撰
北京圖書館藏清鈔本

..... 一

寒松堂全集十二卷

〔清〕魏象樞撰
遼寧大學圖書館藏清康熙刻本

..... 一〇六

且亭詩六卷

〔清〕楊思聖撰
遼寧省圖書館藏清康熙七年刻本

..... 六一九

四思堂文集八卷(一)

〔清〕傅維鱗撰
中國社會科學院文學研究所藏清康熙十七年刻本

..... 七一五

聿修堂集不分卷

〔清〕藍潤撰


北京圖書館藏清鈔本

附《四庫全書總目·聿修堂集

一卷》提要

聿修堂集

玉署吟



陪祀先師禮成有述

習射

雪霽二首

冬月早朝

賦得楓葉微紅近有霜二首

賦得秋菊有佳色

秋霽院中讀書

中秋出師二首

賦得抱玉乘龍驥二首

玉署聞鶯

古槐吟

賦得志士惜日短

初入翰林言志二首

賦得五玉諸侯雜佩環

王師西征凱旋歌四首

古雙劍三首

祝宋相國太夫人二首

祝佟一元

祝賈膠侯太夫人

祝王梅和太夫人

祝海門高年伯

祝熙宇傅年伯二首

祝艾年伯

祝張年伯三首

菊月祝劉年伯二首

孫太師母節烈

挽法黃石夫人

張氏五烈

幽居

贈友人

賀玄圃

賀廷肅

華陽卽事

旌德署中

東郊吟

白齋二首

省克軒

農舍

亦園

春日坐旺山亭

預卜宅兆四首

四月十日歸自城市燈下獨坐

亭前蓮花

甲辰歲暮賭新曆有感

東郊除日

正月十一日猶子啓晃連諸父昆弟有佳客在

座賦此紀之

正月廿日試犁

勞山道上

華豐樓

環繡堂

東郊卽事

植栢二首

病中自歎二首

病瘡

清明前一日感賦

清明日祭先塋

哭先太史公墓

哭長子啓先夫婦

燕餘

東莊草堂上梁偶賦二首

上梁喜飲

友道

園中有感

真我

亭前梅放

妄念

草堂落成

甲辰乙巳年病無虛日

兀坐東郊

讀甲辰會墨

乙巳三月讀 詔赦喜賦

瓶內花

憂旱

乙巳由春徂夏亢旱百有餘日至四月廿二中

刻風雷大震小雨淋漓稍救一時焦枯因賦

督工

入衛過天柱山

人心

制草

和碩鄭親王碑文

昭勲公圖賴碑文

一等阿思哈尼哈方綽備碑文

湖川總督羅繡錦碑文

臨晉縣丞吳希賢
以下係諭祭文

夏縣縣丞汪光祖

沂水典史楊懋文

松江同知楊之易

長子知縣李允昇

屯留知縣陳思忠

漳澤驛丞吳崇信

松江知府傅世烈

沐陽知縣段上彩

一品夫人傅氏二

浙江道御史張烜

劉采歐陽氏李氏

沙縣知縣董溝

順昌知縣錢嘉倫

大田知縣胡天湛

永安知縣高咸臨

禮部尚書王鐸三

大學士希福

熊洪

慶雲知縣張必科

一等阿思哈尼哈方綽備

寧夏巡撫李鑑

一等阿思哈尼哈方瓦兒指朱嘛喇

三等阿思哈尼哈方線應琦

大學士宋權三

許氏

索氏

東鄉知縣汪基遠

總督羅繡錦

輔國公世布石倫妻巴燕太

疏

選館奏疏

督學江南恭報入境疏

督學江南恭報出境疏

序

江南考卷清風序

江南大題文正序

江南拔貢齒錄序

江南歲貢齒錄序

朱亮工解元稿序

程北海經魁稿序

易學集成序

祝洪母許太夫人貞壽序

盧氏祀儀序

餘澤錄序

呂氏析爨序

文敦元詩稿序

倪母孫恭人行述序

馬甸臣狀元稿序

湯旌三會魁稿序

感應篇信深錄序

賀焦奎明榮署衡篆序

引

視園紀畧小引

政訓引

讀曾南豐先生文集引

移江南司獄募緣引

記

福堆岸建文昌塔記

選房書彙刪觀小記

重修城隍廟記

藍氏祠堂碑記

馬鞍山建廟碑記

讀房書文存小記

入粵道中記

贈叅政余公神道碑記

重修清遠縣文廟碑記

東郊農舍記

檄文

擬傳諭滇黔檄文

約

房社約

墓誌

戶科左給事中杭公墓誌銘

傳

黃母朱宜人傳

銘

瀛洲亭銘

旺山亭銘

海重氏舊硯銘

新製硯銘

端硯銘三首

長兄硯銘二首

鶴林族兄硯銘

祭文

祭魏味庵夫子文

公祭孫介庵文

書啓

候李操江
送石學院午節
答史觀察
答漕撫沈老師
答婺源令張含貞
答潛山令鄭恪庵
與姜玉璿
答韓如石
答崔秋濤
答樂昌盧令
候海右道
寄王提封二
答洪瑞玉
答張萊山
候李督臺
答韶郡趙太守

家言

過嶺候董撫臺
候操江宜撫臺
答和州楊牧
寄楊猶龍
答宋荔裳
答黃振侯二
答何麟飛按臺二
寄單拙庵
白齋箴語
丁酉寄訓子姪四
諸子姪應試寄訓
戊戌十二月歷山道中寄諸子姪
己亥都門寄諸子弟
己亥都門寄子啓亮八
入粵道中寄子啓亮三

甲辰寄子啓亮
乙巳訓子姪二

五署吟

陪祀 先師禮成有述



即墨藍 潤海重甫著

至矣 文宣天地并昭哉禮祀古今同 皇清啓運
膺弘籙聖治觀文重澤宮簪紱雖執電際儒紳郁
郁薦香中漿傾玉尊傳精意煙裊金爐上碧空黍稷
維馨俎并獻燔柴未燎氣先通江漢秋陽欽至德金
聲玉振美豐功鶴鳴音答九成韻蠟炬光聯萬點紅
祝版陳詞份舞罷歸來東望日方曛

習射

奠鼎恭階平角弓日競鳴雄期穿石虎技欲破川鯨
人慕天山業時嚴細柳兵何年長洗甲之子罷徂征

雪齋二首

不作丹山白鳳羨忽近北闕銀宮畔東海湧出黃金
輪藏公玉馬今再見野老田間笑宜麥依稀復遊華
胥國殿砌寒消春風暖靈園連璧記至德

前題

春回不凍玉樓粟會見青郊細草綠東皇一夜忽凝
寒柳絮輕飛如舞玉朝來東望赤烏翔桃枝李枝弄
晴光遲遲清晝陰霾遠淑氣細縕吹百昌簾捲浮雲
飛紫燕曉色融融無集霰五風十雨太平春長安人
競錢龍宴

冬月早朝

朔風凜冽滿皇洲昧爽朝天冠蓋稠
雉尾輝騰霄漢迴螭頭雲靄鼎彝浮
寒趨金闕陪鵷列凍合玉樓擁

翠裘香裊玉爐攜不盡珮聲直達九達悠

賦得楓葉微紅近有霜二首

芳林昨夜著清霜幻出新姿異艷陽
何似蜀江初濯錦或疑宮綵欲成粧
黃花籬下堪爲侶紅蓼灘頭獨作行
試送歸鴻遠極目揮絃聊一自徜徉

前題

一夜金飈過碧空楓聲蕭瑟半天中
霜綴葉飛瓊集白露盈珠碎玉瓏
秋色光添千樹紫朝曦影射一

林紅憑軒幾度詩思遠香菊吹來紫陌風

賦得秋菊有佳色

金井度秋聲寒雲處處生衆芳搖落盡
紫菊吐奇英翠葉經霜麗香花汎露榮
骨並庭松冷姿全砌竹清江干迫晚意
彭澤古人情使我忘出處看君如弟兄
朝來餐秀色夕去擷青精坐卧東籬畔
美異絕三彭

秋齋院中讀書

火流梧葉乍吟秋西過晴光翠欲浮
菰閣風高生澹奧蘭臺露冷倍清幽
論文寧厭撻三籙經世何辭閱九丘
徙倚磚陰渾不倦賓鴻飛過鳳池頭

中秋出師二首

天上將星懸北斗王師白露下專征
劍花飛去寒秋色雲氣薄來歌而聲
好看西周詠在錫遠同東漢建炎旌
一天霧淨機槍落坐對蛛光滿碧晶

又

漸瀝霜風轉素秋彤庭此日出貔貅
數推玉帳占宸

算候應金殿卜狀猷劍氣遠凝蟾魄滿軍聲高擬挂
香浮佳兵料非天王意佇看桃林已放牛

賦得抱玉乘龍驥二首

清廟羅珪璫天衢駕驕驪瑤光長燦發捷足任騰驤
初蘊荆山玉方生渥水塘連城誰重價伏櫪豈知良
雕琢晶芒現品題駿骨香黃琮千禧寶駟駟九連聊

又

嶽秀題千古仙標佳四疆珪璋繞砥礪驤裏半騰驤

潔護荆南月寒嘶冀北霜五都雙壁合千里一駟颺
楚價兼城貴燕聲入市長碧輝食李預駿足式王良
自幸邀 國寧甘紫韁琬琰羞砥礪駟駟謝聽忙
在昔瓊爲樹於今國作驕釣黃微帝子按轡識臯卽
什襲珍藍琇周游駕宛駟五雲擎瑞色六御卽康莊

玉署聞鶯

榴花芬玉署谷暖報流鶯巧作笙歌韻驚知物候更
柳邊還弱羽枝上逐新聲鼓吹真堪聽雙相與自生

古槐吟

禁苑朱明淑氣遲古槐垂影獨依依臨風蕩漾迷青
瑣帶月蕭疎繞翠微已向南宮沾玉珮還從北闕映
朱旂亦知向日葵心在願對堯堦永不違

賦得志士惜日短

偉人自相期經天與緯地桑戶長吟時早具凌雲志
起家作人豪立朝爲國器觀古弘濟才惟憑五經笥
立索啓其衷墳典益吾智矻矻以窮年千金刻不易

時乎不再來流光若奔駟願借魯陽揮日進無疆意

初入翰林言志二首

羽翼奮前路承明平坦開明心甘澹薄脫跡自蒿萊
朝起驅歎跼磚影生綠苔念茲開闢始天地煥雲雷
中原旣耆定越嶠自他徂明堂朝萬國棟梁需弘材
古人有遠猷巖我黃金臺風后扶帝業禮樂歸旦裁
不然徒組圭襍扶何爲哉王師不樂戰郵農撫困災
皇天眷幾康清光徧八垓長夜念臯夔拜手獨徘徊

前題

聖朝開文運秘苑毓桂芳
書錯綺綉細帙紛琳琅
夙心欽壯猷大雅規翱翔
先民有高矩祇奉思皇皇
才難古今歎何幸際虞唐
寸陰知所惜晤對流清光
願爲照乘珍常近御殿香
菁莪歌盛美圖籙慶遐昌

賦得五王諸侯雅佩環

列藩何幸際虞唐符瑞新
同石室藏萬國山河中帶
礪九重蒲璧間笙簫衣裳
丰惹仙盤露珂珥全沾御

馭香魚鱗未開鵲唱蚤佇
應鵲立侍朝陽

王師西征凱旋歌四首

赫赫王師擁旆旌西征旋
聽凱歌聲狼山萬里檣槍

息正振皇靈奏膚功

蒙妖梗化動軍威上將臨
戎賦米薇天子預聞麟閣

待洗兵喜見捷音歸

傳聞塵滅似銷氛復見班
師咏烈勛百日功成鐘鼎

勒願言持此報吾君

風淨初連牧馬還四千鳥道
越重關共欣天憲同人
意載祝皇圖億萬年

古雙劍 鄒平張氏得之土中

吳鴻淬血血應呼氣逼長虹
色更莫公家古劍何如
此千年魂魄難卽死弗弗時
見焰乘光錚錚聲復絀
狂兇奮錚入地物噴曉啓
匪視之劍雙翹一雌一雄
誰爲匹磊砢嶙峋似相招
潭樸自是三代器獨知盡
將銚鍛棄青鏐聖裔更來
斑珍藏不憚茵加私飲非
湛盧各成名含景吐商號
蒼精此劍聲價看遠近骨
性垂垂莫與京吁嗟表東
海者誰氏懋先世柯蔽蒂
輪囷應非牙

前題

金石亦皆存血氣合離潛
見聲光蒂豐年璀璨上干
霄究化蛟龍江水沸君家
雙劍宛雙龍何人寶惜埋
土中千古再見張光祿雲
閣未楫氣先通每夜星華
紫左右白晝無風奔雷吼
挺來霜匣看雌雄斑駁欲

掩瓊且玖鵬鵠青血盡歷歷從鋒斂鐔自有神幾多
賈器隨秋草碧質黝文妬松筠松筠歷雪柯難老古
劍經土榮益好景君堂構恭岱齊荒第兩難扶旭杲

前題

穆穆雙劍融範奇土花剝落太古姿若耶溪潤銅質
老蛟龍捧爐帝下之雷電奔走太乙守青圭蒼壁等
威儀不必肉試斷牛馬不必金試截盤匝峽峽不與
純鈎伍埋光韜鐔知何時神物千年待知己氣干牛

斗亦所恥何稱博物張司空奇人異物神相以一朝
築室如有異突兀雙龍掘地起鱗鱗鱗溢元氣藏沉
煙蝕霧孕綠紫綢以古錦騰寶玉橫拙如對古君子
主人云是賢大臣熟高身退煙水濱覆之華屋宇飛
景人劍契合如有神在昔人逝劍亦失此獨居然胎
後人仲曰爾季合雙寶珍重嘉命遺自親予聞數息
兄弟賢不然雙劍何不飛去學延津

祝宋相國太夫人二首

鈴閣風清畫錦開三千桃實度蓬萊紫雲吹出星辰
合丹籙傳從河嶽來鶴舞瓊枝亞綺席霞飛霽霽滿
瑤臺端揆彩繡笙歌會鳳詒時從天上裁

又

永日舒榮彩薰風度舜絃萱榮經七奏桃熟滿三千
玉饌邀君貺魚軒有子前人從開閣處飫聽白華篇

祝佟一元

赫奕聲聞起在東瑤瑤劍履大臣風物情久望爲霖

而帝簡先資度土功函谷幾人瞻紫氣鳳樓盡日對
丹楓霞觴歲歲清秋裏何事遙尋河上翁

祝賈膠侯太夫人

雲繞麟臺斗極東瑤宮喜試玉花驄山中新奏蟠桃
綠海外遙添火棗紅八載雷霆歌赫赫百年日月正
隆隆况是椿萱雙榮際好取冰絃報和熊

祝王梅和太夫人

甲子已經五百霜彩霞遙映西池鴈高風信婉栢舟

志善教能兼俎豆香孤鶴每驚天上至六鰲翻白海
中揚衣同萊子多斑舞頻展南陔第一章

祝海門高年伯

畿南喬蔭望亭亭長日惟馳坐隱經芝草醴泉看氣
類蒼松白鶴想儀型雁行並矯凌青漢鳳羽新齊瑞
紫庭從此祥符占太史少微光映老人星

祝熙宇傳年伯二首

中山蟠瑞五雲收鴈薦鶯花玳液浮萊彩編躍新玉

署楓宸渥寵舊金甌霞明桃李丹虹合籌疊蓬萊絳
厝修繞膝琳瑯琪樹燦依韓人在鳳麟洲

又

時逢大斗耆黃日喜見捧霞拜舞辰獻壽頻將金鏡
拂舉觴倍親玉顏真高風已遂二疏志砥節猶留子
政身此會擎卮多氣色年年長傍紫絲綸

祝父年伯時在京初選明府

河南仙令出朝端海屋新添帶笑看五色堯雲光劍

履千年梓厯注琅玕由來種德榮蘭蓋已見捧觴列
玉班正喜南山歌舞日葱葱佳氣繞長安

祝張年伯

丹詔生雲笈千山貢茯苓道成龍作杖離起鳳為翎
藜焰分斑綠藍光出汗青漢庭徵綺皓人頌百斯齡

又

介節雲霄薄海岱完名藝鼎邇崑崙碧桃千載今方
獻丹鳳九苞不可昆綸翟朝披鳩作杖斑斕畫舞魚

寫軒金莖玉露頻興祝火棗交梨送此存

又

堂開華祝列堯莫刺有新圖五嶽形東海三峯經瑞
氣西池甲子注黃寧秋高武調元日春滿崑崙映
歲星從此靈辰高絳厯欣看伯益佐虞庭

菊月祝劉年伯二首

九日風吹帽長虹繞碧霞夕郎多諫草台憲凜霜花
德重推元老功成返舊家綺園章武地長伴秋容料

又

高山雲迴椿萱齊選勝擇文傳木鷄斗極星明人號
老瑤池笙響母欽西河東三鳳方將遜荀氏八龍差
可躋况是紫液天草煥携來火棗配交梨

孫太師母節烈

鳬毛北至夜鳴孤嫠婉能爲烈丈夫咎并珠沉何歎
斷深淵玉碎豈同汙捐生惟願留霜骨仗節奚知愛
雪膚青史揚芳昭不朽千秋綸寵耀黃墟

挽法黃石夫人

杳杳鸞輿夢裏分佳城天命藹氤氲一燈幽焰墮犀
渚五色清光染鳳雲玉樹堦前傳奕葉明珠機下夜
迴文千年閨範經何處明月黯陬散曉雲

張氏五烈

太行之峯高挿天潯沱瀛海相周旋中有冰封玉立
之仙人波濤九曲無埃塵浮雲旣蔽孤城屯區區丈
夫何足論古來大節在兒女不死卽辱安遠巡津池

之水清且淪青蓮翠竹同鄰鄰湘靈鼓瑟曹娥舞一
時視死如含醇有母皎然照白髮仰天自誓安獨存
我心如石不可轉紛紛披曳如扶榛吁嗟若此患難
中捐生全節古所難何心太採神草仙班玉蘭森
森寒我一聞之驚世變此志千秋不可亂願言勒茲
金石心香冽如生炤芳篆

幽居

幽居茅舍裏義軒結心期鷺寂非所擇適志慰我思

黃花發霜前素節颺涼颼對酒仰浮雲滿院秋容滋
醉看琴欲彈情忘不自知頗笑獨醉人採英爲誰私

贈友人

橫秋風力撼朝陽特簡尺玉拜巡方半壁枯瘠生諫
草十年嘯聚適寒芒泱泱東海冰爲柱肅肅西臺劍
有霜那待青驄飛馭遍澄清先沐卿雲光

賀元圃

碧幹擎雙萼迥出蘼蕪群英邁驅元禮風流步左軍

臨文花燦管作賦氣凌雲共識燕山駿騰踏正秋分

賀廷肅

伯仲蘄家秀聲名到處香射斗鳴雙劍擁被掃千行
筆落蛟龍雨文成珪璧光雲霄咫尺近世美絢青箱

華陽卽事

勞勞苦行役爭似木天清賴此佳山水真堪怡性情
路隨雲外折人向鏡中行五日宛陵道山陰照眼明

旌德署中

池鳳易馳馬宣文稅此方人思存夾袋已矢持空囊
明月紛蒸閣溪聲寒玉堂也知簫瑟甚期不負君王

東郊吟

白齋二首

先侍御肄業於萬卷樓復治此齋顏曰白齋有所
著白齋表話今失無存僅有集行世自正德丙子
至今百五十年余於崇禎乙亥督理重建今得游
息焉學疎識短不能仰承萬一賦此志愧

原是藏修處行將二百年著書垂後嗣創業屬先傳
直道由來尚孤忠自昔憐展卷思祖烈循此保無愆

又

鴈堂由舍蔚文光先業傳來八代芳當日圖書存萬
卷於今簡冊有餘香余生碌碌成何事祖德綿綿志
未遑兀坐幾竿修竹下遺編鄭重奉圭璋

省克軒

此平地也余於崇禎癸酉之秋築臺造屋名曰省
克軒甲戌就此肄業至乙酉科計十二年寒牕之
苦不必言矣先後同社則王提封孫介庵王鳴元

王仲玉楊升之楊葵卿呂秋卿胡二酉宋惟恭尹
潛初廬樹之趙雲子袁雪航姜玉璫諸公也若嚴
訓督責業師裁成朴作教刑更何忍忘賦以紀之
並示我後

昔日讀書處景行此二賢風塵連雨榻古冊印新編
好友文壇聚高軒真氣偏浮名何足論庭訓永昭宣
農舍

郭外存遺址相傳自有元滄桑經幾度今古仰初猷
建舍平荆棘明農念本源酌酌阡陌上力穡好傾樽

亦園

昔日丘園麗於今奕葉芳澗花涵錦繡種竹聽笙簧
茅屋桑麻近山亭簡冊藏惟斯堪退息却笑一空囊

春日坐旺山亭

東郊林下草青青先代起家鍾地靈大海迴環流厚
澤高峰羅列拱華屏白雲咫尺松楸暮綠苔蘚喬森
稷醜世事於今何必問蕭然誦讀旺山亭

預卜宅北四首

吾老將何往瞻依祖父林旺山凝厚脉帶水繞高岑
坊表它年事椒漿孝子心四圍真樂土松栢已成陰

又

未竟生平業先謀善後方封丘千載樂按脉五行良
太乙春光燦少微斗極昂山河應有意爲我設高岡

又

祖林餘氣映山川喜遇仙宗扶秘篇兩水關合真地

剎諸峯森列若雲連遠瞻覆釜文星案高卧平原太
史阡潦倒一生無好况祇園異日得安然

又

酌量心地是何人結構佳城有夙因六秀鍾靈臨下
土三台應瑞拱茲身鬼神呵護原非幻砂水分明亦
可遵向後福基今莫問朝朝暮暮侍吾親

四月十日歸自城市燈下獨坐

醉遊郊外意蕭疎纔到城闌興澹如冷暖俗情多厭

棄公私漏孔日躊躇浮生猶得煙霞想老病偏宜藥
餌噉獨伴青燈魂欲散破愁幸有案頭書

亭前蓮花

綠陰濃澹繞亭前老景相宜看蔚芊栢籬邊經早
虐種荷鉢內遇時鮮孤標映日紅葉發輕態迎風翠
色偏草卉從來佳氣鍾清波素節續詩編

甲辰歲暮讀新曆有感

舊過方思補新書又早頌山川還翠色日月促衰顏

壯志今何在餘生猶未聞達觀真似癡對此意全刪

東郊除日

偶逢此際亦何心潦倒荒郊貧病侵拙守一生虛歲
月勤修三徑是山林亭前風雪紫愁緒几上琴書羨
好音把酒長訝今日事明年松栢應森森

正月十一日猶子啓晃速諸父昆弟有佳客在

座賦此紀之

喜得天倫樂嘉賓並儼臨一堂循禮教數代奉規箴

簫鼓鐃前奏詩辭座上吟藥垵即永宵燈火燦此會
勝於今

正月廿日試犁

方召傳柑節夾鍾律早逢扶犁耕壟陌酌酒奠先農
夙駕憂勤意矍懷雨露中有秋豐享祀賦稅借斯供

勞山道上

節屆仲陽朔驅車望遠崧大風吹雨霽瘦骨歷天空
曲徑懷幽致層巒羨化工虞淵臨勝概展墓意忡忡

華豐樓

縹渺雲煙裏山河特地開翠屏光樾蔭文筆振蘭臺
祖澤川原永孫謀德業培層樓高捧日歲月幾徘徊

環繡堂

二勞佳氣鍾山房忠孝相傳奕代昌錦繡四圍天際
永雲煙一望祖林芳歸來偃息時幽興辭去繁華昔

玉堂舊業維新思柱礎偷閒把酒聽松篁

東郊卽事

荒郊一望是平坡，版築經營意奈何。四載憂心方創闢，一生拙計愈蹉跎。依依柳色籬邊種，颯颯松風苑內過。欲鬻淵明偏愛菊，可憐衰病日逢魔。

植栢二首

卜築東籬下，時和百草興。散材非所願，勁節有同稱。聳秀濡巖谷，清香薦豆登。栽培條暢質，貞志凜霜冰。

又

方義凌雲志，清標已出塵。幽巖逢閭氣，直節勒貞珉。

老幹明堂重，疎枝壽世珍。榮枯嗟萬物，惟此懋長春。

病中自歎二首

賦予中人質，淬磨日以長。風塵多困頓，雲路歷翱翔。耐苦平生志，積勞兩鬢霜。歸來時偃息，扶枕問耕桑。

又

歷源從來苦心勞，運未逢寒曉。曾惕厲玉署，亦籠罩。內外升沉感，山林風雨共。室人交謫，偏何處寄萍踪。

病瘡

顛顛何堪問，渾身癬疥憂。瓜皮開痛癢，漬肉刺戈矛。魔病侵今日，仙方延去癘。達觀高世界，心事若雲浮。

清明前一日感賦

二月十八日 大風掀屋

春光虛度意忉忉，陣陣狂風草舍驚。把酒勸農諄帝力，檢書課子振家聲。山林有興詩篇詠，鳥花何心枕畔迎。俎豆茲芬將享祀，須知來日是清明。

清明日祭先壟

記事逢嘉會，几筵列豆籩。懷愴昭格，應敬慎永懷宣。

展墓邀神貺，克家望後賢。雍容觀禮度，試誦白華篇。

哭先太史公墓

松楸一望淚沾襟，況是寒食鬱鬱。故享禮九原雲慘，澹棄兒十載日浮沉。丙申至今已已，旺山佳氣先靈安。曲水清流奕代深，吟罷蓼莪空涕泣。遵依庭訓永思箴。

哭長子啓先夫婦

弱冠誕汝喜麟祥，賦質岐嶷旭日長。拔入辟廱方發軔，摧殘旅邸忽云亡。乾坤正氣還貞烈，夫婦榮名允

表揚哀我柔腸成寸斷每逢節序衷情傷

燕餘

祭畢從來燕一門少長同驅車迎曉日返轡歷和風
先代遺規在後昆秉禮中不祥甘雖治何用享梁豈

東莊草堂上梁偶賦二首

生烝臨東壁德星世代揚棟梁初發育堂構佇輝煌
手口拮据拙憂勤夙夜高山川靈瑞應修業慶流長

又

茅屋迎天瑞耕耘畢此生芳華開正始日月麗高明
結構鵲巢苦賦懷望韻清居安思履險家世岱雲平

上梁喜飲

今日棟隆吉殷勤舊業新清明方屆節順類亦逢春
山水臨幽興詩書對古人開樽訝且飲何事苦風塵

友道

自古稠蘭契投歡似漆膠三春看情發五夜聽更敲
世界原宏廓人情奈斗筭嗷嗷訝伐木聲氣莫云嘲

園中有感

亦園滿瀝頻來臨風雅昭宣慕好音莢葉連雲訝杏
苑高枝覆露卧槐陰鳥聲嚶嚶空中過花影沉沉廢
裏爭春暖世情何足歎宏開眼界老山林

真我

靜裏觀空我降衷渾是人坦懷光日永素位樂天真
何事紛華想惟知澹泊親鬚眉存古道悔過及吾身

亭前梅放

嘉卉培幽徑冰姿傲雪霜上林多點綴玉樹早芬芳
博物芝蘭並調羹鼎鼎良一枝春色動雅況足清香

妄念

物物皆爲幻紛紛意奈何平心觀理數妄念自消磨
虛度風霜老勤修日月過本來無一事空洞養元和

草堂落成

家園荒徑日杳杳何事萍踪寄海濱舊業已傳三正
朔新廬肇造百餘旬勞心綯索經營拙舉趾桑麻稼

猶親莫笑結茅多庫陋白雲望處好安貧

甲辰乙巳年病無虛日

予命何荼苦焦勞竟此生雲山遊已倦瘴癘入難清
魔病呻吟久而目浮腫哀形痛癢并連年瘡今朝猶
昨日顚顚意怛怛

元坐東郊

茅屋遵先制土階裕後寬量材慙柱礎雅志羨蒲團
一匕蔬羹味百年魂寢安風波思起處三徑好盤桓

讀康熙甲辰會墨

時制新華國斯文今古存重闡光間氣多士慶臨軒
昭代儀型式它年事業著掄材崇實效應不負宗門

康熙乙巳三月讀詔赦喜賦

君恩浩蕩厝無疆鳳詔煌煌出帝鄉解網維新矜
犴獄蠲租依舊恕豺狼國家錫福聲光遠吏胥蒙
庶意氣揚突變潛消沱雨霽長林豈草祝穹蒼

瓶內花

五色繽紛日折來几上華清香娛斗室燦爛映腮紗
佐酒消愁緒吟詩起興除可憐衰病樣對此頻咨嗟

憂旱

黎庶不堪命家家懸磬時飄風吹永晝霖雨望無期
軍旅呼庚癸閭閻數斗箕昊天如蒼頡沛澤起瘡痍

康熙乙巳山春徂夏亢旱百有餘日至四月廿

二申刻風雷大作小雨淋漓稍救一時焦枯

枯田賦

阡陌無青草憂虞徧道衢三農空播種萬戶緩須臾
此日雲雷動及時風雨蕪蒼生終有望薄歛供追呼

督工

耕稼方憂旱茅茨闕土工程材多庫陋傭役半疲癯
索索經營苦勞勞廩庾空甘霖猶未洽何日告成功

入衡過天柱山

天柱凌空起俯臨千仞岡羣峯羅翠黛大海拱汪洋
東望扶桑迎西迎泰嶽光遊人思仰止夷險道中商

人心

世道原平恕嶮巖歎笑嘖辯言
諸法界陰計盡人倫
波浪無風起非蕪任意躑青蠅
詩有刺何日挽沉淪

恭擬 御製和碩鄭親王碑文

朕惟帝王之興肇造區夏莫不本祖宗重熙累洽之
仁則必篤生一二懿親賢輔起而股肱昌贊之故生
則有建土之封沒則有貞珉之賜所以昭示來茲垂
不朽也朕丕膺 天命續 二聖之洪基正中卯之
大統厥惟我和碩鄭親王多左右焉王於朕有諸父
之親於國爲元勳之舊賦性端耿慷慨多大節有古
貴臣良將風其智識膽畧上合鷹揚下符孫武武所
謂當機能斷好謀而成者也當 太祖武皇帝經綸
創造櫛風沐雨之中及 太宗文皇帝纂承玉業協
建靈符王親歷行間握奇制勝身冒矢石氣驅風雲
以是諸部聞聲款服群雄引領內嚮則王有先登陷
陣之功及 皇考升遐掖廷難發聲起蕭牆諸王兄
弟乘而媒孽其間暗奸神器王憤激於心義形於色
妙畧潛授傾城擁戴國本以安則王有羽翼定策之
功以至提旌擐甲發命入關義旗所指群醜風靡雪

神人之共憤禍難剗平拯湯火之遺黎登之衽席王
實克贊元戎式襄廟畧則王有匡輔英鼎之功朕始
冲齡茂膺昌籙親政之始王又苦啟金匱畏周避
輪丹貢蓋劉直發於沉涕忠懷見於嘉謀累年以來
體國垂制經緯萬端上下一心同軌於道諧如用人
行政王綜紀條貫利害洞然靡不詳要咸宜仰當
天心俯惟民志則王有黼黻化成之功以視曩所
載乃心王室勛施四方雖周之公旦何以過之昔功
在宗廟社稷者於鼎有書於鐘有勒凡以沉之無窮
聲施茂遠以王之文武桓桓志勵千秋終始不渝爭
光日月者如此思所以克播遺徽淑之穹壤其惟是
表石永垂封隧庶幾與河山帶礪之盟並傳不朽云

恭擬 御製昭烈公廟額碑文

朕惟國家誕膺天命撫有萬方雖太祖功宋德垂謨
鴻遠實亦股肱之佐竭忠宣力有不吝泝者焉既憑
殊爵以酬勲業著令名以垂世襲佳訓來茲典攸係
自古然矣故國預首備王佐之才秉上將之器當
太宗文皇帝時每從征伐所見克捷如破董夔攻寧
遠以及山東河北加兵之地屢墮名城迨入關擊沉
寇李自成二十萬衆追奔逐北十餘里厥績尤著定
鼎以後四征不庭大小百戰未嘗不身履行間或稟
受方畧或專任節鉞臨陣先登戰勝攻取八閩三吳
咸歸底定勛功拜爵俸代為多至其翊戴朕躬撫戎
不二於朝廷危疑之際力匡王室竭忠潛消智勇深
沉節堅金石又勲在社稷非獨積累戰功昔方之古
名將軍與比隆焉朕追思創造之艱念其盡瘁以碩
且懼久而湮沒無傳也宜勒石紀之貞珉不朽英烈
壯猷將與河山帶礪並永萬禩矣

恭擬 御製一等阿思哈尼哈方碑備碑文

國家有宣勞績伐之臣成績懋著其生也載在旂常
綿以帶礪及其既沒則必勒諸金石用章不朽故碑
備者性秉忠貞才優匡濟當我太祖武皇帝肇興
景運太宗文皇帝締造鴻圖輝備以從龍舊臣左
右翊贊從征頗倫克色頗黑庫倫泊山東濟南等處
屢建功勳實嘉賴而擢任司農前後克勤用皆累官
崇階竭忠盡瘁以致殞身可謂勤於王事夙夜匪懈
昔矣朕既憫其死而優恤之用是考稽舊典特允禮
部請勒諸砥石紀其芳徽庶幾天下後世其有所觀
感而興哉

恭擬 御製湖川總督羅緒錦碑文

國家王基建時維碩德宣力四方在晉崇秩沒訖
名所以教忠也朕統一中原顧瞻南服惟爾羅緒錦
祇文武十單勒定力為朕藩屏戡將制兵可謂不遺
憂君父者矣至於王師顯耀多賴維時裨漕漢中士
咸宿飽跡其幹畧良策哀器爾自先皇簡拔佐績
水衡繼緝國史侍從禁近殆二十載先帝亟稱曰
能肆朕初定鼎即以爾填撫兩河功施昭然洎移三
楚爾早志殫忠忘身殉國佐佐蹇蹇戮力封疆未竟
厥績實志長往朕甚悼之既已溇邨茲復稽古旌厥
勲於貞珉以貽將來用慰爾九原且勵爾後人云

臨晉縣縣丞分贈金吾左衛經歷吳希賢
爾官雖末秩守土之責與令長均之當小醜之變爾
能奮不顧身殉城以沒可謂有烈士之概矣爰賜祭
一壇以彰哀卹爾其欽承之

夏縣縣丞分贈旗手衛經歷汪光祖
人臣以死勤事雖在卑微必加哀卹爾值賊氛狂逞
矢志殉城甘心沒命良可憫焉爰賜祭一壇用旌毅
魄爾其欽承之

沂水縣典史分贈夏津縣主簿楊懋文
爾服官末史義切同仇值小醜之伏戎甘捐軀而殞
命可謂有烈士之概矣爰賜祭一壇以昭優卹尚克
承之

松江府同知分贈江南按察司副使楊之易
同讐者烈士之壯懷殉城者貞臣之亮節爾松江府
海防同知楊之易分猷著效佐治騰聲方期盡力人
民不意捐軀城社可謂矢死不回以畢其志者矣非

昔上聞深懷悲悼特賜祭一壇造墳安葬以表英魂
尚欽承之

長子縣知縣分贈山西按察司僉事李允昇
自逆賊之變蹂躪諸邑凡我忠良宜加優卹爾長子
知縣李允昇丹忠素著亮節克持篤於忠貞殉城以
沒深用悼焉爰賜祭一壇造墳安葬爾靈不昧尚欽
承之

屯留縣知縣分贈山西按察司僉事陳思忠
爾率牧屯留克勤撫字時值寇警致陷名城爾甘以
節殉雖死不二亮節丹衷實可嘉憫爰賜祭一壇造
墳安葬爾靈不昧庶其承之

漳澤縣縣丞分贈河南濟源縣主簿吳崇信
人臣之職有崇早效忠之心則一爾官居末秩值賊
氛之變抗志不屈以死全節可謂烈矣爰賜祭一壇
旌爾毅魄尚欽承之

松江府知府分贈太僕寺卿傅世烈

屬典制即重籍絲懷惟爾良臣用勦撫輯乃逆賊忽
起抱憤莫舒並力擒渠夫同仇而殺賊挺身固圍甘
積瘁以捐軀可謂封疆之臣效死靡二者矣所司上
聞深懷惻悼特賜祭一壇造墳安葬英魂不昧尚克
承之

沭陽縣知縣分贈江南按察司僉事段上彩

爾哉率沭陽奇命百里克勦撫字式愜輿情不意賊
氛忽逞變起一隅乃能抗志不屈舍生取義良可悼

馬特賜祭一壇造墳安葬旌爾風烈英靈如在庶克
欽承

准封一品夫人傅氏

補弼調元移孝行而為憲亮朝廷錫類因子績以恤
幼勞爾傅氏乃少師家太子太師貴夫正一品係內
翰林秘書院大學士兵部尚書兼都察院右副都御
史洪承疇之母賦性仁慈宜家姻睦相夫而徵昧旦
敬戒無違穀子而謀詩書愛勞備至蔚為與朝之良

佐宸茲開國之鴻勳蓋由父教之忠抑亦母儀是式
乃白門出鎮既陟岵以興悲黃閣宣猷復瞻雲而頤
涕痛並深乎怙恃禮宜備夫榮哀特賜祭四壇造墳
合葬孝子顯親承自天之殊寵淑媛徽德慰同穴之
夙心爾靈有知尚克歆享

下葬文

惟爾倡隨合德篤生輔世良臣忠孝流芳丕顯傳家
令範方宣載誥速掩幽局茲以下葬賜祭壙膺綸綍
之榮永賁松楸之色爾靈不昧尚克歆承

浙江道御史加一級分贈太常寺卿張煊

舍生者臣子之誼恤死者朝廷之恩特沛龍章追光
馬麓爾浙江道監察御史加一級張煊秉心霜肅語
事風生馳去烏臺壯披丹而入告鶴歸華表歎化碧
以非辜躋幽穽於清卿庶酬素志寵遺昆以撫仕用
慰輿情特賜祭一壇給與全葬挂餌椒漿少釋九原
之痛里碑宿草長昭三錫之榮爾靈有知尚克歆享

故劉采歐陽氏李氏

人臣職效編摩情深怡特朝廷恩隆錫類禮備榮哀
爾劉采歐陽氏李氏乃內翰林國史院學士肇國之
父母美方作訓慈誨宜家持禮貽謀穀子蔚圭璋之
器門閭衍望成材蜚琬琰之英爾子朝允儀型陶鎔
多士史局裁篆黼藻先猷蓋由公教之忠抑亦母儀
是式方胡龍章寵錫詎期馬鬣塵封朕甚悼焉特先
所請終與祭葬祔承珍奠用賁五鼎靈如有知尚其
歆此

沙縣知縣今贈福建按察司僉事董潯

爾武軍沙邑克勤撫字方資保障遽警賊氛乃抗節
不屈殞身城社可謂烈矣所司上聞深用憫悼爰賜
祭一壇造墳安葬爾靈不泯尚欽承之

順昌縣知縣今贈福建按察司僉事錢嘉倫

爾作牧順昌勞心輯撫賊氛忽起矢志殉城可謂舍
生取義視死如歸者矣所司上聞良深憫悼爰賜祭

一壇造墳安葬爾靈不泯庶克承之

大田縣知縣今贈福建按察司僉事胡天湛

爾武軍大田撫綏茂著時值寇警致陷孤城乃厲志
不回甘心殞命可謂烈矣所司上聞良深憫悼爰賜
祭一壇造墳安葬以慰忠魂九原有知尚克歆此

永安縣知縣今贈福建按察司僉事高咸臨

爾武軍永安寄命百里克勤綏輯式愜輿情乃逆賊
搆亂抗志捐軀可謂見危授命者矣所司上聞深懷

憫悼爰賜祭一壇造墳安葬以表英魂尚克承之

少保兼太子太保禮部尚書王鐸

惟卿賦德淳龐秉心渾厚學苑東壁探石函金匱之
藏才擅西京冠玉署木天之雋晉宗伯而典禮夙夜
惟清賦皇華以明禮星霜靡盬多材多藝有猷有為
廼稱秩華封敬驅馳於仙掌而告度江濱積勞瘁於
簪萊五事嘉其克勤大禮因而肇舉方期貞憲考度
黃髮無怠在念悔雨冥風繼衣永逝朕聞報訃痛悼

良深特賜祭九壇造墳安葬嗚呼敬敷五典肅威治
以和衷卹賁九章既殊恩於熙績兩靈不昧尚欽承
之

各壇祭文

惟卿德器冲炯學識博雅方資典禮遽嘆奄終日月
不居深懷追悼載頌諭祭用示隆恩慰爾幽靈歆茲
異渥

下葬文

惟卿嵩嶽降靈河津毓秀書窮料料筆競蛇龍方期
秩叙以寅清何不忽遺而即世遣官祭葬用慰九原
靈如有知尚其歆格

內翰林弘文院大學士希福

致身盡瘁者臣子之精忱竭善褒忠者國家之盛典
爾才兼文武性秉端方歷事三朝曾贊開天之烈服
官四紀共推貫日之誠將命臨戎佐勇徧聞於外運
籌定策勲業久著於中方倚重此忽驚凋謝爰頌諭

祭用表悽懷錫寵黃墟庶享純忠之報沉芳青簡長
垂良弼之名靈如有知尚其歆此

熊洪

人臣職任銓衡情深陟岵朝廷恩隆錫類思慰趨庭
爾熊洪乃吏部左侍郎文舉之公儒行克脩義方式
訓教子蔚圭璋之器藻鑑人倫傳家貽冰雪之操甄
陶品類方意載膺赤芾寵賁龍章何期遽嘆五鼎盛
封馬鬣特允所請給與祭葬靈如不昧尚歆承之

慶雲縣知縣今贈山東按察司僉事張必科

同讐者烈士之壯懷殉城者貞臣之亮節爾慶雲縣
知縣張必科任當守土遭值賊氛乃能抗志不回甘
心頂命良可憫焉特賜祭一壇造墳安葬九原不泯
尚欽承之

一等阿思哈尼哈方緯備

致身盡瘁者臣子之芳踪卹死褒忠國家之盛典爾
才優幹濟性秉潔清歷事三朝久贊持籌之績服官

數紀彌昭秉鉞之功方期勒鼎銘鐘用彰帶礪何意
冥風晦雨遽萎芝蘭朕甚悼焉特頒牲醴遣官祭奠
嗚呼桂餌椒漿慰九泉而永湮豐碑宿草沛三錫以
長榮靈如有知尚其歆此

寧夏巡撫都察院右副都御史李鑑

惟爾才猷茂美器質端凝昔制宣雲載藩西夏寧鎮
兵民錯處蕃漢雜居爾意在保登恩威互濟紀綱肅
振遠徼澄清朕甚嘉之何期壯猷未竟一旦奄終所
司上聞良深惻悼特賜祭一壇造墳安葬靈如不昧
尚克承之

一等阿思哈尼哈方尼兒招朱咏判

致身盡瘁者臣子之芳踪恤死褒忠者國家之盛典
爾秉心謹慎供職寅恭歷事三朝勤勞昭於王室捍
戈百戰熟畧著於行間方期效用永年何意一旦朝
露訃音上聞無任傷悼特頒牲醴遣官致祭靈如有
知尚其歆此

三等阿思哈尼哈方綠應琦

致身盡瘁者臣子之誼恤死褒忠者國家之典爾持
躬恪謹效職寅恭肅守官常無改小心之度服勞王
室久稱勝任之良方美遐齡永資幹濟何期朝露遽
報奄終朕甚悼焉特頒牲醴遣祭奠爾靈不昧尚欽
承之

內翰林國史院大學士太子太保宋權

惟卿德性端方猷為敏練才優戡亂除寇奏節鉞之
勲謀裕經邦佐命重鼎鉉之望緬惟肇造實覲膺功
迨晉秩彤扉亮采疇而熙績宣猷紫閣贊機務以調
元繼難遐迹立國朕實眷懷寤寐方期茂綏福履克
享遐齡何期遽嘆奄終溢先而哀朕聞報訃痛悼良
深特賜祭九壇造墳安葬嗚呼錫羅黃墟庶享膏肓
之報沉芳青簡無忘後后之誠靈如有知尚其歆此
各壇祭文

惟卿樹品端凝秉心淵厚蒙資獎理久藉護猷方期

永碧松喬何意遽傷凋謝日月不若良深悲悼載頌
訃祭伴慰幽重爾如有知尚其歆格

下葬文

惟卿猷降英姿 頃抱國欽黃耆義著丹心方期
鮑背無愆何意蔡質遽萎遣官祭葬用表哀榮嗚呼
魂騎箕尾望華表以來歸氣壯河山鬱佳城而永奠
靈如有知尚其歆此

許氏

人臣職校圖書情深顧復朝廷恩隆錫類思慰効勞
爾許氏乃內翰林弘文院掌典藉太常寺卿王鍾麗
之繼母賦性仁慈宜家姻睦維鳴徽志舟汎銘心既
撫孤以有成廼服官而無歎爾子典儀夙諳名著西
清圖史尚司勞深中秘益由義方式訓抑亦慈悔惟
良方期寵渙龍章担意塵封馬鬣良可憐焉特允所
請給與祭葬祇承珍奠恤賁玄靡慰爾合窆歆茲異
渥九原不昧尚克承之

索氏

人臣職領司銜情深顧復朝廷恩弘錫類思慰効勞
爾索氏乃太僕寺少卿管吏部大選司郎中事金拱
敬之母賦性柔嘉宜家訓睦穀子符特達之器典選
無私官人程載采之英敷施有效固由義方式訓抑
亦慈悔惟良方期寵渙賁六珈詎意溘先一旦良可憐
焉爰賜祭一壇用彰哀恤爾靈不昧尚克承之

東鄉縣知縣今贈江西按察司僉事汪基遠

爾貳率東鄉克勤撫字方資保障遽警賊氛抗志不
回殞身域壯可謂烈矣所司上聞良用惻悼特賜祭
一壇造墳安葬爾靈不昧尚克承之

湖川總督都察院右副都御史兼兵部右侍郎

羅緒錦

惟爾才兼文武性衷忠貞侍從禁庭松經綸於有素
保釐河洛彌風鶴於未形朕惟川湖之衝夙保安危
之界簡茲舊望用聽便宜爾能克詰戎兵折衝禦侮

調和將帥布德宣威方類長城遂摧梁木朕甚悼焉
特頒牲醴遣官祭奠嗚呼寵錫泉壚庶享匪躬之報
勒功琬石幸昭不朽之榮靈如有知尚其歆此

補國公世布石倫妻巴蘇太

適王化之本原閨門稱首肅人倫之綱紀節烈居先
欲弘風勵之權可斯表章之實爾巴蘇太乃補國公
世布石倫之妻純孀季女閨名媛歸戎宗臣丰彰
懿德屬祈天之就殞遂視死以如歸畢命黃泉覺微
音之未遠垂名彤史尚生氣之凜如芝蘭之性原存
初無愁於風雨松栢之姿不改復美憾於雪霜沛茲
有赫之王綸永勵守貞之女士

選館奏疏

順治三年四月初六日臣藍潤謹奏為痛革亡國
黨與之習以正百官嚴絕中外賄賂之獎以救萬民
事臣聞古帝王之開闢天下垂法萬世也先之以剛
方正大以照臨百官勤恤萬民然後官民相安於無
事而可坐致太平之盛治歷代利弊相因而其興革
之法各不相沿惟在精明之主釐剔而振飭之俾正
人在位貪人潛踪矣有明之季公道廢弛積弊連生
遠近相傾上下相蒙罔已則傾生羽毛已則立墜
深淵賄賂公行脂膏下竭是以釀成禍亂竟亡其國
亦可為後世之永戒也幸際我皇上御宇以來百
務維新凡所以警官邪而衛民生者固次第舉行矣
臣以為今日要務有二一曰革黨與一曰絕賄賂夫
黨何以革也分門立戶交結莫解且有在黨而言黨
者何以辨其不黨賄何以絕也黃緣行私暮夜以之
且有受賄而沽譽者何以見其不賄夫京師為諸夏

之表一切皆自此始大率各官之自營其害耳而因以糾之乎衆遂至舉國不敢一言相正者黨以納賄無賄非黨明為陋習勅曰舊規不知百官之賢否於是乎定萬民之性命於是乎開國家之安危於是乎繫非至加清除大昭公道有犯無赦懲一警百而欲徐以俟其自新必無異也試觀萬民受害極矣二三年來力雖少避而元氣則未遽復恤民之詔屢下有司之本行不謹草野窮簷得見皇上而控其荼毒乎腹削子遺以為奔競權貴之資世之可羞可厭莫此為甚也竊恐貪婪彌縱各為共黨以私譽而誤軍國之大事亦何賴有若臣哉正百官以救萬民莫若大破情面申明是非整理綱紀即所以杜亂萌而銷禍原有更相汲引以協恭無互相朋比以利民務使世道人心迓乎淳樸之俗漸臻郅隆之化此至天子當陽法在必行凡內外臣子誰不鼓舞以思耀於光明期盡忠君愛民之心而敢仍蹈前弊乎

臣

謹將所知具陳伏惟 皇上採擇施行

甲午督學江南恭報入境疏

提督江南江安等處學政內翰林弘文院侍讀臣藍潤謹題為恭報微臣入境日期事臣一介書生叨中丙戌進士蒙皇上拔置史館歷任今職每愧學疎才短無所表見茲荷特簡衡文江左臣聞命以來夙夜冰兢於朞月拾伍日陛辭就道今於玖月貳拾肆日入境受事矣獨是陋風頽習相沿已久臣惟有恪遵勅諭絕賄賂破情面釐正文體以挽波靡如或有私下特上千國紀亦大負皇上任使之至意況臣素志靡他敢不益加謹惕以仰副睿慮於萬一也緣係恭報微臣入境日期事理未敢擅便為此具本專差承差袁嘉慶肅捧謹題請旨

甲午督學江南恭報出境揭帖

提督江南江安等處學政內翰林弘文院侍讀臣藍潤為恭報微臣出境日期事職於順治拾年閏六月間蒙皇上特簡衡文江左自入境受事以來凜奉嚴綸仰體皇上育才之意日夕飲冰公慎自矢拔孤寒正文體諸凡學政攸關勞怨不恤茲當彙試告竣於拾壹年拾壹月初捌日接禮部勘劄為江南既已改省學差不宜仍舊事內關吏部題覆臺臣白尚登疏原差詞臣回京供職奉旨依議欽此職隨將任內行過事宜并經管師生空缺庫糧銀兩備造清冊咨戶禮貳部外今於正月貳拾壹日出境矣職一介孤踪幸弛重任復得近侍天顏良愜職之夙心也為此除具題外理合具揭頂至揭帖者

甲午科江南考卷清風序

余賦性迂拙不合時宜西清數載日追隨諸同志揚扆拈舌
癸巳廷議罷巡方其試幾輔江南特簡中秘書遂
奉命視上江飲水茹蘗益加惕受事閱旬檢諸士
貢方又旬日集江寧太平士校分甲乙比歲云暮矣
越春之六日西南啟塗次徽寧折而北轅渡江歷安
池之虛之鳳之滁於仲夏竣事復南旋句曲意半載
間風塵鞅掌不恤况瘁亦甚憊已堅白乃心指天
夫日猶思任之不勝其何以容朝廷而謝多士哉
然蒞任南邦以來念人文炳蔚為習俗所染務奔競
尚虛聲而不事心性之業以致士風澆靡而莫之拯
每不禁慨息云嗟乎國家儲材於學宮將以端其
志而大其用顧使根柢之地若是其頽沔也不思所
以變易之長此安窮乎因思文之興有二早者庸庸
無所發明高者驚奇地逞浮誇而無當於學問爰發
條約去宿弊滌習氣及覆告誡凡所以令之改弦易

轍期進於聖賢之域者美善古微顏充况太章關乎
世運若雕繪語句剽竊為工欲從帖括中現出清涼
法界必不可得也夫自術自媒士女之醜行干時求
進吾道之明忌邇來士子亦知厲廉隅耻徵倖矣但
領悟入微固有其人而庸衍者亦復不少余校閱所
至夜以繼日力靖塵氣更定數番揅其格調清雅性
靈者拔之前茅亦幾經嘔血日事藥餌而此志不敢
少懈惟深識鑒與乃歡然內憚也於是彙諸郎之蕓
而嘆之曰於都哉郁郁也彼清以邁瀛而南容者昔
都人士之風也質而靜儉而淳其姑孰之遺風乎宛
陵多隱君子而星源名理建宋今流風猶存也然而
清滿迴映疊嶽迎舒亦有得於山水之勝與至望華
嶺眺漳湖界大江南北其搗詞也巧不入纖雅而不
艷敦樸之風尚見其一斑也廬江任俠事詩書塗山
工雄武吾聞其語矣今折而入於文或為炎炎或為
洋洋風亦丕變也迨晰理含章文質相等桐汭歷譙

風氣雖殊彬彬然各有其長焉余竊其大較聲調響
順毅然擴清如白日以照之江河以滌之浩浩乎其
莫之禦也國君聖而人文聚士習淳而儒效昌士
子振翰摘藻諱群廊廟端有類於今日矣俾行與
與文兼名與實副庶幾百世而下猶傳其清風云

甲午科江南大題文正序

文章者性情之風標神明之律呂也蓋古作文之體
心質文相半艷雅相資如雲霞在天有踰畫工之妙
草木育華無待錦匠之奇倘佩玉者左宮右徵以節
其步聲不失序音以律文斯為得之述科以來風靡
波蕩亦歟極矣有自正而趨敝之時廼有自敝而反
正之時窮然後變易之理也聖天子崇儒重道稽
古右文特簡侍從之臣司南北文事將以式型海
內正文體以正人心正人心以正風俗也余特銜上
江恩以燕石為美玉以郢賦為麗藻不黃娛目銛錯
聳耳而莫與之辨觀之者不掩口而笑乎況士習
未淳機智愈工求真才清積獎更難得之於今日矣
兢兢自持勅色相戒先後下遺餘力多士亦各滌慮
洗心去險僻之習而漸歸於雅馴秋闈得士於斯為
盛至蒙_或而外復董之以月課積案盈箱約二萬餘冊
余病中翻閱自夏徂冬收其含吐性靈抑揚詞氣者

刊行寓中以惠後學，義所謂離經叛道，操出於偏安。
叔季之所尚者，蕩無餘矣。竊嘆古之人事，事醇素，分
則莫不雕飾，其習使然哉。倘內無其質，而外學其文，
雖有賢師良友，若畫脂鏤冰耳。亦何以成天下士故
作士莫如敦實，高其行人，莫能階也。逮其志人，莫能
反也。以多士之文，徵多士之學，觀多士之文，並以核
多士之品。譬以鏡燭物，有形者皆現，形立則章成矣。
聲發則文生矣。品端則業正矣。如裏之有畔也，木之
有蠹也。治天下之術，與章也如是，而後大體正焉。
以文體一士習，而令之垂心於正，而不二將異日之
得士尤盛矣。余是以志之。

甲午科江南拔貢苗鍊序

我皇拔庸，天命撫有，函夏閱十有一載。覃恩
敦頌，中外提福。蓋莫大乎以孝治天下，故錫類之仁，
亘古為昭。甲午之六月，恭加太后徽號，恩施海
內，寬卹之政，四十有三，而選俊實屬創舉。爰
臣康諸庠之康弟子員，博學洽聞者，以進誠重之也。
余視學上江，日夜飲冰，缺科之役，方畢而旁求之典，
復下因思鄉試三年一行，而選不敷，逢其何可以弗
忘於是。筮吉賓興之後，徵各屬之士二千三百餘人，
而道有遠近，至有先後分場者三。試經書策論者五，
以卿閣連篇累牘之煩，採之風簷寸卷之中，司衡者
果懸鑑以求，則士之鋒穎立見。余焚香額天，終始
不渝，期無負我皇推恩擢士之盛心也。榜發得士
七十有六，大率操行挺倚者沉及覲其人，則皆桑樞
鶚結之子，彬彬乎極一時之選。余返躬無慚，或可以
光鉅典矣。無何，多士以書錄序請余召之前，諸生兩

亦知士所由重乎漢法取士孝廉與明經同科以是
名儒輩出稱為得人迨後選舉之法廢矣我國家
求賢若渴三途並重迭且命天下之貢於廷者備
之國橋耳目志慮若戎新之將以養其才大其用與
古思皇蒞蒞之彥後先輝映担非其遭際然也而苟
爭濯磨奮拔聯翩則立身行己奉職居官著處可以
自效能無油然勃忠君愛國之思以副余期待之苦
心乎有馮有翼有孝有德多士勗哉禮曰世子齒於
學而求善長幼之節諸生亦聞之熟矣余復何言

甲午科江南歲貢齒錄序

禮部諭秀於司徒曰選司徒選秀升學曰俊典綦隆
哉乃習鄉上齒入學先齒行禮而規義亦無之敢輕
今上十年新舊章以詞臣司南北試余膺首簡
昧士南江分不得辭惟飲冰持藥不遑有逸出春明
未十舍白波如山橫河而夾居者人家出沒鷗鷺間
幾不知問渡何所噫苦且病矣章瓶枲杞梓維南有
材既可殫以人事君之誼而金陵在望又先司寇
公慈游在故國遺老誌厥善美迄今稱說不衰焉則
又憶慕隨之有桐鄉之念也爰發海岱涉江淮大風
出谷白雲在天萊蒞秋水思得異人而浩浩乎未有
當也受事來焦勞况瘁永朝永夕一辦額盟期無負
朝廷任使効越四旬所始得策諸饒士長七十有
六人進諸庭甲乙之組循舊典無敢意升躋而後前
黜陟亦無敢以舊典故稽輕而與輕之矧多士莊莊
恂恂粥粥抑抑極律漢章無理治想斌斌乎可與立

可與觀也今經明而行修矣無論玉者金闕不爾有
限即對廷稱上旨司城秉鐸任亦非輕又况
聖天子求賢若渴士凡以才能自豎者監司良牧
缺可登初未嘗以成格拘也而苟把臂自今後先
序長幼無節異時一行受任靡所服膺則亦何以
何以觀乎故夫地之美者善養禾國之興者善養士
上求之而下應者情也上養之而士先自養者志也
養其學使廣焉養其器使弘焉養其氣使充焉他日
名臣巨儒出於斯使天下人指而目之曰某也某
也穀某也靖共而正直是某習學所扶而植豫而養
甄拔而陶淑之者則余所拜手於諸士不既多乎余
六年史館二載官坊已丑分校禮閣得第一人海內
頗儀刑焉夫矢慎矢公今昔猶一日也諸生倘不甘
遲暮而振羽前途則所期待亦無今昔也乃於諸生
編齒成一言以勗之和平較汝在乎此矣其敬聽毋
忽是為序

甲午科江南解元朱亮工稿序

江南多佳山水毓為人文自古迄今莫或易也而句
容為江上首邑余視學居此覽其形勝知碩輔名秀
先後輝映而元燈繼序其皇猗與盛哉因嘆前事者
後事之師也時晉諸生而訓迪之兢兢以士習文體
為飭然文至今日畝耄矣泮艷駢麗之詞浸淫於風
尚司教何人任其狂瀾不思砥柱耶余用是慮焉既
嚴核諸郡漸次釐正而於容山多士尤加意鼓舞校
誅殆無虛日亦云立教自近始也每閱朱子試菰葍
練秀雅一洗從前之陋余不勝擊節輒首拔之以示
廣厲更勉其業之所未至蓋預識為遠大之器矣未
幾擢魁午闈余積勞臥病聞之有起色非但慶朱
子之遇合與余銜鑑之不謬也竊幸昭代之文運
於此丕變扶衰起敝庶幾乎天下士哉信川嶽之孕
奇非偶然已昔歐陽公知貢舉以正文體為急務曾
文定蘇文忠果出其門時論推服余何敢妄倣古人

若校士之苦心或可以共鑒也朱子出近稿就正余
擇其合於矩矱者勒成一家言以公諸海內之同志
者

甲午科江南經魁程北海稿序

坊刻之濫觴也士子假聯聲氣簧鼓人心其所由來
舊矣余凜奉嚴綸檄禁載三新舊社稿一時焚毀殆
盡其嘉興維新則金陵之率教獨先如王元程子穎
姿磊落修士也彙試閱其文清言微緒有澹宕逸韻
知不染習氣者遂拔之前予午聞榜發朱子冠冕南
邦而程子復以魁名庶為解頤且得士之多未之前
聞亦遇合之奇乎而余何敢自以為功也及程子晉
謁僑述寒畯之苦言在泮數年未獲優錄余竊笑世
俗之說徇名抄案士子動云入闈幾次若持此以相
天下士則程子之才名幾滅沒而不彰安得博一日
之知遇哉固不獨為程子幸也余評其臨場藝更為
嘆賞應與朱子并行於世以見余衡鑒之不誣云

易學集成序

自兩儀始莫鑿度間奇三皇以前尚已所以啓天地之秘而宣陰陽之蘊者其包犧之一畫乎夫圖其地十書終天九所以呈體用之殊靜亦五中動亦五中所以定大衍之主聖人則而象之適符之為六十四復象辭焉繫辭焉顯微闡幽參互盡變而吉凶以明消長以著因是推之而春秋之有緯識洪範之五行風詩之有五際以是為聖人所刪所志而悉原於所學於茲尤信焉若夫攤玄罔合於倪潛虛未周於變以獻體呈貌之文欲為觀天儆民之用是猶以影求形未見其有裨也及濂溪康節以暨紫陽諸儒蔚興闡輝聖道理必兼教數必循理天道出其中人事出其中矣然而參差互見舛次散逸攷究每難其人江寧彭子出掌銅庫雅好著述撮諸家之要領彙為八卷曰易學集成流覽之餘洞豁心目辨晰既正點畫歸一其羽翼夫大道洵足紀也至捐俸購書蓄藏

宮而垂永祀成人造士之心良苦且殷聞不勝感如見四海彭子之業進是矣爰為之序

祝洪母許太夫人貞壽序

嘗讀鞠腹之章知親之於子厥情靡弗周也至無何而賦柝舟代父父之代師師之厥情益靡弗周也乃子於親無一焉卽曰揚名無忝吾無忝也乎哉吾親之力也如奉卮酒祈永年豈不愉快而揆以顧復深誼猶酬春之寸草也予宦遊長安凡際親壽而乞言所以教孝而體慕深有取乎程子之說况今試士南江期展我素思而大以敦勵之廼有歡弗章耶歎邑洪子瑞生以高良博學士于上南閩賢書予讀其文嘆其才思見其人而未之覩也已丑南宮事竣瑞玉一旦就而問道焉善氣迎人久而彌篤予每服其謙光之懷然非奉有夙教抑何其恂恂若是乎今春宛陵之役瑞玉迂於鄧送於道左無所干求也惟以太夫人壽文爲請且云仲秋朔爲說悅之期予益服其守內訓而敦孝思爲不可及也太夫人之賢予雖未悉知亦嘗聞之矣太夫人生於許爲文穆公猶子女誠固

習也徽音固嗣也婦則罔裕也大家風範毅然獨存至忘貴倨柄內政上自舅姑下逮臧獲允無間言伯鸞之賢以孟氏鮑宣之美以少君堪燒美也暨贈君辭世太夫人不憚拮据方舟匍匐代養垂白之親教子則五夜機聲中宵夜雨勤苦特甚焉人稱太夫人敬師束修將幣惟映卽供諸博士過從亦必躬親兼能澤以詩書訓以義方俾瑞玉成名士聞天下登壬辰第將以司理仕矣以瑞玉之才不置之金門玉署而起家明刑天貽以大太夫人之德於一方民而詳之鄉之也余因慕太夫人之完名懿節足以風勵人倫矣敬承舅姑茹苦奉甘欽婦道之攸彰于未成而教之旣成而益益之愈信母儀之式化也噫養難矣從來有完德者天必錫之完壽太夫人享茲純嘏豈非天佑之與瑞玉聲成宦達位乎崇階綸衣翟冠加乎期頤誦太夫人之德者稱瑞玉有賢母焉行俟聖天子榮分珍饌以壽之且將壽洪氏以壽天下也

其以予言爲他日無疆之券是爲序

盧氏祀儀序

順治丁酉夏四月余卧疴苦次百罹侵尋違言文事
况歷落風塵久與此道懸殊月坡社兄偶訪余於敝
軒聆其緒論言言石畫邇風俗人情則感歎及之慮
後裔茂祖德素家法輒相對泣下因持所修盧氏祀
儀命余弁言簡端余捧讀載三不禁流涕也余遠遊
荒徼飲恨終天仁孝二義難言矣言之得毋媿乎月
坡以梓人久候促余兩次不得已而應之詞之燕顏
之厚又何計焉稽盧氏爲吾邑望族上也積德累仁
永樂丁酉有某公舉於鄉者先司寇公受業師也伊
陽公之門源淵之誼可述而志也冠蓋雲仍越三百
禩子姓蕃衍家聲不墜未可概凡者廳舍以奉先人
其來舊矣月坡篤水源木本奕代如新記曰永思堂
崇讓合敬之意衆議僉同如所列五段有本有文其
言核其義嚴折衷典禮得考亭勉齋之遺疏而不越
簡而易循兢兢焉爾祖之是念以佑啓後人兩邑侯

有論庠師有言垂誨諄諄昭示來茲思其人猶愛其
樹忍承其先而毀其廟乎余慨風會之流以迫於今
士大夫家鮮克由禮焉芄蘭之刺所以作也觀是編
而存之使人顧念自始而生心之不能已不但爲盧
氏嗣者循守弗愆共澤於道德而毋漸於俗也苟卿
子曰不知其義謹守其數然則義者祭之理也數者
祭之儀也子太叔論揖讓周旋曰是儀也此可通虛
氏祀儀矣忠孝友愛開泰燦然將齊嬰之推祿范氏
之義傲踵而行之無忝敦叙之大本也余固有志焉
特序月坡仁人孝子之苦心云

餘澤錄序

嗚呼規模弘遠先人之基業也簡冊焜耀先人之功
德也克棟連雲先人之書香也繼述守成難言之矣
先司寇公起家縣令蜚聲多繡歷太僕廷尉而撫西
秦所在著有偉績平寇漢南功業爛焉先侍御公顯
吳天授十六齡登鄉薦博洽羣書貯萬卷樓名山大
川之藏故府典則之規罔不備也共推爲山東小聖
人建言大禮垂忠義於千秋追傳三四世手澤鮮有
存者僅於鼠沒於盜此中亦易忍言某生也脫不得
睹當年之盛登紀載之林揣摩八股每自慙淺見寡
聞也惟先大人太史公以守兼創開揚祖烈於文獻
故家探求遺蹟間得之市上如獲拱璧而珍藏之斷
簡殘編勿論矣往者昧學江表踰黃山遊皖城婺源
潛山皆先司寇公過化之地也父老所傳志書所載
功在民社者聞百五十餘年猶嘖嘖人口通重建生
祠雖云千來之誼趨奉赴功而邑令之修奉則不可

忘者至漢南生祠煥然維新董之者寧羗州牧膠西
趙君電渭首其事者漢南太守毛公今之海右道公
祖也先人靈爽實式憑之尤當佩服無數若此者後
人見而知之乎聞而知之乎良可浩歎 其卧病苦次
於哀毀之餘揀先大人司中舊籍冊葉數本手卷數
幀誦法服習史不勝書知先人之明德遠矣 其自夏
徂冬心腕拮据一日而錄數葉或風疾舉發數日不
能竟一葉茲方彙輯成帙訂為四卷命之曰餘澤錄
先大人服官居鄉之業并紀於是焉若先司寇公兩
世遺蹟嗣容訪之文獻故家緒入也嗚呼代遠人湮
功烈著於不滅睹先業而興思用以示後之人

呂氏析慶序

夫讓美德也讀古人書慕古人風考之昔人不少概
見而況下里聲聞當世道衰微之日敦門內之誼以
昭示來茲洵足述也吾邑振渭呂先生與先大夫為
莫逆交聯二姓之歡越載傳而為甥舅之誼稽其家
牒係即墨望族於今七代歷世二百餘稔舊有隱德
先生則常布而崛起者孝友性生一登鄉薦公產讓
於諸弟與論推服其振鐸闕里也啟迪後進重建杏
壇余奉 命過魯藩謁先師碑記猶煌煌焉未泯簞
仕蒙城提福一方多惠澤余持衡江表臨望山士民
頌說不衰已徂豆祀之矣迨擢太原率屬愛民諸大
政得之晉中士大夫甚悉也自服官以迄林下重念
一本之誼諸第各起家矣為猶子賦采芹食大官者
濟濟克庭卹嫠婦撫孤姪冠婚喪祭篤同氣無間親
疎也一身創垂之勞後人安享其逸振振麟趾世罕
其倚經營家政庭訓嚴肅亦後世賢師吾儉之遺意

也先生今九十有一歲令德壽量健體良食猶如中年人長公如九以不爵之才司訓青齊士服其教繼陟東郡佇膺百里之寵方興未艾次公孕尼入成均富貴功名潛然置之為承家之令嗣余長子啟先其子婚也不幸早逝淑媛殉節以從奉 旨旌表蓋素東閨範孝節鍾於一門不獨一堂四世天倫之樂為不可及也年來晤對先生之教思及先大夫輒哽咽欲絕然長者之高風私心每歎服之己亥之六月余歸自京師將有嶺外之遊先生以自叙生平傳并析費記持以示余且索序焉時方紫求上道烽火之警大江彭蠡之險皆不測之危也焉用文之及抵南昌登滕王閣縱觀江湖之勝歷劍池弔雷公煥寶劍軼事有逸興焉乃捧讀至三先生垂裕之苦心犁然可覩矣為之薈者有其美矣次公敬守勿替因析贊而遞讓以謂重叔姪也非重叔姪也念祖父而敦友于也為之後者相觀而化立愛立敬門內之順也鄉國

之光也他如養士虛叢諸善端由孝弟而推及之亦其緒餘耳王化始於閭門先生之教達於閭里可以風矣余竊怪世之人去順效逆骨肉之間多乖氣焉迨云仁讓之化睹是編而存之俾後之人知先生父子兄弟之善處家庭也余故欣慕而為之序

文敦元詩稿序

憶昔持衡江表行與時違而兢兢此心惟期振拔孤
寒人才無抑鬱之感勞怨所不卹也今數年矣江上
士子念一日之知交尺牘相通文字相証無虛歲月
過齊境避燕市往往顧我於憂虞困頓之際不知其
何以然迨己亥載入春明遇文子良吉涇邑佳士也
相晤邸舍言當日校諸箴長鄭重 大典不敢因循
政事此亦余之可自信者諸凡一片公心知我罪我
何暇計哉文子出宦中旅吟索余序余素不知詩况
歷落風塵交墨荒矣細讀之其見留心斯道然風雅
之美更望其進於是也時在座則有金陵程子述西
興子伯祥天都江子尚一皖江王子天式睢陽王子
秀士之數人者朝夕論說肯以道義顧不寂寞故并
及之

倪母孫恭人行述序

憶昔持衡江上見其山川秀拔人文蔚起知建業之
多材及佩前輩典型焯焯可紀者代不乏人如樓菴
倪公者威鳳也祥麟也可聞而不可得見鬱鬱意中
殆數年矣亥冬避嶺海遇胡將美世丈自庾郡解綬
而來延入舍邸把酒快談論次古今賢豪益稔樓菴
公之為人大抵統一之志其於勢位潛如也聞已奉
帝命不與人間事望之者猶表表立朝概也將美以
公元配孫恭人行實索余一言乃其長嗣止先在粵
聞訃而述者余披閱弗置恭人可謂嫺於內則矣相
夫子以成名事二人以稱孝子歸五十餘年之間家
政嚴肅淑德昭垂下逮子若女秉筆者物躬以學勵
志以節婦道也母儀也恭人其何憾焉今雖長眠不
起而傳鄉國昭來茲者所遺不既多乎長嗣固未識
面而仲嗣則余所檢士也因附一二語以頌思緒之

憶甲午之科余視學江表矢公矢慎先錄七十六校之士以備賓興大典乃復取其尤者而數衡臨之某也養翻已成某也猶假六月之息較若列眉無遺珠之歎矣迨後錄遺偶得漂陽馬子章民間其故以前此服未闕也讀其文大為解頤竊謂其養翻已成技必見售乃未獲薦余扼腕者久之越丁酉舉於鄉會世祖章皇帝下詔廣加藻鑑可否錯置悉出睿

裁馬子兩試形廷意得最而以今上龍飛萬南宮褒然為臚唱第一人益知馬子之息以六月鼓行而前信莫與敵余之言於茲乃奏雖然予豈能以言奏馬子哉馬子之為文也理務造其極而法必合乎古是自開一生面者馬子率能以其文自奏而又何待乎余言之也乃余乎之臬司重遊茲土馬子曲江宴後函公車所義一帙授醴陵令楊子聖調付之梓人以公海內同好陸朱子亮工代請數語弁之蓋朱

子嘗受業於馬子之門以其北面所學而朱子先擬午元矣後先輝映元燈授受一時稱為最盛海內之望馬子為景星為霖雨者肇自今日而余之識馬子已在數年暗索之先况馬子風號鴻儒石渠虎觀之異同龍門扶風之間奧靡不淹核今且入承明著作之地所學適如其所用其以之備顧問而光贊兩制者取諸懷而出之如昔人所云文章經國大業不朽盛事當有卓然可觀余故忻慕而為之序

辛丑科會魁湯旌三稿序

江南多事之區風俗人情今昔懸殊入其中者錢穀刑名脫然無累十不得一焉凡我同人每相晤言未嘗不歎惋也余重遊此地受事約數月殫心竭力以結數年之積案雖病苦浸尋調治未遑也若欽賊若賄錢皆數年積逋又復代人受過時事苦人以至於此即觀風之舉亦有志而未逮孟秋之月深陽馬子以憲轡相示余流覽未竟不禁擊節歎賞遂弁言以付梓人未幾晤蔣子震青又以溧水湯子之文請正焉時余卧病半月更何心於文事乃考其家世則傑伯熙臺公之嫡系也家學淵源邦人士每羨稱之讀其近菑端雅清醇可謂振拔流俗者矣然今日之一元一魁皆余向日首選之士凡自甲午以後之得捷兩闈者大半何日前矛士也余病中多奇苦非此無以解頤耳雖然文者行之餘昔廬陵眉山為文章宗工乃論古今治亂天人之故則惟以秉道守義為

重湯子砥行立名聞有隱德為神明所呵護其素所蓄積然也行且肩世道之責兵刑錢穀歷試諸轄為國家培養元氣亦不越道義者近是湯子勗哉

太上感應篇信深錄序

聖賢論為善去惡歸本一誠不言禍福蓋慕福而後為善與畏禍而後不為惡皆謂之不誠感應篇則近於禍福之說矣雖然福善禍淫鬼神之道合於王者道揚之義天道人事其理相同世風日下不畏聖賢而畏鬼神不畏王法而畏禍福則非福不可以勸善非禍不可以沫惡感應一書使人因端設戒隨事檢身輔聖賢之所不及言補王法之所不及治其為功於世豈淺鮮哉近觀海內奉此書者最多種悞不一辛丑春江浦周子西水出信深錄一卷相質暇時展閱見其手自抄錄即篇中每事之徵驗者取其切於日用人事通輯諸家成書不繁不簡余因歎曰善哉信之不深則好之必不篤是即聖賢誠之之謂乎於以見周子之篤信於善也用以公世即周子與人為善也愛善而為善教言於首

賀焦參明署衛篆序 代作

聖天子思頗牧之寄慎鼓鞶之選於以庇人靜亂也不惟蕩掃妖氛廓清宇內奏昇平之偉畧者要要乎難之即次而海隅之間求之元勳世裔克壯軍聲無忝先烈亦未可一二數也奎明大將軍才氣無雙附衆威敵彬彬武有其文焉邇前代之勞績龍書鐵券永世咸休至今始人耳目赫赫若昨日事將軍勗哉弱冠而襲厥職可執終軍處澆而能自立何遜武便忠孝本乎天資舉動協於機務雖古名將之風何以加茲觀其習司馬之兵法閱廓深遠運籌策於帷帳之中以正合以奇勝素所蓄積者恢乎裕矣上台嘉乃雄韜小試萊營之右將軍則整師修戎教以步伐止齊之規訓練更新備預不虞發軔之盛著於一郡而未已也幸已歲省會之屬凶荒頻仍如夾谷龍鎮一帶荏苒弄兵從者萬餘人洵洵狂逞恣劫掠而為害比鄰之戎虜一民危若累卵矣奉旨勦滅特簡戎

臣將軍逆勦然。而往討焉。統營兵數百。星馳就
道。當炎帝之司。金衣不解。甲目不交。旋用是激勸士
卒。皆義勇。爭先不崇朝而執訊。獲醜。賊厥渠魁。逆賊
爲之膽破。耀三百里之勁兵。扼吭而搗穴。俾元元之
衆得安其性命。謂非將軍之膚功不可也。及防龍鎮
於屠焚之餘。露處野戰。屢以捷聞。歷三月而班師。奏
凱。將軍方謙讓未遑。而憲院之美譽。疊加已上。功不
朽矣。癸甲之際。兵燹頻仍。屈指通都大邑。城陷不守
者。何筭區區。陬澨何時以無恐。况聞警之初。奔山航
海者。十之五六。其誰能保有此土也。將軍叩僚屬而
盟誓之。設丁壯而拊循之。同心策應。局固金湯。由冬
迄春。環攻兩次。矢鏃如雨。正呼吸存亡之際。將軍援
枹鼓之急。而奮以射雕之手。摧鋒挫陣。敵自是不敢
東下。而牧馬稽昔。宗人以鐵籠登者。不是過也。可不
謂勇力智能。莫予京也哉。當道獎勵。匪伊朝夕。理繁
治劇。游心。之著篆也。假之以事。權重之以

體貌。體貌。於萬一而鴻庥駿烈。高能展其
驥足。行將變化。熊羆妙陰。符於莫測。薦剌交騰。達帝
闕。揚中外。膺不次之擢。振諸夏之威。登壇推轂。鼎望
隆隆。視前代之芳華。何難齊馳並駕也。品哉將軍。

視閔紀畧小引

紀畧謂何志哀也 王事艱掌不恤勞怨困人臣之
誼若違老親而遠遊萬里竟致抱恨終天慟哉子道
虧矣卽一旦隕滅亦何以見先君於九原乎此所以
罪重而莫可解淚盡而繼之以血也方春過里門時
先君體氣衰弱適感疾症皆因乙未秋冬爲先繼大
母舉大襄拮据喪事心力告疲不孝愚竊憂之延醫
調治躬親湯藥春暮漸有起色遂諄諄誠諭曰東西
南北唯 君所命汝可力疾赴閔勿以老親爲念惟
以汝性執不合時爲慮也最哉汝往矣不孝某則何
忍不得已倉皇就道望先君之健勝時屢諸懷及浮
長淮涉大江歷錢塘以南觀殊方異俗故鄉杳無際
也人子之心更有大不忍者未幾仙霞嶺在望矣滿
目荆棘竹樹參天虎狼盜賊出沒其中屹屹重關道
阻且長遷客况味其有合於山川之險與越仲夏之
朔入閔境受事九日到榕城任內十三日旋奉撫臺

宜 軍令牌委赴泉南料理 王師供應凜遵憲令
卽望日起程夫以積勞多病之身半載道路之苦喘
息未定更遠冒暑雨亦何敢云勞也廿二日抵泉郡
接代印篆飲冰自矢拮据靡寧初僅兵食一項已同
無米之炊閔之八月更兼右轄事務糧料草束交責
於一人而厲兵秣馬所需者幾千萬矣值青黃不交
夙夜焦勞咸得如期以轉運而最可憐心者地方疲
於奔命驅瘡痍之赤子賦役兼供殊愧補救之未能
也况興泉一帶天南路盡地勢卑下濕熱倍於他處
不孝某受病卧疴者半月惡夢顛倒幾有性命之憂
慟哉終天之恨適當其時乎新穀告成軍需無價但
以孱弱書生初任巡荒其於兵馬錢穀茫如三月之
間急慮以籌殫心而計者藉上臺之寵靈賴郡縣之
急公獲免曠職之愆耳若日用薪米蔬菜之類一切
自行備辦泉郡耳而日之茲不共贊六月廿八日恭
遇 欽命定遠大將軍世子駕臨漳郡恢復海澄以

捷聞不孝某每慮省城儲備無多於七月朔二日由

政訓引

泉回省九日次長樂縣至午刻驚聞先君訃音半日
哭泣暈倒欲絕或刻登舟夜行次日入省扶掖進衙
設位哭奠逾三日而不孝某病勢莫夫呻吟苦塊中
慮火流注脛足腫痛月餘未痊慟哉不孝之罪至此
極矣且海逆猖獗攻圍省城廿餘日雖經敗遁而途
次梗塞久病未起奔喪稽遲是益重不孝之罪也病
中翻閱冊籍凡上臺憲檄書劄及申詳報驗督餉文
移各稿聊擇十分之一以付梓人大抵供應軍需之
苦心也如吏胥之玩猾素不通達文義故事無巨細
總不孝某之心裁手定不遺餘力勞而病病亦未怠
政事於哀慟迫切之中履險幾危之秋痛定思痛約
畧紀之終天之恨由於斯而一生之奇苦積於斯矣
復何言

周公戒成王曰我其立政立事聖門諸賢冉有季路
以政事著聞誠天下國家急務哉夫政者正也政本
於心一心正而萬邦服體國經野仁民愛物以古今
治亂成敗之理擇之既明持之益固施於有政而經
濟出乎中學問亦出乎中焉不學無術古人猶且恥
之儼然民上而道不洽於庶類治弗暢所懷來盡職
之謂何其何以彰化理也歲在戊戌時及朱明棟先
司寇公遺書有政訓一冊乃朱夫子垂戒之語與真
西山先生論屬之文余對閱數過詞正而理備旨遠
而法嚴凡有關於利病罔不危言曲喻磊磊明明詳
而有體可謂羣黎徧德矣而大要在乎修己治人一
念惻怛則福澤及人一念殘忍則怨讟並作理欲之
交賢不肖之分也可不慎與余賦性癡執動違時宜
數年間衰病侵尋其心愈苦及執掌風塵遭家多難
髮齒日詬聰明日耗省躬不遑何暇論政事之叢脞

也但以此奉几案不忍釋於上冬之初自摘錄數段
雖茫無所得而感時憂民亦何能去諸懷推是心而
廣之用人行政尚以俟學道之君子

讀魯南豐先生文集引

余以苦塊餘生久病呻吟不復作風塵想戊戌冬
伯氏謁選長安余亦於茶月踵至偕寓瑠瑤殿火神
廟內朝夕依依如在家庭同氣之好不能自己也遙
望先塋涕淚天涯歲之初吉以迄春暮白雲慘澹雨
雪霏霏積陰不解無非觸人離緒余素拙交遊兀坐
無事讀南豐先生文古道興懷肅然起敬亟欲採擇
以備觀法奈躁念未淨兼日困未薪一朝握管便數
日爲虐嗟嗟命之不猶時之阻我卽文字道義且然
不得已勉錄數篇爲文學政事之一助云

移江南司獄募緣引

張衡天文志貫索居天市東列紫微外垣故前朝刑獄之設多不近內地江南爲明之舊都其刑官爲大司寇凡各公署皆置城中獨司寇之堂設於太平門外枕武湖之右創鈴閣而立園土焉蓋以刑陰象也位於西北不近內垣其前代之意與我朝定鼎詔改江寧爲省悉除舊制爰置臬司而建署於城南從省會也當日議者遂取學宮後地以置司獄蓋因其地通人稠易於提攝初未見及隣於學宮密邇聖廟也數年來有識者及之而未能行己亥夏上允禮垣之請乃下宗伯議又勅所在諸臣諮詢確見僉謂學宮固育材之地宮墻廟貌先聖實式憑之而願以園土逼處其後鳳麟行徑不宜並居其亟爲議遷宜也予不敏昔督學江南今復承乏臬篆其於安先聖獎人文祥刑弼教與有責焉於是集衆議將改置獄所願所費不貲不得不藉成衆力則凡守茲土

與居斯土者孰不欲安先聖之靈助人文之氣其爲樂施美待予贊言哉況是役也值天子龍極方新金鷄肆赦由此而人材蔚起未必非此舉之力予亦祝囿園空虛得藉手以報天子也因弁數言於首

福堆岸新建文昌塔記 先封太史公命作

巨峯爲勞山之望星曜秀麗屹峙雲霄相環無間斷連石門而連華樓福堆岸其收聚也龍脉錯落千枝萬派羅布無窮居墨邑之太乙狀大有之形勝故賢

人君子接踵而生焉凡走山海岸爲其通路路則阨於兩山之間結於兩河之會或逆坂如緣絙或垂崖如一髮或側逕鉤出於下測之谿雖峭徑崎嶇實闢鎖之要地形家所謂突起層巒以鎮水勢以毓靈傑

者莫此爲宜哉余每一遊覽胸有別構時維寅夏避暑乎先壘之左將前所期願而欲舉者益得以盤桓審視焉既詳其山水之情復度其高下之規始知此一峯尚屬缺陷而開闢以來未之或備况乎地待補於東南風會之所係甚且重也余於岸上創建文昌塔一座聳然砥柱文筆直挿天表超嶺岼而遠眺望不特山川改色輿圖增重式合太乙之精藜光千古行見吾邑中甲第名流豎赤幟於中原彬彬乎盛際

矣如其爲奕繁衍久而彌昌此天人之理必至之符也後人履其境者說夫凌薄氣象目新乎所覩耳新乎所聞亦恍然不知塔之高而以爲山之踴躍奮迅而出矣其萃瑞何極哉是爲記

選房書彙刪觀小引

余以卧疴餘生於丙申之春暮辭老親啣命赴閩步
步愁苦孤影堪憐越四月買舟浮長淮涉大江飄飄
水面萍踪莫定朝夕話言則家弟濟崔子四奇季遠
申子貞啓賈子少印厲子仲黨叔貞諸友也及次京
口取房書彙刪觀一部披閱數日竟以忘憂有所得
輒呼同人共賞之五色迷目不敢自以爲是也相與
叅訂風窻雨榻猶如昔年事竊喜文體反正一洗從
前之陋斯風尚攸繫焉余選輯四十藝有以才見者
有以氣勝者或發之於意或潤之以詞其格局詞法
清婉入理皆合聖賢立言之旨總取其平而不庸雅
而不浮也茲寄以示諸弟子姪無異於貧人之粟弱
人之杖耳病中翻閱心手俱瘁余益病矣願交相勉
勵無負余道路之苦心也

重修城隍廟記

蓋聞天道禍自怨起而福由德興幽明之故禍福倚
伏之幾遂爲理之不可易故作善降祥作惡降殃今
古爲昭也天無爲而歲功以成生殺予奪何容心焉
過廟生敬勿貳臨汝壽夭窮通鬼神爲政與抑人之
爲也嗚呼矯誣者流惑於陰陽之報施媚神以邀福
神其據我乎吾邑彈丸之區風氣甲一郡俗號淳良
有司之筮仕者禮百神以康萬民神人合德而瑞氣
應之故民和年豐物無夭札是昔之卽墨也詎非道
之所符而自然之驗耶迨於今日在天則風雨不節
寒暑不時在人則巧詐相尚奸宄日萌水旱盜賊史
不勝書固自作之孽乎神且時怨時憫問循理者幾
人悔禍者幾人恐懼修省以答天意以迓神貺其在
斯乎余生也晚未及淳樸之風得之父老所傳不無
今昔之感讀禮以來飽經世態咨嗟歎息不忍聞見
而時事更難言矣如雉堞漸圯學宮新頽有司每苦

十室九空而莫之舉也士大夫亦束手而弗恤至於城隍之神鑒察斯民捍患難衛黎獻功尤著焉奈廟貌弗飭誰職其咎鄉民王永安於順治之庚寅募緣修葺衆願隨之數年之間積木若干積瓦石若干用人之力若干大殿寢宮兩廡以及重門鐘鼓之樓煥然維新設石几鑄巨鼎以奉香火而廟垣迤西下隣溝渠增修培補高一丈許濶六十餘步工將告成立立碑十座以識姓氏戊戌之春王正月詣余爲之記余

素拙於文亦何敢辭方以先隴之工未畢日勞心力几案塵封因循至於二月乃夢瞻拜廟中神舉手起立相視下已若有所告語者決辰之間兩形於夢余用是疎然益信陰陽之理無二致矣在昔正德己卯之重修也先司寇公捐俸首倡工竣記其事廟碑所勒邑乘所載猶煌煌未泯然先後之不相及也憂心且傷卽所躬歷而目覩者水旱頻仍矣侵於兵罹於寇乖氣致異有由然矣天道好還不彰明較著哉幾

經天變而疆圉孔固不可謂非神之呵護也昔李路問事鬼神子曰未能事人焉能事鬼亦可悵然悟矣報本反始悔過遷善吾黨之事也敬愼成儀敦化勵俗有司之責也是所望於今日者

藍氏祠堂碑記

祠堂之設曷爲乎曰子孫不忘所自始也惟稽古天子祭天地諸侯祭社稷大夫祭五祀士庶人祭先祖禮也而分寓其中焉先王因族以立宗敬宗以尊祖廟祀之制見於經傳者甚明故饗保之義有舉莫廢矣以伸孝子慈孫追遠之心也溯吾家世有元以前尚矣自始遷祖來居卽墨卜兆於盟旺山右元初有武義大將軍總領監軍者世以武功顯亦越有明積功累仁歷代相承如我贈侍郎公身篤於義德則百世不祧也我侍郎公肇啓甲第歷著弘勲昭聲施於不朽我侍御公建言大禮垂忠義於千秋凡我後人席餘蔭守前徽水源木本獨不聞之乎當年我侍郎公蒙 賜兆於城北矣復奉 敕建祠堂肖像以祀後祠堂則祔木主以奉列祖並立石廟而祭五祀之神皆我侍御公所創建者時嘉靖之戊戌也廣開神路廟貌嚴肅朔望行香歲時致祭瞻拜之際對越儼

然迨歷三世經百年不無興廢之感我太史公天性仁孝於崇禎之辛未重修兩祠以起維新之運至順治辛卯鼎建抱廈四楹大門儀門增修而光大之北壁大門圍牆亦復高闊改觀我太史公方欲勒碑示後迺竟長遊矣嗚呼世易人湮先德猶存家法具在也父昭子穆祖功宗德堂宇垣墉歲久漸圯卽當勉爲修補若或因循坐視蔑棄先靈爲子孫者益有所不安矣况慮及不肖之類更有不忍言者乎抑思吾秉禮之家也禮緣人情而設以人情論之恐憚於嚴而安於褻惟願共相惕勵奉先德後慎勿隕越以貽羞今將前後幅幀開列尺丈數目登之西階碑記焉

卽墨縣馬鞍山建廟記

順治戊戌冬十月余守制甫畢日集於蓼將治裝赴京道人李明常來謁蓋修煉之士也其形苦其志厲先大人嘗與之遊余亦側聞之矣袖出尺幅示余自敘其入山之由營建之勞其言曰明常本籍陽信人氏皈依法門苦修三十載慕勞山仙踪跣足履冰而來時順治五年戊子也行至信村望馬鞍山勝概衆善友接引而上層巒疊嶂傍徨四顧非復人境遂止焉昔之廟舍皆頽垣敗壁矣人言此山多牛鬼蛇神妖魔之所聚也明常兀坐其間凝神定炁凡旬日未見有伺之者於是立願募化相形度勢揆時厄徒開山築澗累石砌基創修諸殿越數年告成事請爲記之譜亦難矣余素拙於文且一年之中羈京師者七閱月兼有應酬之煩已亥中伏過里門侵擾多事又不暇爲尋遠涉嶺表值江南海逆告警余方有戒心及踰南昌郡九月廿五日次吉水所謂文江也偶繹

前請乃悠然會於中焉稽往哲論墨邑之形勝其東朝也有盟旺之岳嶽其南對也遡勞峯以華樓其西拱也有牛脾之山今易馬鞍之名其北據也有搗練之砧今改靈山之稱靈山勞山其主賓也天井石塔馬鞍虎山其儀道從衛也大海迴環山川之秀不下簾席而盡於四顧建邦啓土信非偶然惟茲馬鞍山距縣治十五里金居兌位日夕返景紫翠葱蒨曰馬鞍覆錦泰之始皇望氣於此在唐之世上建禪林旁闢龍洞代遊人淫動弔古者之思矣嗚呼李蓮人之興斯役也以財贖民病之際土聖木好丹堊輝煌殫心思而盡人力羣材備焉余往來於山之陽見聞所及不疾而速不謀而至曰方士女易其觀聽無異乎人而爲人之所甚難不知其何以然也上帝鑒觀其應如響山川出雲有聞必先後之修道於內者念之哉寅畏是肅循守罔愆則李道人不朽之績也神道宣靈人心致和是余所以記之之意也

讀房書文存小記

憶丙申督餉閩海時不得已戒嚴就道然春戀庭幃此心亦何忍言舟次京口取乙未房書彙刪觀斯夕披閱至武林遙示子姪冀其有所得也及余不孝飲恨終天歲杪奔喪抵里哀毀中不遑問矣丁酉卧疴苦次拮据大震問課諸子之業茫如也大傷余心戊冬服闋入都晤諸名公訪是科人文咸云文存爲最余心識之己亥夏除嶺南冒暑西東歸七月長征海寇之警道路洶洶而入自南邦訖言日至中秋十日過伯氏治邑閱萱堂北旋矣拜違數月萬里之遊并未告辭悵悵余懷何以自釋廿八日次金陵余衡文舊地也士子謁者應接不暇徇私廢公指視之嚴可畏也余終宴且貧頗以爲慰遂於坊間覓楊子長說約房書文存寄子啓亮蓋一時未及擇也九月三日登舟鯨波方息草澤竊發余冒犯以勤安之若命越四日同舟靈山侯高六如年丈率其子若孫偕行洵

有家庭之樂余何及哉因持文存屬余選余兩目昏瞶避謝弗許爰洗硯揭管展卷三復作者之心不敢輕易也日流大江中不測之危與彭蠡之險寸木黃泉奚恤乎余知有讀書之樂耳聖日讀畢一科之風氣不外是矣雖宏博精醇才情各異而說書證理則未有過焉者我皇釐正文體申誠至三不亦彬彬乎成效也哉余以知非之年髮齒日豁學問益疎詎今日之文亦塊矣惟是歛憤之心望其有成故園之思藉以解頤簡點目次臨風以寄倘吾子仰承老懷顧名思義苦心以研之下特業進於是而余之疾痼其有瘳乎

入粵道中記

順治己亥秋七月二十日余奉命粵東之役時海寇告警人心洶洶亂言日至諸親知子弟輩多爲留行者余曰小醜何足爲慮况一生安命不爲惶惑遂率蠢僕四五人於是日長行過膠西見鎮將習練軍士羣然岌岌也膠以南經諸城莒沂郯子之邦遇客商類皆負重擔携行李奔馳赴北問余所往咸驚且見笑於道路之人而入自南服訛言叛志不堪聽聞未知何以如此中秋十日抵臨淮駐伯氏署中數日無所聞見晤鳳之太守周君又有遲遲吾行之說余未敢信於廿五日徑行廿八日次金陵而報捷者已逾月矣池安二郡與江右地方草澤竊發往來之路未通余仍冒險以往九月二日自龍江開登舟三日辰刻開舟行十餘里次雙開口四日踰小三山次江寧鎮約二十里許風未順也五日微風行十餘里西有星峯相連曰登龍嘴日行四十里宿金魚嘴回顧

金陵昔之王氣果安在也六日望采石磯美秀青葱二十里宿姚下河七日行四十里至梁山登臨北望俯視江干環江之南北盡在目中日至虞淵風自東北起揚帆夜行四十里抵蕪湖時漏下三鼓矣八日至太平之舊縣九十里九日過荻港五十里次紫沙洲十日風雨交作六十里過銅陵宿大同鎮十一日風雨未息次黃盜鎮日行百五十里十二日有風過皖江宿吉陽鎮共九十里十三日有風踰東流入江右界山水各異如小孤山大江中流屹然特峙奇峯也宿彭澤爲陶靖節舊遊之地慨然有予古之思十四日有風行五十里日暮至青魚嘴因風順急全開舟夜行十餘里颶風大作直觸沙灘傷舵搖搖靡定所謂不測之危舟子喊聲告急四顧無人余乃默禱風波稍息舟始泊於江中舟內水高尺餘余衣未解帶日不交曉秉燭汲水惟命是聽天光向晨則九月望日也呼舟子修舵舵完舟行次湖口縣山之秀拔壁

立萬仞壁上有字曰玉瑩玲瓏山前有閣閣上有水
天混一萬巔爭鳴之句余是日備牲醴醑愿其不死
者幾希十六日行自湖口山相續無間壁上又有遊
魚聽石四字未幾過大孤山上有塔院以余觀之不
及小孤山之秀出也踰南康夜泊朱吉十七日午至
吳城閱彭蠡之險乃具牲醴入廟祭神申刻開舟水
旁兩岸俗云小江也宿昌邑城十八日風順半日行
百二十里次南昌郡登滕王閣縱覽江湖之勝巨觀
也許鶴沙先生送座船載隻二十日行六十里宿市
汭音託水也廿一日至豐城歷劍池雷橫得寶劍地宿樟樹鎮
廿二日宿新淦縣廿三日微風過人和宿峽江縣廿
四日過猪婆灘宿樸灘廿五日過三曲灘其人悍宿
吉水文江也之南橫石廿六日過石鍋竇塔吉安郡宿
永和塘趙韞退年大惠米酒吉水令褚公惠食物蠟
炭之類率其二子來見其一瀉向日所取士畫送羅文
恭公集一部余方覓之不獲適得是集晝夜揀閱頗

不寂寞廿七日有風過張家渡花石潭宿恭和縣縣
有大鷄食之可以治疾釀名燒酒廿八日有風過東
口洲窰頭宿百家村人煙稠密非復荒煙衰草余心
火日煩口內乾燥得柑橘數枚啖之廿九之午次萬
安縣余登岸視之荒涼可歎自此高山峻嶺悉虎穴
盜藪也將上灘非本地水手不能行越明日爲十月
之朔余瞻望先壟遙叩五千里之外愴然欲涕至午
刻覓得水手數名過黃公灘灘最險由北而南爲十
八灘之首也行三十里宿綿慶灘之塘自朔二日起
每大霧輒半浸入舟內臥室山水人物杳不可覩此
瘴癘之氣也至己刻或午刻霧散日霽始能開舟行
三十里過大琴灘小琴灘宿皂口塘三日過上方灘
行四十里宿河之浹左岸二里許爲桂源司有居民
數家皆散處舟側荒草虎徑夜必張炬可畏哉水多
亂石如百獸形如器物狀夜聞灘聲若雷四日過錫
洲灘攸鎮宿小攸口隔岸三里有煙村五日過石人

壩下釜鎮天柱灘橫弦灘二灘可數里沿河怪石出
水上水旁流急雖小舟亦須多人撐拽方能過之泊
古祿地方宿沙灘上六日有風過壁灘白潮灘儲潭潭
至瀨州二十里十八灘章貢二水合爲瀨水云到瀨
城又易小舟七日謁蘇虔堂禮遇甚渥見召半夜之
談賜佳刻八種有碑世道人心余敬奉未遑也八日
開舟畢同府仲青送梓夫四名大廳彭公送舟遣內
丁相護一路水淺山不言高行二十里宿黃金塘九
日歷三江口九牛塘宿羅村十日過羊江塘兩月間
觀山玩水殊多逸興忽於午刻而嶺南書役至矣不
帝蝶粘蛛網也諸役手持文移及同寅來創各屬公
檄半日閱畢宿樵溪南康縣也十一日裁答諸啓凡三書
夜筆無停晷余短於才乏幕賓未免忙甚十一日歷
賢女舖從此又多大山宿新城塘亦虎徑也十二日
過小溪宿大里塘十三日申刻抵橫浦南安宿蔡明
之樓上十四日進人南雄顧挑夫兜夫百十二名每

名給價銀貳錢未嘗取之縣派之民也十五日黎明
早發大霜有寒氣寒氣踰嶺皆碎石砌路不甚險紆
迴曲折處亦不過數里嶺上開鑿約三里許路頗狹
登嶺一望諸峯排列洵稱奇觀古之開山者張文獻
也開後人無窮之利而生民之勞勞由於是矣前有
關帝廟及張公祠余下車瞻拜至中站用午飯文武
職官相繼來迎較入閩稍異偶過齋表沈公止岳嶺
道我兩人坐於坡上數語而別酉刻進即城公署適
海南道張九如年丈來顧伊奔喪歸里回思昔日同
病相憐相對泣下遂往致奠回拜鎮將時雖三號矣
以到任期迫卽刻登舟舟中風寒栗烈護憲掃榻天
遲時而府廳佇候河上一夜未眠天亮開舟十六日
形神告疲星馳搖櫓所過之境未徧記也十八之晚
抵韶郡先與瑞玉洪兄舟中叙歎答拜副將張荆山
濟寧拜同邑周天老親丈天涯故人話十三載之渴
四更作別別後開舟日夜不停投文者紛至尤苦裁

答且擬諸示藻逾英德清遠三水山川之勝毫未寓
目而百姓之仇離愁數早在吾意中矣余十八日冒
風鼻流涕涕咳嗽不寧廿一日始愈廿三日過佛山
抵廣郡之水次廿四日到任勞形焦心簿書鞅掌困
於吏治諸不暇記聊述道路之苦以示後人云

詰贈朝議大夫山西雁平道布政使司右叅議

兼按察司僉事余公神道碑記

易曰積善之家必有余慶此可必之於天必之於人
者也然在天者不可必而人之嘉言懿行潛德幽光
昭示乎來茲者遂衍數世之福澤而天亦如其數以
應之感召之理自古及今莫之或易也考海內世家
惟余姓最著在南史諱齊者孝行表里肇垂博裕之
統亦越有宋諱靖者名臣奏績載啓弘遠之規忠孝
大節昭然青史由是氏族益盛世居淵之句章奕奕
雲仍有由來矣以迄於明入直文淵閣則文敏公也
故家文獻歷代相承甚哉余氏之偉也當年自句章
而徙錦州者諱谷祥卽爲始遷祖云一傳諱能載傳
諱澤三及諱慎思者 詰贈大夫長山公之父也世
有隱德教忠教孝吾知其奉儒素之道專矣公克繼
前緒雅慕古人之風始終念典且兼創守之勞拓故
業而資雄一邑太翁卽世公纔十四齡器識如老成

人式禮莫愆而太母鄒孺人天未亡之志和熊課業未幾亦逝公致毀於居憂益得曾閔之學也讀禮三年遑問家計哉况邊疆紛紛多事官府已無餘藏公惟博洽經史期底於成以振厥家聲遇試首拔早食大官行必以義言必以道兼採貨殖諸書以圖生聚誥贈孫恭人正位乎內嗣徽音相夫子猶勤紡績而家道漸殷不特溫惠淑慎鷄鳴戒傲之風可歌而可咏也於是公之內外就理公之文望日著以經方致遠之才僅推貢元爲甲第之先資宗黨戚屬方望爲霖爲雨乃高恬退之節不爲世用隱於錦之北曰長山公號所由起也層巒疊嶂饒林壑之逸興或問不仕之故則大孝永錫不忍違先人之廬墓也時中華告急我皇將定鼎焉公其有見於是乎某讀公之行狀知公魁梧奇偉崇尚節氣不茹不吐樂善好施貧乏待公而舉火老疾待公而安全和恒之福徧於一鄉其心則仁人其度則長者里人有爭過公之門

輒自愧悔曰勿爲余公所知也公可謂直而不苛矣至若庭訓嚴肅一秉忠孝之恒性講貫習復無敢即安柳河東之家法於茲載見也公服管幼安之爲人某竊以仰公之儀型矣仁人昌厥後宜乎芝蘭玉樹翔步天衢世德颺馨孰非公之詒謀所及也長公諱拱極博學宏詞補邑庠增廣次公諱應武由明經仕海鹽今多享惠俱早逝三子名應魁元志墳典爲從龍俊彥已歷十一任所在有治績能昭令名而光相業者也昔莊吾郡公祖忝苗之蓬沐其膏澤今爲蒲臬司長某忝僚屬奉教朝夕以故備聞公之行事也恭遇 覃恩贈公朝議大夫行看 帝心簡在繫蒼生之顓望其追崇夫公者崇德報功之典當與河山並麗矣公孫三汲三朋三瀛三壽岐嶷之質皆公輔之器也嗚呼積善餘慶豈非天哉某不腆之言曷足揭厲聊以答公祖之孝思云是爲記

重修清遠縣文廟碑記

清遠萬山大谷江海廻環上通雄韶下達省會以及
嶺之東西於勢爲最險於途爲極衝分守通駐劄之
邑也在昔盛時城郭繡錯阡陌相望絃誦之聲徧於
都鄙科第接踵代不乏人迨鼎革之交盜賊多有城
內外五罹兵火慘莫甚焉王師入粵削平禍亂歸
鴻漸集而過賓大吏之擾如故也正供之外視昔有
加安望其廣厲學宮而教彼諸子耶余奉命來蒞
嶺南今年正月以觀兵之役巡歷其地日擊頽垣敗
壁青燐白骨食不下咽與民有同患焉上元之辰謁
先師廟於城外之良方衆山包羅鍾靈毓瑞突起一
峯於位爲乾古瑞峯寺之舊址嘉靖三年所遷者尙
出前案則巽方一帶佳氣星嶽之所萃也洵爲一邑
巨觀思我夫子之道如日月中天正直是與向有不
謬形家者開旁門立邪徑於是人文湮鬱自天啓甲
子至今三十有七年矣余顧而數之遂與洪令卜日

之吉以開正門面前林木參天又吾道之晦塞也召
業主持斧斤而往伐焉其道大光矣洪令捐俸修葺
完舊蓋新夫子克壯厥居余曰多士勗哉今秋必有
登賢書者言猶在耳未幾榜發之日本學萬子琳琅
果以捷聞余提調闈中述其事於按臺張公蓋以志
喜也撤闈後揚帆江上載晤洪令頗稱快舉將立之
石以垂不朽屬余爲記余曰卧舟次逆流而上躁念
未化何以遊聖人之門稽之柳河東曰仲尼之道與王
化遠邇由斯以觀遐邇僻陋亦有鄒魯之遺風焉而
今學宮崇矣地靈人傑惟有志者觀感而興耳然起
視城內茅屋數椽居民不滿百戶觸目荆棘半是虎
穴倉箱無卒歲之儲田里無口分之業皆其苟延旦
夕者也軍國重務遑念斯民哉余故爲之太息云

新建農舍記

予命荼苦一生不得安逸所歷絕無好况方十餘齡即奉先太史公命往埤頭莊清查租糧某色若干升斗之計莫敢予欺因見農夫之業起羨心焉及其長也讀詩至七月之篇古之聖王務農重穀誥誨諄諄知五行粒食國計民生攸繫之矣惟茲東莊乃元代相傳之產亦越有明先贈侍郎公以農事起家者予有志焉未逮弱冠以後先太史公解綬歸里修農政於此每遇麥秋收穫感命予巡行原野并視場內如茨如梁予所忻慕也炎氣蒸人何敢辭勞鼎革之交土寇肆虐房屋焚燬荒蕪不治凡二十餘年不特東莊蒿然時予徵倖歷四外仕籍十四載相距二三十里或潦倒風塵夙夜焦勞遑恤其他辛丑冬以審案之故寓前任波累歲杪落職而歸風俗人情不勝今昔之賦予飽經世態厭棄城市久矣終宴且貧喜得遂老農之願也壬寅由春徂秋寓先太史公建坊事畢

八月築場圃相形度勢覓工匠經營從事於版築之間如草昧之初關風雨晦明無可庇身上冬兩廂落成計三十屢予始有丰楮矣招佃倩租費用浸廣予亦躬耕數畝甘苦同之癸卯仲春園內離宮修房五間北房十三間在東爲廠棚收貯材木在西爲農舍予藏息之地也旁則碾屋廚房中立坎門上懸一扁曰知稼穡塊予從前虛度毫無寸益至衰憊之年僅守先人餘業創立莊基予雖不能勤勞且以示後人之知艱難也東築一圍種蒔花木將建茅亭焉西築一圍供蔬菜坤方起屋二十間油房而外佃戶居之因陋就簡初夏完工數月之內心血幾枯各莊租糧所入無遺粒矣厥後耕耘收穫盡力南畝日偕二三野老話桑麻閒陰晴草木同朽予之事也倘逢大有之年我倉既盈公上之求舍此又復奚謀或問前有舊基先於此地營建開坎門者何居蓋予瞻雲念切舉趾東望是吾親處其中人子之心亦何忍忘哉聊

作鄙俚之言以紀予之苦云

擬傳諭滇黔檄文

皇清受天命爲天子於今四載凡四方萬國不問
海內外無小大咸臣順於朝時節貢水土百物大者
特來小者附集獨爾滇池黔中介在遐荒僻處萬有
餘里尚未歸命投誠想道途梗塞山川阻深不能自
致又或餘氛未靖驚懼于弟憂患長老皆舉踵思慕
若枯旱之望雨盤夫爲之垂涕皇帝具神聖之姿
躬文武之德治外先自內治遠先自近天戈所指若
摧枯拉朽風之所被罔不披靡况爾牂牁諸處爲西
南要會之地與安南諸境相接壤安南古交趾也漢
置九郡而交趾居其一唐分嶺南爲二道置節度五
管而安南亦隸焉古昔受經文教恪乃職勤乃業今
豈有二心乎王師不過興滅聖德尤在匪朕抗命則
殲如燎毛輸情則容若天覆爾等聞之老矣鷹隼之
搏擊不若鳳凰之和鳴也刑法之嚴肅不若德化之
雍容也長平冠軍之出塞不若營兵之屯田也伏決

之五谿不若諸葛武侯之七擒七縱也幕府親承
王命安定遐方爾各求全圖審計於利害毋忽

房社約

祖宗德業光昌垂裕後昆歷元明以迄今日閱四百
餘載福澤可謂厚矣凡係孫枝席久大之庇誰無報
本之思報本維何心術之光明也行誼之端方也忠
厚之繼承也體斯三者以式家訓是謂仁孝之志若
夫人文蔚起振家聲而昭祖烈在奮勉有爲者接踵
而興耳不則力穡經商亦我贈侍郎公發祥之基非
末務也春秋祭饗僅一卮酬地乎中規中矩可慰先
靈於九原蔑棄祖法則怨恫及之雖牲醴在陳亦屬
虛文吾家房社期會忠孝節義整齊嚴肅嘗聞之上
世矣 皇清丙戌歲我父 敦封太史公與我堂伯
復立社約聯我本夫以篤親親之誼願子子孫孫勿
替引之也嗚呼我父往矣典禮具在敢云廢而不修
繼自今面相告誡各勤職業居安思危遇災而懼勿
作怨勿俛德勿以小加大勿以少凌長去逆效順承
先啓後祖宗之源遠流長庶幾其不墜也徒事虛文

動言報本之思未之前聞矣敬開條列於左

戶科左給事中杭公墓誌銘

公諱齊麟字子瞻別號東侯東昌府之聊城人也余
卽墨去聊不數百里未第時聞其聲譽輒私心嚮往
之 大清 龍飛第一科余與公得同舉於鄉明年
捷同官於京以故在交譜中稱最契知其生平蘊藉
甚惡方期大行於時乃於庚寅秋捐館舍朝野痛悼
况莫逆如余兩人者與今其胞兄長公撰行狀來索
銘余安忍銘又不忍不銘按狀杭氏漢有東鄉侯抗
徐至昭信校尉易抗爲杭自祖諱福者始原籍江南
合肥縣以軍功世襲東昌衛因家焉福生忠忠生亮
亮生通通生二子曰潮曰澄咸有德德昌大前武澄
生時偉時偉卽贈君公所自出也自贈君始變髣髴
習儒者業其懿行文章另載狀中生四子長如蘓所
稱長公者是而戎領薦北闡仲若蘓以儒士早世季
今蘓增廣生員公其叔列也公生而岐嶷善穎悟方
毀齒日記數千言目可數行下長遵庭訓益好學不

倦自五經周禮左國史漢外尤喜讀禮子家語性理諸書至天文律曆兵農河渠凡有關經濟者皆纂輯自成一編曰國家以制義取士原期明理達用安能屑屑帖括家言擬採春華取榮召博世資乎蓋公自垂髫時自命特異故刺史程畸人見而奇之曰此蕪氏名龍韓家賦鳳後必文名世者每大小試無不冠軍如督學汪三餘翁水因皆期以兩榜第一人後從張遂玄孫興公兩先生遊兩先生海內宗匠操人倫之鑑見公與長公文輒有神物之目當世翕然稱之號杭氏雙壁政不減眉山兄弟爾公至性過人贈君見背哀毀骨立幾欲以身殉之喪禮悉遵古制見有士大夫讀禮而燕會歌舞恬不爲怪者曰移易風俗將在吾黨奈何蔑禮太夫人善病公嘗藥問寢冠帶不脫焚香籲天願以身代爐煙未盡太夫人已霍然起床上於是邑里中無不神其孝感督學使至有司遂以狀聞從來行優之文祇爲老生護身符錄未有

以少年眞品舉德行者公之純孝格天而卽以感人如此乙酉以麟經魁山左識者猶恨其不元公笑曰李杜何嘗作狀頭也丙戌成進士射策拔置中祕與同館肆力著述當華昧甫聞公煌煌大章實爲開代冠冕筆札圖書賜無虛日丁亥授吏科給事中公曰諫官爲天子耳目又吏垣與銓部相爲表裏地至重若容默養交或徒擴拾細事報稱何取清要地尸居之焉遂慷慨披瀝有直糾某某一疏雖荷聖恩寬大留中未下而不法膽落矣繼又有開報係道府職掌一疏有考核差滿司官一疏俱部覆允行一時官方震肅大小臣工凜凜隕越是懼聽馬之誼且起青瑣班中已戊子奉命典閔試閱故人材淵藪時初入版圖文教未敦操觚家尚沿明季陋習公持衡恪遵功令登賢書者率磊落英多而不軼於法嗣是人文丕變風會頓移實公之教也昌黎起八代之衰蓋無愧焉公知人能得士顧賦性嚴正雅不謀桃李

之私門下士自一謁外未嘗受其一貲有談及筮仕後
爲圖報地者正色斥之曰薦賢爲國陸氏莊所羞置
也已丑復命陞刑科右給事中是年冬有會推己
奉明旨一疏舉朝以爲不可少之議論庚寅春拾
遺罔所避忌雖固蒂鮮不拔澄汰無遺力矣然終不
以影響入彈章慎而公故人無怨憂陞戶科左給事
中公留心國計司農多借箸先是海內田賦未清民
窮盜起山左爲甚公與當事商確急爲覈察每巡方
者出談及地方利病必指掌陳之屬以興除天下陰
受其福不知也公立朝四載四遷其官中外之人莫
不想望丰采謂他年相業當不在司馬公下詎意天
之不弔而棟摧梁壞乎公賦性高簡乃獨與余締歡
於世法之外易箴時諭家人屬余以後事嗟乎生死
交情公固能信余哉比馳視目已瞑矣爲之雪涕長
號粗理舍歛海忠介遺篋蕭然祇有冷落茶羹耳嗚
乎痛哉千里歸櫬目斷魂馳今昔莖有日矣素車白

馬之誼不及古人則公信余余轉自愧公生於萬曆
己未年二月二十四日卒於順治庚寅年八月十六
日壽三十有二娶傅氏邑庠生傳以謙女勤儉宜家
尤以孝稱繼端氏邑庠生瑞澄女再繼劉氏世職劉
運新女俱克相夫子稱賢助俱先公卒子二徵瑞瑞
氏出徵麟立嫡王氏出女二側室趙氏出銘曰奔山
峨峨鳴石越越維彼修人挺斯伊淖異藻早騰推岱
彌渤浩乎莫京柏堅菱靜身則云亡風終弗沒

壽光司訓侯公墓誌銘

歲庚寅大受公卒於壽庠適公之子幼鉉別駕閩中
訃聞奔喪於五千里外及歸業屠於家園矣次年將
營墓事謀爲誌石乃致書屬余並緘所爲行畧余讀
未竟不禁涖簌簌下曰嗟乎悲哉公作古人耶向從
家君官南庠時知公名及接其人溫然如玉蓋自此
相周旋稱莫逆者二十餘載憶赴任壽光尚獲傾倒
都門握手劇談情懷眷戀豈期一別遂成永訣耶悲
哉謹按公姓侯氏諱堪字無堪大受其別號南庠之
聖族也先世籍我莒州有諱斌者明初爲南宮令因
遷武邑再傳能能生紹始徙南庠紹生錫錫生太學
守正世德表表詳載孟銓部誌節推樞事中正生思
封早遊膠庠才識邁羣年未壯而賁志以歿稱冲敏
公生曰清公庠生煦公之父也工詩精琴更擅書畫
自號四清居士詩集行世配劉孺人舉兩丈夫子而
公其震器生而聰穎有異才舞象時卽授學於叔祖

節推公言下便了了爲文有奇氣弱冠補邑庠文思
益進每試輒出人右迨屢上大京兆不得意怡情於
詩酒棋枰間或遨遊四方歷覽岱宗太華諸名勝地
且東陟蓬萊西抵隴右凡秦晉齊魯燕趙之區足跡
幾遍所結綢繆海內知名之士屢於庠將三十年膺
新朝定鼎恩薦明經初擬授有司公不樂就改選壽
光訓壽文獻久湮以振作之無人公至固以講學課
藝爲要而尤以敦倫飭行爲先諸士瞿然願化恨發
覆之晚也居三載三鱣應兆而公病矣垂筆遺囑神
思與朗毫無牽滯惟兩子弗至爲念耳門人悲致心
喪而張若水治棺衾親含斂可稱義士公卒於順治
七年二月七日距生萬曆十三年九月九日享春秋
六十有六云嗚呼歲在龍蛇耶抑天上玉樓成耶悲
哉悲哉公性孝友事二人務得其歡心撫弱弟勉其
向學與人交溫恭謙遜卽後生童子無敢慢其恂恂
長者乎生平坦率豪放多技能更不設城府遇知契

相與呼盧浮白竟夕弗倦興到則抽毫染翰賦貴紙
價筆妙換舊矣時而奕擅國手射可穿楊又玉屑罪
罪傾四座之聽焉迄今迴想其丰采宛然在目而不
可復卽矣門人親知僉議和藝爲謚洵有當於公之
品行也所著有貽清堂詩集副刻元配王孺人邑廩
生時恭女淑貞勤儉且孝睦仁慈閭里共推生於萬
曆十三年八月二十四日卒於崇禎十一年三月二
十三日塋於城北五里許四清公墓之左繼配高孺
人省祭菴氏女適公兩載卒又繼傳孺人處士教弘
女子男三長卽幼鉉任福建興化府通判初娶邑庠
生趙君克昌女繼娶邑庠生王君夢陶女又繼天津
處士周君國藩女次幼鏞初娶王君民醇女繼娶王
君立德女又次幼鉉遠遊女一適貢士趙君國祚次男
琳俱王出孫男五淠娶邑庠生邢君世法女鉉出浩
娶邑庠生王君正立女淵溥洛俱鏞出孫女三鉉出
鏞出一曾孫女一淠出西公子卜於順治八年十

月十七日奉公柩就王孺人佳城而並以高孺人附
焉余因揮泪誌其事復爲之銘銘曰陸時可洋滄時
可桑世變何常全閱辛彭丘原隆隆望之光虹安斯
永斯厥祥允鍾

豐縣教諭陳子墓誌銘

陳子諱彝字伯倫家世金陵宏才博學善屬文壬午以選貢入北闕領鄉薦海內知名余已丑分校南宮得一卷端雅醇練不勝擊節遂力薦焉以次藝有二習語見棄於當事余反覆展閱不忍釋手載薦亦復如故余因歎曰士之遇不遇豈非命哉獨是以二言阻其生平則不無遺憾撤闈後知爲陳子余太息者久之及持卷來謁丰神奕奕執禮甚恭余兩人相對泣下旋以好言勸慰由是朝夕論說兼讀其詩句有風雅餘韻余益爲推重矣無何以家貧出掌豐庠啟廸多士講學不倦且捐養廉之需重新聖廟會督學侍御李公復命首薦總漕吳公亦行文嘉獎其克自樹立有如此者壬辰公車之役復得良晤適又次第余瞻其顏色少變以爲風塵之勞也越癸巳余親學江上距豐邑咫尺余固不忘陳子而陳子無一揭相通余更服其品甲午仲冬厥子生員陳璿陳璣武

舉陳璧甫晉見如泣如訴言陳子一旦修文地下聞者莫不愴然余之痛悼曷能自己也璿等述行狀大畧乞余爲之銘始知陳子生而孤苦天性至孝王父陳壽山舊有隱德父太學陳桂宇早逝生母婁氏以節殉親戚或揶揄多家難嫡母周氏係大司寇莊懿公之孫女全節撫孤教子成名陳子肅範母儀定省無間孝修於家而譽聞於鄉至潛心墳典澹泊自足則內助方氏之賢也癸未科思母氏雙節未揚伏闕陳情奉旨旌表一門節孝颺聲奕世矣自得者令名施於身有餘者流澤見於後陳子何憾哉然余終爲陳子惜也生於萬曆壬寅年十月十八日辰時卒於順治癸巳年十月初一日辰時享壽五十二歲今葬於鳳臺山之原銘曰內有其質外以英華惟孝惟德厥後克昌首藉小試蔚起斯文余爲作此以永厥聲

黃母朱宜人傳

朱爲吳興望族宜人世家居苕谿曾大父雲峰起家進士司白雲於犴狴多陰德占者知其昌熾至右雲公以文學顯宜人端簡靜重訾笑母苟上承家訓熟內則孝經諸書于歸黃封公恪恭婉孌時莫與比蓋兩母同出於沈故結褵之先已有夙鑑云其事大舅姑罔不先意承志鶴髮爲之悅康封公昆仲六且食指日繁析火則資產益薄宜人躬蠶織蠲簪珥經營

慘澹佐封公以內裕外扞供饘粥而兼晝荻和熊如是者四十年如一日焉舊庭東可半里許有田畝僅百兩水環集渟泓穿映其氣滃鬱宜人啓堂構旣成與兄如弟娣共居無間言凡戚誼有窘置孤零者必多方周濟弟姪幼敏者俾從家塾受書其教子尤訓獎勸督之無虛歲尊師取友備極燕喜有陶母之風義方所至道及艱辛諸子每爲之撫心痛絕願安得不爭白濯磨而伯子已翩翩對大廷矣宜人以積勩

抱痼症從聞思修戒殺茹素間居則焚明相習每御下有體寬嚴並用獨是子既有成孫且森立家道隆隆起封公方德猷日懋屢荷恩詔例封封公如伯子官宜人之綸翟章表於天下曰此至教所徵也乃宜人竟以五十八歲終正寢此胡爲者也子三孫三

詳在誌銘中墓吳江震澤之新阡太史藍某曰余嘗詳考烈女淑德懿行未嘗不想見其爲人蓋坤輿鍾祥精勤練達昌大厥宗比於丈夫

矣然以概近代則鮮華沾沾者衆聞宜人之狀抑何其深而苦靜而能慈而嚴約而廣之至斯也其伯子自起己丑春官出吾門故知之最悉

瀛洲亭銘 有序

翰林院之東隅有亭翼然環砌爲池命亭曰瀛洲本
唐文皇開弘文館遴選才雋實其中得十八人時號
登瀛洲云瀛洲之說何昉也非列子所稱溟海五神
山之一而仙靈所棲託者乎取以名亭者何居謂諸
士歷金門上玉堂則清都紫薇之境也侍承明陪法
從則鸞臺鳳閣之材也泳游翰墨唾棄繁猥則乘虛
御風之樂也斯不亦翩翩仙吏哉雖然有所以仙者
顧士所自立謂何耳 聖明在御豈其以清華之選
私二三髦士令養安從逸也乎哉蓋望寵則難報名
優則難副夫士也顧名思義則胡不勉其難者蓋仙
之有無無論已如世所稱無亦謂吸沆瀣餐朝霞不
茹世味則仙而士能饑渴自甘擇諸隱慮乎泰舒曰
月之華黼黻雲霞之麗則仙而士能漱芳千古研精
百氏乎入水不濡入火不熱揮斤八極神色不變則
仙而士能齊聲望絕苦累乎鞭笞雷霆感召風雨利

濟萬物則仙而士能佐 天子寅亮天地燮理陰陽
俾湛恩汪濊元元禔福百昌嘉遂乎誠有之則奉以
飭躬是謂仙品措以經世是謂仙才卽在房杜諸人
望影而却步而況其凡乎登斯亭也庶幾哉克酬華
寵永有全名矣若乃學荒於燕僻行鯁於詭隨此卽
道途之人羞與爲偶其何仙之有哉爰爲之銘曰
乾闥坤闔人參爲三人責伊何匪道胡耽日與月與
迅如奔駛毋嬉而遊歲不我俟相古哲士人紀人綱
今胡不足令彼獨芳瀛洲勝地栽培羣英文墨議論
答我 皇清贊襄大業造膝格心紓徐鎮靜爲面爲
霖翺翔冰銜於斯多才澹泊明志尚勉旃哉

旺山亭銘 有序

邑之良方數里許曰盟旺山雄峙秀拔星峰相連予
社所由名也龍勢蜿蜒如僊人舞袖形邈其發脉之
原自昌陽嵯峨山至狐狸山頓起盟旺之山幹龍西
結縣治枝龍結予祖林屏山帶水原遠流長歷元明
以迄於今幾五百載歲時伏臘曾玄昆仍咸修拜掃
之禮予祖予父亦安厝於是焉距塋咫尺則為元代
世基高峯羅列大水環繞俗呼溝東即今之東莊也

往昔人煙稠密阡陌相望風氣古樸各務本業先賢
侍郎公發迹之處也越數載後族人不能保聚膏腴
歸之異姓或遇饑年或罹寇變居是里者不滿十戶
果陵谷相代運數使然與抑人事感召與予往來先
壟省視松楸過此荒涼之墟未嘗不神慟也廢棄餘
生既築場學稼矣場以東舊基二畝新築亦園中建
茅庭名曰旺山經營始於五月而告成於六月麥秋
霏雨以群才之未備工力較昔有加皆予老母焦勞

以圖之規模狹隘非為遊觀也仰瞻先壟如陟岵岵
馬嶺岵獻工營營崇崇觸我目中矣遵先人之彝訓
朝夕惕厲如在其上耕農力本之業於是漸次而興
且思及幽明之理不忍遠離亦卜地於祖父之側是
父是子若祖若孫後之視今猶今之視昔也嗚呼慎
之哉顧名思義循守罔愆佑起我後勿替引之爰作
是銘銘曰先人吉兆旺山之阿先人遺澤旺山之陽
鍾靈毓瑞迢遞千山孫謀燕翼以孝以忠予承舊業
敗壁頽垣艱難拮据肇建斯亭何以建瞻望白雲
耕讀垂後長發其祥

舊硯銘

而溫以澤而端以潔心則同堅理則不滅登著作之壇志聖賢之列海重珍此淵源澄徹

新製硯銘

嵯峨所鍾先壘所遺堅而能潤質有其文漸漬甘液曜明簡編厥德以受欽斯承斯

端硯銘

清雅之質不染一塵端方麗澤維石款款揮毫濡墨有序有倫經濟學問藉用貞珉琢磨而呈光采得自萬里之瀟

又

賦堅厚之體鍾於南洲和華墨之用煥乎其文磨成端雅利器足銘爾我苦心

又

文溫而理惟端石以稱良剛亦不吐羨雅量之是將登山涉水寶之於玉堂毫芒烏玉共佐我書香

長兄硯銘

大雅君子秀鍾端溪剖瑜以示如璧如珪叩之清越助我文奎長兄所珍弟銘斯題

又

靈璧之野磬石之山指構翠色久采光燭觀磨有益簡編素嫻

族兄鶴林硯銘

而質光澤既溫且堅購之端洲資吾墨水相用著述古稱精良惠我族兄隋珠和璧海重銘此鶴林珍藏

蔡魏嵇卷夫子文

嗚呼夫子命世之真儒也哉鍾嵩嶽之間氣承先德
以發祥芳潔天性文章緒餘有此此不渝之操有暇
嗽不滓之節履仁蹈義孝友睦姻先邦家之光也醫
年嗜學博洽淹雅辭窮卷盡闌伊洛之絕業時里族
多凌競或擲揄夫子匡救力持克靖家難庚午以麟
經薦於鄉越癸未捷南宮羣推不羈之才經國之大
業肇於斯矣體備韓歐思兼莊屈早登作者之塲擢
入詞林海內想望丰采卓哉夫子不可及已丙戌分
校禮闈仰副 聖代首開之典釐正文體起衰八代
後知於夫子之門者三十有一人某亦濫竽其中授
之衣鉢是秋載行鄉試夫子典試江右力挽波靡人
文為之一變實有裨於世道非特公門桃李誦法仰
止已也及出入禁闥纂修實錄斟酌損益存董狐之
筆國史於焉可傳 帝曰汝賢特晉學士之秩與叅
機務啓沃實嘉穎之標題章奏風儀在公某亦步亦

趨不忌夫子之況瘁也夫子不言勞不矜功謙讓未
遑休休之望有古大臣風焉嗣是聲施益隆枚卜指
日迺高怡退之節復移忠以作孝念太夫子之龐眉
其疏陳情遂奉 俞旨馳驛榮旋在癸巳之六月也
同門諸子躬餞於郊夫子諄諄告誡猶云相晤匪遙
某拜別後於七月視學江南 君命也不敢辭勉力
待衡期羽翼夫吾道暮春一介度候夫子亦加許可
宇奉几案佩服罔斁入秋方擬載詣懿訓忽聞邸報
驚知計音心栗慟切涕泣避避哀哉小子其安仰哉
吁嗟乎道有時否數有時遭以夫子之才之德當輔
翼子 聖主天胡不慙山顙木萎竟不獲大展風志
耶然某觀於夫子又何憾焉五朝數載勛業赫奕
華恩褒封榮二人廕子嗣今且 卹典先父泉壤世
兄玉仲翩翩已琢成玉國之圭璋同門多士備顧問
有人列臺省有人充部曹任監司有人稱循良者亦
復不少知人得士於斯為盛吳日位秩崇階所以上

慰夫子之靈者正未艾也但某一官袍繫未報涓埃
又不能匍匐哭奠追憶夫子之音容怒馬摧折謹賦
十里之哀辭聊寸衷于誠世洋洋來格夫子鑒諸

公祭孫介庵文代作

嗚呼公人傑也而竟何往耶少員不羈之才長裕弘
通之學十度翩翩志氣軒昂經國之大業濟世之速
猷預卜之於芸罔矣邇厥先代積德累仁人文冠一
時科第蟬聯有人才卓越而投邑宰者有以魁名者
里中夙推望族公王父及公之大人履道敦厚博學
宏辭雖後先輝映舉天府之俊英振鐸膠庠已嘆尺
蠖之屈然猶享遐齡也公仰荷餘澤遵先人之矩矱

勉力支撐肆志於文章篝燈弗倦博洽厚書踏于百
家淹貫無遺結社昌陽凡儒宿名碩靡不皆扣且高
人逸士時與居遊以故聞道最先不特邑之後進慕
敬即山左大社咸敬服焉過試拔前茅為主司所賞
鑒早年食大官視功名如拾芥奈命之不猶屢困於
塲屋識者尚謂老其才也迨遭家多難人事紛紜榮
榮胸次公未少介意也既登歲薦赴廷對入辟雍
光明俊偉之才海內知名公之眼界一空公之志望

益宏廓矣方微百里之選竟授刺史之佐固不足償
公之苦心矣公歸里候選展卷愈勵髣髴淵明或優
游於林壑或寄情於山水日偕親知把酒論文雲煙
飄渺之致瀟灑於楮墨間多寸多藝其餘扶耳卯春
遊大江之南歷蕪城次寶瑟繼抵姑蒼意興所之不
謂江湖之險而謂山川之勝也瘴癘侵尋公疾由是
作矣藥餌罔效一旦修文地下果修短之有定命鬼
神不能轉移耶抑公之高蹈遠引厭棄塵世耶姑蒼
太守孫公雅重維桑捐貲以備不虞此友道之不可
槩見者非公之盛德而能若是乎某等情切葭莩聞
訃潛然傍徨如夢不能自釋公之猶于簡臣誼敦骨
肉不憚數十里之勞涉險奔喪扶輿以歸尤公之孝
友所感也公于岐嶷之質衆所艷羨異日為克家之
令緒光顯門庭公河嶽焉當含笑於九原矣嗚呼追
物忌才古人其萎壯醴具陳俎豆斯列公靈如在來
格來歆

候李操江

久注威儀冀瞻道範奈竟未遂仰止之思祇從李守
口中備道惡政實心安民為國不特世還清恬而且
多士首沐薰陶武功文治於今為烈也某未領論思
益深荊州之慕矣閱邸報諗公忠偉畧信於僚友鑒
於天子將自此帶礪策勳輔師虛席直且暮間耳
共為慶慰又曷可云本擬躬候凱旋登堂言賀名歌
湛露予歌壽考豈不洽此生平而廬郡多士需侍已
久勢難復淹饑渴之懷徒切悵悵一芹仰私伏惟含
納五中耿耿不盡願言

送石學院午節

節傳地臘日麗天中老年翁文昌名世當三吳秀麗
之區不特高文典冊納諸冰壺且名水佳山杖之襟
帶矣虎丘觀渡一杯大嚼此際風流何減曼卿欣羨
欣羨如弟跋涉山川積勞成病又風愈超愈下腸胃
皆染腐穢非止污目也况迂滯不合時宜人怨及之
對此芳辰徒增怛怛耳何日得晤傾此苦衷予一爇
代語非效俗儀之修惟老年翁鑒之臨楮神往

答史觀察

昨臺下過鍾離不佞方勞於閱卷未遂快晤近接芳
翰如榮蒞幸新明刑弼教佇看偉績矣惟是江南健
訟成風不佞習知其弊向清釐學校皆不容寬但屏
懦儒生受凌強暴者亦復不少不佞職司所在况近
奉嚴旨凡屬子矜事無大小不佞當先與聞然後
置之於理高明如臺下知能一洗從前之陋也望之
冗勒附復不盡

答潛撫沈老師

某命之不猶行與時違竟惟意外之慘向來柔腸寸斷百病交作誠世間第一苦人也達荷老師慰問感激涕零此後當勉力試事以副垂注之誼至秋闈得人倍於往日兼奪大元是數科僅見之事老師提誨之風心與某較閱之苦衷亦兩有光矣但拘執性成公而絕私如拔孤寒正文體變士習種種不遺餘力皆老師耳目所詳也迄今兩袖清風無良之人猶然

言及之天下尚敢有任事之人哉此惟老師可以俯鑒故恃愛並陳

答婺源令張含貞

先人舊祠原期補葺不告風雨子孫之思廢幾少慰耳乃辱賢令問新悲傷瘡痍之赤子非先司寇當年保愛之心也是在門下提衡而善處之卒復不既

答潛山令鄭恪庵

先司寇宰皖幸無獲戾士民敦請新祠固秉懿使然亦晚俗之厚也但時方多肯民生未起恐重違先司寇保民之心是在門下權衡之候秋成後計議何如

與姜玉璠時主考江南

答韓如石

昨達經年有懷無已向聞社兄人倫藻鑑式是南國
貴治疊罹水災是天下第一苦邑也治僕至誼相關
不安私心慶之外閱錄中諸子皆有清新醇雅浮靡
一空如榜首尤素賞心之士批抹月課更費苦心社
兄慧眼超拔為朝廷得人亦吾道之光也欣服欣
服昨在省應圖一晤恐致嫌疑肯諒之否不佞賦性
粗執虛公自矢社兄所詳也數月以來正文體變士
習頗有成效至執掌試事不遑宵晝有生以來未受
之苦今備嘗之矣不惟兩袖清風百病交作而積怨
叢咎又何恤乎人言乃家門不幸復罹亡子之慘是
天欺我也近方知之以多病之身加以乘軺寸斷竟
無意人世間矣都門蒙賜旌奠足切弗諉謝謝敢布
愚衷惟社兄指示之臨穎可勝惓惓

貴治疊罹水災是天下第一苦邑也治僕至誼相關
每為慮之惜愛莫能助耳承存問遠及讀之倍增惻
悵告盡甘來特待何日惟冀老父母寧心以處脩陳
水患於各上台諒無不動念也治僕一片公心數月
積勞迄今卧疴未愈有生以來未受之苦備嘗之矣
縱人之無良相怨一方亦聽之而已乃家門不幸天
子赴北闕應試卒於京邸又何心於人世乎曉恙特
劇不知梓來如何敢此附聞臨穎可勝惓惓切

答崔秋濟時任德化令

答樂昌盧令時職

計別曰載夢想為勞不意至戚骨肉相逢在天涯海
角也日過浦邑與長弟相對泣下特以共事為慰耳
但生以積弱多病之身跋涉萬里入榕城甫三日旋
供億半中雖職所當盡而百呼不應未卜將來何狀
日擊瘡痍之亦子用苦顛連每不禁神傷也賢弟濟
變弘才知必祗福一方我舅父之家法吏治行且勿
替引之矧望矧望戎馬倥傯違從解前觀札示具感
不宣

注念之雅矣兄病率復不宣

候海右道

向以萊山吳水久懸錄述昨過里社小札代候實申
編氓之誠未荷莞存抱愧多矣敬啓者治生素凜功
介何敢與聞外事惟是邑中父老有至情欲呼籲向
治生更切言之似不能默默已者如均地一法原為
清欺隱正賦稅也敝邑僻處陬澁不及他邑自昔萬
曆年間步弓四尺前按台馮公祖定額三尺有八視
明季而已損公上之求猶未至於病民近聞衆口共
稱新給步弓僅三尺有二則履畝而計之凋敝之餘
恐所病不在民矣仰祈老公祖詳酌公呈軫恤殘黎
其禔福一方即所以培邦本也統希慈炤臨頤激切

寄王提封

一官半職兩三月不過何其難也弄之 上諭適逢
其會是以遲遲將誰怨怨行之太早耳百病交侵資
斧不給莫知所終故園兄弟之懷日甚一日恨不得
即歸夢山務農課子以畢殘喘也先龍建坊大事不
遑躬親仍不孝之罪人矣吾兄幸留意焉第久困於
外難以言悉若補選方苦境更何以堪之也辱知獎
三十餘年敢以達之希指示為感

又

兩辱知已德音足切至誼捧讀數四不忍釋手遂貼
之道舍壁間不啻我兩人朝夕對談也弟命之不猶
湫湫此身不知安頓何方鄉思益殷宦情益淡縱補
一善地其如之何况未能得耶聞吾姪受業君子學
中文套乃仁兄已試之效也甚慰鄙念既在城市似
不必言莊家五行矣是日向奉 上諭以部覆致駁
故爾遲遲候 題明則補遠近甘苦殊不在意中也

答洪瑞玉書

素荷道範銘佩中心別後六載謬蒙殷殷時叨天際
真人之想知門下有同懷也不才疎拙之性不合於
時賢餉八閩抱恨終天為不孝之罪人卧疴苦塊中
值海逆猖狂幾有性命之憂從弟卒於是仗台庇跟
踰歸里百惟侵尋自甘廢棄奈散邑習俗險惡三年
間迄無寧日不得已北上為門戶計也又是萬里孤
踪暑雨南來海逆肆虐於江上冒犯以動險阻備嘗

今歷三時矣次橫浦辱台函遠施文詞燦爛瑰奇
當也竊喜知已天涯更治民情誨我不逮得所倚託
矣相晤匪遙先此裁復冗緒不莊恃有鑒在太夫人
康祉二兄學業並問不宣

答張萊山時任順德

第一生迂拙數載沉淪茲受事甫五日跋跋牛馬走廢寢與食而人民之顛顛風俗之類靡不禁歎惋及之所謂不見不信也病廢之餘不勝其任行且圖歸計矣親翁維桑之誼相距百里今不啻同升也載接教劄如奉面談其志注存之雅冗次畢復希鑒不宣

候李督臺

正月九日三水舟次載觀龍光辱荷溫語提誨迷途孤踪佩生成於無既但愧某疎拙之性冥頑之質跋跋牛馬走筋力不堪鞭策而恪遵憲臺明命遇事認真何敢以無才自慰叩辭後疾馳清遠松查士卒業於十三日具策報聞矣望日冒險跋涉決辰之間歷過連陽三邑皆照年貌籍貫逐名查閱盡杜虛冒之弊裁汰亦復不少沿路問民疾苦遍示禁諭灘高霧重從前因循故事未有躬履其地者某不恤勞怨竟染賤恙今已趨省調治繳冊人便謹此項稟伏祈俯鑒

答韶郡趙太守

學宮告成可以振起斯文于且必多聯高者是徵門
下作人之雅矣鵠未如式尚非巨觀中州清淑遺寓
三點乞叩改正之不佞潦到無似苦海數月不能去
繁就簡益凜覆餗之惧何足云賀况羈留於此不益
重其事乎日來晝夜拮据心手交困如復命如賓
興皆有貽累焉最難者靖藩移鎮在邇司帑空矣需
餉二卜餘萬其何術以濟也門下誨我為慰速辱注
存曷克當之昭別或在九月之交冗病不暇莊復布
鑒不宣

過嶺候董撫臺

某猥以散材叨庇宇下數月於此矣辱憲臺雲天之
誼踰格噓植教其不知宥其小過諸凡立政立事受
益於憲臺者可謂咳唾珠玉矣每念知遇隆恩感泣
交並未識報稱何日昨叩辭台堦飽明德荷枉駕兼
拜長者之賜銘佩之懷筆何能悉初三日開船入瑞
州告辭督台相待優渥皆不世之遺逢也逆流而上
風雨淒其歎周道之委遲頃罷被之靡涯今於二十
四日度嶺矣瞻望法座益切馳戀謹此報聞外某侍
罪嶺南行與時違所奉者憲台之法今所念者無告
之赤子執法而不徇情一得之愚固某之可自信者
保無怨言及之他如不畏強禦督催餉銀代催米穀
未免過激亦足招尤生謗統恃憲台之兩鑒耳江南
繁劇之邦明刑重寄人情難調某雖識短才拙而矢
志不渝即所以仰答高厚也兩字功名又何恤焉抑
更有言者分守所轄僅清遠連陽四邑若十二縣視

為贊員吁應不靈成功集事分守不與焉清遠街疲
無似頗煩整頓建陽距省十里界鄰南楚西粵官民
疾痛呻吟某向員陰親履其地所目覩者府若廳未
之知也一苦於省棍之跳噬一苦於上差之拘擾蓋
奸究虛詞聳上訐害卿憲一發府廳便行差提既到
彼處則與原告沿却扶騙難大不寧飽吁欲而後已
初敢疑而不敢信繼敢怒而不敢言且上差日費銀
五七錢不等各里排輪流供給或半載或數月盈索
而歸拖累無故之貧人有困於塗者有斃於獄者良
可悼歎某曾屢屢申飭近亦少息恐此後仍踵陋習
則建陽片土終不能相安矣尚祈憲台念此險要之
區面諭示禁有犯必懲庶可保無虞也某以去任之
人惓惓愚忠不忍自釋故瑣瑣陳之伏冀慈鑒

候補江宜撫臺

某賦性迂拙遇事認真十載中秘一旦外任憶十三
年督餉八閩恪遵憲令趨赴定遠大將軍安海營內
供應糧米料草共計三月軍需毫末缺乏屢辱憲劄
嘉獎乃開計之日值海逆攻圍省城某染病幾危蒙
恩放歸即家人父子間無刻不感頌高厚也亥春候
補都門兩次叩謁未得一遇迨復遊嶺表歷試諸艱
藉鼎量移又在僻廐之下奈過皖江又未得面叩中
懷悚仄自十月二十四受事以來前任數月積案幾
至盈棟毫末展拆欽案約二百餘件某芒刺在背
晝夜清理廢寢與食顛顛萬狀而各院台檄下如雨
未免代人受過幸荷二天之誼特賜溫語敢不矢心
盡職以仰答覆載乎最苦者某一人之身才力有限
而各郡利官屢調不赴諸難措手尚祈憲台訓誨或
可免於重戾也冒昧具陳曷任悚惶之至

答和州楊牧諱維芳

食祿任事正當夙夜匪懈勞怨不恤亦共諒其無他
讀札示足見留心民瘼然須不畏強禦鉤奸剔蠹一
洗從前之陋措諸衽席是所重望也一涉瞻顧何以
造福窮黎如限於力即為中揭共圖懲處此亦才望
所關惟老父母加之意焉兄次率復不宣

寄楊猶龍

未冬同病相憐於今七載矣世路嶮巇萬里孤踪不
禁感嘆天之蜀中名勝之區山川秀拔七年翁題咏
佳篇知可益筭何日賜教以啓弟之愚蒙乎弟歷冒
霧毒竟成病廢之人載遊江表猶昔日之不合時也
諸事掣肘旦暮圖歸計矣涪州吳牧向有一日之雅
弟曾為鄰封之氓茲庇宇下其又率治行定荷賞識
或不待弟詞之贅也便中草此代候近履希台照不

宣

答宋荔裳

答黃振侯 時任鳳利官

憶昔聚首都門朝々依依逾於骨肉不意同病相憐
老朽以萬難之際不暇叙寒暄語半載之苦亦不必
南北各天數年來升沉之感曷可盡言况罹先嚴大
故久無心於人世祇付之浩嘆已耳老親翁別歷中
外久著弘施分且屏翰東南佇剪鯨鯢功高績顯內
擢可計日以俟也如弟迂拙性成行與時違之閩之
粵歷試多艱誰可告語者今人以經年積案責效於
一人一日之手第身非百練其何以堪之乎政欲修
同舟不比尋常亦何待囑予冗苦草復并道喜不宣

問瑤園忽墜捧誦之餘恍如長安言歡時也但盈盈
一水握手無從徒切企予之懷教愛諄切容當奉爲
型範冗中率復可勝神馳

又

原是繁難之邦諸務掇手盤錯利器知賢姪揮霍有
餘也次第舉行因循最忌使僧老胥加意防閑之
欽賊數日之內詎究三百餘兩亟解藩司爲望不才
積勞多病之身近有意外之苦將矣能支矣賢姪雷
厲風行慎之於始規模已定則後此者反掌聊布腹
心冗復不既

答何按臺 時赴上江

廿一廿二兩捧憲劄教誨殷殷極感生成之誼但仰
答有懷而掣肘堪嗟若輩各有所恃遂至迫於勢而
窮於法也自聞 先帝之變某血淚交流心膽俱
裂度難免於今之世矣况 新令倍嚴人情巨測世
道雖云濫觴而此志此行亦何敢隕越貽羞一片苦
衷惟憲臺洞鑒之耳奉駁諸大案日久人回者多猶
煩提訊但事無大小皆藉口 恩赦未知將來如何
正在兩難應行應止尚祈憲台嚴飭之刻下賤目尚
未全愈不能殫陳

又

某辱栽培者數月教愛有加無已中心銘佩惟永矢弗諼也拜達慈範歷夏而秋矣瞻望雲天徒切企予之嘆數奉憲劄感泣交並但人沉苦海中百病交作未准接署為欽賦事代人受過行將請學為農歸耕勞山守先人之敝廬以償夙志矣七月間兩辱憲劄遠及所以鑒某者殊過其情匪所敢當也但乏人便未遑修候罪歎何以茲遇承舍之行謹具蕪詞代叩近履病中不暇多贅

寄單拙菴

己亥七月二十一日過膠西時辱三哥注問兼拜隆祝感佩至今甚慚疎節祇因遐荒之遊瘴氣侵人事事棘手卧疴數月及劉巡司之任及承注遠及三哥之愛弟誼云涯矣載入江表大案山積弟執法以圖廢役與食半載內嘔盡心血結欽案二百餘件不意為前任波及禍在不測凡承辦者皆罹重辟惟弟仗兜庇得苟全性命也閱秋徂東賤疾舉發幾無生趣踉蹌歸來適值改歲里俗險惡室人交謫以復之軀未識何以支持聞老年伯母懿祉佳勝三哥道體甚暢世兄高捷南宮福萃一門頗慰下忱客耶躬叩稱慶先草數語代候薄慰芹私愧不成幸仰惟俯鑒臨穎悚仄

白齋箴語

人品邪正謹於所習多言亂聽理欲交乘確有主持者幾何人不孝苦塊餘生未達時務親朋在座藥言苦口是所冀也其告我以古今得失之林某宜法某宜戒者即當北面奉教此友直所以居三益之首也可不勉諸

訓子姪

化氣質求放心此為學之要領若舉動固莽則中之躁妄可知亮兒素犯此病連日讀書如何年已長而無寸益是吾憂也速加細心為望

丁酉四月寄訓子姪

士子臨場讀書曰溫習舉業為宿學言之也養氣練詞草機醇熟名山大川之藏故府典則之規發無餘蘊斯為必中之技疎淺者流用力於一旦意味亦覺索然若潛心做去往往有得手處正不必多求也

又

胸中空疎而語多纏擾不細心之過也讀文須會其意究其理方為有得若無理解徒事剽竊是題目題而又自文何年是上進之日

又

靜坐讀書自是不同見姪亮兒之文非從前荒疎矣
須當精心努力與日俱進方不虛度光陰也勉之勉
之戒窮愁卧病二日今已得愈無慮也

諸子姪應試寄訓

十五日燈下見家信知已至府城學台下馬尚遲正
當潛心讀書萬勿隨衆閑遊視府城無異於勞山纔
可以求放心作文須當精爽簡捷庶免見笑於方家
並免貽笑於老矣也汝等即共勉之

戊戌十二月歷山道中寄諸子姪

人情險而惡立身淑世其難其慎切忌妄言招尤賦
稅繁急續為辦納馭家人宜嚴有紀必懲待佃戶宜
寬勿令騷擾得便即讀書若俟清閒然後讀書何日
是清閒乎內外門戶守禦莫疎每夜當查驗共處一
室之中或往來或飲食既不能絕人逃世自不敢不
同流合汙也益者三友尚其念哉此皆我昔年經驗
之方已試之毒其聽之勿忽

乙亥都門寄于弟姪輩

一代之興有一代之文運而好尚攸係焉 天子聰明睿知學術治道無古無今好之不倦於詞賦之類尤加意焉今覆試江南舉子頭場一賦一論一頌二場四書藝也三場序說解判判依律斷去不用格套則所重可知矣士子憲下祇習八股文套不知古學亦為可恥願吾弟吾子吾姪輩速讀古書凡各種類求名公每選數篇熟誦而理會之庶為有用之學可以應制得心以後卽下筆作時文亦自古勁雄博出經入史既無弱氣并免俗腐之病矣古之大儒未聞以八股卒業者也其勉之不懈

乙亥都門寄于啓亮

旅中無事猶得晤對古人讀書錄文藉以自適然陰霧時多每旬日不見晴明兩眼無光則几坐斗室愁悶千萬既不得侍先壠又不得見兒孫思父家事內外費用無資使夜不成寐度日如年曷怪于其衰也汝受累於家須那忙以學問終日應酬紛紜何益瑩內建坊為期已迫開基之日併工圖維築之彌堅務為久遠之計日不足則繼以月必躬必親勿令匠工偷安誤事也器具準備飲食留心則人樂於赴功自無難事矣

又

久客長安感時觸目過景增悲思今日乃大父壽
辰同汝伯父遙望致奠不禁流涕也昔年宦遊京師
如何稱觴家間如何宴樂今此之際幽明間隔且為
候補之外吏月移而歲不同傷感倍之矣興言及此
恨不能掛冠而歸也百凡何心哉憐憐向留二役以
為即補官因地方遠近另作區畫不意遲之至今部
履未確以農事方興塋內大工屆期改遣之回旦暮
聞報有家信至方可令人北來恐來之太早米珠薪

桂不便也聽之

又

隻身燕邸嗟陀歲月困米薪之細務元旦清明不得
瞻叩先壠慟傷於衷莫贖之望矣自正初以迄於今
心思煩躁兩日浮腫針毒循環者四次猶未甚也三
月十日左眼火發眼角出濃涎夕不休所謂眼中流
血也十四之暮我馬也墮墮醫藥調治經夜起視心火
愈熾十六日腮頰肥腫自覺面目可憎雖浙中金凡
按脉立方亦莫知我艱出都無期何以寬我懷耶其
苦如是亮兒知之

人

臘初離家付賦來葛矣歲月無多瞻視先壠課農桑
散兒孫是其本業而猶栖栖天涯動輒半載以有用
之身而淹滯於無用之地道家按月而追房租下走
按月而索工食八口裕罄馬亦日需草料兼人事往
來有必下可已之費繼日夜以焦思徒勞形而耗意
其苦已極若仍補遐方跋涉山川不惟資斧艱難老
身亦莫知所終矣偶言及此閱莘不能復贅

又

四月二十一日托靈山張姓者帶一信聞行道遲遲
恐誤字內之事也想此時已發人北往矣不覩家報
三月有餘今於二十八日始見之既慰我懷且增我
慮堂內建坊大事如期而完可喜也汝之才汝之孝
具見一端似汝二十五歲初荷家政重擔正可磨練
而激厲之若任意閒散不痛不痒則為字內之廢人
憂勤惕厲勿論居家居官須體而行之如悠忽半生
臨事便無主持矣汝云備嘗殊未備也凡人凡事俱
不可苟不可忽有餘便讀書老父至今甚悔從前之
不讀學問既疎則諸務茫然今見一學問中人便敬
之見一學問字便識之不取忘晚矣

又

儒者拘守一隅不知世界之寬且大也讀太史公書
僅聞其地與名宇內名山大川躬行實踐方愜人意
不然則屋漏之妾婦耳畏首畏尾心竊笑之百粵為
嶺外與區仰止有素今得乘興以往涉江千歷湖口
至於南海上問民疾苦建功異域亦學人所有事也
四海為家何必介介於懷但衰殘之質性與世違內
外交困匪伊朝夕跋涉萬里將嘆風飮露予其何術
以濟之也幸托諸親知為我謀之

又

初七日因便付一信矣衰殘餘生離家五閱月仍補
遐荒地方相距八千里天南路盡矣海內山川不幾
周遊而歷覽之予吾為東西南北之身吾力猶能驅
驅吾才尚可展布安危非所計也特俯仰無資則大
可慟心者然幸而過門里辭先壠屬子孫以正業與
親戚知友得以叙契闊焉侯 敦與憑稽遲時日裝
束上道當在午終未初也水潦方降高梁遍野告倍
於冬矣命之不猶將誰咎

人

三年間與汝伯父朝夕依依和氣致祥入京兩月同
寓中頗不寂寞分一旦東西南北年皆五旬之外未
知相晤何期言之不禁泣下大抵家庭事以忍讓為
主不聽婦人言不信奴婢語在一人有主持自可免
戾端也若從祖父起見則宵小不得乘機而入矣汝
同汝兄在家須當和睦凡事相商有故相規勿起
猜疑之念亦門庭佳氣也至於老夫一生苦守清貧

照樣行事恐貽累多矣

入粵道中寄子啓亮

中秋十六日自臨淮寄亮見程律別後兩泪交流遠
走萬里知汝亦有不忍於中有二十五日寓夏莊延
祚感病寄店家並留一駟令其待愈而歸曾付一信
今何如也路多露霖冒犯以行衣物盡濕苦浙以南
野無遺穗流離在道郊城宿遷皆是水鄉兵荒交困
災害並至吾家糧石尚宜節用以備不虞至海寇肆
虐江以南搶擄不堪兵馬雲集漸次掃蕩矣人之謠
言殊可恨也過九曲遇鄉中人云祖母起身北旋到
處探訪杳無行踪極為焦悶踰五河問舟子方知自
毫而返我數月不得一見真不孝矣初十日次汝伯
父衙內相對泣下以難治之邑費精神竭力顏色
顛顛而退食自公淒苦之狀蕭條之景有令人難受
者數日不食不下咽我亦病矣旦暮即行汝伯父苦
留想不過三五日之內小人倡亂隨處不寧富貴二
字命苦之人不必提起可以絕妄念矣家間諸事須

汝老成為之次第舉行背父之教是大不孝也勉之
慎之

又

十七日華一信十八日托人帶去知可到矣老夫受
勞受熱一月鄉心在汝伯父暑中鬱悶之極見其刁
疲之象辛苦之形食不下咽於是日腹痛水泄二日
方愈今猶悒悒也手足之情不忍遽別故於廿四長
行前途成巖又何論哉大南地北離亂交襟惟以本
得叩辭祖母負罪於中不能自釋耳囑汝讀書懷古
正言正行老夫之心寬矣儉德可師節用為貴教石
之果一朝用盡將何恃哉

入粵道中寄子啓亮

九月二日自金陵登舟入粵離家日遠一日北望先
壠五內俱裂載寄數言以示亮兒自八月十八日姜
敬老寄信又於二十一日草一信付毛昇猶未行也
汝伯父之苦非一端不忍見聞老夫二十五日由淮
起行廿八逾江次龍江關口遇大兵需船不能促求
到處訪覓僅有中船三隻價倍於昔非官船也士子
來晤者迎送不遑至入城拜客向之無愧於心實有
德色而人情指示之嚴不曰此前之徇私廢公人也
吾知免夫書史門名來見畏憚不減於昔那路費以
賞賜約數兩矣我則以此為慰家中諸事屢屢諄命
須汝老成為之處心無他人言從何而起敗名喪檢
四字能無惧乎將以此慰親之心乎戒之勉之

甲辰寄子啓亮時赴雅出省

二十六之晚江成山送汝家書於莊上展閱畢卧坑
無語遭此光景汝何以受二十九晚張役到備悉其
苦且為徐後事無一不完雖云用盡資斧亦未舟之
誼也汝字內先則精神恍惚後則心亂神傷其為憂
驚何似須寬懷善飯勉力前途以副老夫之望勿抑
鬱不解徒自苦耳窮之所使只得仰面諸公想荷來
注沿門持鉢亦何傷乎傳聞五月必考即待以完之
以載行之難也作文要顯明字要端楷汝其勉之惟
願汝謹慎小心謙卦六爻皆吉恕字終身可行老夫
莊居務農版築有事則入城為門戶計汝其勉之

乙巳訓子姪

德行文學聖門並重博古通今名之曰士士志於道
必非淺見寡聞所可比擬中之實學徒冒虛聲剽竊
時藝不規理路問以典故茫如也殊為可恥其何以
謂士哉今奉新令策論設科益求博學宏詞經濟
大猷翼我國運浮套陳言屏去弗錄則學古有獲
向日之訓信為不爽

又

余廢業久矣偶於乙巳暮春讀甲辰會墨知一代之
風氣所尚孟夏讀唐宋八大家蓋有志於古也又選
房書一部竭目力與心思望子姪之向學耳須各細
心理會專功於斯寢食於斯將以前所讀之家常俗
文粗枝大葉文悉焚之於火滌之於心另具一副肝
腸出語無俗韻下筆有沈思行文以古勢庶可望其
有成也

先君子一生政苦成丙戌進士讀中秘書荷

章皇帝特恩賜名以待讀視學上江尋參閥粵政司臬江
南清正嚴明蓋至今頌之連擢晉楚方伯未之仕而
直道莫容忽以前司審案波累罷歸先君子隱居東
郊自號農叟偕二三野老種松栢話桑麻戶外事不
與聞焉乙巳九月以疾終於家不肖延時方三歲膝
下之歡曾不得矣先君子之嘉言懿行焉得見之而
焉得聞之俯念疇昔不禁椎心而泣血也此是稍長
嘗以課業之餘探先君子手澤所存蓋仕宦風塵無
日不在學問中焉後得詩文數冊曰韋脩堂集先兄
啓亮所輯錄者未及梓而一疾捐館不肖延執紼小
子形影相憐雖元生書齋免事詩書念先人之明德
惕惕焉隕越之是惧矣年來揆舊麓復為增益分類
成集凡一卷將請正於名公先生付之梓人以永其
傳不肖延何能贅一辭痛思先君子即世歷今幾三
十年不肖延緘軻抑鬱寸進為九原光寵傷如何已

捧讀是集先君子之形容如在也聲音如聞也家訓
諄諄不啻耳提之而面命之也人子之心蓋有大不
忍者故披淚數語以誌無窮之哀慕云爾不肖李男
啓延謹識

康熙癸酉夏四月

聿修堂集一卷

山東巡撫
採進本

國朝藍潤撰潤字海重卽墨人順治丙戌進士官至
湖廣布政使初名滋故國學進士題名碑及館選
錄舊本皆作藍滋後官侍講時乃

賜今名其爲江南學政時有視學錄爲福建參政時有視
閩紀畧爲廣東參政時有入粵條議爲江南按察
使時有臬政紀畧今皆未見惟此集爲其子孫鈔
傳詩古文寥寥數首皆應酬之作殆非所長

寒松堂全集十二卷

〔清〕魏象樞撰

遼寧大學圖書館藏清康熙刻本

附《四庫全書總目·寒松堂集

九十二卷》提要

寒松堂全集序

雲中魏環溪先生以
宿望重於朝端而性
特恬淡當先朝之末
年未及艾即退居林
壑若將終身焉今

上圖任舊人

詔起田間先生一出而

朝宁增重卽衛士爲

謝蘇春

之手額余固久耳先

生名適於班行望見

顏色心識其爲當代

東坡堂全集

序

二

偉人喜與同列先生

亦過聽人言不戒遐

棄恨締交之晚自是

我兩人遂相得益彰

凡在公退食言論風

指動如針芥之合而

居停又咫尺而近常

朝夕過從欸語移晷

東坡堂全集

序

王

莫知其倦蓋先生篤

志絕學余亦粗通章

句往往引經證傳劇

論深談雖就中不無

參互而商確旣當遂
亦銘諸肺腑間或盱
衡世務有所未愜於
衷則爲之相對欬歔
攢眉疾首大都兩人
一點血誠自分可以
對越而當世不知已
者乃至妄生猜忌橫

加詆排無難以前代
僞學朋黨目之斯誠
可爲長太息者也乃
先生則畧無疑阻余
亦堅執弗移敢曰特
立獨行亦庶幾各安
於義耳無何余果以
僚友杓鑿蒙 恩放

歸先生去住徬徨遭
迴次且未幾亦乞休
罷去蓋我兩人出處
先後稍有不侔而遭
遇升沈若合一轍斯
亦大奇矣然余與先
生雖同居林下南北
相望有如天末卽聲

息無由而通迨余再
入國門而先生已即
世矣嗚乎悲哉今余
以衰老病卧白門謝
絕人事先生之長公
一齋奉

簡命督學兩江旣事竣
一日枉過荒齋握手

話舊出先生全集而
屬之序余受而讀之
數行未竟已不覺涕
泗交頤矣蓋先生之

文余諷誦已久不幸
生死異路迴隔多年
每回憶丰儀追維往
事曷勝悼感茲何幸

復交先生之令嗣讀
先生之全書又不啻
親炙光容接聞謦欬
收聲掩泪轉生一慰

矣目今長公清操雅
望蔚爲儒宗將來建
豎卓犖光大世業先
生有子矣余不特爲

先生慶且爲斯道慶也抑余昏聵餘生學殖濩落而長公見委遂自忘固陋不禁縷縷爲敘述余與先生交遊知契之概以告來茲先生有靈定爲首肯矧余也自念旣

託在至交又徼倖後死亦欲以生平甘苦之辭少報故人於地下非敢依附青雲冀牽連以不朽也至先生造詣精純制行夸峻洵無愧於古人而其好學深思窮源達

委諸所建白實可施
行海內有目者豈不
能共知之尚俟鄙人
之嘵嘵喻說爲耶殆

必不然矣是爲序

康熙戊子秋日通家

侍教生潁川熊賜

履拜書於金陵之

下學堂



寒松堂全集目錄卷之一

奏疏 刑科 工科 刑科

蠲荒節荷 聖恩等事疏

摘叅劣撫徇縱順賊縣官等事疏

小民遷徙最艱 聖恩垂念已至等事疏

聖朝大禮既行亟請更定會典等事疏

擅殺屢有明禁等事疏

督撫之訪糾疊見等事疏

請定藩司會計奏報之法等事疏

聖意恤民甚深有司奉行多弊等事疏

寒松堂全集目錄卷之一

睿意圖治方新政事停閣非體等事疏

奉 詔之夙弊有三等事疏

聖德勤脩日懋等事疏

考挾有司漸次入 告等事疏

嚴考績之大典禁反噬之刁風等事疏

直糾溺職藩司等事疏

欽件之稽察無法內外之推諉易生等事疏

錢糧關 國家大務等事疏

直陳格 天之圖新定立 國之本等事疏

詳奏事情月日姓名以便確議事疏

寒松堂全集卷之一

奏疏 刑科 工科 刑科

蔚州魏象樞環溪著

刑科給事中臣魏象樞謹

題為蠲荒節荷

聖恩祈

勅速行榜示以普

皇仁事臣聞恤患救災

聖朝大政今歲各省災傷百姓之延頸望

恩已非一日我

寒松堂全集奏疏卷之一

皇上軫念民生即於疏

聞之日遣員查勘酌量蠲恤業已節次報部題覆矣

臣思地有近遠報有遲速其被災極重未經勘

報者想部臣自能速催核

請以杜明季徵後補還吏侵書兌之弊即今

明旨既下而自計部以及撫按自撫按以及道府州

縣上下咨移必非旦夕可達若不先張榜示使

小民共見共聞竊恐追呼之下徵收隱囑

德意遲留將

朝廷浩蕩之恩究不得實有沾被也伏祈

皇上勅下該部凡題覆災傷奉有

俞旨者其被災若干畝蠲免若干石多刊榜示遠行

撫按懸掛通衢俾百姓共曉

皇仁倘地方官敢有違

旨剝民除撫按嚴劾外容臣等確訪指叅庶混徵之

害可革而走險之萌可銷也謹題請

旨奉

聖旨戶部知道

東林堂全集

奏疏

卷之一

七

刑科給事中臣魏象樞謹

題為摘叅劣撫狗縱順賊縣官藐法悞

國仰祈

聖明亟賜斥究以重節鉞以固封疆事臣惟

朝廷用人莫重於節鉞而撫臣盡職首事乎封疆封

疆所係雖撫臣與臺吏共之而清正率屬嚴肅

持法則專責之撫臣矣若安徽巡撫王懷益不

可一日容於地方者懷本庸流謬承重任負債

萬餘取償地方內外諸臣共聞共知豈可以

聖朝培植之疆土供不肖者償債之需耶臣有泪在

東林堂全集

奏疏

卷之一

三

喉方期入

告適因辦事垣中見江南督臣馬國柱疏叅縣官

逆跡已著等事內稱東流知縣鄧繼球偽文迎

賊不忠不義業奉

嚴綸置以重典仰見我

皇上除奸誅逆法甚斷也臣從全疏中讀懷全咨見

其曲庇繼球語言悖謬大可駭異繼球為懷屬

吏移家出城懷所明知且搜回庫貯蘆課等銀

九百餘兩逆跡顯然誰敢諱之懷既不肯特疏

題叅又令照舊任事是為何心據懷云舍短取長

臣不知通賊盜庫之官更有何長而養乃亟亟取之乎尤可異者繼球獻銀三千金未經呈允宸解撫衙明是窺養貪婪敢借助餉之名以通暮夜之賄

天日在上將誰欺乎設養心畏四知即當移會督按嚴加提究何俟督臣有咨到養懷始說出三千金之獻又巧立一貯庫之名至其中誇許繼球一則曰頗有能聲再則曰吏才頗稱將蓄謀不軌包藏禍心之事始終不道一言懷欲自掩其非不得不為繼球飾罪耳况撫臣責在封疆當此逆賊未剪之際正宜嚴飭州縣効死固守如懷所云家眷可行等語是率下以瓦全身家之路而自免於失陷地方之咎獨不思封疆何地可以賊至而逃賊去而返乎似此存心舉事目無

國法臣恐徽池諸郡縣聞風效尤必至遇警者有異心行賄者得故物貽禍封疆真可畏也

國家抑何利有此撫臣哉伏祈

勅部確議如果臣言不謬重治懷以藐法悞國之罪庶封疆有幸貪劣知儆矣謹題請

旨奉

聖旨該部嚴察議奏

工科右給事中臣魏象樞謹

題為小民遷徙最艱

聖恩垂念已至仰體

皇仁陳管見以固

國本事臣聞太平之世以百姓樂業為第一事我

皇上因輦轂之下滿漢雜處盜賊難稽

特諭商民人等盡徙南城復蒙

軫念遷移之苦限以來歲至寬也勞以搬銀至厚也

原房任民拆賣至便也民即至愚無不仰感

皇恩之浩蕩者但南城塊土地狹人稠今且以五城

集本堂全集

奏疏

卷之一

之民居之賃買者苦於無房拆蓋者苦於無地

嗟此窮民一屢莫必將寄妻孥於何處乎臣愚

謂有地不患無房如城外閑地堪民營蓋者甚

多因係官物莫敢問之此民之不苦於遷徙而

反苦於居處也恭請

勅下該部盡察前三門外官地官房可為民居者許

令量地輸銀給以印照俾作永業不得少有遺

漏亦不得擅行混占則片址尺地皆成室家億

萬戶棲止之謀即千萬年根本之計也抑臣更

有請者民間賃買房屋原有定價近聞鬻房之

家任意增加高騰數倍勢必至罄家所有不足

以卜數椽之棲則遷者更多一苦矣併祈

天語申飭令該管地方等官絜平一價凡買者賣者

典者賃者各勿增減共相保恤庶比屋可封

國本永固矣微臣職列工垣敢獻詩非伏惟

聖明採擇施行謹題請

旨奉

聖旨著工部督同五城御史察南城官地併民間無

房空地將遷徙官民好生安插

集本堂全集

奏疏

卷之一

七

工科右給事中臣魏象樞謹

題爲

聖朝大禮既行亟請更定會典以明職掌以懸

國制事臣惟古帝王創制立法代有因革亦代有

損益自唐虞以迄宋元典要具存即明朝之會

典亦不過法古而定制也我

國家定鼎五年禮樂大備法度維新

廟謨煌煌足垂萬禩乃有次第修舉萬不可缺者莫

如會典一書夫會典所載皆百臣奉行之政令

諸司分列之職掌即官禮諸制無不條悉其中

今各衙門亦既倣而行之矣第參同酌異豈可

盡憑因時制宜不無更變未經

聖明之新裁終非昭代之令甲臣下何由遵守而國

渝乎况往朝每代有變通之法我

朝創業無畫一之程非所以示臣工而重金石也伏

乞

皇上勅下該部先令各該衙門折衷前代參酌滿漢

確議詳明彙送內院裁定然後刪繁就簡編輯

成書恭請

欽命嘉名懸爲成憲庶臣工有秉式制度無紛更其

於治道非小補也謹題請

旨奉

聖旨該部知道

奏松堂全集

卷之一

九

工科右給事中臣魏象樞謹

題爲擅殺屢有明禁有司悖

旨專行祈

勅嚴究以彰

國法事臣惟我

皇上好生如天愛民如子內外臣工各宜恪承

德意乃臣近訪得牧民之官有殺人鬪人不經

題奏恣意擅行人人共知者敢指名爲

皇上陳之如山東平陰縣知縣王國柱縣衙副死兼

殺死生員牛射斗等民高棟等數人臣心竊疑

奏松堂全集奏疏卷之一

之若果係窩盜通賊何未聞

奏請處決若託稱臨陣斬獲何未見捷功塘報事

犯極刑自有

國律副殺之權不在縣官况擅殺之奉

嚴禁已非一日前撫臣土國寶獲內地之奸一疏

奉有內奸與在陣擒獲不同宜嚴審固禁馳奏

候

旨何得擅殺之

旨矣丁文盛悖

旨擅殺一疏奉有崔似駟肯

旨擅殺好生可惡嚴究擬罪之

旨矣按臣鄧孕槐背律專殺一疏曾經部覆奉有楊

允昌革職提問之

旨矣夫撫臣不得擅殺則縣官可知似駟允昌俱經

提問則國柱何辭臣職司耳目若憚風聞之罪

緘口不言誠恐司牧之官人人效尤藐視

上旨草菅民命非所以仰體我

皇上好生愛民之心也伏祈

勅下該撫按嚴究國柱所殺數命果否重情未殺未

副之先曾否詳允生員牛射斗等罪狀果否申

奏松堂全集奏疏卷之一

報學臣黜名國柱不遵屢

旨應否治罪再望

天語申飭以戒將來庶足昭

國法而廣

皇仁也謹題請

旨奉

聖旨王國柱擅殺事情著該督撫按確察嚴究具奏

該部知道

刑科左給事中王魏家樞謹

題爲督撫之訪糾疊見道府之徇縱難寬恭請

聖明立法處分以清吏治本源事臣惟察吏莫重於

舉劾舉劾莫嚴於開報

朝廷旣以舉劾責之督撫按而督撫按即以開報責

之道府廳蓋因各屬州縣相去甚近聞見亦最

真或賢或否一舉一動無有不知者孰意不肖

有司專以私情厚賄密結夤緣恣意貪污全爲

遮蓋甚至同城共處穢蹟彰聞而道府反指爲

循良督撫按不掛之白簡顛倒賢否縱容有司

朱本堂全集卷之一

莫此爲甚況開報係道府職掌奉有

俞旨臣垣中屢見督撫有自行訪糾者如督臣張存

仁有禁令被訐賍真之疏督臣陳錦有文武結

黨貪橫之疏撫臣劉宏遇有特糾貪婪之疏所

參皆異常貪惡賍私累疊而道府全無開報臣

不知其職掌何事乎假如督撫少一番體訪而

道府必多一層蒙蔽又安望其正已率屬爲民

除害耶

聖諭所謂大貪大惡反多徇縱坐此弊者居多耳我

皇上親臨大政察吏必嚴近讀

上傳有開報不實察究舉奏之

旨從前積弊已在

聖明洞徹中臣謂督撫訪參而全無開報則容隱瞻

徇之弊更有甚於開報不實者臣請自今爲始

凡督撫按參劾官員果係道府廳真實照報者

公而且明克盡厥職如督撫按自訪特糾本內

未註開報字樣者道府廳以溺職論罪或督撫

按指名糾舉或吏部據疏處分如被參之官原

係浮躁昏庸其罪在不明以降罰處之如被參

之官原係奸惡貪虐其罪在不公以革職處之

朱本堂全集卷之一

此法一行庶道府諸臣上畏

朝廷之功令下愛自己之功名開報無不公慎且督

撫按諸臣各有採訪各有特參亦不得借口開

報反以參劾之權盡委道府主張也提綱挈領

大法小廉吏治從此一清矣如臣言不謬伏乞

勅下該部院確議嚴飭施行謹題請

旨奉

聖旨該部院確議具奏

刑科左給事中臣魏象樞謹

題爲請定藩司會計奏報之法以明錢糧以嚴覺察以足

國用事臣惟國家首重戶口次重財賦蓋民之膏血國之命脉所係也我

朝定鼎以來錢糧總歸戶部於順治七年內會議仍歸各衙門其銷算

奏請遵

旨舉行者臣不敢復贊矣臣思在內之錢糧乃部臣掌其所出在外之錢糧乃藩司掌其所入一絲

一粒俱當上告

君父者前此部臣既無

奏報而藩臣歲報之冊曾否到部亦未知其有無

扶同並未見其作何參駁待至七年之久稽核尚無頭緒總由所入之數不清故所出之數亦

不明也夫欲令各部之銷算徹底清楚先令各省之錢糧逐款奏

聞臣請自八年爲始各省布政司官於每歲終會計通省應徵錢糧若干應解某衙門錢糧若干起運若干存留若干支發若干蠲免若干拖欠若

干分別款項造冊呈送該督撫按查核恭繕黃冊一套撫臣會題總數隨本進呈

御覽其布政司例造清冊咨送在京各該衙門互相

查考有弊即糾旣可以杜藩臣之欺隱又可以核部臣之參差實大有裨於錢糧者況進貢芽

茶銷繳郵符俱有奏章獨

朝廷數百萬金錢百姓億萬家膏血不以

上聞非所以重

國賦而嚴覺察也臣查往例戶部奏銷原有定期今撫臣冊奏宜在各部奏銷之先所謂先計入

而後計出也至於勦逆產價蘆鹽租課贓罰銀

兩本折物料等項凡載在賦役之內與不載賦

役之內者一槩報明庶錢糧清而

國用足即以定藩司之賢否可矣如果臣言可採

伏乞

皇上勅下戶部確議速奏永著爲令施行謹題請

旨奉

聖旨著確議速奏該部知道

刑科左給事中臣魏象樞謹

題爲

聖意恤民甚深有司奉行多弊謹遵

旨陳言實普

皇仁事臣恪讀

上傳停止城工盡免加派查照完過數目開除八年

正額錢糧復

諭各該督撫嚴察地方等官不致欺罔小民

聖慮至周民命頓甦矣乃臣尚有鯁過計者敢爲

我

奏

卷之一

宋

皇上陳之有司派徵錢糧皆假吏胥里書之手本官

自通算法者百無一二其賢者立身清潔或因

蒙蔽而不能知其不肖者貓鼠分肥通同漁獵

誰肯逐兩逐錢明白兌算以仰副

皇上軫恤至意乎即如淮揚舊督臣吳惟華疏叅山

陽縣知縣王佐徵完城工銀二萬有餘止解銀

六千有餘鹽城縣知縣于學政徵完城工銀一

萬八千有餘止解銀七千有餘彼時大工急需

催徵如火竟將已徵未解之銀侵吞過半欺罔

朝廷一至於此倘更有貪婪之官未經發覺者糧銀

既入私囊洒派盡憑書役或詭報未完或開銷

別用斷不肯以久肥之物給算民間正額臣言

及此臣淚欲下矣雖

朝廷有浩蕩之恩而小民終不能免剝削之苦待至

血枯髓盡而後叩

闕陳情亦已晚矣臣以爲欲除大弊宜立良法方今

開徵屆期合無

勅下該督撫按速檄各該州縣照依本年赤歷易知

單備造格眼清冊明註某戶某人共該某項糧

銀若干除收過城工銀若干又奉

奏

卷之一

下

恩詔蠲免若干通共開除若干止徵若干併註某人

清算某人書寫本官查對無弊呈送督撫按臣

細加覆核如果總撤相合徵免無悖督按二臣

將原冊存案撫臣將原冊鈐印發徵倘有數目

多寡那移錯亂及改冊徵收自立紅簿等弊者

立行糾叅以違

旨論罪庶小民不爲貪吏所欺

皇仁不爲貪吏所蔽蚤一日得沾一日之恩也伏乞

勅下戶部作速嚴飭施行謹題請

旨奉

聖旨著確察速議具奏該部知道

東坡全集

卷之一

木

刑科左給事中臣魏象樞謹
題為

睿意圖治方新政事停閣非體謹激切陳言仰祈
鑒察事臣惟立政以寬舒為本圖治以振作為先我
皇上臨御以來仁政藹藹

天語煌煌精明惇大帝王同揆所仰體而奉行之者
在內六部等衙門在外督撫等衙門其切要者
也臣見順治八年以前或一事而奉

旨下部經年累月而不覆或一事而行察在外經年
累月而不報古來有此治體乎即從前不必深

東坡全集

卷之一

疏

元

論今自正月十二日以後

廟堂之上雷厲風行內外之間官嚴吏肅不復慮天
下事之有稽滯矣及見一切奉

旨章奏並各衙門應行事宜已覆已行者固多而未
覆未行者尚自不少也其中雖有行察咨議者
頗需時日亦有不待行察咨議而宜奏宜行者
一槩停閣未知何故似乎近日之鼓舞奮勵人
緩於

皇上親政之初臣心竊惜之夫臣子當遭逢
聖主之日為

國爲民任勞任怨滿漢同心大小竭力此其時矣
在諸大臣肩宏任鉅豈不能仰體

聖懷第恐因循漸積司官之塵留者堂官不問書吏
之遲延者司官不察謾事任而虛責成臣竊爲
昌明之世不取也況督撫按奉行諸事皆視各部
之緩急以爲遲速若督限不嚴則在外之稽遲
益甚能保稽遲間無徼倖賞緣之情弊乎臣愚
以爲事體有重輕道里有遠近限期有寬嚴其
咨行在外者地近則限三月地遠則限半年可
覆也如果事關重大反覆詳慎者或限至九個
月或限至一年歸結須將內外行咨咨到批駁
申詳併咨覆案呈年月日期咨內逐一註明本
內逐一開寫則部院之稽核參駁有據矣至於
在京各衙門事之繁簡不一官之多寡亦不一
但近在
輦轂不過司議說堂而定一月之內可覆也如果
事關重大長慮熟籌者或遲至一月半或遲至
兩月歸結除軍國機密原係密封者自應密奏
外其餘諸事內嘗有一二口奏之事口傳之
旨不經發抄者臣思

綸言至重恐有萬一之誤以後悉當具本請

旨與天下共見之若行移發落定期不過五日則吏

書之朦溷耽延可杜矣伏乞

勅諭各該衙門查照通行申飭或

勅下內院九卿大臣議臣所言是非定奪仰候

聖裁臣職在進言激切無忌貼黃難悉統望

聖明垂鑒施行謹題請

旨奉

聖旨稽滯事件及定限等項著確察詳議具奏該部

院知道

刑科左給事中臣魏象樞謹

題為奉

詔之夙弊有三請

旨申飭以重

綸音事竊照本年正月內恭遇

皇上躬親大政頒

詔天下臣實奉有捧齋之

命因知地方各有弊習相沿者不止一端第從一二

處推之天下可知也就臣所見聞者推之諸臣

可知也然部臣例以各府遵依為據安能盡知

奏

卷之一

圭

在外之情臣雖抱病馳驅頗行改正若不奉

旨申飭亦非畫一之規謹開列具陳惟

聖明垂鑒焉一開讀不許遺漏凡開讀地方官吏師

生軍民商賈環擁而聽若因循弊習止讀首尾

數句將所開

赦欵不令衆聞以便欺隱今後宜於

詔到地方無論有欵無欵預飭宣讀生員務令逐字

逐句高聲朗讀如妄引舊不全讀之例故行遺

漏者

欽差官將本生併教官叅送撫按衙門究懲則遺漏

之弊可清矣一謄黃不許塵匿凡

詔到例宜謄黃原欲深山窮谷黃童白叟共見共聞

若因循弊習止於所司署前張掛一紙或止於

該房存案全不張貼貪官污吏希將欵內所免

之糧可以朦朧侵收

赦前之事不肯禁人許告等情今後宜於謄黃處所

一字一句自行查對明白刻板刷印州及大縣

各頒發三百張中縣頒發二百張小縣衛所各

頒發一百張務令莊村鎮寨到處實粘各取里

甲甘結申報該管上司如有官吏匿

奏

卷之一

圭

詔朕結等弊撫按查出糾叅

欽差官除照例取具遵依外仍取本布政司及本府

官印信甘結明開所屬地方若干共發謄黃若

干於某月某日眼同頒發本官差回一併遵依

繳部查核存案則塵匿之弊可清矣一奉行不

許稽遲凡該府謄黃例差生員轉捧所屬各州

縣開讀以重其事或因謄寫遲延或因刊刻稽

滯以致百姓懸切望

恩之日正是貪官乘機朦蔽之日今後宜於轉發謄

黃地方定限三日

欽差官立催頒布方得出境至於

詔到州縣本府仍勒限印官備查款內一切奉行事

宜各照道里遠近逐項造冊詳報本府轉報撫

按速奏速行如有遲違不報及朦具遵依者撫

按立行叅究則稽遲之弊可清矣如果臣言不

謬統祈

勅下禮部凡遇頒

詔通行申飭庶臣子奉

簡而行匪循故事父老扶杖而往遍詠

新恩矣緣係條列字稍溢額伏望

葉松堂全集

奏疏

卷之

一

書

聖宥施行謹題請

旨奉

聖旨着照款飭行該部知道

刑科左給事中臣魏象樞謹

題爲

聖德勤修日懋輔臣啓沃宜周敬陳菲言以盡愚忱

事臣惟自古帝王秉德雖由天縱進修實賴輔

成我

皇上性本仁孝道崇儉勤自

親政以來

乾綱獨斷治每重於養賢愛民

帝鑑時親事必期於準今酌古既勤於政復勤於學

則

葉松堂全集

奏疏

卷之

一

書

聰明日進聞見亦日紛聞見日紛則涵養宜日厚凡

此皆輔臣之朝夕贊成而惟日不足者也臣於

本月內兩次直日臣科一遙瞻

御輦一近聽鼓聲仰知

萬幾之暇偶一燕幸誠爲少節繁勞頤養

聖心且時值秋高氣爽或墮地而講求治理或隨時

而諮念民艱

召命曾否下頒輔臣曾否在列微臣俱不得知方今

聖政維新機務孔多中外想望治平匪同昔日如

皇上近有所御自當追隨

法從以效啓沃之忠倘遠有所幸尤當諫止

鑾輿克盡保傳之職責在輔臣自古然矣竊思

皇上批決章奏輔臣得侍

御前大政尚有面議况

駕出宮禁其前後左右斷不可無才德碩望之老臣

也萬一勞逸不節出入不時輔臣不力為

奏請而又誰為

奏請者此實關於

聖躬之大臣犬馬有心安能嘿嘿而處此伏乞

皇上鑒臣愚忠寬臣冒昧凡遇

寒林堂全集

奏疏

卷之一

奏

親臨便殿或

駕御午門即召滿漢輔臣二員講說帝王用人行政

之本人心道心之微以弼

盛德仍擇滿漢詞臣文學雅重者六員或八員以備

顧問併注

起居再請

退朝以後節膳却慮潛心治道以圖勵精

皇城以外命駕勿輕保護必慎上以慰

皇太后慈懷下以慰臣民厚望微臣幸甚天下幸甚謹

題請

旨奉

聖旨知道了

寒林堂全集

奏疏

卷之一

奏

刑科左給事中臣魏象樞謹

題為考核有司漸次入

告恭請

勅部速行察議併行嚴催事竊惟我

皇上親政之初灼知吏治不清即傳有考核有司之諭嗣因奏報稽遲

嚴綸再下合計之已經八月有餘矣近見督撫諸臣之疏節次奉

旨下部分別察議者已將過半在部臣詳慎其事或待彙齊核覆而臣以為不必也夫有司既經考

核必分次第既分次第必有去留其賢者列在

卷之一

夫

上等尚可安心供職內有德才下列文義不通者自知功名難以瓦全棧豆不能久戀一己之囊橐欲飽百姓之痛癢何關乃將地方荒殘小民生死付之將去未去之官誠為可慮臣見山西按臣劉達疏叅逃官復回尚且流毒於民況身在地方即在掌握者又不知何如也即使本官守法聽議而上宮與下民亦各以五日京兆相視凡地方中城守錢糧盜賊刑獄諸務保無掣肘難行因循廢弛者乎既云不堪民牧又復

姑留地方有百損而無一益今即覆核得

旨計至闕官抵任之日近者尚需半年遠者尚需七

八月若此時不行又當在一年之外恐亦嫌其

太遲矣臣謂次第核覆即次第銓補似較彙齊

為便也至於各省咨到雖有遠近之分地方雖

有久定初定之異乃

天語切責何等嚴重今尚有觀望瞻徇考核之疏未

到者謂督臣有事於行間按臣自有耳目謂按

臣有事於棘闈撫臣何無奏

聞遲之又久品題不定倘亦有難以入

奏

卷之一

夫

告之情乎況臣恭繹

上傳內云司道乃有司綱領尤宜察核原非以考核

責司道也若止據司道冊報而定官評文義未

經其面試德才不採諸輿論在督撫即謂結此

一局臣知疏上

御覽時難逃

明鑒其實意澄清與虛應故事正可就此事見之是

又諸臣所當倍為謹恪者也統祈

勅部一面分別奏

請一面嚴飭速報地方民生俱有攸賴矣謹題請

旨奉

聖旨這本說的是吏部知道

東林堂全集

奏疏

卷之一

刑科左給事中臣魏象樞謹

一題為嚴考績之大典禁反噬之刁風請

旨預飭以佐

新政事竊惟

計典三年一舉關係吏治實為重大天公矢慎責

在撫按藩臬諸臣矣臣見順治七年查出

大計冊本矛盾乖謬情弊多端各註一官而賢否

互異者有之各具一冊而洗改不同者有之甚

至大貪舉為卓異小吏掛入彈章雖經駁叅成

何

東林堂全集

奏疏

卷之一

計典今銓臣請行十年

大計乃

皇上親政來首舉之大計也在撫按諸臣仰佐

新猷尤宜慎密露章果出獨見不必相同註冊須有

定評難容互異真廉真卓何庸濫舉多人大惡

大奸不許徇情漏網人有改節者勿因前薦後

叅而存顧忌事有已著者勿因去任見任而生

偏私道府考州縣不公則先叅道府藩臬察道

府不實則併議藩臬

功令煌煌務期上副

朝廷黜陟之典下快小民是非之心臣所謂考績宜

嚴請

旨預飭撫按諸臣者此也臣又見近日不肖之官身

被叅劾撫詞詎噬者不一而足今奉

旨嚴究奸罪難逃况

大計者

國家懲貪之要務較尋常叅劾不啻數倍若誣害

肆行上官畏懼咆哮要挾奸人得意開者既不

敢開奏者亦不敢奏

計典已無綱紀吏治安望澄清臣查會典內一款

欽定四庫全集

卷之一

三

凡考察被黜官員有不服考察撫按妄奏者發

遣為民典例昭然有犯必罪上伸

國法下懲貪風臣所謂反噬宜禁請

旨預飭部院諸臣者此也統乞

聖鑒施行謹題請

旨奉

聖旨着議奏該部院知道

刑科左給事中臣魏象樞謹

題為直糾溺職藩司請

勅速議重處以懲積貪以清

國計事竊惟各省布政為府縣之綱領錢穀之總

匯一粒一絲或徵或解未有不從本官衙門經

理者臣見蘓松按臣秦世禎疏叅江南蘇州府

等處額布錢糧侵欺五十餘萬之多積至數年

之久雖府縣及奸解諸人朦混分肥而疏內所

云徵者不給給者不辦辦者不解部臣既已行

催藩司豈未聞見但諉於府縣之虛報誰其信

之且又云提催押催催其使費耳又云布既不

完則使費愈大明是打點藩司免其究報非區

區蠹役可用成千成萬之使費明矣即如見任

左轄劉漢祚者任匪不久責匪不專而此項錢

糧此等弊竇知而不報是為何心全然不知是

為何官東南財賦之鄉可容此如聾如瞶者司

國計乎况每年具有報部文冊將此五十餘萬之

金錢不知作何開銷以為未派而萬姓脂膏已

果貪腹以為既解而未據批迴難以朦報原冊

具在無惑乎督臣馬國柱考成疏中曾言其完

欠不明也方今

國用不敷會議搜括乃藩司缺賦五十餘萬誤

國已極不處何待近雖奉有察明之

旨臣恐耽延時日婉轉調停勢必卸責於事故遷移

之府縣而藩司作袖手之人銀布成烏有之物

因循漸深奎節更巧

國家法紀盡壞矣伏乞

皇上勅部立察歲報原冊曾開已完未完部臣曾否

行咨催解該司任事以後按臣發覺以前果否

申報該部及該督撫按查究如果申報因何不

行

題叅如未經申報即係通同欺隱請

旨革職立行拿問以為溺職誤

國之戒再照各司府凡遇動用錢糧辦解物料等

項應立循環文簿查驗完欠嚴防侵匿該部曾

否照例通行如此延捱過限及官解侵費者有

無參治此項之外果否再無引欠併乞

勅下該部速行回奏庶錢糧有綱領而奸貪知法度

矣謹題請

旨奉

聖旨劉漢祚著議處具奏該部知道

刑科左給事中臣魏象樞謹

題為

欽件之稽察無法內外之推諉易生仰遵

明旨再進芻言事臣聞君職要臣職詳古來致治之

道也近者

皇上以策勵擔當諭諸臣而諸臣即以清理

欽件為首務從此內外同心庶不負

聖明圖治至意臣竊謂事久則弊生始勤而終怠稽

察之法不立非所以戒將來也臣查曩來覆奏

本章凡係內外咨覆行催申報者俱不詳開年

月日期即重大

欽件亦用隨移屢催已經今准等語含糊具奏或部

院延遲或撫按就誤查者無月日之可稽言者

無衙門之可指實緣之實推諉之心俱從此生

非法之善也況事有宜詳行查每至數次情有

未確批駁不厭再三與其為法受過致生沉閣

之疑何不據事直書以見詳慎之意乎今

大政維新諸弊盡革恭請自今為始凡各衙門一切

事件內外行咨察究題覆者其本內務將某月

某日行咨某月某日咨催某月某日咨回某月

某日再駁某月某日說堂在外衙門某月某日

接咨某月某日回咨某月某日查究申報某月

某日批駁允詳及事在

赦前

赦後年月字樣各開寫明白具奏其事情有無違誤

耽延是何衙門我

皇上一電覽而知之文甚簡而法甚詳也下而部院

遵督催之

旨六科嚴註銷之規臺臣盡刷卷之職徇庇扶同者

各治以罪

皇上握其要諸臣任其詳則推諉朦蔽之患清而精

明惇大之治成矣抑臣更有進者臣繹

上傳所謂策勵擔當非僅在遲速間望諸臣也近見

督撫按有不敢輕議之事應候部臣裁定而部

臣殊不肯決部臣有不能遷度之事應行在外

酌處而在外亦不肯任內外活局往返游移累

月經年無一成議其於

朝廷之大事地方之急務不知廢弛幾何矣今後內

外諸臣有實因公忠起見不係懷私者而部議

勿咎其多事有實從職業陳言事關大務者而

旨下立見之施行庶策勵稽當各以心力無愧忠勤

伏乞

天語嚴飭所關治道匪小也謹通請

旨奉

聖旨這本說的是著嚴飭行該部知道

刑科左給事中臣魏象樞謹

題為錢糧關

國家大務清核為今日先圖謹陳積弊之由請立
革弊之法事臣於本年五月初一日具有直糾
溺職藩司一疏已蒙

聖鑒可以無言但因是而思及

國計民生之大尚有法當立而弊當革者再為我
皇上陳之錢糧經制原有定額州縣之徵收必遵布
政之則例有一項則徵一項完一分則報一分
考成之法具在也如蘇松常三府自順治四年
起實徵完額布銀五十餘萬戶部現查布政司
報部文冊累年俱報未完徵者全徵報者虛報
外欺撫按內欺部臣之弊莫此為大且匿銀已
經五載不聞有發覺解官之人欠布已累萬千
不聞有考奏未完之疏則前日稽察之不周崇
可見矣今由一省而類推之臣恐各直省報辦
未辦報解未解之本折不止額布一項也雖日
久事發追比難寬或官去役逃而金錢不可復
返病在

國矣或牽房扯債而包賠累及無辜病在民矣

朝廷抑何樂於懸不結之局貽不了之害乎臣請以

兩言蔽之曰追比於事後不如稽覈於事前也

夫完報有限查銷有法載在會典甚明一則頒

發格眼文簿按月開填徵完起解錢糧數目每

歲終該州縣赴府該府赴布政司查比仍將查

比過錢糧分數另填一格具由呈部查考以防

貪官私徵欺隱等弊一則倣立德環文簿各省

登報辦解物料數目年月姓名各照道里遠近

按期倒換照例查驗到者填註遲者拿究以防

解役延捱侵匿等弊稽查之法一立若仍有五

年不報五年不解之本折臣不信也況法有未

善作何變通事有難行作何調劑又在內外諸

臣長慮熟籌以副

上傳內因革損益何事宜先之意至有累年拖欠錢

糧物料果否在官在民有無未報未解如按臣

秦世禎所云上下相朦新舊互掩等弊應

勅各該撫按逐項清核立行參奏無致久飽奸貪虧

損

國賦可也如果臣言不謬伏乞

聖明勅下該部確議速奏施行謹題請

旨奉

聖旨該部議奏

果林堂全集奏疏

卷之一

畢

刑科左給事中臣魏象樞謹

題為直陳格

天之圖祈定立

國之本以保萬年久安長治事臣聞自古帝王有
治天下之本曰紀綱法度有教天下之本曰禮
義廉耻所以相統相維不致生悖生亂自我
皇上親政之年諸凡昭明紀綱修舉法度謹飭禮義
激勵廉耻等事奉有
上傳旨意四十餘道上以宏

祖宗之德下以洽臣庶之心事事實行治平立見頃者
水旱為災星月告變臣同官業有克謹

天戒之請曷敢復贅乎臣切考傳記所載大抵反常者
即為變今日

天地之變乃人事之反常所致也臣畧舉一二政事之
未善人心之有違者直陳於

聖明之前可乎夫臣子之遵奉

聖旨其常也而近日之顛倒

旨意輕重

綸言則變矣如臺臣婁應奎因見投充之人真假莫
辨具疏請發部冊奉有投充部冊著作速發該

管州縣之

旨部臣合議魚鷹等戶而發冊一項未蒙

上命中止徑議不必頒發置

明旨於何地乎又云一身指稱二三名發冊恐致混

擾既知二三其名何無請

旨禁革以致指稱滋弊者誰之咎耶且各衙門議事

有

皇上之所謂大有關者而臣下以為無所關也

皇上之所謂速且詳者而臣下未必速且詳也臣之

所謂反常者此類是也又如

朝廷職官治

朝廷之軍民其常也而近日之責拘投人罪坐職官

則變矣八年七月內

上傳云今後各該地方官如遇投充之人犯罪與屬

民一體從公究治

天語煌煌忽焉反汗變法以後降革不一視

朝廷選授之官反輕於各旗新授之人夫信者國之

大寶也

國不示信使有司重足百姓吞聲

畿輔之地滿漢讐訟耕鑿不安臣之所謂反常者

此類是也又如按臣代

天巡狩察吏安民興利除害其常也而近日之劣官

反噬甲刺路辱則變矣夫御史欽承

簡命叅賊拿吏必採訪輿論諮詢道廳會同督撫而

後疏

聞今有已經叅問下水拖人報怨尋仇違法干禁撫

按之白簡無靈則刁風日長貪官益肆矣至有

以橫侮相加被拽出輿入

告者

君命已辱復令覲顏官民之上其何以正體統而尊

奏疏
卷之一

四

天子也倘今後巡方畏屬員如狼虎各有自愛功名

之心文官與武官為異途各有互相凌抗之意

國家大事必不能濟臣之所謂反常者此類是也

不特此也人財用舍之權在

朝廷而紛瀆之言動干

闕下錢糧敲扑之苦在百姓而中飽之弊疊見奏章

甚至

清禁之內一月而寬斃者兩人何不爱旦夕之命

以作太平之民司寇之堂一事而刑責者三百

果否得首從之情以絕株連之怨事之反常既

多

天之示變不偶感應之理明明若符臣言官也苟有諱

而不言言而無據者均為溺職以負我

皇上臣不敢也伏乞

特召滿漢大小九卿科道諸臣面詢政事之得失民

生之疾苦某應改正某應禁飭

親政來上傳詔旨某事實行某事未行務令盡言無

隱果有關於紀綱法度禮義廉耻上合

天意下合民心者立採而施行之憂勤惕厲勿事虛

文滌慮洗心正告天下庶萬年之治安有本

奏疏
卷之一

聖

上天之仁愛可通矣疏字逾額

聖鑒施行臣不勝戰慄之至謹題請

旨奉

聖旨據奏變更上傳輕重綸音事情重大着院部等

衙門滿漢堂上官併六科都給事中河南等掌道

御史確議具奏親政以來上傳諭旨着內院彙寫

進覽仍刊發各衙門着實遵行該衙門知道

刑科左給事中臣魏象璽謹

題爲詳奏事情月日姓名以便確議事臣於本月

十五日具有直陳格

天之圖等事一疏十六日奉

聖旨據奏變更上傳輕重繪音事情重大着院部等衙門滿漢堂上官併六科都給事中河南等掌道御史確議具奏親政以來上傳諭旨着內院彙寫進覽仍刊發各衙門着實遵行該衙門知道欽此欽遵臣捧誦

天言仰見我

皇上敬

天愛民勵精圖治首在信

上傳而重

繪音特令院部等滿漢大臣併科道言官確議也但

臣係左給事中不在議事之列而事情之日月

姓名前疏字簡詞慎開寫尚有未詳謹補牘

奏明俾諸臣悉巔末以報

明命臣心盡矣夫違

旨不發部冊者戶部事也臺臣宴應奎疏於五月二

十七日奉有作速頒發之

旨戶部於七月十五日始覆不必頒發之議此其一也別事兩議請

裁此事徑駁

明旨此其二也既云查照姓名相符又云查授充人戶每有一身而指稱二三名者查出者必有地方每有者係何姓名指稱二三名者是何情弊何無奏

聞此其三也臺臣亦係舊人由縣令考選奏云無冊可考真假莫辨部臣議云今若再發惟恐假冒姓名所見異同可以面問此其四也臺臣疏云

有將未投田地開入已收名下及強帶他人開除錢糧躲避差徭等弊部臣議云照本身所有地土豁免差糧給牌行各該州縣存照夫州縣既存部牌年來何無行令照牌造冊申送撫按具本奏

聞一以核地土錢糧之缺一以杜爭訟解審之擾此其五也臣所謂顛倒

旨意輕重

繪言者非無據也變

上傳請處職官者亦戶部事也夫投充之人一體究

治戶部奉

勅在八年七月初一日也今年四月以後處過道府州縣等官張自昌等八員臺臣王道新具疏已詳迄今未覆沾叅處昌平道張自昌者原因投人李進德馬成福等戶部則變

上傳而朦奏吏部則引

上傳而薄罰違悖顯然此其一也戶部差愛惜喇庫

哈方鄭庫納查得該道提李進德行夾似有吏

部查明行夾不真兩疏矛盾明有欺罔此其二

也馬成福事係戶部告詞批發該道審明退地

寒松堂全集 奏疏 卷之一

聖

於去年七月內詳允依議又刑部問明戶部行文發落撫臣原咨具在也佔地既經詳允板責豈是非刑且吏部查係

赦前戶部不查緣由輒行叅奏此其三也莊頭解部

固為舊例投人冒稱何以辨別既貪官之勒索

指據無聞問叅處之重輕果否允當此其四也

臣所謂變法以後降革不一視

朝廷選授之官反輕於新投之人者非無據也至於

本年四月二十九日刑部尚書劉餘祐具有

聖心圖治維殷等事一疏

聖旨覽奏有關圖治大務着酌確議奏該部院知道

今及半載未見恪遵是臣下以為無所關者明

矣且

恩詔內封贈官員一款着作速舉行迄今內外懸望

又報奏冤枉一款着詳開緣由迄今入

告幾人是臣下未必速且詳者又明矣臣謹將

聖旨以為重大者開奏上

聞臣於公議之日或應在

天安門外聽候傳問或

允臣同在議事之末一一詳悉講明恭請

寒松堂全集 奏疏 卷之一

聖

明旨遵行非微臣所敢擅便也疏字逾額貼黃難盡

統乞

聖鑒施行謹題請

旨奉

聖旨着一併會議具奏魏象樞准同六科都給事中

來該部知道

寒松堂全集奏疏卷一

寒松堂全集目錄卷之二

奏疏 吏科 詹事府 光祿寺

明 計典以清吏治復舊治以肅人心等事疏

糾拾關朝 覲大典等事疏

恭陳用人第一大政等事疏

卓異之名實易淆等事疏

申未明之職掌以廣 聖恩等事疏

微臣就職言職以明職業等事疏

導 旨奏明事疏

體 聖主難慎之心謬獻條陳等事疏

奏明臣未盡題緣由事疏

督撫關係封疆告病例當代 請等事疏

部司擅委中軍大乖典制等事疏

檢舉錯誤事疏

詳奏臣科始末仰乞 聖鑒等事疏

應推督撫官員吏部宜遵 聖諭等事疏

游僧干求書文有犯法紀等事疏

恭陳四款以佐 聖主勤民大政事疏

俯陳愚見推廣 皇仁事疏

導 諭回奏事疏

奏疏

奏疏

奏疏

奏疏

奏疏

奏疏

奏疏

奏疏

奏疏

奏疏

奏疏

奏疏

奏疏

奏疏

奏疏

奏疏

奏疏

奏疏

奏疏

奏疏

奏疏

臣母抱病日久謹陳下情等事疏

首疏遵 諭詳陳治平之大綱等事疏

次疏恭陳薦舉各官格式等事疏

三疏恭陳拯救兵民之節目等事疏

臣母年老病深比例籲 恩終養等事疏

奏疏

奏疏

奏疏

奏疏

奏疏

奏疏

奏疏

奏疏

奏疏

奏疏

奏疏

奏疏

奏疏

奏疏

奏疏

奏疏

奏疏

奏疏

奏疏

奏疏

奏疏

寒松堂全集卷之二

蔚州魏象樞環溪著

奏疏 吏科 詹事府 光祿寺

吏科都給事中臣魏象樞謹

題爲明

計典以清吏治復舊治以肅人心謹獻芻言仰佐
新政事臣惟人君御世之權莫大於賞善罰惡國家
察吏之典不外乎黜幽陟明故虞廷考三載之
績周官垂六計之法典甚重也我

朝兩次展

寒松堂全集

卷之二

一

觀方在

定鼎之初進退固嚴規制未備雖抒萬國拜舞之心
猶缺

御前考察之事今值

皇上躬親大政首舉

計典明一代之令甲所以立萬禩之章程大非從
前草創可比者臣爰考舊章切思三年朝覲義
取述職其名爲大計者乃天子自計天下官員
之賢否令部院科道諸臣分理而共佐者也即
如御前有奏大班有劾總職者有免冠之責復

任者有戒飭之勅廉能超衆則面加獎賞地方
利弊則各許奏陳載在會典班班可按前此皆
未行之今若嚴慎之心有加澄清之效益著苟
令入

觀諸臣不聆

天言之赫弈尤非所以勸懲天下也臣謂鱗集

闕下者布按二司實爲百官綱領兩司稱職則道府

州縣可知也恭請

皇上面召各直省兩司等官問水旱頻仍有無救濟
招徠所報地荒丁逃者誰爲致之問錢糧混冒

寒松堂全集

卷之二

二

官侵吏肥每至數百餘萬者誰爲掌之問劣員
詘課蠹國久列優評者誰爲縱之問款項混開
徵解淆亂賦役全書屢飭不定者誰爲司之問
地方有藐法行私縱賊窩盜罪害及於職官百
姓者誰爲制之問法律不明任情出入人罪者
誰爲議之問

欽案沉閣久不完結者誰爲諉之問奸蠹盜折官糧
成千成萬弊由夤緣濫委者誰爲主之凡三年
中國賦之盈縮民命之生死官評吏議之是非
公私關係大綱者逐一面

奏稱職者作何獎賞不稱職者作何處分庶足爲表率百僚之戒倘有文吾欺飾容科道官以白簡隨之款款糾駁以服其心俾郡邑小吏咫尺天威惕然於

雷霆雨露之下自返職業圖報

朝廷仰見

盛世之

計典昭明海內之人心鼓勵即千萬世永爲遵奉

矣臣蒙

聖恩補列首垣在吏言吏伏候

寒松堂全集

卷之二

三

特旨乾斷施行謹題請

旨奉

聖旨著速議具奏該部院知道

吏科都給事中臣魏象樞謹

題爲糾拾開朝

覲大典既明必不敢廢之職掌當去必不可仍之弊

端恭請

勅議良法永爲遵守事切照三年

大計冊報責在撫按考察責在部院糾拾責在科

道總爲仰佐

重典以澄清天下之吏治也臣查四年科道拾遺

曾經舉行因立法不善科道被處者不一而足

即臣衙門如劉捷以糾拾張守廉責革楊時化

寒松堂全集

卷之二

四

以糾拾左光先降級劉鴻儒以糾拾勞有學降

級林起龍以糾拾楊雲鶴革職楊璜以糾拾劉

孔敏罰俸而臺臣尚不與焉臣攷之典章原用

科道以彈劾有司非借有司以處分科道也又

因撫按之耳目有遺廣之科道非因科道之糾

拾有據遂咎撫按也乃科道以進言受累者弊

有數端大約糾拾之單款與撫按冊報相左故

撫按恐蹈徇縱之愆不得不代尋出脫之法以

故巧爲遮蓋款子虛甚有看語內比之文王

孔子者此一弊也又所糾之官不行革職仍以

見任質審百姓衙役尚屬管轄斷無供証賍私之理此二弊也會典所載科道官必待吏部考察後有失當方許指名糾劾並無處分科道一字而降革責罰反坐言官不合典例此三弊也且當日察審單款之無據者撫按也乃案墨未乾而所叅左光先等貪婪不法革職提問者亦撫按也豈廉於前而貪於後乎抑初甚賢而繼不肖乎則科臣之指叅非誣撫按之解脫益明矣總因四年

計典初舉

寒松堂全集

卷之二

七

皇上未親大政公道未章事多草率今值

聖政方新之時從前弊端不除則諸臣職掌不盡諸

臣職掌不盡則墨官遺漏必多况諮訪既奉有

不行之

旨拾遺一節尤爲緊要不可不力爲舉行者臣查得

四年銓部所陳

計典一疏內開我

朝鼎新創舉一應考察事宜且照舊例舉行一次倘

其中有應革應因者再行斟酌今若不遵舊典

而革前弊不足以立萬世之良法也至於被糾

官員或本身有賍或衙役有賍或才調庸常或性情乖戾自應照例處分議罪外如果審無賍過應否還職竝聽部議自不得藉端誣罔處分科道以貢

皇上求言察吏之意卽科道諸臣自盡厥職倍加公慎無敢有畏罪塞責之心庶

大典有光而貪風可息矣臣繕疏已畢見掌道臣朱鼎延請復拾遺之例微臣竝指四年拾遺之弊伏乞

勅下部院一併確議永爲遵守施行謹題請

寒松堂全集

奏疏

卷之二

七

旨奉

聖旨據奏四年糾拾反坐言官有壞吏治塞言路以

後科道糾拾官員照大計一例處分科道官有挾

私妄糾的著吏部都察院指實叅奏該部院知道

吏科都給事中臣魏象樞謹

題爲恭陳用人第一大政以佐治平之實效以報一體之

隆恩事臣惟上行下濟大易著泰交之文君明臣良尚書賡喜起之盛歷漢唐宋元而上一心一德相得益章史冊中蓋不多見也昨逢元旦傳奉溫綸召內三院引九卿詹事府國子監都給事中掌道御史等官

特宴於

保和殿臣適以青瑣末員遭逢

宋松堂全集

卷之二

十

異數

問地問年躬承

天語

賜餚賜飲喜動

龍顏都俞一堂賡歌千載嗣於初三日接滿漢官參

同奏事之

上傳又於初四日捧言官條奏多係細務之

聖諭仰見我

皇上愛人知人洵與堯舜同揆矣臣切思

國家第一大政莫大於用人但

上天之生才有數全恃

皇上培植而辨論之以待一日之用故用之有效也語云十年之計樹木百年之計樹人今滿臣甫停戰伐講求治平非厚加培植則舊人有零落之憂漢臣參同奏事

顧問方殷因事察人辨論於蚤倘異日部院有缺皇上預知其臣之心地精明堪進何職某臣之事務熟鍊堪進何職某臣之厚重少文堪進何職某臣之夙裁出衆堪進何職參以衆議簡在

帝心

宋松堂全集

卷之二

人

社稷所關得人不偶非資序之淺深可拘也若總督撫

按均係重臣但總督封疆之任與撫臣兼吏治民生者不同近日總督於京堂舊人及在外巡撫提督中推用是矣獨巡撫缺出推京堂者少而推布按者多臣有兩說於此巡撫固需歷練之才京堂亦是切要之地若盡推外任誰辦部院之事布按既儲爲巡撫之用自宜選材而授苟錢穀有玷而居方伯律例不明而居臬憲職任尚且難堪節鉞必無厚望臣請

皇上察新舊按臣中真才真品有守有爲果能興利

除害不愧察吏安民者或三差俱完或兩差無疵書名

御屏

命廷臣一例同推巡撫苟可得人何惜不次之擢至於布按二司有缺吏部仍照會典舊例推列正陪請

旨點用可爲今日之布按方可爲異日之巡撫臣所謂培植而辨論之者不獨爲一事言矣內外得人同心奏效治平之本莫大於此伏乞

聖明擇擇施行謹題請

寒松堂全集

卷之二

九

旨著確議具奏該部院知道

吏科都給事中臣魏象樞謹

題爲卓異之名實易淆

聖朝之拔擢貴慎謹陳愚見以錄真才以佐澄清事切惟三年計吏名曰考績蓋考察政績之成與不成以行

朝廷黜陟之大法也臣濫隨各衙門閱冊之後得與滿漢諸臣同心參核事必求其實法必求其平竊愧於

皇上黜幽之大典不能仰副萬一敢言陟明乎臣查舊例各撫按爰有卓異之舉大抵於道府州縣

寒松堂全集

奏疏

卷之二

十一

中拔其品行卓越政績異常者舉數人以報

天子獎賞紀擢我

朝行之至再矣臣詳攷其義今之所謂卓異卽漢之所謂治行第一也不懸天下非常之格不能得天下非常之士朱邑爲北海太守以廉平不苛愛利爲行入爲大司農卓茂爲密邑令以教化大行道不捨遺還京部丞黃霸爲潁川太守以先教後罰盜盜屏徙徵爲京兆尹召信臣爲南陽太守以訓農興利戶口倍增召爲少府史書所載指不勝屈古之視吏治也其重如此我

皇上大政方新首舉廉卓鼓舞激勸正在於斯且
萬幾日御諸務

親裁此事三年一舉豈尋常薦剡可比上而

朝廷著得人之令下而部院盡知人之明卓求真卓
必有賢聲異求真異必有實政今查各直省冊
開卓異官員事實有據者居多平常無奇者不
少雖赫赫之名見於久去而泛泛之譽豈是定
評卓異之選誠未可以濫邀也臣請

勅下部院將舉到卓異官員所開事蹟諸字推敲嚴

加品題以實政可捐功蹟超衆者分爲一等以

寒松堂全集 奏疏 卷之十一

治業平常僅能稱職者分爲一等其姓名事實

俱用滿漢兼字開進

睿覽

御筆親定獎賞之後各照實蹟分別優擢勿使既膺

循卓之典仍滯常格之中舉一真才而天下之

才皆勸擢一廉吏而天下之吏皆畏廉見

國家磨勵人才務求實用吏治民生良有神益卽

兩漢盛事不能專美於前矣謹題請

旨奉

聖旨這所奏卓異官必確求真才實用有神吏治着

卽嚴核行該部院知道

寒松堂全集 奏疏

卷之十一

十一

吏科都給事中臣魏象樞謹

題爲申未明之職掌以廣

聖恩以佐銓政事臣新任吏垣查憑限一節屬在職掌例之所有臣固不敢濫爲更張若使地方不獲人材之益人材先受地方之過亦臣之所爲怵怵懼也謹列四款爲我

皇上陳之

一官員領憑臣科定限向來滿漢同理止用漢字查近日各衙門行移俱用滿漢兼字文憑重事何獨不然臣謂今後部科俱用滿漢字定可掛號以防假僞

案松堂全集奏疏

卷之二

三

一憑限日期查照官制每日以六十里爲定恐有規避仍立法繩之今處分之法部臣已從寬矣各官願叨一命之榮肯有逗遛之意但水陸間關之中或風濤有阻或盜賊無常或資斧告艱或僕馬多故或便道辭親或攜家就養萬一迂遲難免降罰况雜職無級可降卽行革職俾地方終不得一官之用者臣科之咎也臣謂處分之法自宜照例而定限之期不妨稍寬今擬知縣以上每應限一月者

宜量展十日其佐貳首領教職驛巡大使等

官出身寒微行李蕭然策蹇而行者有之徒步而往者有之艱苦與道府州縣不同責任亦與道府州縣不同每應限一月者亦量展十五日倘仍有逾限淹留託故告改者臣當以白簡從事情法旣已允協民社亦無久悞前吏部因教官寒苦移會臣科頗有同心皆仰體

聖恩以示寬大

一領憑官員遵限赴任實爲地方之益臣科滿

案松堂全集奏疏

卷之二

四

漢官於本月初一日畫憑有湖廣會同等縣知縣孫如周等呈稟地方現在用兵尚苦無任可到討寬限期等語臣思

王師遠征蕩平立奏印官不到誰人料理如果恢剿未及伏莽未靖數千里外臣亦不能遙度而槩寬也今後凡遇用兵地方許令部選官員到省驗憑投見撫按具疏

題明以該地方平定之日催令赴任緩急遲速一聽撫按限之切念從前有用之材或違限而斥或過賊而死負

朝廷之培植勞部臣之銓除者不知凡幾誰爲雪之

誰爲卹之哉臣讀

聖諭有曰國家愛惜牧民之官夫愛惜而不肯輕用

必愛惜而不肯輕棄應

勅各督撫按如有未定地方一體遵奉以重人材

一雜職官員舊例內外各衙門吏農考滿部科

查對然後選授給憑惟恐易於假冒近見吏

部有查拿假官一疏內具假憑四張部科印

信俱係私造雖奸胆包天無所不爲皆因撫

按報缺稽遲部臣無由察核故久假而不歸

寒松堂全集

奏疏

卷之二

五

也今後凡雜職員缺毋拘揭報之例定須每

季詳察具疏奏報內外互稽翹竊自遁且臣

閱

大計冊中各省缺員十之六七內有假官註考者

有同名並到者有携印脫逃者有議缺當裁

者臣曾與考功按冊面講部臣自行嚴查外

其現缺若干宜刻期遠稽以絕奸弊

以上四款皆就臣職掌之一節而推言之其於

人材地方果否有裨

聖恩銓政果否無碍伏乞

勅下吏部確議速覆臣科以便遵奉施行謹題請

旨奉

聖旨着確議具奏吏部知道

寒松堂全集

奏疏

卷之二

六

吏科都給事中臣魏象樞謹

題爲微臣就職言職以明職業以求實濟事切惟
懇懇設鐸帝王之盛心補闕拾遺臣子之大義
古來上有明主下有直臣或旌讜論於當時或
表忠言於事後美蹟彰彰載在史冊近者
綏音再下

省躬求言令諸臣各抒所見一

諭曰曠廢職業又

諭曰無濟實事臣循分自省言責大虧稍有良心能
無汗愧此時若不明其職業而求其實濟則諸

寒松堂全集

卷之二

七

臣愈負

皇上納諫之心

皇上亦無從收諸臣建白之效誠如

上傳所謂當言不言不當言而言者也臣切思言官
以進言爲職

皇上以開言路爲心向來言有可行者

皇上未嘗不採其言言有不可行者

皇上亦未嘗重棄其人所以滿漢之臣大作敢言之

氣近日見有一言不當而問擬大辟者律以人
臣之道重

君父原不重身家計蒼生原不計禍福但恐言路諸

臣明知言者得罪不言者無罪各懷顧忌甘自
類於寒蟬委是鋪張尚欲託於鳴鳳以惴惴畏
罪之心結成鬱鬱絨口之象亦言路之大可羞
也夫人臣之罪洵莫大於懷偏私重賄賂若一
言不當而可擬重辟何以處臣下之貪贓壞法
報怨挾仇者乎臣謂

盛世之法貴持其平良臣之言務求其實古人有

云爲治不在多言顧力行何如耳糾彈勿避要

津大惡大貪劾一人而已見風節條陳不取累

寒松堂全集

卷之二

六

牘大利大害舉一事而尤勝雷同其有立意全
糊屬辭枝蔓言之則利多而害少行之則利少
而害多此不職之臣也

明旨批下吏部以考功之法處之如係坐而言起而
可行之事內外務在實行大小各有實濟部臣

既券之於始

皇上仍課之於終孰敢苟掇浮議漫草彈章以自取

溺職之咎耶今後臣衙門仰體

聖懷參攷舊例以進言之有濟無濟見言官之有才
無才其應內外遷轉者兼查職業明咨吏部此

外果有貪賍壞法報怨挾仇等弊或本衙門互相察舉或該部院特疏糾參清弊昭彰供証明白此不法之臣也

明旨批下刑部以司寇之法罪之法歸於平言歸於實凡語過戇而心無私者不必槩送刑部從此上以實求下以實應不但沽名釣譽者各見其忠良卽持祿養交者亦生其志氣用言與用人俱效小利合大利兼收法紀當而職業明其所裨於聖治者匪淺鮮矣謹題請

旨奉

案松堂全集

奏疏

卷之二

九

聖旨覽這本內云人臣之道重君父原不重身家又云懷偏私重賄賂報怨挾仇者何以處之等語所指何人著魏象樞據實詳明奏來該部知道

吏科都給事中臣魏象樞謹

題爲遵

旨奏明事臣於本月初一日具有微臣就職言職以明職業以求實濟一疏初二日奉

聖旨覽這本內云人臣之道重君父原不重身家又云懷偏私重賄賂報怨挾仇者何以處之等語所指何人著魏象樞據實詳明奏來該部知道臣捧讀

天語仰見我

皇上俯採芻蕘雖條奏本章亦必字字求實

案松堂全集

奏疏

卷之二

十

堯舜之心不是過矣臣疏所奏原因四月十七日接得

上傳內有當言不言不當言而言無濟於實事之諭臣切思言官有何實事可報

皇上不過進言得當耳前日言官吳達吳拜因進言不當俱擬死罪臣敢言之才不及二臣尸位素餐實深恐懼今見我

皇上省躬改過責望直臣臣所以言人臣之道重君父原不重身家等語蓋欲人臣披肝瀝膽以事一人寧可因言而得罪不可畏罪而廢言古人云怕

死非忠臣臣以此自勉併以勉言路諸臣實無所指也又因

上傳內有大小臣工懷偏私重賄賂不實心爲國曠廢職業之

諭臣切思言官何爲職業不愧

朝廷之耳目是其職業也言官而懷偏私何以糾報怨挾仇之人言官而受賄賂何以察貪贓壞法之事如有此等所犯大爲不法當下刑部議罪若進言不當特不稱其職耳亦下刑部議罪法之輕重未得其平也且

寒松堂全集 奏疏 卷之二

圭

皇上爲諸臣之父母父母因不孝而欲議殺其子者有之未有因失言而欲議殺者臣所以言人臣之罪洵莫大於懷偏私重賄賂報怨挾仇者何以處之等語蓋謂

皇上既下求言之

諭今後凡有不法者應下刑部議罪其不職者止下吏部處分定爲良法昭示臣工言路通塞之大關文書紀載之美事莫切於此臣如有所指之人真見真聞卽特疏入

告矣豈敢待

皇上詰問而後指名況臣原疏中明有立意含糊屬

辭枝蔓之戒臣欲戒人而先不自戒臣罪滋大

臣斷不敢也謹據實詳明回奏伏候

聖明鑒察貼黃難盡併乞

慈宥施行臣不勝戰慄待

命之至謹題請

旨奉

聖旨魏象樞所奏情詞已知道了以後言官進言凡有實據的都耍明白指奏何必分別小臣大臣含糊影射着通飭行該部知道

寒松堂全集 奏疏 卷之二

圭

圭

吏科都給事中臣魏象樞謹

題爲體

聖主難慎之心謬獻條陳仰祈

採擇事臣待罪吏垣屢讀

明旨惓惓以察吏用人爲重臣雖愚昧寡識不諳銓

政聊就

明旨一推廣言之一讀

聖旨云地方好官若不薦舉上何由知以後各督撫

薦舉俱著遵奉

前旨是舉劾之責督撫所不能辭矣夫督撫止有歲

寒松堂全集

卷之二

三

終甄別之例向來直省等處有循而行之者陝

西等處有久而未行者北直山西等處有止及

道府者宣大等處有兼及有司者均是督撫而

各持一例於法不可

皇上方欲澄清吏治自司道以下佐貳教官以上或

通行甄別或另行舉劾早宜

勅定勿致參差以後務將司道府廳原開考語全列

疏中部院科道訪有不當者以便指名駁參庶

是非毀譽罔敢欺朦矣伏候

聖裁一外官陞轉挨俸論薦部臣極其詳慎臣常慮

俸薦備者錢糧未必盡完錢糧完者俸薦未必

全備況今薦額日嚴薦牘日少從前之有薦者

尚可挨陞此後之應陞者何爲確據今應將給

由考滿事例遵照前

旨著實舉行考任內之實蹟去紙上之虛文操守政

事既可確見其短長稱職平常亦可分別而陞

敘前經

題明以

皇上親政之年爲始歷俸三年依例考滿但錢糧隨

俸計算或截算八年以後之俸或通算八年以

寒松堂全集

卷之二

帝

前之俸議定畫一通

勅各督撫轉行所屬應與給由者不許朦隱扶同亦

不許留難稽滯本冊文移各註申考駁察月日

旨下該衙門會同磨勘次第覈覆至布按二司一爲

錢糧之統匯一爲刑名之大綱尤當嚴覈以正

本原庶互保同結非爲故事矣伏候

聖裁一讀

聖旨云若用卓異必須在京堂上官有保結的方許

推用仰見

皇上愛惜人才之心欲盡謂之賢既恐以人而冒

盛典欲盡謂之不肖又恐以

盛典而棄人臣思聞見親切莫如本管上司萬一

京堂之風聞不敢輕保則蘇松之缺難以久懸

卓異之官難以棄此際何所適從乎夫用人

之道慎終不如慎始卓異三年一舉原從千百

人中覈其才守按其二三較循例之薦舉何其

重也向來撫按止以一冊開報全不具疏

題奏才守實蹟何嘗上

聞即連保之法未經

題明者臣亦不敢苛論今後督撫遇

寒松堂全集

奏疏

卷之二

圭

大計之年務將卓異官姓名實蹟會疏特舉不必

沿冊報之陋規所舉當則與卓異同其實所舉

不當則併道府同其罪廢信賞必罰可期得人

矣伏候

聖裁以上三款如有一二可採伏乞

勅部確議上

請施行條奏字數溢額併乞

聖明鑒宥謹題請

吉奉

聖旨該部確議具奏

吏科都給事中臣魏象樞謹

題爲

奏明臣未盡題緣由事本月初一日吏部聚集九

卿科道會推南贛巡撫正推者乃江南左布政

使劉漢祚也滿漢諸臣爲地擇人自有所取但

臣曾因錢糧一事具疏題叅前後不便互異是

以未敢盡題理合

奏明伏乞

聖鑒施行謹題請

吉奉

寒松堂全集

奏疏

卷之二

圭

聖旨知道了該部知道

吏科都給事中臣魏象樞謹

題為督撫關係封疆告病例當

請伏乞

明旨申飭免致貽誤地方事臣惟

國家之務莫大於封疆封疆之任莫重於督撫蓋糧餉兵民安危治亂之大綱繫焉文移一日不理則案牘遲壅耳目一處不周則弊端叢積無病而控辭非臣子之義也有病而卧理亦非地方之福也臣見向來撫臣告病如趙兆麟劉武元周文燧等俱係自疏陳奏奉

奉於今全集奏疏

卷之二

主

旨以後必須具題行查再題再覆而後出缺推補在部臣固為慎重但一查非數月不能結局一推非數月不能履任以多事之封疆姑託抱病之節鉞於地方殊有未便也況今刑名吏治歸併料理事務更煩責任倍重有病之人精神必減即事事周密保無一事之疎虞念念擔承保無一念之旁貸乎臣於此不能不鯁鯁過慮也查會典內所載各邊督撫患病不許自奏聽巡按御史勘明轉奏今巡按已經止息合無督臣有病許撫臣勘明代奏撫臣有病許督臣勘明代

奏無論邊省通為定例應留應去取自

上裁既不致月復一月之耽延並不煩一疏再疏之紛擾封疆事重庶無萬一之誤也至於方面等官表率屬僚實為緊要倘有病廢不堪者該督撫照例查奏若姑容戀棧部院科道訪實指叅重治督撫之咎所裨地方匪渺小矣臣在吏言吏伏乞

聖明採擇施行謹題請

旨奉

聖旨該部察例具奏

寒松堂全集奏疏

卷之二

主

吏科都給事中臣魏象樞謹

題爲部司擅委中軍大爭典制請重處以儆將來
事切照私委之弊害民蠹國哉

皇上禁革甚嚴卽地方額員有缺例於部選職官中
選委未聞部司設有中軍私牌擅自委用如主
事錢受祺者則大可異也查中軍一官原爲傳
宣軍令參贊兵機而該兼有分統標下兵馬之
任所以督撫兵巡等衙門非部推中軍不敢用
雖其愛功名而奉約束而不肖之生事害人者
尚比比入

東松堂全集

奏疏

卷之二

七

告也今受祺一奉差主事耳旣無傳宣之軍令又
無參贊之兵機一兵一馬毫無干涉私委中軍
意欲何爲非藉爲剝民之爪牙卽用爲通賂之
線索此不問而可思者但受祺與吳玉臣未委
之先因何知識給牌之際憑何勞蹟旣委之後
盡何職業在差之日駐何衙門臣實不能爲受
祺解案查各差私收人役

上傳有禁且柳寅東以撫巨而輕用一弁曩曾重處
之受祺抑何膽大如斗而毫無顧忌也前吏部
候三法司題覆再議今三法司俱經核實奏明

矣伏乞

勅下吏部嚴究根由有無賄託重加處分以爲後日
招納奸徒剝軍害商之戒今後各部考核司官
及各督撫查核道將凡有濫委縱害情弊者定
從劣考統惟

聖明嚴飭施行謹題請

旨奉

聖旨部司擅委中軍殊屬違例錢受祺著議奏該部
知道

東松堂全集

奏疏

卷之二

手

吏科都給事中臣魏象樞謹

題為檢舉錯誤事臣於本月初八日具育部司擅

委中軍一疏昨臣在科查發外抄見三法司核

覆疏內俱云錢受祺私委捕官臣疏將捕官二

字誤寫中軍自知粗疎理合檢舉請

旨改正仰乞

聖明鑒宥施行謹具奏

聞奉

聖旨參疏原當詳慎捕官中軍輕重有別魏象樞何

得誤寫着議奏該部知道

寒松堂全集 奏疏 卷之二

圭

吏科都給事中臣魏象樞謹

題為詳奏臣科始末仰乞

聖鑒併陳科臣挾恨之情以明

國法事臣於本月二十一日在科辦事見臣同官

陳調元參臣一疏奉

聖旨這本內事情着吏部都察院詳察確議具奏欽

此臣自當靜聽察議但臣科始末不敢不仰陳

於

皇上之前查臣科左給事中杜篤祐於六月初一日

吏部覆准奉

寒松堂全集 奏疏 卷之二

圭

旨給假六箇月本內無開缺另補字樣及六月十五

日吏部題覆陳調元疏看語內引會典題放事

例凡給假官應照例作缺並無姚文然杜篤祐

姓名及科臣為始等語滿洲臣與臣細繹凡之

一字未知果否兼前後而言兢兢詳慎恐與調

元原疏不侔隨令他赤哈哈方常書到部問明

杜篤祐是出缺不是吏部回說以後的出缺杜

篤祐不出缺而謂元捏臣科為立志背

肯非妄言乎臣科於閏六月初八日因咨劉健等陞

補又將杜篤祐等二缺指名用手本移會應否

作缺於十四日接吏部文選司手本云查得吏科左給事中杜篤祐給假在未奉作缺

明旨之先自應聽限滿赴京供職奉堂批照議同覆到科今滿漢字原手本見存臣科可察而調元亦捏臣科爲背

旨又譚吏部司臣爲背

旨則滿漢堂司等官前作看語後批照議者豈盡背旨之人乎近見內院陞補官員一疏內將從前給假官俱

題明作缺臣即同臣科滿洲臣議云前日吏部兩

寒松堂全集

奏疏

卷之二

次俱說不出缺今內院已

題明出缺應照內院事例移明吏部定爲畫一之規又用滿漢字手本移會作缺見今部中回咨未到臣科原以內院題奉

欽依爲式樣而反以臣爲譬贖爲欺罔爲甘心爲背旨調元真良心滅絕之甚者且調元疏云內院何常

問吏部此言愈謬矣夫內院之例本衙門題陞亦本衙門題缺臣科之例豈轉事故吏部題缺臣科止於照缺咨人此所以再三移會吏部也調元亦係科臣當諳科例反云待線索於他人

乎且杜篤祐一事臣科滿漢臣苑上吳亦哈等

共議於署臣有何失吾彌縫有何私心庇護字

字可問如謂臣與杜篤祐有鄉情豈吏部滿漢

堂司等官及臣科滿漢官皆與杜篤祐有鄉情

乎况調元恨臣原非一日調元四月內上俯抒

愚忠一疏諸臣在科同看公揭內有

聖躬出入無常頻臨三院等語臣率云意固懇直言

亦關係但接見大臣乃

皇上下交之美事也此段未可輕進調元聞之怫然

變色恨已伏矣又杜篤祐給假調元係兵科左

寒松堂全集

奏疏

卷之二

應揆陞刑科都後兵科都缺出調元與臣在

天安門內同行向臣云刑科也罷了只是嫌刑科

書辦太疲本又多每到日夕還不得出衙門味

此數語明示意於臣觀陞兵部故以臣科咨伊

陞刑部爲大恨又刑科外抄送吏科甚遲昨吏

部取打死人令一抄係七月十七日本下查八

月十四日尚未送到吏科臣云外抄一月不發

有何緣故令書辦持咨催取太急此又臣開罪

於調元者積此數端宜其相報之速也總之臣

任事太真口直招怨臣自知之今調元誣臣爲

背

旨欺

君違例徇私誑爲大言以聳

天聽調元挾私之肝肺昭然共見六垣有是非部院

有公議難逃我

皇上洞鑒中矣臣謹將始末情節

奏明伏祈

勅下吏部都察院一併察議緣述屢次情節字逾常

格統祈

聖明鑒宥施行謹具奏

寒松堂全集

奏疏

卷之二

七

聞奉

聖旨着一併察議具奏該部院知道

吏科都給事中臣魏象樞謹

題爲應推督撫官員吏部宜遵

聖諭開列事實以便會推事臣伏讀

聖諭內云今後遇有督撫員缺毋拘品級須要從公

會推擇其品行才猷素著者將行過事實詳註

會推本內仰見我

皇上重督撫之選責九卿科道者如此其嚴且切矣

臣附在會推之末見吏部將應推督撫官員每

員各寫一籤止開履歷籍貫不開行過事實九

卿科道既未見其行過事實何由擇其品行才

寒松堂全集

奏疏

卷之二

七

猷且書題之後繕疏在吏部而九卿科道不復

與聞矣若事實不註於本內則於

聖諭不合若諸臣未見其事實而吏部自註於本內

又於會推不合事關

聖諭臣忝言官不敢不登言之今後會推督撫之日

吏部應將行過事實寫於籤內先令九卿科道

閱籤擇推按其事實參以公論正陪既定然後

照籤註於本內請

旨點用如果微臣所言有合

聖諭伏乞

勅下吏部永爲遵奉以便會推施行謹題請

旨奉

聖旨該部知道

寒松堂全集

卷之二

奉

吏科都給事中臣魏象樞謹

題爲游僧干求書文有犯法紀乞

勅禮部查逐事臣切惟

輦轂之下天下所往僧道星卜何所不有近有一
僧名喚赤岳遍持語錄詩扇沿門道人講道談
禪募化衣食此亦闍黎之常事無足深怪但可
異者持書向臣等干求書札序文又欲於語錄
之內刊列臣等銜名臣等言官也書札固不敢
作若銜名附於方外之書更無此理萬一私付
梓人下壞臣等之官體上關

寒松堂全集

卷之二

奏

朝廷之功令何物風魔妄誕至此臣等職在糾察豈
可止於拒絕而不以入

告乎况臣等嚴肅衙門尚敢干擾無忌則其干擾
諸紳可知也設係高僧自當入山清修今乃紛
囂官長妄犯清規

京師法紀之地豈宜容留此輩臣已同臣同官給
事中林起龍面說與北城坊官顧成學羈查外
伏乞

皇上勅下禮部驗明度牒查問來歷如止無籍游僧
速行驅逐境外併送飭僧官以後各寺廟嚴加

查禁再不許安歇此輩犯清規而干法紀也謹
題請

旨奉

聖旨禮部嚴察議奏

寒松堂全集 奏疏

卷之二

去

吏科都給事中臣魏象樞謹

題爲恭陳四款以佐

聖主勤民大政事本月十五日恭遇

皇上舉行耕藉大禮臣叨在追陪竊見

皇上星言夙駕至誠格

神稼穡躬親風和日麗我

皇上敬

天勤民至意真與帝王同揆矣臣有一得之惠關於民

命民情民食民困者分列四款爲我

皇上陳之

寒松堂全集 奏疏

卷之二

甲

一用真才以恤民命

國家數百萬金錢皆百姓數百萬膏血禾稼未登

先行徵納徵納十分

朝廷尚不得五六分之用其故何也蠹役中飽者有

之劣官朦混者有之徵無起解解無批廻者

有之甚且撥兌之軍餉不發地方之災荒不

問種種見之奏章事事奉有

明旨皆今日不職之布政司也臣思此言專管通省

錢糧必湏心計之臣才足察奸不受一錢者

方能勝任若槩循資俸未必盡得真才臣考

會典舊例布政司與按察司缺吏部推列正陪請

旨照用務求真才法甚善也去歲臣已奏明未蒙

俞允臣謂督撫而下此為第一緊要之官近見

皇上於會典未備之事尚察舊例況會典所載者豈可無庸再議乎伏乞

臨御之際詢問舉朝大臣此官有無緊要會典果否開載臣不敢不仰遵

聖諭再三開陳實因

寒松堂全集

奏疏

卷之二

聖

國計民命所關非渺小也伏候

聖裁

一慎刑獄以疏民情各省設一按察司參掌貪污官吏辦理冤枉軍民職任甚重故在內都察院稱曰總憲在外按察司稱曰外憲身服皆同諱官例不補用為其執法疏寬察通省之刑名耳若以律例不諳才守不稱之人為之或久獄不清株連證佐或斷獄失平奸貪翫法必至下妨農業上干

天和近如畿北各府重犯獄情多至二三百起無由申

理則各省必更多矣臣請自今定為歲報之法如一年之內每省共奉

欽件若干件已結若干件未結若干件開寫畧節比照布政司奏報錢糧事例年終造冊具本恭進

聖覽其各守巡道承問事情問擬充配以上者亦於年終冊開情節凡有情可矜疑事屬淹滯者各省報按察司直隸報三法司應駁正者駁正應糾參者糾參以副獄情不得延緩重滋冤獄之

寒松堂全集

奏疏

卷之二

聖

旨庶泣罪解網之下即雨暘時若之徵矣伏候

聖裁

一行勸懲以足民食食者民之天也各省奇荒流亡疊告州縣官能安插撫集者督撫題明自應分別紀錄豈不敢再贅近見李百總收養貧民四百餘口奉旨嘉賞臣因思八旗之民均屬朝廷赤子設遇凶年畿內地薄而物貴豈盡度日豐饒之人我

朝在

盛京以農事開國然後以兵威取天下今丁口繁盛倍於

盛京若各旗下人有衣食不充者本固山牛衆給與衣食安插得所豈有逃走生事之理但勸懲須有良法然後人心鼓勵如某牛衆下察其給養窮人若干則實加陞賞某牛衆下察有窮人未嘗給養則實加罰懲根本之計不可不講臣聞我

太祖

太宗舊有此例但耳目未確不敢援引伏乞

聖裁

奏疏

聖

勅下諸王大臣察議施行伏候

聖裁

一均賦徭以蘇民困

國家錢糧京運有額存留有數其存留者如師生

廩俸驛站糧價天役工食祭祀賓與等費一

一取給毫不可少我

皇上准令紳衿優免丁糧恩極厚矣但紳衿免去一

分則百姓加派一分富家多有前程貧民代

爲包賠情極苦矣其中倘有影射濫冒病民

更甚臣請責成州縣定爲歲察之法如某地

紳衿某年某月所免丁糧若干每年終通察

事故黜革及宦家親族不應優免者該州縣

官逐名造冊申報督撫學院學道察核即減

去百姓包賠之數大張榜示令民通知如有

影射冒濫等弊容隱不報仍苦窮民及地荒

丁逃編派不公拖累戶甲者該督撫立行叅

奏以溺職論罪果能清察此弊者即當優薦如督

撫提學不肯實行者部院科道訪實指叅分

別處治庶窮民止包實在之紳衿或不致苦

累逃亡矣伏候

聖裁

奏疏

聖

以上四款臣皆舉目前關切有裨

皇上勤民之大政者敢進芻蕘伏乞

聖明採擇施行因係列款字濫常格統乞

鑒宥謹題請

旨奉

聖旨這條陳四款有裨勤民著詳議具奏該部知道

吏科都給事中臣魏象樞謹

題爲俯陳愚見推廣

皇上聖訓伏讀

聖諭見我

皇上軫念

畿輔饑民之苦夙夜焦思

皇太后再布慈恩共發

帑帑及節省銀二十四萬兩

特遣滿漢大臣十六員賑濟入府廷臣咸稽首而頌

曰

寒松堂全集

卷之二

聖

堯舜之心愛民如此

諭內所云散給均沾清察奸弊諸大臣自優爲之又

何庸臣之贅言哉臣竊謂大臣奉

命而往如代

皇上躬履民間須於賑濟之中兼行省問安插之事

但有

綸音未及未便專行者臣不敢不推廣而言之一地

方災荒輕重不等有本地逃亡而去者亦有別

地就食而來者一體賑濟固不待言但恐流民

餬口有資棲身無地雖獲目前之生終作漂零

之鬼合無將各府州縣及所屬村堡等處空解

官房庵觀寺院設法安插外其紳衿商民或有

願出空房與饑民居住者或有願養饑民十口

至百口者大臣酌量多寡如十口以上者應量

給匾額便宜旌獎如三十口以上者應具本

題報分別敘錄向來大家富戶因懼隱匿逃人之

禍罔恤所到地方槩行驅逐不敢收留寧視

其死而不救恐與人飯一盂湯一碗便不能自

保身家嗟乎人與人相仇成何太平之世界今

皇上大沛恩澤好義之人豈無感動必須大臣給與

寒松堂全集

卷之二

聖

關防執照使人坦然無疑設有逃人後不受累

大戶樂收樂養饑民有食有居我

皇上二十四萬兩賑濟之恩始有實效矣一地方災

荒之後百姓既不能養贍妻孥必不能早辦錢

糧或有官不恤民追比預徵青黃不接敲骨吸

髓或有地方驛馬本色及明末加添賦徭等項

重累百姓苦難支持逼迫逃亡非盡災傷之過

今大臣出京首當以問民疾苦爲事每到一處

延見父老虛心體訪某項累民墊當蠲除某官

害民法宜糾參復

命之日逐一詳奏立見施行俾流民知

皇上去其害而除其累人人有鄉井墳墓之思逃者

可以復返貧者可以不逃富者可以不貧我

皇上二十四萬兩賑濟之恩益被無窮矣以上一款

皆臣仰體

堯舜之心不敢虛

簡差大臣之意故推廣及此伏乞

皇上垂鑒愚忱

俯賜採擇俾大臣得以朝聞

命而夕奉行若下部議覆恐耽時日統乞

奉松堂全集

奏疏

卷之二

聖

聖明裁斷施行謹題請

旨奉

聖旨這所奏賑濟內事宜已有勅諭該部知道

吏科都給事中今降一級調用臣魏象樞謹
奏為遵

諭回奏事本月初二日臣隨九卿科道在

午門內共聽審完我參陳名夏一疏蒙

聖諭陳名夏父子濟惡科道何不糾參都著自行回

奏臣此時又聞本內言名夏與臣係四門親家結

為一黨等語臣既深惶愧又抱黑冤因于本日

羈部候議未得與諸臣一同回奏今核議已明

於十三日刑部傳臣奉

旨無罪免議臣入載孤踪半世名節始得明白於

奉松堂全集

奏疏

卷之二

聖

聖主離照之下臣生固無愧死亦無憾矣何敢不據

實回奏夫知無不言言必有據方盡言官之職

名夏肆惡內院皆

綸扉秘事臣從何得聞敢向何人訪問乎臣所以不

能知名夏之肆惡內院者此也至伊家住江寧

臣平日亦聞其一子放蕩為非而說情受賄生

事害人之惡蹟若有一二實據臣何憚於名夏

而不以入

告耶緣臣從未身到南省聞見不真在京又未細

加體訪不敢揣摩而具彈章臣所以未經參名

夏之惡子者此也今被院臣寬完我摘發名夏父子多款而臣如在夢中古來豈有如此之言官哉我

皇上不即罷斥薄示降處臣清夜自返中心何安理合補牘請罪字字皆臣之實情字字皆臣溺職之咎也臣無任惶悚待

命之至謹具奏

聞奉

聖旨已有旨了該部知道

寒松堂全集

奏疏

卷之二

吏科都給事中臣魏象樞謹

奏爲臣母抱病日久謹陳下情迫籲

聖恩事臣碌碌庸材由丙戌庶常叨授言路八年待罪荷

恩如天尺寸之效未成

君父之心難報臣清夜自審踵頂宜捐敢言將母乎

獨念臣母李氏今年六十有六脾胃素有弱疾

濕痰左注肩臂刺疼臣前歲迎養入都不服水土

土即返家鄉抵里以後脾胃不調飲食減少雖

延醫調理未能對症冬暮兩接家信俱云食少

寒松堂全集

奏疏

卷之二

辛

體瘦心動不寧臣以垣務正繁省視可緩本月

再有信至云臣母日夜憂鬱望臣一見書中之

語一字一淚臣口不能讀者久之時值

皇太后聖誕又值

皇上舉行耕藉大禮未敢瀆

奏臣思人之一身養氣生血脾胃爲本若根本不

和榮衛不周盛壯之人亦成大病况臣母望七

之年氣血微弱萬一誤補誤消所傷不小臣粗

通藥味未獲親嘗不惟魂夢不安亦非所以仰

體我

皇上孝治天下之心也臣查兵科都給事中姚文然
有給假省親之例近日侍郎孫廷銓臺臣李敬
各以陳情得蒙

俞旨臣有情而不言與草木等耳不更辱

朝廷耳目之班哉伏乞

皇上垂憐至情

勅部察覆

允臣歸省臣與孀母均感

錫類之仁且臣科滿漢濟濟又有起用候補之官缺

出隨補毫不廢事臣母倘邀

奏松堂全集

奏疏

卷之二

奉

聖明之庇調治數月病痊身健臣即星馳赴補區區

犬馬報答

宏恩之日正長也臣不勝懇切待

命之至謹具奏

聞奉

聖旨着察例議奏吏部知道

詹事府主簿臣魏象樞

奏為首疏遵

諭詳陳治平之大綱以佐

宏謨以抒愚悃事臣跪讀

皇上求言之諭下及七品官員臣雖濫附七品竊愧

素餐安有確見良策仰答

周諮至意哉臣惟

勵精圖治貴攬其大綱養兵救民宜責之大吏譬如

善治病者不求其本原而紛投其藥劑無益也

臣所謂大吏者在內則六部之卿貳在外則各

奏松堂全集

奏疏

卷之二

奉

省之督撫是也臣所謂大綱者內之卿貳可以

察督撫外之督撫可以察有司是也夫兵民大

政無一不由六部題覆故督撫行事有叢弊之

處六部知之必多察之亦最易何也每事各有

副書可據每事各有底案可稽其易察一也吏

部分省而設官原以咨賢否別部分司而治事

原以專考成其易察二也部臣嘗有領兵抽稅

出差於各省久駐於地方者如兵馬虛實百姓

苦樂親眼見過其易察三也祇因向來責成未

專而諸臣遂以任議為分途矣臣請

皇上特頒六部嚴覆兵民利弊

專勅各一道令其今後詳察各督撫奏牘薦章咨揭
文冊內有不公不法大弊大害推諉徇延緩
糊塗者卽許具疏參奏酌量處分如該司未經
說堂而堂官查出則過在司官如司官說堂而
堂官不行具奏則過在堂官又慮堂官料理一
部之事頗云浩煩卽中掌管一司之事何難稽
核況吏書上下其手每乘司官更易其人若以
曹署爲傳舍必致事務之因循今後卽中除考
選陞遷外應照掌科掌道之例俾專理司事不
許在外出差前任員外主事時已經輪差臣之
所言亦非偏也再請

皇上倣唐太宗以都督刺史姓名疏於御屏故事將
滿漢大小九卿科道官每員製一大籤督撫等
官每員製一大籤各疏其名各製一筒時隨

皇上左右如某臣擔六事某臣發三言卽於籤上

御筆記一功字某臣有充位望缺等情某臣有富貴

恩怨等情卽於籤上

御筆記一過字遇我

皇上接見臣工之時復掣督撫一二籤詢其貪廉功

過亦於籤上

御筆記之則卿貳督撫等官賢否難逃
皇上睿鑒之中若諸臣承

明問而有一言代飾一語中傷是欺

天地也欺父母也其誰敢乎如此而異日之賞罰黜陟

既有把柄再加察核方可以鼓勵羣心矣至於
察吏安民人人言之臣常有二語曰舉劾當則
見督撫廉明舉劾不當則見督撫貪昧近讀

上諭今後督撫薦舉官員開報事蹟如有不實一體

究治我

寒松堂全集

奏疏

卷之二

皇上洞悉薦舉不實之弊故著此令以垂永久但事

蹟二字

天語止示其要而微臣力請其詳所有酌定薦舉道

府等官者計拾格薦舉武職官員者計拾格薦

舉州縣等官者計拾貳格皆臣仰體

宸懷俯竭一得另疏呈

覽以聽

上裁亦畧倣六計之古法也任各官之賢者以爲善

而否者以爲苛臣總不顧耳自今以後凡有舉

劾文官責吏科武官責兵科各註一冊專查舉

効不實之弊以副一體究治之

旨庶法可實行舉足勸而効足懲矣臣正在繕疏見諸王貝勒大臣九卿詹事科道等議差巡方奉有依議之

旨並飭以後巡方薦舉照式通行可無參差也臣庸才淺見議論平平惟願內外諸臣打起精神實心任事上分宵旰之勞下造兵民之命只在力行而不在多言矣如果臣言不謬伏候

採擇字數溢格統乞

鑒宥施行臣無任惶悚待

寒松堂全集 奏疏

卷之二

奏

命之至爲此具本謹具奏

聞奉

旨該部議奏

詹事府主簿臣魏象樞

奏爲次疏恭陳薦舉各官格式以重治兵治民之人事臣前疏奏明薦舉官員開報事蹟緣由此正兵民疾苦之根源也所開既重不厭其詳除專管漕政鹽政學政馬政河政各據本官操守本等職業開薦或有殺賊禦寇轉餉開荒勞蹟異常特疏優舉外臣酌錄循例薦舉格式上聞如有一二可採伏候

勅下該部轉行各督撫巡按一體遵行爲此具本謹具奏

寒松堂全集 奏疏

卷之二

奏

聞

計開薦式於後

應薦文官一員某人係某年某月到任今經幾載薦錄幾次

一曰戶口

本官未任以前原額丁口若干任內審編幾次開除逃亡死絕丁口若干增益丁口若干竝無賠累遺漏等弊

二曰錢糧

本官未任以前舊欠錢糧若干本官帶催完

解若干任內應徵錢糧若干本官見經徵解
若干易知由單於某月給民竝無縱容櫃頭
私加火耗已經蠲免暗行徵收等弊

三曰驛站

本官未任以前驛馬若干任內實存驛馬若
干缺額買補若干官喂官當竝無飛洒里甲
暗派草料工食及買馬銀兩等弊

四曰詞訟

本官審理詞訟當堂剖斷即發審單有罪定
罪無罪免科任內竝無受賄受囑令親友住

寒松堂全集

卷之二

奏疏

居境內暗送人情顛倒是非等弊

五曰學校

本官任內學廟有無修理月課生員某人等
若干次鄉試中式某人等若干竝無結交劣
衿凌辱素士等弊

六曰城池

本官任內城池有無築浚果否完全竝無毀
壞等弊

七曰衙蠹

本官額設衙役若干任內拏過朦官害民積

蠹若干竝無縱容勾攝嚇詐鄉愚等弊

八曰土豪

本官任內講說鄉約拏過真正豪惡若干果
係刁訟欺良卷案可據果係恃財倚勢實蹟
可憑竝無捏害拏訛等弊

九曰行價

本官任內所帶家口若干取用民間貨物柴
米等件實係見價發買竝無指勒虧短等弊

十曰餽送

本官任內不受餽送亦不與上司餽送竝無

寒松堂全集

奏疏

卷之二

派取民間皮張土物繳回原價諂媚上司等
弊

十一曰積穀

本官未任以前積穀若干石任內自積若干
石某年某月救荒用過若干石實存若干石
果係自理紙贖及存留項下節省竝無濫罰
購取等弊

十二曰保甲

本官稽查有法任內拏過盜賊若干名解過
逃人若干名安過流民若干名竝無縱役騷

擾板害無辜等弊

此一官者係某道某府某廳開報事實臣覆訪果確輿論允孚可稱賢良實堪薦舉

應薦武官一員某人係某年某月到任今經幾載薦錄幾次

一曰月糧

本官所管兵馬若干每名每月給餉銀若干俱係實數分散並無侵扣剋減等弊

二曰功次

本官任內曾經戰功幾次敘錄幾次並無殺

東松堂全集 奏疏 卷之二

擄冒功及退縮失機等弊

三曰軍器

本官所部器械若干弓矢若干砲藥若干並無損壞不修等弊

四曰馬匹

本官所部馬匹若干俱符原數並無瘦弱倒死等弊

五曰訓練

本官所部兵馬幾日操演一次勸懲有法並無怠惰偷安等弊

六曰約束

本官所部兵丁盡聽約束並無占房奪物生事害民等弊

七曰占役

本官所部兵丁若干名俱係實充營伍並無坐名食糧倩人充數等弊

八曰受詞

本官一切詞訟毫無干預並無私受稟狀指稱盜賊軍務名色掣人詐錢等弊

九曰行價

東松堂全集 奏疏 卷之二

本官任內所帶家口若干取用民間貨物柴米等件實係見價發買並無指勒虧短等弊

十曰餽送

本官任內不受餽送亦不與上司餽送並無派取民間皮張土物繳回原價諂媚上司等弊

此一官者係某鎮某道某府某廳開報事實臣

覆訪果確輿論允孚可稱賢良實堪薦舉

應薦道官府官某人係某年某月到任今經幾載薦錄幾次

一曰開報所屬賢否

本官所屬官員正印若干員佐貳若干員報過廉能幾員貪酷幾員竝無徇庇濫枉等弊

二曰謝絕所屬餽獻

本官所屬官員槩絕餽獻嚴禁叅謁及解報錢糧勒索火耗滴珠扣批不發等弊

三曰清理所屬盜賊

本官所屬地方舊有零星盜賊撫過若干剿過若干竝無致民從盜指盜殃民等弊

四曰查核所屬錢糧

本官所屬地方額徵本色若干完至幾分易知由單派發如期竝無暗侵私派既免重徵及縱收耗羨等弊

五曰補救所屬饑荒

本官所屬地方某處饑荒設法賑濟若干所屬有司某處豐稔安插流民若干有冊報明可據

六曰平允所屬刑獄

本官所屬軍徒以上罪犯共若干起

欽案共若干件審結若干件題報若干件竝無淹滯

出入等弊

七曰均濟所屬驛站

本官所屬驛站某衝某僻協濟均平驛遞竝無疲累偏苦等弊亦無侵蝕驛銀致壞驛站情由

八曰訪拏所屬衙蠹

本官所屬地方某州某縣拏過蠹國害民積蠹若干報過贓贖若干竝無陷良包贓等弊

九曰禁戢所屬紳豪

本官所屬地方有無惡紳土豪某抗糧害民應懲處者懲處某捐貲救民應優禮者優禮

十曰約束所屬兵弁

本官所屬兵丁無論標營嚴行約束竝無縱容擾害民亦無濫收聽用官弁招搖生事等弊

此一官者係臣確訪的實輿論咸乎可稱賢良允堪薦舉以上如有不關職掌不合格式者即於本內註明其道府廳官姓名不許遺落致煩撥查奉

旨着議奏該部知道

詹事府主簿臣魏象樞謹

奏為三疏恭陳拯救兵民之節目以濟時艱以抒愚悃事臣聞民者國之元氣也兵者國之神氣也元氣不消而神氣自吐故治道與醫道恒相通也臣讀

上諭曰知其病即備其藥我

皇上蓋欲諸臣治其本不欲諸臣治其標耳臣前疏謬舉大綱愧無一當曷敢執管中之見妄言拯救乎惟

皇上念兵之勞而厚其恤兵可無楊柳雨雪之悲

寒松堂全集

奏疏

卷之二

皇上重民之命而不忍傷民始有父母妻孥之樂臣再列四款均屬節目不揣愚昧敬陳

御前可乎

一邊方衛所城堡等處所徵有地畝糧歲納米豆本色各設同知通判及衛官專管催徵收貯倉廩以備客兵之需守兵月糧間或搭放其實多有紅朽巨生長邊地知之頗真未見每歲果否彙報屢年積儲若干合無

勅部確察數目某處米豆可養某處兵馬再搭某處鑄錢放給如額數果敷將戶部撥解餉銀通盤

打算節省若干加養滿洲出征之兵以後該撫每年

奏報勿致侵蝕設遇歲荒奉

旨免徵再撥餉銀亦為至便伏候

上裁

一買房稅報律例開載甚明防奸偽而佐國用法至嚴也

題發各省未見遵行蓋因買房之家多係富厚與地方官情面結交故不肯實心查報耳以天下之大計之歲可得稅數十萬而置之不問勢尾

寒松堂全集

奏疏

卷之二

豈故紙乎律條豈虛文乎臣請自今為始

勅部徹底清查各省報解若干以後作何考成務要年終

奏報勿致漏侵歲積若干加養滿兵不費敲撲不

苦窮民可佐

國儲可信律令伏候

上裁

一八旗安插窮人臣去歲二月內具有恭陳四款以佐勤民大政一疏隨經戶部覆

准傳諭各固山牛衆章京並殷富者有能捐貲安插

窮丁印將捐過數目報部具題分別敘錄今經一載臣未聞有無報部曾否敘錄亟宜舉行以存

太祖

太宗考察激勸之意再請於八旗共立義倉一所凡旗下有奸義之家願輸銀米者記檔報部敘錄至於犯事職官除情罪重大照律處治外其餘輕罪有應革一個前程半個前程者乞

皇上念其本身汗馬及祖父血戰之功免革前程比照漢官犯罪折贖事例重議罰贖折米若干納

寒松堂全集奏疏

卷之二

七

於義倉戶部委滿洲烏金超哈副理事官各一員掌管出入兵苦則用以濟兵丁窮則用以濟丁亦救災恤困之一法也伏候

上裁

一流民已經奉

旨安插臣不敢贅言矣臣嘗讀尚書云元后作民父母又讀

皇上之旨曰朕心以愛民為主古今正相符也惟願皇上重愛民之官懸愛民之賞然後可以成愛民之政如近日招民百名出關者疏內議定准授知

縣故招民漸多獨安插流民者疏內止有旌勸之語未嘗議定一級之賞均是民也均是招集安插也彼何故而賞之厚此何故而賞之薄也臣請

皇上大沛綸音明示天下凡地方官有能安插流民得所者每百名准加一級俸滿優陞其百名以下者止許紀錄該督撫務體

皇上愛民之心每半年具

題一次以報其功每省安插千名以上者督撫及該道亦各與紀錄從此救活一民則

寒松堂全集奏疏

卷之二

奏

朝廷多一赤子海內舉手加額頌我皇上父母之心與鼓舞之用兩無窮矣伏候

上裁臣才本碌碌議自平平雖竭補救之愚忠無濟廟堂之碩畫且臣即報缺略恐涉雷同疏字冗長深

愧瑣瀆統乞

鑒宥施行為此具本謹具奏

聞奉

旨該部議奏

光祿寺寺丞臣魏象樞謹

奏爲臣母年老病深比例籲

恩終養以承

孝治以盡子情事臣本庸材叨中丙戌科進士以來歷官有年奉職無狀仰荷

皇上天高地厚之恩雖捐頂踵不能報萬一然有萬不容已之苦情不得不實陳於

君父之前者臣惟天下之樂莫如以祿之及親人子之情尤願其親之難老臣獨何心乃養親而忍言終也切念臣母李氏年七十一歲素病痰火

寒松堂全集

卷之二

李

脾胃至虛常賴藥餌調養屢病屢痊十四年七月間臣迎養北上每日止行三四十里幸達京邸就食

天祿不意水土不宜脾胃愈弱痰火之症大作臣母呼臣名而泣下曰我來原欲母子相依俾汝爲朝廷報效勿分念也今病急矣宜速回家鄉爲終老計汝當小心盡職待我病不可支之日令汝知之臣隨令臣妻李氏扶歸原籍突於閏三月初四日接得臣母示臣家信云去冬十二月今春三月衰病日甚汝宜知之臣驚問來人據云飲

食減少痰氣上攻胃脘熱如火灼以致白髮滿頭形神疲困非復昔日別臣時光景且兩眼昏花視物不真惟刻刻見臣如在目前也痛思臣母兩地相隔風燭朝露寸寸牽腸而臣之救水湯藥無一克盡慈烏反哺更在何日但臣此身爲

皇上生成之身此日正臣圖報之日遠爾陳情實有戀戀未能出口者惟致書寬慰臣母健飯是臣之幸也四月二十四日又接家信及家僕魏居口傳臣母病狀不減於前日臣求方製藥星夜寄回而平安之報月餘未聞藥之對症與否莫能懸揣心思搖亂夢寐驚疑此臣萬不容已之苦情也伏覲我

皇上以大孝治天下以至誠體萬物內外諸臣陳情合例者俱蒙

俞允終養因查會典一款凡官員母老雖有兄弟同父異母者准令終養臣有兄象懸係庶母趙氏所生分居近二十年此外並無兄弟正與會典開載及詞臣沈世奔史大成中書臣吳鶴祥等所請事例相符仰懇

寒松堂全集

奏疏

卷之二

李

睿慈俯憐下囑

勅下吏部察覆准臣終養以盡臣爲子者一喜一懼

之心臣材庸劣年甫強仕不第終身犬馬之

報爲日正長即臣母子生生世世街

恩無既矣爲此具本謹具奏

聞奉

旨吏部察例具奏

寒松堂全集奏疏

卷之二

七

寒松堂全集奏疏卷二

寒松堂全集目錄卷之三

奏疏 貴州道 都察院 順天府 大理寺

教化係 國家根本之圖等事疏

治河係 國家根本之圖等事疏

藩司之侵蝕敗露等事疏

畿輔盜賊日多百姓受苦日甚等事疏

百姓待命甚急本年緩徵宜斷等事疏

盛世貴舉旌薦之典等事疏

督撫有不容不盡之職分等事疏

廕指科臣罔上行私喪心溺職等事疏

寒松堂全集奏疏

目錄卷之三

自請議處事疏

朝儀 祀典禮宜嚴肅等事疏

制祿爲養薦之具恭請酌情定法等事疏

教化首戒淫巧民心務尚淳樸等事疏

再陳記過顛末並陳給俸緣由等事疏

請頒禮制之書等事疏

考滿正在會議謹陳愚見等事疏

秦地窮苦堪憐食鹽宜從民便等事疏

欽奉 上諭事疏

遵 旨保舉事疏

再保要地堪用之人才等事疏

籌餉之一在確估價值事疏

籌餉之二在嚴覈開課事疏

籌餉之三在慎用藩司事疏

欽奉 上諭事疏

寒松堂全集 卷之三

蔚州魏象樞環溪著

奏疏 貴州道 都察院 順天府 大理寺 戶部

巡視北城貴州道監察御史臣魏象樞謹

題為教化係

國家根本之圖謹陳愚見以佐

大政事臣家居時曾抄讀

上諭謂至治之世不專以法令為務而以教化為先

蓋法令禁於一時而教化維於可久若徒恃法

令而教化不先是舍本而務末臣讀未竟而知

寒松堂全集 奏疏 卷之三

一

皇上欲教化之大行矣竊思

朝廷之教化安能家喻而戶曉惟共分

朝廷之教化以為教化自能端本以澄源是在滿漢

諸臣之為父兄者家自為教身自為教也何也

滿漢諸臣有為我

太祖

太宗培植者有為我

世祖培植者有為我

皇上培植者皆受

朝廷高爵厚祿與

國家休戚相關其子弟或進士舉人或貢監官廕以及世襲之胥裔一命之職官約畧計之幾半天下內而部臣外而民社無一非

皇上責成重託之人較之民間愚子弟更為緊要如父兄孝則子弟必孝父兄忠則子弟必忠父兄廉則子弟必不貪父兄仁則子弟必不暴蓋父兄居家居官子弟習聞習見如標然標正則影正標邪則影邪此之謂身教孟子云身不行道不能行於妻子又安望子弟之道行於

國家耶夫以四海之大八旗之廣賢父兄賢子弟

寒松堂全集

卷之三

二

固不乏人倘父兄所為不正子弟視為榜樣尤而效之或馳情於聲色或薰心於貨利或旁惑於異端邪說或深溺於驕奢奔競如近日所謂打馬弔闖混江之類尤壞人心此避人之事非父兄其誰察之者設異日以不肖之子弟作不肖之臣子

國家竟不獲人才之用是子弟之負

朝廷實父兄之負

朝廷也臣曾蒙

世祖章皇帝頒賜勸善要言一書提醒人心言簡意盡

如晨鐘發省冷水澆背讀之未有不知非悔過者伏願

皇上重製序文再頒內外滿漢大小臣工各一部令父兄先讀之凡有子弟日講一條養其性情正其心志一家之教化即

朝廷之教化也教化既行在家則光前裕後在

國則端本澄源十年之後清官良吏君子善人皆從此中出將見人才日盛世世共襲太平矣如不以臣言為迂伏乞

睿鑒採擇施行為此具本謹題請

寒松堂全集

卷之三

王

旨奉

旨該部議奏

巡視北城貴州道監察御史臣魏象樞謹

題爲治河繫

國家根本之圖敬陳愚見以蓄人才事臣聞十年之計樹木百年之計樹人今日治河一事不可謂非百年之計也受茲任者與直省督撫原自不同蓋督撫之任事事有例可循有案可稽然猶慎擇其人誠重之也而治河則尤重焉蓋所費者

朝廷數百萬金錢所運者

朝廷數百萬漕儲南北之咽喉軍民之命脉俱繫焉

宋松堂全集

卷之三

四

其決也無一定之地其塞也無一定之期難以循例而行也明矣苟非真才未易勝任曩來每遇缺出或照常會推或照常開列以循資論俸之人任淪海排江之事一到河干茫無頭緒此處諮詢彼處相度畧一嘗試不知多少金錢多少民命已付之洪濤巨浪中矣前此治河諸臣空飾補苴且塞且修二十餘年今日估計明日奏銷綢繆未雨能有幾人潔已奉公又有幾人哉此河之大決實有所以致之也今我

皇上夙夜殷憂一切

奏請無不俯從責在河臣王光裕務殫心力蚤慰

聖懷然後不負任使臣愚以後治河之人原非臨時猝辦其人必有歷練之才洞達之識清廉之守強固之身缺一不可者且於河之分合高下緩急節宣無不洞悉於胷中然後可責其成效此一官也蓄之在平日用之在一時河可百年不决人不可一日不備如治兵然未有臨敵而始求大將者也臣愚以爲治河乃工部職掌治河之人即工部專責伏乞

勅下工部留心確訪凡滿漢內外大小臣工果有諳

寒松堂全集

奏疏

卷之三

五

習形勢素負才能者具疏保奏仍乞

勅下九卿科道再加覆核才品確有實用請

旨下吏部註冊其職品小者遇有管河員缺酌量推

補練其才以待用其職品大者遇有總河員缺

酌量開列取自

睿裁展其用以圖功臣所謂百年之計樹人者此也

倘所保徇私治河欺罔加以連坐之罪庶數百

萬金錢不致浪費數百萬漕儲不致艱難矣如

果臣言不謬伏候

皇上採擇施行爲此具本謹題請

上日奉

旨該部知道

寒松堂全集

奏疏

卷之三

不

巡視北城貴州道監察御史臣魏象樞謹

題爲藩司之侵蝕敗露撫臣之察核欺朦謹據疏
糾參仰乞

睿鑒處分以清吏治以肅法紀事臣從田間來伏見
我

皇上勵精圖治宵旰不遑擢用督撫其難其慎總爲
吏治不清民生未遂耳在直省督撫諸臣各宜
力去欺朦發奸摘伏庶可仰答

擢用至意近見湖廣撫臣徐化成察核藩司劉顯貴
司庫錢糧有收無存一案大有可異者夫顯貴

寒松堂全集

奏疏

卷之三

七

有收無存之銀計二十六款共銀九萬七千七
百餘兩既經署司王孫蔚舉出奉

旨察核錢糧重大情弊顯然一毫徇庇便爲罔

上今撫臣稱顯貴查開十四款又與原款不同臣思
錢糧各有款項今顯貴所開既與原款不同節
年作何

奏報戶部作何核覆豈前日造冊者另一顯貴今
日造冊者又一顯貴耶况錢糧造冊有舊管新
收開除實在四柱今撫臣竟以四萬七千八百
三十餘兩稱爲虛報重收未銷又以二萬七百

四十五兩稱爲可抵之數如果有未銷可抵情
節方造冊交代之時顯貴並未聲說及去任質
算之後撫臣反代請抵銷竝那移二字諱而不
言將誰欺乎且勒令本官賠補者有二萬九千
一百六十九兩零明係侵蝕與監守自盜何異
撫臣反云侵蝕委無可指止以舛錯混淆四字
輕描淡寫而已凡錢糧在庫造冊未明謂之舛
錯混淆今庫銀無存而但云舛錯混淆又誰欺
乎按例州縣等官錢糧不清不敢離任顯貴爲
一省錢糧之總司庫中錢糧無存將至十萬輒
敢公然離任若非署司檢舉則顯貴之應賠補
者終成侵蝕竝顯貴之優舉卓異終成舛錯混
淆之卓異顯貴之內陞京堂終成舛錯混淆之
京堂

國家有此法度乎撫臣輕描淡寫爲顯貴出脫之
計可謂婉轉而獨不思

朝廷國計民生之重亦不自顧爲

朝廷發奸摘伏之官臣不能爲撫臣解益不能爲顯

貴解矣臣入

都未久耳目未周雖不敢以一事槩撫臣然就事

論事欺朦可見理合糾叅伏乞
勅部察議施行奉
旨該部嚴察議奏

巡視北城貴州道監察御史臣魏象樞謹

題爲畿輔盜賊日多百姓受苦日甚請專設滿洲

督臣實心料理以靖地方事臣竊見我

皇上宵衣旰食無非安百姓至意盜賊一日不息即

百姓一日不安我

皇上安百姓之心一日焦勞未遑也臣入都以來見

直隸盜案多於各省心竊異之近日

輦轂之下如皇莊樂亭等處馬賊成羣肆行無忌

大爲地方百姓之害雖盜案處分可謂至嚴而

巡撫總兵副參遊守及駐防章京等官非不星

寒松堂全集奏疏

卷之三

十

羅碁布未見防禦擒拏其州縣有司官微職小

無一兵一馬惟有靜聽叅處不敢過而問焉此

盜賊所以日多也臣思直隸地方州縣與莊屯

聯界滿漢雜處稽察繁難賊之器械馬匹保無

假借聚散往來保無窩藏匪類交結保無勾連

躡緝查拏保無庇護如臣衙門送刑部盜賊二

起俱有旗下人在內其在刑部結案者難以備

述久在

皇上洞鑒中矣臣忝列言官不能不鯁過慮今再

四思維直隸地方盜賊與他省不同巡撫旣不

管兵總兵不聽約束且漢軍漢人無約束駐防
章京及莊頭屯撥什庫人等之例總督一官最
爲緊要惟

皇上特簡才品優長不徇情面不擾百姓滿漢兼通
滿洲重臣一員斯克有濟也臣非不知設一官
有一官之費但爲地方百姓計何惜小費總督
旣設宜將撫臣移駐真定專管通省官員賢否
刑名錢穀其總督衙門似宜駐劄保定總轄各
總兵及各城駐防章京道府州縣衛所等官並
各莊屯地方等處俱聽約束則設防調度盤詰

寒松堂全集奏疏

卷之三

十一

擒拏以專理盜賊爲職以盜賊寧靖爲功庶百

姓賴以保全地方從此肅靖矣臣止知報

國言無忌諱如果臣言可採伏乞

睿鑒勅下該部確議施行爲此具本謹題請

旨奉

旨該部知道

巡視北城貴州道監察御史臣魏象樞謹

題爲百姓待命甚急本年緩徵宜斷恭請

德音速布以昭一代之仁政以垂萬世之史冊事臣聞爲君之道必須先存百姓今日民窮財盡百姓之困於正月開徵者部憲科道諸臣屢疏言之至詳且切而夏稅秋糧終阻於部議而未之行夫兵民一體也兵窮則早給餉民窮則早開徵滿漢一體也莊頭地漕便給半米半銀百姓納糧不論耕田下種所謂一體者安在臣竊爲戶部諸臣不取也去年我

寒松堂全集

卷之三

上

皇上躬侍

太皇太后駕往湯泉恰在正二兩月親見彼時地未插

犁糧已開徵

皇上至仁至孝必由一方而推之天下急定夏稅秋糧之制不意又未之行也及憲臣任克溥具疏再陳戶部乃請

勅各省督撫定議設使各督撫有一語游移部臣即可借口阻塞矣今各省奏章雖未全到而江南財賦之多甲於天下近如督臣麻勒吉陳奏歲需之數及通融撥補項款並百姓疾苦情形

又至詳切臣知我

皇上覽此一疏必有惻然動念者若必俟各省

奏到始議舉行今年正月勢必照舊開徵百姓剝

肉有司敲骨以待來年然後已我

皇上愛民如子之心不忍也況時屆春和正布德行惠之時我

皇上躬耕藉田祈穀

上帝以爲民耳民之大困者莫大於正月開徵甦民

之大困者莫大於夏稅秋糧早行一日民即受

一日之賜矣伏乞

寒松堂全集

卷之三

上

特頒上諭傳諭直省官民自康熙十二年夏稅秋糧

著爲令永不許正月開徵以定千秋萬代之常

經以昭

聖子神孫之法守俾海內臣民歡呼踴躍父老扶杖

而聽

綸音婦子稽首而問耕鋤從此盜賊可息逃亡可復

我

皇上心堯舜之心行堯舜之行此第一仁政出自

乾斷萬世史冊載筆有光將臣原疏留中微臣幸甚

天下幸甚貼黃難盡併乞

皇上俯覽全疏施行爲此具本謹題請

旨奉

旨知道了該部知道

寒松堂全集

奏疏

卷之三

南

貴州道監察御史臣魏象樞謹

題爲

盛世貴舉旌廉之典大吏尤爲率屬之官謹陳愚
言以正綱紀事臣惟

朝廷鼓舞天下之大權莫大於賞罰賞罰明而綱紀
正心術亦正乃可以治天下而不勞竊見我

皇上用人圖治夙夜憂勤裁去多官專責督撫委以
吏治民生責以清廉正直蓋督撫廉則吏治清
民生遂而天下安督撫不廉則吏治不清民生
不遂而天下不安也語云源清則流清源濁則

寒松堂全集

奏疏

卷之三

五

流濁理固然矣臣見我

皇上每用督撫簡在

帝心爲督撫者既受

一人之知遇自當盡絕

輦下之私交欲垂不朽之勛名何暇苟圖一身之

富貴其所以自勵者惟廉而我

皇上之所以勵之者亦惟廉矣頃者

京察既舉臣讀我

皇上留用之

旨止取才能勞蹟而槩未及操守

宸衷鑒別非臣愚昧所能測臣按周官六計弊吏咸

冠以廉曰廉善曰廉能曰廉敬曰廉正曰廉法

曰廉辨其一代好尚自見也臣竊思

盛世旌廉之典即一代之好尚所關上有好者下

必有甚焉若上以廉求而下不以廉應臣知其

必不然也今八法以貪居首而四柱以守爲先

正可與周官之六計千載同符我

皇上所以鼓舞天下之大權正在於此即古有清畏

人知有清畏人不知者獨

憲堂旌廉之典不可不重曩來原以人情爲難保不

寒松堂全集 奏疏 卷之三

十

得不歸之分內所當爲若謂行旌廉之典反開

賄囑之端世未有肯賄囑而求爲廉吏者也且

人之德行有四曰忠曰孝曰廉曰節今

國制於忠孝節俱有旌而廉不與焉廉獨無益於

國哉況

大計卓異官員舉自督撫者尚蒙

賜褒優獎以勵天下今六年一察者大吏也

日月照臨之下未嘗特獎一二以示鼓舞誠恐來歲

大計舉行督撫知操守似非首重開報屬員之賢

否止以才力不及等項爲去留而

國法愈弛矣伏乞

勅下部院確議嗣後凡遇內而各衙門甄別考察無

論滿洲漢人外而直省

大計舉劾無論方面微員總以操守清廉爲上等

舉出數人請

旨旌獎如知廉不舉及無廉可舉者作何處分以儆

其平日不能表率之咎其舉廉果多者當優於

多獲逃人多捐銀兩之例將舉廉之官作何紀

錄其三品以上自陳官員果有如

上諭所云律已清潔屏絕餽受恪恭職業者仍乞我

寒松堂全集 奏疏 卷之三

十

皇上獎廉爲重不惜

綸音褒嘉之以昭一代之大權即以明

本朝之好尚布之海內垂之典冊斯爲盡善盡美矣

抑臣更有說焉臣前所謂處分紀錄就立法言

之耳如督撫真廉矣屬官安有不廉之理如督

撫不廉屬官雖欲廉而不可得蓋教條升木使

天下之盡爲不廉者督撫之罪也若不將督撫

之大貪極惡以重法處一二雖有降級革職猶

能安享富貴人將謂廉之不足爲重而不廉者

之賊至十萬亦可一

赦而免也十年之後麟鳳少而梟獍多嗟此百姓無

以自存矣法雖立又將焉用之哉臣故謂

朝廷鼓鑄天下之大權莫大於賞罰欲明賞罰斷自

崇禎始也如不以臣言爲迂統乞

睿鑒俯採施行爲此具本謹題請

旨奉

旨該部知道

寒松堂全集

奏疏

卷之三

大

貴州道監察御史臣魏象樞謹

題爲督撫有不容不盡之職分有不容不去之因

循謹因

察典已竣請嚴行申飭以警將來事臣惟督撫爲

朝廷之大吏計天下之封疆田土兵馬稅糧河漕盜

賊察吏安民不過數大政然必公忠體

國深已愛民庶可仰副

皇上委任責成之至意乃究其未盡之職分與未去

之因循正自不少也他不具論臣曾捧讀

嚴綸總督巡撫互相糾參雖有定例數年以來未見

寒松堂全集

奏疏

卷之三

大

舉行皆因督撫同在地方瞻徇情面互相容隱

雖知弊端不肯舉發大哉

王言炳如日星矣如督撫有賑濟饑民侵銀至十萬

有餘者有地方捏荒作熟苦民邀功不知惠養

百姓者有將奇貪侵庫之官舉爲卓異者有賄

賣武舉徇私不公者其劣狀雖經發覺久在

皇上洞鑒中而六年之內未見特疏互糾者何人以

爲瞻徇則真瞻徇以爲容隱則真容隱矣此督

撫之因循未去者一也臣又捧讀

嚴綸督撫任大責重全在舉劾得當使有司知有勸

懲今所舉的多屬冒濫所劾的不過小官苟且塞責大貪大惡反多徇縱何裨民生何裨吏治大哉

王言炳如日星矣如督撫身在地方耳目與屬僚最近歲月與屬僚最久州縣等官受賄三五兩尚掛彈章何獨提學一官考試通省生童關係人才教化未見特疏糾參者何人雖武途冒濫案奉

旨嚴察有別省冒籍者有一人而冒文武兩途者有銜役匪人濫收武學者已經察出外其文途大

寒松堂全集

卷之三

三

弊從無發覺果提學官盡屬公明無可指摘耶抑揭報糾參者自處於不公不明欲指摘人而不能耶言官原禁風聞督撫又何禁焉此督撫之職分未盡者一也臣因已往而慮將來恐久之不遵

諭旨習為故常以瞻徇情面為寬容以徇縱大貪為渾厚言官既無風聞之叅劾各部惟循定例之處分

天語煌煌究不能實行於二十七人之大吏我皇上夙夜勤勞所責成而委任之及督撫諸臣身受

殊恩所以報我

皇上者顧如是已耶今

京察大典既經舉行去者留者悉出

宸鑒臣復何言但

雨露雷霆之後正申飭告誡之時乞

勅部議以後如有瞻徇情面徇縱大貪應互糾應訪

參而不訪參者當以悖

旨論罪不待六年考察作何處分又各部之內或督

臣事發應將不互糾之督臣糾參其事在某部而該部

應將不互糾之督臣糾參其事在某部而該部

寒松堂全集

奏疏

卷之三

三

不行題參者作何處分再乞

皇上加意用人每一缺出其難其慎簡在

帝心務得真賢委以重任即不得已另行推補幸不

使地方有姑試而頻更之官以致交代之際吏

胥作奸迎送之間有司多累俾其留心職分大

破因循潔已奉公愛惜民命宸

綸音昭而法紀肅矣如果臣言不謬統乞

睿鑒俯採施行為此具本謹題請

旨奉

旨該部議奏

貴州道監察御史臣魏象樞謹

題爲歷指科臣罔

上行私喪心溺職乞

勅嚴加處分以肅法紀以清班行事臣惟

國家設立言官原爲

朝廷之耳目知無不言言無不盡者職也國爾忘家
公爾忘私者心也孔子云臣事君以忠又曰勿
欺也而犯之蓋忠者必不欺欺者必不忠一念
之萌立分誠僞即立辨貞邪若於

先天化日之下連章累牘之中存自私自利之心

寒松堂全集奏疏

卷之三

主

進不公不法之言度非臣子所敢出也乃不意

有兵科給事中余司仁者則大可異焉司仁初

由舉人教職拔置臺班優陞京堂復補科員

隆恩至渥報稱難盡臣入都之初聞其曾巡兩浙鹽

課差滿回京日以打馬弔鬪混江爲事賭銀一

空官箴蕩然巨心恨之恐司仁不肯自認難以

糾參乃不得已具疏有近日打馬弔鬪混江尤

壞人心避人之事非父兄其誰知之等語蓋爲

此等事言之也司仁以素行不檢之人濫陞京

堂之席未能返躬自愧力改前非每一進言人

皆嘗議曰余給事又有本矣他不具論近如部

差宜昭畫一一本謂挖運廳稅務戶部議定通

薊道兼攝司仁力請歸併於通惠之部員如果

稅務有不便徵收之處自有死撫請

旨何煩司仁代請或司仁聞有弊端何不糾參該道

而止泛爲條陳即使條陳從公起見何不曰稅

務作何歸併而竟曰歸併工部徵收事關稅課

司仁力請歸併是爲何心耶又如鎮將必須得

人一疏謂通州副將員缺請將該鎮所屬叅遊

等官題補所遺員缺達部另推夫司仁既知陞

寒松堂全集奏疏

卷之三

主

補有一定之規似不當爲一官請即地方果係

緊要自有巡撫請

旨何煩司仁代請況司仁照知州州同缺出於所屬

內題補豈知州州同之缺亦係吏科代爲題請

耶事關陞補司仁力請轉移是爲何心耶臣各

擬另疏駁參糾司仁不肯承認臣反法於風聞

也近閱邸報又有

國家之大法宜嚴一疏奉

旨余司仁身係言官若劉顯貴事情有冤枉即應將

劉懋曜原疏封進既爲原無可辯批駁不准乃又

欲提拱極及逃役劉仲佐再審是何意見著明白同奏該部知道臣捧讀之知司仁膽愈大而手愈滑我

皇上已洞見其肺肝矣乃司仁不從實回奏靜聽處分乃借劉懋耀之原疏朦朧其說既爲顯貴開卸有收無存之多職又以離任之耿拱極在逃之劉仲佐一提一縱耽延歲月爲漸求出脫之巧計臣不知劉懋耀之疏何故偏湊司仁直日辨寃又不知司仁何故於衆議批駁不准之後留心顯貴一案獨殷殷而不能忘

寒松堂全集

卷之三

七

密鑒難逃臣何多贅臣竊謂言官之罪莫大於有私一有所私而欺

君罔上壞法亂紀之弊生矣今司仁具疏上非國家之利害下非百姓之疾苦中非賢人君子之用舍進退即此三四疏中以察私之官而徇私以懲貪之職而縱貪歷歷可見人人皆知辱

朝廷而玷清班不獨

堯舜之世一日難容臣與司仁均言官也司仁不忠而欺一至於此臣雖不才羞與爲伍而況臺省諸臣之過於臣者又當如何恨司仁耶若不互

相糾參則言路壞而

國體國法俱壞矣除回奏情節已經奉

旨該部一併察議外臣謹備敘司仁前後敗檢欺罔事情伏乞

乾斷施行爲此具本謹題請

旨奉

旨該部察議具奏

寒松堂全集

奏疏

卷之三

七

貴州道監察御史臣魏象樞謹

題爲自請議處事臣於康熙十一年十月二十七日巡視北城於十二年四月二十七日已經差滿於六月初十日有臣同官賀爾渾等爲題明盜案事一疏吏部議覆內稱應將北城賀爾渾孟熊飛各罰俸一年等語臣查此案因未知定例於四月十八日將接緝官應否題參移問吏部其時臣尚在城差辦事至差滿之後同官具疏例不列臣之名但今同官議處臣不應獨居事外八月初三日都察院將此案罰俸緣由劄行北城臣於初五日抄知詳悉謹將臣在差差滿月日理合自行奏明伏乞

勅下吏部將臣議處施行爲此具本謹題請

旨奉

旨該部議奏

寒松堂全集

卷之三

主

內陞正四品頂戴食俸仍留管貴州道監察御史臣魏象樞謹
題爲
朝儀
祀典禮宜嚴肅謹陳舊例以專責成事臣惟臣子
君視
皇上之事

天事

祖無二心也我

寒松堂全集

卷之三

主

皇上躬行典禮虔誠備至儀文精詳動與古帝王合符猶於致祭時辰致齋處所詳察典例稽考往代無非肅將誠敬昭格神明至意大小臣工所當觀感於心而愈加敬慎矣臣先以
朝儀言之每遇常
朝除入內格
奏外諸臣宜濟濟鵠序不宜落落晨星如在
午門之外公服必具不宜補服便衣如在
丹墀之內班行必整不宜私揖亂坐臣昔見
世祖章皇帝時舊例凡隨旗官員係吏部司官察黜其

班中稽察者則禮部司官同鴻臚寺官員也行
禮部儀者則臣衙門御史也今各官辭

朝見

朝謝

思兩班御史糾儀如舊臣每見班行之中止有吏部
司務廳官收職名數個而去未見鴻臚寺官作
何稽察亦未聞吏部作何糾參獨諉之司務廳
官豈其職在稽察糾參者哉責成之例既變因
循之事甚多此玩愒所由來也臣請將稽察糾
儀各照

身於掌全集

卷之三

去

世祖章皇帝舊例舉行如有稽察怠慢者御史竝得糾

舉以不敬論則

朝儀整飭矣至於

祀典所關尤為重大

皇上別

致齋

躬詣行禮諸臣應陪祀而不陪祀應齋戒而不齋
戒諒必不能自安但各衙門開註表或感冒等
病真實者固有假託者亦難保其盡無舊例應
具印信報單先一日報糾儀御史以憑稽察糾

參近來報與不報參差不齊因而視為故事今

後各衙門凡應陪祀官員須用印信報單封口

交送糾儀御史該御史於未祭之先親收職名

不許班役代遞俟祭畢對明報單有不到者照

例糾參議處如報單不送及兩三次託病者查

出一併糾參以不敬論今值朝

覲在邇而班行不整何以爲萬國之觀瞻

郊祀將行而駿奔弗虔難以副

一人之對越茲蓋上體

皇上誠敬之心下體諸臣修省之義不敢不申明舊

奏於掌全集

卷之三

去

例儼

天顏於咫尺凜

明威於夙夜者也如果臣言不腐伏乞

睿鑒採擇施行爲此具本謹題請

旨奉

旨該部確議具奏

內陞正四品頂帶食俸仍留管貴州道監察御史臣魏象樞謹

題爲制祿爲養廉之具恭請酌情定法以體羣臣事臣讀中庸至孔子對君以九經之事有云忠信重祿所以勸士也而知王道本乎人情矣臣雖至愚竊見我

皇上忠信待臣之心無一不至即增秩增爵于封子廕之典亦無一不厚故內外文武諸臣潔已奉公者雖不乏人然而貪風未息往往喪心敗名而不之恥嚴刑峻法而不之顧者何甚多也臣

寒松堂全集

卷之三

手

嘗思之矣

朝廷欲行懲貪之法必先制養廉之祿蓋天下之宜京師者房屋器用之需要孥僕馬之贍惟祿是藉即奉

命仕四方者走數千里莫不選舟秣馬治裝裹糧而後動所携之貲非典則貸亦惟祿是藉孟子曰仕非爲貧也而有時乎爲貧有味乎其言之也今自一品至九品每歲俸入多者不過二百兩少者不過三四十兩此外雖京官有公費外官有柴薪俱屬無幾苟非加俸何以養廉頻年

國用浩繁蠲賑時有似難遽加但六部所定罰俸則例二百餘條實爲至密事簡之地或可俸免事繁之地有履任一年罰俸數年者有在任數年罰俸數十年者有既遷既降而帶罰而又罰者臣子爲法而受過

朝廷因過以示罰固屬當然其在不肖之輩上司奪屬官之贏餘屬官吮百姓之膏血驕奢淫佚何須俸祿若夫守法愛鼎一介自持反因升斗莫給一旦改行易操譬如婦女迫而失身遂成棄物責其守正必不可得尅軍剝民勢所必至人

寒松堂全集

卷之三

手

無廉恥即

國無人才我

皇上爲諸臣之天地父母生成養育之下必有大不忍焉者臣查見行事例內外文武各官有功則紀錄以示勸豈有過者獨不可記過以示懲臣請我

皇上酌情定法畧加變通嗣後應罰俸三月六月九月一年者各准記過一次或分別微小輕重四字記之功過相抵仍從舊例俟錢糧充裕量行加俸既變罰俸之例乃有食俸之期至於外官

有柴薪應將京官柴薪照例議復京官有月米亦應將外官月米酌量議給總以昭

皇上曲體臣工之德意而並不廢勸懲之大法即未必人人清介其或貪人敗檢自取罪戾者則有皇上之斧鉞在焉以此而昭垂史冊當與九經相媲美不獨文武百官犬馬圖報而已也如果臣言不謬伏乞

膚鑒採擇字稍逾額併乞

慈宥施行爲此具本謹題請

旨奉

寒松堂全集 奏疏 卷之三

旨該部確議具奏

幸

內陞正四品頂帶食俸仍留管貴州道監察御史臣魏象樞謹

題爲教化首戒淫巧民心務尚淳樸恭請嚴禁以昭美政事臣惟我

國家肇闢鴻圖忠質爲本自臣及民樸重端慤儉德可風臣昔事我

世祖章皇帝時親見其盛今我

皇上宏開文教光大前謨以文明而行忠質敦崇節

儉辨別等威凡官民人等官室車馬衣服器具各有禁制定爲章程邇來民間用度之奢靡器

寒松堂全集 奏疏 卷之三

幸

物之淫巧種種沿習未返淳樸其耗民財而壞人心者莫如戲園戲館爲最甚每開一園其餽饌則山珍海錯其侑觴則恒舞酣歌其聚會則冶遊閒蕩之徒與鑽營騙詐之輩夫京師者四方之觀也士農工商以至兵民人役各有本業自朝至暮萬苦千辛求其供衣食養妻子而猶恐不贍安有餘暇爲劇飲之時安有餘錢爲浪費之資乎入其中者必是不務本業之人食其物者必是不費艱苦之錢或朝得而夕費或暗得而明費約畧計之日費百金月費三千金歲

費三萬六千金從何得來連年河決災傷民窮財盡即在大小臣工尚宜體

皇上宵旰求治之心爲百姓家給人足之計一舉箸間念及僻鄉下里深山窮谷身無完袴日不再食者不知凡幾而若輩乃暴殄至此我

皇上躬行節儉爲天下先

天庖玉食歲用無多民間妄費反無所限亦何以爲四方之觀耶况飯店酒館處處便民則戲園爲糜費之地所當嚴禁者也至於賣戲諸館每處千百成羣日聚暮散賭盜爲非莫可究詰臣

興松堂全集

卷之三

三

巡視北城時拏獲賊犯計四等供出同夥盜賊俱係戲館夥計一經發覺在逃未獲則戲館爲窩盜之藪竝當嚴禁者也且京城之內優伶多至二三百班不止以致民間後生演習聲容廢棄耕讀臣曾見招帖有富家子弟班人心之壞漸不可長推之直省莫不皆然雖優劇有勸善戒惡之說然必忠孝節義資人觀感凡坊間所刻淫詞艷曲引誘人心竝良家子弟廢業演戲所當通行直省一槩嚴禁者也臣迂腐之言如果與民生風化有裨伏乞

睿鑒採擇字稍逾額併乞

慈宥施行爲此具本謹題請

旨奉

旨該部確議具奏

興松堂全集

卷之三

三

內陞正四品頂帶食俸仍留管貴州道監察御史臣魏象樞謹

題爲再陳記過巔末並陳給俸緣由以廣

皇恩以定部議事臣於九月十五日具有制祿爲養

廉之具等事一疏奉

旨該部確議具奏欽此臣愚竊謂部臣仰體

皇上崇尚寬大愛惜人才盛心必斟酌情理確有定議使內外文武各官得免奪俸之苦稍得養廉之資既鼓其居官任事之心無碍於薦舉陞遷之路良法也美意也諸臣莫不翹首而望

奏松堂全集

奏疏

卷之三

鴻恩洗耳而聽部議矣或者謂外官記過則有紀錄可抵京官記過則無紀錄可抵內外難以畫一必付之無庸再議耳臣因敢爲我

皇上再陳之若部議從嚴也則有

大清律在查名例內文武官犯公罪一款凡內外大

小軍民衙門官吏犯公罪該管者官收贖吏每

季類決不必附過杖罪以上明立文案每年一

考紀錄罪名九年一次通考所犯次數輕重以

憑黜陟又文武官犯私罪一款較重於公罪俱

開載甚明此吏律之當行者也若部議從寬也

則有故明會典在查正統九年勅禮部三法司

奏賜肇序萬物咸新在京文武官員除職罪外

自正統九年十二月二十日以前所犯過名紀

錄悉與漸除俾奉公守法自後歲以爲常此會

典之可考者也今部臣覆疏正在

御前未知作何詳覆臣謹將

大清律款及會典舊款開具

電覽仰候

特恩至於京官俸銀臣憶我

世祖章皇帝時原係每年四季支領各照本官去任到

奏松堂全集

奏疏

卷之三

任之日扣領今忽改爲下半年二月八月初旬支領如領俸之後到任者將半年之俸不給或領俸之後去任者將半年之俸亦不扣以情理論之俱不可解爲

國家養廉耶則在任而奎俸無虧腹辦事之人爲

國家節用耶則離任而食俸有漏卮耗財之弊若

將司農會計之法祇聽造物適然之數何以載

入

會典垂於萬世乎雖八旗領俸均係兩次但漢官

有內外遷轉丁憂起復給假補用等項頗與八

旗官員不同如謂扣算包封之煩勞在

世祖章皇帝時既可行之今何不可行乎况京官望俸

如大旱望雨品大者無俸尚可品小者無俸最

難臣同官張冲翼曾經

題請部議不行今奉

上諭各部酌改條例並當改正或均以四季支領或

各從舊例支領所關於

國體者不小矣我

皇上寬仁厚德憫念諸臣養廉爲重伏乞

勅下該部議覆施行爲此具本謹題請

案松掌全集奏疏

卷之三

未

旨奉

旨該部議奏

內陞正四品頂帶食俸仍留管貴州道監察御

史臣魏象樞謹

題爲請頒禮制之書以昭

國法以端教化事臣惟教化爲

朝廷之先務禮制爲教化之大端必

昭代之禮制彙有成書斯

朝廷之教化行於天下我

皇上稽古右文制禮作樂紀綱法度次第修明獨有

禮制之書尚未頒布未免爲

國家三十年來之缺事夫禮者所以辨上下定民

案松掌全集奏疏

卷之三

未

志也卿士大夫頗重名義軍民人等惟守科條

如房屋與馬衣服器具婚娶死喪祭葬宴飲之

類各有禮制各有禁約凡部臣之題請與言官

之條陳或經議覆或經會議事事奉

旨何嘗不曰遵行在案通行曉諭乎然而該部除在

內行八旗五城外在外不過行之督撫督撫行

之布政布政行之道府州縣止有告示一張掛

於署門遵依一紙報於上司州縣奉行之事畢

矣原非家諭而戶曉也未幾而告示損壞卷案

殘缺官員遷謫父老凋謝三十年中之禁約後

生子弟誰能記憶爲何事有厭常喜新而于禁
者亦有愚昧無知而犯法者貴賤尊卑之等差
動輒紊亂淫巧詐僞之行逕日見萌生即直省
官員之衙署執事猶有僭越而况紳士軍民房
屋輿馬衣服器具之過分婚娶死喪祭葬宴飲
之妄費尚能家嫺禮制人遵禁約乎此

朝廷之教化雖行於天下而未嘗實行於天下也何
也有文告而無成書故也臣請

勅下禮部詳查漢唐宋元所頒禮書及朱子家禮並
故明初年禮儀定式稽古定制禮制集要教民

寒松堂全集

卷之三

單

榜文等書何書簡要畧做體裁爲崇儉去奢移
風易俗之準品官與士庶務辨等威吉禮與凶
禮各分門類將屢年題定奉

旨一切禮制禁約集成一書先呈

睿鑒鑊板頒行並許坊閭重刻廣布俾通都大邑無
不見聞窮鄉下里盡知遵守凡有故違者治
以法數年之間道德一而風俗同文告之繁條
議之多俱可省矣按周禮大司徒以五禮防萬
民之僞而教之中孔子云道之以德齊之以禮
有恥且格此之謂也方今纂修會典屢奉

嚴綸則煌煌禮制不先著之爲集何以會之爲典乎
禮臣典禮而外教化爲重我

皇上宵旰圖治之至意亟當仰體之矣如果臣言不
謬伏乞

睿鑒施行爲具本謹題請

旨奉

旨該部確議具奏

寒松堂全集

卷之三

單

內陞正四品頂帶食俸仍留管貴州道監察御史臣魏象樞謹

題爲考滿正在會議謹陳愚見請酌良法事項者
考滿一事吏部覆憲臣耿效忠一疏奉有九卿
科道會議具奏之

旨臣未經掌道不與會議但聞諸臣所議京官應行
考滿外官三年有

大計二年有舉劾又行考滿恐滋多事蓋因前次
考滿之法奉行不善臺臣季振宜曾有斷宜停
止之請停止誠是也會議諸臣慮及於此懲前

奏稿

奏稿

奏稿

奏稿

奏稿

奏稿

奏稿

奏稿

然後不議外官考滿洵爲確然不易之說矣但
臣靜夜思維京官每一衙門所屬俱係滿漢辦
事尚議考滿激勸榮及所生若在外州縣等官
事務專責一人錢糧責以催徵盜賊責以緝拏
逃人責以稽察鹽引責以疏銷驛馬責以供應
夫柳責以解運荒蕪責以閭閻教化責以舉行
詞訟責以審理城垣倉獄責以修葺此皆有司
當考之績不爲不重而且北直之盜賊叢生江
南之錢糧逋欠與夫大路之逃人疲地之鹽引
衝途之驛馬近河之夫柳種種繁難事事勞瘁

職更爲難稱亦不在部院所屬京官下也果
有歷俸三年稱職無過者真可謂沙裏淘金十
無一二此即

予以恩典鼓其勤勞亦不爲過况均係

朝廷之臣子誰無生身之父母在任三年六年必待
內陞方得考滿京職之缺有限行取之事難期
父母叨榮未卜何日忽而一起盜案一名逃人
非革則降其于父母生成教養之報已無望矣
此則有司之苦筆難盡述者也今與京官一體
考滿既不可行如別求一法足以加鼓勵而被

奏稿

奏稿

奏稿

奏稿

奏稿

奏稿

奏稿

奏稿

寵榮又不可得臣思

皇上之法如雷霆之無不震

皇上之恩如雨露之無不霑合無於三年

大計之中即寓三年考滿之法按計冊內每開一
官府道布按督撫俱填考語其有無過犯各列
事實其歷俸薦次各開年月似與考滿之冊無
異也若部院據冊考察如歷俸三年特舉卓異
及實俸三年以上稱職無過者通行查出題作
考滿應給

恩典即准給與內有平常應留者許其自新俟下次

大計定奪其餘仍照八法處分倘有督撫等官開
這不實賢否顛倒者部院題叅重處將見

皇上之雷霆雨露兼舉併行內外一視在會議諸臣
謂多一事不若省一事之爲愈臣愚謂行於內
不行於外之非均此亦庶幾省事而均平之一
法也如果臣言可採代乞

睿鑒勅下議覆施行爲此具本謹題請

旨奉

旨已有旨了該部知道

吏部等衙門一本復考滿之法事本日奉

寒松堂全集 奏疏 卷之三

署

旨魏象樞所奏著一併再議具奏

都察院左僉都御史臣魏象樞謹

題爲秦地窮苦堪憐食鹽宜從民便以免擾民累
民事臣惟治

國以安民爲不安民以不擾民不累民爲先此
皇上之盛心臣仰體久矣頃者辦事衙門見河東巡
鹽御史何元英具有臣屬鳳翔一府有課無鹽
之弊等事一疏已經具

題投臣衙門揭帖內云陝西鳳翔一府額課徵辦

於本府州彙解運司而食鹽竟無歸着查據舊
案檄府行查該府回詳內云於萬曆四十年間

寒松堂全集 奏疏 卷之三

署

有將鳳屬原食解鹽改食靈鹽一議其實小民
便於私食靈鹽因而願賠

國課究竟竝未有靈池挖井撈鹽與商販買之事
等語又云康熙七年始遵上行招商往運方知
靈鹽原無實事臣既招商運勢不得不嚴責本
商勉完引課竝官爲揭借賠墊以副考成然鹽
無實際屢經詳請前鹽院數年以來歷經批發
各司道暨兩運廳各議迄今補救無術若欲經
久可行無如招商於解池領引辦課掣運晉鹽
爲今日確然不易之長策等語臣閱此詳文竊

恐此策欲救弊而反以滋累不若順從民便之
爲愈也何也秦省去邊不遠鹵地最多其所產
之鹽乃天地自然之利王政因之而利民者也
鳳翔一府晉鹽既未嘗行靈鹽又未嘗販自願
徵解額課恬然視以爲常必無此理如果無鹽
可食自故明萬曆四十年以至今日府屬地方
豈盡茹淡之人府屬有司豈盡賠銀之官亦必
無此理也或本地產鹽家給人足或隣地賣鹽
鹽低價賤俱未可知臣雖未悉鳳翔情事姑以
臣鄉隣近之東城西城等處類推之邊地窮民
久食土鹽認納鍋課三百年矣近因蘆商不念
地方貧苦告行蘆鹽百有餘引以致禁刮土鹽
其間不耕不毛之鹵地賠納錢糧者有之棄天
地自然之利而令其食極貴之鹽小男幼女攤
銀買鹽皆算一丁苦累實甚此臣之所知者也
臣又聞永平府亦然此等地方悉宜照萬曆年
間各食土鹽培養百姓今鳳翔若復招商掣運
晉鹽勢必力禁久食之鹽而勒買新運之鹽擾
民累民不止一端不止一地大非我

皇上愛養百姓之盛心也況我

朝賦役俱照萬曆年間酌定茲鳳翔食鹽既從萬曆
年間相沿成例民不謂苦其享天地自然之利
即受

國家不費之惠可知矣且鳳翔一府屬在北方止
宜憐其窮而從其便不但省上下行查之紛擾
兼可免秦晉掣運之驚疑如慮其有課無鹽恐
致苦民則係萬曆年間之例不至今日而始也
有應徵應解之課盡歸於公即食隣地本地之
鹽均不爲私若既無鹽而又賠課果有大不便
於民者何在應聽民自行具告之日再爲

題請酌議此時與民休息多一事不若省一事願

我

皇上深思之也如果臣言不謬伏乞

俯賜採擇字數逾額併乞

睿鑒施行爲此具本謹題請

旨奉

旨該部議奏

順天府府尹臣魏象樞謹

題爲欽奉

上諭事臣接吏部劄付內開康熙十三年三月二十日奉

上諭因大兵進剿逆賊指日蕩平地方恢復需人甚急着臣等虛公舉薦劄行到臣臣雖愚昧不能知人然舉爾所知素所自矢也敢不欽遵保舉仰副

皇上廣攬人才撫綏民生至意臣惟

國家得人致治人臣以人事

寒松堂全集 奏疏 卷之三

果

君莫重於保舉一人不能得一人之用則是

上以實求而下以名應非臣誼之所敢出也據臣平

日所知者首得一人特爲我

皇上陳之郝浴直隸定州人由進士原任御史今流徙

盛京地方前巡按四川時值劉文秀賊勢猖獗吳

三桂逗留不進浴曾有封疆大計等疏三桂參

其悖詞罔

上會議奉

旨流徙夫以書生而言戰功誠爲有罪若以按臣而

夫城池豈盡無罪乎浴原疏內有一晝夜七次移會迫之以不死於賊必死於法之語雖彼時過於激切亦職分之當然耳迨賊滅民安以後浴不能退讓自居三桂所以深恨必欲殺浴而甘心也今浴之孤忠耿耿祇有悔過於遐陲無由圖報於

朝廷如浴之才之守之學之識臣皆愧不及臣即讓職亦所心願臣攷古來人才拔之罪廢之中發其鬱憤之氣者用之而無不效況浴之骨鯁血性尤爲過人

寒松堂全集 奏疏 卷之三

果

國家用才必用此等乃有實濟使其蚤在西蜀操尺寸之權豈肯如羅森輩之俛首從逆而竟不知忠義爲何物也哉臣既惜蜀之陷於賊而轉惜浴之錮於遠也近見吏部覆科臣劉沛先人才棄置可惜一疏內稱郝浴竝無冤枉議固有據似止就處浴之案議之尚未就參浴之人議之也夫臣子立

朝各有本末即得罪亦各有本末當日參浴者三桂也使三桂忠於我

朝始終恭順方在托以腹心盟茲帶礪浴不過

書生耳若非

特恩賜環浴即老死從所誰復過而問之今三桂叛
逆不道天下無一人不恨三桂自無一人不憐
浴浴按臣也當三桂身居王爵手握兵柄之時
因從封疆起見不附其勢不畏其威致三桂成
不共戴天之仇三桂之所仇正爲

國家今日之所取何忍終棄之即浴果奪三桂之
功爲已功將浴流徙二十年亦足以蔽其辜矣
且浴服罪以來頂戴

君恩甘貧讀古想其英年盛氣消磨殆盡從此小用

寒松堂全集

奏疏

卷之三

辛

小效大用大效臣敢以身爲保浴必不負臣豈
敢負

皇上臣仰見我

皇上廣如天之度法使過之仁惟才是求不拘資格
臣曷敢因吏部已經議覆知而不舉失此真才
伏乞

皇上電覽郝浴再報封疆大計三報封疆大計緩策
西南一議急策西南一議竝大兵廣地無期微
臣濫賞非分諸疏以觀其經濟請

勅部暫取郝浴引見以察其才品如果堪以效用然

後用之臣再得一人魏允升北直宣府進士原
任江南常熱縣知縣因入糧道公署面講運軍
允糧之弊該道怒其佩刀揭叅今革職臣知其
體貌魁梧才華卓越其淡泊之學術勇往之擔
當更有可觀經緯兼長歎爲必著有用之器也
至於允升與臣隔省非係一家亦無世俗聯宗
之事理合一併聲明疏內敘述緣由字數逾格
統乞

睿鑒俯宥

勅部議覆施行爲此具本謹題請

寒松堂全集

奏疏

卷之三

辛

旨奉

旨該部議奏

戶部左侍郎臣魏象樞謹

題爲遵

旨保舉事本年八月內吏部會覆御史朱尚義條陳

一疏內有三品以上堂官將素所灼知深信漢

軍漢人虛公保舉等語奉有依議之

旨臣竊思時值多事封疆財賦俱關重大各地方需

才甚殷我

皇上求賢若渴蓋不止軍前候用之人宜蚤計也今

軍前候用之人不爲不多矣臣謹爲至切至要

之地舉一人焉如候任福建布政使李士楨旗

寒松堂全集

卷之三

幸

下貢士其人操守清介才品優長臣雖僅識一

面然灼知而深信之久矣憶順治年間臣同鄉

同年張璿以御史巡視兩淮監課其清正爲

世祖章皇帝所知及差滿回京臣敬服其人因問屬下

吏孰賢璿曰有守有爲惟李士楨一人耳臣心

重之此臣以信璿者信士楨也閱數年士楨補

授臣鄉大同巡道在任之時與陞任之後父老

子弟頌清廉愛民者如出一口此臣又以信百

姓者信士楨也又訪士楨前爲安慶太守後爲

河南臬司每詢彼地之鄉紳及僚友曾官茲土

者咸稱士楨賢此臣復以鄉紳僚友者信士楨

垂二十年未嘗稍變也方今閩省未開士楨暫

留在浙無任可到浙江藩司已經陞任不可一

日無官且不可一日無好官何也江浙俱爲財

賦重地又值軍興旁午之時錢糧出入稽核匪

輕徵輸緩急籌畫不易得一廉明藩司而民膏

兵餉均與

國計有裨尤爲浙省攸賴俟閩省恢復另行推補

浙省得士楨或可與江南之得慕天顏等也若

從遠地陞補雖有候補之法若真亦稱賢能而

寒松堂全集

卷之三

幸

臣不敢舉恐不能星速赴任克濟急需士楨朝

聞命而夕受事可稱人地相宜矣頃者奉

旨會推士楨既係候任之官例不開名臣區區愚悃

據實保舉合無將士楨聽九卿科道會推應否

可用恭請

皇上鑒裁如臣知人不明所舉未當臣罪自不敢辭

也伏乞

勅下速議施行爲此具本謹題請

旨奉

旨知道了該部知道

戶部左侍郎臣魏象樞謹

題爲再保要地堪用之人才以破常格以收實效
事竊惟逆賊煽亂引誘愚民民生不安賊焰日熾或因撫綏未善下情不能上達則脅而去之者多矣臣嘗總總慮之如近賊地方苟能加意撫綏潛消反側培我

國家元氣此非深得民情之人未易勝任也邇來保舉一法奉

旨允行然時事多艱真才難得誰肯輕於嘗試自取罪戾哉但臣以一念之愚忠矣籌目前之急著

寒松堂全集

卷之三

書

若保一人而果能有益於百姓臣一身之利害不暇計也謹將素有才品要地堪用之人再爲我

皇上陳之一爲郝浴直隸進士前任御史巡按四川時因吳三桂參伊冒功流徙

盛京地方臣查浴移會報捷辭爵諸疏明係不附三桂故三桂恨之後因閣臣合詞薦浴才堪任用觸怒三桂摘其疏中字句激切祇奏必欲殺浴爲快觀今日據地操戈之變大負

國恩則浴當日之情罪已在

聖鑒中矣去年科臣劉沛先薦浴按蜀時操守才幹

卓然可觀至今蜀民念茲不置浴年力正強棄擲可憫等語續奉

上諭保舉人才兵部尚書王熙保浴果敢任事精白一心雖以言事獲罪臣以爲用當其才何論罪廢倘蒙

皇上破格召還授以方面之任俾得展其才畧效用邊疆彼必感而思奮潔身竭力等語臣保浴才守學識皆愧不及即讓職亦所心願三桂之所仇正爲

寒松堂全集

卷之三

書

國家今日之所取何忍終棄之等語俱未蒙俞允夫以閣臣部臣科臣前後保薦無非爲朝廷惜此有用之才耳近在臣部見我

皇上鴻恩浩蕩免魚皮地方犯罪之人令其效用乃將浴終身禁錮不獲邀

皇上使過之仁深可憫惜臣之所以一保再保也昔卞和抱玉三刖其足而終獻之臣遭逢

盛世又何忌諱哉一爲王天鑑宣府人與臣同科進士初任縣令歷陞慶陽道告病在籍已十餘年長才偉抱操守清嚴膽識尤稱過人當其才

病之先有上馬殺賊下馬治民之畧告病以後
閉戶調攝淡泊寧靜鄉里重之今病或漸愈若
出而任事尚可為也一為鄭端直隸進士歷
陞貴州學道服滿現在陝西候用素履醇謹歷
任著聲且孝友信義之人立

朝忠愛可卜也雖由庶常起家饒有終軍壯志前
兵部尚書王熙係其實心守法大有執持潔已
持廉克盡職掌年力精強才猷練達若授以旬
宣之任俾效力恢復地方必能相機度務整頓
綏輯大有裨益等語懿德之好良有同然矣以
寒松堂全集 卷之三 奏

上三員均係有用之才據臣愚惻再行保奏其
堪用與否自有

睿鑒而非臣之所敢必也如官不當設人不當保臣
罪何辭哉伏乞

皇上省覽全疏併乞

勅部一併議覆施行為此具本謹題請

旨奉

旨該部議奏

戶部左侍郎臣魏象樞謹

題為籌餉之一在確估價值事臣查康熙十年八
月內因直隸各省米豆草束等項價值督撫身
居地方其價值貴賤無不知之該督撫照時價
確估據實報部即行開銷不必駁回等因九卿
科道會議具題奉

旨依議欽遵在案彼時承平之際不過買補水旱災
傷之缺額為數無多自滇閩告變

王師征剿兵餉緊急供應浩繁大兵經過地方及駐
防省分辦買米豆草束每歲費銀數萬或至數

寒松堂全集 卷之三 奏

十餘萬兩不止但查近日報銷各省有大兵屯
駐之地採買豆石每石價銀止開八錢其直隸
河南山東江南等省係產米豆之地報到粟米
料豆等項價值亦開八錢或九錢至一兩以上
不等且又有將節驢折耗盤剝運費腳價等項
一併開報臣部以定例內本省起解錢糧不准
支給腳價行令該督撫將節驢折耗盤剝運費
等項扣除今兵餉供應浩繁正當節省錢糧之
際臣部堂司各官再三商確若臣部逐案核減
則各處價值貴賤不一減多減少止憑臆揣不

便即以侵冒之數駁參況已經九卿科道議定不必駁回遵行已久若據督撫開報槩行准銷恐有不肖官員藉此不必駁回之例以賤作貴造冊報銷督撫未必預訪時價不過據冊畧減即行報部侵蝕浮冒易滋弊端此等價值每案稍一節省則數十萬可得非些須可比據臣一偏之見今歲直省地方處處豐稔價值賤於從前一倍此可以節省之時我

皇上特頒上諭令各督撫實心體

國勿得任憑下官開報價值浮冒錢糧務期節省

寒松堂全集 奏疏

卷之三

五

以濟軍需若非

天語亟行嚴飭雖臣部終年之持籌不足當督撫終

年之冒銷矣如果臣言不謬伏乞

睿鑒省覽全疏施行爲此具本謹題請

旨奉

旨該部確議具奏

戶部左侍郎臣魏象樞謹

題爲籌餉之二在嚴覈開課事切照開稅一項每年臣部額銀六十萬兩有奇軍餉賴之先因各省正在用兵需餉之時將康熙十三十四兩年解部稅銀并停辦一半銅銀行令解交各該藩司並直隸守道充濟軍需康熙十三年出差各官止報收銀二十萬兩有奇缺額至四十萬兩有奇足額者僅四處而已其安靜地方與近賊過兵地方俱稱吳耿二逆叛亂

王師進剿大兵往來以致商船稀少開稅缺額情由

寒松堂全集 奏疏

卷之三

五

疊次呈報復據有該督撫具題到部者臣部恐有稅銀已得借端侵欺無處稽考不得不請

勅該督撫再行嚴查其缺額官員雖有考核之則例

而所缺銀兩惟據督撫之訪詢此亦無可如何

者也但今十四年分各關官員出差地方俱已

漸次寧謐進剿兵馬往來稀少商賈船貨已無

壅阻開稅自當照常足額乃紛紛又報缺額矣

倘有不肖官員踵習故智藉口商稀課缺將錢

糧侵蝕及至考成之際課額已缺軍需已悞雖

嚴加處分亦何濟乎臣與同堂滿漢官再三商

確因則例已定別無良法但臣有一偏之見或可少行一時之權以足六十餘萬之額亦未可知也請自今以後凡各官到差每一季將所收稅銀數目報督撫一次如一季足額不必具題如一季缺額即行具題將本官立行撤回照才力不及處分另差賢能速去徵收如有藉口地方荒亂商阻課詘有虧稅額或奸詐之徒指稱王公將軍官弁船隻希圖漏稅題叅重處如別有發覺將督撫以徇庇悞餉論一併處分果能潔已恤商稅額全完者請照地方官地丁錢糧

寒松堂全集

奏疏

卷之三

本

額徵全完之例議敘以示鼓勵此臣之偏見也臣同官皆以軍餉為急識見遠大更有何法可得賢能之人以為日後國課之計伏乞

皇上省覽全疏

勅下臣部一併確議速行庶開課不致缺額軍需亦

有攸賴矣謹題請

旨奉

旨該部議奏

戶部左侍郎臣魏象樞謹

題為籌餉之三在慎用藩司事臣聞自古用人理財相為表裏而藩司一官為一省錢穀之總匯又與臣部相為表裏誠不可不慎用也故昔日之藩司僅司本省之出入起存猶需本官之精明才幹在今用兵地方錢糧浩繁有本省徵解有別省協解有臣部發解動至數百萬兩任其綜理聽其支銷頭緒紛紜款項錯雜若稽核一處不到計算一處不周登計一處不清給發一處不當則弊孔百出矣此猶就其職掌言之也

寒松堂全集

奏疏

卷之三

空

設使操守不潔情面不破聽信衙役彌縫上官更難勝任在衙役誘之則曰此項可用彼項可還在上官取之則曰支用由汝開銷由我甚而逢迎過往泛應抽豐一切資斧鞍馬或輕或重之類苟無所出勢必取給於庫中而昧者受之猶謂藩司採取囊中物也久之而欺朦牽潤不惟

朝廷之金錢不能節省即有節省未必肯為

朝廷用矣我

皇上不見在外如江南藩司錢糧通年那混一案至

二百萬之多乎不見湖廣藩司征勦西山朦朧一案至十萬之多乎在內如工部司庫盜銀至十三萬之多乎覆轍在前賢者弗蹈亦顧所用何如耳頃見江西布政司缺出正

皇上擇人推用之際十分宜慎況十三年至今撥解錢糧竝本省錢糧俱未奏銷既與臺臣徐旭齡條奏撥解一次報銷一次之例不合又與該督董衛國所請年終截至報銷之疏亦不合今再易一手須得賢能之官以清從前之案不然年復一年欲其錢糧清楚不可得矣至於湖廣一

寒松堂全集

卷之三

李

省兵馬最多錢糧亦最多部院兩大臣撤回之後非得冰心鐵面敏練精詳之藩司萬萬不可今現任之官是否能勝其任惟

皇上密察之臣諺佐司農總總過計竊思日講生財不如日講節用即講生節而用非其人祇漏卮耳臣所謂籌餉在慎用藩司者此也抑臣又有言者一省之錢糧掌之者藩司也察之者巡撫也近日多以本省之藩司陞本省之巡撫設或錢糧不明斷不肯自行發覺而新任藩司又不得不曲爲遮蓋其於錢糧互相覺察之意謂何

嗣後更宜慎之矣臣愚瞽之見伏乞
睿鑒俯賜採擇施行爲此具本謹題請

旨奉

旨該部確議具奏

寒松堂全集

卷之三

李

戶部左侍郎加一級臣魏象樞謹

題爲欽奉

上諭事臣伏觀我

皇上聰明天縱典學日新講論經史之源流考究古

今之得失既孜孜不遑暇逸乃於

萬幾之餘旁及文翰思得奇才碩彥學問淵通文

藻瑰麗之士以備

顧問著作之選奉有

上諭著在內三品以上及科道官員各舉所知洵與

古帝王崇儒重道千載同符矣竊念博學鴻儒

寒松堂全集

疏

卷之三

畜

世不多見臣鄙陋失學安能知人且有一二素

知既經諸臣具疏奉

旨者臣又不敢再爲贅舉謹就聞見所及者得五人

焉一爲原任湖廣布政使告病畢振姬山西高

平縣進士清操自苦才畧過人博古通今有體

有用請告十餘年躬耕百畝猶讀古不輟而經

史之貫通詩文之古奧所稱良史才庶幾不愧

雖年過六旬體質稍弱尚可備著作之選一爲

原任江西嶺北道叅政告病湯斌河南睢州進

士洵洵儒雅清謹可風謝病歸田閉戶讀書學

有淵源躬行實踐文詞尚實去浮一爲見任戶

部江西司員外郎馮雲驤山西代州進士居家

孝友辦事勤敏素以古學自勗兼能留心風雅

常退然抑損不敢自居一爲見任大理寺評事

白夢鼎江南江寧府進士才識老成學問博雅

蕭然四壁惟以詩文自娛一爲原任浙江督糧

道叅政告病王紫綬河南祥符縣進士宏才積

學兼工詩賦有倚馬之才終養在籍讀書二十

年起補江西贛南道保守贛城尤覘經濟陞任

浙江未久告病如痊可試所長以上五人雖未

寒松堂全集

疏

卷之三

畜

敢遽謂可追前哲仰副

皇上稽古典學之至意亦不敢不竭愚昧之見少盡

以人事

君之微誠如果臣言不謬伏乞

睿鑒採擇施行爲此具本謹題請

旨奉

旨吏部議奏

寒松堂全集奏疏卷三

寒松堂全集目錄卷之四

奏疏 都察院 刑部

申明憲綱恭請 嚴飭以清致治本源事疏

吏治漸壞公道宜彰等事疏

科場弊竇多端等事疏

再陳科場條例等事疏

農事根本所關民食軍需並重等事疏

學道一官關係士風文教等事疏

糾參事疏

直糾浙江學道以申公論等事疏

寒松堂全集奏疏目錄卷之四

遵例自陳不職等事疏

驚聞 寵命直陳下情等事疏

直糾不法司官以尊 國體等事疏

撫臣因循溺職仰祈 鑒察等事疏

君心仁愛無盡督撫實政當修等事疏

微臣溺職難辭良心不能自昧等事疏

遵 諭舉廉以惜人才等事疏

川省恢復在邇軍需籌畫宜先等事疏

遵 旨明白回奏事疏

遵 旨明白回奏事疏

寒松堂全集卷之四

奏疏 都察院 刑部

蔚州魏象樞環溪著

都察院左都御史 臣 魏象樞

題為申明憲綱恭請

嚴飭以清致治本源事 臣 才庸年老歷任愧無寸長

復叨總憲之

命顧名思義惶悚益深敢不申明憲綱期與諸臣共

圖報稱竊念

國家之根本在百姓百姓之安危在督撫故督撫

寒松堂全集奏疏目錄卷之四

廉則物阜民安督撫貪則民窮財盡此固

宸衷之所洞鑒部院科道諸臣皆歷歷言之即督撫

諸臣亦非盡不自知也獨不思封疆大吏拔諸

羣僚

簡在帝心委以事權寵以爵祿自當潔已奉公察吏

安民以報

朝廷恩遇乃往往未陞督撫才能尚有可觀一經

簡用操守頓為改節受

恩愈深負

恩愈大清夜自返於心何安我

皇上宵衣旰食尚不忍以需餉之殷加派百姓為督撫者亦何忍因肥家之故縱貪殃民以屬官之奇貪為一已之奇貨耶雖一時著績封疆撫綏兵民糾叅大貪大酷克盡厥職者亦有其人然而不可多見矣臣願諸臣為百姓留膏血為國家培元氣臣不敢不為朝廷正綱紀為臣子勵名節風紀所在臣之職也恭請

嚴飭而申明之一各府州縣等官不許謁見督撫布按此風在

葉松堂全集 奏疏 卷之四

世祖章皇帝時屢加嚴禁未敢公行今且日甚一日以謁見為定例屬官到任未嘗挾資而來勢必那撮借貸竭力逢迎冀得歡心日後剝民補償貽害無窮所當申飭者一也一督撫不許差內使人等借訪事為名往各府州縣所差之人一到地方口中賢否較督撫親臨懼怕更甚暗地供奉流弊難言所當申飭者二也一各府州縣等官擅離地方赴省拜壽寅緣送賄弊竇多端至督撫每次加級更宜感

恩圖報若令屬官每次餽銀行賀兼以金屏錦帳等

物屬官何出惟有剝民所當申飭者三也一督撫布按不許自開便門令所屬官役人等出入傳事並內使人等早晚來往不但風憲失體抑且諸弊易生以致道府州縣等官漸廢關防所當申飭者四也一督撫布按不許將游客星卜及優伶人等或畱住省城或轉送各府州縣作與抽豐動挾上官威勢擾害地方在京官員亦不許貽書薦送所當申飭者五也一督撫布按凡所應造冊籍投送各衙門不許收取費用陋規借稱部費縱容屬官科歛苦累民間所當申

葉松堂全集 奏疏 卷之四

飭者六也一督撫所屬學道考試生童關係文教宜嚴行查訪凡有不公立行題叅不許受其餽獻縱容賄賣生童濫額私取漫無糾叅科歲事畢宜嚴加考核分別優劣報部以彰公道所當申飭者七也一督撫布按稽察州縣凡召買米豆草束及委官修造兵械製辦火藥炮鉛船隻等項不許捏報價值代為開銷不許將民間所辦米糧物料指不給價一切應追應賠銀兩不許分毫無完代請豁免官養驛馬不許擅發里民喂養行戶貨物過關收稅萬苦千辛不許

官價取用此皆督撫徇庇縱容以致有司肆行無忌所當申飭者八也一私派補庫及變賣倉糧督撫不許徇庇有司衛所等官任意灑派取之無名亦不許借稱錢糧推算部民子女轉送人情所當申飭者九也一府州縣等官離任凡有花費庫銀收解不明指稱民欠及衙蠹侵肥錢糧無著該督撫不許勒囑新官交代以致錢糧愈以愈淆後雖發覺追補多不能完總以家產盡絕結案錢糧付之烏有所當申飭者十也以上十款皆係督撫應行事宜關係吏治民生

者自今

嚴飭以後聞茸者力圖振作貪污者洗滌肺腸若有因循陋規臣之白簡無私訪查有據者立行糾叅即事屬風聞亦不敢不指陳入

告請

旨察察庶幾大法小廉風清弊絕以成端本澄源之治矣緣係條奏憲綱字數逾額如果臣言不謬伏乞

肅察採擇施行為此具本謹題請

旨康熙十七年八月二十三日題二十八日奉

旨這所奏事情切中時弊該部院會同詳議具奏

寒松堂全集

奏疏

卷之四

五

都察院左都御史臣魏象樞謹

題為吏治漸壞公道宜彰據事直陳以警將來事

竊惟進退賞罰國家之大權是非可否天下之

公論進一人賞一人而天下知勸退一人罰一

人而天下知懲蓋有合乎天下之公是公非共

可共否也故孔子曰舉直錯諸枉則民服舉枉

錯諸直則民不服洵不誣矣我

皇上用人致治以大公至正之道出之滿漢內外惟

取賢良而督撫大臣受

皇上之恩自當體

東松堂全集奏疏卷之四

皇上之心為心廉介者宜舉而不宜黜溺職者宜黜

而不宜舉貪酷害民者宜揭參而不宜徇隱臣

畧指一二事所當嚴飭以警將來者為我

皇上陳之如原任江南嘉定縣知縣陸龍其者廉介

之官也知縣任內清操飲水愛民如子賢聲傳

播於都下臣心竊重之謂異日可步于成龍之

後塵者此人也乃未幾而該撫疏稱龍其守絕

一塵才非四應德有餘而才不足部議降調又

有被盜一案該督疏龍其據汪標首告仇殺審

明仇殺無據請緝結案獲盜過半原無諱飾與

武官竟不報聞者迴別止以開報職名遲延部

議革職例之所在臣俱不暇問但縣令中有此

廉介愛民之官正當為羣僚作榜樣為百姓作

慈母今之有司惟守與德為難耳既知其守與

德矣何不即留之以長養百姓雖該撫再疏奏

稱龍其委係冰操不染一塵勵其素守策效將

來部復不允終以例拘萬民怨恫為之罷市去

之日攀轅號哭執香遮道去之後家家尸祝比

於父母乃行李一介而蕭然歸去矣又如原任

江南鎮江府知府劉鼎者溺職之官也知府任

內全無才能參罰至五十案其停陞及戴罪督

催者三十餘案降俸者四十餘級應追銀兩無

完者二萬三千兩有奇應追米麥無完者五千

九百石有奇此一官者溺職已極乃報陞蘇松

糧道該督無從何見其才能一旦盡銷參罰停

陞之案而脫然陞去矣又如原任絳州知州曹

廷俞者貪酷之官也知州任內貪如虎狼敲骨

吸髓捐納員外因而酷以濟貪聽信衙蠹撥置

將富民之妻王氏指稱私鹽名色鎖禁署前神

廟嚇詐銀兩縱役淫污氏不允從羞憤自縊聞

東松堂全集奏疏卷之四

州士民告伊貪縱惡蹟平陽知府李廷梅匿不
揭報反令本府廳官親身赴州以講和爲名將
廷俞擁護出境以致士民不敢具告現今公憤
冤詞豎碑於州此一官者貪惡至極竟不報巡
撫糾叅而飄然颺去矣夫

朝廷所以鼓勵人才澄清吏治者惟在賞善罰惡進
賢退不肖耳況當公道昭明之日乃將廉官與
貪官叅處同例盡職與溺職保薦無分豈我

皇上勵精圖治激濁揚清之盛心哉若不嚴加申飭
則前者不戒後者不警下官可以欺上官上官

可以欺

皇上上下相蒙使廉吏灰心貪風日長臣竊鯁鯁慮
之也伏乞

嚴飭各督撫大破積習躬先率下表正則影直源清
則流潔薦舉必首廉介叅劾必協輿情於以肅
官方而勵人心民命庶其有廖乎緣係指陳事
蹟字數逾額如果臣言不謬伏乞

睿鑒採擇施行爲此具本謹題請

旨 康熙十七年八月二十三日題二十八日奉

旨這本內事情該部嚴察議奏

都察院左都御史臣魏象樞謹

題爲科場獎實多端請嚴關防之法以重

大典事切惟國家至公者莫如科目而最要者莫

如考官必上體

朝廷額俊之心下鼓士子讀書之氣選舉嚴而名器

重乃可以收人才之效也今科主考官員蒙

皇上引見之後不論次序重以

欽點示以不測各省榜發頗無訛議但臣與侍郎孫

光祀學士陳廷敬奉

旨磨勘順天試卷荒謬疵蒙不一而足已照例叅處

案於堂全集奏疏卷之四

訖臣愚竊謂既懲其前當防其後從來科場之

弊不止一端其賄賂詭秘關節巧妙之處雖未

易窺乃有人人知之人人恨之而第嘆息於無

可如何者祇因內簾深遠乃耳目不及之地主

考同考果皆清白乃心敬慎從事夫復何慮倘

有不肖之輩蒙面喪心通同作弊斷斷不肯互

糾間有一人舉發衆人又互相解釋並無別官

在內可以查糾者雖至公堂有監試御史專查

冒籍頂替換卷聯號傳遞代筆及彌封謄錄對

讀一切試卷錯失等事叅疏屢蒙其與內簾重

門封鎖從無糾叅在內之弊臣任御史時曾監試二次備知之矣臣思事關

大典不厭詳慎請自今以後順天內簾宜照內外監試一體添差滿漢御史不與文事應在聚奎堂向上設座會經堂左右歇宿所當查糾者人款請爲我

皇上陳之一曰場外賣題入場擬題一二道假作掣籤此一弊也今後凡擬題之夜四書掣定幾章每題每人各擬一道俱送主考官寫籤入筒御史手掣

案於堂全集 奏疏 卷之四

以杜預洩之弊二曰同考官主考交頭接耳暗通私言揣摩其卷係某人係某名士此一弊也今後凡入闈之後各房隔別不許私訪聚談如擬題閱卷時所言公公言之俱不許至主考座前啾啾耳語亦不許彼此越桌私窺其薦卷放於中間案上御史驗明內無私通小帖方送主考收閱以杜暗通之弊三曰退食晚宿私相密語及携卷入房藉口商訂暗查關節此一弊也今後每日公堂所閱硃卷天晚之時當面查入各箱御史與主考共加封鎖次日公同開閱以杜

私查之弊四曰同考官薦卷因有私人暗通主考姑容取中雖有佳卷再不呈薦致屈真才此一弊也今後凡有佳卷盡數呈薦或取或擯主考箱內封存不許同考官私看每人薦卷若干御史記數如有託詞少薦及將荒謬之卷妄薦者非係不公必係不明御史一面題明主考一面同衆搜閱以杜埋沒之弊五曰同考官將不應容點密圈之文滿篇圈點濁呈主考此一弊也今後同考官薦卷止用句圈句點御史驗明送主考詳閱聽其圈點註批放榜以後再不許私改文

案於堂全集 奏疏 卷之四

卷飾加批評以杜欺朦之弊六曰暗帶主文相公假粧僕役跟入內簾尋查關節代點落卷此一弊也今後跟隨僕從御史搜檢放入主考各帶三人同考各帶二人御史亦各帶二人寫本筆帖式書役各一人再不許一人出入以杜夾帶之弊七曰頭場三場俱有硃卷二場反無硃卷或三場未貼而又無卷埋藏偷換悞人功名此一弊也今後御史嚴查根究所謄之卷匿在何處一面歸入本號卷內一面糾叅以杜隱害之弊八曰不落卷何篇有疵不將擲落緣由

批出或畧加數點或亂抹一筆竟行擲去此一弊也今後落卷於開榜之後即發本生自看如無批語及妄抹佳文阻抑真才者許本生具呈原內簾御史查明叅究以杜阻抑之弊此八款固屬緊要更有詭秘之事惟在御史鐵面冰心加意嚴查有弊即糾臣衙門查其叅疏於二八月一體造冊進呈

御覽如容隱不糾日後別有發覺一併重處至於一切封門發題進卷分卷供給關防諸事責在御史令主考專心閱卷庶不致取中之文不暇註

案松堂全集

奏疏

卷之四

主

批二場三場之文不暇周閱矣臣之獨言順天者何也各省主考率皆京卿部科等官而同考不過州縣微員易於彈壓素非親暱難以私通惟順天主考率皆編檢等官而同考除知縣一二員其餘率皆部屬中行評博進士也或官則比肩或情屬素交即有一二謹慎之人難敵衆手障蔽之巧且

京師仕宦子弟以及遊學就館之士與應開考試之官朝夕相近題目易洩關節易通無怪乎人言嘖嘖文章荒謬之多也若再不立法嚴防竊

恐首善之地

大典不光文運士風因循漸壞所關不小至於會試主考雖係大臣而同考多員心術不一難保無私必主考與御史共相關防庶可釐弊亦應照順天鄉闈一體行之臣從科目起見總總過計如果稍裨場務即將臣疏刊刻滿漢字一冊入場之日交與監察御史伏乞

旨

案松堂全集

奏疏

卷之四

主

康熙十七年十二月初十日題十五日奉

旨該部確議具奏

都察院左都御史臣魏象樞謹

題爲再陳科場條例以期實可遵行事竊照實興大典糊名易書父兄不能知鬼神不能洩乃天下第一公道事也自丁酉年科場作弊曾經科臣任克溥等糾參蒙

世祖章皇帝赫然震怒以嚴法處之人心肅然猶恐分

閱有弊改爲公閱公薦謂一人尚可以行私而衆人遂可以祛弊也自定此例不意名雖公而實私欲祛弊而反多矣臣敢悉言之夫分房閱卷者每官閱分殊卷若干即於卷面上打某經

寒松堂全集

卷之四

南

某房印子親手註批如所取有弊或科道訪糾或部科磨勘即將本房本官嚴加處分百喙何辨若所取者公通國之人皆知之且稱某房得人之盛矣今有四人五人閱一經者有三人二人閱一經者其中人品心術豈無賢不肖之分倘遇處分例無分別賢者受冤不肖者得意非法之平也如果係公閱公薦即目擊一字手著一筆均任其咎亦自難辭然而卷至數千勢亦不能公閱試問近科以來鄉會主考同考等官誰能一語欺人曰原係公閱公薦者倘曰公閱

公薦也臣以二事証之如順天丁巳科監生劉

承啓落卷批云此卷余連薦三次而究不得中者非天意不中而爲今科之人不中也可惜可嘆此必一人所批而非三人公批者如欲查其何人筆跡是何情由而莫可究詰也祇以公閱之例任其負屈耳又如順天戊午科磨勘中式監生吳昇卷內子夏言語破稱聖人應抹不抹且加密圈此必一人所圈而非五人公圈者如欲查其何人筆跡是何意見而亦莫可究詰也祇以公閱之例一舉議處耳由斯類推公閱公

寒松堂全集

奏疏

卷之四

五

薦之定例既爲藏垢納污之妙法又爲卸責分罪之美名而非實實遵行者也况卷面既不印某房字樣則同考主考等官欲中私人暗查關節偷換試卷其弊更大矣臣再以二事証之如順天戊午科同考官內閣中書張潤民閣中自立誓詞內云存一私心身首異處死不還鄉如有借卷換卷者亦如之等語其原非公閱公薦可知現有刊刻誓詞可據此乃預行嚴防而幸免處分之明驗也又如順天戊午科同考官又安縣知縣衛建藩所閱不中式驚字五號北四

試卷被人偷去暗加圈點欲圖取中建藩查出
情弊隨即呈明乃不敢取中且主考既令分閱
又行偷卷其非公閱公薦可知現有建藩印文
申報吏禮二部續申臣衙門可據此又曾經舉
發而難免處分者之明驗也由斯類推公閱公
薦之定例既爲玩法作弊之淵藪必爲昧心取
利之羶途而非實實遵行者也古語云琴瑟不
調解而更張之與其名公而暗分不若分房註
批之爲正與其既分而同罪不若按房參處之
爲公今後順天鄉試並會試允臣前疏所請添
差內簾監試御史先將更經分房之官面同主
考封籤手掣再將謄入硃卷之數面同主考閱
分打印如某房有弊御史即將某官指名糾參
其同考一經者不列銜名不加批語自不任處
分之咎也各省鄉試責在主考亦照順天之例
行之我

皇上法度紀綱務崇實效豈有開科取士之大典而
虛懸

功令者哉抑臣更有請者臣磨勘之時見禮部條
例舉子處分甚當考官處分反寬故法輕人玩

閱文草率將荒謬疵蒙之文取中非所以重

大典也臣聞水柔則易狎火烈則難犯以後考官

處分一視舉子所犯爲輕重如舉子應斥革者

考官即應革職舉子應罰停二科者考官即應

降調舉子應罰停一科者考官即應罰俸則人

重犯法必實心閱文矢公矢慎矣我

皇上天縱聰明爲萬國右文之主斟酌損益務求無

弊作何垂法於萬世作何示警於將來伏候

睿裁再請

勅下禮部會同吏部確議定例字數逾額併乞

案松堂全集

卷之四

七

鑒宥施行爲此具本謹題請

旨

康熙十七年十二月初十日題十五日奉

旨吏禮二部會同確議具奏

都察院左都御史 臣 魏象樞謹

題爲農事根本所關民食軍需並重謹竭愚見以
安地方事竊惟民爲邦本食爲民天此定論也
在今征討叛逆士馬雲屯之際民食足則軍需
有濟農事急則民食無憂頻年以來歲登大有
處處豐裕斯處飽騰皆我

皇上敬

天愛民之誠意致之也今歲直省大旱

皇上虔誠步禱一雨而遍天下禾稼將枯復得成熟
所獲雖薄幸無大饑臣之鯁鯁過慮者惟在來

集松堂全集

奏疏

卷之四

六

年農事矣如閩地兵糧取給本省自海寇流毒
南畝盡爲戰場漳泉二府顆粒難飽民不堪命
矣臣見督臣姚啟聖疏衆不肖縣令一則曰民
怨沸騰通縣逃避一則曰計告不休官民成讐
等語不勝驚訝方今海疆多事倘州縣將弁等
官不加撫恤反行殘害或苦民供應驅民役使
借民糧米虐民室家臣恐百姓困苦不務耕耘
煽惑勾通揭竿走險一可慮也又如直隸山東
河南江浙等處俱係產米之鄉南北兼賴輸將
難緩近日解馬一事關係軍務每解一次挑出

瘦癯病弱馬匹照數賠補道府州縣等官衝路
難支勢必均派均派無出勢必暗取臣恐暗取
累民以致耕種無力賦稅難供因而輕去其鄉
二可慮也又如河工一事關係重大既動錢糧
大修今自江南徐州河南山東地方四百里堤
岸又欲撥民夫修築雖

旨下各該督撫自有酌議萬一攤銀派夫處處騷動

臣恐荒歉之餘牛種不足又苦重役或致逃亡
流散三可慮也其餘地方或寇賊殘破元氣大
傷田荒人少者有之或兵馬屯集運送繁多輟

集松堂全集

奏疏

卷之四

七

耕罷耒耜有之此則病民妨業之大畧也至於
無事之地正當與民休息賢有司屈指有幾人
哉又恐不肖官員固恤百姓之艱難不念農桑
之切要或以兩造之訟破人身家或以無名之
徵奪人耒耜當青黃不接之時望隴畝而興嘆
者不知凡幾逃亡不免于相繼地丁必至于多
逋是地方少一荷鋤負耒之人即
國家少一納糧供稅之人矣今日者萬方之供無
窮公家尚有匱乏之慮終歲之入有限農家豈
是不涸之倉下官取之上官又取之前官取之

後官又取之官日富民日貧官有權民無告耳
層層剝削公私交困此又民窮財盡之大畧也
從來有道之朝父老得見

至尊陳疾苦洵盛事也

皇上堯舜為心一夫不獲引為已咎倘深山窮谷之
內有含冤忍死之氓冒瀆

闕下者諒必惻然動念洞知民間疾苦果有壅於
上聞者也轉盼春和東作方急臣按月令

天子布德行惠此其時矣如臣愚昧所言可慮之處
皆在

寒松堂全集 奏疏 卷之四

主

宸慮遠徹之中伏望

特加軫恤起念即是陽春海宇莫非元氣至於直省
各督撫奉

天子命以撫綏地方當於民間之疾苦善為調劑即
於有司之賢不肖力加勸懲凡有開徵補庫包
荒借富勒本公費解費部費等項私派名色及
徵收錢糧每一兩加火耗二三錢至四五錢者
通行嚴禁一切報罷惟以政簡刑輕務農重穀
為循良第一事如遇

大計註冊並二年舉劾亦以此為上上考其部民流

亡失業者下之俾小民既有父母妻子之安又
有雞犬桑麻之樂

國家元氣太平景象悉以耕田鑿井見之矣豈獨
民食足而軍需裕哉如果臣言不謬伏乞

睿鑒勅下該部確議字多逾額並乞
鑒宥施行為此具本謹題請

旨

康熙十七年十二月初十日題十五日奉

旨該部確議具奏

寒松堂全集 奏疏 卷之四

主

都察院左都御史臣魏象樞

題爲學道一官關係士風文教請嚴考核並杜積弊事臣惟天下之最爲不平者孤寒無進步之路而天下之牢不可破者學道多昧心之人此一官者乃士風淳澆文教興廢之根本而即國家人才真偽之關頭故直隸特用翰林各省俱以進士陞授誠重之也其重之者何也爲其素習經史學問優長較士閱文衡鑒不爽也又爲其寒窗燈火半世艱難諸生辛苦之情備嘗於前必能曲體於後也又爲其讀書立志理欲分明師嚴道尊楷模多士所重者孝弟廉讓所惡者奔競鑽營且上有

功令中有清議下有子孫時時警惕良心難昧也乃近年以來賢者雖有一二而其大謬不然者多矣口讀聖賢之書甘犯名教之罪身居絳帳之內竟如壘斷之登從來入學額數甚多士子進步頗易今因捐納之例暫將府學減爲五名大學減爲四名中學減爲三名小學減爲二名猶夫銓選之分缺並用以見

朝廷於軍需開例之中尚留孤寒入學之路爲學道

者亦何忍將此路盡爲其利藪令孤寒之子廢書痛哭投筆而怨恨哉今當舊學道考核之時據臣所聞內有考較公明士子悅服者首則江南之邵嘉次則山東之勞之辯可謂雞羣之鶴中流之柱矣若肆行無忌士子痛哭而怨恨者首則山西之盧元培次則浙江之程汝璞也請勅吏部詳加考核分別優劣作何勸懲以昭公道於天下再

勅禮部磨對學冊分別新舊有無混冒以杜朦蔽於將來至於現陞學道率皆老成持重抑且新發寒松堂全集卷之四
於劄臣何敢以不肖之心待之但不許赴席受賀以開後日干求之端更不許罔上行私以蹈前人賄賣之弊臣謹列十款以爲三年考核之實據一曰童生未經府考冊內無名鑽求學道徑取入學巧圖捷便此一弊也二曰考試各府州縣衛所童生額外濫取撥發別學冒收冒籍以佔本學正額此一弊也三曰彌封編號印簿及場內坐號紅簿不發該府州縣封貯乃收存道署私查某卷某號係某人對號賄賣此一弊也四曰考完一府不將紅簿遠行發學任意遲

延徇私通賄更改等第拔下作上此一弊也五
曰每考一處令書辦承差快手人等出入過付
暗訪生員稍有家貲者先開六等草單嚇詐保
等銀兩送入准放三等此一弊也六曰文童頗
少武童頗多將文童充爲武童入學之後夤緣
改文娼優隸卒濫行收取善騎射者擯而不錄
此一弊也七曰各府地方設有考棚憚於親臨
將生童遠調考試其各州縣告病生員扛槓駘
病困苦難堪此一弊也八曰縱容無賴教官包
攬生童私通線索効勞分潤名爲作興大壞風
教此一弊也九曰曲徇上司同僚情面並京官
鄉宦私書及親族朋友隨住地方討情抽豐將
孤寒之文棄如糞土此一弊也十曰報部學冊
將額外溢取入學之童生未經科歲考試預附
三等其姓名不入新案造入事故衣頂項下以
趙甲頂補錢乙混作實在之數朦報禮部此一
弊也以上十弊能除則爲賢不能除則真不肖
矣人各有心誰肯甘爲不肖哉惟在
皇上嚴行申飭考察實蹟督撫不許需索陋規州縣
不許傳遞私書親朋不許私住關說鄉紳不許

投刺請席俾學臣得以自愛其名節實修其職
業如果甘心不肖則臣之白簡在後矣至於科
歲兩試報完之日例應該督撫將學道稱職者
薦舉公明尤著者保舉徇私溺職者指參原非
令其咨報也嗣後該督撫分欵註明十弊有無
字樣合詞具
題吏部照例考核但學院任滿自報吏部並無實
蹟考核何事亦宜自行具疏十弊作何釐剔逐
一
題明吏部一體考核倘有捏飾違錯仍以咨文報
寒林堂全集
部者吏部駁參將督撫學院照何例處分其十
欵例冊未載如有指參發覺將學臣又照何例
處分統乞
勅部確議一並嚴飭務使開報與考核確然有據士
風與文教肅然一新庶幾仰副我
皇上憐才右文之盛心矣緣係列欵字數逾格並乞
鑒宥施行爲此具本謹題請
旨
康熙十八年正月十一日題十八日奉
旨該部確議具奏

都察院左都御史臣魏象樞謹

題為糾參事 臣於本月初十日陪

祀畢入署辦事投到直隸河間府滄州公文一角
內開為悖

旨股剝無厭寒員難支冒罪出首寧甘罷職歸旗事
切照滄州水陸交衝滿漢雜處其地瘠民貧後
重差繁熒熒赤子其僅存者無幾蒞茲土者即
節儉自持加意軫恤猶恐不足以副

朝廷保赤之至意況當斯時若循餽送之私例加以
無厭之誅求夫果何所出乎卑職以服滿起復

寒松堂全集

奏源

卷之四

奏

新補滄州於十七年十月十八日到任即遇鹽

院出巡至二十二日方離州境窺於二十三日

又有天津道胡應麟解御馬回旋路經滄州擬

欽定新例其於驛馬之宜騎與不宜騎自有明條

其騎驛馬之多與少自有定數乃卑職以親臨

上司入境自當曲為供應凡一切下程小飯及

柴炭草料之類無不逐項預備究因苛索贅見

之常規不遂兼以從行之使費未周有劉快頭

王前站率眾內司與眾夜役等羣擁於卑職面

前恣意辱罵將兵房范如錫工房田復昌肆克

毒打有余州判見証似此官受無端之辱後受

鞭撻之苦夫誠含冤吞氣而無可告訴者及次

日起程將自備之馬空趕而行立索驛馬十八

匹脚騾三十四頭浪船一隻棒夫十名有解驛

丞見証且其驛馬夫船經四日方回較之

欽奉緊急部差未有如此之甚者繼而卑職赴府查

對前任李牧任內錢糧未能躬謁津道即罄囊

備禮四十兩差役赴天津投送乃惡其過薄未

收繼又蒙府票調取赴留智廟聽候接送御馬

至于十二月初旬回州而年節又已相迫無奈

寒松堂全集

奏源

卷之四

奏

又委曲借辦湊正禮八十兩張管家小禮四兩

差役赴天津道投送及領收批旋州究以前此

缺少贅敬繼此不去親見為詞猶深切齒意必

新春拜節較常規外另為點綴始補贅見則例

夫上司任肆其誅求寒員何能當其魚肉雖於

十七年九月內已蒙

題定屬員不許謁見上司餽送禮儀一案誠深見

夫新補官員未嘗携貲而來恐致剝民膏以餒

上司之鯨腹也然而

天高聽遠可奈何將欲不為供應則無愆而生愆者

勢也將欲遂其歡心則動支庫銀恐虧正額屢
為借貸無所補償薄猶莫措厚從何出夫以親
臨上司悖

旨虐驛違例吞屬若此則新補集員行將立斃懇祈
洞鑒實情

上達寧甘罷職以歸旗實難逢迎以倖位等語臣職
司風憲既有知州印文舉首道臣胡應麟情節
雖虛實未定不敢不以

上聞伏乞

勅下該部嚴察明白重加處分以肅法紀至於知州

寒松堂全集

奏疏

卷之四

閔三元舉首公文應寫都察院字樣以便公疏
糾叅乃止寫臣一人官銜並臣之姓殊屬違例
理合並叅統乞

勅部察議施行為此具本謹題請

旨

康熙十八年正月十一日題十八日奉

旨該部嚴察議奏

都察院左都御史臣魏象樞謹

題為直糾浙江學道以申公論以重京堂事臣於

正月十一日具有學道一官一疏奉

旨該部確議具奏欽此隨經吏部議覆請

勅山西巡撫浙江督撫將盧元培程汝璞肆行無忌

士子痛罵怨恨之處查明具題到日再議等因

奉

旨九卿詹事科道會議具奏欽此仰見我

皇上離照洞澈故

特下廷臣會議此正公道大彰之時可破督撫膽狗

寒松堂全集

奏疏

卷之四

之習臣無庸贅言矣但盧元培劣蹟既未考核

到部該撫自應詳查

皇上自有睿鑒惟程汝璞已經該督撫保舉公明尤

著應陞京堂

輦下閑傳以為異事賢否顛倒一至於此臣思今

日京堂之席即異日鄉貳之選也每見科道內

陞

聖心其難其慎有時停止以觀其才品若程汝璞者

一貪污匪人耳何堪濫竽清班辱

朝廷而羞當世耶臣訪其蕩檢踰閑士子怨恨前疏

請

勅禮部詳加考核不意吏部仍問之督撫而督撫已保其公明則賢不肖之相去不啻徑庭矣如臣不指其劣狀恐汝璞以榮辱得失在督撫為政又有同鄉聯宗之中書程化龍暗中掄揚而照拂之京堂可唾手而得也豈知

廟堂之上公論昭然是非可否確有不容溷淆者哉臣畧指數款敢為

皇上陳之

一童生入學各有定額本官濫取多人聽蠹書

寒松堂全集

奏疏

卷之四

幸

邢茂之等創立社師名色不論優隸賤役即

與批呈仰學入冊准作社生每府多寡不一

每名得銀一二十兩不等如烏程縣學批准

李沆陳夏嚴而溫潘永銓費存範等共二十

三名學冊可據其餘如嚴州等府淳安桐廬

遂昌等縣俱可查

一本官以訪拏有過生員為名行牌各學嚇銀

餽入免拏如歸安縣武生陸亮陸京殷儒可

啖時值丁艱不與考試駕名密訪囑本學吳

教諭密拏勒詐銀六百兩方免被害生証

一本官濫准詞狀動輒親提指事勒索康熙十

六年十二月間杭州布政司吏典方秀齡與

生員吳挺生兄弟有隙本官受賄准狀提審

至十七年四月籤拏鎖押吳挺生逼獻銀一

百二十兩錢塘學生員陳士錄吳永源過付

被害生証

一考案未發預使書役分頭播揚擇殷飛噬到

處皆然如康熙十六年歲考湖州府學蔣駿

聲應置六等托廩生夏駟餽銀五十兩拔為

三等德清學生員沈射斗餽銀五十兩拔為

寒松堂全集

奏疏

卷之四

幸

三等長興生員錢兆瀛應置六等餽銀六十

兩拔為三等惟生員李仁未餽竟置六等各

本生証

一考試各府勒索教官贄見陋規大學二十四

兩小學十二兩凡有新任亦照例餽送不餽

者口罵奴才嚇放下等以示凌辱如餘杭縣

學教諭閻僊渠赴任於十七年九月間申報

受事詳文因未餽獻捏稱錯寫名帖籤拏揚

言揭叅詐銀一百二十兩方免開教官証

一生員遺才科舉每名勒銀二十四兩後減為

十二兩方准收考取名入場以致寒士無銀三四百人於巡鹽御史衙門號哭數日本官聞知方准送場鄉試

一浙東山僻地方無人賄買其童生入學故缺額數將別縣文武童生不論籍貫即行撥補以致小邑怨恨凡係本縣造送府考冊內無名者俱係冒籍一查情弊顯然

一康熙十七年二月考試嘉興錄取嘉善儒童魏燾首名入泮因未餽獻七月曾經錄取遺才倏行牌除名詐銀四十兩復行銷牌本生

寒松堂全集奏疏卷之四

並邵教官証

一桐廬縣積蠹孫時昌董尚文侵欺康熙十四年草價銀兩里民控告藩司知縣王俊恨生員邵企聖直証發帖誘入後堂立斃杖下捏稱服毒申詳督撫批駁可據本官受賄多金不為准理以致冤枉未伸伊子邵秀魁妻皇甫氏親人王日祁羅啟兆等証

一本官訪知長興縣俊秀王宸琦王夢昌武生王兆熊家道殷實於康熙十七年三月間發票嚴查冒濫緣由行縣審究詐銀三百兩武

生王兆熊未餽除名被害生等証

一本官職司風教蕩檢踰閑每於按臨考試私帶姬妾忽以七相公乳母為名忽以閱文相公為名用輜櫓入試館肆行無忌士子非笑一嘉興府等處有十可怪之謠一可怪增廩入學一齊賣二可怪嚇詐教官罵奴輩三可怪到處出巡帶奶奶等語皆本官實蹟餘可類推

以上諸款若行查督撫誰敢將督撫所保之人從實供証即督撫必不肯將自己所保之人據

寒松堂全集奏疏卷之四

實查叅惟有九卿詹事科道

廷議於下

皇上神明乾斷於上以滿朝之公論定此案之是非如會議諸臣有一人言汝璞堪陞京堂者則臣之所言謬矣臣願甘引咎不敢辭也抑臣更有言者督撫薦舉官員從無自開事實之理况保陞京堂關係重大查督撫原疏學道邵嘉報滿文內止稱職分當然不敢侈言勞績迨江南兩撫咨會總督該督始行江安布按四司查取事實確據核覆具

題庶爲慎重今查浙撫疏內學道報滿詳文有本
道任內行過事實造冊現在等語是本官自開
事實也學道爲臬司衙門之官臬司瞻徇情面
全無核駁掩其劣蹟飾以虛詞照造藩司轉報
督撫眞所謂目無
功令心有同官總非確定之官評不過優陞之贊
助其溺職尤甚矣以後此等保薦疏內自開事
實者吏部查明駁參以存大體統乞
睿鑒施行爲此具本謹題請
旨

案於堂全集奏疏

卷之四

高

康熙十八年二月十二日十七日奉

旨九卿詹事科道一併會議具奏

都察院左都御史巨魏象樞謹

奏爲遵例自陳不職請

賜罷斥以肅察典事臣等衙門會議京察定例三品

以上堂官俱令自陳臣年六十三歲山西蔚州

人順治三年進士本年四月考選庶吉士四年

七月改授刑科給事中五年七月陞工科右給

事中七年四月轉刑科左給事中九年十二月

陞吏科都給事中十一年七月降補詹事府主

簿十二年三月陞光祿寺署正九月陞本寺寺

丞十三年六月給假省親十五年九月仍補寺

案於堂全集奏疏

卷之四

奎

丞十六年六月終養康熙八年六月丁憂十年

九月服闋十一年閏七月奉

旨來京引見八月補授貴州道監察御史十二年八

月內陞十二月陞都察院左僉都御史十三年

二月陞順天府府尹四月陞大理寺卿七月陞

戶部右侍郎十一月轉本部左侍郎十四年十

二月遇

恩詔加一級十七年七月陞補今職除十二年三月

以前事蹟過愆不開外臣在御史任內十二年

五月內爲題明盜案事罰俸一年九月內爲自

請議處事罰俸一年又在大理寺卿任內十三年七月內爲檢舉事罰俸六個月又在戶部侍郎任內十四年六月內爲檢舉事議罰俸一個月奉

旨寬免十五年七月內爲查叅事罰俸一個月九月

內爲檢舉事議罰俸一個月奉

旨寬免本月內爲檢舉事應察議援

赦免議十六年四月內爲檢舉事議罰俸一個月奉

旨寬免十七年六月內爲請照舊例收稅事奉

旨罰俸一年臣一介腐儒才庸學淺荷

寒松堂全集

奏疏

卷之四

世祖章皇帝培養生成之大德復蒙

皇上召起擢用之洪恩歷任多年毫無善狀過愆日

積負乘貽羞今忝列總憲責任重大闇劣如臣

實難勝任且以孱弱之質當衰老之年眼目昏

花心血耗竭不能爲

朝廷振揚風紀表率羣僚溺職負

恩夙夜何安茲值察典自當首黜伏乞

皇上立賜罷斥以爲尸位不職者戒庶澄敘嚴而官

方肅矣臣不勝惶悚待

命之至爲此具本謹具奏

聞

康熙十八年三月初四日奏十七日奉

旨卿端亮練達簡畀風紀著殫心供職以副委任不必引例求退該部院知道

寒松堂全集

奏疏

卷之四

七

都察院左都御史今補授刑部尚書臣魏象樞
謹

奏為驚聞

寵命直陳下情據實控辭仰乞

睿鑒事臣一介腐儒才識闇劣謬叨

簡命優擢今職蒞任九月毫無寸長前蒙

天語褒嘉謂臣居官勤慎每於奏對之時剴切詳明

不負職掌

特賜臣

御書唐詩一卷

東松堂全集奏疏

卷之四

奏

御筆清慎勤格物大字各一幅

隆恩異數訓勉兼施愧無嘉謨徒邀

曠典臣不覺感而欲泣也近者京察自陳不職亟請

罷斥奉

旨卿端亮練達簡畀風紀著殫心供職以副委任不

必引例求退該部院知道欽此臣非木石敢負

生成縱矢捐糜難酬

高厚念臣風紀之任如蚊力負山正當貪風日長吏

治不清大吏因循小民困苦之際仰見

皇上宵旰焦勞於上臣不計身家不避嫌怨奉

朝廷大公之法與海內臣工共相遵守半年以來內

而科道外而督撫叅劾之疏屢達

御覽已有澄清之機而道府以上大貪之官尚多漏

網之輩臣職司風紀夙夜兢兢其所以報効

皇上之心一刻不敢自安也頃於本月二十四日吏

部宣

旨魏象樞補授刑部尚書欽此臣跪聽

綸音感愧無地伏而思之東西南北惟

天子命爵祿名位為臣子榮曷敢控辭但臣有下情

不敢不實告於

東松堂全集奏疏

卷之四

奏

君父之前臣讀史見漢臣汲黯之言曰臣常有狗馬

之心病力不能任郡事願為中郎補過拾遺臣

之願也臣自揣才分實不如汲黯乃妄欲勉竭

愚悃激濁揚清為

皇上振肅紀綱或者貪風漸息吏治漸清大吏去其

因循小民蘇其困苦未可知也

堯舜在上夔龍在下立奏熙熙太平之治非臣所能

及臣之願亦與汲黯等耳今總憲之職業未盡

而尚書之

簡命又聞

皇上之寵榮有加而徵臣之報稱愈歉恭繹簡畀風紀着殫心供職以副委任之

旨感激惕勵寢食靡寧因敢據實控辭至臣身弱年衰之狀前已

奏明不敢瑣瀆伏乞

皇上鑒臣無欺收回成命另簡賢能俾臣勉持風紀循分盡職仰報

天恩於萬一庶幾狗馬之心得以少安矣臣不勝惶悚待

命之至爲此具本謹具奏

奏疏

聞

康熙十八年四月二十五日奏五月初二日奉旨魏象樞着加刑部尚書銜仍留原任

都察院左都御史加刑部尚書臣魏象樞謹

題爲直糾不法司官以尊

國體以明臣分事竊惟

朝廷之體至大至尊如

天在上不敢褻也不敢私也正所以不敢欺也此古今

臣子之正鵠而亦古今臣子之大防也乃不意有肆行不法如刑部主事劉源者奉

差蕪湖關收稅通商裕稅釐弊剔蠹是其職分

勅書開載甚明也源自當恪守成規不得分外生事

以致擾害商民而乃膽大心驕窮奢極欲恃才

奏疏

妄作舉動異常臣聞在差之日製造器皿等項

鳩工辦料皆肆市所無沿途座船十三四號所

過地方不敢收稅及至回京之日大車數十輛

每車各有隨護親丁三人騎馬帶械填街塞巷

宣武門外觀者如堵人不能行一時道路相傳

係

上用之物也臣聞之不勝駭異源不過收稅之官非

製造

上用器皿之官如

上用有需自

勅所司製造斷無令收稅官員製造之理如擅行製造已屬不法況稱

上用之物地方各官生疑生懼若假若真因而供應多方奉承恐後亦未可知不然數十車滿載而歸者其中又是何物即曰器皿自用而窮工極巧所費不貲此等銀兩豈有點金之術若非橫徵暴斂巧剝商賈之膏脂必其罔

上行私暗取官民之供應臣實不能為源解矣凡為臣子受

皇上之恩自當守

栗松堂全集

卷之四

聖

皇上之法源小臣也若肆行妄為顯則為小忠小信之心陰恐有千名犯分之事源雖有其心而無其事則將以

天子為敢於褻敢於私推此心也終難保其不敢欺矣倘日後權關各差聞風效尤借製造器皿之名恐嚇地方巧取商賈長貪風而開利竇皆自源一人作俑源清夜思之將何以自解乎源之驕恣貪污難逃

皇上電照但

國體不可一日不尊臣分不可一日不明臣職司

風紀有聞必告如臣所言不謬伏乞

聖明鑒察施行

康熙十八年七月二十八日題八月初四日奉旨該部嚴察議奏

栗松堂全集

奏疏

卷之四

聖

都察院左都御史加刑部尚書臣魏象樞謹
題為撫臣因循溺職仰祈

鑒察以昭風紀事竊聞治道首戒因循國法最嚴徇
庇況學道一官乃士風文教之所係倘有不公
不法撫臣自宜朝聞而夕

奏始稱克盡厥職不負

聖恩者也臣於山西巡撫土克善有不能為之解者
敢為我

皇上陳之如山西前提學道盧元培者劣員也嗜酒
賭錢無所不至衙文範士防檢蕩然該撫縱容

案松堂全集

奏疏

卷之四

雷

三年聽其肆行無忌今歲二月間考核之際方
以不謹糾參奉

旨將元培革職其不謹事情嚴提究擬該撫宜遵

旨嚴究水落石出非可以一二衙役塞責矣今新道

到任已久乃將前道事情仍未究明臣不知其

何意也夫元培貪污之款閱文之弊或詭秘難

以究詰若票生一事公然為之顯然見之乃從

來未有之奇聞撫臣可諉之不聞耶按文童入

學大學四名中學三名小學二名暫減額數捐

納濟餉武童因無捐納仍照原額不許溢取元

培每考一次無論文武童生正額之外任意多

取名不列榜票發收學名曰票生有州縣府送

考冊內有名者有州縣府送考冊內無名者有

一二次發學者有三五次發學者有書辦人等

改名改籍發學者有一字不通並無試卷發學

之後方補試卷者有此處之人冒籍發入彼學

者有發入彼學縣官不敢私收冒籍者有一處

多取一二十名不等者有一處多取四五十名

不等者約計不止千名若係捐納該銀十萬餘

兩戶部冊內可查也若係正額該入新收項下

案松堂全集

奏疏

卷之四

聖

禮兵二部冊內可查也若未經科歲考試不入

新收竟附三等學冊朦報二部忽而不查亦未

可知而各學所發紅案內或新或舊皆可查也

但新道考試在邇此時仍不查明倘各府州縣

混作生員令教官一槩送考學道一槩收考不

但士子讀書短氣學校無光將

朝廷崇文重武之休風竟成壞法亂紀之世界若非

撫臣示意元培准其額外多取元培雖膽大包

身豈敢溢額濫取目無

功令一至於此乎據臣所聞元培每考一府與撫

臣有饋獻之常規又曲爲諂媚與撫臣有賄輸之妙計臣雖不敢執以爲據但貪污之官如豺狼然人人所惡也或壞

朝廷之教化或害

朝廷之黎民尤

皇上所惡也而撫臣獨不惡之豈獨元培一人哉其屬官貪污者頗多而糾叅者絕少間有糾叅不過輕描淡寫並不摘發賍私是教之貪也即有自愛之人亦爲時勢所迫變其操守無可奈何而已貪官又何憚而不肆行耶如謂撫臣高坐

寒松堂全集

奏疏

卷之四

聖

省會耳目難周道府等官揭報未到而匿不揭報之官必是貓鼠同眠之官撫臣何不指叅一人以致上下相蒙大不法小不廉耶撫臣身在地方受封疆之重寄察吏安民是其專責士風文教更有關係如元培者既縱於前復庇於後巧卸衙役朦混結局將

皇上之明旨視爲弁髦而人心之公憤置之不問因循溺職臣不能爲撫臣解恐撫臣亦無以自解矣臣職司風紀有聞必告如臣所言不謬伏乞

聖明鑒察施行

康熙十八年七月二十八日題八月初四日奉旨該部一併嚴察議奏

寒松堂全集

奏疏

聖

都察院左都御史加刑部尚書臣魏象樞謹

題爲

君心仁愛無盡督撫實政當修恭請

嚴綸除三不便民之弊以收五便民之利事臣惟

天心仁愛萬物而法

天之心者

君也

君心仁愛百姓而體

君之心者臣也總在一已之真心以修一代之實政

而已近者捧讀

東松堂全集奏疏

卷之四

哭

上諭令各該地方大吏督率有司曉諭小民務令力

田節用多積米糧仰見我

皇上愛養斯民至意此根本之計也戶部諸臣又請

脩舉常平倉兼令鄉里自行義倉社倉以備凶

歉此補救之方也臣謂藏富於民經久不匱之

道要在有司留有餘於百姓而上官留餘於

有司則火耗私派勒詐三大弊不但於根本有

害亦於補救相妨也臣敢悉言之百姓種地有

上中下三等收穫亦有上中下三等約計豐年

上地每畝收八九斗中地次之下地又次之除

牛種人工納糧辦課而外所剩幾何贍養父母

妻子男婚女嫁歲時伏臘之用皆賴焉無奈上

官取之於有司有司乃敢取之於百姓以直省

總計之徵收錢糧每兩加火耗銀至二錢三錢

四錢五錢各不等是

國家收正賦一百萬兩百姓多費三五十萬矣又

有各項私派種種不一按糧攤酒明催暗收總

而名之曰補庫謂有司動用庫銀應令百姓補

之也分而名之曰坐派曰開徵曰包賠曰解費

曰水脚曰供應曰津貼曰運送曰預借以及無

東松堂全集奏疏

卷之四

哭

名雜差等項謂地方凡有設處俱從百姓取之

也每年私行派取者又不知幾百萬兩矣或指

人命盜案逃人戶婚田土爭訟等事每年勒詐

百姓財物者又不知幾百萬兩矣嗟哉百姓終

歲勤苦夫耕婦鋤指望西成之後保此蓋藏得

免饑寒乃因貪官逼迫致將米穀賤糶同於泥

沙即欲多積必不得之數也間有循良之吏稍

恤民命百姓所喜者上官必不喜惟喜其最不

肖善取錢者坐收漁人之利耳且從來部臣議

覆條陳諸疏不過曰如有火耗私派勒詐等弊

苦害小民者或被糾叅或被出首嚴加處分等語而已科道既不敢風聞糾叅即督撫糾叅者亦不過輕描淡寫間有一二撫臣列款指出前弊者而撫叅督審反爲脫卸不欲深求則是教猱升木矣貪風何日息民生何日遂乎爲今日計欲脩耕九餘三貴粟重農之實政斷非禁火耗杜私派嚴勒詐不可如督撫潔已奉公表率於上實心體訪有犯必糾布按道府等官看督撫爲榜樣俱不敢索取有司之錢而有司寬然有餘矣有司畏上司之糾叅必不敢巧取百姓

寒松堂全集

奏疏

卷之四

辛

之錢而百姓寬然有餘矣歲省百姓千萬兩無名之費畱在閭閻之中家給人足仰事俯育俾正賦可以早完一便也小荒可以相濟二便也盜賊可以潛消三便也逃亡可以漸歸四便也常平義社等倉可以次第舉行五便也去三不便民之事而得五便民之事庶幾哉仰副

至尊愛養斯民之盛意也地方大吏又當刻意修省崇儉黜浮正風俗而塞盜源去虛文而修實政蝗旱災傷之地倍加撫綏凋殘疲困之民作何調劑如果直省之內風清弊絕物阜民安督撫

亦可從容奏效矣孟子曰聖人治天下使有菽粟如水火菽粟如水火而民焉有不仁者乎此王道也王政也若非

皇上嚴諭申飭務去三弊以培根本督撫諸臣未能盡體

仁愛之心安能實行仁愛之政臣恐三不便民者未除而五便民者亦卒寡效矣豈於愛養有裨哉如果臣言不謬伏乞

睿鑒施行

康熙十八年七月二十八日題八月初四日奉

寒松堂全集

奏疏

卷之四

辛

旨該部確議具奏

都察院左都御史加刑部尚書臣魏象樞謹

奏為微臣溺職難辭良心不能自昧請

賜重處以回

天變事臣跪讀

上諭因地震之變謹告非常內外臣工不能精白乃

心恪盡職掌着據實自陳臣泣而思之地道者

臣道也臣不修職則地道所以有虧

天心所以示警臣自返良心何敢欺

君掩罪念臣才庸識淺身弱年衰歷任多年毫無善

狀忝司風紀勝任未能本年三月內

寒松堂全集奏疏

卷之四

幸

京察已經奏明嗣因陞補刑部尚書益加惶愧疏

請願供原職勉圖後效奉

旨將臣加刑部尚書仍留原任臣謬叨

知遇之恩矢竭犬馬之報乃職掌未盡異變忽生其

致此者必有由也夫吏治不清由督撫之貪污

致之綱紀不肅又由臣之因循致之若能整飭

羣僚激濁揚清豈至上干

天怒耶清夜自思則臣溺職之罪擢髮難贖矣我

皇上脩省方殷挽回

天變臣之素餐尸位良心何安

國法難容伏乞

勅下該部將臣嚴加處分以為後戒而地道自寧矣

臣不勝惶悚待

命之至為此具本謹具奏

聞

康熙十八年八月初二日奏本月初八日奉

旨魏象樞着照舊供職該部知道

寒松堂全集奏疏

卷之四

幸

都察院左都御史加刑部尚書臣魏象樞謹

題為遵

諭舉廉以惜人才以勵官方事臣謬任風紀不能激

濁揚清每一撫心惶愧無地前隨諸臣之後跪

聽

上諭諄諄以用得其人為要以操守清正為本又於

本月初四日隨吏部滿漢諸臣面奉

上諭更見進退黜陟務期確當之

盛心臣思用人首在知人懲貪必先獎廉謹按周官

六計弊吏曰廉善曰廉能曰廉敬曰廉正曰廉

寒松堂全集奏疏卷之四

奏

法曰廉辨威冠以廉也

京察大計冊開四註曰守曰才曰年曰政以守為

先也人生大綱有四曰忠曰孝曰廉曰節是廉

吏與忠臣孝子節烈並重也邇來吏治不清貪

以為能廉以為拙雖風俗漸染實由臣等不能

表率所致今

天語既宣之後砥礪名節者當必躍躍而興起其在

天語未布之前謹守廉隅者亦未可泯泯而無聞也

孔子曰舉爾所知臣雖不才無所知識又何敢

沒人之善以負我

皇上至公至明至虛之心哉除諸臣現任部院等衙

門皆

聖心洞悉者臣不敢舉其在外各官已經會議令督

撫將現任清正賢良者薦舉臣亦不必舉臣謹

將侍郎以下素有清廉之名者滿漢得十人為

我

皇上陳之

原任戶部侍郎雷虎滿洲人老成蘊直清名甚

著臣在戶部時司官言及此人無不嘆服臣

雖未識其面常慕其人今請告在旗聞其年

寒松堂全集奏疏卷之四

奏

齒稍衰

原任戶部侍郎班迪滿洲人居官清正臣曾共

事二年又奉

旨同查戶部各庫見其念念為

國後奉

差江西臣不知因何事處分今降級隨旗上朝

原任兵部督撫侍郎達哈塔滿洲進士清謹自

守四壁蕭然人有醇樸之風行無奔競之習

今京察降級

原任刑部侍郎高珩山東淄川縣進士性甘淡

泊志絕俗塵並不自有其身安知世有富貴
今告病在籍年過六旬

原任大理寺卿胡密子滿洲人清謹自守家道
甚貧素聞安靜之風兼有讀書之志今京察
降級隨旗上朝

原任吏部郎中內陞宋文運直隸南宮縣進士
清而且直守正不阿掌選之時錚錚有聲臣
與同時內陞識其一面今候補在籍

原任翰林院侍講蕭惟豫山東德州進士督學
畿輔大著清名士子至今頌之臣雖不識其

寒松堂全集 奏疏 卷之四

奏

高曾聞其人今終養在籍

原任湖廣布政使未任告病畢振姬山西高平
縣進士歷任部郎道員臬司清操絕世才畧
過人請告十餘年躬耕百畝猶讀古不輟臣
前以有體有用薦之左副都御史劉捷亦薦
其操守清嚴一塵不染至回籍之日一僕一
馬而外了無長物真學行兼優之人等語係
臣丙戌同榜年過六旬

原任直隸內黃縣降調知縣張沐河南上蔡縣
進士清操惠政深得民心有古循良風因註

誤鐫級去任之日老幼追送臨河尚不忍捨
其愛戴如此臣雖未識其面曾聞其人今保
舉軍前候用

原任江南嘉定縣革職知縣陸龍其浙江平湖
縣進士清操飲水愛民如子因註誤被革萬
民怨恫未去而皇皇罷市既去而家家尸祝
又聞與妻同駕小舟惟有圖書數卷其妻織
機一張而已前薦舉博學到京臣有一面之
識今丁憂在籍

寒松堂全集 奏疏 卷之四

奏

以上十人有候補者有候用者有告病者有終
養者有降級者有革職者臣祇就平日之清操
仰陳於

座右俾天下曉然知此等清廉之人當世所輕者而
朝廷特重之其曾任京官者原在器使之中
擢一人而四方觀感其曾任外官者雖無起用之例
褒一字而千載光榮皆非臣之所敢必也若臣所舉
非廉有違天下之公論臣自不敢辭咎矣統乞
睿鑒施行

康熙十八年十月初五日題十二日奉

旨據奏雷虎老成慤直清名甚著等語此人朕亦素

聞其清因補授戶部侍郎見其凡事不肯身為擔當偷安之日居多如問以本衙門官員但稱其好惟恐獲罪於人不肯直對且督脩

孝陵之時多費錢糧造冊又不開明欸項以致後來無憑稽察茲者數年以來當用兵需人凡有血氣者皆宜奉職効力之時雷虎係滿洲乃家居安逸文武之事咸無所預其身又無大病朕亦知之欲俟事平之日將此輩察處以懲怠惰規避今既經魏象樞特薦着兼禮部侍郎授為內閣學士班迪原為內庭侍衛之長因其勤慎特加簡用自為戶

葉松堂全集

奏疏

卷之四

奏

部侍郎以後嘗聞其清慎之名及差往江西所審軍機事情並未明晰問以民生苦樂又不能知緣此降級令其隨旗上朝非係未悉其故餘着吏部詳議具奏

都察院左都御史加刑部尚書臣魏象樞謹

題為川省恢復在邇軍需籌畫宜先謹謁錫管窺以佐遠畧事臣於本月初九日即抄中見奮威將軍王進寶一本為飛報恢復等事奉有官兵追剿逆賊直入漢中賊首王屏藩等敗遁恢復漢中府城之

旨仰見

天威赫濯

廟算高深非臣書生所能窺測萬一者臣此夜喜而不寐知巴蜀之恢復在邇黎民之水火可蘓矣

葉松堂全集

奏疏

卷之四

奏

但臣思兵機神速軍需浩繁正在此時雖大將行兵之法因糧於敵而逆賊蹂躪之地剝削無餘在地方各官自有接濟以資飽騰昨又奉上諭嚴責督撫諸臣諒不煩臣等之鯁鯁過慮矣惟是因其時地酌其緩急既欲米糧之速至又欲民力之稍紓妄擬四欸其可否酌行有無窒碍謹冒

天聰聊佐司農之一籌而已

一曰行遙運之法秦省幅幘甚廣小民運送甚艱若照從前長運每運一回動經千里人病畜

斃再運不能接繼合無各分地方遞相轉運或五里或十里有人民可以存身造飯之處派定人數接運米糧臣按元臣董搏霄短運之議曰海寧一境不通舟楫軍糧惟可陸運陸運之方每人行十步三十六人可行一里三百六十人可行十里三千六百人可行百里每人負米四斗以夾布囊盛之用印封識人不息肩米不着地排列成行日行五百回計路二十八里輕行十四里重行十四里可運米二百石每運給米一升可供二萬人此百里一日運糧之數也今

若倣而行之斟酌此法則糧可速運一曰減捐納之數漢中道路險遠不通舟楫捐納米糧難以驟至雖開捐納之例未能速濟合無於前議捐納之數各減一半令其捐納俟明年四月以後仍照原議之數捐納通行曉諭則人必爭先一曰鼓販米之商商人販米總欲圖利但漢中路遠搬運艱難今捐納雖開恐販米者少合無招商運販經過設兵地方沿途防衛到日照依市價聽其糶賣又於販米五百石者給與九品頂帶販米一千石者給與八品頂帶販米一千

五百石者給與七品頂帶販米二千石者以九品雜職用販米二千五百石者以八品雜職用販米三千石者以七品雜職用多者照此遞加聽督撫核明報部使彼名利兩得則商販自多一曰勸急公之民漢中州縣被賊搜索蓄積必少康熙十八年錢糧已不忍問百姓雖有急公之心實無急公之力若效順之民有願輸充餉者大張明示所收一石准算明年錢糧二石即時給與印照則急公者衆以上四款不過區區管見平平無奇如果一二可採伏乞

睿鑒

勅議施行

康熙十八年十一月十一日題十五日奉

旨九卿詹事科道會同確議具奏

都察院左都御史加刑部尚書臣魏象樞謹

題爲遵

旨明白回奏事本月初十日臣接吏部咨文內開吏科給事中李宗孔題爲劄陳不敢列名之故等事一本奉

旨這本內事情着魏象樞明白回奏該部知道欽此欽遵臣理當靜聽處分乃蒙

皇上高厚之恩令臣明白回奏臣敢不披陳巔末明白回奏本月初二日會推江西按察使一缺臣等題叅疏內已明者茲不敢復贅去年奉

寒松堂全集

奏疏

卷之四

奎

上諭九卿詹事科道會議凡奉

旨會推選用者臣等矢公矢慎揀選真正清廉賢能之人等語是日九卿等公議如將張可前張永祺舉出之張仲舉推用則唐朝彞稱其做官不好如將張仲舉不用止將宋德宜舉出之葉方恒楊大鯤推用則一正一陪俱一人所舉如另用一員諸臣又無再舉之人三者均屬不便矣此所以自辰至午茫無定議斟酌再三難以會推今九卿等具在一一可問也宗孔既云衆論紛起或以舉爲失實或以駁爲過當或以題明

爲是或以題叅爲妥此九卿之公論非臣一人

之意見明矣宗孔面對九卿並不言何者爲是

臣乃向宗孔及御史謝兆昌問衆掌科掌道主

意如何宗孔亦無一定之語臣等滿漢同官滿

漢科道同在一處商議僉云舉賢用人關係甚

大如此叅差游移成何體統都察院科道均有

言責不敢不奏彼時宗孔尚在也及九卿既散

滿稿將定之時宗孔竟諉之於臣等不言而去

臣等同官李仙根亦隨之而去矣公稿不敢送

到私宅臣等理宜差筆帖式問僉根列名上本

寒松堂全集

奏疏

卷之四

奎

否然臣等衙門並無問科臣請科臣之事宗孔

乃稱書辦至其寓所口稱都察院叫送職名臣

等亦不知何人所差滿漢科臣一一可問也宗

孔又以臣等叅伊爲吹毛索瘢爲打成一片爲

立威爲私情等語去年臣等題叅九卿啟奏不

到者宗孔云科道原係一體我們一同具疏豈

宗孔亦與臣等吹毛索瘢打成一片欲立威有

私情乎去年九卿詹事科道啓奏時面奉有各

官遇事多有託故不畫題及至後有錯處推諉

原未畫題爾等都察院科道題叅之

諭今臣等合詞題叅不敢諉之九卿者遵

上諭也去年又奉

上諭九卿詹事科道議得事應完者不即完結畫題
瞻徇故爲延捱日期如司官各該堂官題叅若
堂官科道官員題叅宗孔云有願列名者有不
願列名者不知何時定例耶若宗孔無託故無
瞻徇即當於會推之次日另爲一疏將伊不畫
題之故奏

聞何遲至初六日臣等叅伊之後始行具疏劄陳耶
至於疏末謂臣於無事中必求缺失效新進之

寒松堂全集

奏疏

卷之四

風力必欲一呼百應無敢執異者臣不知其何
心也等語臣味此數言埋藏結黨二字用意甚
毒此事乃滿稿先定譯出漢文臣酌定畫題宗
孔謂臣一呼百應果誰呼誰應乎又云不知臣
爲何心夫臣之心宗孔烏足以知之臣以匪才
起自田間蒙

皇上破格優擢位列正卿

隆恩異數千古未有臣雖肝腦塗地不足仰報萬一

躬逢

堯舜之世無偏無黨同心協力共佐太平是臣之心

也況臣三十年來叨蒙

聖訓亦嘗粗讀前史見黨禍甚烈心竊惡之臣年六
十有四身帶痼疾在世之日無幾結黨之意何
爲今宗孔因公議公叅之讐獨歸罪於臣一人
且暗暗誣臣爲黨總由臣性愚多言不近人情
使臣一生之名節盡壞有玷風紀罪何所辭惟
束身待罪靜聽

皇上處分而已緣係明白回奏字數逾額伏乞
睿鑒施行

康熙十九年三月十二日題十五日奉

寒松堂全集

奏疏

卷之四

旨該部一併察議具奏

都察院左都御史加刑部尚書臣魏象樞謹奏為遵

旨明白回奏事臣於本年十月二十六日接吏部咨內開為微臣衰老曠職實深懇祈

俯賜罷斥以安愚分以勵官常事刑部左侍郎管右侍郎事高珩奏前事等因康熙十九年十月二十四日奉

旨前魏象樞薦舉高珩疏內稱此等清廉之人當世所輕朝廷宜重等語及補用刑部要職以來並未見其寸長又經言官糾參其薦舉緣由着魏象樞

寒松堂全集 奏疏 卷之四

明白回奏該部知道欽此欽遵臣捧誦之下不勝惶恐

皇上不即賜處分令臣明白回奏臣敢不將薦舉緣由明白回奏臣蒙

天恩召用已歷九年仰見

皇上勵精圖治求賢若渴與古帝王同符臣遭逢

聖明愧不能效以人事

君之義去年七月地震以後我

皇上憂勤惕勵挽回

天心臣不才濫叨總憲溺職干和蒙

皇上不加斧鉞之誅臣正當犬馬圖報之日彼時跪聽

上諭一欵有凡遇會推選用時皆舉其平素往來交好之人但言辦事有能並不問其操守清正仰知

聖意首以操守為重臣曾具有遵

諭舉廉一疏內薦舉原任刑部侍郎高珩性甘澹泊志絕俗塵並不有其身安知世有富貴今告

病在籍年過六旬等語原因珩素有清介之名

臣於順治十六年以前在京時見珩粗衣糲食

寒松堂全集 奏疏 卷之四

李

弗顧其身閉門讀書不言富貴惟勸人行善事尚節儉似非矯廉者比臣雖未知其他長知為有守之人也故謬以清廉薦舉以備

皇上獎廉勵俗之萬一但臣自順治十六年奉

旨終養回籍以至康熙十八年薦珩之時計二十年

未見珩面殊不意珩之精力衰憊大不如昔也

昨歲珩尚未入京即蒙

特旨補授刑部侍郎

皇上重廉如此在珩身受要職自當殫心職業以報

皇恩乃到部一年屢有過愆並無寸長

聖度曲為優容今科臣又叅其衰老無才則珩之負
皇上實臣之負

皇上也總由臣識見愚昧知人不明既將珩一節之
清介輕薦於前又望其勉圖補過不即糾叅於
後自取之罪臣俱無所辭惟有席藁待罪靜聽
皇上處分以為薦舉不當之戒臣不勝戰慄待
命之至為此具本謹具奏
聞

康熙十九年十月二十七日奏十一月初五日
奉

寒松堂全集奏疏

卷之四

奏

旨這回奏情節知道了該部知道

寒松堂全集奏疏卷四

寒松堂全集目錄卷之五

詩自甲申至己亥

甲申閩賊陷寧武關周總兵戰死

甲申閩寇陷兩鎮宣鎮朱撫軍雲鎮衛撫軍

兵憲死之用前韵

甲申閩賊陷宣雲李生若葵姚生時中死之

理釣無魚次江桂庵先生韵

夜雨次桂庵先生韵

中秋夜飲北樓次桂庵先生韵

秋夜桂庵先生招同凌十齋許鷗濱飲文昌閣

寒松堂全集詩

目錄卷之五

分得梯字

補天石

漢金波泉流觴限涼字

甲申除夕集桂庵先生齋守歲次韵

遊重泰寺同看五百鐵羅漢

遊煖泉值凌十齋初度

聞雁次桂庵先生韵二首

遊玉泉山次江桂庵先生韵

玉泉山看花次吳橫溪先生韵

金龍池謁鄂國公祠同錫伯兄

懸空寺訪僧同曹子步妹丈

再過彈琴峽

南口登上方寺

自嘲

初入翰林言志

中秋出師

雪後行堤上聽流水聲

冬日早朝

憶母旋里

懷江桂庵先生

東松堂全集

目錄卷之五

送同年喬白山檢討省親歸里二首

自愧

送桑笈雲侍御謫杭州

依韵答楊沁湄掌科無送歸里

夜雨懷同學諸子


依韵答韓在中同年

報國寺松下口占二首

看韋公祠海棠不果

古藤

送聶天一同年歸蔚州



訪畢亮四同年

弔馮二瑞同年二首

贈張綠雪同垣

祝楊半玉同垣

劉公愚同年招飲水亭同九敘半玉僊友石生

右君爾執念蓋

過居庸關大風

雞鳴驛望桑乾

晚行過白登

過大同廢城

東松堂全集

目錄卷之五

三

綉女邨

望應州塔

過原平驛讀吳橫溪先生壁間詩愴然有和

忻口遇大風

剝榆歌

鴈門關述所見

介休訪三賢故蹟

宿靈石縣

韓信嶺

女媧廟三章

豫讓祠

望岷嶓山

重遊懸空寺

易州懷古

至蔚有感

癸巳元旦 賜宴恭紀有序

送孟心亭督府 陞見回西安

送王蓼航太史歸養

八月二十八日讀儀郎孔心一奏疏紀之

申鳧盟見訪

憶山屋

聞磬

十懶齋自題

可亭陳公朗同年題額志謝

七夕周芭穀成我存孫壽周集可亭我存有詩

用韵答之四首

哭譚評事韶來八首

生日感賦八首癸巳

秋航次韵四首

航河房也岳朋海先生構
既成示余詩依韵奉和

送衛印孫少司馬養病歸里

祝馬玉筍三章

古人交行為曹厚菴太史賦

送畢亮四同年分憲泰安

馬澧水叅戎請告歸蔚州復有西夏之遊賦送

二首

成子我存賦詩見慰依韵答之

病中魏石生同年惠俸米五斗志謝四首

范烈女輓詩二首

武承之將歸里夜話率成四首

胡泉畝同年自江右歸投詩見過次韵答之

集本堂全集詩

卷之五

五

送陳脊旃齋捧歸東粵

送呂見齋少宗伯歸安邑

王允調同年郵寄海圖詩以謝之

送陳大孚令遼陽

題蔚州十景

臺山積雪 官廳夜話 鐵板分流 畫樓曉照
馬頭山色 孤峯獨秀 井亭甘泉 幽亭樓閣

東湖曉望
龍崖樓早

除夕和梁慎可先生韵

除夕憶老母

元旦同年李坦園先生惠詩訂論詩之約和答

元日憶老母用李坦園先生韵

元日和梁真可先生韵

人日訪楊猶龍同年閨者以病辭走訊二首

乙未年諸公外轉有贈

癸巳春送老母歸里經河堤閱三載矣再過有感

感

送同年張伯珩廷尉請假歸陽城

湯烈母詩呈荆峴太史

薛行塢先生陳情得請即贈

送楊似公侍御省親歸閩

送馮訥生第後省親時紫乙公任江南臬司

東坡全集

卷之五

七

贈紀春曉光祿

贈劉千里貢士四首

與馬孝廉天御

送同年聶輯五侍御按甘肅便道省親

七日雨是日立秋李坦園先生有詩見貽奉答

次韵答范箕生

中秋述懷東魏石生

中秋次夜念家信久不至東王似鶴太僕

周芑穀父七十以壽冊索題

為張進士題父節母壽冊各一首

送湯泰瞻進士令南漳

五志歌有引

咏螢次王似鶴太僕韵四首

循吏歌與張開有令棗強

秋夜訪白東谷先生問禮且談詩因出斗酒款

子賦謝

單拙菴同年省親還朝再請終養

訪同年趙錦帆比部

重陽後一日訪李退菴侍御閨者以病辭作此

訊之

東坡全集

卷之五

七

送季天中給諫徙上陽

前題和王似鶴先生韵

前題和桑笈雲先生韵

前題和魏石生先生韵

答周伯衡掌科枉過可亭次韵

送薛彤許分守河東公舊按宣雲

東喬文衣

贈張行源有引

吉子謫官出都名光迪

送劉闇然先生還山

歲暮與魏公度

送同年衛澹足水部

寄張開有示勉

酬田髯淵孝廉

送周芑穀遷充西兵憲

得孟淑明先生書因見長公興符

追贈呂新吾先生呈減之同年次覺斯先生韵

酬郭卧侯同垣二首

贈絳州馬季常先生

送王近微同年分守慶陽

東松堂全集詩

卷之五

為趙香雪壽其太翁

哭魏昭華先生

送宋霞城同年分憲荊州

壽嚴太母呈灝亭掌科

拜疏

辭朝

抵謝

見母

侍藥

進封

病中送翁渭公直指還朝二首

李世唐兵憲問病榻前志謝

沈茶庵司李以詩問病次韵寄答兼送二首

仰海川叅戎問病榻前志謝

郭元菴兵憲抵謝問病志謝

蔡介磁太守問病志謝兼訊敬侯

張仲若督府拜三省之命去而思之

病中和徐雲門見懷韵二首

孫鴻臚嗣昭捧齋事竣過蔚

朱山輝僉憲問病榻前志謝

東松堂全集詩

卷之五

九

山中隱者潘藏山至蔚

聶天一卜居新構亭子走問

檄催補官知告病之請未允感賦東聶天一三

首

拜別先塋

別兄

丁酉再入都門

七月念三日

送喬文衣之湖口令

讀張樵明都諫斗齋集有送趙錦帆詩十首因

問錦帆去國之由

送楊崑岳少司寇觀太夫人

送同年張東山少司寇養病歸里

送郭臥侯掌科分憲西寧

和韵答聶天一見懷二首

和韵答徐雲門見懷二首

送孫興公少司空致政歸里

輓李少司寇慶餘先生二首

送周伯衡少叅齋捧事竣歸蕪湖二首

珊瑚棗

送朱嵩若少宰覲省太夫人

寒松堂全集詩

目錄卷之五

哭中書湯子二首名行中

喜武承之至

老母歸里紀事戊戌四月念五日

送張鏡一秀才問業歸蔚

聶天一入都補官有感

王近微同年請告歸里初構草堂成索詩

余既入都詢知工科散公逝哭而輓之

都門贈田鬲淵次韵三首

送張譙明掌科遷蕪湖分憲

送朱山輝臬憲自宣府移登州

聞曹翼宸銀臺請告

立秋前三日問高念東先生病

訪朱小晉同年移居兼懷馬玉筍年家

秋日問白東谷先生病

送張爾成侍讀分憲青州二首

李琳枝侍御以言事再下詔獄未幾復官賦此

慰之二首

烏鳥篇祝頤萃西母七十壽

徐靜庵戶曹同李退菴同卿過小齋坐談和韵

二首

寒松堂全集詩

目錄卷之五

七

九日坐李退菴同卿齋中詢其舊按湖南情形

二首

贈賣書者

贈黃心甫

贈殷伯巖

次韵寄懷申鳧盟

寄訊袁丹叔太守兼懷同年畢亮四大叅

送同年翟象陸大叅自江右移秦臬

送同年解法周遷池州太守即用見別韵

次韵和宋子飛同年齋中竹影

酬紀伯紫次韵

問韓固菴病兼訊選先儒格言竣否

送嚴灝亭掌科請假省親

送陳天綬儀部遷長沙太守次韵

輓王副憲鐵山先生

次韵答魏石生同年雨中見懷二首

送李五鹿少司農請假遷葬

送桑笈雲先生自粵西入 覲復回粵東

送馮秋水方伯入 覲復回粵東

寄江桂菴先生自蔚州歸里仍用前韵

寒松堂全集

目錄

五

題雕邱督稼圖贈同年梁葵石光祿

酬徐子星掌科次韵

懷易子然即題白鹿書院二首

次韵答同年馮易齋先生見過可亭家兄與坐

報國寺海棠用懿侯韵二首

送孫壽周奉使江南蘆政

松江太守行

陸孝山見貽端硯寄謝

送同年楊雪嵐少宗伯乞假送太夫人歸里

午日有感

與同年張伯珩登樓講學

次韵答韓固菴枉過可亭

爲上谷席秀才兄弟壽母

金母九十爲君彩縣丞志喜

懷友

送同年王藉茅復補涼州分憲

送李毅可少參分憲大同

送許傳巖掌科省親余方終養即用見贈原韵

初九集青藤館退谷先生邀同趙洞門龔芝麓

袁九敘三先生餞余分得一東

寒松堂全集

目錄

五

和韵酬龔芝麓先生兼別諸老

侍養得請再出都門

已未八月初二日

寒松堂全集 卷之五

蔚州魏象樞環溪著

詩自甲申至己亥

甲申闖賊陷寧武關周總兵戰死

公諱遇吉遼東錦州衛人賊至大戰

下死之賊陷其妻某氏皆婦女巷戰矢盡亦死

大呼高帝出城闢三百年來此一身帳下投醪多戰

士軍前拔幟是孤臣累尸不愧真男子環甲曾聞有

婦人若使將軍猶未死慧芷那敢近中宸

三月初三日作

甲申闖寇陷兩鎮宣鎮朱撫軍雲鎮衛撫軍朱

兵憲死之用前韻

朱公諱之馮順天人投鏢城樓死衛公諱景陵陝西人馬賊犯食死朱公諱家

寒松堂全集詩

卷之五

一

仕陝西人投井死

高懸節鉞鎖重關就義從容報國身關塞千金收死

士京華一臂失儒臣正當首鼠行蛇日不愧攀龍附

鳳人三老忠冤稱鼎足好將生氣護楓宸

三月初九日作

甲申闖寇陷宣雲李生若葵姚生時中死之

李

同人閩家自焚類其門曰一也全節姚宣府人投環明倫堂遺詩有報國無權餘生不美等句

二城三烈相傳久雲撫衛公遺道更有書生義並聞洋上

衣冠悲白日樓頭婦子蘊黃雲巖疆謾托專征將大

事空餘報國文十夕鼎湖龍已去不堪揮淚向山君

時余避居天聖山

理釣無魚次江桂庵先生韻

密柳層堤抱水濱亭小桂漁巾團沙結網鷗為

侶夾岸提壺草作茵璜夢九秋空入釣鯉翁千歲欲

驚人半竿明月珊瑚冷贏得金鈞照玉麟

夜兩次桂庵先生韻

如卧滄江上千濤一葉支兩翅山氣黑風割鴈聲遲

易宅心猶悔

時余方卜居

翻書念已癡邊秋淹滯客蝶夢更

依誰

桂庵先生倚寓蔚州

中秋夜飲北樓次桂庵先生韻

百尺飛樓上偏宜此夜觴素心兼似水邊月况無霜

寒松堂全集詩

卷之五

五

座影浮天白山容貼鬢蒼分來華渚液清夢濕衣裳

秋夜桂庵先生招同凌十齋許鷗濱飲文昌閣

分得稊字

虛閣隣响敲不齊雲光山色晚同躋霜殘夜動黃華

抄露冷秋風白鴈低八座千觥慚豁鼠憑高萬岫小

舍歸天門未許煙霞客棲半空燒太乙黎

閣內祀奎星樓絕頂額曰天門

補天石

登園學舍之次自桂庵先生路獲異石口占二語亦從遊諸子各成篇

半是煙雲護生公不著名如龍翻掬水豈玉出兼城

無愧當軒拜堪留一夜醒何緣還五色持以補天傾

漢金波泉流觴限涼字

桂庵先生凌十齋許鷗濱張微升伯仲圍水泛杯風作忽逆流

王氣千年寄一涼於今猶見舊提封香分柞葉離宮
派雪老金波代國龍漢文帝封此曲澗荒丘埋古瓦孤邨寒
樹背高墉幾回載酒還登眺落日秋飛掩暮鐘

甲申除夕集桂庵先生齋守歲次韻

數百年來日無如此夕長興衰千古促人物半宵忙
下士身空壯餘生醉可鄉數聲新爆竹驚引斷孤腸

遊重泰寺同看五百鐵羅漢同桂庵先生凌十齋許鵬淵同韻若

空林紺碧鎖氤氲五百莊嚴逾所聞殘碣倒埋秦與
漢老僧高卧水兼雲覺來大士光常住悟得金剛劫
亦焚歸路茫茫春雨後鐘聲十里入斜曛

東林堂全集詩

卷之五

三

遊煖泉值凌十齋初度十齋粵東舉人

離亂家何有南歸不可輕雲收山氣老石辨水痕清
傲骨潛龍護狂吟俠客驚十年悲瓠落萬里學無生

聞鴈次桂庵先生韻

喚盡風霜惜羽毛踈踈密密並雲高歸來蚤繫衡陽
字幾處晴沙幾處濤

二

斜度長江極浦時聲聲報與上林知而今故是南飛
鴈裹得殘書欲寄誰

遊玉泉山次江桂庵先生韻先生善草書

圯跡殘山寺無秋不一過因其泉在嶺且有瀑隣阿
舞袖飄雲濕飛觴曳露多歸來譚勝事逸少復籠鵝

玉泉寺看花次吳橫溪先生韻

千峰崒崒水圍腰又買花香醉一朝柳色故邨春塢
細泉聲稍傍石門遙移樽帶雪浮冰岸折屐穿雲下
板橋徙倚危欄心更遠嵐光靄靄欲相招

金龍池謁鄂國公祠同錫伯兄

直到龍池上池深不見龍俗傳龍馬出沒人常見之青山迴曲岸古樹

背高墉水隔漁村夢花開佛座供池上有水園寺鄂公遺蹟在

誰遣白雲封

東林堂全集詩

卷之五

四

題空寺訪僧同曹子步妹丈

遙聞十里鐘在山忽在水盤折叩山門老僧閒如此
巉巖綴虛空石閣輕如紙携手說飛登白雲簷外止

再過彈琴峽

埃轉峰殷斷復連驅車猶識舊山川雲迷雉堞孤村
遠翠擁丹崖小閣偏石第留千澗月冰琴忽冷萬
峰煙三年兩過悲歌地野水桃花處處鮮

南口登上方寺

折水通幽逕蘿煙曲曲封輕彈遊子劒直叩大夫松
鶴自當巖識僧緣出澗逢吾情耽半壑不上最高峰

自嘲

萬事吾何有孤吟日日勞才疎青玉案夢結白雲曹
未識張華佩空埋仲蔚蒿半生狂病骨多是爲秋招

初入翰林言志

森然古瀛洲璇室崇欽弁鼎運關八紘濟濟攬英碩
師資帝者尊鳳虬聯八席我交海內賢蘭畹忻相
藉夜半燒藜火從容翻秘籍上溯義與軒而及濂洛
澤雅志恥雕蟲至人學有獲微猷跂上哲懷邦軫蒼
赤慷慨天人間區區匪所畫骨格本嶙峋至性况深
積葵藿弗敢違主璧求無斲黽勉跂道源願洗天根
寒松堂全集詩卷之五

石

中秋出師

一夜霜飛萬里晴爭看節鉞向邊城銀蟾淨度旄頭
影玉杵高懸笳裏聲氣捲天河方洗甲風吹鐵馬欲
吞鯨霓裳曲罷鏡音息獨有清光照漢營

雪後行堤上聽流水聲

殘雪密抱水流澌一路蒼茫聽每遲自別金波寒舊
夢重過石瀨覓新知荒鴉背日飛無次禿柳含霜凍
亦垂堤外幾人高卧地出門騎馬欲何之

冬日早朝

華鐘隱隱列千官仙樂霏微劍珮珊煙靄御爐迷鳳
闕氣涵丹陛肅貂冠虬龍旭照東華日燕雀風高玉
仗寒慚附詞臣趨拜後太和惟頌五雲端

憶母旋里

避濤歸宜蚤淹留失母心恐兒牽病骨頻許寄書音
計日桃花近地名吾家豈雨深老母喜種梅臨行還誠囑詩句
莫嘗吟

懷江桂庵先生

依舊投簪入五湖蘿山煙雨自招呼直翻問菊尋松
案另寫餐雲卧雪圖夢繞茶鐺神澹薄詩通蓮社句

寒松堂全集詩

卷之五

七

高孤一龕彌勒同齋處仍有嬋娟半臂無

送同年喬白山檢討省親歸里

劍上宮霞縷縷樽前御柳團圍故國溪山有約上林
風雨誰依

又

老人暫輟藜杖遊子輕携綵衣奚囊竹硯文石不卜
同歸未歸

自愧

自愧一侗侗峻嶒世法中途寬天地小才盡鬼神工
七患防何益三餘用不窮古今藏拙地惟有聶需翁

送蔡笈雲侍御謫杭州

此去西湖是楚湘
行踪汎汎水茫茫
孤臣掩淚身將隱
倦客臨官病亦狂
泊到漁村休問渡
吹來詩雨謾驚霜
獨憐一片燕山月
不照家園稻秫香

依韻答楊沁滑掌科兼送歸里

丹心白馬舊朝陽
家世河汾傲雪霜
抗牘爭誇羊祜草
憂時屢獻越人方
何堪去國因封事
竟以投湘失鴈行
回首長安天咫尺
聖明原自鑒愚狂

夜雨懷同學諸子

必自西峰出勞勞
一夜餘淡吹榴院
小險入竹牀虛

寒松堂全集

卷之五

十

難續江郎夢纔寬
鄴架書伊人風雨
下不忍對蕭疎

依韻答韓在中同年

鴛湖綠蕙一舟輕
愁劇燕山月滿城
得句不刪池草夢
懷人合憶剎雲情

榜發後同寓天慶寺甚久

浙中海孽仍多事
天下

刑官只一平聞道
鬢眉堅似鐵邇來
贏得雪爲莖

報國寺松下口占

寒濤十月響毘盧
秦漢空傳子大夫
讀盡殘碑仍不

解幾枝飛入萬虬圖

南山有老松萬株余題曰萬虬圖

其二

猶從樹下覓金銀
落日閒僧晚閉關
石磬一聲千籟

歇徑宿風雨過西山

看韋公祠海棠不果

而今不負此回春
打疊奚囊與葛巾
何處碧山吹夜雨
幾人晴樹坐芳茵
夢回金谷嘗無定
路入桃源總未真
一自雲煙成悵望
茅亭日日掩風塵

古藤

必在周秦上城隈
是亦一床雲葉濕
三巡紫煙飛蔓曲
花疑斷枝枯石較
肥自從灰劫後欲
逐老龍歸

送聶天一同年歸蔚州

又得相逢易水濱
上林霜色滿寒筠
艱危細說官三

寒松堂全集

卷之五

八

載磊落剛消病一
身檻外朱雲心自
失橋邊司馬氣

難馴壺流處處清
堪挹應念當年釣
雪人

訪畢亮四同年

門前如太古客到
始開關猛覺煙霜
近猶非竺石間奇
文開與突道氣豁
堅頑此夜無秋夢
應從晤後刪

弔馮二瑞同年

許君身是漢留侯
生死功名未白頭
淚灑人琴無處弔
暮雲深鎖鴈門秋

又

蕭然北上忽南州
白露尊前話未休
何事邗江歸棹

晚一庭明月冷吳鉤

贈張綠雪同垣

三尺長髯七尺軀前身應許是張繡譚鋒乍接偏驚
座道氣中藏漫擊壺當世未酬青瑣夢斯人何幸皂
囊孤撐持冷古吾徒事浪說仙班有大儒

祝楊半玉同垣

雞舌含香鳳羽孤宮霞弈弈繞紅繡時逢拜手颺言
日志在匡王弼帝圖紫掖雲深趨白馬青門日近味
丹蒲祝君惟有千秋事天下蒼生賴壯夫

劉公愚同年招飲水亭同九敘半玉仙友石生

寒松堂全集詩

卷之五

九

右君爾執念蓋

客夢高寒醉不償每過先問水亭涼談盃未冷三分
笑刻燭難消一段狂積雨易深秋似水中宵宜靜月
如霜欲歸還訂聯床約不是林泉不敢商

過居庸關大風

鐵障重樓外山城一界分狂沙飛落照墊水抱孤雲
瘦怯冰橋馬慵題石峽文出關身已瘁捧日頌吾
君

鷄鳴驛望桑乾

驅馬陂陀古驛舉杯搖落山城壯士關門競渡勞人

塞北孤征乍看老柳春色愁聽寒鷄夜鳴桑洲泛一
棹去省得浮沉半生

晚行過白登

泛泛征車暮搖搖北雁過沙吹邊草急樓鎖戍雲多
好夢歸楊柳鄉心隱薜蘿千年遺漢蹟一夜轉悲歌

過大同廢城

殺氣孤城黯頽牆血濺紋黃沙三月草白骨萬家墳
劫後繁音歇愁來野哭聞車前逢故老罵賊尚紛紛

綉女郎

若箇春閨艷孤郎得命名人家春樹抄石路晚山平

寒松堂全集詩

卷之五

十

凍水攀雲宿荒苗背雪生饒多兒女態兀坐不勝情

望應州塔

十里煙雲一望通浮圖如削插長空何年種得菩提
子幻出金蓮大地中塔在古寺內

過原平驛讀吳橫溪先生壁間詩愴然有和先生

詩酒自放疎畧世情權貴利其家貴不得誣成大獄事雲先生亦含憤歎士大夫惜之

孤城角動暮砧闌壁上遺書墨未乾血到夜看情自
熱劍于秋望氣爭寒誰云文在天將喪不謂山頽夢
也殘一日沉寃千古恨由來國士報恩難

忻口過大風

慣習邊塵路今朝的未經雲穿渡口烈石走山亭
豈憚王程急終嫌夜火青簾書愁病裏贏得鬢星星

剥榆歌

黃沙日暮榆關路煙火盡絕泥塞戶路傍老翁攜穉
兒手持短鐵剥榆樹我問剥榆何所爲老翁倚馬哽
咽悲去歲死蝗前死冠數十邨落無子遺蒼蒼不恤
儂衰老獨留餘生伴荒草三日兩日乏再饘不剥榆
皮那能飽榆皮療我饑那惜榆無衣我腹縱不果寧
教我兒肥嗟乎此榆贍我父若子日食其皮皮有幾
今朝有榆且剥榆榆盡同來樹下死老翁說罷我心

寒食堂全集

卷之五

七

摧回視 君門真萬里

鴈門關述所見

邊氣春猶勁關門草未生荒陂存漢廟古寨繫羊城
逕曲隨人轉山高覺馬輕九龍亭上字石斷戍雲橫

介休訪三賢故蹟

草黯林宗墓花飛介氏田也知詢故老那敢拜高賢
古樹峰煙合殘碑石雨澣蒼英千載後誰續潞公篇

宿靈石縣

環邑皆山地疲土瘠居
民僅百餘戶詩以憂之

斗大居衝要何人撫字勞炊煙時斷續城市亦蕭騷
水近天無夏山深地不毛笛聲吹暮雨一夜旅魂消

韓信嶺

鄭留終亦死寧曰假王辜進食恩難報通牒事果誣
一邱今自古百戰有還無爲灑孤忠淚山頭草不枯

女媧廟三章

維天清虛維石頑冥煉補而後孰辨厥形

又

天可問乎不得其門何如未補仲之可捫

又

五色既成渾圓無漏西北不完伊誰之咎

豫讓祠

寒食堂全集

卷之五

七

祠前碧草恨難消歲歲鄉人束素茅誓死漆身圖報
後白雲還遠豫公橋

望嶠壩山

壬午秋同盛俊年兄訪入嶠壩前溪冷遂不
果訪漁者村中捕得大鯉作膾飲至夜乃歸

見山如見友相對忽開顏竟以神情合偏教杖屨閒
十年驚戰伐幾度怯登攀記得漁村路維舟又一灣

重遊懸空寺

溪聲接梵音石竇封瑤草我尋舊日僧山門猶未掃

易州懷古

易水東流淚欲波當年七首暗消磨城邊尚鎖荆卿
憾老樹啼烏向北多

至蔚有感

冉冉征雲片鈇孤停驂聯問季鷹鱸狂名盡改當年
舊諫草全焚一字無病後妻孥翻易擲亂餘城市總
堪圖何時乞得青山許任却煙霞老壯夫

時採詔事竣抱病將北上復

癸巳元旦 賜宴恭紀 有序

是日朝賀大宴羣臣畢上特召內三院輔臣學士及都院寺卿國子監祭酒六科都給事中各掌道御史三十四人賜宴於保和殿臣象樞長史垣得與盛事上問年同籍問某科成進士飲餚皆出大內陪觀諸國所進舞樂雜劇瞻仰天顏喜溢交泰賦詩紀之

合殿初收萬國琛紫微垣內接 綸音風高九譯當

寒松堂全集 詩 卷之五

筵布雲擁三台傍 闕深蒲柳氣涵君子日替工情

愜 聖人心侍中經席誰堪遜濫竊銀幡不敢簪

送孟心亭督府 陞見回西安

督府從龍彥三邊叩 闕臣蒼生勞白髮紫塞斷青

燐不有麒麟畫焉知鎖鑰人當年兵入晉談笑大河

濱

送王夢航太史歸養 同年以終養請者自夢航始

拾取煙雲半篋輕嵩巖卜築豈逃名十年浪送之官

友一輩初言侍母情未許參軍忘舊舍已同司業愛

諸生君歸尚有天涯子不是離羣淚亦傾

八月二十八日讀儀即孔心一奏疏紀之 時余以奏事字

有誤檢舉候節議

左掖回天愧不如離宮 勅下 午門初孤臣待佩
承 恩袂素商爭還議禮書覆過曹參元宿望於遺
汲黯肯阿譽人豪莫惜當廷少穩載即官六尺輿

申島盟見訪

芥堂高卧眼如冰百尺樓頭客再登權掃舊門君有
謂欲留高士我何憑興言藥餌忘勾漏 鬼盟接余異方許可詩
人折右丞一輩論交誰面熟竹筒好寄白雲僧

憶山屋 舊口讀書于此

寒松堂全集 詩 卷之五

古寺連書屋登臨接梵臺人歸多見月客入始銜杯

樹黑雕飛過峰高鹿下來不知雲去後幾處又花開

聞蟬

數日雲堆戶聞聲恰此宵疑從花半落懶向雨前招
物氣因兵老天心罷客驕年來星鬢異為爾怨難消

十懶齋自題

歲食并州米神皋却是家世情踈吊賀吾道隔煙霞
漫綴烏絲簡空招白雪艦玳環都有命蕭散任天涯

可亭陳公朗同年題額志謝

客從亭子上偶爾命名時一字行藏錄千秋道德師

簷孤分月小竹瘦得煙遲欲待中郎至清宵共笛吹

七夕周芑穀成我存孫壽周集可亭我存有詩

用韻答之

愛此亭陰下相將有鶴羣雅追河朔宴騷壓北山文

不問三湘月都來病不至難收五嶽雲剖瓜渾浪說肯逐俗

紛紛

二

夢紅三尺許那辨綠萼初似水堪迴懼無山更卜居

白雲封鏡石黃竹繫籃輿不羨袁居士牀頭讀異書

三

寒松堂全集詩

卷之五

入秋方輟雨昨夜復聞雷白下憂龍亢雲中數上聲鴈

來得無碑已碎豈可硯成灰珠米饑長望真同止渴

梅時憂旱家鄉送米未至

四

逢年無一技懶性自來殊顧影羞韓孟知名溷白蘇

病中蝸角細雲外鴈行孤七尺雖無忝難酬育我劬

哭譚評事詔來八首名鳳嶺

竟奪斯人去天空老驥羣戶高曾治獄才盡合修文

漢水凌杯土燕山落片雲中郎題墓日白石忌續紛

二

不葬江魚腹羞同鷺鳥羣王喬棺有識賈誼誅無文

破館留殘席空庭起凍雲榻前曾握手未覺念頭紛

余語詔來曰心勿有家有身斯有家也心勿有官有官是無身也譚子唯唯

三

白日瀟瀟兩人兼鬼作羣探奇誰問字緘口莫談文

夜聽秋猿哭晴看野鶴雲旅中家祭缺酌酒任紛紛

四

放開無界眼大塊亦人羣余語詔來曰天在頭上心在腔子裏相去不甚遠耳蚌死珠

含蕊麟生筆絕文詔來遠腹育男宦情餘瓊露鄉夢等浮雲天

問如終答蒼公日日紛

寒松堂全集詩

卷之五

五

及門三子過周芑穀成我存孫壽周痛哭說離羣地撤康成座天

燒杜牧文孤翹迷漢口譚家素縈濕江雲元伯多良友

經營事不紛曹厚庵經紀後事

六

一死終無憾謀生已不羣舉家誰就祿退食只論文

姓字留黃榜肝腸誌白雲日昏長命燭羞照紙錢紛

七

朝看蜚蟻穴暮散鵲鴿羣詔來有胞第二人漫寫辭家計空傳

得第文珠幾連日月鬼魅失風雲入世多愁緒於今

忽解紛

八

羈覓漂異土過鴈不歸羣有墓封和墳無山卧少文
塵埋三尺劍哭斷一湖雲誰說燕臺上黃金似雪紛

生日感賦八首

癸巳

墮盡孤臣淚年華剝復中天勞風雨護命敵鬼神攻
計日抽簪誤宏景掛冠年三十六何人折節通不才辜聖主那

羨鹿皮翁

二

策得天山卦投著祝少微頻年歸計左西月謗書飛

寒事堂全集詩

卷之五

七

氣化紛難定風濤靜不違老親多涕淚更爲補朝衣

三

攬鏡如登嶽蕭然萬壑孤三秋毛骨立一榻鹿麋呼

劍鏑天君子樗根地腐儒壯懷都折盡穩欲戢桑弧

四

襖被吾家例行行下澤過客星雙鬢老怕嶽一峰多
影對孤飛鴈眉傷屢妬娥虛名全不避十載意如何

五

尺寸何曾報經年受國恩室家隨命置封事與天
論夢乞東陵晚心傾北斗尊蹉跎餘病骨忍淚向高

閣

六

辟穀非良術鴟夷亦偶然多情車馬上獨覺夢覓邊
酒爲看兒舉書因慰母傳不辭婚宦拙俠氣遜幽燕

七

挫盡青山氣吟成白鴈秋形骸歸藥臼姓字托書樓
自愛心如水何妨命不候故人雲壑外音信各悠悠

八

吾家歸未得五嶽是誰家歲月真蕉鹿文章亦畫蛇
官閒僮僕懶舌在友朋嗟祇合尊狂狷休令兩鬢華

寒林堂全集詩

卷之五

八

秋舫次韻

船河房也岳朋海先生撰
既成示余詩依韻奉和

一亭可可際林霏客到踈櫺漫折衣其雨故催青嶂
入無雲不傍綠簷飛書臨曲水花爲槩石卧寒沙夢
有磯漢署風流誰可並絲毫獨向鳳池揮

二

御前撤燭叩雲霏石上斑斕護紫衣畫舸孤懸雙浦
夜寒樽倒接暮煙飛難辭九節供遊杖更訪三生作
釣磯桐葉蕉華嘗不掃等閒一抱紫瓊揮

三

面而銀塘逐夕霏每因秋事欲沾衣榆關月向青萍

照瘴海雲將白羽飛留客並登元禮舫築臺平汴子
陵磯神州自許高人住獨有峰煙去不揮

四

酒後論文珠玉霏五雲難拂舊荷衣胸藏萬經官俱
冷手摘雙星座欲飛老鴈啣蘆依石案隣兒折菱上
漁磯秦州萬里銷烽火卧聽長安玉杵揮

送衛邵孫少司馬養病歸里

景明山色入煙霏

景明山
屬蜀沃

十載金門說翠微朝右不同

三晉望斗南今見一人歸詩成報客粉榆舊酒熟看
花筍蕨肥付託蒼生難弟在祇宜高卧掩荆扉

東坡全集

卷之五

七

祝馬王筍三章二章章六句一章章四句

瞻九畹兮惟蘭與蕙彼君子兮高賢之裔跂予望之
克承家世

問彼銓衡僉曰克當進之退之以廉以讓

公齒壯矣祝不在齒匪德曷師匪道曷履履志伊何
願祝以此

古人交行為曹厚菴太史賦

舉世交情薄如此厚庵古道猶堪紀平生至性擬醇
醪所貴道義及生死而况濂洛學無私紵衣縞帶誰
復齒伊友譚子曰鳳楨長而同譜幼同里莖仕廷評

廉且仁有鵬飛來竟不起一衾一棺尚艱辛素車白
馬亟相視合殮已周問家人側室育男色憂喜遺珠
居然掌上看可憐蚌去珠無倚路人匪無乳哺心躊
躕莫如室中婢老嫗抱來始命名名振仰天爲祝譚家
祀至今晨夕風雨問撫摩時向襁褓裏巨卿有友合
淡交伯道無兒豈至理君不見漢水湯湯自東流北
却之下哭聲已

送畢亮四同年分憲泰安

之官臨泰嶽誰復嘆風塵星照東藩路襟分北斗人
宦情新襖被王事古綸巾悵燕山暮雲龍未可親

東坡全集

卷之五

七

馬澧水參戎請告歸蔚州復有西夏之遊賦送

公先人及昆仲俱
元戎工草書善詩

四世元戎府將軍是故家山川多戰蹟兄弟老邊沙
劍鼻黃雲滿旄頭白日斜賀蘭知姓字兒女問萱花

二

已愜登臨志仍尋汗漫遊馬遲星宿外家在水煙頭
愛我情非宦憐君命不侯歸來同洛社咏盡碧

公別墅
屬汾陽

山秋

成子我存以詩見慰依韻答之

馬蹄催雨意駸駸忽爾遲迴向客吟身傍 玉關仍

露待氣高銀漢復秋尋鄉思設託龜兼筮世網全踈影及余剩有餘狂終不改十年牽碎老人心

病中魏石生同年惠俸米五斗志謝

讀書聲接鴈聲孤日午開門一札呼明說稻梁恩未絕不因生事餉雕胡

二

舉家食粥分相安敢向誰門乞大官自署米鹽三四

時內人歸侍老母

知君相贈是琅玕

三

半燒荷葉半研霜

出東垣

贏得脾家有太倉却病不須

東林堂全集詩

卷之五

圭

延辟穀道人曾爲鶴舂糧

四

稔知麟脯到門稀花下留賓典葛衣不是烏程渾不厭肯教輕載一船歸

范烈女輓詩

烈女許聘易水田子適倉田未娶以病歿女亦服毒死有海草變白之異

力挽天心一氣中殉花血盡失殷紅可憐地下從夫女亦在蕭蕭易水東

二

不疑夫面與夫心生死閨門意獨深石上幾行貞烈字更無初念到而今

武承之將歸里夜話率成四首

十年真畏友一話慰三生性至通神鬼愁來感弟兄何途窮欲哭是器晚堪成自愧登科登胸中更不平

二

家國都無補連宵細細商偶因高士去益覺野人狂世法深難問吾心老欲傷塞翁曾失馬何用卜行藏

承之善卜筮

三

旅況依然是官衙盡日閒手摹陶令傳身卧少文山筆硯留三昧冰霜淨一頑有愁難寄去只在鬢毛間

東林堂全集詩

卷之五

圭

承之善談禪

四

吾母知君返愁予又若何偶因詩債少賺得酒人過舌免多言刺身從勿藥和到家煩致語謫去是恩波胡東畝同年自江右歸投詩見過次韻答之

孤鶴飛飛下草堂亂離纔說覺神傷一官束帶空南北十載看雲任白蒼彩筆共題燕市月素心還憶塞垣霜可容洛社人相約去剪山中薜荔裳

送陳眷旃齊捧歸東粵

驛路星高拜闕初袖中曾見石公書誰從瘴雨蠻

煙外不負綸巾羽扇餘海國瘡痍真痛哭王家征戰
自儲胥殘疆莫說君堪借應許勞人駕驚車

送呂見齋少宗伯歸安邑

大儒相繼出承明誰向中原問老成無過幸邀明
主鑒是人都以道心迎日邊孤樹漚千點先生以霍下

高朋室幾莖

老及二人皆山房先生重之

官去祇留方寸地謾從勾漏

乞長生

王允調同年郵寄海圖詩以謝之

蓬萊閣上神仙吏公餘著書半遊記昔日許我滄海
圖一函遠自登州寄夜來風雨滿空齋紙上疑有蛟

寒林堂全集詩

卷之五

七

龍睡晨起展玩形勝多日月樓臺紛位置亦有撫琴
動操時伯牙舊蹟何人誌洪濤初沒兩潮中狂魚知

望法星避半生不遂五嶽心十年徒灑江湖淚安得
置身十洲三島間手把皇石一顆揚一觶

石子出皇城形實文彩甚異紀

春曉為余言東坡怪石供或即此類

贈陳大孚令遼陽

海內異人誰能遣我見大孚歡如舊昔年出宰不問
家及今尚卜條霍岫喪亂未死必有為丈夫取言鬼
神佑青鞵布襪來京華十洲五嶽藏襟袖有時捉得
地下龍有時欲摘天上宿不然子午元關開三十六

題蔚州十景

臺山積雪 官廳夜語 馬頭山色 孤峯獨秀 鐵板分流 靈仙曉照 東湖曉望 井亭甘泉 仙亭果鶴 龜崖樓翠

太白高峰第一孤誰分鐵板望東湖靈仙夜答宮巖
語幽鶴時眺玉井呼谷裏元龜通地氣臺邊積雪冷
天樞馬頭山色連西北曾入媧皇煉石無

寒林堂全集詩

卷之五

除夕和梁慎可先生韻

灑淚陳情已十朝十八日具請假呈還憐歲事等虛飄無魚自

解馮讎缺有鳳空吹弄玉簫都下賜花人欲老夢中
談易鬼尤驕歸家好借東風力莫惜流光駐此宵

除夕憶老母

又是椒花日嗟哉老大兒祜親惟斤斗傳訊自含飴
愧乏終年祿空懸兩地醫好看新氣色仁孝布恩時

元日同年李坦園先生惠詩訂論詩之約和答
荀家夜看斗邊星報到詩來即啓局上苑新篇推應
制前宵雅例薦維馨用賈島詩事誰占歲草豐年兆獨愧秋

蒲弱質零寄託幽懷春正好高軒幾日過閒亭

元日憶老母用李坦園先生韻

昨歲萱闈鬢已星南樓此日倚柴扃書來漫草依親

疏節事單郵貢佛馨連意五世田園今廢陞六親家室

半凋零白雲一片飛難定擬額吾亭住望亭老母治家勤且儉待

香獨尤厚抱病以來不及周顧故中聯及之

元日和梁慎可先生韻

扈蹕遙瞻北斗前時駕幸海子免慶賀禮一年京洛又春盤關心

歲月釀于酒過眼風雲捷似丸太史詩成回萬竈黃

門疏上動千巒朱顏鶴髮真萊子獨唱高堂白雪寒

寒林堂全集詩

時有哀民詩及乞嶽山林恩疏與慎翁詩並傳云

人日訪楊猶龍同年聞者以病辭走訊

一刺羞登九列扉扣君羅雀又相逢石渠天祿觀摩

盡定檢蒙莊學化機

二

鑿穿苑壁久無憂人日人來避若讐賦就不醫司馬

渴一番新歷又科頭

乙未年諸公外轉有贈

清時簡在每承恩使節新垂帝語溫汲黯班行曾

有借魏舒僕被欲何言夢回丹闕星辰動淚盡蒼生

耳目尊謝得當朝諸侍從好將珥筆記臨軒

癸巳春送老母歸里經河堤閱三載矣再過有

感

堤路慈輿過重遊只暗歎白鵝通水氣黃柳蘊天機

失馬升沉驗縫衣歲月違聖恩元不靳誰滯一身

歸

送同年張伯珩廷尉請假歸陽城

大恩頻錫半公卿又少中流一柱橫京兆鼓桴新報

績江淮草木舊知名三年積雨慈親淚五月瞻雲孝

子情共說于公真長者肯教廷尉倚山城

寒林堂全集詩

湯烈母詩呈荆峴太史

域內畫九州坤氣厚中土我聞孝烈風大者足千古

按狀詢里人肅衽話湯母湯母睢望族經傳稔能補

閭德何其崇小節亦慎取所以饋養謀不厭糠粃苦

比歲值凶荒寇盜羣相侮天平厄皇家大亂自壬午

衣冠或失身騶虞半豺虎獨矢完令名巡遠直接武

北向鵬朝廷賊辜一一數慷慨嬰刀鋒正色奪羣

瑜甲申王師來妖彗不復覩安知非義覓化作將

軍斧耿耿丘壠間深夜鬱風雨視彼齷齪徒草木同

朽腐

薛行塢先生陳情得請卽贈

親親疏入得嘉音感激 中朝大德深十稔辭家雲
漠漠小臣何日格 天心

送楊似公侍御省親歸閩

大雅閩中望交遊叔度賢登朝餘痛哭入里問烽煙
豈念蓴鱸舊多因戰伐偏萱闈何地穩海戍幾時還
豺虎驕長夜風雷護遠天乘驄身未老歸權會悠然
送馮訥生第後省親時紫乙公任江南臬司

美爾新登第居然學老萊世家傳晉士國士賦燕臺
就日仙舟泛沿江錦篋開綠袍兼五色初向鳳池回
奉松李全集詩 卷之五

贈紀春曉光祿

勝友聯冰署如君更可師肝腸無曲護出處得難危
令伯官難去馮唐世莫知十年膠海望吾道尚存之

贈劉千里貢士四首

廣濟人著述甚富講學漢上士多師之

東壁聯荆楚藜光近石渠千言名世策七發古人書
只合隆中望難從洛下居鬢眉橫老氣龍性欲何如

二

大儒生不偶今日見鵝湖姓字前朝變衣冠半世孤
直堪追守藏去聲寧欲老潛夫聞說公車後三湘憶哲

模

三

門下多佳士猶然拜李膺園橋新入穀石室舊傳燈
不負天人問全因氣運興自嫌迂拙甚先謝秘書丞

四

兵火連江漢高人獨布衣乍逢 新詔出仍載異書
歸上國驚王粲中原想陸機佇看雲壑業不是宦情
微

與馬孝廉天御

愛爾都人士居然號白眉雄文留漢氣雅句擬韓詩
事業千秋許風雲一日資矢將遲暮意伊洛有餘師

奉松李全集詩

卷之五

五

送同年聶輯五侍御按甘肅便道省親

皇華十道雨漫漫親舍依然入望寬萬里行邊先問
俗幾年待漏忽承歡重摩厲角清還要並策鳩頭健
且安下里不知驄馬急繡衣時作綠衣看

七夕雨是日立秋李坦園先生有詩見貽奉答
積雨兼城郭新涼別一天千峰黃鵠立九土赤龍跼
道合詩無忌秋生帝有權近聞年穀兆誰達 至尊

前時有殺生
雙穗之報

次韻答范箕生

吾道中流日龍門有客登投交簪紱少格物鳥魚興

病骨支燕市秋懷寫社陵卧遊渾不厭樽酒露華凝
中秋述懷東魏石生

執戟君門分所安那堪節序入愁寬秋來自覺身無
恙月滿曾經夢幾端弱婦近年依井臼遊兒何處覓
樽盤獨憐萬古光明夜不近高堂不忍看

中秋次夜念家信久不至東王似鶴太僕

華髮南樓夜星河接素眸敢勞前夕月仍掛一天秋
海嶠珠光白邊關鴈影浮自從書信去消息對簾鉤

周芑穀父七十以壽冊索題

君家給事舞萊衣堂上今年是古稀世德真能傳一

寒松堂全集詩

卷之五

五

硯綸書曾已到雙扉閒看碧海星槎過每索黃門諫
草歸齒列上庠尤不愧仙郎清白有光輝

為張進士題父節母壽冊各一首

明運知難挽先生竟不存乾坤多正氣秦晉一幽寬
直筆輸良史狂歌慰九原興朝隆節義何處薦秋

繁

二

萱室稱觴日仙郎出宰時白雲通華嶽青鳥出瑤池
北地文星迥江城畫舫遲好將新政蹟先慰倚門思

送湯泰瞻進士令南寧

險絕南漳縣看君匹馬行吏人應佩劍長者莫談兵
薊野風雲薄襄江虎豹橫甘棠思不淺會與峴山平
先任常樂有廉
聲士民思之

五志歌 有引

和秋之二三倪金吾日堂邀同孫鴻臚昭王儀部近微宋樞部
霞城斗酒雅集循往例也是日各言所志既無戲謔兼有勸勉余
作長歌

大火西流雷雨迫長安半是驚秋客客中有客不可
尋相招一過金吾宅舉杯未飲說鄉音邇來白米值
黃金夏逋已多秋令急靈州況復少甘霖聞道青驄
走上谷豺狼梟虎不食肉昨夜猶哭城市間自分爪

寒松堂全集詩

卷之五

五

牙無遺族快哉里井贖太平歲歲好月照邊城海內
願聞歌鼓腹吾身進退寧關情客曰人生各有志嗣
昭一呼千人避世上都說九轉爐子也學仙不學吏
為問霞城何所言塞草無煙白日昏矢買義田明萬
口平生溫飽安足論近微胸次獨皎皎滿眼相看俱
花鳥一斗一篇興悠然謾言此外知多少座間誰稱
最少年日章自顧神龍隱白馬錦鞍倭子鐵男兒只
欲上凌煙此時魏生難默默喉中欲出心轉惻愧無
尺寸答 君玉何如老農安稼穡君不見潘岳奉板
輿當年那羨駟馬車又不見宏景去神武迄今隱居

化塵土心如日口如著長歌莫教雪兒知

咏螢次王似鶴太僕韻四首

詎是星芒動分明到竹扉迎風偏落落帶雨故飛飛
精氣秋難腐身名晚更微自垂崑谷令爲爾惜殘輝

二

埋光宜大經珍重出品簾自愛周身影羞爭滿地炎
檻花時有色荆露夜空霑不及南山豹衣毛總欲潛

三

會識溫風盡連宵幾度看疑煙歸別浦留影過輕紈
故國心難照高樓眼欲寒老人驚物候雙鬢雪漫漫

寒松堂全集

卷之五

三十一

四

神奇通萬有此物出炎蒸欲逗疎林月還添暗室燈
中宵窺玉案孤夢託金繩搖落終飛去羈人却不勝

循吏歌與張開有令棗強

君不見人籍柔茅水歸壑慈惠不深俗易薄又不見
羊牽則卻驅則行峻法徒滋飲食爭漢廷多少循良
吏政教劃然得其平張子開有本長者二十倜儻三
十雅自從謁選入承明堅樸渾如金在冶相見會云
嚼菜根俯首雪涕就我言幼服庭訓矢清白躑躅反
盧辱公門近日蒙 恩殊不少 召入太和瞻 天

表尾附諸臣 賜宴歸金盤玉盃香繚繞異等忝廁

分榮名何以副之心怍怍男兒學吏女學婦得無一
指臨蒼生愧子難悉作吏苦惟嘆今人不如古古人
愛身今愛官此身一失官何補以爾素性甘清貧滿
眼瘡痍繫爾身榮辱得失天所主豈肯攫民媚他人
民乎民乎盡殘喘頻年水旱多展轉 功令初嚴匿
逃家生怕吏人驚鷄犬棗壤況復接二東大盜飄忽
勢難窮鈴柝夜聞城市肅狐鼠乘隙不敢訖諺云賈
人有牛庖人割用剛用柔吾自擬佇望循聲滿恒陽
傳中猶紀真衣鉢嗟乎初志如山不可奪

寒松堂全集

卷之五

三十二

秋夜訪白東谷先生問禮且談詩因出斗酒款

予賦謝

夜拂香山座秋燈話不禁老成渾在眼恭讓却無心
杜甫詩懷潤猶龍道氣深半生勞記憶家世有鴻箴
單拙庵同年省親還 朝再請終養

其有陳情意君今得再歸應知頻上疏不忍又縫衣
祿薄親心得家貧客夢稀傳來詩句好北鴈正飛飛
公有歸山詩六
首一時傳誦

訪同年趙錦帆比部

淹留不敢問醉後淚雙垂作賦才難量爲郎宦獨遲

春雲孤少室客夢老燕夫最是元龍輩交情若有私

重陽後一日訪李退菴侍御聞者以病辭作此

訊之

釣石瀕江不可溫又經風雨動高原自封丹葉秋臨
帖獨擁黃華晚開門柱下有人新日月 座邊無闕
古乾坤謾將詩句邀山簡共倚書牀擊大鐃

送季天中給諫徙上陽

掖垣封事下秋官責爾疎狂敢自寬臣罪尚餘千古
憾 主恩猶賜一家安廣陵雲起遲遲望鐵嶺風高
細細餐直北六星何處照老親終日倚門看

寒松堂全集詩

卷之五

圭

前題和王似鶴先生韻

初心那敢薄淮陽此日真同華表翔萬里孤臣空灑
淚 中朝美事自垂裳天高祇見霜華白地絕平吞
月氣黃出塞諸公今亦老共看留守射天狼

前題和桑笈雲先生韻

檻車東去晚秋天彷彿西湖范蠡船終日踟蹰 君
萬壽百年思報母三遷好將書卷樓頭護自有風雷
海外懸迴想津門封錦纜小臣方信是訛傳

前題和魏石生先生韻

漢廷喉舌禁多疑況屬 君王座右詞午夜燒燈癡

僕語幾年簪筆諫臣思忠州自合行醫便僭耳曾聞
赴召遲幸得一身還許國鵠行莫爲故人悲

答周伯衡掌科枉過可亭次韻

草色花香亂不鋤市朝猶卜野人居高軒入夜驚皇
甫舊牘含霜拜史魚素髮悲涼猶細細冰心拓落自
如如十年珍重燕山客讀得新詩即道書

送薛彤許分守河東 公舊按宣雲

昔年塞北乘驄出今日河東仗節遊白簡清霜知按
部新詩濁酒憶登樓路迴王屋家堪問身近高堂涕
欲收出處莫增今昔感蒼生何地不關愁

寒松堂全集詩

卷之五

圭

東喬文衣

數年驚宦海無日不高吟冰雪幽人氣琴書俠士心
世情添白髮交誼冷黃金留客坐山月牀頭話古今

贈張行源 有引

行源尊人九萬公以新翰令值金逆之變罵賊不屈賊手刃之妻
妾弟媳皆遇害時行源隻身扶柩難阻備嘗萬里無恙余與行源
官先祿聞頗
悉敬而賦之

先世幽光迴不回蓼莪聲斷也哀哀半生血淚雙孤
盡九死風濤一櫓來人識忠門多令子天教寒暑老
中材應思他日酬恩地清白還從節烈開

吉子謫官出都 名允迪

吉子中 去朝風萬壑吹亂雲連古道寒鳥坐枯枝
五斗腰還折三緘口自持半生師大俠滿海任人知
送劉聞然先生還山

曾見臨軒遣大臣東山初起 詔還新承 恩益覺
丹心苦去國方知白髮真自是 聖朝容解綬不妨
吾道有垂綸紫霞亭畔 兒孫出雲外驚看一老人

歲暮與魏公度

舊作闕門吏驚聞道氣深如愚長者貌無欲古人心
栢葉新將黃梅花老更吟行年正強仕趨向每駸駸

集松堂全集

卷之五

五

送同年衛澹足水部

三月孤舟穩攤書到白門鶯花資耳目雲樹滿乾坤
水國籌方大名山道益尊願追先輩業一卷細評論

時稿贈子
遺書付梓

寄張開有示勉

百里結歌四壁春千秋直道在斯民每當中夜焚香
處應念高堂白髮人

田鼎淵孝廉

海內居雲歸此日廬中抱膝屬何人大江行地堪經
緯元德先天自屈伸萬里間關無俗夢九州聲氣有

同倫我來欲讀新詩句白鶴沙鷗未可親

送周芑穀遷充西兵憲

數年通籍後今日始臨民器使歸 仁主分猷體大
臣霜清狐穴閉河塞蟻堤新不改梧垣素聲名慰老
親

得孟淑明先生書因見長公與符

有客翩翩至重開萬里書問師丹壑外念爾白雲初
國器天相助家門道自舒一身依日月雙壁復何如
追贈呂新吾先生呈減之同年次覺斯先生韻

不到藏書閣高風那可尋嵩雲秋漠漠洛澤晚陰陰

集松堂全集

卷之五

五

道絕中原憾天留萬古心家聲還不墜麟鳳有遺音

酬郭卧侯同垣二首

邊城斗大推廉卓海內文章屬卧侯從此相期惟太
上公餘每上讀書樓

二

曾向垣中讀諫書少年賈誼近何如一時言路多君
子還爲蒼生鬢髮疎

贈絳州馬季常先生

霍下披裘曷太虛從來絳縣有仙居堂前草色垂新
帶帳外經聲接素聞湖海但容高士卧煙霞真滿異

人裾生兒已自承家學猶勝柴桑不讀書

送王近微同年分守慶陽

腰下吳鉤久不懸
重看畫戟出幽燕
神明有定詩堪
筮功令無私宦亦仙
評吏夜張青玉案
省耕春駐白雲
阡明年鴈叫桑乾
曲知和先生第幾篇
公應堪任養民之舉特轉監司
偶以詩卜得慶陽亦是先王地之句遂知為識云

為趙香雪壽其太翁

巾扇風流更不如
名山著作幾多書
仲舒垂老耽經術
李烹當年却聘車
世外滄桑何處穩
夢中蝴蝶一身虛
仙郎稔許工詞賦
吾道蕭然付石渠

東松堂全集詩卷之五

哭魏昭華先生

昔年未去身猶健
昨夜空傷萬里魂
海上鯉魚騎白日
庭前鵬鳥下黃昏
遺書暗灑孤臣血
垂死仍啣故國恩
最是聖朝容直諫
許君骸骨葬平原

送宋霞城同年分憲荊州

車過荆門柿未紅
南人却欲識韓公
衣袍自浣三湘月
豺虎空騎萬壑風
好友夢隨長鋏去
老親家在白雲中
平生血性知難減
定有剛柔濟世功

壽嚴太母呈灝亭掌科

吾聞古人之壽德為基
嚴氏堅德山不移
閨中阿母

稱嚴師六月六日酌金卮
金卮初進色委蛇
欲飲未飲心憂思
憶昔十五始結褵
聞說清白家訓垂堂下

井臼親操持
簪中簪珥不敢私
四十年來苦如飴
此意浪教兒孫知
爾時酌酒復進辭
白兒捧檄甘旨虧
有祿倖免入口
饑士安板輿何能為
老母聽之轉怡怡
為喜生兒際良時
蚤讀中秘侍丹墀
天子書名列眾恩
重許左右職
諫規白馬騎出梧掖
遲謹言更與家聲宜
酒卮三進七箸施
諸孫遠膝歌麗眉
子也有母久別離
行年望七髮絲絲
欲就升斗筋力衰
門閭日夕生千悲
書來但呼不孝兒
嗟哉嗟哉不孝兒

東松堂全集詩卷之五

范式堂前拜老慈

拜疏

齋沐中宵起
燈光復爛然
十年遊子淚兩疏
聖人前令甲垂星
日肝腸託地天
綸音何日下為報
白雲邊

辭朝

曉騎趨天陌
平明拜紫微
敢言違帝座
聊得奉親闈
輦下風雲重
山中藥石稀
此行歌聖澤
清露滿朝衣

抵薪

依舊天涯子家鄉只暫過一官勞日月雙淚出關河
市井黃塵暗親朋白髮多不才應孤落強仕復如何
見母

十年離故土今日傍庭萱嘻笑偏多淚風霜不忍言
幾人憂仕路八口賴家園解得高堂意平生識聖恩

侍藥

疾病關兒女堂前合自傷未看鳩作杖誰信髮如霜
戊巳生成大參苓氣味長東垣知妙理今古憶良方
時以補中益氣湯
加竹瀝服之頗效

寒松堂全集詩

卷之五

五

進封

樗散中朝列承恩膝下身詔書經六載封典
及雙親數世門閭舊全家翟第新合當慰慈母北向
祝楓宸

病中送翁渭公直指還朝二首

絕代文章漢大儒親承特簡出飛狐乘驄問俗驚
神鬼攪轡行邊入繪圖春雨自生寒谷潤冰心惟指
大恆孤還朝定有新封事塞上風霜次第蘇

二

幾度停車問草萊邊人何處識烏臺九宮佳氣王臣

駐三殿重聲使者迴穴裏豺狼終伏避蹊前桃李合
爭開獨憐肺病牀頭客空羨鵷班濟世才

李世唐兵憲問病榻前志謝

百年生死道何如半世升沉付子虛榆塞幸聞長者
屢蓬門念枉故人車一官去矣懷安託公將謝亭吾道行
平糞已踈回首君門多涕淚不堪重上乞骸書

沈茶庵司李以詩問病次韻寄答兼送二首

歸來重話十年初落落行藏坐一踈已謝笏頭京兆
筆合添屋外杜陵疏曲全骸骨惟封事消受恩光
有賜書況是輞川能愈疾不愁明日又河魚

寒松堂全集詩

卷之五

五

二

滿筒詩句敵黃初旗鼓中原道未踈食粥魯公猶乞
米去官元亮祇茹蔬自從當日題佳士曾向何人得
異書身到衡陽休北望最關心處是鴻魚

仰海川叅戎問病榻前志謝

閩外清風挹戍樓幾回腰下看吳鉤控弦李廣真猿
臂食肉班超自虎頭信是三軍司命主還當九塞立
功秋近聞臺使書名姓獨許登壇在蔚州

郭元庵兵憲抵蔚問病志謝

共倚梧垣待漏遲而今岐路各相思蛾眉豈合時人

見駿骨多因 聖主知汲黯淮陽心不薄賈生宣室
召何疑懷中舊草應無限會看爲霖濟遠陲

蔡介磁太守問病志謝兼訊敬侯

豐城雙劍起蓬萊召杜風流亦快哉鳬鳥舊從嵐縣
去鹿車新向鴈門來凋殘風土真堪繪偉大 朝廷
不計財一自茂陵人卧病懸知雲塞有春臺

張仲若督府拜三省之命去而思之

壯猷真不負 明時侍從班中 帝所知午夜籌邊
風雨動清秋按部虎狼悲中原一柱才應借司馬三
關召合遲爲念蒼生還入對武侯巾扇繫人思

寒松堂全集

卷之五

五

病中和徐雲門見懷韻二首

自買青山卜築初開門五月故人疎奉親潘岳亭爲
御余雅亭好客崔瑗針亦疏萬竅難償 雙闕夢十年

空貯一樓書期君共理玄亭業病眼模糊溷魯魚

二

一冬僵卧又春初華髮驚看日日疎道士鶴糧供蓐
食鄰人菜把足盤蔬閒抄李密陳情表懶讀長沙痛
哭書此古幸存吾足矣更無福命佩金魚

孫鴻臚嗣昭捧齋事竣過蔚

同下承明侍從班君來天上問 天顏 朝廷大赦

中原望使者嚴程故國攀幸有春光留紫塞轉憐衰
病卧青山一時京洛諸公好回首依依魏闕間

采山輝會憲問病榻前志謝

文園寂寂病何如篋裏曾無封禪書北塞關河空灑
淚故人風雨一停車中原搖宦潘生老下里狂名阮
籍疎一自使君來上谷風流還記五雲初

山中隱者潘藏山至蔚

家住烏龍第幾峰忽來城市亦奇蹤藏身豈合稱門
卒避世將無作冶傭十畝高雲犁欲破一簾飛瀑戶
常封知君久是青山主野鳥溪花盡附庸

寒松堂全集

卷之五

五

聶天一卜居新構亭子走問

收盡蘿山萬壑雲平泉今日定輸君安排野逕隨天
趣指點晴嵐到夕曛幾處可容人共醉就中只有夢
難分欲扶竹杖尋幽跡花鳥應嫌耳目紛

敬催補官知告病之請未允感賦東聶天一

首

微書昨夜問東山感激 中朝淚欲潛萬壑煙霞成
痼疾十年檇櫟誤清班忍看溫嶠辭親去竊效周顒
奉詔還最是升沉難定處白雲滿地一賢關

二

客路荆榛已自傷，又看綸綍下明光。
勉扶幼子辭花選，細燭賢人檢藥方。
狂客祇宜歸鑑曲，病臣何用卧淮陽。
亦知此去承恩易，却恐慈闈涕淚長。

拜別先塋

白日烏鴉樹樹悲，椒漿奠罷復陳詞。
十年京國羞溫飽，累世家門識孝慈。
夢裏猶驚人欲殺，歸來祇念帝無私。
行藏拓落先靈祐，敢效王家誓墓兒。

別兄

那得兄前一語無，却原黥病相扶封侯命。
薄應無禍負郭田荒尚有租，好辦蒸嘗司粟裏。
漫傷時序插寒衣。
寒衣全集詩卷之五
丁酉再入都門
七月二十三日

居庸關下水悠悠，拱化城邊望鳳樓。
九陌雲高開邸第，四郊風動走驛騶。
還鄉司馬身難定，奉母安仁志欲酬。
衰病不禁冰雪淚，上書仍傍帝王州。
先是請告部覆未允
送喬文衣之湖口令

我家君去意相關，白鴈飛飛不可扳。
幾載漫遊江海上一官，恒寄笑譚間。
定知僚友詩堪把，只讀農書吏亦閒。
君任展書行世仙令雙鳬何日到，好傳風雨過廬山。

讀張謐明都諫斗齋集有遠趙錦帆詩十首因

問錦帆去國之由

入國心驚去國人，秋光滿地白粼粼。
何年誓墓身將隱，自古書空事必真。
少室三秋雲淡蕩，黃河一鴈影逡巡。
徐公不忍辜臨賀，得句篇篇繫逐臣。

送楊崑岳少司寇覲省太夫人

邦禁如山侍大臣，忍將家事叩樞宸。
祇因錫子恩常渥，遂使斑鸞意更真。
客裏黃華開驛路，門前白髮憶征輪。
且辭少昊堂中業，聊作耆英社裏人。

送同年張東山少司寇養病歸里

同是天涯卧病身，送君歸去忽沾巾。
少年兄弟今餘幾，九列功名合讓誰。
人夢裏青山仍素業，風前白鴈自勞臣。
社中諸老如相問，時錄雪白山伯珩里居為道疎慵復下陳。

送郭臥侯掌科分憲西寧

經年肺病卧山城，入國心懸白馬生。
近日淮陽多給諫，幾時關尹過西京。
種花老吏風如舊，視草諸郎淚欲橫。
一路秋雲隨騎足，返邊處處想澄清。

和韻答聶天一見懷二首

卜築官幾深復深，門前柳色正陰陰。
高人會倚千峰靜，客子空懸萬壑心。
豈有才名稱獻替，全將宦跡付升沉。
秋來頗首燕臺上，三月曾無一字吟。

又

東來馬首怯巉岽，況復關心事幾端。
白髮數勞鄉國計，黃雲晚散帝城寒。
交聯杵臼應難恕，命寄參苓敢自寬。
惟有晨昏堪慰籍，年年鴈字報平安。

和韻答徐雲門見懷二首

長安風雨自如如，門設常關十懶居。
九月詩來君有藥，中秋鴈去我無書。
兒生客裏慈顏好，夢到雲邊宦迹除。
記得蘿山同問夜，滿天霜氣一亭虛。

又

晨昏碌碌不相離，已忘秋風壺水涯。
千里低徊兄

寒松堂全集詩

卷之五

望

妹在一官消受鬼神羈，余病甚援詞林江公側撫按代請調理部覆無例仍准赴補既扶病入都始知江公

覆准在籍調理久矣殆鬼神用事云向人啼笑應誰主，幸我疎狂蚤自知。
拾取古今成法戒，邇來無暇更吟詩。余有古今嘉言錄之選未竣

送孫興公少司空致政歸里

雪擁寒冰出御溝，老成歸去正悠悠。
悠談經久抱關閨，志報國真同稷卨。
儔豈爲青山辭魏闕，却因白髮立滄洲。
相從更欲傳心學，伏枕燕雲滿目愁。

輓李少司寇慶餘先生

初疏情詞已自哀，榻前仍荷玉音來。
百年氣向封疆盡，一代名歸遲暮才。
難報主恩兒輩在，欲垂家

訓義堂開方建家塾過門不敢輕揮淚，自有星光燭夜臺。屬余爲記

又

孺慕百年還涕淚，幾回堂上拜吾家。
先生每過余卽舍門家獨慙民數涕下前月廿二日達人致詞曰病危矣不復來候太母起居矣
傳聞易箚呼丹陛，但欲抽簪謝白麻。
無愧平生書數卷，可憐客路鬢全華。
延陵一劍終相許，不爲先生報木瓜。

送周伯衡少參齋捧事竣歸蕪湖

碣石春寒二月初，故人騎馬過閒居。
無言但問萱親好，別後惟看素髮餘。
江上魚龍能寂寞，日邊風雨自蕭疎。
一時同學東南少，退食堂中獨著書。

寒松堂全集詩

卷之五

望

又

車過石城梅柳春，樓船相望大江濱。
懸知風俗移諸郡，況說官僚見美人。
聞塞雲荒鼯鼠叫，荆湘水潤鴈鴻親。
多君不負臨軒意，南北悠然舊諫臣。

珊瑚棗

海上安期信有無，西來棗子是珊瑚。
秦風謾取形爲號，戴禮空傳婦獻姑。
酒後拈將甘似蔗，皮間摘去核如珠。
當年惹以猶滋謗，愁絕斯名又被誣。

送朱嵩若少宰覲省太夫人

君恩特許侍親闈滿路垂楊映日輝魯國書生雙負
朱漢庭冢宰一斑衣祗因機杼情難報不爲尊鑪與
欲歸此去定知顏色好卧看北斗是王畿

哭中書湯子名衍中

館舍蕭蕭白日寒忽驚箕尾去長安九年甲榜終身
事五月中書一命官却幸生兒難記誦可憐先世倍
艱難才名寂寞湘江冷數卷遺詩不忍看

又

兩度京華哭楚人先是譚韶來卒于官百年未半總傷神乾坤拓
落江聲苦生死蒼茫客路頻馬氏漫言多令弟絳侯

寒松堂全集詩

卷之五

哭

空擬是前身堂邊藹藹春風起吾道中原恨轉新

喜武承之至

一度君來一快吟吟成歷歷故人心謀身自得希夷
數學道仍懸夜氣箴雲過小亭依瘦竹鳥鳴高樹惜
曾林此番莫說輕歸去北海西山正可尋

老母歸里紀事

戊戌四月二十五日

自秋徂夏二百日去住間關神倍傷弱媳扶持事碌
碌遠兒留滯情皇皇行藏幸不違盛世救水空煩支
太倉瀝淚牽衣聽慈訓讀書開戶青門傍

送張鏡一秀才問業歸蔚

坐得春風一月無蕭蕭竹影共吾徒氣通天地文人
貴行過關山大筆孤未許才名知狗監不妨心印接
鵝湖他年事業終期汝萬里雲霄是壯圖

聶天一入都補官有感

半畝園開素業初名飄然一劍欲何如詩傳白社俱
成淚客夢青山不敢書猿鶴依人還寂寞風雲滿地
自躊躇年來拚向金臺老種秫栽花事總虛

王近微同年請告歸里初構草堂成索詩

壯心曾未許煙霞彈鋏歸來鬢欲華茅築依城渾是
蠟青山當戶若爲遮衣裳盡染風雲氣事業平看草

寒松堂全集詩

卷之五

哭

木花早晚詩人相過處更無車馬到君家

余既入都詢知工科散公逝哭而輓之

惡雨高雷聽不勻同君問夜幾經春如何塞國登朝
日不見西垣抗疏人無地可拋兄弟淚有書難問死
生因從龍多少英雄在痛惜 中朝一小臣公名散都滿洲人存

心忠立而事動以古廉臣自期同垣交余與如若侯尤善

都門贈田髯淵次韻三首

日閑柴扉客不疑水濱茅築慣棲遲著書班馬今無
事應世蘼龍自有爲薊北山川雲出後江南風雨夜
深時從知逆旅悲歌盡十載狂名半篋詩

又

才名藉藉動朝紳，賸有詩篇托鴈臣。
長缺久虛金馬詔，孤燈晚向秣陵親。
何堪華髮中原老，不愧青雲半世貧。
願我年來消渴甚，每從代枕和陽春。

又

相思日日問簾櫳，杖策驚聞傍玉除。
乞米漫投顏氏帖，買舟應載鄴侯書。
何妨世法周旋少，轉以交情會合疎。
百尺樓頭豪氣在，無門更肯曳長裾。

送張譙明掌科遷蕪湖分憲

蕪臺五月火雲浮，有客承恩采石洲。
袖裏諫書還落落，日邊詞賦總悠悠。
幾年風節歸吾黨，一部樓船控上游。
舊是西泠真地主，熱腸一洗大江流。

寒松堂全集詩

卷之五

四

送朱山輝臬憲自宣府移登州

攜得清霜入塞垣，東南一望法星尊。
蜃樓飄渺迎仙旆，憲府崇高壓海門。
不使鼉鼉乘浪出，好將日月帶雲吞。
傳聞部內多良吏，詩句何人可共論。

聞曹翼辰銀臺請告

同朝同病不同歸，聞道先生竟拂衣。
清節祇應明主鑒，熱腸贏得宦情違。
幾年瘴雨催人老，一片燕雲向客飛。
疏上丹墀何日報，西風遙望正依依。

立秋前三日問高念東先生病

時余避暑城外候補

數月城西倚翠峰，夜來懷刺一登龍。
何當醫國人高卧，竟使還山客自封。
門巷舊無車馬跡，市朝難愜水雲踪。
會驅毒熱宜秋氣，拄杖穿花好過從。

訪朱小晉同年移居兼懷馬王荀年家

白鷺已去無鄰舍，忽憶牆東朱解元。
風雨蕭條渾欲醉，衣裳顛倒更無言。
新蟬聒耳聲聲變，舊竹關心个个存。
何日過君虎橋外，濁醪奇字一評論。

秋日問白東谷先生病

暫息螭頭曳履聲，循思主眷到蒼生。
愁心漫逐西風起，素髮重添白雪明。
四海封章無早潦，中朝玉律本生成。
會看高坐親刑柄，莫厭吟詩慰衆情。

寒松堂全集詩

卷之五

五

送張爾成侍讀分憲青州

青海茫茫接二勞，侍臣東下一垂橐。
車前檄到波臣靜，座上詩成蜃氣高。
會看諸僚飛漢舄，休誇舊日賜官袍。
西風北鴈聊相問，何地文章有鳳毛。

又

重思把酒慰賢勞，收拾風雲入鞬櫜。
京國此時方看月，驛樓何處一登高。
旌旗曙色連金馬，島嶼波光上錦袍。
痛哭蒼生無限淚，肯教諸吏更吹毛。

時聞所部有墨吏

李琳枝侍御以言事再下詔獄未幾復官賦此

慰之

埋輪曾過大江濱謾草封章復此人磊落百年還幾
事疎狂萬死一孤身 皇天默助垂衣 主聖世偏
容析檻臣滄海恩波終欲報太平時節莫傷神

又

閨君數月缺薪水愧我經年祿食違清白關西仍問
夜詎諧曼倩已長饑台星自繞 天王座湛露重沾
御史衣最是小臣風節好 廟謨今日更巍巍

烏鳥篇祝頡莘西母七十壽

寒松堂全集詩

卷之五

五

朝朝烏鳥飛飛來鳴高柳一鳴一迴顧聽之欲翹首
我愛頡戶曹十年稱素友堂上有萱親庚甲同我母
戶曹說懿行我亦述慈厚頡母性溫柔善氣時在口
我母和且莊語笑弗肯苟頡母勤家事寸績不去手
爰有服勞人稍爲釋井白我母崇儉德門內如官守
欲留坐上賓方剪園中韭頡母胃氣強曉食過申酉
我母雖善飯午後須步走頡母就祿精有兒依左右
饒慈菜子舞何須仲由負我母念兒貧爲兒饋升斗
自夢來京華問視唯少婦頡母真賢哉我母德相偶
頡母值古稀理道知可久戶曹捧霞觴我爲歌黃耆

王事豈多艱錫類感 元后轉盼我母辰西望三酌
酒持此菽水情共祝康而壽

徐靜庵戶曹同李退庵同卿過小齋坐談和韻
歸朝無一事有客問幽栖李郭登舟晚羊求入徑迷
江湖元拙計花鳥自新題念此昇平日山田好插犁

又

竟日同君坐如觀武庫森無言非大藥有酒覺空斟
不立千秋上難平萬彙心頻年憂二豎能復暗相侵
九日坐李退菴同卿齊中詢其舊按湖南情形
祇爲登高出來君退食堂書聲迴蠟屐雨氣入花廊

寒松堂全集詩

卷之五

五

卧病追隨少逢秋涕淚長清談須有濟法度及文章

又

今日逢佳事諸曹應制回是日上傳部屬二十九人親試改授求賢歌 盛

代對友惜深盃卓午雷聲急停雲霽色開復從花底

散騎馬抱書來時携退庵文稿歸寓

贈賣書者

儒俠真難見攤書忽解顏無田依祖墓共友出名山
風雅千秋業乾坤半世閒麻姑栖息好歸去莫開關
贈黃心甫

海內知名姓重來慰所思著書燕市滿入座大江移

故粟元真味文章恰盛時晚年心力好吾道一維持

贈殷伯巖

吾友申伯子遜跡南山巔把臂有時節風雨相盤旋
秋來貽我書爲言覓夢牽勞彼肝膽人顧我金臺邊
曠達不常有清白繼高賢幸無冠蓋束酌酒忘歲年
平生聞道要知名匪浪傳申子肯吾欺對爾思悠然

次韻寄懷申臬盟

懷人多不遂落日大河濱地接川原氣天留著述身
夢中吾欲老雲外客誰親彷彿行吟處浣花別是春

寄訊袁丹叔太守兼懷同年畢亮四大叅

寒松堂全集詩

卷之五

七

溪山無恙好行春太守年深鹿亦馴租賦敢云書上

考兒童漫自說清貧仙僚解印誰知已施長也王文二史筆公俱去任節

使登車幾故人畢大叅自寧入浙爲念拾遺多病後滿籠風雨

過天津時以石斛何首烏見贈

送同年翟象陸大叅自江右移秦臬

天下皆吾事斯人豈易尋夢留章水濶車過太行深
充國屯田畧文翁化蜀心西京猶可返風教日駸駸

送同年解法周遷池州太守即用見別韻

一陽傳令節中夜氣華華小雪催寒蕊停雲護老枝
正當求友日恰際拜官時太守推人望司農邁等夷

文章須豹變風格自魚麗作珮思蘭茝防身問蒺藜

昭明遺舊蹟杜牧有前規畫軾登南國麟符出右螭

蒼生方欲起長吏更何爲每矢清如水休辭苦若飴

催科王事急撫字內廷知政以桑麻見情同婦子嘻

敢忘三尺法未報百年慈有鴈書難寄爲熊夢可期

褰帷周綠野賜服憶丹墀先公濟陽舉卓異賜衣愛馬先祛蠹觀風

只採詩九華青元兀二水白漪漪願爾追廉范憑人

說項斯虎狼能寂寞鬢髮各差池碑碣功名淺關河

聚散遲贈言千古意明老是吾師

次韻和宋子飛同年齋中竹影

寒松堂全集詩

卷之五

七

此君清節晚踈踈況是搖風映月初千个細臨高士

榻一窓寒動古人書渾疑拄杖探雲壑便合爲家結

草廬萬彙齊觀都是影秋來珍重不須鋤

別紀伯紫次韻

不同香火亦同心鷄黍留連氣鬱森都下幾懸邀客

榻山中未報買書金詩傳紫塞風塵隔雪點紅爐願

力深數載一人今始定何勞市上碎胡琴

問韓固庵病兼訊選先儒格言竣否

大道愁何有蕭然病亦侵讀書猶故迹無欲是天心

垂老文章細平時意氣深春風留一座萬古識元音

送嚴灝亭掌科請假省親

共識梧垣有鳳麟如君風節倍嶙峋傳來諫草俱王道網得名珠是國珍典山志試人文最盛白水盟心期後輩紅雲

捧詔慰先臣還朝好奉慈輿出莫向湖邊問釣綸

送陳天絃儀部遷長沙太守次韻

道在如家在何時不可還一腔春藹藹百派水濺濺物我原無界行藏自有天報君千里去吾欲托鴻肩

輓王副憲鐵山先生

萬樹冰華結蚤春皇天有兆屬斯人按王簡集云冰凌未釋大臣怕見春凡數見云

英雄遇合尊昭代吐握殷勤惜老臣前以大學士管吏部尚書氣

寒松堂全集詩

卷之五

五

盡空餘千古淚才高未了百年身東南此日徵文獻

痛哭先生不敢倫

次韻答魏石生同年雨中見懷

總不計晴陰何妨旅病侵十年雙淚眼四海一丹心

序轉無歸鴈天荒有落禽故人勞問訊春色滿鷄林

又

纔知惜寸陰無奈二毛侵失學頻年事埋名此日心春風歸雨雪夜氣轉人禽如此衰庸客應嫌寄上林

送李五鹿少司農請假還差

中外馳驅意不遑賜衣曾近五雲光公先舉廉卓蒙賜衣褒嘉之司農

會計惟軍國海內徵輸有旱荒自是心胸還戀主非

關富貴欲還鄉先入塚上松楸在早晚依依看雪霜

送桑友雲先生自粵西入覲移河南方伯

肆觀初懸桂嶺圖又瞻嵩嶽一馳驅朝端舊識真驄馬海內誰稱古大儒自有屏風書正直肯將經術等

虛無肅臺咫尺孫登在碧水青山道不孤孫鍾元先生讀書處

送馮秋水方伯入覲復回粵東

十載飄飄宦跡同多君到處有成功金陵舊業圖書

在粵海新愁鬢髮中幾向雲邊停去馬定知天末惜

歸鴻鴈門直北靈仙近蔚地名我欲還家訪二馮恒山居

寒松堂全集詩

卷之五

五

寄江桂庵先生自蔚州歸里仍用前韻

灑落襟懷異地同又看歸鴈惜天風峰迴少室人如

見水隔黃河路不窮何日過門窺大隱幾年尸位愧

羣工名珠入掌曾相問佇望書傳蔚塞東

題雕邱督稼園贈同年梁葵石光祿

青山碧水古雕邱督稼園中足卧遊歲月喜從戎馬

得煙雲況是祖宗留百年心事堪偕隱十畝風光已

坐收今署秋高相憶切知君佳興晚悠悠

別徐子星掌科次韻

堤外飄飄綠柳垂開門焚草幾人知喜當朝宇清明

日況是言官顛宣時衾影真修期我輩旂常大業許
來茲君方盛壯吾將老滿眼燈花寫一詩

懷易子然即題白鹿書院子然所建也

獲鹿風流宰逢迎事幾端月臨飛驛白春入講堂寬
綠柳隨花種青山逼座看公餘還駐馬處處問艱難

又

易生才不小蕞爾尚淹留定有神明號真無學術羞
百年吾自慰六字爾相求余有六字箴曰循理守法安命知已多搖落加

餐報蔚州

次韻答同年馮易齋先生見過可亭家兄與坐

東林堂全集

卷之五

七

可亭重額望雲亭况復亭前聚德星客向金門逢骨
肉人從鹿洞想儀型幾年矜字方能去是處狂言不
敢聽惟有清剛宜盛世寶箴應獻御前屏

報國寺海棠用懿侯韻

晚年不是看花時每到春來舉步遲報國韋公堪並
美參天拔地兩垂絲

二

海棠椿樹各東西人去題花我亦題想到春光留不
待悔將顏色報山妻

送孫壽周奉使江南蘆政

仰視天爲衡俯視人爲鏡天人有至理識者起深敬
近愛孫水部澹泊出至性一日知爾言十年知爾行
菽水報堂上此外無他競昔從荊州來念念缺溫清
立我可亭傍相對心如柄及今使江上矢志答明
聖蘆洲雖民力課足良何病錙銖不可問惟恐資臬
鏡出入慎所司寬嚴爾爲政從此隔千里過失誰相
諍吾道重剛毅吾生本孤勁天乎非人爲行法以俟
命

松江太守行

松江太守李正華頌聲傳播國人誇或曰留錢飲江

東林堂全集

卷之五

七

水器俗化桑麻或曰權貴無私謁豺虎失爪牙鉏粟
斗酒事上官上官一拜一咨嗟雲間紳士如同口尸
祝况聞百萬家丙申大計冠羣吏郡邑逋賦悉責
備鐫級倏爾列姓名手把邸抄不忍視臺使李公上
薦章李公諱嘉先部民罷市情皇皇山公啓事具成例江上
空留勿剪棠歸來附舟衛水部僕馬蕭然過江浦水
部伉爽言匪欺益信循良無今古十年爭美太守賢
千里思齊太守伍廟堂格外多恩威孰功孰罪堪
悉數君不見受金侍御服極刑倒戈南人錫茅土太
守太守安得把臂說平生遭逢盛世猶躬耕吁嗟

太守胡自輕

陸孝山見貽端硯寄謝

懷人在嶺表嶺雲何幽深太守守衝郡逢迎繫我心
一硯猶愛惜胡爲越千岑命以端介名潑墨供秋吟
在德不在石悠哉君子音

送同年楊雪嵐少宗伯乞假還太夫人歸里

昔年同望白雲飛今日忻看畫錦歸 聖主施恩先
赦水大臣爲政亦斑衣車來碣石情方愜路過黃河
夢已稀遠樹慈烏空自慰那能無意向春暉

午日有感

寒松堂全集

卷之五

退食端陽日關心白髮初蒼龜何處問藥餌幾行書
穰毒沂公或酬恩李泌踈皇天高可鑒君子意何如

與同年張伯珩登樓講學

造化珍元氣大道傳真剛維持天壤間五行兼五常
我年過四十中夜多傍徨空質寡實力安得捐與狂
知者誰爲言徒使淚沾裳卓哉張廷尉鍾靈析山陽
妙齡儲中和長者心難量指我知命說贈我守身方
一字一藥石學豈在深藏有過期共白片善渾相忘
賴此至性人幾希免自戕嘗聞古儒者三才藉匡襄
樹德通萬類華國本天良君爲董仲舒日月饒輝光

余也愧薄劣泛泛逐巖廊屋漏不可欺六月懷冰霜
次韻答韓固庵枉過可亭

但得高人過他鄉卽故園無雲遮月窟似雨濯天根
鬢髮崇朝改乾坤一息存羨君湖海錄重與細評論
爲上谷席秀才兄弟壽母

席家兄弟好奉母不分居十畝秋供饌孤燈夜讀書
風塵雙鬢少日月一門舒歲歲中元節忻然御板輿
金母九十爲君彩縣丞志喜

安仁雖小吏九裘母堪欽千里孤舟路十年寸草心
雲飛金粟近鴈過洞庭深自畫斑衣子堂前報好音

寒松堂全集

卷之五

君彩善
丹青

懷友

坐對西山色懷君洛水濱兩河風俗侈三晉性情真
耕鑿歸元氣輸將念小臣相期千古事六月飲冰人
送同年王籍茅復補涼州分憲

江東雲物等閒過又看征車渡渭河一代風流詞賦
老頻年閱歷苦辛多防秋漢使瞻鴻鴈入款番人貢
素駝不負生成今日事玉門長嘯記 恩波

送李毅可少參分憲大同

雲中古戰場今日亦殘疆問月逢秋白行邊度草黃

風流羊叔子仁愛段文昌佇看星車到民巖祝樂鄉

送許傳巖掌科省親余方終養卽用見贈元韻

漸覺西山爽氣開此時秋色且同看雲邊待 命黃

封降輦下分襟白水寒倘過蘇門尋大隱莫忘梧掖

指中官歸程十日君先去料得高堂夢已安

初秋集青巖館退谷先生邀同趙洞門龔芝麓

袁九敘三先生餞余分得一東

白髮青箱退谷翁樽前花鳥此相同君依北斗家常

北我去東山道未東厨顧事驚千載上者英人在一

朝中興亭好月團圓照定憶京華賦在公

寒松堂全集詩

卷之五

和韻酬龔芝麓先生兼別諸老

陶唐日月袞衣垂憶昔曾陪聽鑰遲鸞鳳高栖應有

伴驂騑失路幾堪騎文章氣老經營後風雨交深寂

寞時臨去莫看雙鬢色恐君明日賦將離

侍養得請再出都門已亥八月初二日

出入班行十四秋曠官竊祿總堪羞踈狂每荷 宸

心鑒毀譽應勞太史收在 帝股肱真濟濟歸家菽

水敢悠悠叨承錫類恩非淺北望星辰是鳳樓

寒松堂全集詩卷五

寒松堂全集目錄 卷之六

詩自巳亥至壬子

巳亥秋八月再入里門見母用前韵

咸台衡同年分憲雲西枉札見問因

老母七十一誕日紀事是年歸養

喜徐雲門至蔚次小關嶺望蔚韵

雲門將歸白登賦詩別余次韵慰留

寄訊沈茶菴司理罷官用前韵

寄懷左翼宸先生用前韵

陪州大夫李侯宣講 六諭余作集解付講

寒松堂全集詩

目錄 卷之六

庚子穀日州大夫李侯祀壇因陪勸農二首

贈張邃襟儒醫

寄懷江桂菴先生再疊元韵

贈奚紹周儒醫

時雨會有引

次韵寄毛錦來司理代覓曹辛兩先生遺書

家祠成歌詩六章

秋日吳椿坪守憲見過留飲

秋日送李侯遷興化太守六首

寄懷同年翟象陸方伯

九日喜胡東甌同年至蔚拜老母

寄謝馮秋水為余訂積順堂詩集用

寄舊日同謫諸公和龔芝麓先生前

寄同年魏石生總憲

除日雪是日隨州大夫習儀候 朝賀

哭桑笈雲先生

元日毛錦來寄辛復元先生遺書語錄十三種

展讀有賦四首

家譜成寄謝徐雲門次韵

送李毅可兵憲移任去雲中

喜李晉陽至蔚即贈

追吊曹完我先生墓上二首

春雨值州大夫祀壇

病中訊稼堂病次書巢韵二首

徐雲門至蔚有詩懷胡東甌次韵兼寄

步韵題九龍亭

仲夏鄭侯招遊煖泉水亭長歌志謝

秋日得凌十齋手序並詩志喜次韵寄答

秋日劉生振昌自煖泉寄詩惠香簞用韵答謝

老母七十三誕日紀事 辛丑

冬日聞鄭侯同牛叅戎行獵煖泉次倫宣明韵

十月廿四日得解法周成粵東消息二首

輓孫興公先生

有夢 十一月十一日

和韵答成我存

山水歌為林太翁暨太母雙壽 閩人僑寓金城

歲暮雲門見懷次韵答之

送劉毅公司教浮山

送林二史歸應州時携家集過訪

次雲門思歸韵因送之

白懋韓中丞撫晉六年未通一刺茲奉 命督

秦於其去也西望而歌之

恭輓 世祖章皇帝升遐四首集杜

辛丑春懷八首集杜

正月七日恭遇 世廟忌集杜 壬寅

正月七日恭遇 世廟忌集杜 癸卯

正月七日恭遇 世廟忌集杜 甲辰

壬寅元日隨州大夫朝 賀是年改元入覲時

聞停徵練餉之 諭恭紀二首

送聶天一同年補秦閩叅軍

靈邱宋紫庭明府遷粵東牧投詩見別因和元
韵四首送之

元宵後七日鄭侯招同牛叅戎飲文昌閣雪中
看火樹

自責二首

郝贊皇折贈緋桃余折李花贈答二首

次韵贈高二亮過蔚將遊河汾

午日牛叅戎招同鄭侯泛舟河中二首

端陽次日鄭侯招同牛叅戎夜泛是日有平滇

詔至二首

集本堂全集詩

目錄卷之六

四

哭林華東州尉四首

名養心順天大興人

王羣玉明府投詩見訪次韵留飲

秋旱喜雨歌

老母七十四誕日紀事四首

壬寅

成我存告歸寄所著悅心錄爲別讀而贈之

滇事平海逆復率歸順各賦一章志喜

夢魏昭華先生

有引

次韵酬連克昌進士兼訊楊猶龍在蜀消息

馳封至蔚恭紀

次韵送馮訥生內擢國學

祝老友徐雲門七十初度用前韵

有引

孔君方別駕惠 闕里誌檜圖志謝

有引

寄懷李吉津先生

苗大生督府枉顧賦謝

老母七十五誕日紀事四首

癸卯

刁蒙吉先生索詩壽熊母兼寄熊恕叟祁州

夢雲門訥生

哭胡館師菊潭先生用見贈元韵

輓趙洞門先生用贈余歸養元韵

輓同年楊猶龍方伯用贈余歸省元韵

集松堂全集詩

目錄卷之六

五

輓李退庵少司寇用贈余歸養元韵

輓同年楊賢甫少司馬用贈余歸養元韵

輓曹厚菴學士四首

輓同年晉長眉銀臺

春日送太守蔡公介磁陞任去雲中

壽胡年母七十兼寄東甌

喜劉輿甫貢士過蔚寄孫退谷先生書至

次韵贈苗凌漢先生自河曲見訪

輓韓聖秋兵曹

甲辰秋李恒嶽妻兄見招水心亭晤胡東甌同

年留詠得遲字

老母七十六誕日紀事二首 甲辰

寄同年魏貞庵先生

宋烈女未嫁殉夫作此紀之二首

送王允升廣文歸陽城

老母七十七誕日紀事 乙巳

張慧一貳尹以運餉歿江寧觀歸陽武內君表

氏哭絕食夜縊官署死之各賦二詩紀事

蔚州鄭侯惠朝衣一襲志謝 有引

元宵侍母看鄭侯見貽火花二首

寒本字全集詩

卷六

下

懷仁縣于生懷漢出家穀千石賑濟饑民曹秋

岳兵憲賦詩美之屬余同作

美直隸督學使者蕭公二首 名惟謙山東德州人

送徐子遜學憲試竣

再讀蔡汝濱先生集敬賦

夏五月芥園侍母看花二首

七月二十三日夢張伯珩同年卒于官

八月十七日伯珩中丞訃至蔚州對使哭之並

輓王允升廣文

老母七十八誕日紀事 丙午

丙午孫退谷先生七十六初度寄祝四章

李天龍內姪因讀禮謁余共談家禮

並蒂菓獻母歌詩紀異

送蔚州鄭侯內擢刑曹兼詢舊時諸老五首

保定劉敷季至蔚以講學文二章未見即贈

富平李天生至蔚以長歌來見即贈

寄懷趙錦帆同年遊雁門

張爾成自中州郵寄詩集即用集中韵奉答

再哭張伯珩憶已灾同田沛蒼太史餞余北郊

應州傅侯攝蔚篆事竣走筆補看花之約十首

寒松堂全集詩

目錄卷六

下

送曹秋岳憲使陞任去雲中

中秋前三日程西雖學博招集明倫堂論文令

子仲寧暨長孫同小兒侍坐

祝李恒嶽妻兄六十初度

老母七十九誕日紀事 丁未

題小品圖爲老母病牀展玩

坊成老母有訓

戊申元日隨州大夫朝賀恭紀新政頌而

祝之

讀沁州郭靖寰先生傳敬賦二十韵告三立祠

老母八十誕日紀事

贈苗凌漢老儒

贈潘藏山隱者

贈李晉陽貢士

贈徐次履文學

戊申八月十五日秋分是夜雨時聞災異求言之
諭有感

和李吉津先生見寄元韵

孫鍾元先生惠詩為老母八十壽次韵答謝

戊申十月王夢航同年惠將母歌為老母八十

東坡全集詩

卷六

人

壽是歲太夫人同八十奉和近體二章一補

進觴一奉懷柿菴

次徐雲門憶蔚韵四首奉懷

爰刀蒙吉先生二首

冬杪答成我存燈下見懷詩次韵

李桂萼内姪惠水僊花為老母供賞二首

同徐雲門李蓬萊過柳林

同徐雲門渡桑乾二首

過小關嶺同雲門衝風而行次南疇見贈韵

酉四月十五日

已酉孟夏雲門枉過庸齋值七十六初度率筆
為壽

雲門既歸白登次見別韵却寄

輓馮秋水方伯兼慰訥生

輓馮恒山侍御時聞秋水方伯訃

弔喬母即慰喬生

輓應州左翼宸前輩用已亥贈答韵

輓李繪先學士二首

輓袁九敘同年巡撫山左卒于官

輓曹孝子廣據

東坡全集詩

卷六

五

哭孟淑明先生用祝先母八旬死韵

解法周同年自瓊州歸至蔚仍歸朔州送之

解法周同年六十初度

蔚州煖泉瑞藻生二首

妻兄李恒嶽仁里八景各賦一詩

詠芥園芍藥三種

紅紫白三首

送女于歸西洪因與雲門期會李晉陽齋中

余將入都次雲門元韵預祝八十兼別

蔚州佟侯贈朝衣一襲為贐賦謝

壬子秋日病餘奉召入都別鄉中親友

卷六

寒松堂全集卷之六

蔚州魏象樞環溪著

詩自巳亥至壬子

巳亥秋八月再入里門見母用前韻

兩年何事髮如秋
祿米難將更可羞
手內縫衣今尚在
池邊餽鮓幾曾收
艱難國事經營少
清白家門歲月悠
拜母先稱天子孝
朝朝問寢出龍樓

戚台衡同年分憲雲西枉札見問因寄

都下分襟歲已移
薪蘿煙樹報君知
喜當塞國秋高日
回憶僧房夜話時
逕外黃花今得主
堂前白髮幸看兒
五雲西望星文動
願借餘光照短籬

老母七十一誕日紀事是年歸養

上疏辭 丹闕承 恩祝壽肴 王音千里頌鳩杖
滿朝知漫藉參苓護
行看髮髮移 九重何日報耕鑿際良時

喜徐雲門至蔚次小關嶺望蔚韻

岔嶺迴環數十峰
重來把酒賦江東
懷人漫待三春柳
問道真慙一月風
徑訪茅廬忘下榻
獨乘羸馬抱詩筒
年年京國愁雙鬢
此日升堂獨老翁
雲門將歸白登賦
詩別余次韻慰留

交情十載半圖書
每見伊人慰索居
今夜鬼神歸授受
滿懷天地識盈虛
星光燦爛分東井
酒氣溫和不溢八閭
願得山翁留數日
黃金白璧欲何如

寄訊沈茶庵司理罷官用前韻

南去蕭然合遂初
北來依舊是狂疎
獨令詩友添新恨
可得園丁送野蔬
雲塞浪傳三個字
鴈門曾著幾行書
山中歲月黃虞上
問罷高堂學釣魚

寄懷左翼宸先生用前韻

古貌古心接太初
先生久與世情疎
霜寒北嶽人無夢
雪滿金城飯有蔬
絕代行藏三徑菊
百年貧病一床書
吾鄉咫尺高山在
欲見無由托鯉魚

陪州大夫李侯宣講 六諭余作集解付講

萬個形骸一點同
皇皇鐘鼓格韻蒙
追陪祇盡道人職
誥誨渾疑帝載通
臣子事歸忠恕裏
人禽關在聖狂中
興朝化育真無外
共願家庭樂洩融

庚子穀日州大夫李侯祀壇因陪勸農

億萬烝民化育中
遐方血食兩壇崇
爰因八穀祈昌穀
更借仁風洗暴風
前有官焚
極壇中者黍稷昭昭中
祀禮煌煌雲渺渺
百神功叨陪不是修
雩崇厚地高天鑒我躬

二

頻年水旱不成秋土瘠民貧舊蔚州元日共遵王者祀小康難解大夫憂窮鄉父老奔壇墮一輩書生佐薦五祝罷幾回勞勸語春光滿地有耕牛

贈張邃襟儒醫

醫國人難見君名重里閭出言皆性命得力在詩書白髮知吾母青山問爾居韓康來賣藥倘肯過茅廬

寄懷江桂庵先生再疊元韻

大地春光素髮同還從洛下仰高風百年懷抱渾難盡五嶽行藏不是窮梁月溪雲歸夢覺藥欄杯影助神工懸知訪道程門日萬派流來只向東

寒松堂全集詩

卷之六

三

贈奚紹周儒醫

生來癯骨喜逢醫况是高堂有老慈術本天心知動靜人從我輩托安危山中採藥煙霞護肘後懸方神鬼知早晚依君商此道浮生萬事那堪爲

時雨會有引

庚子仲夏募造 文廟內先賢先儒一百二

十主告成瞻拜是日同李侯任學博林州幕

李恒嶽劉因其兩上舍及廩長諸生公宴明

倫堂講一貫忠恕之旨時大雨因名其宴

步入宮牆拜聖人諸賢遺躅始鋪陳千秋靈爽几筵

接 昭代尊崇檜柏新卿士大夫關道統文章禮樂

本天真登堂最喜成嘉話惡雨輕雷四座春

次韻寄毛錦來司理代覓曹辛兩先生遺書

人身多一物即多一物累吾願著書者由外以返內近讀文清錄反覆心如瘁愧作惟自知一室見天地曹辛兩夫子遺言求未遂竿牘詎敢通咏歌托此意

家祠成歌詩六章

木有本兮水有源思大德兮情難護構此榱桷兮浩蕩恩

尊有酒兮豆有毛薦祖考兮几筵高守茲宗器兮念

寒松堂全集詩

卷之六

四

勛勞

玉有種兮蘭有芽繩祖武兮報 皇家寧爲麟鳳兮

莫爲虺蛇

案有雪兮囊有螢讀萬卷兮守麟經好傳清白兮慰

先靈

左有井兮右有白躬操作兮代慈母修我禴祀兮糟

糠婦

下有戶兮上有坊物秩秩兮神洋洋人匪孝友兮降

之殃

唐臣必於帝都立廟汴宋時亦每於洛京爲之至於西漢臣子多以孝壽爲名不但至尊以爲諡也自元以來坊反重於墓而墓反華於祠無怪世

俗影堂之處畫作金色
化人矣 蘇汾附識

秋日吳椿坪守憲見過留飲

塞上孤城背大河草堂車馬忽經過十年京國伊人健一榻秋心此夜多襟被風流知魏野蟄龍詩句憶東坡吳公不嫌野老將迎晚竟日淹留醉碧蘿

秋日送李侯遷興化太守六首

九宮山色接棠陰坐挹丹峰處處深身繫安危天子擢政留冰玉古人欽祇求瘠土歸元氣不令愚民見苦心難慰蔚蘿諸父老暮雲春樹有佳音

二

寒松堂全集詩

卷之六

五

報政三年事事寬登車猶說是偏安圖書半篋憐清俸鷄犬千家憶好官心向士民勞欲盡酒因攀卧飲能乾定知閩海登臨日回念蘿山幾據鞍

三

萬里王程不敢留憐予落落有林丘網常道合天應鑒痛爰書成野亦謀知己會逢周召伯聞名蚤達漢諸侯經文緯武真師帥漫借臨岐箸一籌

四

最是炎荒景物殊送公南去獨于于魚鹽戶口今增減唐宋文人代有無倭島自來多戰鬪熙朝此日

重訂謨壺公山上歸來雁海宴江清寄畫圖

五

閩字宗傳有六祠朱轡到處禮吾師携將庸語充登豆買得遺書貴鼎彝海水江濤流自遠天光雲影趣如斯儒風比屋興安最浪說山川產荔枝

六

泝泝乾坤幾送行悠悠壺水復南征庚桑畏壘風猶在子產刑書謗易生壯志每輕天下事高才多忤世人情羨君三十知名蚤華髮仍看晚節成

寄懷同年翟象陸方伯

寒松堂全集詩

卷之六

六

握手金臺歲欲深幾從秦楚問佳音鐸書一卷銷戎馬蘭譜千秋慰影衾籌海正須諸葛算憐才不數圍師箴唐許國師為刺史時每賜屬吏清自嚴今自悔使君南去風流最為托平生一片心

九日喜胡東甌同年至蔚拜老母

九日風來菊正香籬邊有客拜萱堂全因錫類輕千里漫是懷人共一牀志挽東流歸布粟名高北斗奈壺觴十年素約今方慰回首驚看雁幾行

寄謝馮秋水為余訂積順堂詩集用前韻

救水庭闈事已同更尋初服賴天功文章力返千秋

上道德先通百里中壺水月明藏尺鯉雁門雲度隱

高鴻幾年前有登堂約何日騎驢訪二馮

寄舊日同謫諸公和龔芝麓先生前韻

高堂素髮晚垂垂遶膝還驚去國遲栗里陶潛無菊
種京華杜甫有驢騎難逢白水論心日苦憶青藤見
月時寄語諸公相慰藉乘田委吏莫支離

寄同年魏石生總憲

聖主千秋遇幾人能報之大臣行直道君子頌良時
白簡天應鑒青編世不疑好持冰玉節耿耿寸心知

除日雪是日隨州大夫習儀候朝賀

寒松堂全集詩

卷之六

七

最喜三冬雪尤難歲暮中農家占驗登君子笑言通
臘盡寒應洩春回落即融小臣歌帝德遙拜紫宸

宮

哭蔡笈雲先生

尚有君知我君今已不存交情留縞帶道味出盤飧
半世操修苦千秋骨性尊癯肥何處問彷彿一招覓
元日毛錦來寄辛復元先生遺書語錄十三種

展讀有賦

汾河設教又河津羽翼尼山一派真千百年來誰繼
續絳州夫子是天民

二 遺書論語說大學說中庸說孝經翼聖論解義心錄心譜
存親編存烈編經世石畫故意單方衡門芹神京偶紀也

遺書遠寄自平陽司李重封墨幾行獻罷椒花開卷
處上元別是一春光

三

布粟從來意味長三更續火復燒香守先待後人難
見彷彿當年坐講堂

四 薦先生者言李公日宣也

宗社安危話不虛廟堂束帛意何如可憐扶地撐天
手空付江西薦士書

家譜成寄謝徐雲門次韻

寒松堂全集詩

卷之六

八

故家遺範規模在痛念濠梁水木情五世幸觀人繼
續百年方信筆縱橫汾陽墓趾崇韜拜左氏文慙杜
預評最是歐蘇堪效法承先啓後賴知名

送李毅可兵憲移任去雲中

報政秦淮後雲疆又若何清名懸日月厚德挽江河
漸起瘡痕色仍煩痛累多他年持節鉞故老望恩波

喜李晉陽至蔚即贈

山雲獨卧嬾逢迎有客西來爽氣清花下翻書尋古
篆亭前問字識元聲人疑北海高風在話到南村野
燒明秋事倍憐徐孺子憑君詩句報陰晴

徐雲門病
以詩代訊

追吊曹完我先生墓上

曠世英雄絕世才豐碑五尺半塵埋歟名若與汾陽
埒多少崇韜拜墓來

又

遺金真不若遺經三尺墳頭草色青幸有兒孫延世
澤可憐門下獨零星

春兩值州大夫祀壇

臘雪曾無幾今春雨乍來三時成播種萬彙托滋培
塞土高能潤王風動欲開怡逢裡祀日感召不須猜
病中訊稼堂病次書巢韻

寒松堂全集

卷之六

九

負疴均一月藥餌復誰輕灑淚因多夢關心始問耕
時光看鬢髮消息律陰晴詎敢違天意吾儒道自平

二

欲問襟顏好書來訊已真懸知詩是癖頓覺世如春
百念忘時靜千秋樂處貧此身渾太極一日一回新

徐雲門至蔚有詩懷胡東甌次韻兼寄

山城有客騎驢過上谷先生知未知百里星文難聚
處幾年風雨共吟時登龍故迹今人避傾蓋深心後
日期司馬近來消渴未南州歸去更遲遲

步韻題九龍亭

亭在雁門關

大茂峰頭俯翠巒九龍亭上御風難東連滄海歸宸
極西絡金城障可汗飛動欲搖新竹杖登臨曾掛舊
儒冠金壬午秋試
過此種想何當半幅空山影吹送詩人木榻寒
門在蔚
先有詩

仲夏鄭侯招遊煖泉水亭長歌志謝

城西溫泉如鑑徹郡侯下車清更絕五月招我一問
之揮盃照影無炎熱檻外疎籬互參伍澆蔬灌山不
論主那得亭榭比江南只有菽麻成樂土乘興還訪
溪邊邨老僧稽首啓寺門入寺雖云依佛座談鋒折
理算儒言十年不遊遊不倦同遊况復多名彥昨夜

寒松堂全集

卷之六

十

雷雨滿青山今日青山都接面偶爾委蛇復委蛇問
俗觀風繫所思君不見昔人跬步留千古莫負吾儕
一日相追隨

秋日得凌十齋手序竝詩志喜次韻寄答

先生諱
雲號十

齊原號澹隱粵東仁化人甲申歲寓蔚羅與余交及歸不通音
問者十年託孫都丞訪於韶州得先生詩十章繼得五章謂余寄
詩四冊俱達已和韻
付明經羅君報之

嶺外梅花信遠而秋空一雁寄相思十年風雨真如
夢兩字寒溫不是私老剩鬢眉歸本色心空海嶽啓
來茲家庭無恙為君報難報慙慙妙語咨

秋日劉生振昌自煖泉寄詩惠香簞用韻答謝

蒼圃黃華晚向榮西莊有帖到淵明乍驚池上流泉
響如坐山中化日晴菜把芹莖知故老詩篇文字賴
書生人依瘠土貧無策歲歲豐年歲歲耕

老母七十三誕日紀事 辛丑

今年膝下稱觴日 鳳歷初頒紀改元賴有豐年供
賦稅全無惡夢到晨昏一家消受平安福舉念追思
浩蕩恩爲謝親朋多問慰朝來扶杖出閨門

冬日聞鄭侯同牛叅戎行獵煖泉次倫宣明韻

絕塞雲荒地接天水濱行獵響潺湲鳴弦到處君開
網作賦成時我在田野樹高梁飛騎度斜陽古道土

寒松堂全集詩

卷之六

十

人傳定知雞犬無驚夜安樂窩中記丑年

十月廿四日得解法周成粵東消息

一戍天南果是真十年何處問歸人殘疆未了書生
事薄命空餘太守身薜荔雲深仍我在枕柳月白與
誰親固知兒女關心少愁斷飛鴻度海濱

二

攜得新詩半卷無此行不復有危途家貧宦拙天應
鑒法密 恩深汝自愚梅嶺月橫何日度珠崖潮退
一人孤而今欲寄平安信却恐書中涕淚俱

輓孫興公先生

先朝父子推牛耳 昭代論文屬此公四海聲名章
句外百年人物典型中淵源落落天應續鬢髮參
學未終絕筆書成猶寄我舉前空報一詩筒 時惠程墨
正音至余

以拙集報之
未達而公卒

有夢 十一月十一日

有夢夢何來覺後夢難寫我思古大臣盡是小心者
姬公誓金縢吐哺興周社霍光輔幼冲不失尺寸也
日碑忠孝人牽馬過殿下君子慎所守道全而過寡
和韻答成我存

負米歸來八百日燕山北望隔重重那能素友詮吾

寒松堂全集詩

卷之六

十

道幸有荒田副老農入夢祇尋無夢國登高不上最
高峰何年携爾鵝湖內洗盡吾曹芥蒂胸

山水歌爲林太翁暨太母雙壽 同人僑寓金城

山之峙以實水之鑑以虛我觀物理固若此人爲萬
物之靈當何如莆田先生清白裔少負偉略薄曲藝
三十年來讀道書何年通徹天人際天人之際知者
希滿眼富貴雲飛飛莫向前古問消息近代儒家有
布衣要識萬物爲一體昔年救荒補周禮當其萬口
待甦時呼吸人我真根抵賢哉舉案匹梁鴻濟人利
物心相同一米一蔬敦儉朴自操井臼垂家風今歲

花甲過已過霜清月白不言餓左瞰大茂右桑乾木
公金母同龕坐誰云馬氏有五常森森玉立好兒郎
父子兄弟五酬和太和元氣滿高堂或爲負米供菽
水或爲萬里北望舉霞觴爾時共羨融融而洩洩惟
有使君對我情惶惶拜手前致詞曰某也不可以爲
子毛生捧檄良有以那知五斗累雙親嗟乎不可以
爲子魏子聽言忽默然轉思榮辱得失事由天父母
有兒心不愜功名無分道終全俯仰天地之大吾何
有智者樂今仁者壽鄉國有善俱可爲于門高大元
不偶篋裏富千篇塞上得一友左先蚤晚驅車返故園

東林堂全集詩

卷之六

三

願採長歌記辛丑

歲暮雲門見懷次韻答之

山中無歷也知年讀罷新詩轉自憐芸蠹濫分藜火
照墨鴉親付乳兒傳驚心紫塞春猶黯着眼蒼松老
復半幾向高堂思范式苔痕雪逕尚依然

送劉毅公司教浮山

雖爾爲師範猶然是妙年要知求大道不肯讓高賢
王屋千峰接河汾萬派連文中芳蹟在拜訪問真傳
送林二史歸應州時攜家集過訪

斯人繞一見相對忽情深父老知官况文章寓道心

愛親須貴我好古豈違今雪滿恒山路臨風寄好音
次雲門思歸韻因送之

重踐輿亭約君名已泰山逾看丰骨老不見鬢毛斑
直筆通家望歸心靜者閒固知惜此別何日去仍還
白懋韓中丞撫晉六年未通一刺茲奉督秦之
命於其去也西望而歌之

惟古大臣不嚴而肅六載河汾享無事福

嗟此殘疆雲中爲最公來撫之鄭圖屢繪

旌我門間題以山斗况曰人倫對此心忸

節鉞既西西望下拜豈無贈言 功令是戒

恭輓 世祖章皇帝升遐四首集杜

萬象皆春氣危樓望北辰鼎湖龍去遠象闕憲章新
今日看天意中原仗老臣向來憂國淚懷舊益霑巾

萬歲蓬萊日艱危衮職陪一朝自罪已白首獨餘哀
松栢瞻虛殿文章落上台不才甘朽質莫使棟梁摧

東林堂全集詩

卷之六

三

四

旌我門間題以山斗况曰人倫對此心忸

節鉞既西西望下拜豈無贈言 功令是戒

恭輓 世祖章皇帝升遐四首集杜

萬象皆春氣危樓望北辰鼎湖龍去遠象闕憲章新
今日看天意中原仗老臣向來憂國淚懷舊益霑巾

二

萬歲蓬萊日艱危衮職陪一朝自罪已白首獨餘哀
松栢瞻虛殿文章落上台不才甘朽質莫使棟梁摧

三

鳳歷軒轅紀王春度玉墀賦詩拾翠殿教練羽林兒
自罷千秋節到今耆舊悲 君王自神武不愧史臣
辭

四

天屬遵堯典乾坤繞漢宮忽聞哀慟詔已作白頭翁
勲業青冥上園陵白露中眼前今古意忍對百花叢

辛丑春懷八首集杜

北闕更 新主東方領縉紳 聖情常有眷雄略動
如神黃閣長司諫蒼生倚大臣爲於耆舊內台袞更
誰親

寒松堂全集詩

卷之六

七

二

煌煌 太宗業 天子惟孝孫宮禁經綸密山河功
業存向來論社稷新渥照乾坤王國稱多士心肝奉
至尊

三

宗枝神堯後逝水自朝宗霖雨思賢佐山河誓始終
中原戎馬盛萬里車書通不必伊周地蹉跎效小忠

四

神器資強幹雷霆可振威奸臣競蘊醢耆舊把天衣
哀痛絲綸切謳歌歷數歸指揮存顧託端拱自光輝

五

碧草違春意憑高滄泗流 聖朝新孝理 天子嚮
時憂感激張天步從容仰廟謀蚩尤終戮辱高枕對
江樓

六

扈聖登黃閣蕭曹拱御筵恐乖均賦歛無取愧高賢
盤錯神明懼黎元疾苦駢長懷報 明主何以報皇
天

七

分手開元末長懷禁掖垣避人焚諫草直氣橫乾坤
寒松堂全集詩

卷之六

七

八

但使芝蘭秀寧無燕雀喧致君時已晚伏枕淚雙痕
通籍踰青瑣先朝忝從臣此生遭 聖代錫號戴慈
親素業今已矣乘時各有人仰思調玉燭一氣轉鴻
鈞

正月七日恭遇 世廟忌集杜

壬寅

元日到人日看雲哭九疑即今蓬鬢改空有鹿門期
北闕心長戀人情老易悲去年梅柳意野老復何知
正月七日恭遇 世廟忌集杜

癸卯

層城臨嶺景已度立春時朝野歡娛後風雲際會期

尉佗雖北拜貞觀是元龜處處逢正月哀歌欲和誰

正月七日恭遇 世廟忌集杜 甲辰

高樓思殺人回首一傷神只益丹心苦應宜綠服新
浮生看物變久坐惜芳辰縹緲蒼梧帝宮驚罷轉春

於禮事君有方喪三年之文自壬寅迄甲辰人日
皆有詩君臣之義於是至矣 王士正識

壬寅元日隨州大夫朝 賀是年改元入覲時

聞停徵練餉之 諭恭紀二首

望 闕思 天表呼嵩際大元來同方述職輯瑞正

臨軒蚤已通民瘼何須叩 帝闈微臣依子舍先布

聖朝恩

寒松堂全集

卷之六

七

二

布德當春令因風覓好音驚聞 天上語始見日邊

心萬國輸將正 中朝軫恤深太平原有象不向物

華尋

送聶天一同年補秦閬參軍

唐風朴陋賦堯都又賦秦風寫壯圖馬首共瞻西嶽

色幕僚誰卧白雲孤文章兩漢先京兆形勢千年幾

大儒珍重遺編須購取佇看雙雁度飛狐

時託購呂涇野
馮少墟二先生

話

靈邱宋紫庭明府遷粵東牧投詩見別因和元

韻四首送之

山城最爾藉名儒為政風流擅八區父老相傳今是
母兒童童唱昔無襦澹河月冷諸川會太白雲生萬
嶺迂為愛頻年桑柘影願瞻餘蔭一攀趨

二

才華奔奔接西京彷彿絃歌政已成塞土荒山曾入
告前朝曠害倍關情訟庭閒寂看雲過書帶幽潛傍
雪生萬戶柳煙潘岳蹟驚鷗從此結新盟

三

塞垣風雅共君開幾度詩筒過嶺來小史漫追司馬

寒松堂全集

卷之六

八

筆大文誰讓子雲才放衙山色驚窺案行部仙姿憶

舉杯蚤晚輜車徵下國一編曾續劫餘灰

新集
邑誌

四

蹟遠滄洲又幾年征車此日去澹川人遊榆塞官皆

隱地到羅浮吏亦仙先輩文章空學海

余訪斬白沙剛峰
甘泉復所四先生

遺故人風雨半歸田

記凌十齋隱仁化許
臨澧歸隱山消息

一度詩來報一篇 嶺南倘有梅花信

元宵後七日鄭侯招同牛叅戎飲文昌閣雪中

看火樹

樓臺天半俯煙蘿此夜登臨興若何燈火倍因藜火

燦銀花爭似雪花多座依北斗胸懷迥酒溢東風笑
語和最荷陽春回蔚塞文星法曜兩婆娑

自責二首

半生屋漏有根基況是聞言警戒時風俗人心誰可
救指天誓日欲何爲

二

平日休誇器量寬一當誹語怒冲冠工夫涵養從今
驗行路方知行路難

郝贊皇折贈緋桃余折李花贈答

李花纔放玉無塵日日亭前奉老親折得緋桃重寄

寒松堂全集

卷之六

无

我案頭別見一枝春

二

投桃報李古人詩咫尺芳馨對面時不比江南梅信
遠膽瓶紅白自相宜

次韻贈高二亮過蔚將遊河汾

問氣領燕趙中夜生夷澤草堂辱過從慷慨見胸膈
載讀黃雉書一字有一益大巫神力王芟鄙深自責
半生耽著述所學類癡癖下之遜開闢而上謝旦真
靈魚空咿唔嗟哉老縫掖雙鬢久騷然欲語淚澁隘
惟茲堂上人菽水慰朝夕眷懷雲龍交阿誰同莫逆

自君度關門拜君如拜石高卧豹林秋疑補謫仙籍
溯我壺流清挹我屏山碧把臂與亭旁爲言敦麗澤
連屋剪春蔬傾盤虛醴膳在德寧在酒相對心已獲
竊聞組豆家咨詢重安祗啓祠肅而入宗法藉細繹
古來天下才不失寸與尺千仞徒崔嵬瑞鳳鍛羽翮
清時詔屢下漢庭需儒碩石渠天祿間珥毫視簡冊
瑚璉豈下陳京華望連璧詎知一再除似果不離核
五十賦歸來但守晏嬰宅念子事躬耕操器荷日炙
愧乏仁人言貽贈訪姑射

午日牛參戎招同鄭侯泛舟河中

寒松堂全集

卷之六

无

壺流如帶也冲灑午日仙舟罨畫中鷗鷺幾羣消戰
壘鼓吹一部兆年豐新荷出水青猶薄弱柳沿堤綠
正叢指點煙波吾欲老黑龍灣下釣魚翁

二

黃童白叟漫相攜爲看樓船到碧溪王濬談兵登畫
舫蘇公爲政築長堤閒花接岸開如錦翠荇成茵望
欲迷客興正多風浪息此中原未有鯨鯢

端陽次日鄭侯招同牛參戎夜泛是日有平瀆

詔至

已荷相將汗漫遊重來卜夜問虛舟笙簫逼水清如

話魚鳥窺燈去復留兩脚半從新月轉霞光尚帶夕陽浮此行不是山陰棹遠寺鐘聲聽已悠

二

驚聞漢詔下邊城恰在中流說太平父老忻傳輸旋置干戈直向夢寬清枕收壩口舵仍舉雲亂波心水獨明幸際興朝泉石穩使君從許訂詩盟

哭林華東州尉四首

名義心順天大興人

佐政三年外良知一念存甘教名譽失不願室家溫化俗尊天理逢子問聖言自來多醉尉誰似秣陵魂

二

寒松堂全集詩

卷之六

主

久欲辭官去還因半職牽病頗非昔日愁鬢自今年有藥歸巫瓦無棺賴俸錢安危君已料空繫蔚人憐

三

遺觀空庭裏孤燈閃幼兒悲來應有恨爰罷總無詞幾日歸丘壟何人誌口碑邊雲連夜黑造化必深知

四

留得清名在官卑益可欽操持吾輩事悃悃古人心豈獨賓京兆還堪配汝陰妻孥甘凍餓不願受冥金

王羣玉明府投詩見訪次韻留飲

咫尺懷仙令逢君色笑開居然人似玉豈止政如雷

夢向吳江遠車從北嶽迴山家留客意不速肯重來

秋旱喜雨歌

三伏已過炎暑徂秋雨如玉復如珠五日不雨仰天呼十日不雨對苗吁吁嗟吁嗟吾苗乎苗而不實有矣夫待爾一半了新租待爾一半償舊逋待爾一半補妻孥待爾一半充兒餉高堂菽水僅盂孟忍令垂首食糲糲望雨望雨心如痛願從悔艾求中孚昨夜小雨飛淒淒今朝四野慶霑濡天心仁愛不可誣彼舞雩者愚復愚

老母七十四誕日紀事

王寅

寒松堂全集詩

卷之六

主

白髮蕭蕭暗裏窺今年多似去年時傷心已往休回首又到吾親兩鬢絲

二

美酒芳筵謝六親家常菽水漫傷神年來膝下雙孫遠今日相看少一人

三

深閨獨坐自心清兒女難將愛日情願得高堂無淚下不須儀物祝長生

四

敢云簫鼓動歡顏說到稱觴淚已潸野服山蔬率兒

子不教身掛舞衣斑

成我存告歸寄所著悅心錄爲別讀而贈之

報我歸山去潛心得妙編自遠程子座誰着祖生鞭
吾道真南矣爾官合澹然半生貧病足不是愛耕田

滇事平海逆復幸衆歸順各賦一章誌喜

露布新傳拜尉佗 先皇廟畧竟如何王臣萬里專
征密甸服諸家効力多已報公孫能就緒蚤知餘孽
必投戈還方自古尊聲教誰道單祠馬伏波

二

頻年海上失遊魂宵旰憂屢 至尊輪輓東南諸

東松堂全集詩

卷之六

七

路合樓船日夜萬兵屯功成幄裏彰 天討款納軍
前示 國恩半壁風濤從此息佇看明詔問元元

夢魏昭華先生 有引

昭華以建言徙尚陽庚子歲 先帝下詔取還公已死矣
壬寅十一月四日夢公蒙 先帝權授教職隨賦詩物之

詔下金鷄信渺茫喜君今日返遼陽衡文江國真驄
馬抗疏丹墀老侍郎一座青氈 仁主賜滿頭白髮
故人傷百般辛苦都嘗遍只有書生酸未嘗

次韻酬連克昌進士兼訊楊猶龍在蜀消息

煙霞渺渺護萊衣笑倚空山且閣扉燕趙近傳名進
士中原一變舊詩歸蕭王陌上秋風迴諸葛祠前客

夢達一卷孝經堪自慰聊玕漫引雪霏微

馳封至蔚恭紀

承 恩幾載侍庭闈又捧丹書下 帝畿鳳口邨來
紅日近 龍章開處紫雲飛 絲綸顯赫驚閭里翟
第輝煌映綵衣慚愧小臣難報答每瞻北斗更依依
次韻送馮訥生內擢國學

大道昭千古尼山本儒躬馮子有素志浩然如雲中
雲中競華縟寓書悲畫龍比聞博士召奮發資羣英
六館不寂寞永夜藜光青伊川胡力辭所學在彝倫
嗟予寡陋者四座疇爲春

東松堂全集詩

卷之六

七

祝老友徐雲門七十初度用前韻 有引

余生日削不敢受祝亦不敢猶俗爲人祝最在都門乞壽詩者
焉酬之而已竊思孔子之學十年一新所謂自強不息法天之健
也世人生日年一遇不過歲月之常其可祝者道德文章因年而
進耳若以絕未有之事紛紛鋪張不顧人之所安直笑罵矣祝云
乎哉余與雲門交有年素相信各不沿俗今年雲門七十矣文氣
日以宏詩律日以細所著郡邑乘及家乘之類卓乎於人倫風教
有聞回憶六十以至於今又是一境過此以往由博返約未可量
也此雲門異乎昔年之生日更異乎他人七十之生日余可以祝
雲門可
以受矣

有豹居南山霧雨澤其躬我讀高士傳多處菰蘆中
塞上有徐子詞華擅雕龍墳典性所好炳燭氣英英
自昔養阿母遙謝綬花青古道照肝胆麋鹿時與倫
酒熟一長嘯還哉義皇春

孔君方別駕惠 闕里誌繪圖志謝有引

樞山居養母分不教一判當爭聞孔公聖裔也官於土嚮往久之老友雲門構述不置口閱年餘惠闕里誌繪圖至梓指 先師主前再拜受以 聖人家法在焉樞年四十有七未嘗一至常邦瞻廟貌成歲歲與友人講孟子盡心知性章是夜夢青衣僮僕高巾者二人導入廟立殿門闕內令跪拜兼古今儀象 先師賜飯一盂謝畢二人導詣四賢祠顏子曾子同龢並坐于思子降一龕獨坐孟子別龕側坐呼樞名語至再二人復導之出覺遂記之歸里如前夢祀於校經堂朝夕對越今視誌圖規模宛然惟四賢坐次差異耳殆所謂美寤寤寐者非耶嗚呼 先師不夢見周公自嘆其衰樞夢見 先師暨諸賢幸而未衰究恐虛生浪死爲孔門罪人得無夢寐乎率成一律以報聖翁云

尼山家法杳難追萬古綱常是我師血脉天歸孔子系羹牆夢繞大成祠渾疑簡冊非無故一溯淵源已在茲珍重瑤函羞欲死平生那敢告君知

寒林堂全集

卷之六

七

寄懷李吉津先生

紫塞風高雁影寒先生何日返朝端懷沙未許孤臣賦鵬鳥曾聞素友嘆昭華筆袞天中侯北望金臺多駿骨東臨滄海一漁竿 先皇舊德終難報遼左於今說幼安

苗大生督府枉顧賦謝

擁節行邊素雨秋北門鎖鑰見風流水銜舊領山公署甲帳新添叔子裘故想清班聯角曾陪高議集龍樓停車若問山中事救水歡然托壯猷

老母七十五誕日紀事 癸卯

昨歲悲傷劇今年步履艱緩行庭院裏須駕板輿還

板輿如小椅下有四輪見孫推挽而行

二

菜粥方辰啜

以菜和粥也

腫羹下午餐

羹湯切也

兩孟難運化尚藉保和丸

三

崩中醫者諱結燥老人常滋潤兼清補經年無驗方

四

進觴鄉俗好貧富豈能齊爲謝親隣意休將酒榼携

刁蒙吉先生索詩壽熊母兼寄熊恕叟祁州

維昔言游氏武城得子羽吏道與士風芳軌邁千古

寒林堂全集

卷之六

七

祁侯楚名家吳地相接武下車問民情異政紛難數頑懦可以興伊誰奉規矩式茲卓行人居是邦之主造膝潛室中顏曾世復覩肅然事如兄退食資進取歸而告萱闈吾將治鄉魯母曰其敬哉慎勿愧三釜孝子壽其親在德不在紹恭逢設悅辰觴罷綵衣舞仰觀慈母心欣然聞召杜舉觴以賜侯仕矣仁有輔所願男子孤揮作蒼生雨父老歌堂階高賢入城府太和家庭間盛哉循良譜

夢雲門訥生

仲冬有五日中午夜夢徐子就余問五行果否真宗旨

余曰大哉問數也而兼理五德生所俱曷不求乎邇
馮子適在旁正襟肅而起曰惟素心者印証乃如此
先生善誘人願俾聽者喜覺來嘆神交砥礪愧牝津
誰云寤寐間所學能已已

哭胡館師菊潭先生用見贈元韻

玉署承嘉訓修持敢自卑迹因揆席遠神切絳帷思
汾水驚哀訃蘿山續輓詩津涯曾有問桃李本無私
學易中和備傳心授受不百年留絕筆吾道愧彰施
師貽書有云僕邁矣恐不及見高賢之登道岸也

輓趙洞門先生用贈余歸養元韻

寒松堂全集

卷之六

詩

蔭陰話別正康娛不信年來變可虞烏府土書思獻
替螭頭曳履失匡扶六卿誰與題丹旌一劍何能掛
白榆聞訃已知歸去矣招魂復問舊尊鱸

輓同年楊猶龍方伯用贈余歸省元韻

白雲深處是吾廬有訃驚傳六月初左轄官留西蜀
恨右軍名重上林書公先生浣花有句瞻鴻雁金鹿
無書托鯉魚世說公書哭罷故人無一語自寬雙鬢已踈疎

輓李退庵少司寇用贈余歸養元韻

詩思南旋事不聞傳來山間忽紛紛故園孤陋空餘
我南國風流竟失君十載肝腸留翰墨一天風雨罷

耕軒可亭竹樹依然在哭斷江東日暮雲

輓同年楊賢甫少司馬用贈余歸養元韻

携得高吟去國門思君常傍九重閭濟人古道追前
輩醒世名言布聖恩身後始知司馬重朝班不見
侍郎尊素車白馬何時弔淚灑畿南日已昏

輓曹厚庵學士四首

居業書成志不移一生功課影余知只今御座談
經處道學應垂聖主思

二

道誼深深接面踈省中春樹果何如當年侍從無休

寒松堂全集

卷之六

詩

暇今日空留翰墨書

三

譚子遺孤托死生歸家正好報嚶鳴可憐客舍仍相
托魂去悠悠漢水清

四

一從東魯問真詮萬古天倫在兩肩常德黃州身去
後不知誰氏衍薪傳

輓同年晉長眉銀臺

庚甲相同語亦同兩心常對月明中報君一札無人
拆西望雲山弔北鴻

春日送太守蔡公介臨任去雲中

雲中古戰場，循吏以佛稱。雖現宰官身，不談最上乘。
惟有薰作鞭兼之心，飲冰致黎有幾個。雖鳥鵲飛騰，
忍令父老子避家如避繒。聖天子吾民臣，敢博廉
能夙夜前請命，廢食涕沾膺。十一川邑間，長照光明。
燈稱佛，雖怪誕愚口，曷足懲。昔日余九江，祝頌多異
徵。卮言當左券，庸敢比百朋。

壽胡年母七十兼寄東甌

十載交胡子，胡子有老親。鴻雁度桑乾，動定相咨詢。
稔知宦未成，兵燹留孤身。歸來慈顏好，那復知艱辛。

東林堂全集詩

卷之六

五

書巢貯千卷，几榻生綠塵。著述寧在多，溫故而知新。
堂上時垂聽，婆娑移天真。今年夏四月，爲介七袞辰。
遠勝長蘭身，入座無雜賓。三公不可易，一日足清貧。
古人以道養大節，何憐胡胡登我堂。余慚拜母人，
舉觴誦里語，太和一家春。

喜劉興甫貢士過蘇寺孫退谷先生書至

不遠榆邊路，騎驢過馬頭。山因開良友札，想爲監儒
謀。事後心多悔，醒來夢亦羞。留君商此道，莫負太原
遊。時

次韻贈苗凌漢先生自河曲見訪

後所著明經錄

大道久襟棘，餘姚倡良知。良知何由致，求仁平旦時。
傳說日紛亂，格物謂支離。我讀明經錄，豁然釋前疑。
考亭貴窮理，古今寧外茲。願言敦踐履，方寸有餘師。

輓韓聖秋兵曹

強牛交遊付太虛，論心秋舫憶君初。原因道學稱朋
友，故枉詩篇問起居。一代幾人言未絕，百年何事夢
全疎。臨歧佩取歸宗意，贈我橫渠一卷書。

甲辰秋李恒嶽妻兄見招水心亭晤胡東甌同
年留詠

得還字

東林堂全集詩

卷之六

五

白水穿林過蒼山，入座移欲歸。還對語返旆，若遲遲。
老母七十六，誕日紀事

甲辰

一齒今年乍落，雙眸入夜猶清。藥嫌參朮歸，芍食喜。

椒薑菜羹

康熙六年六月二
十五月初落一齒

二

舊恙全然脫，體癡兒幸免。迴腸不爭膝，下三祝且錄。

藥中一方，方名香枳湯。藥三味，枳殼、枳實、甘草也。壽親養老新書服一
丸，兩月餘，忽於結七日，果獲換方。此症歷歷，先求南北醫者，方俱不效。老母憐於藥命，勿進
得此，遂獲之。時十月二十七日也。

寄同年魏貞庵先生

埤頭曳履氣冲融，四海英賢夾帶中。啓事舊推山吏

部黃麻新拜漢三公百年統業關臣誼一體中和佐
望躬爲報高堂能健飯莫勞書札更相通

宋烈女未嫁殉夫作此紀之

磨笄山下結靈奇閨閣千年有素姿僻壤幾曾嫺內
則天良原未着人爲心堅媒妁牽絲日命絕卽君折
玉時聞道總帷屋瑟瑟不教人哭有情兒女名典姐許州衛西崖頭人督學使蘇公孫風上聞如所請建坊旌表云

二

連朝風雨黯孤村彷彿乘鸞月下覓井白未操應有
憾絲蘿一斷更無言千章梓木棲雙鳥三尺桐棺泣
寒松堂全集詩卷之六

獨猿不數悲歌燕趙士史官別是一評論

送王允升廣文歸陽城

兼葭白露此清秋聲氣欣從物外求人是老儒應好
問學因野獲更多謀微官有分平平作大道無私漸
漸由歸去寄言諸素友恒山西望路悠悠

老母七十七誕日紀事

歲序乙巳冬孟月之六日恭逢設悅辰慈壽七十七
齒進德彌邵素心惟樸質三泮衣未除重念絲成疋
舉步良云艱坐卧常不出床頭一指揮家人凜師帥
寢興必以時平生恥自逸族黨競紛華聞之若有失

屆期請開筵母曰願真率慈命那敢違救水遠雙膝
張慧一貳尹以運餉歿江寧楓歸陽武內君表
氏哭絕食夜經官署死之各賦二詩紀事
大江南望水流漸輪餉微臣畢命時萬里間關覓不
定祇依難弟與孤兒

二

一郡爭傳孝友聲渾金璞玉是平生於今夫婦捐軀
日始信家人卦已明慧一治易

三

不同葉葬不迴車大節先留博浪沙怪道蔚羅閨閣
寒松堂全集詩卷之六

四

春來乍見從夫女臘月驚聞女丈夫靈氣百年今日
合城邊老樹泣雙鳥

蔚州鄭侯惠朝衣一襲志謝

朝衣著廿年矣予告家居朝賀禮周敬廢州大夫鄭侯數見之謂非國制又短窄弗稱而且敝焉遂解新制贈余既拜受日憶甲午春分以衣恒長陪祀朝日壇侍班侯駕過世祖章皇帝左額呼名大笑問之者曰笑魏給事朝衣也今易此以章州大夫之惠然不能無感於時昔云時乙巳十二月廿八日也

廿年前製一朝衣伴得君恩下紫微拜舞敢忘呼
聖壽歲時儘可慰春暉每思朝日趨陪罷曾荷

先皇賜笑歸郡伯解來真 國體不因輕換舊牙緋

元宵侍母看鄭侯見貽花火

策杖庭堦步已難上元時節怯輕寒郡侯曲體承歡
意火樹溫然贈母看

二

千枝萬葉結明燈比歲元宵見未曾不是太平真樂
事慈輿那肯到松棚

懷仁縣于生懷漢出家穀千石賑濟饑民曹秋
岳兵憲賦詩美之屬余同作

懷仁黑子邑殘疲綴雲邊雲邊盡瘡土沙石滿平田

寒林堂全集

卷之六

七

畝收三斗粟擊鼓慶豐年彼蒼安可必旱潦何連綿
糠粃值珠玉萬竈絕炊煙穉兒哭無力老翁踞呼天
頻年連國賦生聚已蕭然老穉一死足門戶倘苟延
苦勸壯丁出就食登言旋那知出不返白骨棄荒阡
雲中有鄭俠繪圖 天子前遣使賑諸郡田租賜全
蠲忍饑待 恩澤義士增涕連念某蓄千石躬耕聊
自全會看閭黨盡一家擁橐饘官長廢寢食願以濟
羣瘼憶昔甲午歲凶歉獨蔚川有民好義者按里名
煖泉捐賑閱兩月全活累數千種德那敢道萬口空
留傳嗟今俗漸薄避義如避淵問彼士若民誰爲着

先鞭我讀紀義詠表率顏高賢少陵稱詩史於茲復
見焉同室慚開戶流汗續新篇

美直隸督學使者蕭公

名惟謙山東德
州人翰林侍講

侍從持衡迥不同邊隅彷彿認青聰懸知畿輔人文
地委巷兒童說至公

二

一柱中流勢欲孤冰心耿耿是吾儒自來學術淵源
繫始信歐陽得大蘇

蕭爲同年王近
微山左所得士

目前推較急宜於此真飲食
泉而不易者 周體觀識

送徐子遜學憲試竣

寒林堂全集

卷之六

七

借才農部體雍容晉國衡文 帝簡中絳帳晴開勾
注北青藜夜照五原東八章約法尊天理一點虛心
起士風砥柱狂瀾吾輩事願同畿輔頌蕭公

五讀漢濱先生集敬賦

曠代思君子百年見此人淵源從粵海嫡派屬汶濱
行業吾爲貴圖書後裔真焚香還靜讀今日媿天民

夏五月芥園侍母看花二首

藥欄簇簇鳥開關手挽慈輿綠樹間最愛亭前香不
了一迴風過一開顏

二

花陰密密草芊芊移得床來樹底眠撲蝶兒童驚夢覺始知紅日到西邊

七月二十三日夢張伯珩同年卒於官

一夜天何吝中宵欲問之斯人猶不幸吾道竟難知盡墮卿邦淚空勞夢寐期自傷年五十孤立鬢絲絲

張公為淮三秦客有遠愛志思尤非公
詩先世固為世道惜也 王士正識

八月十七日伯珩中丞訃至蔚州對使哭之並

親王允升廣文

已到傷心處何堪又哭君十年雙涕淚一縣兩高墳練帛招開府寒漿酌廣文舊時聞道語遺稿未曾焚

寒松堂全集詩

卷之六

七

允升著有
夢易解

老母七十八誕日紀事 丙午

翠屏崔巍壺流清一菽一水此中生時和歲稔天地德民安盜息山川榮官長為政持大體千村雞犬何曾驚晨暮碌碌侍慈母慈手加額頌昇平上托天子下祖考七十八度春秋更白頭滿眼幸無恙膝下設言畢兒能稽首北闕致拜跪倚杖東祠看染盛年復一年敢忘報食息視聽真生成拜罷始受兒女祝起居不文惟至情一家詎勉事耕讀共體百年葵藿傾諸孫穉幼兒老大祇愧難貽堂上名

丙午孫退谷先生七十六初度寄祝四章

二氏紛囂甚吾儒不肯尋先生肩三擔若輩假何名說與存仁訣分開約禮程固然先太極不使後人驚

二

一代推班馬先生重考亭胸中全史在筆下萬人醒學術真前輩文章本六經自翫諸典故心在幾千齡

三

日寫蠅頭字七旬有六人摩娑惟卷帙移易及鄉隣世格文明化天留著述身聖王諸制作今日欲重新

四

寒松堂全集詩

卷之六

七

十載官都下龍門數數登執鞭誰不願問道我何曾一坐春風晚中年夜氣興悠悠勤夢寐念念得師承

退谷先生白首著書經以為經史以為緯先生固非溫美者 王士正識

李天範內姪因讀禮謁余共談家禮

萬事浮雲總不真忍將格套奉天親蔚蘿亦是敦倫地幾見麻衣讀禮人

並蒂萼獻母歌詩紀異

異萼何曾見吾家歲歲生並花仍並蒂連穎復連莖葉似姜公被根疑田氏荆至人齊萬物草木豈無情送蔚州鄭侯內擢刑曹兼詢舊時諸老五首

六年出守在邊陲一望行旌繫所思宦蹟每從功令見苦心安問士民知月明雞犬村無擾雲卧桑田版不移俗返陶唐還有意他年好記舊遊時

二

講學堂成道未成慚予涼德負深情高談不減鴻儒望大雅真超俗吏名佇看修齊爲事業願言忠恕是躬行即今聖主明刑切力佐臯陶廣好生

三

升堂拜母誼何如爲別萱闈問起居敢謂子民堪敬式重勞司寇及門閭官衙自惜無竿牘都下從今絕

寒松堂全集詩

卷之六

三

鴈書倘念一家依樂土不衫不履任迂疎

四

全將道誼與仙曹大器從今日日韜晏子衣裘當世諱于公門第古人高胸無一我才方著志必千秋氣更豪六載交情真似水贈君猶自愧綈袍

五

自從乞得綠衣還身在庭闈近十年咫尺京華踈翰墨低徊時節憶班聯迂人祇合耕耘老腐氣深愁話語顛天上故人如問訊山中菽水正悠然

保定劉敷季至蔚以講學文二章來見即贈

大雅猶能見脩然一布衣乍逢如有舊相對已忘機抱璞驚雙璧觀星接少微肅齋留片席別去寸心違富平李天生至蔚以長歌來見即贈

讀盡書千卷知君有夙根平心搜理窟老氣逼詞源既見真如醉何時進一言歸家須努力經史待評論寄懷趙錦帆同年遊鴈門

勾注山前草色新故人騎馬渡河濱中原才子知誰健上國仙曹向我親風雨半催詞賦老弟兄猶剩鬢毛真少陵出塞詩無敵莫諱東西南北人

張爾成自中州郵寄詩集即用集中韻奉答

寒松堂全集詩

卷之六

五

可亭風雨夢相尋喜見春鴻接塞吟入部山川多異蹟中原名碩半知心碑銘朗誦文皆繙卷帙重封字有聲爲報蔚羅衣綠綵後幾回東望五雲深

再哭張伯珩憶已亥同田沛蒼太史餞余北郊祖席分雙袂間關逾十年居然言笑隔忽爾死生傳道誼中丞淚文章太史筵鄉人思舊德應薦社雲邊應州傅侯攝蔚篆事竣走筆補看花之約十首美人爲政坐官衙四月邊城始見花讀罷道書無箇事相將一過野人家

二

杏花開罷李花香四面芳菲接短牆近日板輿仍未
出特邀五馬踏春光

三
霏霏小雨濕新苔携得奚囊入座來無句不留風雅
在稔知仙吏是仙才

四
暮春歸去尚尋春一派天機我輩人遲早尋來春不
遠莫教空負百年身

五
草色花香共鳥啼醉翁無酒醉如泥誰將可對軒中

寒林堂全集詩
卷之六
話敢作風雲月露題

六
琴音彈罷自和平況復殷雷耳畔轟座上莫嫌賓客
少廣文還有一先生

七
談文講學通家子揖讓從容事可觀他年若露真頭
角始信尼山道路寬

八
同春亭上樂何如四野桑麻一卷書爲報土人春信
好清風明月照吾廬

九
蔚城元氣凋殘久滿眼春光天地心不信但看亭畔
草生生化化到於今

十
神交十載欲忘言忽有車音到芥園九十日來瓜李
迹一時磨去總無痕

送曹秋岳憲使陞任去雲中

西北三關天下雄神京右臂古雲中當年魏尚曾
出守至今千載著豐功聖朝有道藩籬撤白草黃
沙中外截土人耕牧傍孤却健兒空荷轅門鐵一從

寒松堂全集詩

卷之六

早

戊子耀捷槍將軍跋扈據高城城中男女千萬戶累
繫餓骨連軍營天戈一指巢卵破收拾殘黎有幾
箇緬昔捧詔此停驂蓬蒿沒人不敢過十年惠邀
我公來清風吹起劫餘灰地向陽春看絕塞人從法
憶望三台猶憶京華寮案輩公居大隊余小隊天
子首呼曹侍郎爾才未合官廷內太和門下承
天言襍被從容辭至尊東西南北敢告瘁會看曳
履上金門小人有母陳情久每逢驛使辱公口一菽
一水奉晨昏安能縮地執公手執手漫躊躇吾
儒經濟果何如廟堂忽爾重守令歸向瓶山好著

書方今海內競異學知覺心性紛相角誰說躬行實踐人徒張空拳沒把握我公行矣勉加餐天生我公開戶難萬物同春有大願終爲蒼生起謝安

中秋前三日程西離學博招集明倫堂論文令

子仲寧暨長孫同小兒侍座

幾年校契廣文壇每對先生意藹然素性從知心似水大文真美筆如椽高談月下無詞賦淺酌杯中有聖賢更喜兒孫頭角露一時相見果翩翩

祝李恒嶽妻兄六十初度

大茂何雀魏佳氣結蔚谷中有餐霞人隱居課耕讀

寒松室全集詩

卷之六

里

孝友性所成舉火暨三族惠及里黨間任邱不勝錄義在則勇爲遑擁吾家蓄以茲好禮心潤身兼潤屋與人若春風對之溫可掬兒孫兩三世謙讓貽之福舞綠遶膝前菊開酒先熟康哉杖於鄉大年從此卜

老母七十九誕日紀事

丁未

比歲無他恙達和獨此年嚼冰如美食啖菓代烹鮮四體浮難動中央滿更堅疑爲虛已誤認作水尤偏胃痛腸多秘腰疼血屢便直攻猶未合峻補豈宜然診脉知洪數察形識變遷不妨行積滯兼以用開宣嘗藥心靡定知醫道未全分消丸始製敗毒散初煎

利下真盈百艱辛那計千春來秋計秒食入寢安眠十月逢初度一家省夙愆親朋惟道福子女盡呼天此症何曾見吾慈竟得痊駐顏休問酒謝客不開筵夜夜圍燈下朝朝坐膝前從知勤儉德况賴祖宗賢變淚成歡笑存方記後先五旬兒有幸百歲壽無邊

翹首興亭月重虧復大圓

三月二十日晨起腰忽痛聞四月初九

微汗乃止二十三日胃痛腹脹甚服涼牛黃丸三痛止日穿水塊至十餘碗服木香流氣飲不效六月十五日起服分消丸半料一月之內瀉百次日穿西瓜一枚食始進八月二十六日起服金匱丸半料之半九月十六日服消風散毒散一劑身腫漸消九月二十四日起服神效丸半料腫消過半又服半料全消至十月初六日神氣已復生平勤苦事悉記憶不忘尚未能下牀舉步是日辭親友勿拜賀兒孫輩代母叩家祠不令稱觴惟坐卧自適而已

語云子久始於古之孝子益知素問難經爲後世之仁人術護其親而作也父伯謂帝曰目明心開而志先慧然獨悟曰神細引與什純以神行

寒松室全集詩

卷之六

里

殆所謂執玉捧盈視於無形聽於無聲者耶合參詳之思慮會桐俞之聰明自奉春念日暨孟冬初旬幾與造化爭能仰留一息於慈闈即是密覆一元於大塊聖若賢參高配厚之業其不自此中流出天下文章百代風雅有大於此者乎返流孤露抱恨終天之人讀之一字一血思先生京尹時一號過堂之表反覺不孝浴忤罪如山矣燈下低徊驚悚萬端骨折心驚有如此夜 劫浴拜識

題小品圖爲老母病牀展玩

坐卧床頭一步難權將景物解心寬世人多少傳家寶幾向慈親手內看

坊成老母有訓

進士坊成祖宅門板與相過誠兒孫身榮莫作誇鄉里字字標題紀 聖恩

戊申元日隨州大夫朝 賀恭紀 新政頌而

祝之

七載朝 天關乾綱獨攬時大恩推撫字特定夏稅五六
開徵仍嚴 名諫黜華靡禁士大夫奢僭 吏簡封疆重休養才望
究私派 權行賞罰宜及善養優伶 抄來新報紙勤作太平賢能堪任
限資作 詩

讀沁州郭靖寰先生傳敬賦二十韻告三立祠

汾流接大荒地氣滙山右河津安絳間道學稱淵藪
沁水分二支土俗歸醇厚州序有舊祠昉自三不朽
惟人不惟官俎豆良非偶明經郭先生從祀日已久
我讀外史傳肅然為俯首世間節婦多義夫幾曾有

朱本堂全集詩 卷之六 署

結髮嬰惡疾中年擲箕帚兒女三四人依父以為母
糟糠不下堂二豎何足醜晨夕勸加餐寒暑浣衣垢
撫恤三十年敬之如賓友或云置小星先生謝否否
艱苦吾備嘗士行終不苟高風播於鄉膾炙千萬口
歲時採蘋蘩父老年暮酒孝哉廣靈君隕涕感下走
余也愧腐儒安得獻一卣所願操蕪詞告曰蔚州某

老母八十誕日紀事戊申

君恩特許侍萱堂八十春秋始進觴菽水敢言酬聖
善 絲綸蚤得荷 先皇姻親里黨持華祝碩輔名
卿賜錦章鶴鹿疑隨萊綵舞兒孫樂擁板車忙一登

一拜慈顏喜百吟百歌淑氣揚門內好風惟洩洩郡
中懿範自洋洋全因令德邀純嘏詎有微誠格 上
蒼圖壽齊坤四個字天風吹到壽筵傍四月朔日與李甫
吹一紙於亭上拾之則刻書如掌大書列聖壽齊坤
四字餘字多不成讀存此以志老母平生盛德之盛
四字若此疑如古易亦可
諱於孝紀之 同體影攝

贈苗凌漢老儒

愛爾真儒者安貧樂道深老成人在目慷慨話其心
腕下書堪寶囊中易獨尋公善大書所 升堂復遠去著作

望佳音

贈潘藏山隱者

又自烏龍出升堂拜老慈酒漿隣里惠瓜菜歲時貽
有覺山人夢無聲孝子詩年來思靜侶報與白雲知

贈李晉陽貢生

十載西洪覓友生携詩又過蔚州城知君不遠桑乾
水曲盡升堂拜母情

贈徐次履文學

乍讀奚囊絕妙詞年華恰在棄繻時通家一見真嫌
晚為愛孫郎帳下兒

戊申八月十五日秋分是夜雨時聞災異求言

之 諭有感

百年幾看中秋月，況復秋從上日分。林壑豈能窺變
理，歲時恰好罷耕耘。封疆自隕臣工業，宵旰偏勞
聖主勤。異變驚心齊魯甚，一封白簡未曾聞。時聞東撫食步

和李吉津先生見寄元韻

一身東去已忘言，十載龍荒道自尊。口授生徒宗闕
里，手携書卷入關門。夢回謠客詩誰好，環賜孤臣
旨尚溫。曾向泰山山下問，誤將佳話作啼痕。

孫鍾元先生惠詩為老母八十壽次韻答謝

蘇門天地空無倚，眼角浮雲同散屣。廿年遙望歲寒
居，有客傳來洛陽紙。南陔白華孝子詩，開城頌母慈。

東坡全集詩

卷之六

星

頗喜憶昔曾讀講學書，雪在程門不踰咫。一言一行
海內師問道，有人何必已子也。五十愧虛生，矻矻終
年窮四子。八十高堂菽水餘，尊聞行知盡此耳。安得
一月坐春風，看遍千紅與萬紫。

戊申十月王蓼航同年惠將母歌為老母八十
壽是歲太夫人同八十奉和近體二章一補
進觴一奉懷柿庵

太行相望白雲停，身傍萱闥戀。關廷秋過大河干，
樹碧夢回東苑一編青。長林竟夜分藜火，兩地經時
看發星。吾輩駐顏文字在不須，燕市買參苓。

二

曾向東華聽玉珂，共君先後入煙蘿。月明狐口同人
隔，星聚蘇門好事多。梁苑屐痕歸霧豹，汴城秋色上
銅駝。年來卧雪餐雲罷，一坐春風更若何。時孫鍾元徵君講學蘇門山中

次徐雲門憶蔚韻四首奉懷

一回相見一聯床，歸去翛然卧草堂。開卷幾曾分內
外，閉關無處着閒忙。墨池雲懶吟常足，籬菊秋深采
自香。正是春風零水亞，可來鄒魯認宮牆。

二

不衫不履芥園居，月露風雲總緒餘。舊執還多誰入

東坡全集詩

卷之六

星

社中年已過，合懸車。酬君好夢松間石，慰我平生獄
下書。幾向白登深處問，晚年歲月莫成虛。

三

同春亭上惜交遊，愛爾閒登百尺樓。世事紛紜隨夢
鹿，吾心寂寞付江鷗。圖書氣合真無字，菽水情深幸
有秋。近日歌詩兒亦和，詩成那解是還不。

四

天地無窮道不窮，那曾一月坐春風。眼中人物憐君
老，海內文章笑我空。兩世通家看後輩，千秋大業問
天公。往來多少嘔心語，化作煙雲護蕪龍。

哭刁蒙吉先生二首

十一月二十九日計至
為位子投經堂哭之

問病人歸計已先披衣讀罷淚雙懸
吾儒豈合斯人死未訣仍存未了緣
鴈字投交辛丑後麟書絕筆戊申前
好將劉記名山護獨破禪宗翼聖傳

二

麻衣哭母病相侵易簣終遠枕塊心有子有孫天地
憾無官無爵日星臨百年公論歸吾黨半句讒言是
好音倘得先生靈爽至窓前一聽伯牙琴

冬杪答成我存燈下見懷詩次韻

一代儒宗推輦下空來北地覓津梁時當力學官為

寒松堂全集詩

卷之六

七

隱性不趨炎暑自涼伊洛淵源今日續尼山嫡派幾
人倡頻年未得同心語轉眼春風看綠楊

李桂萼內姪惠水仙花為老母供賞

香風煥煥影翩翩傲玉凌霜是水仙為報萱闈春色
好一枝獨立塞雲邊

二

荆園歲歲長名葩來自江南種更嘉昨夜春寒寒未
歇和風和雪到吾家

同徐雲門李蓬萊過柳林

一派風煙萬柳深高朋賢主足登臨枝枝葉葉難窮

處想見當年種樹心

種樹者余如
家李文明也

渡桑乾同徐雲門

長河自西來萬頃白如練俯仰百尺樓大塊之一線

二

往來涉大川栗栗生恐懼歸去報慈闈世境難跬步
過小關嶺同雲門衝風而行次南臺見贈韻

四月十五日

四月披裘度小關緋桃處處亂煙鬟無言說夢心難
穩夜夢母病驚
覺遂不復寐有客同歸意自閒一部河山隨我過十

年風雨共君刪平生竊望山能學不信山中更有山

寒松堂全集詩

卷之六

八

已酉孟夏雲門枉過庸齋值七十六初度率筆
為壽

七十六歲老處士一百餘里來高蹤明月正懸北堂
脊長河自盤西嶺衝開卷弄詩視而笑舉觴言壽涼
以恭遙知故園庭草綠兒孫羣望蔚蘿峰

雲門既歸白登次見別韻却寄

嶺上諸峰斷復連大河明滅望中懸千紅萬紫來時
興一日三秋別後年窓草日隨庭樹發青箱夜共白
雲卷臨歧多少真憂喜未敢題詩附錦驪

時老母
抱病

輓馮秋水方伯兼慰訥生

廿載論心氣味同鴈門一望朔雲空棘人已抱終天
恨腸斷孤兒旅夢中訥生官

輓馮恒山侍御時聞秋水方伯訃

草土空餘病一身哭君兄弟倍傷神迴思同列趨
朝日不見當年鐵面人

弔喬母即慰喬生

內則條條古今儀吾家壹範爾家知可憐哭母與亭
日又是喬生哭母時余建興事喬生董之

輓應州左翼宸前輩用已亥贈答韻

聞君卧病在冬初歲暮平安信已疎忽見鄉人傳遠
來松室全集詩

計可憐孫子抱遺書一生清白惟茅屋入裘窮愁但
野疏幸得有棺函素骨銘旌和淚托雙魚

輓李繪先學士

學士論交一味真素心耿耿對秋旻憶君辛卯衡文
事猶是中流砥柱人

二

聞說功名念已灰尊鱸常愛碧雲隈如何卧病秋江
上箕尾飄然去不迴

輓袁九敘同年巡撫山左卒於官

用已亥贈余歸養元韻

節鉞重開撫二東清操惠政許誰同百年鼎望歸梧

鳳數載深勞起澤鴻風雨漫催雙鬢老弟兄真惜此
人空回思藤館分襟日蕭索秋心寄野蓬公初撫滇

輓曹孝子廣攄領天大興人翼宸先生仲子也

幾年都下缺寒溫客到爭傳孝子門一念告天霜作
刃三更和藥血留痕全歸全受心何憾無古無今道
自存定有英魂依母側時來隱隱慰晨昏

哭孟淑明先生用祝先母八旬元韻

太原門下士樞受知先生時爲太原令夢裏祝厯眉久擬爲先生致八旬大慶詩萬善

心無忝真清世共知寄書生死恨先生書至蔚州祝先慈八旬時已見背撫報書係先生起居未達

聞計性情移華嶽高千尺斯人不朽時先生亦逝

解法周同年自瓊州歸至蔚仍歸朔州送之

握手秋山外論心多難餘一身元是幻萬事總成虛
守拙耕殘土傳家理舊書南窓高卧處天地復何如

解法周同年六十初度

綺筵開舊宅萬里一歸人把酒呼霜鴈題詩問石麟
醉醒都是夢歌笑總無因惟有恒山月年年照此身

蔚州煖泉瑞藻生

曾聞十步草恒豐對爾真堪課治功樹邑王風今宛

在如虹霸氣舊稱雄千條綠鎖煙光裏一本青滋地

德中我欲臨流思口澤先君曾言前次燕狀滿頭霜雪路偏窮時余

丁先
趙夢

二

暖水寒英簇簇奇潮洄風起蕩連漪仙槎客泛凌霄

影異卉誰栽太液池花甲蒼茫追往蹟芸蓀馥郁闌

芳時同看榜茲聯翩盛補入環滁醉後詩前登秋榜
五春榜一

妻兄李恒嶽仁里八景各賦一詩

平觀翠岫與丹楓一望東南眼界空分我半間新屋

子有時來坐白雲中懸崖曉望

又

長天漠漠晚陰陰大經飛滿百尺深夜半清聲來枕

寒松堂全集詩 卷之六

圭

上猛然驚起讀書心夏雨閣濤

又

四月邊城秀麥禾滿疇搖曳綠痕多主人自有躬耕

樂雨雨風風醉碧蘿平曠麥浪

又

拂雨搖風薛荔俱垂垂古堞晚香珠天生一幅黃花

譜寄與陶家作畫圖古堞牆花

又

月度櫺關別有天半鉤纔掛碧雲邊不知峰下詩人

宅多少清光到榻前臺峰新月

又

石門煙火一村餘中有幽人世卜居試向若樓高處

望幾家密密幾家疎晚堡炊煙

又

素雨漫漫向夕催半秋秋色老崔嵬分明摩詰詩中

畫畫出蒼山白雪來秋山初雪

又

塞上春深柳犯黃殘冬猶自飽清霜可憐數點寒鴉

過飛向枝頭坐夕陽陽坡凍初

詠芥園芍藥三種

寒松堂全集詩 卷之六

圭

幾朵紅雲映北窓好花誰護碧油幢晚風吹動渾無

語却對朱霞未肯降紅

又

滿園風雨鬪羣芳萬卉叢中一簇香不是紫微仙署

裏藥欄却護紫微郎紫

又

在家兄宅

與亭亭呼月華明紅紫相看弟與兄忽念鵲鴿飛故

宅綠陰深處雪盈盈白

送女子于歸西洪因與雲門期會李晉陽齋中

報書曾與老翁期即約桑乾再渡時仕宦情因華髮

改婚姻事許故人知冰橋五里溫將泮煙柳千枝嫩
欲垂此夜文樓高百尺焚香坐看斗杓移

余將入都次雲門元韻預祝八十兼別

仙骨稜稜望八春披裘帶雪馬駢馳知君古道憐朋
友顧我虛名愧子臣嘉會已從期會得離情翻逐宦
情新青山白水真元氣好助愚狂叩玉宸

蔚州佟侯贈朝衣一襲為贐賦謝

病解朝衣分所安綸音飛下五雲端平生愧讀長
沙傳垂老新彈貢禹冠樗櫟豈堪裁上苑驚駘那敢
附和鑒多君贈我朝天服滿袖爐煙聖主看

寒松堂全集詩

卷之六

壬子七月病餘奉召入都別鄉中親友

十年菽水兩朝恩母去空留視息存心憶北堂終
有憾夢回丹闕更何言田園好辦租兼稅兒女粗
完嫁與婚一綫殘軀那敢愛排雲咫尺叩天門

二

山色空濛柳色殊蕭蕭匹馬自躊躇宵衣旰食真

英主摘句尋章一腐儒門內有人祠祖父口中無語
別妻孥九重若鑒微臣老定許知章乞鑑湖

寒松堂全集詩卷六

寒松堂全集目錄卷之七

詩
壬子至庚申

壬子閏七月七日乾清門引見恭紀

入都次孫徵君鍾元先生見懷韻奉答一首

入都訪孫退谷王敬哉兩先生

聞賈膠侯撫秦時有削平棧道之功贈之

送申隨叔太史假歸兼訊鳬盟觀仲

壬子九月法黃石周伯衡成我存馮訥生集可

亭聯句兒學誠侍坐

次日再和前韵

寒松堂全集詩

目錄卷之七

題王敷五編修兩世節壽冊

孫退谷先生枉過可亭時年八十經年不一出

僮僕聞先生肩輿至皆驚喜余率子婿相迎

坐談移時乃去

許生洲庶常招飲雙松下因賦二章

壬子除夕

癸丑正月二十日扈從南苑觀八旗品官大蒐

賜宴恭紀

送曲沃相公衛先生子告歸里

送杜振門總憲子告歸里

送李召林侍御左遷信宜令四首

癸丑六月九日 上幸瀛臺 特召

內閣部院九卿翰林科道各官

賜宴恭紀

送王蓼航同年分憲贛州

吳耕方監丞因三世官國雍追憶先澤賦詩有

感余讀而贈之二首

送張素存太史歸省兼訊其尊人公選吏部

送許典三之海寧令

書沈繹堂侍讀五十初度卷

送李厚菴編修假歸

送徐健菴編修歸里用騎字韵

輓龔芝麓大宗伯仍用已亥贈余歸養元韵

送張淡明侍御外轉分憲太原

壽徵君孫鍾元先生九十

題畫

玉泉山爲 帝京形勝賈膠侯佐司空時力罷

燒灰賦詩美之二首

李恒嶽妻兄自蔚來訪喜而贈之

陳六息先生刺蔚有惠政壬寅祠名宦矣及得

乃弟長卿書因知先生於壬寅辭世追憶有
感即贈公子伯際

戊戌與紀伯紫別各有詩垂二十年矣都門重

晤以魏文靖公文集見貽意有在也感愧志

謝仍用舊韵

題法黃石同年壁間畫

輓白尚書東谷先生用丁酉秋日問病和答韵

夏早奉 旨祈雨即日步禱雨降志喜

口占送甯元著侍御罷職歸里

送林穆之訪弟阜思兼懷二史

集松室全集詩

送張羽王侍御請告歸里

題梁玉立尚書扇頭畫菊

寄祝魏貞菴先生六十初度用元韵

重陽後三日宋右之侍郎招同梁玉立尚書飲

黑龍潭亭上

爲復聖裔顏先生暨夫人壽

題同年上官三立畫即送歸里

壽錫伯長兄即用來韵

題李湘北學士畫冊

輓富川令劉君死節次葉訖庵司業韵

南儀徽縣人
辛丑進士

輓張幹臣學士二首

五月廿九日沈緯堂祭酒王子言崔玉堦陳說

巖三學士葉訥庵侍講同集可亭讀緯堂進

呈御屏銘詠庵贈成給事詩四十韵因用

說巖見貽舊韵紀之

為徐太夫人六十壽兼贈健庵果亭兩編修立

齋學士

為陳封翁壽兼贈說巖學士

夢雨二首

寒松堂全集詩

目錄卷之七

四

輓蘭溪丞攝篆武義盡節名諱山西廣昌人貢監

挽大司農米公諱斯翰

挽神木僉憲楊茶庵盡節名三知直隸良鄉人丙戌進士

張德軒少廷尉索題百壽公新園

裕親王新園成令諸卿貳分箋賦詩四首

送朱生歸江西因祝其母

都門送解法周同年歸里

聞嘉定令陸稼書有賢聲心竊敬之與陸武園

侍御

寄懷黃州太守于北溟與陳省齋戶曹

為洪洞范進士母邵太君七十壽二首

題江氏雙節冊子

送成我存掌科告病特旨優遣歸里

衛枚吉樞部請假歸曲沃侍母

哭顧榆令王元夫名之旦曲沃縣人辛丑進士

讀呂忠節公年譜遺集感其家世追而弔之二首

東同年艾長人司寇

送王子厚掌科請假

輓歌送孫北海先生殯用己亥見贈舊韵

輓陝西提督陳忠愍公諱福

寒松堂全集詩

目錄卷之七

五

寄孫沂水太守

寄懷袁丹叔太守聞其敦請党冰壑先生講學

為吳銅川銓部兩尊人壽

為趙天羽戶曹尊人壽

為田子綸戶曹尊人壽

為許浣月儀曹母壽

陳太翁出家穀賑饑鄉里德之賦呈說巖先生

贈趙潔庵侍御

題葵翁長者小像

題巢雲老僧壁上

程進士受業於兄弟後乞言祝之遂嘉其友愛

送孫杞瞻學士歸省

送柯素培通叅歸養

平涼歸降報至是日立秋

丙辰六月司寇艾長人同年以退食槐聲十二

詩見示未及步韵公逝矣展讀絕筆情見乎

詞仍以退食槐聲爲起句次韵追和並志哀

輓時七月中旬也

新秋慰法黃石同年

時待補方伯

送徐方虎編修假歸

寒松堂全集詩

目錄卷之七

六

丙辰八月十五日秋分是日陪祀夕月壇

輓張東峰銓部卒於官妻封氏從之

輓周伯衡舊掌垣以保舉卒于楚二首

與施道人

題江生借書圖

送史彤右庶常假歸

贈嚴灝亭侍郎

輓浮梁令王介初殉難

名臨元山東人進士

題汪蛟門百尺梧桐閣圖

聞鄧都令李澹庵間道歸京師志喜

壽衛年伯母八十兼贈澹足同年

繆歌起侍講齋中聞史子修編修訃至悼之

哭雲門老友

丙辰除夕同田子湄檢討李天葩中翰暨誠兒

守歲一枝軒感賦二首

丁巳元日侍班候 駕雪中口占

贈張又南少廷尉

寄訊陳長卿

贈雲中老翁

壽李恒嶽妻兄七十

寒松堂全集詩

目錄卷之七

七

寄祝滄州戴先生八十

送張豫章孝廉歸華亭次元韵

輓同年王東臯侍御

次杜太翁過劉摯故里韵即贈肇餘少宗伯

哭申鳧盟處士

送同年冀公冶大司空歸里

送趙韞退分憲河北

送衛爾錫檢討謫霸州判二首

題性谷道士壁上

次寶坻相國韵贈顧秀才

訪杜子靜侍讀

題羅太翁鄉賢錄後與振彞侍御二首

寄懷施愚山少參

哭閩督范觀公盡節因讀畫壁遺稿二首

送田子綸水部歸省

吳耕方中允齋頭看菊

王毓青至都留寓小齋

山陰文端公家孫

一枝軒園爐話舊同田子滑王毓青集字成詩

賜食熊白口占恭紀

十二月廿一日

送李獻陽之任甘州守戎

東林堂全集

卷之七

人

長至前夕天壇齋宿懷于龍河侍郎

丁巳除夕贈劉瑞生為余寫像

戊午元日侍班候朝賀

送姜定庵之任奉天少尹

送張一衡歸侯官二首

寄謝李厚庵大史二首

送潘藏山隱者

題王貢士僊人圖壽張飛熊將軍

法公子樸秋捷為黃石同年志喜

成我存寄詩見懷用韵答之

廉吏行慰法黃石同年喪子

送唐濟武太史歸淄川兼懷高念東侍郎

賜飲六安茶口占恭紀

七月五日

哭嚴灝亭侍郎

哭蘓亮工少詹

哭姚若侯大司寇二首

題鉅鹿刁公鄉賢錄後

輓王敬哉大宗伯

壽同年益都相國七十

上賜紫貂披領朝服一襲恭紀

康熙十七年十二月三十日

東林堂全集

目錄

九

上賜御書唐詩一卷清慎勤格物大字各一幅恭

紀有序

送黃俞邵奔喪南歸

時以博學薦舉未與試

哭同年劉公愚大司寇

送儲廣期明府

御試畢回清源任

次韵送田髯淵歸華亭

陳介眉編修以其尊人年七十請假送歸

送李天生檢討

特予養母歸富平

送于龍河歸文登

送任海翁同年歸耶城

讀陳賢母傳與介翁編修二首

李省甫志平海寇代厚菴上疏畢復條陳閩事

上賜魚恭紀四首

康熙十八年五月初七日

讀健松齋記與方渭仁編修

再晤申觀仲

鮑王恩繩銓部

鮑易子然及門用題獲鹿書院舊韵二首

鮑王允大及門

贈李映碧先生

除夕禁爆竹聲聞巷靜甚呼兒集字成詩

已未

寒松堂前集詩

目錄卷之七

十

元日燈下讀梁蒼巖尚書蕉林詩集二首

庚申

上賜日講四書尚書解義各一部恭紀

上元月食

平蜀捷至志喜

庚申正月

讀吳成甫先生傳感賦

沁州人銅川大父也

贈葉訥菴學士

贈李鶴生令黔陽

喜許時庵孝廉就館

輓成我存及門仍用送別前韵

七月四日蒙 上賜藕恭紀

七月二十八日再蒙 上賜藕並蓮蓬菱角恭

紀

八月十九日三蒙 上賜藕恭紀

八月二十七日四蒙 上賜藕恭紀二首

恭送 仁孝皇后 孝昭皇后梓宮歸山陵

辛酉二月二十五日隨 駕詣昌瑞山謁

孝陵恭紀因述愚悃志哀

二十七日隨 上祭 孝陵恭紀

三月初七日隨 上辭 孝陵恭紀志哀

康熙辛酉季春 上駐蹕馬蘭峪 召扈從諸

寒松堂全集詩

目錄卷之七

十一

臣 賜觀湯泉應 制賦詩四首

營中病

病

帳外看山

哭曹子步妹丈四首

辛酉五月

康熙二十年七月二十一日 上御瀛臺 召

滿漢內閣九卿及翰林科道部曹五品以上

官員 特賜筵宴兼 頒彩幣有差恭紀二

首

壽魏相國貞庵同年

贈歸孝儀修撰

贈劉子端中翰

贈杜肇餘少司寇

哭畢方伯亮四同年

親王少參近微同年 辛酉十一月

送馮再來少司寇迎母櫬歸台州

平滇捷至志喜 辛酉十一月十四日

送錫伯長兄歸里 壬戌二月

贈李葆甫

送汪舟次翰林冊封琉球二首

寒松堂全集詩

目錄卷之七

主

書高澹人侍講冊後二首

贈虞虞山通叅

寄送許子位辭官歸里

送張敦復學士請假塋親

懷汪鈍庵編修

康熙二十一年奉命巡察直隸等處地方恭

謁世祖山陵

巡行過北平登孤竹堂望夷齊廟有感

巡行至山海關擬登澄海樓觀海未果

巡行出居庸關望蔚有感

巡行駐宣鎮書院讀梁眉居泰聖俞兩夫子遺

詩今俱作古人矣愴然感賦

巡行駐保定拜謁楊椒山先生祠

過慶都拜謁堯廟

過新樂縣次壁間韻

投虱行

過真定觀大佛

過趙州伯林寺觀吳道子畫水

巡行過順德父老遮道陳疾苦口占以示之二

首

寒松堂全集詩

目錄卷之七

主

擬過邯鄲訪盧生未果戲筆四首

巡行至大名事竣將回保定

康熙癸亥仲春巡行回保郡復馳慶都行在

恭迎聖駕是日仰承溫諭兼賜兔隻

紀恩一律

與王蓋臣談風鑑

與李丹麓西曹

寄懷張豈文年家

送張耳黃孝廉歸省

八月朔日容園觀剥棗

聞郝雪海中丞遺疏至傷之

康熙二十二年九月初四日蒙 上召至乾清

門 垂問病狀並所服藥餌奏畢隨 賜人

參一瓶人參二斤 臣家樞自愧衰庸何當

曠典感而欲泣恭賦紀 恩

二月朔日病中示誠兒時在樹塋亡媳七首

送崔玉堦宮詹歸里

壽孔母陶太夫人

書謝氏表烈集後

輓于北溟總制二首

寒松堂全集詩 目錄卷之七

古

輓直撫格公

輓宋開之少保

琉璃廠見白鸚鵡有感

別祖以牧親丈

八月十七日啟事 乾清門重蒙 天語垂問

病狀紀 恩

送馮楚瞻醫者歸里壽母

送湯荆峴學士巡撫下江

九月二十二日 陛辭蒙 諭入朝三次是日

賜大內湯飯

二十四日再入 陛辭蒙 賜茶

二十六日三入 陛辭蒙 賜御筆特書寒松

堂扁額 聖製古北口詩復 召入內殿垂

問病狀 賜坐 賜茶

十月二日出都承諸公郊餞

寒松堂全集詩

目錄卷之七

五

寒松堂全集 卷之七

蔚州魏象樞環溪著

詩自壬子至庚申

壬子閏七月七日 乾清門引見恭紀

應召重來謁 帝閭晨趨彷彿舊臨軒同瞻 北闕

知天近乍識 宸顏荷語溫雨散禁城衣尚濕前夜大雨

風迴左掖日初暎清時豈合容樗朽虛負徵書一代

恩

入都次孫徵君鍾元先生見懷韻奉答

夏峰遙望幾春秋三尺苔痕帶雪留但得峰前分片

席何須更羨五湖游

二

二

翩翩鳳翮脫樊籠啓後承先賴此翁自顧頭顱渾似

雪上林猶自問丹楓

入都訪孫退谷王敬哉兩先生

上國推人望高風四海知重來瞻泰斗並卧想龍鵬

重道尊儒日徵文考獻時願將真學術還慰 聖人

思

聞賈膠侯撫秦時有削平棧道之功贈之

西南蜀道古叢叢萬折巉巖一炬空謾向雍梁歌勝

蹟千秋國史紀神功

送申隨叔太史假歸兼訊鳧盟觀仲

一卧蘿山鬢已華喜從京國問煙霞廿年兄弟真吾

友一代文章更幾家大業忍辭青玉案宦情多在碧

雲涯故園叢菊應無恙共看長天雁影斜

壬子九月法黃石周伯衡成我存馮訥生集可

亭聯句兒學誠侍坐

別或十年二十年法黃石重來猶是可亭邊周伯衡人從

異地憐同調魏環學自前言啓後賢成我秋色黃花

香晚節馮訥生牆陰綠竹映初筵兒學誠疑占星聚金臺

寒松堂全集詩 卷之七

北白簡霜寒九月天法黃石

次日再和前韻

握手相逢總暮年懷人不復兩江邊鬚眉合帶秋霜

老劍履難追命世賢往事推孫風在木黃石伯衡訥生及余服甫同新

詩宛宛月當筵浮雲聚散真無定惟有丹心向碧天

題王敦五編脩兩世節壽冊

稔知鄉國有名門世節能兼世德存一派淵源推鼻

祖百年甲第兆秋元燈前畫荻霜痕見月底翻書篆

迹昏好著萊衣雙進酒 聖朝應念兩高萱

孫退谷先生枉過可亭時年八十經年不一出

僮僕聞先生肩輿至皆驚喜余率子婿相迎

坐談移時乃去

八十先生久閉門手翻經史自朝昏書來但問蒼生
苦老至全融道學痕殘臘枉車驚市巷荒齋煮米具
盤殮荀陳自昔留嘉話今日占星聚此軒

許生洲庠常招飲雙松下因賦二章

古柏森森却類松相傳此地有雙龍蟠根合向幽人
宅對雪疑看大茂峰午夜寒濤流紫陌四時元氣入
黃鐘長安多少繁華夢肯撫蒼鱗過一冬

二

寒谷堂全集詩

卷之七

三

墻東有客賦高松昨夜詩成度晚鐘座上揮毫人似
玉庭前路月影如龍呼來獨鶴稱三友抱得雙虬占
一峰欲向西臺移汝去不妨長夏作嚴冬

壬子除夕

長安風物異家園此夕愁多合閉門天祿未叨終竊
祿君恩難報愧知恩年華一任星霜改血性空餘
涕淚存顧我迂疎還自責太平時節慎多言

癸丑正月二十日扈從南苑觀八旗品官大蒐

賜宴恭紀

萬國車書一戰中太平諸將尚彎弓從知聖主崇

文德還念高皇重武功甲冑煌煌雲共白旌旗閃

閃日分紅廟堂元有經邦畧慚愧儒生賦大風

送曲沃相公衛先生子告歸里

黃扉啓事諫官隨正是蒲輪去國時寵眷爲酬天下
望清操不負兩朝知恩分郡縣山中米勅下公
卿馬上詩並召同來惟某在龍門一路繫人思

送杜振門總憲子告歸里

螭頭曳履幾星霜一賦歸來鬢未蒼風度兩朝持
國是冰操五夜告君王老臣去就人難識知己追
隨夢獨長却愧掖垣聽鑰後又騎驄馬逐班行

寒谷堂全集詩

卷之七

四

送李召林侍御左遷信宜令

一入烏臺已讓君夜來把酒喜論文風霜凜凜憲前
發諫草應從此處焚

此初時作也今錄而送之結句非泛然贈答云

二

野鳥高枝報曉衙山城雞犬幾人家省耕不用騎驄
馬上效河陽看種花

三

僊耳先生海外詩使君車過讀遺碑浮雲萬里心孤
月正是當年動忍時

子瞻居儋有浮雲時事
改孤月寸心明之句

四

折柳河橋慰語頻長沙曾藉少年人 君恩浩蕩應難測珍重 熙朝諫議身

癸丑六月九日 上幸瀛臺 特召諸王大臣內閣部院九卿翰林科道各官泛舟觀蓮

賜宴恭紀

湛露深滋太液池 宸鑒一出倍清漪樓船影瀉香荷動鷗鷺驚情歸碧岸遲玉釀幾回斟琥珀天庖分席列樽彝臣心敢負明良會獨愧嘉謨答 聖恩

送王蓼航同年分憲贛州

北闕晴雲遶鳳城 先皇開館集羣英四十九人相

集本堂全集詩

卷之七

五

接席槐音日日雜書聲是時畿輔稱絕調更兼齊魯才華妙嵩陽特鍾三兩家風流儒雅推逸少秦風唐風未足多忻隨公等度鑾坡一朝步入梧桐掖封事中宵想玉珂嶸崎磊落誰能比論公姓字芬牙齒斗酒能吟詩百篇逢世却無一片紙仕局紛紛那復言詞臣外擢忽 新恩卓丁豈合違母側烏鳥終當報至尊余送君歸官亦謫母氏念兒雙髻白陳情得荷 聖人知與君俱遠長安迹慈闈先後去高堂兩家千里淚痕長鮮民空有微軀在幾時奔走答 君王壬子余方應 召出大梁有司亦敦促膠州前來

公後來癸丑重逢三丙戌兄弟相看總二毛不歌不哭笑聲高兒婚女嫁從容說有時長嘯一揮毫揮毫興酣風雨落九州老氣無今昨彷彿淇澳竹萬竿颯颯秋空一掃籜座上飛傳除目來麻姑五老借公才天子有命留不得長江簫鼓畫船開行矣行矣懷難寫此人真去處州也既不置之石渠天祿間何不畱對夏峰先生者行矣行矣懷難寫

吳耕方監丞因三世官國雍追憶先澤賦詩有感余讀而贈之

先輩芳型拜且歌毘陵家世近如何只今 聖主興

集本堂全集詩

卷之七

六

文教碑版應存舊澤多

二

一代貽謀一代師高風亮節總堪垂正當繩武淵源日好記 先皇首拔時

戊戌 童皇帝御試丁酉南闈拔吳第一是年特賜進士出身

送張素存太史歸省兼訊其尊人公選吏部

文章德業舊通家幾世名題 御墨斜彩筆故承蓮

燭近白雲却望鐵城賒多君有屋藏金鑑愧我無詩附雪槎到日高堂如問訊為言頭白客京華

送許典三之海寧令

鄴下有許子家學篤懿行萬物一體願良由性所生

俎豆表先德孝子動鄉評以此真淵源紹述推令名
一山宰百里志不欺愚氓行將溥 聖澤庶克振家
聲扁舟渡江去竹馬歡相迎歌曰我公來笑比黃河
清君子有惠心虞芮永無爭三年報新政飛鳧觀厥
成夏峰屬素誼鄙南訂生平 熙朝重經術覲面卜
公卿

書沈繹堂侍讀五十初度卷

臚傳曾記拜丹墀學士才華 聖主知宏德殿中揮
翰日乾清門外賜貂時元因講幄需名碩不爲詞壇
表令儀滿地黃花人半百愧無佳句佐金卮

東本堂全集詩

卷之七

七

送李厚庵編修假歸

太史起閩海妙姿稱殊尤行年未三十志追濂洛儔
曾讀太極說歷歷見源頭退而返厥躬千載適相侔
況復藉師資所學獲所求吾道久榛棘頽靡良深憂
晨夕一靜對衰羸獨貽羞望登先岸歸來佐 聖
脩

送徐健庵編脩歸里用騎字韻

秋風霜鴉老將垂送別同人意每遲鳳噓中朝三瑞
羽馬鳴歸路一輕騎多因菽水辭兄弟定有文章紀
歲時日抵家園陽氣復江城草色綠離離

輓龔芝麓大宗伯仍用已亥贈余歸養元韻

菊蕊霜風晚節垂老臣應荷賜歸遲朝中尚曳螭頭
履天上俄驚箕尾騎道誼深孤我輩勛名滾滾惜
良時十年未續青藤句痛讀遺編手不離

送張淡明侍御外轉分憲太原

自是西臺老諫臣幾年同列倍相親胸中涇渭千人
見筆底風霜一味真敷政憐才勞 聖主推賢讓德
動朝紳只今暫借澄清畧早晚徵書下紫宸

壽徵君孫鍾元先生九十

金容家世舊儒宗四海淵源一派中膝下曾孫承德
訓門前弟子坐春風純修妙合程明道膚學全追衛
武公閒說當身渾太極年年遙拜歲寒翁

題畫

妙絕人傳顧虎頭厨中變化已千秋於今莫向桓家
索神物居然此地留

玉泉山爲 帝京形勝賈膠侯佐司空時力罷

燒灰賦詩美之

玉泉山下玉泉流萬斛盤旋入御溝乾柱那容施斧
鑿龍端虎踞 帝王州

初心不是建勛名西北高峰一力爭煉石補天猶幻
事好畱屏障護 神京

李恒嶽妻兄自蔚來訪喜而贈之

握手東莊一載餘勞君遠過旅人居晚年難得同心
侶夜話如看太古書顧我廉名承義重於今言路報
恩疎祗應蚤晚歸休去莫累高賢更拮据

陳六息先生刺蔚有惠政壬寅祠名宦矣及得

乃弟長卿書因知先生於壬寅辭世追憶有

感即贈公子伯際

楚水燕山兩地懸頻因舊好憶當年甘棠幾樹分餘

集卷之七

卷之七

九

蔭手澤盈箱啓秘編白髮驚看難弟在青雲喜見後
人傳千秋俎豆尊夫子門下樗材愧大賢

戊戌與紀伯紫別各有詩垂二十年矣都門重

晤以魏文靖公文集見貽意有在也感愧志

謝仍用舊韻

垂老依然學道心回看景物倍蕭森人經離索肝如
雪話到修爲語似金先輩典刑誰敢望吾生迂濶愧
尤深函函却向燈前讀一夜空窻奏古琴

題法黃石同年壁間畫

憶昔瀛洲萃大文膠州太史迥不羣有時作賦齊班

馬亦或揮毫比右軍此來非復天祿石渠之舊席獨
有西山北海供吾筆底之煙雲高陽李子年最少潑
墨臨池屬同調爲公寫出萬壑心一坐一卧視而笑
魏生也向壁間遊徒將老眼窺二妙

挽白尚書東谷先生用丁酉秋日問病和答韻

訃書一到痛無聲却爲先生惜後生一代元音真寡
和千秋絕學更誰明慙遺不獨關桑梓凋謝居然及
老成朝野自畱芳蹟在步趨深愧贈言情

憂旱奉 旨祈雨即日步禱雨降志喜

四月十九日

郊圻赤地望甘霖民瘼時關

聖主心夙夜自慚荒

集卷之七

卷之七

十

尹職虔誠實恐負 綸音行看黶黷蒸雲起立對氤

氲布澤深濕透衣袍泥尺許歸來擬獻太平箴

口占送甯元著侍御罷職歸里

盛世言何諱臣隣拜復歌一封惟自信百折總無他
諫職終難盡 君恩感更多歸家先慰母午夜憶鳴

珂

送林穆之訪弟臯思兼懷二史

君家好兄弟談笑盡文章拓落思千里窮愁賦七襄
酒清誰市月人飽雁門霜計日兵戈息他鄉亦故鄉

送張羽王侍御請告歸里

誰能仁宦却閒閑長日春風自掩關歲月有情留客
住烟霞無恙待人還清時柱下虛言責好友林中共
笑顏時念夢文伯爾遐雪樵
三鉉金龜諸公俱居其歸去不須尋舊夢羲皇以上是
青山

題梁玉立尚書扇頭畫菊

種得蕉林意已悠何人更寫晚香浮請看蛺蝶臨風
舞別是陶家一段秋

寄祝魏貞庵先生六十初度用元韻

十年難得一樽同綠野堂高畫中相業久從黃閣
著儒脩只見紫陽崇躬耕百畝惟家食口授諸生即

集松堂全集詩

卷之七

十

聖功憂國有心頭更白駐顏還在菊花叢

重陽後三日宋右之侍郎招同梁玉立尚書飲

黑龍潭亭上

秋來無地足幽探野逕追隨興欲酣北望晴雲籠

鳳閣更臨碧水護龍潭低回往事成今古領畧新醅
慰笑談況是黃花開更晚且從高處看層嵐時菊尚
未開

為後聖裔顏先生暨夫人壽

惠明偕隱幾經年酒泛黃花共一筵勝國遺書存孝
子興朝女史勒鴻編簞歌家法依然舊博約工夫
正可傳金馬容臺雙戲綵翩翩舞向岱雲邊

題同年上官三立書即送歸里

節北風霜十月寒驚聞有客去長安臨岐執手無他
說屬予為題九畹蘭子曰唯唯心已許披圖視之香
欲吐此花自是君子儔從來不與蕭艾伍中丞第宅
築高軒兄弟依依笑語溫風晨月夕時展玩應念同
人筆墨痕

壽錫伯長兄即用來韻

每逢初度歲將新臘雪寒梅物外身學稼久知兄有
志司農獨愧弟為臣燈前課子消清夜園裏栽花樂
舊貧兩地無由躬致祝年年詩報上林春

集松堂全集詩

卷之七

十

題李湘北學士畫冊

竹杖芒鞋落遊夜溪繞下讀書樓牙籤萬軸應無
忝獨許前身是鄭侯

挽富川令劉君死節次葉訖庵司業韻

君諱欽騰
字江屏江

南儀徵縣人
辛丑進士

千秋完節日星明舌斷猶聞罵賊聲漢水秋高勞將
士富川血碧動公卿魂依北斗升還降廟食南蠻死
即生聖主方憐臣義重定教青史大書名

挽張幹臣學士二首

為奉徵書滯旅亭燕山昨夜掩文星朝廷正惜真

庶正吾道先摧古典型病榻披衣猶望 闕 元日肅朝服拜闕
孤兒執手尚傳經 病乃弱當時惟口第仁人 皇天忍奪清
剛氣欲起斯人間渺冥

二

自是冰心玉骨人豈從今日蓋棺真十年道誼神相
往數則箴銘筆尚新為痛死生開世教倍憐出處動
朝紳講堂依舊廬山脚多少生徒入夢頻

五月廿九日沈繹堂祭酒王子言崔玉堦陳說

巖三學士葉訖庵侍講同集可亭讀繹堂進

呈 御屏銘詠庵贈成給事詩四十韻因用

東松堂全集詩 卷之七 主

說巖見貽舊韻紀之

神皋五月初青 時大早 客有車音過可亭經國大文

傳百模立朝清望重當廷懷中謾賦憂時句 座右

高懸作聖銘聞道 九重勤講幄太平金鑑在談經

為徐太夫人六十壽兼贈健庵果亭兩編修立

齋學士

西鹿城邊紫氣迴堦前玉樹映三槐問安齊照金蓮

燭進酒同分 內殿醅續襲霜闌千縷就經傳午夜

一燈關諸孫况復承家訓多少 恩光次第來

為陳封翁壽兼贈說巖學士

王屋青連渡澤春遙看秋色更嶙峋鹿門松菊開三
徑焚畹芝蘭種幾巡華國文章傳玉樹過庭人物立
楓宸相期大業千秋上不獨榮名報所親

夢雨

封姨跋扈赤雲生日望天河洗甲兵蚤起披衣看雨
脚始知昨夜未分明

二

望杏瞻蒲愧老農陰晴不定夢難通三更已卜豐年
兆覺後依然想像中

挽蘭溪丞徐君攝篆武義盡節 名諱山西廣昌縣人貢監

東松堂全集詩 卷之七 古

寇盜縱橫甚 朝廷法度寬幾人明大義一死到微

官血性千秋熱詩書此日完梁間三尺帛留與士民

看

挽大司農米公 諱斯翰

計部尚書古大臣不才五月忝同寅持籌共念輸將

苦切齒難忘寇賊頻 社稷憂勞惟此日 朝廷倚

賴少斯人百年生死真無定話到清剛淚滿巾

名三起直隸良鄉人丙戌進士

此世吾儕氣同人莫歎嗟一身醜魏闕萬姓哭公衙

罵賊空留舌招魂不到家朱溫何日滅遺恨逐黃沙

張德軒少廷尉索題百壽公新園

聞說王公第 君恩到翠微
樓臺千樹直 池沼一鵝飛
徑轉雲隨騎 筵開花照衣
庭前風日好 彩筆賦春暉

俗親王新園成令諸卿貳分箋賦詩四首

別業初開邸第邊 恩光春色擁神僊
輔成聖德文章貴 疎散西園禮樂偏
嘉樹雲衣停夜雨 清池石髮帶春烟
德容自許昇平會 喜近君王大被眠

又

天家樂事復何如 日近新恩帝子居
早爲朝廷除

蘇林堂全集

卷之七

五

大冠頻因顧問購 奇書人來玉樹連
星動花散銀床帶雪疎 共道賢王知儉德
退朝不上紫香車

又

鑿池半畝近山阿 引出連漪自御河
石動花陰迎淑氣 魚寒春水戲銀波
飛鴈釣曲谿雲落洗硯沙 痕墨雨多錦幘移來封十里
行行幾處起笙歌

又

碧洞丹梯二月開 西園賓客報春來
看山車馬披雲出 聽曲絃歌待漏回
怪石移將隣鄰水 杏花飛去滿燕臺
朱門自有枚生在 七發能無作賦才

送朱生歸江西因祝其母

海內說豫章 理學稱淵藪 近得張廬陵 清剛真吾友
志不讓臯夔 言動無一苟 先後起田間 頗惜交未久
旅舍見朱生 名渠籍江右 廬陵取此人 從游諒非偶
欲歸叩我門 再拜乃啓口 願乞一二言 携去報吾母
備述慈孝行 艱苦事井臼 問年登古稀 米從千里負
余曰其賢哉 是母是子 有學道即顯親 寧必言爲壽
堂上聞詩篇 可信魏生否

都門送解法周同年歸里

太平景色憶吾鄉 聞得君來喜欲狂
今昔愁懷都是

夢弟兄老髮總如霜

卷之七

七

夢弟兄老髮總如霜 膝前玉樹連枝發
門下淵源一派長 惟願東山高臥穩 蕭然四壁有餘光

聞嘉定令陸稼書有賢聲心竊敬之與陸武園

侍御

熙朝重守令 宵旰憂斯民 吏道雖云雜 天下豈無人
近聞陸嘉定 平生志清貧 下車甫一載 惠政獨循循
歡聲動萬戶 異績傾朝紳 江南財賦地 知爾勞心神
軍與正旁午 輪將彌艱辛 前令留餘盡 於今見陽春
盟手寫荒言 始終願自珍 君子貴彞好 寧取面相親
又聞宗閩洛義利 別織塵趨向 不敢定踐履 惟天真

南北此心理。黽勉若比隣。異時覩所學。霖雨佐楓宸。

寄懷黃州太守于北溟與陳省齋戶曹

那能覲面識于公。十載懷君夢已通。骨帶清霜撐陋俗。化行春雨起頽風。朝紳推服千秋上。兆姓歸依一念中。聞道黃州羣寇息。誰將直筆勒奇功。

為洪洞范進士母鄒太君七十壽

久向婁山號女宗。安貧樂道舊家風。晨昏授與兒孫訣。文字都歸性學中。

又

寒松堂全集

卷之七

七

陳情表上意何如。報母惟將數卷書。不是聖朝真錫類。肯教國士奉潘輿。

題江氏雙節冊子

士女呼雞鳴內則。式克篤一朝失所天。自矢不食粟。匪石何可移。未以聯復足。堅貞蓄善氣。松筠節相續。一門凛冰霜。清光照幽谷。秋灰小篆分。繞膝人如玉。君子賞懿行。百年繫風俗。

送成我存掌科告病特旨優遣歸里

冰心十載對楓宸。勅旨優隆到小臣。黠綴朝班人漸少。支離病骨爾為真。歸舟載月辭垣掖。客舍留

書佐俸薪。贈金古書數卷顧我年來頭半白。倍因宵旰鼓精神。

街故吉樞部請假歸曲沃侍母

詩急秋遙設脫辰。少言今作太夫人。當年司馬門庭肅。此日樞曹孝友真。月度嬌闌千里夢。風搖玉樹一家春。景明山色華筵外。照得萊衣綵更新。

哭賴榆令王元夫

名之曰曲沃縣人辛丑進士任二年卒于官

平生砥礪幾多年。向我還求一着鞭。濂洛淵源歸正派。龔黃治績邁諸賢。天留此吏方無憾。道惜斯人竟不傳。有淚更從何處哭。笥中檢取大儒編。元夫令賴榆初梓白鹿洞規呂

寒松堂全集

卷之七

七

讀呂忠節公年譜遺集感其家世追而弔之

勝國名家踐履真。文章節義貫秋旻。十三經內尊惟孝。千百年來道在人。洛水無兵誅亂賊。新安有墓塋。史臣遺書讀罷衣冠肅。欲拜先生續獲麟。先生墓孝經大全進呈行于世

絕學千秋道德真。吾儒正氣達高旻。追思與蘊歸前

輩。遺澤淵源屬後人。三世流傳多大節。一門慘烈幾孤臣。當年國事需才急。徒向中原哭鳳麟。

東同年艾長人司寇

刑措於今三十年還依北斗看長天尚書履曳金門
上司冠風高武庫邊白傍白雲千樹影幾經赤棘半
秋烟曾聞舊有持籌畧今日猶堪定蜀滇公先係
議屯田

送王子厚掌科請假

家學淵源道德尊十年來去重西垣拾遺補闕中朝
望莫謝蒼生獨開門

輓歌送孫北海先生殯用已亥見贈舊韻已亥秋
余請告

終養先生同鄉門生之麓哀九敘三先生餘余
于東齊青藤下分韻賦詩今作古人追次有感

俯仰青藤再哭翁晚年學術幾人同可憐好友邛皆
此不見先生榻在東霜雪自驚雙鬢上夢魂常聚一

寒松堂全集詩

堂中追陪大典齋明近執紼安能附上公

挽陝西提督陳忠愍公諱福

報國心丹義更加軍中李晟敢言家萬營熊虎銷秋
氣百戰風雲捲暮沙刁斗乍鳴星忽隕鬼神同恨雪
為花邊疆定有忠魂助莫為將軍起嘆嗟是日異風大
雪公遂被害

寄孫沂水太守

十載聲名貫耳頻清操已信絕纖塵雲中魏尚真無
愧海內吳公更幾人頓起瘡痍成樂土懸知沙漠見
王春心隨父老稱觥切願祝年華與政新

寄懷袁丹叔太守聞其敦諫堯水壑先生講學

廿載追隨屬爾賢吾儒風味尚依然時當捨擻惟宜
靜致以廉平自可傳佇看河汾施教澤願聞蒲坂種
桑田冰心一片君知我兩地焚香夜告天

為吳銅川銓部兩尊人壽

瑩瑩冰鑑徹天曹為潮家聲羨鳳毛柳拂琴泉春酒
熱雪明聖鼓發星高懸魚釜佩先生訓舞綠難酬阿
母勞比歲庭闈多勝事丹書雙捧出神臯

為趙天羽戶曹尊人壽

海陽雲氣護幽居杖履翛然燧火餘綺里風流高斗
極香山者舊拂霞裾鳴琴再引庭前鶴平準新傳膝

寒松堂全集詩

下書三鳳八龍真繼美黃金白璧欲何如

為田子綸戶曹母節書冊

德水淵源接泗洙鍾來閨閣匹名儒田家母是真師
表海內人稱女丈夫午夜篝燈酬地下間關帶月撫
諸孤行年六十身方健三鳳翩翩又引雛

為許浣月儀曹母壽

勞勞圖計屬伊人廿載離家憶老親帝命權關兼
覲省天開餘閨應生辰許母閨三月生值
三月歸省斑斕色對霞山
照菽水歡生歛浦春况是冰霜昭大節宣文膝下拜
儒臣

陳太翁出家穀賑饑鄉里德之賦呈說巖先生
古道何能邁高風尚在今痼瘼原素念桑梓况開心
盡飽仁人粟爭傳義士吟貞珉書不朽遍滿大行陰
贈趙潔菴侍御

十年經術重江東藹藹春生撫字中每向西臺讀諫
草秒霜依舊帶春風

題葵翁長者小像

面有風光目有神渾金璞玉是天真一堂六世身無
恙彷彿羲皇以上人

題巢雲老僧壁上

集公堂全集詩 卷之七
鶴來松頂覓高枝正是生公入定時夜半鐘聲驚鶴
去松花仍帶白雲垂

程進士受業於兄弟後乞言祝之遂嘉其友愛
元方領袖季方來兄弟翩翩天下才華蓴集成符彩
見池塘夢得錦雲開鳴珂直入陪金馬振筆秋高待
玉裁從此家聲推並美文光應照紫霞杯

送孫圯瞻學士歸省

暑到延和講未闌如何輕去較書官豈分章句移花
影自詠星文入夜寒倚闕青天雲五色買舟赤石
水三灘百年黃髮高堂穩肯向秋風理釣竿

送柯素培通參歸養

海內遙看喉舌星那知歸夢到西岑簫吹楊柳千峰
晚舟度芙蓉半夜青諫草只今留魏闕詩筒何日報
江亭慈顏一笑天倫得問罷平安好授經

平涼歸降報至是日立秋

天威一播漢西京納款軍門即罷兵千里轉輸民力
息萬家團聚將功成臨邊祇見壺漿盛不戰元因壁
壘明三楚九江應待命秋風會送凱歌聲

丙辰六月司寇艾長人同年以退食槐聲十二

詩見示未及步韻公逝矣展讀絕筆情見乎

集公堂全集詩

卷之七

七

詞仍以退食槐聲為起句次韻追和並志哀
輓時七月中旬也

退食槐聲聽不窮翛然獨坐問秋風平生志許青霄
上垂老心驚白露中漫向亭前招放鶴還來爨下拾
焦桐西園水石登臨遍彷彿家園地幾弓

二

退食槐聲度枕遲風清月白幾人知雲山極目增秋
氣枯枿千家動客思北地自開文舉宴南荒久閑伏
波祠夢中蝴蝶飛無定莫向莊周辨是誰

三

退食槐聲雨後清長空幾度聽鸞笙詩題滿壁疑多
識柯爛深山剩一枰風度不矜天下士笑談真見古
人情 朝廷立國崇寬大約法潛消海內兵

四

退食槐聲隔岸聞北窗相對幾朝曛綠深時見歸林
鳥塵靜方看出岫雲欲寄遠懷虛雁影為尋好友惜
蘭芬回思玉署同遊日一派淵源一夜分

五

退食槐聲近戶低參差樹色總難齊魚浮淺水羞吞
餌燕宿高林不啄泥殘局幾時畱客對新詩一夜報

寒松堂全集詩

卷之七

七

君題可憐讀易三更後竟徹當年太乙蒸

六

退食槐聲襟晚蟬西風忽散一林煙星移物換人皆
老刑措兵消宦亦僊魂夢久知隨氣變吉凶豈有為
情遷百年未了元無幾不學長齋醉裏禪

七

退食槐聲入暮涼省南絲竹正鏗鏘居然彌勒龕中
坐無復蛾眉鏡裏粧碑記漫誇題玉殿鼎湖元許侍
先皇陶家松菊歸來晚却恐歸來徑已荒

退食槐聲隱落霞夕陽笛裏淚痕加高臺自引西峰
月石磴空懸北岍花難報大官千粒米但消僊掌一
杯茶江湖萬里波濤險會待安瀾好放槎

九

退食槐聲何太頻淳于一夢是根因覺來緯地經天
事看破吟風弄月身身老大偏宜珠入掌官貪却笑桂
為薪胸中多少真丘壑不是黃山寫不真

法黃石同年先
有和韻十二章

十

退食槐聲曳復畱琴書檢罷覺心幽三公不計兒孫
福一硯堪垂氏族謀歷亂寒燬無定語縱橫野鷺入
新愁西曹歲月催華髮昨夜秋風欲白頭

十一

退食槐聲枉自多茫茫理數果如何晨興尚曳朝天
履奮絕誰揮返日戈草木無情皆變色弟兄有淚不
成歌行年五十生如寄莫道前人是逝波

十二

退食槐聲聽乍稀寢門猶望綠成圍銘旌欲寫悲青
練車馬重來哭白扉最念老臣封事歇不爭遺像墨
痕肥夢龍好句千秋在獨愧衰殘尚未歸

公詩有補天終
使靈龍友之句

秋秋慰法黃石同年

時待議方伯

誰云蝸角是浮名三十年中宦未成歲月淹留薑桂
老才華拓落鬼神輕曾因侍從垂清問會待藩臣佐
太平暑去秋來多病客子虛重賦莫愁生

送徐方虎編脩假歸

江東人物望崔嵬領袖文壇屬異才八代衰靡千載
振九州風氣兩人開謂方虎與元少也侍臣蓮炬雍雍出倦客
仙槎欸歎回計到家園秋正好菊花籬畔讀書臺

丙辰八月十五日秋分是日陪祀夕月壇

今年又看長安月秋色平分此更均節序驚心人易
老清光照眼事偏新枕戈卧甲三軍瘁轉餉輸租萬

集松堂全集

卷之七

七

井辛 聖德齋明應默祝良宵盡作太平人

輓張東峰銓部卒於官妻封氏從之

樸拙行藏世所無問心亭上辨真儒東峰著有問心亭集千言砥
礪遺書在四壁蕭條旅櫬孤吾道愈深廉吏痛彼蒼
還念寡妻俱相逢莫作牛衣泣地下雙魂信已孚永訣

時封禁不獨生
扶柩歸里絕死

輓周伯衡舊掌垣以保舉卒於楚

南行珍重勸加餐僕馬蕭蕭道路難宰相薦賢非受
賞書生報國擬彈冠幾年貧病軍前死牛世行藏鏡
裏看却悔書來終未答墨痕猶帶楚江寒

又

自卜浮丘十畝居知君久與宦情疎衡陽烽火需才
急漢水風濤待命餘一死未酬廉吏分十年空上諫
臣書只今千里呼元伯何處招魂駕素車

與施道人

平生事儒業志不學神仙我友硯山公告我煉師賢
乘雲來上國衣裳拂紫煙時或驅二豎都人擬偃佺
計日方南歸贈詩何紛紛然惜未識其面細語吾道傳

題江生借書圖

少年得志帷常下縹囊細帙眞盈架而今欲讀未見

寒松堂全集

卷之七

七

書人間無有從何借

送史彤右庶常假歸

春風發度杏花天高步灤洲正少年菽水奉親情切
切文章華國意翩翩何當病裏添書癖且向山中補
硯田無限 君恩須鄭重莫教學士負花磚

贈嚴灝亭侍郎

青瑣當年舊有聲自慚同列復同庚東南翰輓勞經
畫風雅文章屬老成帝里筵開冠蓋盛華堂春近雪
花輕臣心似水身才健共向班行說太平

挽浮梁令王介初殉難

名臨元山東人進士

南州烽火接汀洲，照徹江城十二樓。誓與存亡惟一
念，敢言名姓必千秋。英魂化厲消餘孽，父老吞聲望
首丘。忠義昭然懸國史，不知遺骨有誰收。介初無子

題汪蛟門百尺梧桐閣圖

百尺梧桐閣，閣中有一人。讀書秋樹下，閱歷冬及春。
司農爲我言，謂梁王立先生汪子志嶙峋。文章追大雅，孝友篤
天倫。中心竊好之，欲見惜無因。今年來上國，鳳閣掌
絲綸。退食一相過，對之如嘉賓。著書三四卷，調高情
彌真。留君共晨夕，歸馬何駢駢。手持方子圖，堂前娛
老親。海內息兵火，菽水際良辰。臨岐願有贈，珍重閣
中身。

寒松堂全集

卷之七

七

聞鄧都令李澹庵間道歸京師志喜

滿地兵戈剩一身，睂山何處葬忠臣。直携琴鶴歸
天子，夜夜間關望北辰。

壽衛年伯母八十兼贈澹足同年

太行綿亘析城尊，堅貞之氣鬱德門。千峰萬壑遙相
向，蒼松古柏映庭萱。我聞衛母年八十，森森蘭玉階
前立。侍御舉觴先致詞，賓朋里黨一時集。憶昔待御
按江干，繡斧稜稜鐵面寒。豺狼狐鼠遁清霜，猶
拂惠文冠却餽發奸。溫旨下南人，遠送青驄馬。

盛世訢爲側目多，廷臣淚向西曹灑。惟有慈顏不改
常，敢將無罪告君王。君王自雪孤臣枉，承歡膝
下荷恩光。一粟一水天倫樂，是母是子心如昨。鄉
邦都看發星高，年年菊酒堂前酌。

繆歌起侍講齋中聞史子脩編脩訃至悼之

旅館寒宵悵索居，幾從白下問雙魚。江帆渺渺孤舟
歇，雁陣蕭蕭雅社虛。上苑人悲朝露蚤，石交我感歲
星疎。可憐逸少揮毫在，對酒招魂檢法書。

哭雲門老友

故鄉今失老成人，曾記來時八十春。王子相別我向夢中

寒松堂全集

卷之七

七

尋素友誰從天際問，孤臣著書已副名山業。馮詩生刻雲門全集世誌墓應標太古民，雲門隱居不仕一望桑乾渾是淚。更無詩
句過河濱。

丙辰除夕同田子潛檢討李天葩中翰暨誠兒

守歲一枝軒感賦

行年六十周花甲，髮鬢鬢雪未齊。退食每餐燈後
飯，朝天謾聽夢中雞。民生若此身難補，國計如何意
總迷。爲語吾兒休獻頌，東南戰馬夜還嘶。

二

坐消殘雪一盤辛，風物京華又報春。兄妹經離四五

載親知相對兩三人行藏迂腐心無憾歲月蹉跎學
未真獨累故鄉仁義叟解衣推食意諄諄

丁巳元日侍班候 駕雪中口占

骨瘦筋衰六十翁班行猶自綴羣公無才祇覺君
恩重揣分安能國計充民力艱難愁髮裏 天心仁
愛雪花中 朝家自有真劉晏蚤濟三軍奏捷功

贈張又南少廷尉

社稷功高大將門敦詩說禮有淵源少年忠義由天
性萬里關河答 聖恩輦路共看儒者象案頭常贈
古人言只今廷尉稱平日純嘏應從一念存

集松堂全集詩

卷之七

七

寄訊陳長卿

蔚署論文識大家別來踪跡各天涯懷人每憶梁間
月展帙虛疑漢上槎一榻冰霜安素節三年烽火動
悲笳故時自愧無籌策空使司農兩鬢華

贈雲中老翁

聞君家住古雲中閱盡滄桑萬慮空三世一堂多隱
德歲時羅拜黑頭翁

壽李恒嶽妻兄七十

公厚德大義居鄉有陳
六丘遺風詩皆實錄

有仁有義君子克勤克儉家風夜聽讀書樓半朝看
種菊園中族黨歡忻倚玉兒孫次第攀龍報道五花

官誥來封七十僊翁

是年得
封典

寄祝滄州戴先生八十

一卧滄州養大源西銘註得幾千言 朝廷稔識文
章貴夫子終懷道德尊舊日諫書藏海嶽晚年經術
付兒孫 玉音應問林泉好力策鳩頭出鹿門

送張豫章孝廉歸華亭次元韻

熙朝羅駿築金臺比歲方收天下才器識元高千古
上淵源真羨一家來每當風雨思張翰倍喜衣裳學
老萊炎溽歸途須慎重好音先寄隴頭梅

挽同年王東臯侍御

集松堂全集詩

卷之七

七

病裏奔喪最可哀三年空自望君來移棺殮子豈聞
在繼祧為兒墓碣開一代共推真吏部 九重應念
老西臺舊遊誰與傳清白門下康成次第裁 白仲調記
公生平事

次杜太翁過劉摯故里韻即贈肇餘少宗伯

才也養不才中也養不中觀州有父子千載溯流風
先生慕居正此心此理同我聞大人者其初皆蒙童
譬如種嘉樹培育無怠功日深而月異滋息安能窮
一經傳後裔跨寵多豪雄大儒侍 講幄忠愛答
深宮劉摯自賢達過庭今婉隆登堂拜前輩仰止德

彌崇

哭申晃盟處士

雪鬢顏頰病復頽那堪哭友倍傷神少微星隕憐高士黃絹辭窮慟哲人吾道未興諸弟憾世家難荷兩兒辛晚年惟有躬行切悔不貽書細細論

送同年冀公治大司空歸里

日日班行對老成一談一笑古先生大臣才歛惟思過理學功深不近名歸去友朋增氣色晚年婚嫁漫經營一時白髮同人輩誰附尚書驥尾行

送趙韞退分憲河北

東松堂全集

卷之七

七

頻年盡讀枕中書握手相看愧不如我輩道從文字合故人情惜酒杯疎中原燧火憂還大萬姓瘡痍苦未舒付托老成天子意大河南去莫躊躇

送衛爾錫檢討謫霸州判官

秋風秋雨暑難清纔見伊人又送行侍從登朝蒙勅旨判官分職近神京自來閒署文章貴却幸高堂杖履輕我自衰殘如秉燭相期努力事平生

又

襆被蕭然金馬門故人相對欲忘言汨羅豈少懷沙賦新建曾開何陋軒弄月吟風皆聖學乘田委吏總

君恩懸知再入承明日吾道艱難國體存

題性谷道士壁上

頻年齋沐扣僊壇四壁清光入座看雞犬無聲松子落夜談常到五更寒

次寶坻相國韻贈顧秀才

菰蘆南望幾幽人相國詩傳世澤新彩筆爭看題鳳羽青雲會送拂龍鱗門客浥三秋露京洛途高九陌塵老髮顏頰常閉戶識君何必面相親

訪杜子靜侍讀

寒松堂全集

卷之七

七

從容退食五雲間一度逢君一笑顏几上圖書常自檢胸中城府已全刪呼來白鶴依人下夢到青山得意還顧我勞勞何日暇共談風月托清閒

題羅太翁鄉賢錄後與振彝侍御

豫章昔日重三羅千仞飛翔首泰和家法於今誰可繼鄉賢公在一門多

又

一派淵源祖德還椿堂懿行更無涯汝南月旦高千古却在江南御史家

子懷施愚山少參

曾識宣城廿載餘前身謝朓復誰如胸藏海嶽詩成

史夢達江山月滿廬鄒魯人文思教澤洛閩宗肯憶
傳書兵戈欲洗身猶健莫使林間歲月虛

哭閩督范觀公盡節因讀書壁遺稿

風高范老舊家門血灑巖疆報國恩兩浙清名垂竹
帛八閩正氣塞乾坤潮歸南海蛟龍泣月上東華劍
履存青史千秋今日定 九重早已鑒忠魂

二

地下相從五十人還因義士哭忠臣魂依 北闕家
何有命絕南荒志未伸古壁雲封詩是淚孤城霧起
血爲憐獨憐一片常山舌今日猶堪泣鬼神

寒松堂全集

卷之七

七

送田子綸水部歸省

拜手陳情返舊廬歸來特爲奉潘輿千言倚馬詩才
健十載爲郎宦跡疎舟過青山舒倦眼花開幽徑賦
閒居承歡定識多清暇海日瞳瞳好讀書

吳耕方中允齋頭看菊

玉署招僊侶金臺受晚涼雲邊雙雁濕座外一峰蒼
問菊因風爽翻書得夜長共君歌白雪秋色亦文章

王毓青至都留寓小齋

山陰文瑞公家孫

閭老門庭勝國賢兒孫清白遙相傳何人有志依先
壠如子存心守硯田劍路鳴琴曾幾歲雲邊卧雪已

多年公餘正好談家學滿地冰霜一榻懸

一枝軒圍爐話舊同田子消王毓青集字成詩

檻外雲飛薄暮陰蕭蕭冷屋共幽尋吾徒對語黃花
色老友高譔白雪吟嘯月如親佳士夢開樽欲澹雅
人心潛夫不向寒冬寫一話淵源慰我溪

賜食熊白口占恭紀

十二月二十一日

熊肪載玉滿銀盤 賜與諸臣和宴餐啓事 乾清
風力急歸來散盡雪霜寒

送李獻陽之任甘州守戎

北塞名家世德高秦川西去佩弓刀長城自有將軍

寒松堂全集

卷之七

七

在蚤息沙塲百姓勞

長至前夕天壇齋宿懷于龍河侍郎

焚香兀坐漏聲遲幾度挑燈念故知並轡聯鑣來往
熟掀髯抵掌笑談宜清心獨吸天壇水假寐誰披道
士帷過歲齋明期又近願君風雨共相隨

丁巳除夕贈劉瑞生爲余寫像

臘去春來歲序中今年忽見兩衰翁燈前對鏡疑非
我頰上添毫酷似公起坐扶人腰漸直笑啼隨衆耳
將聾劉生果是傳神手再把心肝寫一通

戊午元旦侍班候朝 賀

御路霜痕接玉橋，千官鵠立侍清宵。雲中鳳輦籠煙出，仗外鸞旂拂曙飄。草木欣迎君子氣，梯航許入

聖人朝。先是三年未受朝賀征南廟算應先定，楚粵狂氛計日消。

送姜定庵之任奉天少尹

留都景物接神皋，此地應需侍從勞。雲舍望過龍塞遠，講堂開比杏山高。洪爐妙手回霜雪，鐵騎英風入俊髦。蚤晚著書須寄我，知君談理不談騷。

送張一衡歸侯官

四載窮交一榻留，對君真是對南州。從來忠告心無愧，幾度憂時淚欲流。道誼相關惟我輩，文章雅志必

集松堂全集

卷之七

七

千秋故人老矣成孤陋，纔賦歸歟已動愁。

二

城郭蕭條燧火餘，橫塘一望果何如。夢中兒女真相見，海上桑田尚可居。宓子懸琴需歲月，少陵結伴捲詩書。孤帆萬里歸須早，出入應乘下澤車。

寄訊李厚庵太史二首

閩海由來禮義鄉，妖氛忽爾報猖狂。奴顏婢膝真無賴，大節孤忠倍有光。間道蠟書臣分在，中朝綸綍聖恩彰。平生學道今方用，自愧衰庸老侍郎。

二

心戀彤庭出戶難，至尊久已鑒忠肝。綢繆鄉土休遺策，保護封疆豈晏安。為抱椿庭千古恨，更憐苦塊

一身單。生芻欲寄關河阻，靜夜題詩月色寒。

送潘藏山隱者

白髮蒼髯老鶴形，對君如對少微星。囊中舊草仁人贈，夢裏先祠孝子經。鳥語花開真世界，男耕女織好家庭。山中服食誰能辨，不是黃精是茯苓。

題孟貢士僊人圖壽張飛熊將軍

青海崆峒擁節旄，涼州春酒釀葡萄。九還丹就龍膏熟，萬里威行虎帳高。大將功名垂帶礪，朝廷寵眷

集松堂全集

卷之七

七

錫弓刀書生屢乞通侯俸，藉手真人獻碧桃。

法公子標秋捷為黃石同年志喜

東海春光幾百年，床頭歷歷五經傳。兒孫解得真滋味，只守君家一硯田。

成我存寄詩見懷用韻答之

孫孫長江隔萬濬，三年思汝到於今。文章寂寞肝腸苦，藥石纏綿歲月深。吾道敢辭多事日，幾人能盡大

廉吏行慰法黃石同年喪子

臣心陰培元氣，千秋語兩鬟蕭然雪已侵。廉吏不可為善人，胡報施問天天難知。空聞人嘆咨

君家世德貽乃父剛介持才華不如誰薄宦一身羈
千人愛鬚眉無米供晨炊膝下發蘭芝膝上弄含飴
昨歲夫孫枝今年損弱兒弱兒鬢甫垂南北相追隨
余既識英姿輒以乃父期乃父笑而辭書劍學皆癡
丹青寄遠思異日將療饑濡筆潑墨時煙雲滿紙披
安知歲月遲不作老畫師年來病不支問視猶嘻嘻
妻孥地各岐兄弟自怡怡竊幸得良醫乃父釋憂疑
倏忽朝露危路人且生悲無棺函兒屍父也命如絲
無身從父歸兒也魂何之古今數多奇數定幾人移
哭罷誦吾詩廉吏不可爲

寒松堂全集

卷之七

七

送唐濟武太史歸淄川兼懷高念東侍郎

稷下奇人兩諫書漢廷猶記被恩初儒生面目千秋
上經術文章廿載餘爲探西湖風物好肯教北地姓
名疎良師益友俱泉石歸卧煙霞晚自如

賜飲六安茶口占恭紀

七月五日

秋風初動御爐香茗椀擎來自尚方弱質不禁清到
骨却令腸胃煖如湯

哭嚴灝亭侍郎

共着斑衣出掖垣重來相繼拜君恩一堂佐計惟
軍國廿載論交及子孫庚甲相同子更老文章不朽

數何言傷心天竺峰頭月歲歲秋高照墓門

哭蘇亮工少詹

獨有躬行實踐人幾年相見倍相親詞林歲月書中
過赤子胸懷世外真正合東宮需碩輔可憐北地
失儒臣扣門問疾君含飯一痛歸來淚滿巾

哭姚若侯大司寇

封章幾上帝王箴寵眷頻年日復深體恤民情天
下望調和國是老臣心焚香夜告風云杳曳履晨趨
謁莫尋聞道病牀勞聖慮蓋棺猶自荷

綸音先生

病篤家上垂問再
四道疏復奉溫上旨

寒松堂全集

卷之七

七

又

青蒲白馬舊相隨三十年來是我師一體病痕何處
學吾生迂拙幾人知每看鬚髮多霜日豈意存亡隔
世時老輩凋零真痛哭哭君還罷鵲鶴詩

先生五弟小山
君客死中州甫

題鉅鹿刀公鄉賢錄後

畿南刀姓兩君子組豆方看此一人鉅鹿儀型關世
教祈州道學接天民幾回憑吊心難已同日標題志
未伸詩句好存家乘後他年驗我論人真

挽王敬哉大宗伯

憶昔登堂問道初，老成人物賦閒居。重瞻泰斗真無憾，並卧龍鵬總不如。余初入都訪先生並退谷先生有重來瞻泰斗並卧龍鵬之句只學做人留片語，更聞垂老惜三餘。傷心九月親顏色，贈我牀頭數卷書。

壽同年益都相國七十

先生東魯之偉人，海岱靈奇備一身。正直剛大天所予，紫閣黃扉真帝臣。學本程朱宗孔孟，嫡派相傳惟主敬。曾讀先生偶拈吟，克已改過完至性。自慚愚魯失嵩師，同譜深蒙宰相知。手捧薦疏告天子，頓起田間匪阿私。兩奉徵書下金殿，養親不逮復何戀。力

寒松堂全集詩

卷之七

五

疾趨朝見至尊已，從柱下邀宸眷。當日辭家告祖宗，無才未敢步夔龍。此行若改清白節，何顏地下更相從。自入班行職業缺，登堂欲語羞薄劣。一年幾度問起居，獨見憐才心最熱。躬逢聖世資勛勳，吾君克舜德彰彰。憂國憂民豈能忍，兵戈未息髮髮蒼。長安七度生申日，願為天下祝良弼。一酒一蔬未敢將矢報，知己惟以質午歲。華辰登古稀，兒孫遠膝盡班衣。我亦先生墻陰客，況依帝座望清暉。盥手一歌歌復頌，先生位為朝廷重。以人事君道無窮耕，莘釣渭千秋用。

上賜紫貂披領朝服一襲恭紀 康熙十七年十二月三十日

臘盡彤廷肇曙暉，尚方擎出紫貂衣。綺文乍展雲霞爛，弱體親承雨露歸。手執憲綱勞帝簡，口傳溫語肅天威。是日傳旨今年暫穿明武勇製更換聖朝補袞須賢佐，獨

愧衰臣獻納微。

上賜御書唐詩一卷清慎勤格物大字各一幅恭紀 有序

康熙十八年二月十二日臣象樞奏事至

中左門時

聖駕將幸南苑閣臣傳

寒松堂全集詩

卷之七

四

旨一切條奏本章俟

駕還面奏臣以疏係叅劾不便携回捧至

後左門請

旨隨蒙

召入懋勤殿啓奏

上覽疏畢因問臣籍貫及中式甲第名次甚悉退

仍立

殿階下侍讀學士臣張英中書舍人臣高士奇

捧

御書唐詩一卷墨搨清慎勤大字一幅格物大字

一幅

賜臣仍傳

旨云

皇上因爾居官勤慎每於啓奏之時剴切詳明不負職掌此卷是習字所書者並墨搨特以賜爾臣跪受奏言臣衰老無才不克盡職中心抱愧何敢當

隆恩厚賜既轉奏又

命臣於

殿旁展閱臣跪展恭閱畢奏言草書如龍飛鳳

寒松堂全集

卷之七

聖

舞楷書如北斗泰山臣藏之私家世世寶之又

轉奏謝

恩即

命於

殿前叩頭行禮乃捧出是日

天顏開霽垂聽殷切愧無嘉謨謬叨

寵眷臣不勝感而欲泣其同入啓奏者吏科給事

中臣張鵬也

衰年秉憲厠清班啓事何堪動 聖顏內殿仰承

天語降侍臣雙捧 御書頒 奎光燦爛瞻龍鳳

睿藻莊嚴望斗山家世千秋傳至寶 恩波常記五雲間

送黃俞邵奔喪南歸

時以博學薦舉未與試

聞君辭母日捧檄意遲遲家有淵源學人如冰雪姿微書千古痛孝子滿朝知草土餘生在躬修自有爲

爰同年劉公愚大司寇

同榜同庚五六人

王東臯齊白石翁澹足公及余也

年來相繼老風塵看

君髮髮皆如漆顧我頭顱半似銀人物共推三輔地

勛名大著九江濱 君恩未報身先死孤立朝端淚

滿巾

寒松堂全集

卷之七

聖

送儲廣期明府 御試畢回清源任

重來獻賦謁 皇畿僊令雙鳬願已違大雅文章真

落落古人模範自依依人從玉署瞻 龍袞君合銅

章讓布衣 聖主憐才多異格種花滿縣戴花歸

次韻送田髯歸華亭

風雅如君世所知廿年丘壑獨棲遲人經貧病才逾

老交在文章道豈私高論憂危同賈誼新詩精妙比

王維輕帆盡舫蕭然去正是名山著述時

陳介眉編修以其尊人年七十請假送歸

君從吾道溯淵源我羨君家碩德存一派文章開正

學幾行蘭玉種衙門驚車秋引斑衣志虎觀人沾

紫詰恩自有孔顏真樂在海昌樓下細評論時計典三令海軍講學

送李天生檢討 特子養母歸富平

華嶽雲深奉 詔遲陳情一表袖中隨白沙風節公卿望司馬文章 殿陛知寸草有心真報國三公不易願為兒蔚蘿曾與論經史今日方看實踐時

送于龍河歸文登

出入承明歲屢更送君歸去不勝情肝腸似雪真朋友骨肉相關比弟兄負郭田荒三徑在倚門親老一官輕從今自守吾生拙海畔鳬鷗總不驚

栗松堂全集

卷之七

望

送任海眉同年歸聊城

盛世朝陽有鳳音侍郎歸去卧山林退休合引孤臣分棄擲終非 聖主心白簡凝霜科目重秋曹執法鬼神欽慚余衰朽言無補檢點生平閉戶深

讀陳賢母傳與介眉編修

大母芳懿久不磨兒孫雍穆一門多當年飽歷冰霜氣及到而今是太和

又

戮力陳家苦自茹手中織紅口中疏何人一管春秋筆採得芳名直大書

黃黎洲先生作傳

李省甫志平海寇代厚庵上疏畢復條陳閩事

閩海頻年未罷兵何人慷慨請長纓蠟書已達孤臣志軍壘爭傳大戰名賭墅高風同謝傳等時妙策駕侯生厦門一掃鯨鯢穴莫待封侯事乃成

上賜魚恭紀四首

康熙十八年五月初七日

西苑僊舟五日開池邊網得錦鱗迴 至尊清宴思魚水特詔廷臣自捧來

又

滌釜烹魚薦祖龕全家飽食豈無慚 君恩更欲推

三老扶杖臣家作美談

是日邀陳編修錫嘏父年七十歲彭編修會其父年六十八歲楊編修作樵父年六

栗松堂全集

卷之七

望

十歲同食魚贈三編修隨行與坐

又

長安慣食五侯鯖幾見烹鮮 賜列卿太液波光流處遠願分東海一書生

膠州法若真足疾不能至分一類食之若真原官侍講今候補布政使

又

寧陵道學著前朝誦讀遺書齒尚齟燕喜堂中無俗

士為詢家世一相招

時舉人呂前庚至惠其會祖坤所著呻吟語小兒語諸遺書

讀健松齋記與方渭仁編修

太平宰相子孫多一派書香接玉珂此日臨風思手澤松陰潑處掛藤蘿

再晤申觀仲

曾記西郊訪白雲重來握手說離羣長鬚木面新詩句難弟難兄又屬君

輓王思繩銓部

強項郎官久著名益棺今日見平生銓曹屢哭眞廉吏前哭王東事張東峰不爲同心淚始傾

輓易子然及門用題獲鹿書院舊韵

易生歸里後去住總無端漢水東流急黃河北望寬夢從雲外斷書向淚中看寄語承家子休辭跨竈難

宋松堂全集詩

卷之七

聖

拓落吾徒在胡爲爾不留文章真有命民社豈貽羞駿是燕臺失材難楚國求塞子多老淚又洒到西州

輓王允大及門

頻年生死感同心又哭東昌淚不禁林下幾人垂素髮朝中一老伴華簪爾身無愧三遷教吾道空懸六字箴爲惜門墻零落盡銘旌題到墓門深

贈李映碧先生

前輩風流絕世才每瞻山斗意徘徊當年封事留金石垂老躬修重草萊人物已追三代上著書元自六經來詔求逸老雲深處玉樹琳瑯菊正開

除夕禁爆竹聲聞巷靜甚呼兒集字成詩已未

坐守庚申欲賦詩尊前消受夜遲遲浮雲過眼繁華少異變關心往事移劍北將軍懸大陣江南織女望新絲三冬無雪休多慮一詔如天四海馳

元日燈下讀梁蒼岩尚書蕉林詩集庚申

八載京華歲事頻故鄉風物與誰親茅田酒社仍多故畫閣僧廊不是眞曲奏高山應大雅才空北海自幽人披襟命燭三更讀却憶冰川得後身蒼岩祖冰川先生著有詩式行世

宋松堂全集詩

卷之七

聖

烽火樓船海外征湘湖妙計未分明舒眉幸見朝天侶時高念東入都入耳空聞擲地聲法黃石留詩歸里直任紅塵遮旅巷居然白雪動春城頻年學步誰能得老將登壇已素傾

上賜日講四書尚書解義各一部恭紀

微言大義總訐謨何幸 頒來到小儒萬世心傳歸孔孟 一人道統接唐虞 興朝已肇文明治 聖訓還開正學途信是編摩諸侍從講帷深處有都俞

上元月食牧養太常寺

七政修明歲有推今年月食上元時蟾光暗引燈花

照陰體圓從火樹窺伐鼓奉常昭 聖敬披圖太史

驗天儀歸來滿地笙歌起朧胸盈虛總不知

平蜀捷至志喜 庚申正月

將軍分路下西川 廟筭從容出萬全馬度陰平開
鳥道兵臨劍閣息狼烟縱橫餘孽殲將盡指顧南荒
檄自傳沃土頻年生聚少浣花今欲問桑田

讀吳成甫先生傳感賦 沁州人銅川大父也

根深而枝茂源遠則流長天道有至理人事循經常
我讀吳公傳如入君子鄉門祚遺清白潛德自修藏
與物渾無競傳家惟義方一朝豐厥後善氣發幽光
寒松堂全集 詩卷之七 畢

贈葉訥庵學士

侍從殷勞退食稀頻年 講幄佐 垂衣典謨久矣
陳中道父象從茲進泰機弼帝廷王臣子願明天察
地 聖人徽丹心耿耿身常健每撤金蓮夜送歸

贈李鶴生令黔陽

送爾登車話幾端仕途不比讀書寬少年為令心宜

小亂後臨官事更難政績好將三字報 清慎勤也 部民直
作一家看川東歌頌隆隆起豈獨高堂夢寢安

喜許時庵孝廉就館

孝廉名已重西湖秋水伊人物色孤最愛文章追大
雅從知道誼接真儒 許典三同黃太冲講學海寧時庵從學甚久 弟兄情切家風

古 時庵兄弟六人共興家事稟命長兄 師友心通氣味殊羅雀門庭無一事
高談莫笑老夫迂

輓成我存及門仍用送別前韻

自荷 溫綸下紫宸班行惟剩老都臣愁來書札慵
難寄讀到碑銘死是真 我存白 有子安貧能守墓無人

寒松堂全集 詩卷之七 畢

問道可傳薪丑聞佳話今已矣理學文章信有神 會聞同人各期所拔士或云可相或云可將或云可秉節鎮任

七月四日蒙

上賜藕恭紀

西苑芙蓉盛根深太液平薦新知 聖意分賜及諸
卿採處紅雲動擎來白雪明臣心同物類節節荷生
成

七月二十八日再蒙

上賜藕並蓮蓬菱角恭紀

藕大如船出御河重來水殿沐 恩波虛中比德誰

無愧觸類清心感更多菱角霜微眞抱玉蓮房粉墜
不依荷詩成未敢邀 宸覽拜手惟書喜起歌

八月十九日三蒙

上賜藕恭紀

秋水波光擁 至尊小臣鵠立聽潺湲池邊露冷衣
還濕殿角雲開氣自溫風口屢啣 頒賜命藕絲仍
續再三 恩歸家報與妻孥說異數頻頻下九閭

八月二十七日四蒙

上賜藕恭紀

三荷 君恩賜藕回紅門又拜一筐來深秋水白多

寒松堂全集

卷之七

果

霜露玉骨冰肌豈舊菱

二

歸家即啖兩三枝血脉調和肺腑宜溼露丹砂都是
幻衰年屢受 聖人醫

恭送

仁孝皇后

孝昭皇后梓宮歸山陵

萬國臣民失母儀連鑣結隊哭靈輶旌拂柳青猶
黯蘆殿堆雲白欲垂 坤德並留懸日月幽宮長閉
守熊羆難將 聖主關雎化撰作天家薤露辭

辛酉二月二十五隨

駕詣昌瑞山謁

孝陵恭紀因述愚悃志哀

一表陳情辭

至尊鼎湖龍去望

陵園

穆宗順治十七年歲請終
養次年在籍隨州守哭臨

千秋史筆書鴻業四海人心

頌

舊恩複道松楸煙翠合石門翁仲夜雲屯追隨玉輦

橋山哭猶愧當時列諫垣

二十七日隨

寒松堂全集

卷之七

主

上祭

孝陵恭紀

虎踞龍蟠接薊遼宏開寶域護唐堯

在天靈氣憑依久積日精誠典禮昭 國祚永瞻山

體靜 君心常抱孝思遙

神來降鑒君蒿意雲外諸峰向北朝

初七日隨

上辭

孝陵恭紀志哀

薊門西望望 皇畿共侍 鑾輿展謁歸禮罷校門

雲自閑夢回虛殿淚重揮老臣將去填溝壑何日重
來拜翠微廿載承恩無寸補鐘鳴漏盡尚依依

康熙辛酉季春

上駐蹕馬蘭峪

召扈從諸臣

賜觀湯泉應

制賦詩

氤氲佳氣謁陽春一鑑涵應聖人浴日全歸千

尺水分流合潤九州民晴烟曉覆行宮樹夜雨先

清輦路塵自是君恩時下濟餘波渥處及衰臣

寒松堂全集詩

卷之七

七

二

大壑層巒抱碧隈名泉勝蹟近蓬萊山龍隱躍徵文

物地德溫和睦壽杯雲擁翠華巡幸出星高

水殿問安迴

慈宮頤養多嘉悅孝治端從聖主開

三

萬國溫涼總帝功石根焦釜有無中千峰截業南

帝繞一派澄清太液通畿輔冰霜皆變化漁陽草木

倍冲融至尊聊掬甘泉水不是行遊五柞宮

四

陽和清地豁重陰詔錫臣工次第尋甃石四圍池貯
水傍巖千樹柏成林橋山弓劍瞻依切蒔屋桑麻擁
護深不比華清傳勝事吾皇舉動萬年箴

營中雨

啣哀小駐薊門東急雨瀟瀟野帳中帶濕炊煙艱午
食嘶聲老馬怯春風纔知甲士從軍苦竟有書生扈
蹕雄早晚重裘還覺薄今宵定減杏花紅

病

瘦體由來是弱軀諸公雖老不如吾千山躍馬峻嶒
入半夜提燈宛轉趨恐失追陪心震動時當退食意

寒松堂全集詩

卷之七

七

憂虞虞慈傳諭頒醫藥疾痛呼天未敢呼

帳外看山

山光着雨倍精神四望雲巒不可親何樹何花何古
寺有猿有虎有高人扶筇易辦尋遊具伏枕偏愁卧
病身日日開門如故友何須握手話風塵

哭曹子步妹丈四首辛酉五月

頻年骨肉屢傷殘又報凶音淚不乾老去歸家同輩
少幾人門外整衣冠

二

前秋看月在京師握手談心月影移一日分襟成永

詩來添我髮邊絲

三

吾衰未得作閒身幾度書來問老臣
檢取墨痕依舊濕茫茫竟是九泉人

四

死生婚嫁事多端處置都如切已看
一片熱腸還未冷夢中猶自話艱難

康熙二十年七月二十一日

上御瀛臺

召滿漢內閣九卿及翰林利道部曹五品以上官

寒松堂全集

卷之七

詩

員

特賜筵宴兼

頒彩幣有差恭紀二首

宵旰頻年靖四方禁中閑宴繼明良
樓船渡越天顏喜

水殿吹來王者香雨露共沾珍錯異禽魚宛助

笑言長太平景色秋將稔還見宸衷慮旱荒

米餉

時下全大同捐

二

久綴班行負至尊頻叨寵賚感殊恩
日邊霞出堆文錦水際雲開降聖言

被服難忘天府貴朝

叅頓使老臣温自慚躬遇垂裳主惟願祥刑頌

九閣

壽魏相國貞庵同年

辛酉

丙戌題名四百也榜下看花盡走馬最老最少不數
人大抵三十二者屈指於今四十春滿頭霜雪筆
難寫賦卜綸扉四先生惟公一人在綠野綠野高風
真罕聞內修黃庭外爾雅濂溪愛蓮公愛書弄月吟
風自瀟灑頻年著作已等身閉戶一編手還把文富
登朝尚未歸司馬坐待耆英社我在金門羨老翁歲
歲兒孫進玉竿

寒松堂全集

卷之七

詩

贈歸孝儀修撰

曾因一面識端人實踐躬行事事真不愧榜中名第

一公門收盡上林春

贈劉子端中翰

朝班新識面江左久知名儒雅追先正端凝見老成

憐才心獨苦秉鑒眼偏明自足邀純嘏年年春酒盈

贈杜肇餘少司寇

同心同事白雲曹每坐公衙愧二毛贊助衰年惟正

氣歸依大雅有詩豪借才還比司銓重

公先任少宰

種德何

辭執法勞幾欲登堂申舊好難酬日日飲醇醪

哭畢方伯亮四同年

負耒躬耕百畝寬此身生死在雲煙誰從海內知班
馬我向山中識范韓萬卷遺書皆手澤千秋佳話一
清官重來應 詔傷遲暮不是中朝薦士難

輓王少參近微同年

辛酉十一月

山城別緒尚依依十載身違道不違病骨全消恩縣
貌 徵書徒掛墨莊扉固知觀化隨天數未得加餐
待友歸哭罷高平還哭汝傷心不爲故人稀

畢亮四同年先公三

卒月

送馮再來少司寇迎母親歸台州

東松堂全集

卷之七

七

趨朝待漏每相從半載西曹對古松執法共瞻紅日
近啣 恩頓遠白雲封多承苦口開愚直細讀新詩
見協恭九折峰頭回首望班行惟剩一衰慵

平滇捷至志喜

辛酉十一月十四日

昆明萬里捷飛傳 宵旰殷憂已八年赫赫王師遵

廟畧巍巍 聖德格 皇天輸將乍歇思休養疆

域重開望保全率土謳歌臣有頌久安長治道無偏

送錫伯長兄歸里

壬戌二月

霜髮垂垂老弟兄重勞策蹇入春明田園無恙心何
憾手足多殘淚欲傾淡月都中看景物何年洛下會

省英歸家步履須珍重歲歲平安慰我情

贈李葆甫

家世清溪產大豪才名直並海雲高晴窗有月窺書
帙野樹無枝掛戰袍龍性難馴知我貴鶴情自遠任
人褒閭山應問蘿山老點綴朝班愧二毛

送汪舟次翰林冊封琉球

風教遙通萬國深小邦恭順感宸心定知天子
懷柔切北望星辰聽玉音

又

大海樓船一葉孤水光雲影盡皇途經過島嶼題

東松堂全集

卷之七

七

詩題勅作 天朝問俗圖

書高澹人侍講冊後

肝腸如雪氣如春出入雍容侍從臣自是文章逢

聖主禁中惟有讀書人

又

十年一晤可亭旁砥礪何曾觀面商自愧衰庸多悞
國相期努力佐陶唐

贈虞虞山通叅

蒼松翠柏古無倫我讓先生十八春金殿 賜書旌
老學太倉支米養閒身從知鐵書銀鈎妙不信霜眉

雪髯真出入班行看北斗熙朝人瑞有三人時寶地杜公以病辭
馳驛遣官護送去年七十二益都馬公以老辭馳驛遣官護送去年七十四虞公先以原品致仕支俸在京今生女年八十四將乞回京

寄送許子位辭官歸里

當年嘉定今聞喜共是循良傳裏人名世文章天下望
救時經術宰官身天留國士肩吾道我爲皇家惜
老臣兩袖清風歸去矣平生祇剩一清貧

送張敦復學士請假葬親

崇儒重道太平年宣室常邀雨露偏帝鑒久知人
似玉都人共信品如僊恭承錫類昭純孝近侍形
輝屬象賢前席暫虛應有待莫煩聖念到龍眠

東林堂全集詩

卷之七

七

懷汪鈍庵編修

應召身猶健歸田志已堅時清客閉戶道大在編年
松菊雙蓬鬢乾坤一釣船名山千載事歲月正悠然

康熙二十一年奉

命巡察直隸等處地方恭謁

世祖山陵

後恩一慟鑒臣心長別橋山慟益深康熙二十年二月隨駕謁陵慟哭長別自傷
袁老有老臣將去填溝壑何日重來拜翠微之句雪髯自知成識語樗材那計捧
綸音重過蘭峪山峰迴不似紅門萬騎臨前過紅門危騎危撫不能入後

飛馳始到

先帝貽謀今日盛低頭追念倚松陰展謁畢三臣共坐松下感當日功勳及山陵

巡行過北平登孤竹堂望夷齊廟有感

孤竹何崔魏兩裔高千古仰止夢魂間有懷常欲吐
安得陟山顛辦香頭一俯告我希聖心難濟蒼生苦
凜凜對簡書汗下渾如雨此行負朝廷愆尤何日
補遙望乞神靈相助驅豺虎灤水自無波澄清在
畿輔

巡行至山海關擬登澄海樓觀海未果

東海具大觀觀者眼界廓平生未見之汪洋那敢度
東林堂全集詩

卷之七

七

天子命巡行首在恤民瘼駐馬問雄關民貧俗不薄
長整護金湯北門慎鎖鑰帝王以德興設險猶如
昨南有百尺樓欲登步先却登高非吾願臨深豈所
樂古署獨徘徊目無風濤惡四海况澄清自潮還自
落拜手贊皇輿愧我咨謫畧

巡行出居庸關望蔚有感

雄關一入傍金門十載何曾問故園郭外屏山還掩
映城邊壺水可潺湲親朋漸老垂霜鬢手足多殘泣
夜魂欲藉皇華過祖墓敢因私事褻王言

巡行駐宣鎮書院讀梁眉居秦聖俞兩夫子遺

詩今俱作古人矣愴然感賦

當年文戰此聞中桃李栽培荷兩公
余大小試謬叨北兩夫子首拔鳳鳴却幸附河東
再瞻題句心增感
想師門道不窮五十餘年承

簡命重來故里一觀風

巡行駐保定拜謁楊椒山先生祠

不與先生出處同此心切切仰高風
生來直氣天難折謫後良辰命不逢
兩疏萬言真大罪千秋一日是孤忠

先皇表出余應拜駐馬低頭入廟中

寒松堂全集

卷之七

七

過慶都縣拜謁堯廟

立極開天萬古思
皇都咫尺見伊祁傳心遠肇神
孫歷享帝先追聖母祠
堯母廟在縣內漠漠荒階存舊土森森
古柏長奇枝
階下兩柏參天左一本三幹右一本五幹土人題曰三皇一本五帝同根歲時香火多
耆舊可是康衢擊壤遺

過新樂縣次壁間韵

新樂為名苦更偏孤城落日幾炊烟
關山彌望春風掩車馬時通古戍連
一路問農無雪信前宵聞雁過雲邊
朝廷自有憂民詔莫慮今年似去年
壬戌歲邑以雪災災

獨免自冬迄春復無雪民有憂色

捉魚行

大造茫茫渾一理號物之數紛難紀
山有虎豹海有蛟害不及身何足齒
胡為四肢百骸間日日切膚生虱蟻
夜來纔睡睡忽醒白日亂瞞痒到髓
有時公堂手自捫擲之地猶不死我
欲大索淨根株呼僮代我我心喜一
翻一覆作意尋尋來尋去徒爾爾小
者弋獲大者驚少留一縫潛藏裏從
來狡兔有三窟搜羅又恐傷衣被自
悔吾家針線疎更緣積垢離清水或
云捉者非其人坐令此輩長孫子於
今莫怪常處禪大蟲難除類如此

寒松堂全集

卷之七

七

過真定觀大佛

吾儒在德不在像大人體那可量計
身不過七尺長三才都在三肩上如
何佛氏太莊嚴一火鑄成七八丈從
來芥子藏須彌我大物小反增障昔
日耳聞目未經同來古寺聊相望人
傳建造自隋唐金身直立言非妄看
罷方罨老僧茶西廊又看轉輪藏目
不及瞬轉已週腐人頓覺心神曠古
今晝夜及死生大抵皆如輪子樣此
意問僧僧不知但云經卷此中放
大笑一聲騎馬歸題詩恐惹禪和謗

過趙州柏林寺觀吳道子畫水

幾筆神光閱世多忽疑滄海又疑河蓮舟一葉何人
渡壁上空留萬頃波

巡行過順德父老遮道陳疾苦占以示之

烽火連年事遠征輪蹄絡繹此中行於今廟算銷
兵後女織男耕自太平

二

頻年災沴不成秋土薄沙深滿地愁最是聖朝多
軫恤一天雨雪下邢州

擬過邯鄲訪盧生未果戲筆

人生如夢幾時醒惟有盧生做得成我欲夢中還說
夢不知何處訪盧生

二

邯鄲無夢亦無醒大抵都因飯未成也羨黃梁分一
箸却疑火短米還生

三

何妨眼睡念頭醒百念難成一念成就裏豈無消息
在誰來說與老書生

四

一枕羲皇睡不醒更無婚宦夢中成神交百里真知
已明夜煩勞訪魏生

巡行至大名事竣將回保定

纔過漳沱又渡漳天雄南望水茫茫山連伍岫初添
黛柳近淇園畧犯黃市井豺狼多欽哉閭閻日月頗
舒長歸途惟願沾春雨好寫民風報聖皇

康熙癸亥仲春巡行回保定復馳慶都

行在恭迎

聖駕是日仰承

溫諭兼

賜免隻紀

恩一律

簡命同膺歲已移歸途先報聖明知鋤奸城社秋
霜肅問俗郊圻化日曠碌碌因人真自愧平平竣事
本無奇何當天語褒嘉重况復恩承且免詩

與王蓋臣談風鑑

爛熟義文一部經眼中隨地識真形從來妙理無人
說每見襄陵細細聽

與李丹麓西曹

聲名久著大河濱知是循良傳裏人閱歷兩曹書上
考相期努力作名臣

寄懷張豈文年家

聞道陳山有大豪當年意氣比雲高於今認得身心
事撒手游行總不勞

送張耳黃孝廉歸省

道心全與世情疎月照藤窗一卷書歸去好酬真菽
水北帆遙望菊花初時銘余寓

八月朔日容園觀剝棗

梧桐暑盡冷瀟瀟半畝亭陰散早朝客緒何妨詩侶
勝名根欲向酒徒消南天問雁雙飛斷北地彈冠指
顧招短髮顏頰羞素友空憐火棗夢中搖

聞郝雪海中丞遺疏至傷之用南征百律蔚州韻

寒松堂全集詩

卷之七

七

召入榆關是壯年早朝騎馬手垂鞭玦環都領天王
聖鼎鑊方成御史賢磊落文章時最忌崢嶸氣骨我
相憐冰霜絕塞曾無恙生死茫茫桂嶺天

康熙二十二年九月初四日蒙

上召至乾清門

垂問病狀並所服藥餌奏畢隨

賜人參膏一瓶人參二斤臣象樞自魏衰庸何當
曠典感而欲泣恭賦紀

恩

老邁何堪肺病攻 九重如日鑒臣衷承將 天語

歸元氣 賜得神苗出大東五色雲生黃袱裏一團

春在錦囊中 隆恩千載真難報慎保餘年附亮工

二月朔日病中示誠兒時在蔚堃亡媳

乾清門下肅 天威頃刻昏迷萬事非豈忍哀鳴辭
聖主病臣只合乞骸歸余請告職上四日

二

傷心西去淚如何汝到開門我病疴甚矣吾衰身未
死此番省汝淚多多

三

訪得長安三四醫都來診視有同辭勞勞費盡心中

寒松堂全集詩

卷之七

七

血參朮歸苓次第旋

四

曾買新墳地幾弓好將結穴問王翁王蓋臣也雙肩一擔
何時放下肩來到此中

五

營壘兼因省墓來松楸幾樹拂雲栽吾家具與無家
等惟有祠堂盟手開

六

報 國無能敢問家蕭蕭兩鬢客 京華親知也有
頭先白似我衰年病復加

七

太倉老米白蔬盤兩碗能消一日餐計汝蚤歸應慰
我晨昏待汝問平安

送崔玉階宮詹歸里

歸路輕搖一棹春行年五十作閒身晨昏問罷高堂
上依舊攤書閉戶人

壽孔母陶太夫人

千秋慈孝聖人家嗣續開官女德遐公輔稱觴師內
則不知今日有繁華

書謝氏表烈集後

康熙十五年耿逆叛邵武兵變生員謝光惠母蔣氏妻楊氏同赴池水死

宋松堂全集詩

卷之七

李

一女事一夫萬國戴一王大義不能忘亂賊安敢侮
謝家姑與媳指水矢千古我欲渡樵川池邊為撮土
拜此巾幗人羞與偷生伍

輓于北溟總制

簡命深叨聖主知臣心精白總無私清風亮節高
千古吏治民生濟一時寢食能忘宸翰重死生難
報賜金慈嚴疆賴有斯人在何事驚傳箕尾騎

二

生與同庚性不殊居然三晉兩迂儒憐君盤錯身應
瘁顧我膏肓病未蘇南望江河誰復挽北瞻雲日總

難呼當年薦草曾聞否歷盡平生一語無

輓直撫格公

澄清畿輔愧庸才曾共先生攬轡回古道居然追往
轍冰心真可絕纖埃堂前有母頭仍黑膝下無兒墓
已開雙泪不禁還過慮朝中誰繼此人來

輓宋開之少保

一官到處是芳蹤律已清嚴奉職恭久矣銓曹無愧
色近來司寇有憂容貧居京國忘三徑老死家鄉戀
九重獨坐若留公在世剛方復見海剛峰

琉璃廠見白鸚鵡有感

宋松堂全集詩

卷之七

李

生不同凡鳥羽毛亦自奇冰壺曾照影玉樹必臨枝
豈為能言出何妨眾眼窺秋雲高漠漠是爾入林期
別祖以牧親丈

孝友門庭善氣多書聲鶴唳總天和關心道義終難
愁風雨殷殷在蔚蘿

八月十七日啓事

乾清門重蒙

天語垂問病狀紀

恩周壬子閏七月初七日引見原韻

力疾趨朝傍玉閣諸曹啓事正臨軒瞻依共識

天顏喜駕方避暑同宴慰問親承 聖語溫橋外穿雲衣帶潤

樓頭望日面迎暎晨起大雨多陰晴心肝如舊身空老已愧今

生報 主恩是日詩二再請告辭

送馮楚瞻醫者歸里壽母

慈懷藹藹夢依依喜見兒郎拜職歸此日嬌幃歌大
壽濟人千萬報春暉

送湯荆峴學士巡撫下江

秀才任天下仁者體萬物物逸而我勞分內不遑恤
昔日侍講筵 天子重經術今日守封疆 帝心特
簡出江南風甚囂江南民甚絀維風道先倡愛民憲

東林堂全集

卷七

七

先點吾性秉真剛無欲誰能屈但得百姓歡安問權
要拂余也愧衰殘十弊口難述臨歧贈一言懷抱慎

憂鬱

九月二十二日

陸辭蒙

諭入朝三次是日

賜大內湯飯

召起登朝後鶴班十二年每思心向日難報 德如
天請急絲綸渥瀕行雨露偏尚方傳 賜食敢擬大
京賢

二十四日再入

陸辭蒙

賜茶

知遇三生幸年華二豎侵頻來瞻 殿陛歸去卧山
林乘傳 恩光異 臨軒存問深天漿斟玉盃滴滴
入臣心

二十六日三入

陸辭蒙

賜御筆特書寒松堂扁額

聖製古北口詩復

東林堂全集

卷七

七

召入內殿垂問病狀

賜坐

賜茶

戀戀瞻依切殷殷錫賚重 天章題右塞 御墨灑

寒松捧出羣工羨懸來不世逢 宸顏雖日遠伏臘

對 山龍

十月二日出都承諸公郊餞

去國心難忍徘徊馬首遲真逢 宵旰主心際太平
時老病 天應鑒行藏世不疑二疏千載盛薄劣又
重追

十日過東庄晤妻兄李恒嶽先生

已入壺川地先過長者門扶人應再拜愛我總忘言
鬚白顏如舊山青德自存草堂容二老相對說 皇恩

十二日抵蔚

是日改雪忽晴

此是吾家矣兒孫報我回堂邊紅日照谷口白雲開
老輩親朋少餘生藥石培漫言身勇退原自愧駑駘
十七日恭題

御筆

里巷都瞻仰歡然起頌聲從知 天子聖益覺老臣
寒松堂全集

卷之七

七

榮寶家岳家範山堂受令名史官曾載筆一日記平
生起居注詳紀巔末

二十日焚黃祭告先祠

歷官三十載 綸命已重申祖德原無愧 君恩又
一新薦揚勞辛執義氣感高親今日依先壠繞完魏
氏人

寒松堂全集詩卷七

寒松堂全集目錄 卷之八

序 記 傳

觀心約序

潛室劄記序

中明子集序

知非錄序

蔚州志後序

湖南按稿序

王明府雲中開荒政蹟序

賑施錄序

藍田餘澤錄序

李文明實蹟序

傅氏家訓序

倪氏家譜序

潘氏家譜序

功過格序

重廣感應篇序

造命篇序

節孝錄序

風水聲序

勉言集序

母壽集序

悼荆紀畧序

好字說小序

集義堂詩序

率庵草序

胡東甌詩集序

宋紫庭詩集序

澹明野嘯序

止齋文集序

雲門全集序

致知格物解自序

贈言集自序

李氏合刺家黨序

王成博文黨序

送解法周成粵東序

賀董承宇考索序

壽錫伯長兄六十序

壽張公選先生六十序

壽韓母某太宜人七十序



壽傳母某太夫人序

壽佟母王太夫人序

壽衛母賈太宜人序

壽李太母吳太淑人序

李湘北少司農五十壽序

岳鎮九掌科六十壽序

記

重修蔚州學廡碑記

重修蔚州東嶽廟碑記

蔚州曹侯去思碑記

宋松堂全集序

夢記

夢謁孔廟記

夢易記

傳

鄒子傳

屯牧道范公傳

方伯馮秋水先生傳

邵縣令宋公傳

趙介庵先生傳

動忍子傳

奇窮子傳

宋本奇窮子傳

卷之八

田

寒松堂全集 卷之八

蔚州魏象樞環溪著

序記傳

觀心約序

蔚蘿之在三晉固哀然所稱文獻數也嘗攷郡誌所載前代文章氣節之彥筆不勝書有明三百年來學問經濟亦復輩出不乏其在嘉隆之間者如尹翔野先生鄒漸齋先生郝溫泉先生鼎足而立彪炳一時尤今日之典型也尹少負偉畧衲鑿於世所著兩鎮三關志鄉約塞語諸書以學問而兼經濟傳矣郝為名侍御出秉節鉞入叅樞嚮鞠躬盡瘁生氣如新以經濟而成學問亦傳矣獨漸齋先生者致矩格物不事雕蟲著書名山罔諧里耳海內又安知有漸齋先生其人哉歲甲午秋余待罪閒署補過抄書友人武承之手一帙示余曰此吾蔚鄒先生所著之書也垂百餘年未散佚公盍梓而傳之余捧讀未竟喜躍欲狂竊見諸篇中究天道之與窳窳地理之精微昭人事之觀察而配合辨說玄逸義理悠長有軒旋兩儀鼓舞萬象之意較尹郝兩公別是一種學問亦別是一種經濟嗟乎龜龍之字難覩鼎彝之光易藏無怪

乎秘之久而不輕洩也憶余童髫受先大人庭訓
謂先生大父鄉賢公積書萬卷後夢尼山許一弟子
讀之今先生之言聞未聞而見未見殆非人力哉然
而先生自此傳矣以三君子鼎立之學而萃於一方
以百餘年未見之書而獲於一日文獻未墜津梁尚
存余遂致書秋水馮公亟付剞劂將告海內以致知
格物之學矣先生名森號漸齋中嘉靖辛卯科鄉試
未仕卒書名觀心約

潛室劉記序

某往在都下聞祁州有刁蒙吉先生者學道人也中
心嚮往久之蓋聞自退谷先生云邇來侍母家居去
還谷日遠猶幸時時讀退谷書終以未得先生書為
憾然臯比春風近在五百里之內走尺素奉教先生
先生欣然若不自足問某者至再因得先生文集若
千卷繼得語錄若干篇某卒業作而言曰先生固卓
然有道儒者也隱居潛室中靜坐讀書反已格物直
認天性本體匪一朝一夕之故每拈一義出一語本
之乎四子五經之宗旨折衷乎濂洛關閩之微言斷
之以躬行心得之實理純而確簡而易且大而備俾
聖人之道如日麗天學者之心如湯潑雪一切虛無
頓悟茫蕩支離之談不辨而自明不闢而自止此先
生之學所以正也道之不明吾無慮焉先生服膺梁
溪高忠憲公淵源有自典型尚存不欲明立宗門而
其深造自得顧如此世間有此真師友大為魯鄒生
色某幸與先生異地同堂千秋一日未嘗不為吾道
志喜又未嘗不飲食夢寐於先生一如先生之服膺
梁溪也某不敏讀先生書不能窺先生堂奧曷能
贊一詞竊聞孔子云先行其言而後從之先生之為

此書也豈偶然也哉行將羽翼聖經扶持教化躋一世於聖賢之域而無難海內必有傳之者維時祁侯熊公剖劄行世某不揣淺陋自敘其仰止忻幸之私附於簡末以報退谷先生非敢敘先生書也

申明子集序

布衣而以理學著稱者代不數人然求其躬行實踐卓乎立必為聖人之志存萬物一體之心夫亦何代無人哉憶昔年輯儒言錄一書自元明諸家蒐羅日久知人論世之下見有度越流俗隱居韋素切實為已不求人知往往淹沒而不彰又有砥礪名行倡明聖學大義微言導愚解惑一時信從而賁志以沒者凡此皆道之所寄也雖拙集未竣購求尚殷其於布衣尤三致意焉今讀宛陵施先生書竊歎余之耳目不廣則愧甚矣夫先生之生適姚江之學方盛爾時師友授受各有淵源先生宗法孔孟並及濂洛關閩諸儒毅然以斯道為己任故江南十四郡篤志之士從遊甚眾其性善無惡諸篇與門弟子諄諄講說者皆切近而篤實不為過高之論先生且曰易傳同人之象曰通天下之志人志之不通而我見之是持吾未見必為之在聖人矣又曰為宇宙完人無恒者非人完則至大也恒則至久也既大且久恐踐之難也夫人者何仁是也能為仁焉則人也則完也恒也不能當仁焉則禽獸也則弗完也弗恒也又曰隨時隨處把人都做我頭目手足看他迷惑顛倒處盡如孺

予入井時怵惕慙慙滿腔中都是誘掖獎勸意思又曰吾輩無千駟弗顧襟期不能為堯舜君民事業嗟乎先生之著書立說何其腳踏實地足令天下後世之人聞風興起如此乎及按其行誼乃一一與所言合禪學當關也則痛絕之傭夫可教也則引掖之且王成之師事陳九龍先生十三年先生病九龍先生作祈命辭謂先生為繼往開來道種特以餘年贖先生之命抑何誠也斥所應得絕產為雙溪義田至今宗族中婚嫁死喪惟先生是賴焉先生之躬行實踐槩如此雖當日遊於焦文端鄭忠介之門太守金公栗谷堂全集序

卷之八

十

繼前微願與共勉之矣

栗谷堂全集序

卷之八

十

知非錄序

知非行是一乎是二乎竊嘗疑焉自姚江倡為致良知之說其於大學之致知格物猶未大失也惟當日及門之士頓悟者多謬謂朱子即物窮理為支離之學而以沿門持鉢鄙之俾一部大學幾墮禪窟中余每閱至此未嘗不廢書而嘆也應州左翼宸先生著知非錄一帙寄余商訂三百里之遙如同堂焉既卒業知為先生篤行之事歆然若不自足者筆之於書一以自勉一以勉人也余維大學所謂格物只在天理人欲處格之即物窮理正孔門真派今觀此錄有東松堂全集序

卷之八

上

蔚州志後序

夫郡邑之有志猶天下之有吏也上之備昭代之輶車以是非佐褒貶下之備賢人君子徵文而考獻修教而齊政所裨王化良非淺鮮其大者揆於時責於守牧為尤重云易曰觀乎天文以察時變觀乎人文以化成天下制作之期固不可違者王益州襄之為刺史集當時諸文學撰中和樂職頌於今漢紀為烈纂修一事非其人詎易易也乎蔚之有志翬於渤海劉公生和重修於三原來公臨庶幾彬彬可觀而時移勢殊未免闕畧之感值今鼎運一新文明東松堂全集序

卷之八

九

肇啓天子命廷臣修賦役全書孝經衍義會典品級考諸書史局方輿則下而推之郡邑志不應散佚久矣州守李英正其人也刺蔚三年善政未易更僕數若其表表在人口碑者念茲地瘠殘困苦之情狀與民休息未嘗頃刻去懷夫豈尋常簿書也哉考績伊邇慨然以郡志為已任謂志係司牧者職守諸凡政令之因革風氣之淳漓食貨之登耗人文之消長核名實繫古今惟掌故是藉奈何以凋殘緩之爰取舊志三卷招集儒生詳加攷訂提綱挈領規以大體大紀遵王制不涉賤專重人事不諉氣數敬百姓不

幻仙傳稽實行不尚虛文其繁輯其要用以成一代之實錄者厥有苦心焉嗚呼天時啓而文明暢觀人成化纂述原非偶然且分列十二綱以統六十餘目纖悉俱備足以補前志之所未逮異日輶車之採將在此乎將在此乎嘗讀兩漢循吏傳見孟堅所取獨重經術曰以文章餘吏治洵哉志之有裨於蔚千百年不刊之文獻也雖然某蔚人也敢言蔚事蔚居神京肩背介在兩鎮三關之間視他郡邑尤爲要地若以舊志志蔚亦猶是蔚也乃比季以來歲穀不登閭閻蕭索終歲所入不足以供賦稅之半鬻妻子寒於堂金集序

卷之八

十

而棄井廬者往往見之識者有長慮焉此一編也今昔情狀列在目前猶望後之賢君子掩卷興懷得以終始休息之一局此則作者之意也夫會今歲秋八月余奉俞旨侍養菽水之暇幸覩成書顧以適際其時且謂舊史氏也問序辭至再弗獲按戴記有曰卿大夫飲射讀法諸禮鄉士夫得以與其事志或其類歟故不揣不文聊紀時與人之相得益章者綴之簡末爲蔚盛事云爾

湖南按稿序

余於李退庵先生交數年矣其人大抵言行相顧君子也先生丰骨嶽立外簡而中方與人了不設城府時官侍御首疏巡方宜修實政先生之言已見一班未幾奉命按湖南時封疆初闢大寇未殲官無官志民無生趣先生從艱難險阻中行察吏安民之事凜如也湖南之紳士父老能言之事竣果以稱職報擢太僕少卿戊戌秋裁缺候補余省親假滿亦候補兩閒人時相過從或論詩或評所爲古文詞商確可否或以經濟之業法度之書互相砥礪必歸於道而寒松堂全集序

卷之八

十一

後已不敢效晉人清談也近者成子我存按閩省有謂其奏章甚少者余以問先生先生笑曰巡方非言官也入境以後畏此簡書職在行矣何多言爲遂出按稿一帙示余且屬余序余受而卒業益歎先生立言皆從天理王法國體民情之間深思而曲盡之尤以正己率屬培養元氣爲第一義其告誡諸司一則曰寧褫本院之衣勿取百姓之物再則曰以一官爲重視百姓可欺噫盡之矣又何多言爲哉余乃因先生之言攷先生之行良有可風者辰州界上徐帥有郵亭之餽拒之不納仍諭以理增其愧而不欲疑

其心嘉魚渡江舟飄幾覆邑令械守者請加罪先生笑而釋之素知李臬司中梧為海內廉能吏每虛心諮訪事得其濟初忘上官之分卒成其逆之交諸如此類事皆可傳不謂英妙之年志量遠大動合前賢如此古人一當大任章奏檄文令記室藏之用以自致也先生之言既見諸行矣其亦有以自致乎

王明府雲中開荒政蹟序

間嘗與士君子譚吏治有今人與古人異者不必盡求其同亦有今人較古人難者不必盡求其易祇求不負君民所學者為循吏此循吏所以不多觀也乎王公令雲中雲中兵民雜處田者久荒不薙多逋賦風俗侈而健訟公下車後剛柔緩急協之大道不數月而民治會姜逆變崎嶇戎馬間全家陷賊穴不暇顧單騎諭邑里之應賊者皆下消戰壘供芻糗王師從枕席上過專辦犒師羊酒日至無留行久之郡城拔上命公令大同如故縣毀以西安堡為治所取創殘餓羸之餘導墾理瘠生枯壯弱出入握蛇騎虎未有數困難成之事解嚴下閭閻之門荆棘茫然彌望不覩炊烟者即二三就撫父老伏白骨黃埃中雞不鳴犬不吠登隴畝而循阡陌之間所在石田耳雲中絕徼田大鹵更兵火故地蕪地蕪無民無民是無邑也雲無邑當路塞漢唐入而牧者多矣即軍吏何以禁關出財物於邊關乎公慮此且熟頃奉有開墾荒田三年起科之令曰根本可以圖矣遂懸十格為招集要領如禁勾攝省徵調給田舍貸種粒等事皆古人之成效者公且招且勸農事以外不及

其他邊人素諒公即遠在隣界者亦坦然耕而不疑
決歲成田九百七十餘頃督府廉公治狀爲雲中最
事入當 上意俞陞一級時公爲小司寇猶錄宰雲
中勞蹟邀 天子恩不更異於當日無赫赫名者乎
憶公自單騎招降時性命身家輕於毛羽循資陟西
曹口不言功是公不負 君也余向捧 詔過三雲
父老爲言逆賊之害曰喪亂餘生賴公保全多今丁
男老穉屋居火食一穀二穀三穀青旗白酒歲歲社
臘以爲安伊誰之力是公不負民也而自公視之循
政不見同治亂民如理亂絲不見異勸民引流種樹
案松堂全集序 卷之八

冷風清明諸持田器雜兵間不見難當 上意不見
易但曰吾有負於君若民已耳斯其學何如哉召南
陽訓農興利戶口增益劉全椒五日一聽事俾吏卒
就田業公卓然今古循吏中泯其異同難易之迹而
彰其牧民御衆之才如此吾家食公德久矣遂不辭
贊言之以慰雲中父老子弟併以勗公遠業云

賑施錄序

余於林兆靖先生未嘗有舊也先撰北遊隨紀一敘
及山水一歌望其爲大儒許其爲仁者說者謂余溯
先生家世淵源雅可稱述乃爾不則以二史郡侯守
應有吏政推尊所出有如此此非余之知先生也余
蓋得之莆陽賑施一事云方先生優游田舍歌咏自
娛饑饉之凶一聽當事者補救之先生可閉戶謝耳
且世靜宇先生業父子兄弟相聚同耕一硯家無三
年九年之儲爲隣里鄉黨餬口計明甚而又乏尺寸
權以傾動當世即欲舉修荒政將何所藉耶先生乃
集松堂全集序 卷之八

首倡義施不難舉千萬家父母妻孥之生死任之一
身俾一時同心之人樂輸集事其應如響復爲之籌
畫精詳疴痒關切千頭萬緒條理井然既著效於維
桑將垂法於後模先生之心殆無窮也海內講學家
高談性命動稱儒者於人往往無所濟欲立欲達卒
託空談而已余讀賑施錄一書坐而言起而可行用
佐當事爲國恤民德意了無希異於其間安得不以
大儒望之仁者許之乎願先生受梓以公世可代一
部語錄提醒人心即萬物一體之懷擴充完滿蓋由
此矣此則余之所以知先生也

藍氏餘澤錄序

藍氏之在即畧也家世淵源垂四百年矣余髮未燥即聞而知之丙戌春得與海重同榜成進士且出一先生門又同選庶常教習年餘見其持重有大器交益善因詢先世遺業海重輒以不克負荷爲憂散館以後與余職業殊疑其繼述之事尚有待也尋奉簡命視學上江自念此行若負朝廷俾法度文章自我隨越先人三不朽之業亦自我敗壞不敢且不忍於其行也亦以公愼二字爲之勗然亦未嘗不諒余之相與以有成也事竣果以清嚴報方在考較溫觴之時惟上江獨得中流一柱余喜而下拜曰眞藍氏裔乎眞吾友也未幾外任督糧又未幾奔喪歸里皆余省親抱病之日不復聞其建豎何似戊戌冬再晤於長安道上海重言其生還自閩之情余亦語及垂死來京之故涕各數行下手持一帙曰餘澤錄乃三年讀禮所輯司寇文靖先生侍御北泉先生封太史青初先生遺蹟也余捧讀一過凡先世之德之功之言或在史編或在家乘或在口碑或在篇什者歷歷可數內蘊海嶽之氣而外發鼎彝之光理有固然又安能湮沒而不彰耶惟是表藍氏之家世者書匪

一人人匪一代散佚易而纂輯難當日守而藏之者則太史先生之孝也今日廣而傳之者則海重之孝也承先啟後之心用是慰矣獨思海重大器也有此四百年來之舊家循此視學清嚴之故步自今以往會有非常之建豎傳之天下而書之典冊答恩遇而致顯揚先世之業又將恢擴而光大之寧第文字間繼述已哉時海重伯仲俱在座命余書此以志勿忘意若駸駸乎無所待焉者矣

李文明實蹟序

余不敏年幾半百終日汲汲求之與人諄諄言之者
實行而已抑何務實者之不槩見也無他爲之者其
名而傳之者其文也名與文無足信遂並其實者而
疑之亦曰名曰文矣無怪乎務實之不槩見也近讀
李文明實蹟則異是文明洪州大族也去蔚不百里
余聞其積德樂善署雲中別駕尤嘖嘖著聲云客歲
捐館舍里人追思不能已徐子雲門撰墓誌銘悉撮
其生平實行勒諸貞珉足以不朽今長子晉陽克繼
先志懼無以懸家乘示子孫乃徵年表故事輯成一

東松堂全集

卷之八

序

書曰先考實蹟案集中次第如承家訓子捐貲報國
崇儒重道濟人利物諸事皆鑿鑿與余所聞合且知
父莫若子知之真故言之確言之確故傳之最可信
甚矣李君之以實行聞也晉陽據事直書言無溢美
雖竺典道藏禮佛棲玄之細事亦不少諱殆所謂抱
樹撒蔭而不忍忘者非歟是集也藏之於家李氏之
子若孫讀之其立心制行當何如也即公之當世諸
凡守財嗜利之輩讀之其立心制行又當何如也自
我行之自人效之風化之責非學士大夫任之而誰
任乎即世之釣其名而飾其文者未嘗不以實行稱

也不過曰某事令某某德我耳曰某事借某公傳我
耳其爲之後者亦曰如是則孝否則不孝耳昔人云
無其美而妄稱之則不孝必其有美而稱之爲孝矣
况乎懸家乘示子孫肯作一欺人語耶甚矣文明之
以實行聞其爲之後者亦祇傳其實行焉而止也憶
雲門致余書曰公素不爲人作記非其子爲士士而
表其父母者可不作此亦人子也士也仁人孝子之
用心也忍靳一言令之沒沒乎余固信雲門益信文
明之有後矣

東松堂全集

卷之八

序

傅氏家訓序

古人之爲教也非以繩束之也導其自適而已又慮無以繩束之也移其不自適者使之自適而已大約本乎纏綿懇篤之意發爲溫厚和平之言令人可法而可戒欲哭而欲歌斯其善立教者矣余嘗讀諸葛武侯顏魯公邵康節胡康侯諸公家訓率皆導之自適者也近讀傅氏家訓又以移其不自適而使之自適者也夫導之自適難移其不自適而使之自適尤難導之者性也移之者抑情而復性也天下雖無不可感之人而家庭之間恩常掩義義失而恩且暱矣案松堂全集序

卷之八

手

手

讀陳情表而不動心者必知其非孝讀祭十二郎文而不動心者必知其非友余於此集亦云

案松堂全集序

卷之八

手

倪氏家譜序

間嘗讀史至忠臣孝子諸篇思其事想見其人於千載之上尚爲之咨嗟慨慕掩卷流連不能已也當吾世而聞之見之喜可知已余客歲邀恩侍養遼東膝者年餘問視之暇老母輒命說古忠孝故實令室人眷屬環而聽之爲樂門以外事弗問焉今年八月倪金吾日章走一介持家譜草本來索余敘余捧帙知爲年友東甌公筆聞於母竟讀忽擊節如平昔讀史狀曷敢謝不斐以辜作者意按譜篇章僅數十乃有先有後有詳有畧有始有終有書有不書每篇之中

東松堂全集序

卷之八

序

於忠孝三致意焉從戎之與嗣家不一世死事之與坐誣不一人大宗之與小宗不一行尊祖之與收族不一目如世家年表序傳誌銘家禮祠祀柝何井井有條也金吾幼失怙王父太保公復不諱乃於出處死生之大繩武繼世之微以藐諸孤悉表而出之不致如杞宋之無徵可謂孝矣然而金吾之孝不止此也金吾數年曾與余同班行望之則恂恂似儒者時或過從日惟讀書賦詩所談職分外絕無躁競一語殆學古有獲而迺出紉袴耶抑有感於太保公之遺言奉爲龜鑑耶孟子云事親爲大守身爲大余益知

金吾之成是譜也以昭源本以篤宗盟以誠子孫如是始稱不匱爾維然天子以孝治天下未嘗不於孝子之門求忠臣余願金吾立心制行不愧古人異日鐘鼎名著帶礪功高有傳之山中者曰此宜與倪氏後人也余且喜藉以慰我堂上人顏色寧復咨嗟慨慕有不相及之感乎東甌公熟讀史且知余當以余今日之言爲不佞再以告金吾

東松堂全集序

卷之八

序

潘氏家譜序

藏山潘君山中隱者也質朴醇謹居家惟務耕織間一入城市如桃花源中人煙霞之氣撲人眉宇所談自循理樂善外不掛齒頰也稽其行誼尤以孝友爲重嘗追念長兄篤於孝蚤亡無嗣以次子珉承繼且割已產之半與之文正之仁公藝之義洵可風哉至其敦睦親族復欲構家堂置學田贍鰥寡尚有志未逮近因世代日遠支派日繁木本水源惓惓在念乃立家譜垂示後人自其西蜀之本籍都門之宦遊以迄定興之遷居悉記載焉後之子孫瓜瓞綿綿當不忘今日繼述之意覽是譜者亦可以知藏山之隱德矣因其問序於余聊爲表而出之如此

功過格序

袁了凡先生功過格爲長吏模範垂六十餘年矣舊日刊行海內者甚夥而衛帶黃朱崑海兩先生嗣於雲中授剏厠時余膺鄉薦兩先生出示余余讀未竟知兩先生學問經濟不在清獻公下及誠所屬吏諄復嚴切者只此功過二字諸吏莫不受而循之會甲申之變罵賊殉難血灑巖疆正氣猶耿耿在宇宙間兩先生有功無過之初心死而後已嘗再讀其書固無異兩先生焚香告天時也今余既入官矣思士大夫不負所學不負天子者何事亦惟是省躬治物勿之有欺耳勿欺於人有何不可告人之心勿欺於天有何不敢告天之事既不敢告人復不敢告天必恣吾威福爲所欲爲視宦途爲壟斷以人命爲草菅冀得富貴世享之未幾而禍及其身或及其子孫始欲微倖微功懺悔重過噬臍何及哉昔人云惟府辜功又云無倚勢作威無依法以削蓋官者勢與法之藉而功過之府也其於吏治也功多則臧過多則否其於民生也功多則安過多則危其於立身接物也功多則得過多則失功過何等關鍵可冒昧恣睢而不知簡點乎歐陽文忠公喜與人談吏

事張芸叟疑而問之文忠曰學問止於潤身吏事可以及物況乎一命之士存心愛物於人必有所濟持此勿欺之一念日省月攷何患過多而功少且當其自作自記畫作夜記如神燃其照鬼瞰其旁欲鋪張一事覆藏一語不可得果人爲之乎天爲之乎抑赫赫王章爲之乎一思再思吾誰欺乎今諸君子遭逢聖主幸際建立之時朝而攷政夕而糾虔夜求無憾而後即安雖趙清獻焚香之告又何多讓若立成格以啓後學模範具在茲書未可焚也故余既服帶黃崑海兩先生之教而併欲以了凡先生之書

東松堂全集序

卷之八

主

告諸海內之既入官者

重廣感應篇序

天有教而不言則寄之天子天子有教而不勞則責之臣工夫内外大小諸臣皆所以奉天子而廣天之教者也天之生人有善無惡人自溺於險危嗜欲中遂有甘心爲惡而不之顧者矣久之並不自知其爲惡惡將日積焉故孔子曰惟上智與下愚不移先儒解之曰不移非不可移也直不肯移耳噫人之不肯者失教故也余平日謂身教上等人言教中等人法教下等人身與言顧不重且愚哉余家居終養荷聖恩者十年每與州大夫同有移風易俗之志而州大夫亦每以教化鄉里望余爲首倡余自愧躬之不逮言之徒勞不若存鄉里間渾厚淳良之質以俟在位大君子各有施教地也自先慈見背讀禮方終州大夫三韓修公持其賢昆仲郵寄感應篇注釋示余余捧讀一過見其爲善去惡與福善禍淫之說本經據傳昭然洞然堪與理學相表裏世道人心實嘉賴之未幾州大夫又付梓人矣一日登余堂屬余爲序以廣其傳余作而歎曰州大夫之教思無窮有如是哉竊念州大夫居家孝友治民仁慈待人接物惟有禮讓以此爲教感應在身矣復重刊是編因

東松堂全集序

卷之八

主

余有智者信理愚者信事二語不以爲謬也蓋天下之人不過智愚兩種耳智愚皆化又何事焉則是刻之感應又在言矣身與言合是謂心感挽其險危嗜欲歸於渾厚淳良是謂心應乃所以廣天子之教而即所以廣天之教也不獨蔚也行將布諸海內俾家傳戶誦風移俗易凡王法之所不及者從容漸漬以佐之州大夫可以爲臣矣

造命篇序

大學毋自欺三字聖賢教人過關處也學者童而習之長而忘之且棄之矣噫不讀書者吾無責焉爾讀書而不能得三字之用良可歎哉夫此三字者父不能貸之子兄不能貸之弟而往往不能用者蓋由聲色嗜好之紛紜日陷於中而不能自覺也今人知識方開父師始教耳聞目見巧僞百端方其習之時即作昧心事及其長也機智愈熟掩飾愈工勢必忘之棄之以至飲食居處余影夢魂無時無地不有欺字在豈一生讀書祇學自欺二字耶抑未有以提醒之

故也余見士大夫刊刻感應諸書甚多提醒世人不爲不詳切曲盡第恐言之而不行是已先自欺而欲人之不欺其可得乎余妻之姪李生天葩天安過人耕讀爲業奉妻兄恒嶽先生庭訓循理樂善濟人利物世世以之其子若孫必有光大其門者茲得造命篇一帙藏之家塾以課子孫又什諸棗梨以公同志因問序於余余讀至不欺暗室一語知書中大意頗與余合遂喜而序之爲天葩勗也蓋諸格自記功過本諸袁了凡先生工夫在人不知已獨知之地省察在可對人可對天之時始而勉強久而自然打過自

欺一關便是聖賢地位學者顧可忽乎哉或曰此於
毋自欺則得矣於造命何涉余笑而不知所答以俟
會心者自得之

節孝錄序

割股非經也固矣然事雖非經心有可取者余讀王
孝子傳而重有感也孝子一族人耳律之以立身行
道揚名顯親則甚難第推其心謂股母股疾母疾也
以吾所得於母之股療吾不能代母之疾疾苟愈安
問經耶設余過其鄉叩其廬呼王孝子而責之曰爾
何為是非經者王孝子必曰唯唯又必曰否否世有
割人之股者吾知其非經不敢為也余必曰人股可
割乎王孝子必曰凡攫人之財奪人之產俾其人痛
心疾首女哭兒號吾但取以奉吾親也此與割人之
股何異念吾母處艱難困苦之餘當死生存亡之際
吾自割吾股耳於身何毀於心何憾焉余聞此數語
寧不汗顏而退也哉故曰事雖非經心有可取也余
尤有感者孝子之母固節母也一門之內母以節著
而子以孝稱溯厥淵源抑又遠矣傳曰求忠臣於孝
子之門今則求孝子於節母之門庶人之家顧可淹
沒不傳歟宜其鄉之紳士長老亟亟乎表而出之也
吾蔚揚子廣生司教高陽介在完封有風教之責屬
余一言以志同善余不揣濡筆而書之以復揚子粘
於首蓀齋之右孝子王學斯完縣人

風木聲序

李子晉陽英年美質在洪州稱佳士云平日雅有稽古勵俗之志往往於家庭間事不遺餘力焉曩因其尊人蚤逝方哀毀中所輯實蹟一帙按年紀事大小悉存孝子用心頗云周摯余讀而序之表其書以風當世矣近又覽晉陽五七言近體詩若干首大抵因風木而作也夫孝子之於親終身焉耳遇生辰令節如見如聞悲感之聲尤不容已迨至登山臨水間月看花之處以及兄弟友朋論文對客之時曰某某是吾親之所居也某某是吾親之所遊也某某是吾親之所敬而執樂而與也抱之為情抒之為言或不自知其為詩即知為詩而工拙得失俱不暇計矣晉陽風木之詩有自來乎嗚呼詩之為教也孔子謂一言蔽之而歸於思無邪晉陽之思其親而不能忘是得詩之正者也若夫立身行道以光顯家庭孝子之為思也無盡晉陽當知自處焉勿負余再序之意

東松堂全集序

卷之八

序

勉言集序

余聞太上立德其次立功其次立言然則言之不朽者舍倫常何由哉而世之論者曰某文某名公巨卿之所為是可傳也不然而曰某文某章布山人之所為是可傳也迨叩其文之所以然未知於倫常為何如也余論文則異是夫言者心之聲行者言之表有是心則有是言矣有是言則有是行矣其自名公巨卿以至章布山人凡其發於心而見諸行者舍倫常固無由也近讀徐子雲門勉言一集深有合於立言之道矣夫雲門一韋素耳平日著書可等身名嘖嘖雲晉間每詩一章文一篇出相與咨嗟而歎賞者久之今授梓獨勉言若干何也雲門垂老不仕名位不逮所親將追溯庭訓以及負笈授經時其猶有手澤之思乎且積學有年於古今治忽成敗得失之故抵掌而談不啻身履目擊若誌譜諸編又未始非文獻之一徵也海內讀是集必有咨嗟歎賞想見其為人而並及其淵源者則真不朽矣汗牛充棟之書又何補焉余益知雲門之文之所以然舍倫常固無由也

東松堂全集序

卷之八

序

母壽集序

家庭之間情至無文非無文也一言一笑一菽一水苟可以得親之歡心天下之至文出焉即人之操一歌一咏而升堂者亦莫不曰是母是子情之所不容已也古人揚名顯親必本之立身行道良有以哉近讀王子允大所集壽母詩皆人所贈言為其母壽者也余因是思允大之情益思余與允大相與之情矣允大為余已丑分較所得士自縣令以迄提學臬司歷官垂三十年克承母訓惟謹而余亦以一日長往往諄切玉於成方其作令也余以循理守法安命六字箴貽之書曰此六字當競競奉之或可望竿頭一步不則得以保縣令而歸亦庶幾父母不受辱子孫不致禍耳歲滿果擢兵曹主政及視陝西學政時余家居侍養於其行也則又寄書曰足下善事慈闈色養備至今凜凜簡書生平一日與其得罪於寒儒素士也寧得罪於卿大夫昔令師孫興公先生之較三晉士芳規具在馬太夫人亦未嘗不愛其子一如興公先生之為提學也不佞與足下片紙隻字從此斷絕即足下有起居於不佞者亦付之水火不敢開三年竣事即擢江南臬司奉母就養晨昏相依允大

慰甚未幾其母以春秋高思歸里弟舉武科亦授官此允大之情所以動也既得請又賦詩見志余覽而答之曰太夫人年高兩子俱仕誰為菽水情實難堪聖主以孝治天下凡忠君者必愛親皆朝廷教之也門下素有至性此舉顧不美哉歷述三十年情事知余之始終與允大相成者蓋如此余既以立身行道之事望允大果以立身行道之事報之允大足以致人之歌咏而無愧與夫子君子歌咏其母而無憾焉者皆情也文云乎哉孔子曰得人之歡心以事其親允大有之矣余稔知允大之母賢當必壽願自今以往日坐板輿出子若孫扶持左右顧而樂之或夜聽讀書聲紡績聲怡然色喜太和常在家庭間此則余之所以致祝也

悼荆紀畧序

蔚去西洪百里許雖分隸燕晉僅隔桑乾一水耳其
訂金蘭通世好者比比而是蓋以兩地風土人情原
不相遠故樂於相親也李氏素爲西洪望族其先世
有隱德培蓄甚厚一傳再傳愈積愈深子姓之蕃滋
如雲蒸霞起而不可遏也人物之英偉如麟遊鳳翥
而不可狎也家庭之孝友如玉潤珠輝而不可掩也
余心重之久矣近有李子宏基字裕修者持其祖盛
明公行實入都就余言曰某幼而喪父不逮事先祖
追思前緒繩武莫由一日從斷簡殘編中檢得兩伯
祖悼荆紀畧一書且悲且喜如獲拱璧及問厥顛末
正陽伯父曰是我幼年代書也晉陽叔父又曰今日
得此奚啻壁書塚竹耶子宜梓而傳之某唯唯敢請
於先生以繚蘿姻婭之宗兼文章道誼之雅忍靳一
言表章乎余不敏誼不能辭竊聞東川別駕公生丈
夫子四人盛明其季也少有文名屢困場屋貌魁梧
美髭髯議論風生慷慨好義鄉人德之事母尤稱至
孝人無間言其詳已見於法黃石胡東甌兩先生傳
中余友雲門氏又表其墓勒諸石長安諸君子且有
聞其風而贈以言者詩律歌行凡若干首盛明可以

不朽矣余因是有感於宣明文明兩公悼弟之深情
與裕修述祖之肫念也夫溫公之白首姜公之大被
千古傳爲美談今讀紀畧數則俾盛明公之鬚眉如
見聲咳如聞亦何異於白首不易而大被重新乎兩
公之用心可謂至矣裕修以災焚藐孤積誠所動忽
若有啓其衷而告之者昔馬璘讀祖馬援傳輒慨然
曰使吾祖勲業墜地下乎異日裕修奮步成均坐看
石鼓由壁水而達天池未可量也丘文莊云在生雖
不遇後嗣必有聞則李氏祖德之光大不有厚幸哉
雖然凡今之人誰無兄弟誰非子孫使後之讀是集
者興水源木本之思篤同氣連枝之愛友恭慈孝一
道同風便成雍熙世界余又不獨爲李氏一門幸矣
遂書此以爲序

好字說小序

漢關公之言曰願天常生好人願人常行好事斯言也與吾夫子老安少懷之志君子有恒之思何以異夫所謂好人者子臣弟友是也所謂好事者忠孝廉節是也天下亦安能別有所謂好人好事哉近得魏太翁先生好字說讀之愛因子若孫男女各十五人取義而命之曰好其中仕者讀者力田者習女紅深紡績者嬉笑膝前含飴撫弄者門以內雍雍如也先生特舉一好字非止慶瓜瓞之蕃滋實以垂義方之訓誠推其心蓋將欲人人爲子臣弟友中人行忠孝廉節之事在一家則一家好在一鄉則一鄉好即異日男子志四方舉而措之或仁民愛物或繼往開來其好又在天下萬世寧第一家一鄉而已哉憶余與雖伯侍御共事西臺夙聞太翁先生家教之美門第之盛早知其光大而顯揚者方來未艾皆自好字開之矣因敬而書此以廣關公所言好人好事之意

集義堂詩序

知人而不於忠孝廉節必非深知教人而不以忠孝廉節必非善教某之受知於孟先生也在晉聞已卯之役先生擬爲麟經魁已入設而復失之卷既乙乃指其小疵示以深惜愛之至而器之重抑之暫而望之遠至今數服先生之教我即成我也壬午叨薦後得晤先生於居庸道上先生盡其誠某盡其虛文字之交篤於性命年來遠隔函席猶致詩若干首以爲教抑何惓惓不忘也某受而卒業知先生別歷於燕晉豫浙之間抒寫其忠孝廉節之性卓有三百篇遺風海內知先生文章經濟必有知先生詩者某雖不足測高深然讀先生之詩竊以受知於先生者還以知先生其詩曰點綴太平慚補衮叨承殊寵慶彈冠曰姬公納冊曩唯赤廉帥負荆過自知某知先生之忠也曰萬里雲山悲失路一江風雨泣斑萊曰嶺隔白雲親舍在此行殊自逸登僊某知先生之孝也曰平生只此戰兢時曰宦貧有若水同清曰風生兩袖不勝寒曰首陽千古遺芳在某知先生之廉也曰羞將華髮對鸛班曰名根斷處愧爭先曰龍頭應屬老藩臣曰提醒清夢達湘靈某知先生之節也至甲申

先生襄事思陵書明懷宗梓宮詩曰開隊愚忠留碣石依墻血淚滴銅肝慷慨悲壯聲淚不磨生平之文章經濟於此盡即有明三百年之風雅於此終焉噫先生至性過人遠矣今荷 聖天子俞解組之請歸老蘓山囊惟一硯讀書教子清白傳家撫松菊而寄興策鳩杖以夷猶出對鄉里故老渾是太和元氣充滿洋溢人可傳詩更以人傳惟先生始而愛某器某抑某望某而且謂某可教不遠數千里獨問某敘蓋既以忠孝廉節之義知某卒以忠孝廉節之義教某也某不才詎忍負先生教哉

率菴草序

杏懷無父母伯叔之樂育於祖以有其名名成而祖不達哀傷愁苦托之乎詩以繫思詩不一其思流行散徒放之於無止大抵皆哀傷愁苦之所為托也夫人可樂之物可樂之人之事恒多於哀傷愁苦哀傷愁苦勿得而移之蓋有托焉爾以我七孔四支之所發托於簫鼓琴筑登木執禱持筮之所歌輒泣然不樂之數物者不能使人不樂亦久矣中有誠乃通於情雖介然之守唯然之音草木魚蟲無不動焉況詩以繫思者乎靈運思祖其詩樂杏懷思祖其詩哀鍾

嶸謂謝詩風流峭趣不以哀傷愁苦易其樂所托異也若一人之身而備有其哀傷愁苦名不成何樂名成何樂且名多有所不樂也往年舉孝廉成進士有名當世之巨公偉人相與飲酒說餽觀宮闕圖書巷市記所過高山大河可樂之物可樂之人之事衆矣衆人且樂為足以得樂之情苟人與事物之可樂果不足以得樂之情則樂將安在乎今杏懷行行九達之衢待一官未即子身鮮父母伯叔之樂鬱鬱然欲諱窮窮卒不免匡坐旅邸中倚檣梧而吟或懷古或悼亡或言志或感遇放歌固無異爾在膝下也曹家

之像范家之硯波淫淫至踵豈直太息而言思哉余
讀其詩平厚似栗里簡遠似蘇州多感慨似香山自
然似元次山大抵皆哀傷愁苦之所托也人與事物
之可樂非所托爾古言靈運才力弱務為清淡無泥
水霜戈電戟已變太元之氣杏懷詩激壯殆其祖烈
士風耶嗟乎前有賢者聲無謂衆人不樂也

胡東颺詩集序

昔人非窮愁不著書窮愁亦何負於人哉今人處窮
愁時抑鬱無聊憤懣不平之氣輒形歌咏間去風人
溫厚和平遠甚欲其垂世立教志在千秋以臻道德
文章之極境蓋憂憂乎難之矣余同年胡東颺家世
爲上谷名族負才不凡少年登甲第恂恂如處女初
宰豫章即值金逆之變似乎造物者挫抑之不欲竟
其才窮愁逼人固爾也人爲東颺惜余曰否否造物
之成就東颺在此矣夫人方爲諸生習舉子業競尚
華縟以博一售其於聖賢之理未暇講究大源及取
科第後又謂聖賢之理迂濶不近事情率墮於游談
逸蕩而不顧甚且說空說幻學出世法避而逃焉者
比比其於聖賢之理愈馳愈遠迴絕不啻霄壤矣若
東颺者日處窮愁中了無抑鬱憤懣意求不負造物
之成就者意有在也今聞其歸曰後絕意仕進閉戶
硃矼讀古今書不盡不止所著詩文沉摯奧博而大
要根於溫厚和平不屑屑字句爲工亦不斤斤形貌
爲法故自評云字後於詩詩後於古文詞豈欺我哉
東颺年齒方壯學力漸深名山之業究不可量余性
不善諛思有以助其高深而不能得惟期著書立言

發明聖賢之理俾道德文章不愧爲垂世立教者足矣窮愁亦何負於人哉余不敏勉自奮勵異日願與王子近微及君鼎峙宣雲之間不知其許我乎不也

宋紫庭詩集序

周禮大史陳詩以觀民風故十五國之貞淫正變得上輶車非若近代浮華佻佚字櫛句比無一可獻者風雅而降唐杜甫詩猶近古其長篇短句悉出忠孝爲得性情之正後世特稱曰詩史其自開元迄大歷凡天運人事物情一瞭如指掌三百篇之遺意存焉余嘗執此以論詩於海內之牛耳吟壇者未敢某某少陵少陵云然而志在少陵久矣山中頗近靈邱余謬以文字交宋侯因出居山塞外詩凡兩帙示余卒業如宮叶商如珀引芥其與余曠然相感者直在

氣格聲光之外顧以博雅如公過名山歷大都足跡幾半天下乃無地不詩且系之記大抵察風土之變遷稽形勢之險易辨物理之淳澆問民生之疾苦所在耳而目之者輒留連不忍去往往從野老田父斷碣殘碑得一二語遂收奚囊不欲使見之聞之歌之咏之者失實而無據或亦少陵之信以傳信欲使後世讀之所稱焉詩史者非耶異日輶車之上采而獻之將勒金石奏郊廟永之千百世傳之學士大夫之口則翩翩風雅是豈浮華佻佚字櫛句比之侈於近代者哉太史李長文序公塞外集曰以公才處館閣

一席爲天子黻黼太平盛典如漢遷固唐燕許故事庶稱其長知言哉蕞爾山邑鳴琴而治亦何足見其一斑也

澹明野嘯序

詩之自得於心與依傍蹊逕者有辨風雲月露點染
湊泊豈有道者所宜言哉太原裴晉卿先生究心性
命之學久矣燕邸每相過從輒抵掌談所學詩與文
曾未嘗一語旁及之者丁酉冬余候補無事閉戶抄
書先生携澹明雜俎文集屬余論定余唯唯謝不敏
去迨戊之秋又出詩草名澹明野嘯者問余序余作
而歎曰先生才高而立身也靜學富而著書也晚其
爲詩也必有自得於心者而後發爲篇章於修詞立
誠之道合焉揚扆顧不難耶既而卒業先生之詩見
其渾然以涵者海岳之氣也湛然以清者冰玉之質
也鏗然以和者金石之聲也卓然以大者臺閣之象
也持此四者以驗其中之所得直燈影之取耳如一
登臨也江水湖山嶽廟海市之什丘壑在胸化工在
手詩中有畫矣一紀述也土門華宅長平京師之
跡上下古今慷慨悲壯詩中有史矣一寄興也漳水
迷樓聞蛙見鷗之句嘻笑怒罵無非文章詩中有刺
矣一贈送也寂寞懿侯榆林中丞懷寧野澤歎令海
若諸作大義微言肝胆相照詩中有諍矣一歌哭也
司寇別駕之篇指劍光而泣下招提風木之賦盼雲

影以腸迴令人不忍讀不忍不讀讀之而終不成聲者詩中有淚矣嗚乎情至矣惟先生從靜中體認不斤斤依傍蹊逕又復晚年沉鬱而出之忠孝隱約之旨居多馬摩詰而後此道在太原者屬之先生無疑况詩言志志者發於一日而信之天下後世者也誠顧名而思濟明之義先生之修詞立誠無一非性命之學矣余固知先生之詩有所得也野嘯云乎哉

止齋文集序

世之為文有二有儒者之文有文人之文文人之文儷花偶葉雕虫繡悅如好鳥之娛耳時花之悅目其文無關於世道無輕重於人心存之以為游藝之一助可也儒者之文扶名教正人心著經權約旁者以正殉幽者以明蓋將與日星河嶽同其久遠僅僅語言文字云乎哉且為天地立心為生民立命此又非可以虛氣承當空言領畧必實能以天地之心為心生民之命為命不則支離渙隔漠不相關天地自天地生民自生民吾人自吾人比而合之非謬則妄余養母林居垂二十年常靜中較勘慨此學之不易而吾道之甚孤危也歲壬子秋奉 召入都即次十日得讀安邑馬玉筍先生止齋文集憶余向同先生立朝先生議論嚴正操履堅白其學以明倫反己為工夫倫安所出乃天地之自然倫安所行乃生民之同然已安所始天地之全理已安所成生民之正性也是明倫反己四字即通天通地通人通已古今聖賢之學有踰此者乎先生由水部調銓曹清正不阿考功數載侃侃持正朝野重之都門與余比隣數晨夕每過從先生見素几蕭然壁上但書事必告天心惟

向日二語平日著書大抵以忠孝廉節立身行道為根本使衛則孫鍾元先生居鄉則呂見齋先生以道義相切劘學不少懈終養時與余筆札往來商立身行已之道余嘗竊幸斯道之大明於世其在先生乎惜也其養未終而逝矣先生有子四人服先生家學治喪一稟文公禮既竣乃搜輯遺文弟子景君象緯千里荷書至乞余序余讀之不覺涕之無從也夫以人之存亡係吾道之盛衰則文人之微彰亦關吾道之明晦余又敢以不文辭不為表而出之哉三晉自文清後有真子先生行其傳先生又接真子先生之

栗松堂全集序

卷之八

序

傳先生於吾道可謂有功矣片語單詞皆堪寶惜也至其奏議之剴切誓詞之真摯詩文之淡雅講訓之醇正讀者反復求之如見先生危冠匡坐而論學矣嗚呼此世祖皇帝培養之人才開國元氣之所鍾也而今長往不可作矣諸子能世先業讀其遺書益勉強焉取其言行而光大之勿以文人自畫見天地生民為吾人分內事則玉筍先生不死矣

雲門全集序

文以人傳人傳而文可勿問大約忠孝實直筆墨之根抵托於斯即令布衣終厥志娛親以老允不愧名流况乎勵秘枕之勤研風雅之細著作夥鈞所謂文行克副隱顯一致獲信於知己舉所生平得力者同人珍重而傳之斯豈易得也哉平城徐雲門余之道義交也雲門未冠失怙所業未就惟好古自命崛起塞上自成一家言有所撰著輒為名卿士大夫賞識然而蓬戶尚友孳孳乎若不遑也里選待年之期適甲申鼎革一意甘貧奉母時母逼桑榆子孤幼不能

栗松堂全集序

卷之八

序

代養無復仕進想歲辛卯余捧詔雲晉與雲門相得甚晚甚歡二十餘年間往復辨難各有所益嘗與抵掌論古軼事知其於經史諸書肄習若服食而汲塚蒼邱固不究極閭域以故著書首在郡乘十四卷總計數十萬言已見蘊蓄有素次則為詩為賦為記為序為傳為議為贊為詞為狀畧銘誄為樂府詩餘之屬體裁既備風格斯變而晚年質語又進一境蓋本其天性之所近與夫學問閱歷之所歸見諸長言微言者自少壯以至遲暮如一日也雁門馮子訥生以淵源之學司教雲門與雲門稱莫逆得其全集如

表公安之於天池生慨然以必傳爲已任余讀訥生贈詩有高文垂國史奇筆壽名山之句憲副曹秋岳先生下車慕雲門之爲人贈詩有天留黃髮老詩重白登城之句聲氣之感召如此集中如薦橋啼菰諸篇無非負米夙志而郡乘佐國史聚聚儒風比諸野人獻曝忠孝之槩已著至於勵志守四壁手一卷不輟吟哦之聲徹於戶外從不問他事尤其行誼之表表者余知雲門生平甚悉其可傳者自在不必以文也今雲門之文得訥生以傳雲門可傳矣訥生既傳雲門之文而並傳雲門也訥生更可傳矣

致知格物解自序

一部大學所學何事致知格物是入門第一事也儒者辨論紛紛意見各出說心說性說理說良知千言萬語近是者多若以之表章聖經垂訓後世實有大不可解者抑人自解而樞自不解樞自不解而並諸家之解亦若有不解者耶竊嘗愧焉近見刁蒙吉先生格致補傳一編彙集諸說參以獨解似爲不解者進一解矣樞再四讀之又不能解蓋樞鄙儒也淺學也未能讀傳安敢解經第見致知格物之解聚訟數百年而終無把柄有說內一邊者如淘沙井愈淘愈深有說外一邊者如放風鳶愈放愈遠又有內外兼說者如對鏡花捉水月愈尋愈沒着落只一格字有解爲格闢之格者有解爲扞格之格者有解爲感格之格者有解爲格式之格者有解爲格眼之格者有解爲天壽平格之格者猶曰旁引曲喻以明格字之義也獨於物字不一其說大抵多在大學之外着解間有一二從大學看出者又若舍而不露露而不全而其極力闡發者又謂六經孟子句句是格物而反不以大學之所以格物者解格物則樞之感也滋甚矣嗟乎一部大學所學何事而致知格物一語竟終

身不解可乎此樞所爲管窺蠡測謬成拙解終不敢
自信其不謬竊願與海內學者互相發明以證朱子
卽物窮理之意云爾

贈言集自序

贈言集者輯諸公贈言以志不忘云昔孔子去周老
聃贈以言則曰敬奉教歐陽文忠得龍圖卽席贈詩
則曰在於頑蒙獲此開警無忘長者之言嗚呼聖誥
猶然況中人乎念余自丙戌釋褐同舉進士者四百
人同選庶常者四十九人同出入掖垣者三十人雁
序鵷班一時稱盛豈無一言之幾於道足當書紳者
哉然而忠孝取與出處死生諸大節知不言而言不
盡其不爲聲利釋老所奪者幸耳至是孤陋半生矣
近年謫補閒秩退食有餘始兢兢奉先生長者之教
集松堂全集序
所朝夕耳而目之者小而聲韻詞章大而政治名節
間有及於窮理盡性之學者嘗撫心自問以落落寡
合如此碌碌無能如此顧猶進而教之異日誇於田
夫野老差可當一部宦遊紀也然而散佚幾半可奈
何迨至歸省歸養兩荷 俞旨諸公有祖道國門謬
加繢繆凡爲詩若干文若干語若干以贈其中獎借
期許之意無異飲醇醪而坐春風甚有素不相識亦
親好音投之司聞不顧而去者有美一人何幸而得
此夫同人倡和贈答聲出而事已者則偶然耳諸公
以彬彬大雅之章匡余所不逮多矣錫類之恩 聖

主所予也而頌之烏哺之私慈母所待也而慰之志存乎君親言發於道義行將與二疏畫圖並垂天壤是豈偶然也哉山中救水之暇憶當日握手言別時孰進孰退孰在孰亡無從知之者攬其尺素篇章伊人宛在焉盡置之殘編斷簡之中爲老蠹所蝕余獨已情若是豈汲汲於古人受言之一節亦有不足者耶將何以謝諸公

李氏合刻家葉序

余以文知李子松巖蓋已丑分較之役也榜發謁余門見其英英年少血性過人比攷家世則曰世大父方壺公業與叔若弟自相師友不及戶外事因知松巖能愛身異日之能愛民愛士可知也時粵東初開受天子特簡分巡海務余曰李子自此將愛民乎尋從邸報中聞其兼視粵學政余曰李子自此將愛士乎不意爲惡弁囑託不遂因加傾害義不可辱引刃斷頸含冤長逝也嗚呼松巖之死非若弁死之而誰死之哉事聞下撫軍御史臺罪之夫死死若弁寒松室全集序

王成博文藁序

古人以文配質又配行嘗深味此旨於八股帖括之外名實不易副即以文名著亦非天下士莫預斯選也況通經之儒經術經世恒以精專名其家文豈僅八股帖括乎哉崑山王君成博爲戴禮名宿著書夥餘海內宗之屢試艱一第壬子癸丑之間館余家授余兒經乙卯同薦於鄉成博再捷於南宮余始歎大器之貴晚成也因憶成博平日於世務無不涉每與余書齋晤對非聖人之旨不余問非蒼生之苦不余聞是深喻余懷不交余以世務而交余以道誼者余寒松堂全集序卷之八

行成博真天下士成博之文非僅作八股帖括觀矣余兒既與成博有淵源之誼成博又與余兒有年譜之情余叨一日長所期於成博者益如此成博諒不鄙余言之迂濶也

送解法周成學東序

處死生患難之際必曰吾安命也是已夫安命者其惟讀書學道乎世之人方富貴福澤赫赫奕奕時求一安命者不可得而顧謂然號於人曰吾將讀書學道也誰其信之余於解公法周獨以讀書學道望之公與余同甲乙榜賦性質朴自處以約口無欺入語益濟陽令以清慎勤自矢余亦交相勉以玉於成三年報政果以廉卓聞上賜袍服寵異之邑人德公者頌聲為最著尋奉命擢戶曹主政司易州餉大有廉名軍之頌於伍者無異民之頌於邑也既而

寒松堂全集 卷之八 李

大農慮漕事多弊於坐糧一官議才守兼優者疏公名以聞上報可公至則力革夙弊往來河干繼日夜無退食暑不知為勞也未幾以艱去資斧無給不知為貧也服闋俸居前或誘之奔競公峻謝去擢池州太守任事年餘人比之松江李正華李蓋去官之賢二千石云已亥海寇犯池郡內應者實繁有徒城陷公抱郡符求死不果逆黨亦避殺官名不加及事平坐失守遣戍會鞠逆黨得情皆伏誅公曰今朝廷始知封疆陷之鼠輩臣戍得甘心矣每讀公著書大意引咎自責即謂官累公公亦不必受也公行矣

余初聞之淚數行下問戍所則曰粵東余又為公喜蓋喜讀書學道之有其地又私淑之有其人也按前代讀此地者文公芳跡子瞻高風俱在焉或尋鐵漢或慕壁記皆可為公友然余更有進者粵人陳白沙先生以理學著久矣語錄無多見僅遺集十二卷耳至今學先生之學者當不乏人設一旦遇之白雲山前執弟子禮北面請益庶幾如見先生焉他如剛峯甘泉復所亦皆此地偉人也文章事業表表天壤訪其遺書凡擇之精語之詳者道所寓焉爾何不可並取而讀之不特此也王陽明先生貶龍場固人所不堪者先生從死生患難中磨煉良知數年而成大儒以公今日視龍場不啻過矣苟有得於良知之學益精而進之夫豈富貴福澤赫赫奕奕之輩所能及也哉余不敏養母山居日不廢學以求幾於大道之萬一異日走尺一書從嶺海萬里外訊讀書學道之淺深余必不違公公必有所以報余者也始信公之善安命也已

寒松堂全集 卷之八 李

賀董承宇書序

董君其有鄒先生之行哉聞昔鄒先生者蔚之弁族也雅嗜儒書積簡牘千餘帙曰吾後人或能讀之居家以孝友聞還遺金讓家貲有古義士風處里黨之間雖犯不校歲饑出米百石賑之當事請於朝旌其門時郡侯以德齒三請為鄉飲賓一時觀者比之祥麟威鳳按州誌既為傳傳其事復纂有榮終錄撮善行垂於家至今表表若前日事余聞煖泉董君承宇質朴長者也樂善不倦好禮不奢積能散安能遷其有鄒先生之行哉平生操耒耜不入城市若無所求

寒松堂全集

卷之八

序

於人順治十一年饑煮粥出錢活里人及隣封就食者甚眾蔚之西界則廣靈也長壑阻行人乃獨力成石梁通往來如虹渡然居鄉忍讓無競易人所難尤好施子親族待以舉火者多德君州大夫備稽厥行遵奉典制修養老儀君與焉秩然成禮去有月旦之者曰董君其有鄒先生之行哉不愧尊養盛事云自紳士闡固不重其人可余一言以表之余何言哉爰述鄒先生之風與君前後相輝映者有如此

壽錫伯長兄六十序

昔司馬溫公事其兄伯康每食少頃問曰得無饑乎天少冷則拊其背曰衣得無薄乎每讀小學至此竊歎事兄如溫公者甚不可多得也樞滋愧焉他不具論即如生日舉觴亦問食問衣之類也往歲因老母喜靜卻繁至今歲八十始行慶吾兄六十初度之祝亦移之今歲兄有子甫弱齡弗嫻禮儀樞乃補一言以為壽聊著兄所以可壽之理他人有及知有不及知樞則稔知之者吾兄少遊州序壯登武科平生不作欺人一語人稱篤實君子云晚居南庄守敝廬薄

寒松堂全集

卷之八

序

田奉 祖宗俎豆暨老母菽水三五日入城一省問寒暑風雨不憚往來或瓜菜初摘即携筐籠獻慈闈歸乃嘗之於樞極盡友愛憶樞官京邸時一切家產租糧賴兄悉心綜理自供辦稅糧及送京師食用外餘者登簿存之一毫一粒井井分明以待樞歸里之需嘗曰吾兄弟雖不分爾我但弟清苦無錢吾不忍不體也嗟乎處財之義誰其知之哉近年村居儉約斤積米粟聊足餬口仍樂以升斗濟人且重修南關石橋一望如長虹飛渡而且施藥息爭鄉人德之者尤多焉夫以如此之孝如此之友如此之仁且義

皆出於至誠而不欺則壽之理寧外此歟是年築草
堂三間成題曰見山堂蓋開戶見山言景也而樂
山可以言壽家庭之間情至無文敢飾說乎遂跼
告母知登斯堂而祝以詞曰昨歲已遇花甲子今年
纔祝六旬人俚言記取生平意不及溫公保愛真願
吾兄進一觴

壽張公選先生六十序

交以道也而不以清道之至者情之深者也僕竊思
之天下之鉅公偉人多矣而交者有幾交矣而往來
形迹間頗類迂濶拘謹之所爲亦遂落落若無情者
然其於道也猶未敢輒以自信敢云信友乎哉緬惟
國初定鼎正天下人才輻輳之時大小臣工以道自
守兢兢乎有私交之嫌即一時從龍諸君子起自遼
左盛如豐沛亦各樂受 祖宗之法度而莫之或渝
識者於此覘景運焉僕嘗官掖垣居小臣之列從未
敢與大臣交亦曰分在故也至銓部諸曹比肩事

主固非大臣比也然而嫌疑所在亦嘗退然不相近
乃獨與先生無所嫌每歲之中或一再晤訊起居問
職業而語不及他益僕諫官也先生銓曹也立身行
已之間各有道以處此越數年先生受 特簡督學
河南侯以終養歸雲中僕於天下之學使從未嘗以
竿犢通先生早信之深矣僕僅於長林豐草間遽說
中州有賢學使衡文知有文耳較士知有士耳未嘗
問其誰爲喜誰爲怒而易吾文與士也嗟乎 國家
人才之盛 祖宗養士之報詎不彰明較著也乎僕
於是竊有感也士大夫有人心世道之責所守者廉

耻耳近者法度漸輕廉耻道喪此官行同市井而坐
擁臬此不知其所銜何文所較何士耶間有一二清
正如中州者又不知於時人意中喜怒果何如耶聞
先三報績後束數卷書下黃河渡長江歸金焦上下
雖幸邀特達之命而家學淵源其子拔鼎甲授詞臣
者二人成進士者一人餘皆翩翩知名士門第且光
大矣先生獨閉戶讀書晝夜課諸子孫以學古事君
持身善世之道而父與子言孝兄與弟言友家庭以
內藹然太和鄉黨之間醇乎喜氣先生之德常伸於
北固南屏萬椒之上都下士君子思之中州士君子
寒松堂全集序 卷之八 李

又思之僕乃介短札訊林下高風循我輩迂濶拘謹
之故迹其情亦大可見矣先生出山何日僕欲一望
顏色不可得幸素存侍讀以父執事僕亦以通家
子友之志同道合互為砥礪一以躬行實踐相敦勉
今日交素存之道猶是昔日交先生之道先生其信
我乎否也今 聖主聰睿典學迥出前代素存列侍
從備 講幄以道自守以家學事 君且君子道升
諸賢並進無異當年人才輻輳時先生仰覩景運必
手為 朝廷慶僕正於景運方新之會卜先生之
純嘏永錫矣丙辰之歲先生行年六十九月四日是

其初度辰也僕擬進質言敘世交為先生壽觴助然
僕老矣農部事繁綆短汲深退食之餘舉筆艱澁乃
於次年五月補前說之未逮聊代起居云爾

壽韓母某太宜人七十序

順治十七年十月十七日爲韓母太宜人七十之初
度先家慈設悅辰者一歲余與仲君子良同壬午鄉
舉又與季子六一文且善誼屬猶子云時方從鄉先
生後致祝詞事未舉沁邑之紳士以跽進太宜人觴
走問序於余且家世懿範頗悉余起而受之曰若母
即吾母也愧不文聊質言可乎余嘗讀史傳見所謂
賢母令子之言行可傳千古者輒手錄成帙矢勿謾
竊有取於陶侃雋不疑之母及潘岳之爲子者有似
乎太宜人家庭之梗槩也侃職監魚池以魚鮓遺母

寒松堂全集序

卷之八

序

母封鮓還責之曰此官物也遺我乃增我憂不疑爲
京兆尹每行縣治獄還其母問不疑多有所平反遂
喜笑爲飲食否則怒而不食岳值微雨新晴之際太
夫人乃御板輿遠覽王畿近周家園或宴於林或襍
於泥昆弟班白兒童稚齒壽觴舉慈顏和人生安樂
孰知其他由斯以觀侃與不疑之母之訓其子及岳
之事其母總以求此心之安耳太宜人系出望族夙
嫻內則事太恭人以敬聞待妯娌姊姪尤盡和好仁
孝備矣猶恐違贈公菽水之志友讓之情此心未嘗
一日少自安也五子勉讀父書館穀有不備者脫簪

珥充之以故仲季先後捷南宮有名當世鉅公偉人

多器重焉餘子頭角雖未成皆卓犖非池中物而熊

丸之教苦心滋多矣先是仲季同侍膝下時聞太宜

人之言曰汝輩次第入官矣各矢清白勿負官守令

我心不安也今仲釋褐將爲循良更以待大用而季

先以中書舍人歷三載稱職邀封典擢刑部主事

復遇覃恩晉太宜人云綸綍之榮翟第之美光

大先人之門戶猗歟盛哉庶幾安太宜人之心乎且

清白之訓是不受遺鮓之高風也勿負官之誠是多

所平反之成槩也仲同諸弟率諸孫侍慈闈舉壽觴

寒松堂全集序

卷之八

序

而季西望白雲再拜爲祝亦何異於板輿之奉林圯
之間哉吁太宜人之心可以自安矣昔人有云福集
於惠家裕於儉德聚於敬壽之徵也魏子曰心安則
氣和氣和則神永壽之理也盍近觀於太行王屋之
山乎嶠峙者其形耶凝定者其神耶其安何如其壽
何如也若西池東海荒唐怪誕之說非道誼之所敢
出矣篇初就余持告家慈頗以爲然遂書此爲太宜
人壽

壽傅母某太夫人序

余爲儒也素多陋不文重以母命寡言爲兢兢稱功頌德非所長而祝壽家復好談神僊術余又未之習聞也往往謝不敏有名當世之鉅公偉人皆深信之曰若豈故託者哉年來家居侍慈闈匪但不文也且寓書知友如刁蒙吉徐雲門者率相戒勿爲惟有退然緘默修家庭間事門以外弗及焉是余之所以報母命也日者應州傅侯以夙望攝蔚篆甫兩月值太母六十一誕辰蔚紳士稔知侯至孝願體侯之所以壽太母者以爲太母壽因製詞賦以將之謂余不寒松堂全集序卷之八

母壽也夫壽之數最微而壽之理甚著余第言其理而已余亦第以老母之壽之理言太母之壽之理而已老母今年七十有九其所得於天者無非老母所自得老母助先嚴敦善行爲清白吏式於鄉俎豆宮牆之內太母克相夫子盡瘁王家以忠節邀贈歷大典光照史冊婦道得矣宜壽老母躬行節儉浣衣脫粟不憚持此微以肅家政太母首誠奢侈以儉助廉懿訓凜若金石家人奉爲師帥壹道得矣宜壽老母兩子無異視慈愛備至惟以守法奉公繼述祖德爲家世先善養祿養無不色喜太母誕育二難名邑大郡之中務以愛養百姓爲事行見大業日富顯秩日增海內蒼生盡吾胞與無異太母乳哺伯仲時也太母之生成千載猶有餘慶母道得矣宜壽即今金城蔚蘿聞父老歡聲與士君子頌言並獻堂上太母御板輿出五馬在前諸孫環遶左右間起居者至再三顧而樂之當必忻然加七箸余於時初進鴈曰是乃所謂體侯之所以壽太母者壽太母也再進鴈曰是乃所謂推老母之壽之理壽太母也三進鴈曰是乃所謂溯太母之宜壽者壽太母也余復何言哉余復何言哉惟念侯爲凌川先生後人先生前

聖名臣也淵源有自典型尚存若乃仕優則學其
相與以有成者幾何人也下車以來升堂拜母卓乎
古人風交余尤極謙謹意或有在焉特敢以卿大夫
之孝進竊願自勉以與侯共勉之矣

壽修母王太夫人序

孝有二乎曰無二也若母即吾母斯言也可以知孝
之無二矣夫天下事物繁多苟非吾親之所應有者
視之爲二可也承歡聚順之際關人子大節必有非
法不言非道不行之心施受乃各得其安其無分於
人與我之孝而二之也明矣我郡修侯事太夫人以
孝著幸際太夫人之賢而孝益彰家庭之間融融如
也公刺蒨近兩載以平恕爲治政簡刑清卓蹟甚多
大約歸於愛惜百姓每行一事曲體太夫人撫孳至
意藹然劃然而出之視百姓羣而在堂下無異侯依
依膝下也某稔知太夫人賢而有德相夫子以誠訓
侯以慈持家以儉御僕婢以正確確乎與古之賢母
相媲美不獨某知之某老母亦知之憶初夏舉老母
八袞壽觴公撰文爲壽榮溢庭闈時老母語某曰太
夫人其賢哉有子且孝非吾家母子所敢望也汝輩
其識之某跪受命會值太夫人設悅辰德日積壽亦
日積純嘏之錫不蔡而徵而又有侯之孝以致之拙
筆安能贊一辭雖然某之壽太夫人者文也侯之壽
太夫人者實也文生於情則文而實矣第愧某爲子
不克孝不足握管以言其情蓋某所盡者菽水爾侯

之孝則德加百姓者也百姓食侯之福即侯所以致太夫人之壽侯之福一州也正而不私平而不苛苦則恤之災則救之冤則白之蠹民而困商者則釐剔之令人愛不令人畏令人服不令人疑俾羣黎百姓如登春臺之上焉且時和年豐人歌太平遙知太夫人御板輿履壽筵問民情以樸對問民風以儉對乃為怡然色喜如呼閭閻之家人婦子話雞犬桑麻也太夫人之德曷可量壽曷可量哉即勉為文辭闡揚盛美無以盡萬一某業受老母命操一辭登堂獻祝是仍以侯之孝之所推者壽太夫人也情在則然禮在則然所謂施與受各得其安者詎分人與我而二之哉詩曰孝子不匱永錫爾類維公有馬太夫人當笑而領之矣

壽衛母賈太宜人序

生而負天地正大之氣長而勵公忠伉直之風屹然於當代入為家庭重出為朝廷重往往推本於篤生毓德之二人然亦有以母代父以母代師者尤推本於慈育貞靜之一人其積之也厚而發之也必昌其事或不可得而究其理皆可得而斷也間嘗以理徵事木公生於東金母成於西長養收藏乃歸其功於太華之上而不居此地道也臣道也母道也所以佐乾德而相成故遠而食其報者更無窮期也我年伯母賈太宜人世締閨閤性直端敏幼從父母就家塾讀孝經內則女訓諸書未笄即儼然士君子行也及于歸去貴介氣執婦禮事公姑勲夫子友諸姑妯娌服勞謙謙時家政殷繁內外食指千數凡朝夕饗殮春秋晏享婚嫁吉凶事無巨細皆身任之而公姑兄弟上下皆以孝稱猶曰此婦功之始也所難者年伯贈公甫二十三歲即不祿上奉垂白下撫孤息一女一男收汨彊生支持內外謝除衣飾蓬垢經營吸啖冰霜憔悴荆棘十年內女嫺執鹽子勵采芹乃別治腴田百畝茅屋數椽黽勉孝慈於風雨晦冥之交即公姑父母亦莫窺其治生之策而宗族鄉黨皆望

之爲巍然丈夫事猶曰此家庭無事之日可從容觀
子女之有成者也俄而公姑捐館舍煢煢孫子變罹
寇警六戎生郊外嬰倉卒內應艱虞即二人襄事諸
昆亦竭蹶張皇太宜人悉領夙素盡哀盡禮不以捨
攘而廢其儀不以分爨而卸其咎遠邇大小無不以
純孝稱家婦此尤丈夫子之所難者也猶曰家事耳
既恒篝燈亦嘗履冰授書誨子成丙戌進士初筮商
城蕭蕭行李老孺莫支太君曰吾有生不作稱貸貲
亦未有謀稱貸貲做好官之理乃毅然售孔西業約
得金百餘兩屬車騎走仍戒以勿妄取勿苛刑貽母
寒松堂全集 序 卷之八 五

身犯賊壘賊環甲列弓矢伺公公宣大義倡忠孝之
旨諸寨伏軾歛罪流涕請降是太宜人一言而勝數
十萬甲兵仁人孝子其社稷之利哉猶曰此吏治之
可爲者也公既以賢良受 世祖章皇帝特達之知
遷工曹即以本官兼御史按江南宗族里黨咸賀太
宜人獨愀然曰兒性剛直恐疾惡甚獲過公入境果
訪大貪臬司特簡入告 世祖章皇帝立逮置諸法
遂奉 溫旨謂公却餽發奸不負委任乃破格陞京
堂一時吏胥怖恐天地震動事已忌者借端肆誣幾
叵測聞者憂之太宜人獨怡然曰兒未獲罪於 君
寒松堂全集 序 卷之八 五

氏憂而商城公甫下車芟荆蒺藜睨均里甲招荒
亡七千餘家商得成邑諸臺交列剡章稱循良第一
天下皆聞而賀之曰此母教所成也雖然此子以事
親臣以事君義在則然耳猶憶公偶遣僕省母具服
食一牽使者過渡遺水漬太宜人知乃手書戒之曰
守土不除道路輕橋梁是溺職也公受書即往鳩工
治橋成至今民懷之泐石曰衛母橋猶曰此有司細
事也商之境內悍民負隅者四十餘寨歷年未得平
太宜人方屬之勿請兵勿邀功徒殃吾民無益汝其
言諸布公躬宣 朝廷德意去劍以留吾赤子公即

子姪男婦少長六十餘人婚嫁諸大事贈遺無間內言不出於閫外言不入於閫吾里大司寇白公語宗族里黨曰賈太君善以持躬嚴以教子惠以及人寬以逮下積德以裕後昆可爲吾邑諸巨室法蓋達於學問之淵明於艱貞之義不以窮達易其所志不以常變違其所守不以一日之華膳而遺後人之驕奢六十年苦節之貞八十年劬勞之蹟此真偉然丈夫事而士君子之篤行所不逮者樞與侍御公同年登進士見公丰采氣骨杰出三晉洵國家未易得之才也比奉簡書樞竊喜此出必不辱君命而聽

寒松堂全集

卷之八

夫

馬到處墨吏望風解綬實足爲慈闈光十年來菽水承歡躬耕侍養聞者未嘗不慕其天倫之樂而惜其身退之蚤也茲逢設悅之辰子若孫進觴膝下顧而樂之且曰今日之舉皆朝廷之恩也祖宗之德也吾姑槩撫孤敢云有功於衛氏哉亦祇求不負衛氏耳猗歟盛哉天地正大之氣公忠伉直之風在衛氏家庭間此即年伯母之所以爲福而即所以爲壽矣交梨火棗王母西池何足稱耶樞因書之以答士大夫之請及宗族里黨所願焉

壽李太母吳太淑人序

嘗聞天地間中和純粹之氣蘊蓄久而發越必奇發越奇而凝承必厚是以爲慈爲孝爲忠爲義皆中和純粹之氣所結而成而鍾於閫內者尤未易多觀非若西母瑤池之談長生久視之術浮誇怪誕爲吾儒所不道者也壬戌之春正月二十六日爲李太母吳太淑人設悅辰鄉之先達暨諸同人輩僉謀致一言以壽屬余文余不敏誼不容辭然又不敢以文祝懼失實也蓋太母于歸後婦道克修家政嚴肅上事舅姑下處兄弟妯娌或致敬致愛或盡禮盡哀家人婦

寒松堂全集

卷之八

夫

子稔知懿行有素自宜曲致其歡忻各罄其頌禱初非賓客祝嘏之事余烏得而稱即稱之猶閫德之常何足爲太母異余所異者惟太母之慈孝忠義且俾令子不負親不負君不負聖賢師友有以仰承太母之慈孝忠義耳八閩自定鼎以來海寇擾攘幾四十年太母巾幗丈夫也身處困阨之中動以大義激發雖崎嶇多難艱苦備嘗無幾微怨歎甲午乙未間海氛尤劇慘掠遍野太翁負經世才慷慨有大志聚衆抵敵賊莫敢犯爾時隣近鄉邑依托者甚夥太母日備饘粥以食來者至事平不倦太翁得以專力

禦賊一鄉賴爲長城皆太母內助力也迨甲寅之變
逆藩弄兵全省淪陷一時封疆大吏守節無虧者僅
二三人耳其文武將士苟且偷生且覲然爲功名富
貴之計者不可勝數太母素以忠孝教諸子長公晉
卿以編修歸省適家居奉太母慈訓矢擒逆渠以報
朝廷間道具蠟丸疏奏破賊方畧請大兵迅入
願躬率鄉勇一旅迎王師恢復省會安輯閭閻未
即行時太翁尚無恙與太母百計綢繆鎮靜一方而
家門之安危利害介在呼吸視之泰如也遲之又久
大兵度僊霞嶺全閩底定不意海孽復肆猖獗圍困
寒松堂全集序 卷之八 全
泉郡漳援截斷不得過晉卿鑿山開道斬木成橋具
牛酒迎勞大兵解泉圍賊敗遁去事既平晉卿奉
溫綸以學士特用聞卽報至伏膝下不忍離太母曰
君父恩深正宜圖報此行同爾北上爾安心供職
是吾所願雖異鄉風土霜雪飄搖弗避也晉卿喜甚
萬里間關奉慈輿抵都躬侍色餐每五漏趨朝辦事
畢歸寓所與次君孝廉左右相依已極天倫之樂
聖主方事兩宮因滇南捷至海內蕩平恭上徽
號錫類加恩太母榮膺天寵迴想逆氛煽亂流毒
家鄉抗節不屈親族莫保幸而得有今日乃北向稽

首祝萬壽無疆太母之心慰矣余謂晉卿所以慰
太母之心者正未有艾也晉卿學宗孔孟理貫程朱
平日不負親不負君不負聖賢師友之志徵諸踐
履久矣今堯舜在上典學日親宵旰圖治期於家
給人足戶登仁壽晉卿入而備顧問資啓沃以嘉
謨嘉猷仰佐聖德高深或出而秉節鉞詰兵戎任
察吏安民諸大事皆足國爾忘家顯親揚名使太母
之慈孝忠義流行天壤間盡化不慈不孝不忠不義
之人太母之心不更慰哉余聞李之先世有清溪公
者以布衣善葢鄉國數傳至太翁蘊蓄既久而太母
寒松堂全集序 卷之八 全
實成之既相夫子遂啓後昆始以義成晉卿之忠繼
以慈成晉卿之孝中和純粹之氣結於一門發越奇
而凝承厚壽之理醇乎備矣余不文敢以實爲太母
頌者有如此其鄉之先達暨諸同人聞余言僉曰是
可以爲太母壽矣遂書之以效升堂拜母之誼云

李湘北少司農五十壽序

歲在甲子歷轉上元是為先生攬揆之辰其屬司咸欲以一言壽先生固辭再以余言為請則諾余竊念素不文即文不足重先生其不以余言為鄙者以余知先生深而不欲以世俗格套為先生壽也余第言其理而已先生以理學詞臣歷清要為文章辭賦宗性無他好惟談學問育人材為樂及勲贊密勿克勤職業雖非外廷所知然以素心卜之其忠愛諒無不盡辛酉春先生由閣學破格拜少司農時偕諸卿貳庖駕東遊余亦在列初聞命人皆為先生賀先生

集松堂全集

卷之八

全

生惕然若不勝既而駐石門陟高山慷慨誓天歌詩以見志有曰誼關國事寧違眾事涉民生敢受官為語故人休夜至如今不比四知寬人讀之有疑其過激者云何至是先生曰人各有志不可強也先生之期許遠矣履任後潔已率屬肅然霜清事大小若無不以前詩券者夫司農為天子平邦賦養兆民十五國地利之肥瘠天時之水旱凶豐民間戶口之消長國計之盈虛中外千百萬兵精之緩急胥以待命而數年間軍興旁午度支日不暇給雖使劉管持籌未有不仰屋嘆者且計部為財賦所匯一不慎即

有伺其隙而借之以為緣往往明察秋毫猶慮不免勢使然也而先生裕如余聞先生之言曰吾朝夕冰兢前有典型在焉謬謂不才也因念余向承乏此席鯁鯁然思以自勵獨才識不逮迄無短長今觀先生從容綜理有革有興而冰操慄慄諸司敬憚職分外惕焉不敢犯乃愧余之瞠乎其後而諸司又復惟欣鼓舞焉余言為先生祝者意有在乎先生令嗣丹壑果以妙齡讀書中秘而學誠無似又幸出先生

集松堂全集

卷之八

全

之門附西清末選兩家世好淵源倍篤每見必以力學相勗又念余衰老問飲食起居狀殷殷不置口古道之厚如此余因是益知先生之為人以廉靜寡欲存心以光明正大蒞事以文章道義待天下士而且忠愛纏綿答君父而信僚友油然藹然發於至誠董江都所謂正其誼不謀其利明其道不計其功先生有焉以理論之皆壽徵也余嘗於廷議班中見先生議事不激不隨至虛至公卓然有古大臣風度自茲以真學問為真事業壽民壽國方來未艾此固理之確乎可信者矣余更有言者今聖天子軫

念民生蠲租賦恤災傷除用兵以來權宜諸款直省
地方莫不沾 恩被澤頌聲大作先生仰體 仁愛
培邦本佐太平當有益加推廣爲民請命者俾窮荒
遐陬雞犬桑麻千百年受 朝廷之賜是司農事可
無愧矣然而汲引人才亦大臣事也余既衰邁不克
有爲實望諸君子爲之敢因先生前詩所期許者再
爲先生進祝焉

岳鎮九掌科六十壽序

祝壽之文不易爲也亦不易讀讀者第取其確實近
理爲上曰此文之有規矩準繩者也今世之爲壽文
者吾惑焉敘家世則曰科目幾何代官爵幾何人或
稱當身之科目官爵權勢赫赫顯榮當世者又累千
百言不止凡皆於壽之理無當也余論及此未有不
嗤其迂者矣間有不嗤其迂者亦未嘗是余言而樂
道之余是以終不敢爲祝壽之文也掌垣鎮九岳先
生爲人落落寡合余心竊重之神相親迹甚疎也今
年嘉平月遇先生攬揆之辰其從學諸弟子擬進一
觴介眉壽屬余爲文以將之余兒亦叨及門列故不
敢辭竊謂人之品與人之壽百有不齊此心同此理
同也若以理斷之無論其家之積德累功與人之
履仁蹈義以及治國安民濟人利物無一不足爲壽
徵余聞先生家世儒素讀古力學做秀才以天下爲
已任正其人也登第後猶衣布素旣而釋褐謁選始
衣綿膺一命涖封邱真有琴鶴厓度余考其治績惟
有課農桑講孝弟視黃童白叟如父子家人而清操
飲水特舉卓異第一甘棠之愛至今藹藹口碑間嗣
蒙 內召簡擢禮垣余初識荆聆其謦欬如商彝周

鼎矩非近今人物繼見給事數載封章屢上上即焚
草卓然以古諫官自期度其有傷國體無濟民生者
寧讓而不言鄙迎合揣摩之風耻干謁奔競之習為
朝廷存大體為言路扶正氣退食有暇晤對聖賢
恬如也分校文武兩闈矢秉虛公用光掄才大典所
拔類多宿學英偉之士長安無不共羨先生時進諸
士訓以砥名礪行躬為模楷復加意培植於其最貧
者留之邸舍分清俸以食之若不知其為師弟然者
諸子飲水思源爭自濯磨各期不負所學以圖建立
皆先生之教也夫以先生心性如此其堅凝胸襟如
寒松堂全集序 卷之八 全

此其寧靜氣骨如此其孤峻飲食居處如此其淡泊
文章政事如此其中正而和平憐才愛士如此其真
切而篤厚以理斷之洵壽徵也如松栢然歷霜雪而
不變受雨露而自如亦何嘗矯然求異與琪華瑤草
爭長久之道也哉方今 聖天子欽福以錫臣民說
者謂明歲值上元甲子四海清晏萬姓咸登春臺正
人君子濟濟在列共修職業以佐雍熙之治是為
國運之昌以人事應之又理之確實可見者先生之
德業日進其福其壽當與 國運同新亦無俟區區
一言祝頌為也余雖老邁願與先生談關閩濂洛之

學焉

寒松堂全集序

卷之八

全

記

重修蔚州學廟碑記

人文之盛衰繫於學廟之興廢余觀蔚事而重有感也蔚爲三晉邊徼地方人文盛時若德行氣節經濟文章以及理學名儒載在郡志者代不乏人有育之成之率出於鄉校明末學宮傾圮乏科第者凡十八年舊州守陳公鵬舉拓修明倫堂課士較文科目始開其後官此土者僅朔望一瞻趨耳雖茂草盈階弗問也嗟乎爲天子命吏曾不聞操激勸者何政哉會有曹侯者以淇令擢知吾州事下車以來有百廢俱興之志甫謁廟庭曰士首四民學宮所以養士爲

寒松堂全集

卷之八

文

國家用此而可緩孰不可緩遂捐俸修葺無一煩民力閱數月而工訖自殿廡以至扃垣悉燦然可觀郡諸生魏宗周閻之秀等董是役感侯之德走書屬余記將勒石焉余亦德侯者曷敢以不文辭乎余惟天子右文前歲幸太學行釋菜禮畿省士子肄業國雍者咸與觀聽一時人文丕變紀清朝盛事曹侯仰體上意以愛吾蔚士所謂上作之斯下應之茲舉其作之者也諸士方明倫正經絃誦不輟寧惟是尋章摘句紆青拖紫以應之耶抑志尹學顏流

寒松堂全集

卷之八

文

鴻樹駿以應之也孔孟顏魯之書童而習之濂洛關閩之學長而聞之余不敢悉舉吾蔚先輩中典型尚在人皆吾師以德行應則有史先生東昌之孝無間言以氣節應則有龔先生諒之從容就義以經濟應則有郝先生杰之鞠躬盡瘁以文章應則有尹先生耕之著述自命以理學應則有鄒先生森之致知格物是皆產於蔚學於蔚至今尚凜凜乎有生氣者詩曰伐柯伐柯其則不遠諸士身近高山又何必仰止遍海內先名後實以幸我侯作之之美意乎年來科第多人後先輝映諸士入學宮承教澤霞起雲蒸奮然而興以待異日之用即與吾蔚先輩諸君子聯踪接武又何多讓且人視蔚爲窮邊絕徼者論地也非論人也人傑則地靈亦非風水家荒唐之說也合觀壬午以前甲申以後盛衰興廢之理皆實有徵驗在人耳目間即我侯藉手以報天子者尤勿作尋常文具觀矣諸士其善應我侯哉

重修蔚州東嶽廟碑記

東嶽之為祠也義合昉乎世之人弗察也其以神道祠之乎抑以人道祠之乎如以神道祠之神不享非禮禮之所制舉非人之所得而祠也不然者非僭則實如以人道祠之古者掃地而祭於禮盡然祖宗不血食孝子慈孫有聞而恫焉者而嶽不與焉嗚呼世之人何弗察也按禮冬至祭始祖程子曰此厥初生民之祖也冬至為一陽之始故象其類而祭之求之洪蒙胚胎之中凡因類致報者竊附於尊所自出之義而不為過泰山位峙東土天地生氣從此興焉蓋

寒松堂全集記

卷之八

年

自冬而春負氣成形於義為父母祠所由昉也讀大雅之詩曰維嶽降神生甫及申蔚地故屬邊塞豈無名世之產寄我聖朝之藩翰者即甫申偉業代不常有至間出而為忠為孝為狂為狷近鄒魯之門接

寒松堂全集記

卷之八

年

尤遠矣一呼吸而近焉世之人有虧體而辱親違心而害禮者祖父之罪人即天之罪人而天猶有享之者哉孔子曰獲罪於天無所禱也顧往往以負罪之身之心操楮幣紛然走祠下余不知岱宗有靈其果享之乎否也曩為里人進此說惜未有明其義者時父老某以廟貌傾圯募金重葺一旦作新是舉也為祠之義亦可以察矣因其問記遂書以勒石攷舊碣創建於明萬曆四十年重修至今始毀廡門楹俱罔增置故不悉載厥工興落則康熙元年壬寅歲云

蔚州曹侯去思碑記

郡大夫曹侯刺蔚三年擢粵西潯江府倅去去之日
蔚民賢者執爵愚者攀轅愛侯如慈母蓋侯治蔚有
循良風云既去十閱月父老忽以去思碑文請余起
而應之曰世之頌德政者多矣大抵任則頌不任則
不頌頌以任而脅也思者百無一焉嘗聞頌羊叔子
之文遠者悅觀贊狄梁公之碑不獲見者憾焉無他
情在其中也今者父老言之而今記之夫亦何所脅
而爲之者甚矣我侯之賢而民之思之者其情至也
衣不深練食不重豆我侯之儉以愛吾民也民思之

寒松堂全集

卷之八

年

不用勾攝不擾車牛不受飲酖投繯誑詞以長輕生
之習我侯之嚴以愛吾民也民思之革贖鍰絕請託
我侯之正以愛吾民也民思之修學宮以課士飭保
甲以緝盜賊我侯之勤以愛吾民也民思之禁私派
懲健訟聽訟不加嚴刑而兩造俱服我侯之明以愛
吾民也民思之夫民之情而無文其可也余者文也余
文曷能文文而不及情焉勿文可也聊採衆之所言
者書於石以志蔚民之情如此前之去此土者可以
知蔚民之情矣後之官此土者亦可以知蔚民之情
矣曹侯名士琦號韓伯遼東人由貢士順治十年任

十三年去位

寒松堂全集

卷之八

年

夢記告魏石生先生

余夢中得句曰天地何功在乾坤之後鬼神何事
事在性命之先應作何解以告石生石生曰此乃先
聖之微指造化之奧義未易以言語形容也然既蒙
下詢敢不臆測以對夫天地者乾坤之郭廓乾坤者
天地之實理其實一也天地以陰陽生生萬物功莫
大焉然天地自然而成化不有其功易曰乾始能以
美利利天下不言所利大矣哉故凡言功者已落乾
坤之後矣鬼神者性命之樞紐性命者鬼神之體用
也易曰天數五地數五五位相得而各有合此所以
成變化而行鬼神也既成變化豈能無事然其事雖
推行無窮而其理則無聲無臭豈非性命之先乎人
能於性命之內時常戒慎恐懼得其所謂性命之先
者是濂溪所謂太極而無極也則能與鬼神合其用
與天地合其體何事與功之不化乎鄙見如此希更
進而詳之此正月八日夢九日解也余讀至戒慎恐
懼數語意先賢所云觀未發時氣象工夫只一箇靜
字離却靜字便涉後天學問微危之界人禽之關於
茲判矣越十日為燕九節同諸友過白雲觀中余因
而乞夢夢長春告曰一念靜則惡息一念動則善生

覺時如冷水澆背猛然可省始知君子戒慎恐懼兼
乎動靜以為功也若兀坐一室塞耳閉目畢竟可靜
不可動耳高明以為何如

夢謁孔廟記

榘行年四十有二未嘗一至魯邦瞻仰先師廟貌順治戊戌歲之仲冬太原友人講孟子盡心知性章於立命有異解榘不敢聞曰此異端之說非孟子意也力辨之直至二鼓散去就寢是夜夢青衣儒絲高中者二人導入廟立殿門闕內令跪拜兼古今儀先師命賜飯一盂謝畢二人導謁四賢祠顏子曾子同龕並坐子思子降一龕獨坐孟子別龕側坐呼榘名語者再二人復導之出覺遂記之歸里如前夢置木主祀於授經堂朝夕對越規模宛然殆所謂羨牆案松堂全集記卷之八

寤寐者非耶嗚呼先師不夢見周公自歎其衰穉夢見先師暨諸賢幸而未衰究恐虛生浪死爲孔門罪人是夢在宮牆之中而醒在宮牆之外也榘之爲記得無夢寐乎

夢易記與王允升廣文

壬寅十一月二十六日夜夢與一長者講易余問曰六十四卦之外仍有卦否長者曰有餘曰從何起長者曰從寅字余曰取何象長者曰執象而忘象先父承來語之曰欲仁而仁至夫夢幻境耳古人常以驗學力況言理言事有裨身心者雖幻亦真必述而記之今夜講易一夢問答分明尤不可忘也長者之數語固非常談先君之一言實爲特訓足下易學精切首循齋中默會而詳解之勿訝說夢也王君步階解之曰夢之說不一有所謂真夢者如聖人周公之夢是也聖人生六百年後精神上注於六百年前始於夢寐間恍惚晤對是即心成象殆所謂夢寐通之耶晚謂尊夢亦然想夢中論易之人即生平持敬所學之人也佩服久而象因以生焉問六十四卦之外有卦否曰有夫卦誠不盡於六十四也引伸觸類之說已見於繫辭故焦氏之易四千九十六卦之繇辭所由來也問曰從何起曰從寅字起噫寅之時義大矣哉天地生生不已之心至寅而始動造化陰陽之氣至寅而始舒晝以寅爲始人以寅而興故康節先生元會運世之數開物於寅閉物於戌也寅於卦爲艮

繫辭云長東北之卦也萬物之所成終而所成始也
皇極內篇亦云東北萬物之所出也亦即太極圖所
謂繼靜而動之候也統觀之寅乃動之始也始悟朱
子所云稽實待虛存體應用或在寅之前也筮法九
六為老七八為少老極而變少守其常十有八變之
後奇偶動而變生九六與而卦立從寅字起者或此
之謂歟問曰取何象曰執象而忘象夫忘象之說未
易易也夫易假象以明理誠靜反乎理之原即象而
理固在不必象而理亦無不在也蓋着眼須在象先
也况形而下者有象形而上者並無象之可執乎土

寒松堂全集記

卷之八

朱

古聖人立象以盡意後之聖人得意而忘象故學易
君子居安樂玩以身心體之誠以非深於易者未足
以語此也後太老先生亟語之曰欲仁而仁至是點
醒語若謂欲論易而易之理已至欲傳易之人而傳
易之人已至如以道論道至忘象而道已至如以學
論學至忘象而學已至也夫論易而及道與學者何
也蓋寅者敬也從寅字起者或仍示以持敬為入門
之道與學舍持敬工夫曷以幾忘象之境乎未知孰
先生夙夜兢兢務以持敬為下手工夫思上即
曾孟之傳下明伊洛之學真積力久純一無間自有

夢寐之通恍忽晤對此即性地靈覺之神悟也思之
思之鬼神通之或此之謂歟宜與聖人周公之夢同
一精神之感召似未得以夢說而槩忽之也晚之管
見若然不知果有當否

寒松堂全集記

卷之八

朱

傳

鄒子傳

鄒子諱森字漸齋明嘉靖辛卯科舉人未仕而卒蔚州義民銘之孫也按義民素行著於鄉祠鄉賢嘗積書累萬卷每卷題曰賣者不仁買者不義且曰吾子孫或有能讀者後夢謁孔子命弟子某讀其書遂育鄒子鄒子生而清慧體不勝衣弱冠以仲尼徒自許諸子避席不敢近下帷數年積書凡再讀每究心陰陽象數鬼神禮樂之故獨與尹先生商訂之走一勝者往來傳誦數千言無舛謬尹撰兩鎮三關志以百

寒松堂全集

卷之八

十

卷計據陶唐迄今故實且備鄒子校讐足多焉會志成作敘尹屬稿詣鄒所鄒亦屬稿兩人各出袖中指率同相視而笑鄒子所著觀心約若干篇未及傳不起先是病初篤家人恐詢後事鄒子曰某卷好書某卷好書別無答者人謂書魔云鄒子與尹少年同鄉舉尹舉壬辰進士官至河間府知府或云終僉事謫戍卒鄒子負異才讀異書未竟厥施亦卒蔚人惜之觀心約垂百年湮沒不可攷詢故老無復識者余友武承之素以古學自勗雅志表章嘗就縉紳家力索不得偶從市上敝紙中見原稿鬻得之如獲拱璧甲

午秋策蹇入都屬余為傳又二年衛澹足水部梓而傳之尹先生諱耕字子莘來馭仲州守為之傳頗悉著有兩鎮三關志鄉約寒語朔野山人集諸卷皆行世矇者亦一時異人也

寒松堂全集

卷之八

十

屯牧道范公傳

范公名志懋字太乙河南虞城縣舉人明崇禎年間任蔚州屯牧道先起家劄陽令歷朔州陽和監司改蔚州公少服家學以忠孝存心母太君逝遺八行圖說為訓時有冰河之志率僚屬對百姓悉遵慈訓惟謹生平不衣帛不茹腥朴素如韋布蓋賦性清介尚儉約為仕宦倡非佞佛持齋者比屬下吏無敢餽一酒一蔬者關西四知惟公有焉每朔望詣鄉約所講八行勵蔚士民大意歸重孝弟口自申說提出良心聽者無論老幼多感泣風俗差變焉著弟經十八篇與松堂全集

卷之八

三

十讓一不讓說行世次年以疾卒於官無子棺斂不能給賻妾絕食亦縊死俱藁葬廣昌土人哀之為罷市

方伯馮秋水先生傳

公諱如京字修隱號秋水家本齊青州人先世諱盛者始徙雁門盛生時時生天祿封文林郎昌黎令文林生四子季諱愈歲進士是為公祖生三子長諱明期字闇若號熙宇萬歷庚子以第二人應解額生平篤學力行歿祠鄉賢世稱雁門先生是為公父母太夫人王年甫廿七即寡守志五十餘載詔表其宅為節孝後以公貴累封太夫人是稱太夫人實生公公九歲失怙性不好嬉一循太夫人教授以詩易輒成誦如宿習出就外傳博綜羣籍為文不屑為尺

卷之八

三

幅恒語甫弱冠以諸生高等餼於廩崇禎初詔郡國選士公褒然為三晉舉首然數奇善病屢躋秋闈乃益邃心理學若無復庸心進取者迨庚辰大舉海內經明行修之儒公聞之興曰初進士起隋代而循良盛於漢家豈盡由甲乙第乎乃走廷對多關切時政語除知灤州如培積得復流上驛不累民蝗不為災種種諸異政州人歌詠焉三載遷永平郡丞無何甲辰寇陷明都賊徒擾亂三輔公不得已避地山中仍數與北平豪擊殺賊之攻砦者益知寇虐必不久其胆識過人遠矣王師入關聞公名檄還郡署尋

權守永平是秋東迎 世祖皇帝駕道經盧龍令支
間多崎嶇不可行公乃跨梁水爲梁數十又民不知
勞乘輿甚安之 賚賜慰勞渥至閏明年丙戌擢按
察副使戊子晉大叅歷陝西榆林西寧浙江金衢諸
道江南右布政使 覃恩誥授通奉大夫追贈兩代
祖考皆如其官祖妣劉前妣崔皆爲夫人以廣東左
布政使致仕公在榆林則平黃色俊之亂西寧則平
猓賊丁米之亂金衢則平翁大洋結連閩寇之亂皆
躬履戰陳殲渠散脅而地方晏如其在江南也應詔
陳言條上崇理學謹兵權厚儲積謹邊兵四事疏入
寒松堂全集 傳 卷之八
報 聞其由粵東入 覲也疏地方利弊如別荒稅
以足徵輸禁雜派以供惟正嚴委署以肅官方移重
鎮以靖海氛諸類 世祖皇帝下其章令所司議行
蓋與前報 聞之 旨皆嘉之也先是公在粵東當
平靖二王駐師之地度支維繁非如在江南時僅司
鼓鑄得優閒嘯咏已也公殄量既能輯諧兩藩將士
時出其精敏之才釐鹽政覈荒稅不一年中至完積
逋八十餘萬督撫以卓異 聞行且遷秩公念太夫
人春秋高庾嶺顛難之險不能板輿迎養且入 覲
役竣冒暑南旋行至壽州病憊不能前矣乃力請於

聖得解組歸年甫五十有八耳歸侍太夫人備極
色養閏七年太夫人以八袞壽終公泣血三年至塋
哀毀幾殆猶扶掖徒步至窆所聞公善養生家言素
康彊及太夫人卒遂精神日減寢以成疾享年六十
八歲端坐而逝所著有道學鈔史疑歷代詩錄其行
世者則秋水集粵槎日記北征紀畧宮詞古今雁字
詩選聖賢正諦春秋大成若干卷子雲驥順治乙未
進士戶部主事雲驥康熙己卯科舉人餘具誌狀中
舊史氏曰公以雁代人杰蹶起仕籍由良二千石躋
方岳稱守藩重臣至今 畿輔五原湟中於越金陵
寒松堂全集 傳 卷之八
南海間有召公之思焉乃年甫逾艾即決志懸車歸
闢二知園日著述其中未嘗遠出里門及通刺長安
也冢嗣七載雍雅傳第勉以勤職業勿躁進而已聞者
稱之著述甚富而大成一編允爲海內春秋家津梁
正諦先儒謂周禮爲天理爛熟之書余於斯編亦云
跡其生平事母服官居家處鄉莫非天理所形也且
冢嗣雲驥以濂洛關閩之學奉庭訓與余互相砥礪
振家聲先生之所貽又如此嗚呼賢哉

鄆縣令宋公傳

公諱永譽字祿趾汗驕其別號也中前明崇禎壬午
科鄉貢父學韶萬曆壬午科舉人伯學道萬厯庚戌
科進士世爲廣平府永年人其事蹟載在家乘者不
復贅公家學淵源淹貫博洽性復豪爽不事生業闢
精舍於洺水聰明山下寓意詩酒雅有范希文先憂
後樂之志人未之知也 本朝定鼎乙酉歲入都謁
選授鳳翔府鄆縣令受命之日單車就任鄆俗素悍
且近終南稱盜藪頑難治公蒞任後日夜焦勞感以
誠人皆勸凡征輸斷獄課士諸務雖倥偬捨懷中井
寒松堂全集 卷之八
井有條本年分較秋閭得士六人極一時之選人望
歸焉時賀逆蓄異志久公憂之豫戒城守具躬率邑
之慕義有胆識者畫戰守策紳士謂邑無重兵度不
能禦公曰臣子之義誓與此土共存亡戰或不克守
則無虞也亡何賀逆令賊黨持牌誘降給以重祿公
立碎其牌禁錮賊役次夕賊遂薄城下攻五日夜公
多方禦之勢不支城陷賊執公不忍殺復溫言勸公
降公挺立罵不絕口索縣印不予賊怒手刃公督府
孟公喬芳稱其一死盡節忠烈可憫撫軍雷公興稱
其爲國盡忠死賢於生會議上其事請卹典得 旨

追贈陝西按察司僉事詹一子入監讀書

寒松堂全集

卷之八

三

趙介菴先生傳

公姓趙諱時腴新安休寧縣人號介菴八世祖為徵君子常公諱汾即世所稱東山先生也先祿文水公諱廷賢是為公祖儒林伯玉公諱完璧是為公父公性至孝善讀書少補邑諸生旋游國學公兄大鴻臚諱時用為都諫時家居顧宗伯瑞屏至自崑山見公於坐奇之其鄉之金太史正希亦嘗稱公善屬文因負笈從兩先生游公固端人而又日聞兩先生持論侃侃莫非忠孝大節砥行立名之說益敦倫門內為為已之學伯玉公客以真州公甫弱冠擢誦幾絕扶

寒松堂全集

卷之八

七

視江行至蕪關登陸號泣徒跣以歸卜葬從禮公體素豐偉至是羸瘠宗黨相見有不能識者讀禮既終瘡於進取每天下大比或勸之試必謝曰母老矣吾當以義命自安自是奉母家居者三十年既歿哀毀一如居父憂時公族姓繁行懼親盡則情疎為立宗祠置祭田歲時伏臘集其父兄弟以饗以譙尊卑秩秩四方觀者莫不油然而生孝悌之心也公嘗渡浙江樂武林湖山之勝遂家焉甲寅冬省墓歸而饒州寇起逼新安新安人恐各謀徙他郡縣公獨以邱壠所在無去志未幾寇果至里有惡少年引賊黨盜劫

寒松堂全集

卷之八

七

公家公走入松蘿山趨而躐自懸崖瞞着樹得不死質明為賊黨所獲公罵賊賊大驚且見公修髯廣頤衣冠甚偉儼若神人勿敢害由是播遷流離者久之寇退而返室廬一空公視之不以為憂獨登向所藏書處名萬青樓者見標帙無存而東山公所著春秋屬辭師說集傳左氏補注杜詩注諸書鏤版亦皆失去乃歎曰喪吾寶矣因諭諸子恢復故業當以重梓東山公著述為首務先是諸子宦游四方迎養則拒寄俸則却次子天羽官戶部遇覃恩封公奉直大夫如其官而公於處亂之後益留意身心性命之學

七曾孫十人並幼

唐子子曰子日與江左之賢士大夫游但聞介菴為君子及詢其生平後知介菴以純孝稱余敘次行重於處家庭之際致詳焉雖其排人之難救人之危莫可殫述然百行之原其最大者天道無親常與善

人故暮齒嬰鋒鏑之禍而卒免於難宜矣次子天羽服官農部聞訃京邸子往弔之日見苦塊悲號至情慘切向之鬚髮如漆者一朝而如絲子深為感動歸語同署諸君子曰天性過人不可強也昔睦夸喪父柳敏喪母皆鬚髮頓白至今稱之天羽亦然孰謂古今人不相及哉

動忍子傳

動忍子姓武名之烈字承之蔚州高士也賦性疎懶不事干謁見人富貴恃道義輒狂笑不已里中有孝友者如某某雖極貧且賤乃肅然敬憚之讀書尤好博古漢魏以上唐宋以下年月姓氏世系爵里悉成誦有友勸攻舉子業承之曰吾無宰官命科第非吾志也願以諸生老牖下又通數學與人卜多驗以故四方之人入蔚者知有動忍子云幼失恃稍長事其翁備色養翁老疾承之晝夜侍床榻衣不解帶者數月翁曰蒼頭可代汝動忍子曰蒼頭服役久倦於勤焉能代兒乎比翁棄世晨夕奉木主一羹一菜必整衣冠揖而獻既撤乃食垂三十年如一日作五噫歌追念庭訓孝思極篤行事取法古人跬步不肯苟而自檢復甚嚴嘗指天而問曰性命形骸皆主人翁子我者我敢效賈客之營利而忘本耶有辨才論古今事頗類滑稽聞人有過輒面諍語出人多啣之因作動忍子傳蓋自箴也時或携妻子居荒村不欲入城市人亦莫與交魏子每就而問之得所著詩文一集名曰動忍齋小言為行於世

奇窮子傳

奇窮子者環極魏生以號蔚之舊升也升姓易名柏
字象南家世載郡誌頗詳其父揮使公乏嗣禱於三
官祠夜夢神人抱兒子之遂育象南生而穎異美髭
髯貌磊磊有丈夫氣性喜豪華不謹細行官洗馬林
守備不克終歸焉卜宅數畝蒔花樹石費不貲嘗好
客典衣充酒資飲不醉不輟醉後或歌或詩動百言
多羽音然亦不欲傳人從旁竊聽得其擬古閨詞凡
若干首皆哀而不怨殊無一語及生事者會三冬煤
盡家人索之弁曰屋上椽非吾薪乎成毀吾事耳及
寒松堂全集傳 卷之八 重

聲有疑難商之可立決於里中之大賈巨家投一刺
以爲耻其生平行事異於鄉人者有如此嗟乎若象
南眼孔中視人之酒囊飯袋規規擁銅臭以爲莫子
過者不知作何等矣此魏生所謂奇窮者也爲作奇
窮子傳以示予友武承之承之素交象南云

寒松堂全集目錄 卷之九

書簡

上少保胡館師書

東孫退谷先生書

與孫退谷先生書

與孫退谷先生書

與孫退谷先生書

東刁蒙古先生書

答刁蒙古先生書

與刁蒙古先生書

答刁蒙古先生書

與刁蒙古先生書

答刁蒙古先生書

與刁蒙古先生書

答刁蒙古先生書

與刁蒙古先生書

再答刁蒙古先生書

東孫鍾元先生書

答孫鍾元先生書

與刁蒙古先生書

再答刁蒙古先生書

寒松堂全集 書簡 目錄 卷之九



答白東谷先生書

答白東谷先生書

與白東谷先生書

寄同年魏貞庵先生書

答同年魏貞庵先生書

答同年魏貞庵先生書

答裴晉卿先生書

寄張伯珩同年書

答馬玉筍年家書

答左翼宸先生書

答左翼宸先生書

與黃大音同年書

答王敬哉先生書

答高念東先生書

答徐子星觀察書

再答徐子星觀察書

與宮宗衮分憲書

答浦潛夫貢士書

寄于北溟太守書

答郝雪海侍御書

寒松堂全集 書簡 目錄 卷之九



答湯荆峴太史書

寄李毅可藩司書

答王君棟布衣書

寒松堂全集 卷之九

蔚州魏象樞環溪著

書簡

上少保胡館師書

四月初八日前內翰林國史院教習門生魏象樞頓首再拜謹奉書少保公館師胡先生門下曩者象樞以邊鄙黠儒濫竿館末幸荷先生教誨曲成粗通義理自改垣掖以來愚狂之性職業之疎知爲官牆之所擯而棄之也不則亦置之可輕可重之列也乃先生教誨之曲成之者視前有加焉說者謂先生道隆德厚寸長必取卽屬有正人君子之望象樞殊不自知其果有正人君子之望否也但求所以無愧於道德者庶幾無辱大賢之門幸矣惟先生教誨綸扉而後道德逾高度量逾宏未嘗獨靳象樞之教誨曲成也然而象樞若獨遠於教誨曲成者何也竊嘗從王署中讀先生課弟子目首曰翰林言志象樞有上溯羲與軒而及濂洛澤雅志恥雕蟲至人學有獲葵藿弗敢違圭璧永無斲黽跂道源願洗天根石等句此志一日終身矣遂覺韓昌黎數數上宰相書爲多事也頻年不復掃門止兩候先生足疾針灸而已

豈下之人負其能而必不肯諂其上歟夫亦志在則然耳每念先生愛惜象樞至意反若可重不可輕者歸首有詩矣歸養又有詩矣且把酒爲別諄諄以聖學屬之將謂象樞頗足語此而故勉之耶嘗聞聖人之學始於立志成於躬行所賴講論而發明之者非先儒語錄不爲功象樞妄輯元明儒言錄一書欲爲宋儒性理之續三百年之道統薪傳或可藉此少爲究心以待後之學者也前請者蜀中諸儒同一淵源如合州之鄒公智銅梁之來公知德以及大洲先生輩講學或有所得曾辱先生品題彙集郵寄山中之許象樞菽水餘暇手一編未輟先生爲聖學道統計何忍忘之山居借邸抄知得請有日 殿廷之上不聽曳履聲果於河汾間設一授經座耶喜甚象樞日侍晨昏無緣縮地惟有西望下拜側分先生教誨曲成之緒餘耳憶十有六年不敢一通閣下嗣後程門之外始有象樞之言在矣統祈垂察

東孫退谷先生書

樞自藤陰拜別以來奉母山居家庭無恙然一菽一水北向而祝 先帝之大恩未嘗不念諸君子之明訓也回想先生暨二三長者折柳賦詩剪燭夜話惓惓高誼方駕古人如樞鄙劣曷足當此藤陰篇什至今展誦萬遍晤對宛然且同人詩文統計百首教我愛我永矢勿諼惟先生期許深厚諄諄以道統屬之將謂樞頗足語此耶樞雖不敏敬聞命矣歸里以躬行化俗爲第一事圖舍一區建爲家祠蓋不忍子孫有優游之所而祖祠無蒸嘗之地也儀制酌乎家禮會典之間庚子已落成矣前賜佳聯告而懸之賢者一言光生龕架敢不俯首下拜至辛丑則纂家譜一書念先人隱德弗彰後人繼述無據大抵爲家範而作也非僅世系宗法云云者稿就求一正之年來料理日知嘉言錄成矣憶別時奉教者元明儒言錄也每儒一傳後各綴以語錄之精粹者今雖十得七八仍待先生玉成之茲先訂嘉言言不必盡儒儒不必盡古也卽碎錦片玉無不畢收求其切於日用飲食關於人心風教耳愚意由博返約由淺入深以爲循序而進之實地未審高明許之否凡例附乞筆削願

藉六序以傳希勿吝焉集近百人方正學其領袖也
姓氏另容悉錄竊思三年問視之餘手一卷不敢輟
而典型日遠寡陋滋多所謂深造自得者實未嘗有
焉乃拘片紙不入春明之例於先生身在林泉學在
性命者亦幾幾絕交矣其他可知也幸先生不我遐
棄如詩集如諫草如人物志如迂說惓惓蔚蘿誨人
不倦真師表也迂說藉入嘉言之內矣人物志足當
一部明史獨遺蔡汝濱發軔取之而先生遺之豈無
說乎敢請教儒言錄開佚數家另具一紙仰候指示
爲萬世道統計當不俟樞言之畢也至樞每歲紀言
一帙用以自考妄效溫公可對人言之意特敢爲知
已道耳

與孫退谷先生書

樞歸里三年未嘗敢一日廢學正爲先生開牖地耳
前荷手教復郵示大刻讀之皆躬行實踐確可持循
者藤陰一帙終身佩之矣再閱書目辨論在毫髮之
間擔當在絕續之際此千秋事也功不在朱子下樞
竊見湛甘泉先生列之別傳僅與慈湖輩等耳意者
謂甘泉之學以自然爲宗近禪耶夫自然之說顧涇
陽先生論之詳矣使甘泉而果禪也必不辨慈湖之
爲禪按楊子折衷一書字字鐵案羽翼聖道之功不
小且宦轍所至毀佛寺而崇儒祠言行相顧事業可
觀慈湖之列殆非所處者且陽明之學甘泉斥之甚
力同日而語位置亦覺未安謹奉湛子知言一冊答
陽明書一冊乞先生一再訂之目錄又有邵公二泉
者雖從高子集內得聞梗槩然未嘗讀其書知其入
也何公椒邱疑爲詩文之流亞於理學何居不敢不
請質於高明以自信其寡陋耳共發編乃曹真子先
生司理淮上時所著先生自是定評然過此以往則
直接文清未可量也惜他書不能購耳樞儒言之輯
因見聖學宗傳一集率皆良知派頭兼收博取恐悞
後人幸先生先覺自任明辨錄成樞亦無煩多事矣

高子遺書並洄詞統完上照存外有書目訛字希付梓人查正茲尚俟候領制軸便中附候若待三五日望明訓垂示爲感

與孫退谷先生書

七月手教到蔚知先生精神健爽誦讀無異中年此固十年絕慾之驗而實天祐著述之身也吾道幸矣喜慰如何獨聞令孫媳之喪致先生中心不樂乃堅持古禮砥柱中流平生學問正於此等事見之捧讀新著學約一書刪繁就簡訂補中正但開卷從無極而大極說起畢竟非引掖後學之便幸大序及自識一段闡發明白後之學者庶可不疑極雖極庸碌於此道幾二十年終無解悟竊嘗看周子太極圖說是從本體處立言然弊緊工夫在夫子之道忠恕堯舜之道孝弟終身行之不盡也愚意頗合教指益加體認之功俟有一得另跋報命三卷致知尤爲切要但致知格物諸說紛紜都在大學外著解極嘗謂釋大學而不看曾子諸傳是騎驢覓驢之說也舍曾子諸傳而泛引他義是牀上安牀之說也從來止見王心齋馮少墟兩先生解說爲是其他皆似是而非者也拙集呈正仰祈刑削如有可存請賜數語教之是月廿後尚俟領學約及學校水利二集並王心齋集統惟勿吝極生日小像自讚一篇聊取知非之意先生當有以進我也十月朔始聞中堂范公之訃是日設

位而哭蓋慟休休有容 國之元老桃李私恩又其
小者另當撰文祭之古者弟子爲師心喪三年其詳
不見於經傳後人無所適從仍望指牖前所示答刁
蒙吉先生大意真良友藥石也自當佩服近讀其古
本大學辯格致補傳各一冊卓識苦心恐陽明見之
亦嘆服不置耳附聞

與孫退谷先生書

劉與甫過蔚得接手札知道履如昔力學有加此吾
道一大幸也前者太極圖說承聞名論自當佩服但
樞函知勉行中人以下者也素不能讀濂溪書竊謂
此圖未出以前聖賢忠孝代不乏人四子五經何道
不備看此圖者謂之溯流窮源可也於躬行實踐無
與焉雖先生指牖詳明其如樞不可語上何至於象
山著作從未入目必有所以致疑於無極者樞不敢
疑無極之非第不如四子五經坐言起行爲下學之
實地耳此曩之所以疑思問也詩禮要語真是孔庭
寒松堂全集 卷之九 九
家法切於人倫日用之學弁言定須名筆乃足傳後
樞未敢率妄爲之近日刁邴州問序勉應一跋不願
付梓蓋自知其短也頃爲蔚庠講書一章及答蒙吉
性非所先一解並跋稿統附筆削白東谷先生之學
甚正誠如所聞者劄記要語俟有便卽致之儒言錄
閣筆三月因修建家塾大子出就外傳也又築小亭
爲老母看花所願湯藥有靈慈闈健飯勉輯前書
以畢初志或三二冊陸續呈教或待全書成統上惟
希明示附有請者高景逸先生擬在大儒之列讀其
遺書一則曰心無一事之謂敬再則曰敬者絕無之

盡也是明與孔子執事敬相左矣敬字乃聖學之心法反爲禪宗之羽翼不更甚於子瞻打破敬字乎尹和靖云其心收斂不容一物蓋不容一私也豈曰不容一事乎卽如祀祠墓則祠墓其事也奉菽水則菽水其事也若竝其事而無之敬將焉附其於主一無適之義又何居乎白沙靜中養出端倪倪世儒且指爲禪而景逸先生學詣純粹方且垂訓後人何出此言也先生明教之昨刁祁州書來大抵爲王文中歐陽文忠司馬文正三公商也原稿幸垂察焉都下諸公樞以家居不敢通刺昨李來老枉札存問感激在心

東林堂全集

書簡

卷之九

十一

如蚤晚侍左右特煩一致意秋颺薦爽青藤無恙佇

望好音用慰仰止

東刁蒙吉先生書

樞生也晚待罪都門十有四年慕孫鍾元先生之學久矣而於先生則未嘗悉聞也近年因退谷先生居林下始就而商之得知祁陽有先生在焉每一過退谷未嘗不仰泰山北斗也時坐仕進不敢通名左右頃者山居侍母去退谷漸遠書來謂一時可以性命之指相印正者惟先生一人耳計自蔚至祁以道里言之先生之廬較近於蘇門樞執鞭以從所忻慕焉第因老母春秋七十有四晨昏菽水實難遠離一段真誠託之箋素古人神交私淑得無近似耶况樞地處邊塞寡陋無聞欲從冊子上探討亦無所得妄輯嘉言錄一書以求入門又輯儒言錄一書以求登堂先生爲萬世道統計所學之自得著爲書者定不少矣先乞惠教啓小子之昧而開後人之傳或亦先生之心乎幸勿吝若樞輯者言也凡以爲行耳然行之不逮更望嗣此進而教之茲敢以退谷先生之言爲紹介又託年家韓公爲先容兼附近刻二種爲文贅外凡例一冊以明所事之有在也統希涵照

東林堂全集

書簡

卷之九

十一

答刁蒙古先生書

佳者久不得見意者向往之誠猶未至耶抑易水秘之枕中也長至月抄走尺一問原概不謂韓公先已出境矣拙東錄稿附聞頃讀乞言引及滄州先生序孝子之情藹然如話自揣平日騫於詩文邇來都廢勉以繆詞頌賢母是樞之妾也敬擬小贊爲壽於城致之日南望下拜者再倘先生俯嘉此意勿與珠玉竝列感當何如承問嘉言錄竝無副稿丹陽之梓因舍親抵任註誤不便相煩待取回原書另當呈正儒言一書乃樞蚤辨程途以爲依歸地者若云表一代寒松堂全集書簡卷之九

一事從俗爲恥凡此皆樞之病也四十以來始知向學矣從諸儒閱歷之言探討孔孟真消息而又疑高談性命不務真實踐履者幾幾乎徒騰口說也甚而明立宗門暗襲禪白誤一身以誤天下後世不淺儒言之輯蓋亦不得已焉耳究竟亦屬多事也至樞山居奉母日用之間菽水而外無一可爲先生道者然而爲善於鄉未嘗少懈優游歲月萬不敢出竊思涼德如樞里社之望也習禮義正風俗亦士大夫之責也其可述而志者大抵在此此歸里三年之有事俾父母之邦聞而感焉者也第恐名根尚存立言不謹寒松堂全集書簡卷之九

之人正千秋之學曾奉教於退谷先生而謬任之先生業有斯文正統垂訓將來該括定無遺矣又何多事哉姓氏目錄奉高明教之位置不宜竝勞改正樞以愚昧辱大賢不棄下詢生平功課俾樞汗愧無地此時而諱病忌醫不忍也更不敢也念樞幼爲辭章科舉之業長居詩賦利祿之場幾如無柁之舟隨風飄泊幸而不致顛覆者惟確見盡倫爲道寡欲爲入道工夫耳乃氣質未變黑白太明兼以好古多言諸凡一言一行一交遊一取予時時有敗名之懼處處見他人之非且識見多偏往往矯當世之所爲而以

或舍已而耘人者有之驗之古人之書清夜之夢未盡合符正若無下手處今行年四十有七受病已非一日敬依明問縷縷詳陳先生大道爲公可因其病而藥之樞雖不敏願請事焉格物學顏二說近日偶得竝呈指示滄州序看過完上近刻捌種無復風雲月露矣敢附覽斯文正統渴欲奉教倘韓公不卽復任又遲歲時何以自慰煩重印一部惠我其藉手抄錄者深慮勞神或不得不久待耳

與刁蒙吉先生書

辰冬藉復函丈再閱葛裘未獲奉教原擬去歲端候
起居寸誠不果仰企逾深區區之私積至今矣素知
先生潛室闇修立身行道承歡太夫人膝下有暇則
著書立言啓發後學洵吾道之師表也前者不揣愚
昧妄冀裁成累千百言賜答不倦深愧未能領略抑
且謬有辨端迄今思之膠固葛藤每多過失蓋樞初
學之人也就其資之所近爲其事之可爲大抵在困
勉之間耳先生學識超絕深心大力與初學心麤力
薄之人迴隔天淵故一二未合不獲引樞而進於上
集 卷之九

之樞向以移風易俗爲志匪一日矣前歲因州守鄭
侯嘉意人文以舉子業月課諸生樞亦與焉年來專
工時藝儒言尚未成編舍已而芸人所不免也無以
報先生柰何樞家庭無恙托庇良多湯藥晨昏不能
無事惟樞行年五十讀書甚懶著述維艱上有老親
下有幼子皆於一身繫之樞之爲身計者如此此後
言期日少行期日力先生之教終身以之矣昨年退
谷先生札云聞樞至祁州就先生講學不知相聚幾
日所譚何經何子云云此誤傳也樞有母在堂歸養
八年蔚城百里之外未嘗一至徒切高賢之望耳敢
以附聞蔚有烈女大開風化乞先生立傳一表章之
諒必不靳也何如

寒松堂全集

書簡

卷之九

五

答刁蒙吉先生書

歲前仲夏小价捧到華函讀之起敬知先生之學由博而反約居然典型也卽如求放心一段從心至於耳目言動皆然云自大學或問小註中看出樞未見而先生得之樞言頗不謬矣先生之閑邪存誠與樞之改過遷善不分內外而自合符節蓋邪與過或可強分誠與善可分內外乎哉其靜坐之說未嘗聞自尼山不必深論卽云程子靜坐如泥塑人不過門人塑先生非先生自塑也先生第居處恭耳人有浮動之氣病弱之質靜坐却煩可也與聖賢學問何涉高寒松堂全集 書簡 卷之九 十

忠憲心無一事之謂敬更不敢從若先生以人欲解之又似不主一矣人欲可主一耶樞前云讀書甚懶若書維艱因讀書著述之勞節省心力奉高堂課幼子也先生謂此卽與忠憲所云心無一事合豈讀書著述盡人欲耶又當別論矣讀大學古本辨辭嚴義正千古不磨至於格致補傳而總名曰翼註集先生苦心備至夫復何言所言者一得之愚耳樞於大學實有確見竊謂以曾子解經者明傳所以明經也以諸傳解經者離傳所以離經也如史例然經爲綱傳爲目註爲論斷則全經矣不然曾氏子親承聖教獨

得一貫真傳而顧不能發諸儒之所發樞尤不敢信若致知格物一傳居十傳之中不前不後何以獨失且八條內用先字者俱存此句用在字者何以獨失真有不可解者幸朱子補傳分明明毫無疑義後人猶支離妄誕若其無之不知講成甚話矣補傳者其有憂患乎註補傳者其有憂患乎第先生註焉樞亦註焉註之心與先生同而註之言與先生異不同而異則爲怪異不異而同則爲雷同參同酌異惟先生是賴焉謹錄大學管窺敬呈裁定歸於至當二集合而爲一分而爲二亦可何同何異哉示來辨道錄寒松堂全集 書簡 卷之九 十

整庵一冊格言固多第未識所辨佛氏諸語從何得來彼時禪學盛行豈大儒亦旁及耶抑因開禪而始究心耶設有辨之者曰整庵且讀榜嚴經矣其何以解竝望先生決其疑閱彙旌先生序及答友人書三段一一領教南省既有虛心向學之人何無一切近就裏之語或亦講學門面使然乎此樞揣摩之言未可薄待天下士也率筆直復語無倫次惟先生鑒原

答刁蒙吉先生書

使者到蔚在望前一日是日從枕上憶先生久不惠教晨興欲覓便人寄訊忽小价報專函至矣古人神交良不誣也亟詢道履知杜門清勝刻集序目竝諸稿俱奉教訖斯文正統既有成書或搜羅增補抑另有續集耶而候台諭昨謬論康齋擬之蔡邕相如蓋謂不幸而爲權倖所薦耳惜也非責也古今人之類此者豈少哉文中身當隋唐之際表章洙泗厥功不小誠然廬陵本論朋黨論諸作既有開邪崇正之功又有扶陽抑陰之志惓惓爲世道人心計夫二子者

寒松堂全集

書簡

卷之九

七

若以一節之責責之則後之學人不足齒於聖門者多矣至於性非所先一語先生責之也甚力而樞解之也甚平是非可否竝惟詳示宋儒於性理之中見文章而廬陵於文章之中見性理歐陽而外更有幾人先生謂其粗知義理未離詞章非樞之所敢知也司馬文正公是有宋一大人物而道統遺之樞意斷不及此且樞庸齋祀文正者謂何寧不爲退谷先生一助高深耶湛甘泉隨處體認天理所學不差因先生未見全集或難評定謹以儒言錄一冊奉覽其甲乙去取可槩見也整庵因知記率皆辨佛詞繁而不

簡當如何纂輯未得要領譬如治癲狂病者只與講

正經話頭其病自愈若隨其狂語而節節辨之上天下地彼將無所不說矣先生正在披閱示樞以的幸甚樞與先生共肩斯道會晤難期筆舌難盡况樞之筆舌甚鈍問不詳而答不備且平日於序跋碑記壽賀誌銘等文從未涉筆前謂大集序非退谷先生不可業以情告久矣再承專委不敢固辭勉構一跋綴之劄記之末尚乞筆削勿使見笑大方則先生盛德事也立雪集不吝裁答直抒胸臆謹受教矣內有二條在疑信間者仍希開牖集名易以問途遵台命

寒松堂全集

書簡

卷之九

七

也劄記莊誦數過字字會心聖學得傳千秋大事樞誠慮一言未確有負虛懷竭其一念之誠罄其一得之見寧爲先生割愛不敢爲先生闕疑但造詣原分淺深立言各有本末樞之妄刪者先生不妨復存之總期歸於至當而止是又樞之所爲切禱者也續有所請附於問途集後竝近稿一冊皆觸類而及之者先生點竄擲回以志手教呂涇野先生內篇六冊藉手呈閱幸加丹鉛大集領畧名言不敢草率盛評淹留半月臨筆乞恕不一

與刁蒙吉先生書

朔日拜覆明教計達左右矣先生至誠愛人惓惓無已示以成書屬以底稿或問而後答或答而復問盡脫講學之習套實究日用之庸行實獲我心烏得不感若拙手素未作序但語不文無足表章著述之萬一倘拾而梓之瓦缶在前何以法今而傳後即附在劄記之末猶可藏拙然而樞之抱愧者已多矣劄記一編皆先生躬行心得而出之樞以蠡測海妄度高深至今思之種種無當雖仰體虛懷誠不自量耳在先生之意以修己者訓人惟恐其不詳樞竊謂善學

寒松堂全集

書簡
卷之九

十

者得其一二語可用之不盡而不善學者必有數字之彈駁恐失立言之本意也徵諸往事大可鑒矣樞願此書一出俾孔孟如綫之脉不至中斷關於世道人心不小君子慎言慎此而已故一偏之見不敢自欺高明亦毋因愚說而自阻樞乃可以無憾也更有疑焉蓋因持敬是學者第一義主一無適是敬字第一解而梁溪反之曰心無一事之謂敬樞竊疑其似禪也尹和靖云其心收斂不容一物夫主一而不容一物可也主一而無一事可乎梁溪立身行道卓然大儒識力在白沙之上白沙靜中養出端倪自無

而有也世且訛之曰禪梁溪心無一事之謂敬自有而無也此言視白沙又何如也一疑也樞謂求放心而歸於仁義者蓋剝後之復也危中之微也狂時之聖也故程註云下學而上達也夫下學人事便是上達天理天理非仁義乎樞聞人之言曰釋之徒有入定老之徒有調息此時似求放心矣於人事天理有何干涉亦可謂學問之道乎吾儒舍人事而求放心謂知放心心便在然不過攝念云爾何學何問何道不幾與釋老之徒等乎又一疑也道學家有事事不假安排之說樞前問及此先生解之曰無容心耳且

寒松堂全集

書簡
卷之九

十

曰不思得不勉中豈有待於安排哉夫聖如孔子固不思不勉矣自及門以至邦君大夫隱逸輩必矯其偏而針砭之所以施教也樞每思孔子一片苦心如父兄之愛子弟時時刻刻貼到心上來安得謂之無容心卽如先生著斯文正統一書爲吾道計至深遠矣其於人品學術去取前後之間曾一容心否乎世間學問修持無容心焉而可乎又一疑也樞至愚極陋聞見無多第舉目前切近者商量如此再以聖賢之言質之如三愆三戒三畏九思以及四勿三省三反五教之類推之視觀察之知人直諒多聞之取友

謫慙直諷之度主豈盡無容心而能之乎樞之疑也
滋甚矣惟先生明以牖我是非可否以人事斷之斯
於心身有裨耳先生大畧賜答以慰懸望閏夏望前
三日

答刁蒙吉先生書

讀斯文正統知爲古今來大文章然微有收之未盡
者再續一二卷則天壤同壽矣儒宗止收粹語亦若
不能盡搜益服先生之用心也陳克庵吳康齋蔡虛
齋劉念臺諸先生語錄俱未入目卽康齋薦出石亭
幸而不幸蔡邕之與董卓相如之與狗監大抵然也
康齋其柰何哉若以學論之名儒之列誰曰不宜亦
可以不必辯不必苛矣何邵兩先生樞正因聞見之
未及故詳之非奪之也如確有徵驗似宜與王文中
並分羽翼一席者不知退谷先生明辨錄已梓否也
寒松堂全集 書簡 卷之九 三
湛甘泉先生樞讀其全集矣隨處體認天理此求仁
主敬之實學也且事業表表確不可易明歲脫稿統
上先生訂之樞每讀先生名言奉爲藥石祗以不獲
躬侍函丈爲憾前者瓜李之間蓋因自愛而愛先生
竝愛栢鄉也先是致有一函敢呈原稿正之庸言辱
過許中心藏之矣退谷所云刻書宜慎良是樞亦因
明辨錄諸儒傳中多避忌字句曾切致之或照前人
所刻書用口之意可耳煩先生再致聲焉拜受大集
領畧過半甫抄錄而台使至矣不敢再留遵命完上
大都先生之學孔孟爲規程朱爲矩忠憲爲繩墨醇

乎其醇吾無間然欲效他山之石不得不有一二
字之商苟無可商先生畧之可也集中見先生羨梁
溪之直抒胸臆而美端文之光大高明茲以後進之
狂言指而誨之則梁溪亦或待樞矣惟賜批答爲望
用六潛室諸集仍望先生廣其傳俾大道昭於日星
其功不在朱子下樞薄助刻費十兩願以書十部見
酬何如若序文非退谷先生不可先生其慎求之承
教爲熊侯稱觴詩越在隣封分不敢與但熊侯果能
知先生樞卽爲熊侯下拜矣又曷敢吝一言敬如命
呂涇野先生四書因問六冊奉先生尊覽凡入選者
寒松堂全集 書簡 卷之九 寄

筆記之當爲樞儒宗一指南也憑使一候興居便中
致意滄州先生不盡

答刁蒙吉先生書

不相聞問又經一年時時念先生起居著述每切裁
候妄希教言祇因樞救水未盡致老母自二月抱病
至今臥床八閱月矣初則腰痛繼而胃痛遍體浮腫
腹脹如鼓日呷水塊十數碗以代飲食說者謂年高
宜補愈補愈劇不得已而攻以瀉之二十日內利下
百次則飲食大進腫脹漸消矣此樞所以喜懼交集
諸事俱廢也目今雖未霍然可以無恙纔修一言擬
十月初六七日端候左右路引已便不意遽使先至
矣偶然之舉何相值之奇耶再拜開函如聞提命方
寒松堂全集 書簡 卷之九 寄

喜慰間知貴體亦有違和又以鼠牙雀角重擾潛室
昔人所謂道高毀來德修謗至茲於先生益信矣幸
而當事素知品行心竊重之亦安能爲盛德之累哉
然橫逆雖由外加工夫惟在自反以先生學力之堅
定無庸贅言者若樞近時攻苦專讀醫書以補人子
知醫不精之憾課士範俗俱不暇及卽小兒功課未
嘗過而問焉精神如醉髭鬚添霜不復夢見退谷先
生矣所問昔日神交數語錄稿請正所謂夜夢驗工
夫固學者事難乎免於康齋之誚也何如何如東林
之學絕響久矣後有作者先生豈過謂乎幸善誘焉

樞也鄙陋之人數勞開牖不敢信其力行與否然而鸚鵡能言則有深戒也願與先生共爲之寄來烈女一序天地間真文章真烈女足稱雙絕樞何人斯亦附不朽涇野先生文集收入老母初度槩謝親知病榻非慶祝時也過辱高誼當於古人中求之獨愧不克祇承耳謹此致謝附具不腆爲太母獻康寧之喜與物俱將矣

答刁蒙吉先生書

先生不棄庸闇重惠斯文正統一書纔閱目次知天下文章莫大乎是洵六經四子之宗子功臣也敢不服膺大稿六冊敬存案頭容卒業另報儒言錄與斯文五經翼原不可以一例觀蓋儒言以語錄爲主取其詞簡而義該或爲二書之階梯未可知也陳克庵語錄缺而姓氏亦畧王龍溪姓氏具而語錄無多自先生論之始定矣俟脫稿呈教名儒以下止存姓氏備攷非宗也高邑固不倫卽康齊薦出權倖亦心少之劉念臺先生語錄與本傳俱無徵每欲置一席而

無由也明辨錄不無末議何椒邱邵二泉拒淺學從未聞見然何以詩文傳邵以高子許耳羽翼當必有說耶更疑者湛甘泉之折衷慈湖也曰禪宗曰真禪學曰何曾望見二程脚板曰不知學之頭腦曰賊夫人之甚其闢慈湖不謂不嚴顧與慈湖列別傳且宦轍所至毀佛寺爲儒祠學問何等光明而別之耶凡此皆樞之請於退谷先生者惟先生正之頃者明訓諄切終身可行對症之藥不難起死回生人自諱病耳古人云醫不三世不服其藥先生之修辭立誠似當爲第一劑也別論栢鄉世好諒必慕先生之學而

重先生之人斯文爲贅去縞紵遠矣但新簡銓衡不嫌瓜李乎呂涇野先生文集二十冊附覽竝乞隨單點正爲願仍有內篇竝四書因問恐來人不能多携也整庵先生集假自代州完壁久矣昨庸言忽有數則災木四十以前率多孟浪不意有當於先生果何所取而云然也馮使附復兼候道履

答刁蒙吉先生書

捧教深慰懷念但兩勞遠使誼所未安感當何如耶讀斯文正統一書大抵皆先生所云平生景仰佩服之人也而樞自審傾向之不同識見之有異淺深大小虛實之各殊無足佐高明萬一者滋愧矣康齋原不敢與繫邕相如同例前牘甚悉但何因而僅受石亨之知是其不幸者也况特聘於朝未展所蘊止一泛泛條陳而去真可惜耳先生安貧樂道四字千古定評矣文中文正文忠三說已達退谷各有確見先生之言宜竝存也惟文忠性非所先一語前人駁之先生又駁之以孟子道性善之功加以反孟子之罪則過矣夫所云聖人教人蓋指孔子而言也請看二論如學而時習復性也而不言性入孝出弟率性也而不言性巧言令色失性也而不言性從頭至尾止性相近也一語何嘗語語先標性字乎大賢以下開口便著夫亦聖賢之分量與聖賢之時勢俱未可同日而語也至謂周易歐公茫然不解樞雖欲強解之而亦茫然矣此皆樞之學問識見大段可知者也湛甘泉一集得荷指南羅整庵一集尚未卒業統客另正至於問途諸款樞一問再問辱先生一答再答知

無不言可以止矣乃深慮言多而行不逮大抵在淺深之間耳樞專心致志在一淺字如魚飲水冷暖自知起居動靜實不敢自畧也遷善改過實不敢自信也而先生欲進之以至深之義向癡人說夢豈有合乎拙序遵命創爲蓋心折劄記勉附驥尾是所願也用六集業有名序幸勿附入以全初心聞退谷先生其難其慎之意與樞頗同而退谷嫌近名樞嫌取忌耳前大集稿中不避愚狂過於割愛正此意也拙稿雕蟲之技亦煩目及猶家人說家常不計瑣瑣矣謹受教朱子與南軒東萊商訂四書何等功用今人各寒松堂全集 卷之九 三

再答刁蒙吉先生書

前書已勞記室再則瀆矣然既奉手裁曷敢不報讀先生答言有云道理甚大亦甚活只此二語可省多少辯論也無已仍於語言文字間再商之一則文藝之說也夫文藝有視爲照心鏡者有視爲敲門瓦者其人不一矣先生之文藝固不敢作應世觀樞於此亦非率然者平日每構一藝必曰行不去莫說出及藝成而行不逮又撫心自問曰旣不行誰說來噫策勵至此究竟託之空言者不知其凡幾也先生顧謂所行無憾於所言於樞何有哉一則梁溪心無一事與松堂全集 卷之九 三

和靖之自驗各有不同矣一則求放心之說也求放心固指不得某事其地却離不得某事某地若心上求心心仍未放也故樞謂之握念也前樞類擇諸說取其切於事情者比類言之耳况先生所引率皆主敬之功心未放而持之與心既放而收之者必有辨也茲於問答中縷縷千言示以心學抹殺人事豈學爲心學而問亦心問乎一則無安排無容心之說也先生解此非不甚明樞聞羣言淆亂折衷聖人如陽貨之往拜孺悲之辭疾冉求之鳴鼓原壤之叩脛謂之無安排無容心可謂之有安排有容心亦可正所

也來使淹滯六日樞適爲敝州閱月課卷蓋鄭侯因薪士初改策論未諸體裁月合通庠而課之樞與諸孝廉共事丹鉛一如闡例事竣裁復竝附即事小詠
統乞垂覽

東孫鍾元先生書

某碌碌迂腐士也竊不自揣私淑先生者廿年矣然私淑先生見而知先生者也讀乙丙紀事知先生之氣節焉讀薦舉諸疏知先生之品行焉讀歲寒居答問知先生之學問焉晤馬玉筍水部又知先生之家庭父子安貧樂道焉然既不獲一望顏色一接聲歎終未嘗一訊起居者私心竊冀異日當有立雪程門時也孰意十年仕宦未出畿南半步十年家居又未離慈闈一日邊城荒僻士大夫可通往來者更無一人坐是翹首夏峰可望而不可即真不啻泰山北斗案松堂全集 書簡 卷之九 五

也近者友人王夢航因某與書有企望先生獨不得一至門牆之語遂轉乞名篇爲先母壽仁人之言足以表慈德垂家乘豈特菽水爲光也哉仰止之懷無可以報聊步來韵情見乎詞但詩中見某之情而不能見某生平之本末某蓋二十習制義三十習詩賦四十習儒書今行年五十有二而制義不敢作章句訓詁觀矣詩賦不敢作風雲月露觀矣儒書不敢作語言文字觀矣諸凡言之而行不逮者輒自舉自証如兩造對詞曰爾既不行誰教爾言此某一個勉字畧陳於大賢之前者也先生一覽及此如某侍函丈

而道生乎矣且某之所以敬服先生者非言也行也先生之言垂五十年有一非實踐者乎每怪學者落口落筆便能言聖人之道連篇累牘溯流窮源亦云盡矣只行不及耳某則言且不及安問行哉年來更不自揣有日知嘉言錄一書成而未梓儒言錄一書輯而未成皆深覽夫儒而雜禪空言而無實用者之非聖賢著以自警者也俱無副本先以序目凡例仰呈覽定外講章七章大學管窺一冊是某千里執贄於先生卽如同堂問業於先生也幸有道正之塞垣孤陋如某者氣質在愚魯之間工夫在困勉之際淺案松堂全集 書簡 卷之九 五

深得失在日月至之候倘蒙痛下針砭亟加鞭策或可不負先生之雅意雖途長不能頻請教益然而修詞立誠尚口是戒若故揀題目多設辯端以蹈講學習選則是自欺以欺先生某不敢也謹此奉書恭謝更願先生爲道自愛悠久無疆爲祝臨城南望敘述煩瑣統惟尊照

答孫鍾元先生書

樞二十年嚮往之志期在今秋明春一叩夏峰前與高足馬構斯言之悉矣不意今年六月叨蒙上召兩奉溫綸告病之疏未允遂不敢不勉扶入都於閏七月初七日陛見矣再叨聖恩又置言路樞惟以不克稱職忤忤然懼頃辱先生教札敢不中心佩之第期望過深亦何能自信以信知已哉所守者板實二字雖五十六歲之身可勉而每年三百兩之資斧難繼耳此皆板實中不得不慮及者先生高風亮節修已及人萬物一體之懷必有所以教樞者成

寒松堂全集

書簡

卷之九

美

一

子我存荷先生不吝提命後生可畏乎聞崔新安近日亦入都矣行將躬親有道互相切磋仍望先生時加策勵牖之於道也喜當何如安邑使正月一日至蔚樞已勉遵台命作序付去矣小兒隨入長安延師教訓謹謝注懷外和韻二詩寄奉郵政兼候道履不

答白東谷先生書

山中借邸抄知先生請告歸里殿廷之下不聞曳履聲久矣以大君子在朝朝重在野野重豈偶然哉所慰者貴邑禮讓之地也先生倡教於鄉挽華縉之流風明踐履之實學匪異人任其北面而依依程門者履殆滿矣某某可令樞盡知之耶憶都門朝夕辱提命意中謂樞頗足語此乃抵里以後方知門內之事未能盡萬一不敢不為先生實告也去歲粗建家祠先人始有燕嘗地及攷孔廟迄庶席計百有二十餘主僅存二焉可亟亟先人之安祏而此獨緩乎然已約舍親好義者並舉之矣寒家荒譜散佚有日擬今年訂輯兼彙古人之懿行與先人之遺訓著為家範不識文公魯公溫公而外更有何書可採者惟先生教之三冬編緝或明春竣事也儒言錄一書亦次第就理內分大儒通儒名儒三類各列本傳而語錄即於各傳後附之未知當否雖借此編摩免曠歲月更希高明指示以玉于成此書續在性理之後尚須十年之功頗不欲輕出問世也碑文辭義琳瑯在袁州鹿洞之間荒祠可不朽矣且誨我以敬期我以誠垂示于孫言言金玉竝家禮一帖參酌古今而

寒松堂全集

書簡

卷之九

幸

言之祇求天理人情之安耳敬聞命惟樞遵守功
令曩不敢通刺長安區區未申又以茅塞之餘拜賜
全刻奉爲典型寢食以之矣茲藉靈邱之便一候起
居附有近稿紀事之作也敢請教焉

答白東谷先生書

捧讀五月教言知先生道履無恙學力有加一切詩
文約之以禮洵不負歸庸名齋之意也大集後來居
上海內有識者當共寶之讀荀子曾文暨庸說尤卓
有關係心性圖說樞摘出粘壁有日賴先生力爲表
章當在太極圖之右蓋濂溪言本體不若甘泉言工
夫也人肯將這個圖子從紙上印到心上從心土印
到事上件件不差纔是實學不然終是一副粉本也
樞願以此廣先生表章甘泉之意何如讀至仁敬誠
及復性二贊靜動二箴字字透骨扶髓其實首一贊
括盡樞嘗謬謂誠爲體敬爲工夫仁在其中矣無所
謂先識者譬如誠爲米敬爲薪水纔成個飯誠爲絲
敬爲機杼纔成個帛誠爲板敬爲桹櫓纔成個舟孔
子曰執事敬與人忠此敬且誠而卽得仁者也巧言
令色此不敬不誠而卽失仁者也信乎敬誠所以求
仁也無所謂先識者也次贊窮理篤行四字尤要蓋
不窮理則入於異端不篤行則流於色取此又敬誠
之切實下手處也合之甘泉先生隨處體認天理之
語敬誠之至卽仁之至矣孔子所以罕言也不識可
作佳贊注脚否獨未得躬請函丈此中尚不敢信耳

貴邑素稱才藪必有日親講席者念樞千里依歸前有王君允升爲紹介自後鱗鴻漸少惟有尊聞行知佩服先生二贊二箴奉爲典型而已伯珩歸田祈長者朝夕牖進俾狂狷之資升堂入室是樞之所爲切望也老母仗筇平安今年七十有七矣樞家居近况允升能悉不敢多贅寄答退谷先生諸刻有便即致

與白東谷先生書

歲聿新矣先生學與年進喜可知也去冬拜手翰訓迪真切兼惠續集佩服已多讀歸庸詩雖未深達義旨然閒居所著及夜夢所驗則又以身教也敬聞命矣儒言一書某自揣學識無似詎敢身任千秋爰續性理之後然讀書須有程限工夫須有著落某之立志成編表章前輩即程限也義理不明苦心探索即工夫也久之而書可不傳學或有得矣敢請於有道者如此昨儒格大畧尚未精詳考據之功益不敢不慎因有請者嘉言錄雖未付梓稿已粗成說者謂近人不宜與前人竝即前人亦不宜與諸儒竝也又謂諸儒旣入儒言此雖外篇亦不宜重出也又謂前人所爲正集近人爲附集可也三說具在盍折衷焉某於此亦有說矣聖門之內尚分四科三代而下豈盡完人苟一言之善沁入心脾刺着病痛如單方小劑立可回生君子亦樂取焉而况卓然狂狷之流亞乎在儒宗不可不嚴者千古之道統也在嘉言不可不寬者一時之風教也若云古今人不相及何今人之詩文亦嘗與古人竝駕耶即以今人論不猶愈於選刻詩文之濫觴耶萬一移海內風雲月露之人盡講身

心性命之語不更親切而有味耶某自輯此書以來
每有對症便思省察似覺功效不在讀程朱諸書下
其裨益人心世道可知第恐在位之人官業未定瓜
李可疑雖有名言不得不檢耳倘所益者大何恤小
嫌先生大道爲公一指誨即可定矣勿以學言在集
輒有所諱也目錄一冊切望筆削端待回音

寄同年魏貞庵先生書

惠教溯洞雅說諸集一一展讀先生主持風教備費
苦心既有由博反約之功又有畧短取長之用當於
古大臣中求之其中採及庸言重以佳敘俾瓦缶亦
處瑚璉之列以此而知其畧短取長也惟是敘中之
意期望深厚不敢不勉格物諸說指示真切千里宛
如同堂至孔顏樂地一說佩服明論可空從前聚訟
矣借來湛甘泉顧涇陽兩先生集共計九套附上內
有小簽者某悉錄之惟披閱時一印証焉前小婿叩
問安好過承優禮孺子何足以當此感感頃聞先生
寒松堂全集 楷簡 卷之九 序
中銓之席已荷 特簡爲海內蒼生加一餐某愚狂
粗鄙無言可贈惟願謝絕詩文謹慎延接其所以嚴
防假藉者大抵在此此席千百其怨望即千百其指
摘不得不爾爾也雖昔日以言事 君今日以人事
君職業頗有不同而總之以道事 君素所自矢也
某復何言哉此後瓜李多嫌再不敢一字候起居亦
不敢再勞一字問山中矣恪遵 功令非敢妄擬絕
交也此第一緊要關係名節者相與有成萬乞垂察
茲因端人入都候領 恩軸膝下承歡得此曠典慈
闈白髮可駐顏色先生錫類開切且爲貴衙門職掌

懇賜速給闔家戴德不盡

答同年魏貞庵先生書

閣務殷繁門禁嚴肅某引嫌自避日久不敢裁候昨
潘藏山至蔚備悉起居再辱手教竊幸大君子立德
立功此其時矣某山中之言曷足以擬之前聞纂修
明史爲 聖朝垂法萬世之美事全賴正人秉筆是
非昭然固天壤間一部大文章也先生顧以著書名
山爲忘哉過矣又聞猶龍念蓋子衮藉大筆爲誌傳
俱當不朽便中抄底稿示之敝鄉張伯珩賢者也更
不可無傳東谷先生爲之即先生或亦不吝如椽也
敝州一歲之中有烈女烈婦各一人 國家教化之
寒松堂全集 卷之九 畢

行其效如此紀畧二紙奉覽老母屢承注念今歲飲
食動靜頗勝去年喜可知也某菽水之餘與州守鄭
公移風易俗相與有成特建願學堂率紳士講肄其
中今日簿書吏之欣慕理學如此者可多見哉年來
受退谷先生教暨祁州刁蒙吉往復論學而當道不
與焉祁州學甚正著書亦甚多斯文正統一書雅有
可觀如未目及容即寄上某一向講書謹呈二章正
之不及多錄小兒屬對一冊博笑某行年五十纔見
此子學語且喜且嘆不敢不爲知己道也

答同年魏貞庵先生書

訊來得起居知山中講學著書關係人心世道深爲嘆服竊謂家禮一書爲風教之原宜參酌更訂用古變今此其要也詞林葉子吉鍵戶讀古久有同志但長安無處借書尚未着筆僕又欲編古人儒吏廉吏才吏勞吏事蹟爲一書以風海內仰佐聖治之萬一此亦最要者也奈僕聞見不廣蒐輯甚難作何下手工夫高明有以教我近日崇儉一節僕與元著雖伯及諸同志力持之長安士大夫皆以五簋爲約梨園盡絕十二年相沿之奢侈一旦變移先生聞之亦寒松堂全集書簡卷之九

果

必快然耳潘藏山前至都門持其爲兄立嗣之贈言僕畧爲次第彼自梓於上谷也王金章亦有長歌贈之三將大序手書借觀持去今藏山仍懸手書一幅裝裱冊頁僕以手書續之原稿錄上書便寄我惠教佳刻敬聆率復

答裴晉卿先生書

樞歸里八年長安諸君子不無風晨月夕之思終未敢尺牘爲候雖道誼真切如先生者亦踈起居矣惟孫退谷先生久居林下往復論學未敢以當道視之此外則祁州孝廉刁蒙吉一人而已其雜索爲何如耶久聞先生歸太原路遠無騎一介難前雖去先生頗遙讀息齋一書如侍左右也此書蓋先生數年苦心成之者中間名言固多然以老子莊列冠諸儒之首未知先生大意何在至卷末又以公餘證可附之似全書爲客餘義爲主也尚可傳哉况著書兩序不寒松堂全集書簡卷之九

果

書姓名是明有避人訛議之意不獨體裁之所未有亦功令之所未合也先生苦心自不可泯其如三病何樞家居日久眼孔愈小所見之不廣如此幸高明教之再揆生平必有不欺先生者乃可以信先生矣別有開發統希勿吝樞自侍養以來今年老母七十有八旣不能健飮亦不能健步居常用四輪小椅兒孫推挽而出坐於亭中看花聽鳥耳目幸無恙也樞碌碌菽水之餘遵奉慈訓頗有移風易俗之志卒亦寡效無一足爲知己道者謹以家庭紀事報兩字平安因舍親赴試之便代叩道履兼訊諸令嗣學業

精進垂示好音

寒松堂全集

書簡

卷之九

聖

奇張伯珩同年書

前接遠訊已從允升家郵中八行寄復不謂閩海遊人尚未歸來幸聞秋杪抵里宦事息有獨有力學一事仍與吾身相終始孔子所謂時習也卿大夫林下衣鉢有詩酒田園博奕仙佛八字此皆足下夷然不屑者僕知之稔矣第在鄉隨鄉人易中之若非和而不流中立不倚能免俗乎足下位居大僚宦成而歸移風易俗是分內所當爲然必有事焉以修德爲體以講學爲用以徙義改過爲工夫可以擴充天性可以維挽人心可以愛惜光陰可以啓發後學以此而

寒松堂全集

書簡

卷之九

聖

答 天地之生成酬 君父之知遇報祖宗之培植謝友朋之期望果能一刻放得下一事混得去否高明正狂狷之流亞也升堂入室拭目俟之幸貴邑有東谷先生其人者道在是矣而又得允升親翁爲之輔翼吾學可謂不孤也允升立必爲聖賢之志堅不可移在蔚三月僕實愛之敬之足下其朝夕焉但此後音問雖踈尊所聞而行所知千里宛如同堂若握手促膝未卜何日耳頃聞足下抱兩孫承堂上顏色此即造福三秦之報也喜可知已老母七十有七前年大病昨歲始痊然非扶杖不能行半步矣允升曾

升堂拜見之並僕與豚兒近况目擊最真可悉聞也
願學堂講書一冊寄在歸庸齋中暇時一參訂爲望

答馬玉筍年家書

道里懸隔久不得芳訊爲悵忽於仲夏三日接台翰
且從都門崑崙至蔚喜慰殊深讀札中長言句句如
話而自反功夫三年做到受用處足徵學力之純以
此而事太夫人養之悅之又徵天性之樂乃下問及
僕竊愧無以佐高深大約人子事親因親之善而廣
之體親之心而安之此之謂大道僕皆不能也庭闈
菽水謹錄大槩以報承示家鐸庭訓暨念庭先生稿
容當編輯用存仁孝馮訥生前所云者意謂時賢之
言與行不符不宜在先儒之列或作附集可也非僅
論世代前後之說耳今人著書者多然而言自言行
自行更不如其無言之爲愈也儒言錄曾與孫退谷
刁蒙吉兩先生商訂一半尚未成帙慎不敢出容彙
集請正僕平生慕鍾元先生而不得見猶之乎長者
之慕蒙吉先生也大凡先儒之學語涉禪宗者君子
辯之原爲後學立模楷非詆先儒也足下平心持論
論人是矣豈論學哉論人不可以不寬論學不可以
不嚴嚴正嚴其入手處也故論人尚有狂狷兩格論
學止有忠恕一途如登梯然未有不從第一層著脚
者如走路然未有不從第一步舉足者狂狷即有恒

也無怛而尚謂之狂狷否忠恕即恒性也不恒而尚謂之忠恕否若學者以非常之論疑後世之心不言其有而言其無無可訓乎哉吾夫子於已則曰無知其所以叩兩端而竭者知不可過也於人則曰無隱其所以無行而不與者行不可及也僕讀書惟以知之過行之不及爲深慮從不敢拈一宗門語亦從不敢舍躬行實踐而論學也足下高明之資好學不倦僕實遜服而又奉真子先生爲典型自有餘師矣聖賢贊止齋淺語皆仰止高山者也敬服敬服呂明德先生孝經大全拜領訖新書輯要即授小子誦之

栗林堂全集

書簡

卷之九

書

令嗣學力進矣課藝暫存再竭一得者也

答左翼宸先生書

再得手教具見先生惓惓向學深用佩服讀至醉夢半生不敢復蹈前轍云云者此望道未見之心也先生有生以來何嘗一日醉夢前轍亦何嘗盡覆乎樞生也晚不能記憶前輩之高風蔚有趙生奎者備言先生事尊人純孝不徒在服勞口體間近者張君逸之又述先生徒跣收繼太夫人骸骨年近七旬遠涉千里地方賻贈一毫不納而雲門徐君平日道先生貧苦自甘之况幾幾乎與世無求地方當事欲一過從不可得自樞視之蓋衆醉而獨醒芳轍躋古人上矣若樞迂濶腐儒謬爲先生所器重謂於文莫猶人一節大爲得力過矣第不敢不勉耳尺牘往來不能盡聆德緒中心如渴晤言何日先生亦念及否勸戒食牛一歌可當箴銘然而世俗之沉迷不獨此一事也柰何拙詩四絕亦格物致知之意敢呈高明正之倘有賜答素箋爲便不必扇頭也外有敬者樞待罪都門言不暇紀歸里以後每歲一帙曰庸齋紀言將以垂示子孫知樞所言何事所與何人耳原非問世之書也先生不鄙雕蟲肯一點擷得與家乘並志不朽幸矣

栗林堂全集

書簡

卷之九

書

答左翼宸先生書

記言奉教收訖所謂內可告妻子外可告朋友者是
樞之心也言也大筆一一誌之矣老母入夏雖較春
月稍健委不敢輕離膝下未卜瞻仰大賢定在何日
耳知非錄妄加品題自愧寡陋然長者之命固不敢
違而赤子之良更不敢昧況學問必須明辨立言期
於可傳樞嘗有志而未逮讀先生之錄自覺純駁相
半也其中評論無當祈先生酌之諒之稿定後謬書
數語以報虛心下問之意耳明儒先呈文清錄望先
生詳論之近時名家十一人非樞師則樞友也各集
案松堂全集書簡卷之九
附覽以見海內之好學幸有不附二氏者閱完取回
中秋爲期也理學以東林爲鑒誠至愛至教敢不佩
服但吾輩既生天地間便欲做人既欲做人便欲明
理既欲明理便欲講學既欲講學便欲交正人君子
既欲交正人君子便欲遠邪說小人既欲遠邪說小
人便難免於謗且忌矣東林之人今日如生東林之
言今日猶芬而謗東林忌東林者且遺臭萬年孰得
而執失也哉首善書院考一冊夫亦得失之大槩亦
既奉聞乃樞竊謂學未成而志不堅名雖聞而行不
立即不謗不忌而謗且忌者自在甚爲可戒若舍理

學而他學萬不敢出也學者勘破利害死生四字從
此做人無難先生以爲何如凌十齋歸里逃禪近無
音問前日之詩即其尺牘也太翁誌銘領入惟一字
不飾故足傳耳謝謝知非錄端人完上外書箋四種
奉先生存覽臨筆悚切

與黃大音同年書

前諸書千里宛如几席捧讀聖類編表章之功居多觸物施附以二說尤見實地工夫悉當佩服已入嘉言錄之選此雖爲顏壯其先生舊本乃再經訂釋如經書有傳註之類不可謂非著述矣別集頗雜禪說僕識見淺薄不能窺其底蘊竊見貴里復元先生從真子先生以正學相傳力杜近代紛雜之習僕謬謂薛後有曹曹後有辛一鄉中之一家一派也故僕儒言一書三先生叙在大儒之列且肖像祀之姚江雜禪而幸有事功僅列通儒耳其徒雖未可盡罪然寒松堂全集 書簡 卷之九 圭

而不足採者亦多矣再讀尊公先生訂補功過格有云拒闢邪說力衛正經百功也又云作文字有害世教人心百過也此等皆吾輩之著蔡豈足下過庭而忘之耶至馬季常先生晚年好學當於古人中求之其大道梗概諸吟擡舉釋氏與吾儒並論或非學聖人者所宜言也僕在都門見裴晉卿三宗心印之書力辯其非不欲行世今足下爲之叙而闡揚之過失相規之謂何惟三惜釋議論佳而實際少如學者覺也云云恐夏正夫立言之意殆不止此且僕以堂下視堂上凡知即是行等語每每存而不論世間果有

知路而即謂之走知飯而即謂之飽者無有哉馬先生長者也沉潛有日矣僕以蠡測海何其不知量也先儒有云學貴疑僕疑而未當亦姑聽之可耳歲暮新矣學當日進惟足下是望焉

答王敬哉先生書

學不在語言文字而在躬行實踐樞生也晚行年四十始知之矣然語言文字却離不得蓋質疑辨難與師若友之提命居多也今行年五十有六豈敢廢學其所師事而奉典型者惟先生與退谷先生兩君子耳易齋敬修兩公俱在大位不敢頻頻求教也頃者偶以拙稿問途已經幸辱拒牖不吝裁成諄諄以做人爲第一義終身所學乃踏實地長者教我矣此外只是語言文字寧不言可也至如居鄉居官總求做人親師取友更做何事先生終之以篤學力行意深矣率此謝教

宋松堂全集

書簡

卷之九

三

答高念東先生書

某每承教言奉爲藥石久矣惟先生以一真字爲生平故待人真切而論事真實此海內士大夫所共信者某碌碌且謬信於先生不惜愛之深而言之盡即某反已自信亦可仰體先生真字之二三獨未得躬侍左右抵掌談天下事耳天下之事有真事湏天下之人有真心無真心而做真事必不得之數也前讀先生迂濶一說盡乎天下之人矣而摠歸於大法小廉之一語又讀先生妄談五款盡乎天下之事矣而摠歸於治人治法之兩端今日正坐此弊耳寇賊縱橫擅餉浩繁兵驕民困主憂臣辱此何等時耶因循者曰力不能也貪昧者曰時若此也豈無賢豪亦曰掣吾肘矣行不得也大事不敢任小事不屑爲尚安得復有真心做真事者哉某竊自愧欲死矣欲以信朋友者信君父而先不自信求所以居仁由義不愧不忤如先生首篤教我者蓋憂憂難之所謂真人面前不說假話也若止循分盡職豈今日之所急哉即以職分言持籌裕國克濟軍需非異人任也然生無可生節難再節禁旅百萬關係匪輕先生憂國憂民素心忠朴雖未肯一出而慰蒼生當有真學

問中之真經濟於司農仰屋時指南而誨之使將來不至有百姓之累仍於先生厚望焉再拜華函首詢雪海今奉 特旨以原官用矣貽上才品卓然不止詩文冠絕因有白雲親舍之思未補而去僅以拙稿相訂俟其補缺後期與共濟天下事先生即以教某者教貽上可矣附言爲報署務多冗又奉查庫之命日無暇晷燈底率筆兼候起居唐濟武學當精進近況如何煩一致聲不另及

答徐子星觀察書

一別二十餘年矣聞老掌科潔已如水愛民如春每歷一官無不人人感頌但生歸養十有四稔於壬子歲奉 召入都首詢近況我存言之甚悉然而長安道上論今日海內之卓有清操者輒首屈一指公道尚在人心也益加嘆服生持守生平未敢多讓而澤及萬姓實拜下風迂腐行藏有負 聖眷真清夜難安者也憶昔奉贈詩有衾影真修期我輩旂常大業許來茲之句老掌科有焉其見贈云致君堯舜期無愧訪道山川喜在茲生每誦必汗浹耳但兩相期則兩相成念之念之又聞黃州同知于成龍清骨練才可當大用楚中原有兩好官老掌科以自信者信于君久矣今中州郡縣有可繼于君而起者否其爲國家培植之頃拜台札捧讀銘心謬承愛慕之真屬以風教之責敢不自勉更願知己奉太君慈教表率羣僚愛惜民命德政兼修始終一致以慰 九重宵旰之憂是所望也庸言九種附佐高深聊代面談敝世兄吳忠勵固始諸生也誤考被黜懦弱無倚並希覆翼焉素心相照臨筆切祝不一

再答徐子星觀察書

道誼交情古人重之近今仕宦中有同鄉同譜同僚
以至聯宗之類皆以勢分利欲交者也生與臺下相
勉於古人久矣古人之所重者德業相成學問相長
過失相規也而生更有進焉者當此君父焦勞民
生困苦軍興旁午強寇縱橫之際吾輩迂腐書生即
不能爲朝廷建大功持大議以濟時艱然而愛人
才惜民命書生猶或能之若不大破勢分利欲關頭
則氣不揚骨不勁安有靡靡然唯唯然可任天下事
哉臺下清操實政舉朝共知生自信生平無一不可
與松堂全集書簡卷之九
與臺下交殆所謂鍼芥之合非耶前貽編帶生亦竊
比古人不取爲其太過用志交情已愧難當清俸之
再貽何哉見交實所以見棄也生凡愛其人敬其人
都在淡然無相與之中以成殷然莫可解之誼生之
愛且敬於臺下者豈僅在勢分利欲間乎返之素心
大有不然者臺下果愛屬下廉吏而培植之薦拔之
臺下之素心見矣敢不敬服獨清俸萬不敢領面對
我存完璧歸上佐太夫人菽水即謂生藉以轉奉無
不可者惟臺下深諒之即父母另有復啓並原儀附
歸幸代致不恭或亦素知迂腐不相較也衰年竊位

無善可述謹報平安聊慰知己統希垂察不盡

與官宗衮分憲書

恭惟老道長先生臺下家學淵源以文章冠冕天下風氣爲之大開繼而讀中秘又繼而入西臺理學與諫草並著一時海內爭以朝陽鳴鳳望之而曠害河患慷慨直陳切中時弊其立朝氣槩已見一斑矣近從班行中偶爾借才聖意深淵不敢測也惟是先生經濟偉畧洵足輔戴太平在內內重在外外重都人士久有公論諒高明必不以內外殊觀僕正欲從內外一致之間覘品行之高學問之大耳茲者分憲中州聞之喜甚中州爲直省腹心地四通八達供億繁多用兵以來尚不至重困百姓者賴撫軍佟先生一身之所肩荷而護持也況表正影直源清流潔共事藩臬諸君亦不聞有過當之舉而臬使徐子星清操如水尤稱表表今特擢楚藩去所冀與賢撫軍同心共濟爲地方養元氣爲國家惜人才端在先生一人矣先生何以自處焉僕竊幸賢撫軍之得先生如得左右手而又謬爲先生薦一賢良牧足以奉行先生之德政亦如先生所以奉行撫軍之德政者則禹牧高良弼是其選也僕素不識禹牧爲何人而自中州士大夫以及滿漢之經禹地者無不極口贊

葉松堂全集

書簡

卷之九

揚今日循良爲第一及聞縉紳便覽則籍屬敝鄉出身明經耳未幾而撫軍薦章列禹州姓名達天聽僕乃益信昔所聞於滿漢諸君子者不誣也先生讀書學道有年愛民必先求愛民之人忠君必首重忠君之吏下車以後如禹州之在屬下者先生何以自處焉僕猶憶先生之言曰士君子宦轍何敢計但期無愧於清議足矣僕庸鄙之言無關清議素知先生愛而忘醜不以僕言不足聽亦或不疑僕言有所私然而禹牧之果稱循良果當清議與否一入冰鑑毫髮無遺僕之多言不幾於贅乎所幸僕言之而先生聽之天地鬼神知之者而禹牧不知耳今先生行矣士大夫之愛且敬於先生者酒幾斗詩幾篇皆爲先生壯行色而僕獨舉一禹牧爲先生充夾袋事異而情同也先生何以自處焉統望垂察臨筆依切之至

葉松堂全集

書簡

卷之九

答浦潛夫貢士書

生幼而失學老而廢學四子一經硤硤終身於易則未之學也況易理精微學者難之如生遲鈍更難十倍年來請教於崔太史玉堦先生冀得梗概少開愚蒙終以心粗事繁不獲領畧爲憾昨讀大著易通一集竊窺大意頓豁心胃深得古聖人扶陽抑陰之旨大碑士君子趨吉避凶之功每篇之中橫說豎說一如飲食日用之常事無論本經編經展卷了然誰復鉤深索隱此書關於世道人心者不淺他可無言矣嗣得易辨一書卷帙頗繁僅於署務勞劇中涉獵數卦登山望海茫無畔岸自愧平日於程朱傳註未嘗窺其淺深而辨程朱者之淺深安能定其是非耶先生平生之攷究既深三年之編摩更苦此而不傳孰可傳者但恐此書一出海內不察或指其一二反程朱者而深求之大非著書之本意矣先生雖不得與玉堦先生談此道亦第自信其理之是而已重辱下問莫贊一辭惟佩服今日學易之有人耳原稿完璧容晤再悉

寄于北溟太守書

古有交其人識其面而相得甚歡相契最深者往往然也僕於足下則不然僕家世雲中之蔚州去貴州不啻千餘里雖屬桑梓若風馬牛且歸養十餘年並不知海內仕籍中爲何許人也迨壬子奉召入都始聞足下賢名如雷貫耳兒童走卒悉能言之嗣于大計過堂之時遙望丰采竊喜此日得見黃州矣數年來又從司農署中見滿洲諸司之自楚來者咸曰黃州太守好官也長安清議如出一口大抵謂才足濟變政可得民其賢如此然而僕之所以知足下者尤在四知存心一塵不染爲今日中流砥柱之一人真所爲志同而道合其相得之歡相契之深又不在交其人識其面也僕賤性迂腐從不與外官通往來前歲一詩乃中心之好發於聲歌爲朝廷志幸爲鄉黨志喜卽爲楚黃百姓志祝也今年五月間有明經寄來華翰並墨刻四紙彼時僕脾胃受病牀頭展讀宛如接面未得一晤彭兄細詢近况亦未裁復一言至今耿耿我輩相得相契在千古不在今日在道義不在儀文以忠君報國之心建濟世安民之業此其時矣足下何讓焉僕老矣行年六十有一體

弱才庸於國計民生兩無所濟惟此硜硜之守至
死不易耳敢爲知己言之或見此書亦如交其人識
其面耶近聞榮遷分憲出自特恩從此報稱益覘
宏畧前因敝年姪崔令赴任之便附函奉復因其小
心謹慎可以仰承提誨乃敢附復再讀令公子試牘
沉摯高華大成之器也下惟攻苦轉盼聯飛廉吏之
報自無窮耳近刻九種奉覽以代面談

答郝雪海侍御書

老道長之視饒政與區區之佐司農皆世間最淡之
人居世間極濃之地者也天之所以困吾輩者在此
所以成吾輩未必不在此吾輩以守之平日者驗之
於今日站定脚跟豎起脊梁使義利兩途禍福兩端
雖在飲食夢寐間亦自了了分明誰能奪之而又誰
能助之哉今之佐司農者已取極濃之地而驗之矣
讀老道長書有云二十年之清操不肯沾一點以自
墮一言自定萬境皆非當不慮此地之污人耳吾輩
之自信如此究竟人之相信即在我自信中矣若夫
鹽務之艱難商民之困苦中心曷敢忘其爲老道長
所優爲者不遑計也履任伊始承教尚敢回答自後
瓜李之嫌不敢不避假如有人過維揚求青目書生
必誓絕之倘吾輩書問往來而獨拒人之片紙隻字
欺人卽欺天也諒之諒之諸惟珍重以報 朝廷吾
輩同商無容贅及

答湯荆峴太史書

曩在都門竊見執事器識堅定望而知爲入道之資
中心藏之久矣自僕已亥歸養菽水家庭竟不聞仕
宦何方謝病何日事業之表著學問之淺深果何如
也嗣從孫徵君質疑辨惑書札往來問始問起居兼
聞講學夏峰致知力行日新月異深幸吾道有人精
神印合千里同堂正不必片函商確也前接華翰敘
述二十年情事宛如握手談心感不容口但日復一
日裁答稽遲擬拙手撰成徵君墓表具稿求正豈知
庸腐書生行年六十謬佐國計罔神絲毫而一切
寒林堂全集書簡卷之九

贊矣此其不敢付梓之意也高明以爲何如近者執
事侍奉慈闈色養備至定省之際課子讀書不問門
外事家居力行道在是矣又復潛心體認造詣精純
致知明理以開來學行也藏也惟此一事僕無言矣
幸爲道加勉是祝

寄李穀可藩司書

賤性寡交於海內士大夫知之少而信之難其酸腐迂踈不足繫當世之輕重槩可見矣而意中獨知老公祖爲最深蓋既知其才又知其品並知其心也廿年以來雖無寸函隻字之通實有千里同堂之契且願朝廷旦夕優擢爲生民造無窮之福也乃兩浙爲財賦重地忽遭叛亂地方之荼毒百姓之困頓強半不堪言矣幸而聖主簡任高賢借司藩政清以率下惠以安民俾赤子樂其寬仁竭蹶賦稅佐軍餉浩繁之需不致司農仰屋而興嘆者皆老公祖愛民寒松堂全集 書簡 卷之九 主

之效也况積案不清苦心銷結即非長才難免叢脞然而民力竭矣竊慮守令之撫摩有未至也所望老公祖培養元氣全在激勸有司有司賢則事不擾事不擾則民生自安矣道府爲守令之表尤當重之也前者兩讀翰教未敢裁答以存古人淡定之意况治生謝絕交際固老公祖素聞者姚若老道及雅念更如面談耳昨者世兄南行屬候起居想已面悉若治生拘謹衰庸罔神國計僅碌碌自守而已不堪爲高明道也臨楮依依不盡

答王君棟布衣書

道誼相關有懷如渴非一日矣素聞長者樂尋孔顏功深濂洛其於考亭正派確有淵源至晚年好學孜孜不倦所謂閭修之士舍此其誰豈非吾道厚幸哉若以吾鄉論之三百年來自文清而至真子以暨復元諸公充實光輝繼往開來擔承不讓古人其他如陶如桑如呂如白後起關發尊聞行知不雜二氏如一家文派統歸一宗良可述而志也今之學此學者惟長者與党絳州兩人耳童而習之白首而不易焉昔人云一息尚存此志不敢少懈今果然矣且猗氏寒松堂全集 書簡 卷之九 主

之衛安邑之王皆天姿過人學問不敢限量崛起而接文清實切望之若僕者幼而失學老而廢學斤斤自守規矩弗越僅如此耳於聖人之道未窺一班倘見有志之人恨不千里同堂析疑辯難攜手而躬行之今既在仕路中不過以仕爲學求所以體聖主視民如傷之心而又佐國家量入爲出之計事事未能所學何爲耶愧矣愧矣大著切實體認可以坐言起行僕行之不逮未敢言學近稿六紙附求教正所學止此不足爲高明道也王敷五歸附候兼復更希爲道自玉

書簡 尺牘

與蔡子虛同年書

寄周伯衡書

答朱小晉同年書

答汪茗文戶曹書

答畢亮四同年書

答畢亮四同年書

寄畢亮四同年書

與秦尾僊學使書

寒松堂全集 目錄 卷之十

與胡東甌同年書

答王近徵同年書

答王近徵同年書

寄解法周同年書

答王蓼航同年書

答馮訥生及門書

答馮訥生及門書

與馮訥生及門書

答馮訥生及門書

與馮訥生及門書



答成我存及門書

答成我存及門書

再答成我存及門書

與王允大及門書

答王允大及門書

答孫壽周及門書

寄孫壽周及門書

答易子然及門書

寄袁丹叔太守書

答徐雲門貢士書

寒松堂全集 目錄 卷之十

與徐雲門貢士書

答申鳧盟書

答申鳧盟書

答劉千里書

答劉千里書

答林二史

答連克昌進士

答夏祇台孝廉書

與史默之進士書

上李毅可巡憲書



上曹秋岳憲副書

答曹秋岳憲副書

答劉貞吾總鎮書

答朔州侯侯書

答蔚州鄭侯書

答蔚州佟侯書

答耿逸庵書

尺牘

答宣督佟滄涵

答晉撫劉勉之

東松堂全集 尺牘 目錄 卷之十

答江督馬擎宇

答漕撫王清遠

答秦撫馬勉吾

東張次先學使

與厚庵先生

與施尚白西曹

答郝雪海

答王麗五同社

答張綠雪同垣

與袁丹叔及門

與沈季子及門

答張開有及門

答聶輯五同年

答孟淑明先生

東劉紫封明府

與易子然及門

與馬步先廣文

再答王麗五同社

答蔚州曹侯

與蔚州李侯

東松堂全集 尺牘 目錄 卷之十一

答裴晉卿先生

再與王允大及門

與周芑穀及門

答易子然及門

再答周芑穀及門

再答張開有及門

與湯泰瞻同鄉

東畢亮四同年

答申鳧盟處士

答劉千里貢士

答喬白山同年

與王東臯同年

答郭元庵分憲

答朱山輝分憲

答胡東甌同年

與陳天綬

答李繪先

東程學傳

寒松堂全集 卷之十

蔚州魏象樞環溪著

書簡 尺牘

與蔡子虛同年書

前歲孫壽周寄到華翰備悉起居數載渴懷對茲忻慰足下家學淵源認真做天下事久勞於外無愧平生僕卜之有素長者何自歎也幸勉爲之僕自亥歲邀恩歸養幸今年老母七十有六矣菽水之餘日與父老子弟輩砥礪孝友是僕里居第一事有暇日讀儒書謬集儒言錄之選茲錄自宋以後諸儒羽翼道統者悉載焉大約分大儒醇儒通儒名儒四類愧僕至愚極陋不敢妄擬性理之續既經七載粗就一編聊俟後之君子而已又僕家居第二事也日夕編摩藉以收斂心志分別人禽關頭挽回田園詩酒陋習不無小補特敢爲知己言之仰乞開牖崔後渠涇詞承惠已窺津涯呂新吾呻吟集從他處抄得過半餘尚未聞呂豫石止得孝經本義而全集全無王浚川文集曾在都門見之迄今猶缺沈龍江文章事業表著當時尚未見全集爲憾止得社約一冊耳孟雲浦文集則全未寓目矣此皆中州儒者也足下宦

於其鄉有表章之責且留心聖學家有淵源別所聞
見一一購求示我千秋事物竊恐草草成書必致掛
一而漏萬也茲因舍親張邑丞赴任其人孝友篤實
藉手致候近刻五種聊代晤言倘有好音竝所懸諸
書付下爲便臨楮依依

寄周伯衡書

可亭一別悵望雲山久之然非尋常寒溫比也以太
夫人春秋高有子宦遊南北就養鄉讀母老還家無
定日之句日復一日堪再讀乎僕已亥邀恩歸養
矣身在膝下覩鶴髮鳩杖未嘗不念足下此心也一
訊之魯一劉君再訊之我存成子不識此心可達左
右否昨出都時檢書簾所存手札一二惟恐散佚即
裝潢成卷屬霍君龍槐題之曰同蘭尺牘携歸展玩
如見伊人塞垣孤陋去京洛諸友漸遠求如知己道
誼深切者更不多得詩文都廢盡矣前歲恭擬先

皇帝輓詞中夜徘徊竟不成咏不得已而集少陵諸
句志哀耳其他可知也年來菽水之餘頗讀先儒遺
書津津有味且讀且選謬集語錄之粹者編曰儒言
竊惟性理而下自元至明道統相傳不宜中斷必有
起而續之者採輯大畧豈異人任僕不才彙成一書
姓氏具在江右諸羅諸節全傳全集再須細訂而苦
於購求今俱爲足下部內地不虞副在名山矣惟羅
整庵先生之困知記羅念庵先生之石蓮洞集叢雖
都下借觀尤切切望之者僕之飲食夢寐於兩先生
與七千里故人無異也江山相助佳著必多一切求

益焉因馬弁赴任之便不敢不一起居爲叱名候太夫人健飯令嗣學古有年頃入版報罷正其奮筆時矣勉旃勉旃僕里居無恙日與父老子弟砥礪孝友而外無復他事老母年七十有六菽水無缺遙知開念並以附聞近刻呈正端望好音仍付馬弁家郵爲便也周芑穀久無音問便中及之

答朱小晉同年書

自僕邀恩而歸八年於茲去大君子教益日遠矣每晨讀贈言及論學諸說又如接面也惟翹望足下事業有進學問有加吾晉本朝首科第一人斯可不愧但長安道上同志幾人講肄安在僕無從而問之總因家居養母不敢致訊京華凡舊時知弊未知動靜何如耳頃者下問山中捧函色喜復注念慈闈解衣衣之感可知也老母今年七十有八飲食極少步履甚艱出入用四輪小椅兒孫推挽而行幸托庇無恙謹錄庭闈紀事一冊報聞僕菽水之餘惟以風俗教化爲事少答先皇帝浩蕩之恩以成州大夫敦請之雅卒亦寡效並錄願學堂講書一冊報聞至於所奉教者則孫退谷白東谷刁蒙吉三先生皆林下也而當道不與焉所謬著者則日知錄力行錄儒言錄大學管窺問途集諸書皆理學也而詩文不與焉編摩數載槩未成法統俟他日請正僕行年五十深悔浪過光陰自遠聖域即如吾鄉薛文清一派曹真予先生傳於前辛復元先生傳於後此後當歸何人雖有一二向上之資夾雜二氏反足爲害僕不能不以此事屬足下矣萬乞猛力擔承實心體認一鄉中

之一家一派當從復元先生湖而上之直與文清同
接席庶可完得此日此生若高談性命名儒而墨行
僕竊不取也高明以爲何如憶贈言集中錄足下從
腐字做成從老實踏脚之二款願先行其言僕更不
敢不勉焉不宣

答汪茗文戶曹書

憶在都門時先生知僕有母且老情可以歸歸而母
可無恙也遂戴恩而歸依依膝下者七閱月向來
繫念遊子之鬱懷漸爲釋去而果無恙矣生我者父
母成我者君父何其幸乎僕每北向祝萬壽未
嘗不念先生知我之深也先生於僕交未久然教之
愛之有不啻鍼芥之合者臨岐握手殷勤期以詩文
報左右第身在慈闈足不出戶庭半步志同道合未
待良朋而倡和缺然里下止歲不豐輸納最急仰事
俯育鮮能盡周一家之樂非所樂也而歌咏廢欲求
一詩一文以爲艱難矣來教所云自吐其言而或有
所不屑豈先生之知我哉所不敢負先生教愛之雅
者謬謂居家居鄉當以父母君父之心爲心入則
稱說古昔嘉言懿行令家人環而聽之堂上老親亦
少開顏色出則從州大夫講說鄉約明朝廷之教
化啓邊塞之愚蒙提出良心風俗少變差可爲先生
道者時有此耳僕素不習無益詩文當檢庸齋紀言
繕寫求正另圖郵致也佳序一字一情所謂規以道
而玉於成非耶古人之誼載之家乘矣矧茗湖筆出
自先生之惠安有不義者謹下拜慈闈稍健於昔然

鬢上霜雪漸多矣承注念敢以慰惓惓先生行誼日
高文章日進惟我山中人不敢一刺入長安欲奉教
而無由也幸知已垂察嗣勿金玉其音感荷感荷

答畢亮四同年書

足下半生苦人纔得老蚌雙珠之喜復興孤絃輒斷
之悲遺茲呱呱誰與之乳即此一節情何以堪重以
女兄含冤而死不獲瞑目已付之無可奈何反致清
白縉紳寢食不定行道之人聞之寒心矣所望者足
下大德應事化有爲無尼山家法微服過宋亦何愧
哉更度其人之碌碌無足重輕聊堪自解日與鄉里
細人雜處風波中傷體不小且令嗣弱質也疑慮紆
然輟耕廢學無一可者昔人問止謗法曰勿辨今日
之謂歟承念先慈墓上碑今秋採石不得期在來歲
清明時矣行後半年往往夢見顏色談心論道覺而
記之以志不忘誠兒篝燈舉筆必數問高平先生消
息也惟是高誼惓惓再臨絕塞竊恐先慈靈爽有所
未安况半百之年風雪寒暑與風波等幸自愛焉頃
邇來命亦不敢端人奉唁姑逢之耳不孝兩臂無恙
舉手尚艱日坐牀頭拈弄八股生活開小兒愚昧亦
一忘病法也每朔望則携兒俯伏墓道一觀封樹已
爾家兄姪兒暨諸親友輩各囑筆代候

答畢亮四同年書

滿望秋闈得令嗣捷書爲快而不意全晉之不勝也
一拔貢未足酬義方然亦需之時命可耳讀大著兩
篇經術經世天下文章莫大乎是安得獻之九重
爲昭代石畫耶近有纂輯一統志之舉此本朝
文獻也晉省全志非藉鉅筆無足傳信况東谷先生
老成典型史館夙望兩君子肯爲全晉班馬大典藉
光何如何如僕氣弱而年衰自揣陳淺不克勝厥任
既任矣死生利害固不暇計計家居四十年識見迂
濶於國事罔濟又安得與長者促膝談天下事哉
寒松堂全集 書簡 卷之十
丙戌老同年宦都下者僅十餘人他皆英少了不相
識可謂孤立矣幸堯舜之主在上事事以百姓爲
念天下之福也惜臣子贊勳之力尚有未盡焉入都
兩月他無足道者令嗣歸里僕旅况自能悉言之不
復贅

寄畢亮四同年書

從鄭進士每訊起居頗知清勝忽聞令嗣鼓盆之變
中饋少一賢婦家庭增一苦况知己其何以堪幸善
自寬遣即令嗣亦勿過爲抑鬱也僕一歲三遷濫叨
知遇愧難報稱夙夜疚心薦賢既非諫官之職除
奸又有風聞之禁即一二條議亦格於部覆而不行
此僕之所以抱愧也今且儼然京兆矣求如古之雋
不疑趙廣漢輩一寬一嚴未知孰是而况孝肅其人
哉高明必有以益我近見士大夫率以感應篇勸世
自是好念頭僕謂以禍福勸不若以名節勸之之爲
寒松堂全集 書簡 卷之十
切方今吏治多雜何不集古儒吏廉吏才吏勞吏四
種爲一刻使作吏者之知所自擇以求進於古人之
一班耶請示其指曩聞泉石無恙可以棲遲然而淡
泊寧靜中自有遠猷大畧爲聖主抒南顧之憂長
者素心忠愛能無有動於中乎白東谷先生三晉學
者也頃聞長逝深爲吾道悼近詩二紙附求教正僕
近况如昔然而兩鬢多霜矣小兒讀書無師願就提
命孺子可教否僕不敢知也竝請何如

與秦尾仙學使書

日久不親叔度渴想正深忽聞提學之命遂擬作絕交書矣伏思賢昆仲負海內文望而品足副之洵當世之所重者足下入秦伊邇正吾道伸眉吐氣時也僕敢無一言以相贈乎近日士風漸壞文運不昌病在有情面而無文章有文章而無德行拂天下大公之望抑孔門首重之科請託公行廉恥道喪俾人才所從出之地既無真秀才安得有真舉人真進士耶僕嘗拙眼觀人生平如見以情面進身者必重情面以文章進身者必重文章以德行立身者必重德行如燈之取影毫髮不爽也足下之才之學之品豈復慮此者但功令森嚴身名爲重內外情面槩宜謝絕然後以處女之自愛者愛身以嚴父之教子者教士士風文運實嘉賴之固高明之所素優而又僕之所爲翹望也至僕硯鄙無似知已諒我匪一日矣此後有以僕片紙隻字達於聞見者必小人之假冒也幸嚴察之仍置諸法庶幾相與有成耳古詩述之扇頭以當白水何如

與胡東颺同年書

小婿詣府起居每每取擾心殊未安拙論辱指示敬佩之矣別教養生家之合於吾儒者五則且謂習聞素見是矣然正恐聞見多而行不逮耳請以第一則商之聖賢之論言行者原非教人少言語蓋教人力行也看以我爲隱及天何言哉二章盡之矣惟聖人不慎言語直從當身語嘿動靜說到上天時物行生窮源悉委引人實地不啻諄切再觀鄉黨之恂恂宗廟朝廷之便便上大夫之闔閭下大夫之侃侃皆慎也易所謂養正則吉也若謂聖人之慎言語祇如世人之少說話則失其所以教人之意矣彼養生家之慎言語似謂養氣耳夫氣未有不從言語中養之者孟子好辯正其善養浩然之氣也不言性善則邪說興不言仁義則功利熾吾儒之氣安得充塞天地乎且孟子之功不在禹下將取其慎言語而云然乎是乎否乎世儒之論久伏疑根矣幸高明發我覆焉至於參同契悟真篇雖不敢與聞亦有一節奉請者參同契果朱子註乎或註於二十四五歲汎汎釋老之時乎若晚年註此其於慎言語之義何居並希開牖贈言四冊或敘或評惟足下命不敢以不急之書

有妨靜攝恐非相愛意也歲前所領 恩軸到蔚老
母能扶杖叩 關展祠成禮一門之幸敬以 制書
奉覽

答王近微同年書

數載家居與長者通音問寄唱和者僅一至再耳仰
知貴恙方瘳杜門靜攝泛泛詩牘之類毫無裨益徒
費應酬非病中所宜者歲前稍聞清勝纔敢以紀言
一書就正於有道如握手促膝款款說家常話是僕
之情懷也且以平日所言者告之於知已倘異日行
不逮言得以執而督我是又僕之鞭策也辱不鄙而
賜之教採擇之中加以規勉貽以篇章讀之嘆服僕
初意謂不可以告天不可以告人者弗言弗行也先
生乃謂不可以養親者弗言弗行也道在是矣敢不
寒松堂全集 書簡 卷之十 五
書紳哉理學一途世人驚詫者衆而邊地尤甚將謂
存天理去人欲爲必不可到之一境高明省心之法
料不過省此而已從前孟浪乃既逝之波追想何益
惟思儒之所以異禪者何在譬如今日生此身今日
合有此擔只講得天理人欲了了分明一往行去不
復退轉一日終身死而後已此真吾輩下手處惟深
造而自得之案頭有四書一部最好試看克己寡過
求放心俱非空言懺悔者猶憶先生試錄序云背棄
傳注參用釋老者積之慎勿忘此言之出也因先生
誨誘真切敢竭愚誠以副明問完昔年鼎立宣雲之

一語足矣平城曾中透微惜其以詩文爲盡境應州
近悟二氏之非奮然歸儒矣代州有馮訥生識見高
議論正僕亦與有砥礪焉因先生月旦而及之紀言
五冊收入訖古人之書知先生博覽多矣檢得時賢
著書八種附使呈覽有便寄回率復

答王近微同年書

足下因病辭官十有九載林泉之致半屬沉疴僕所
素知也沙城一晤且望見顏色不似昔年鐵漢子已
不敢再望出山矣年來四方多事民生不安仰 聖
主之焦勞愧臣子之尸素既乏籌兵之畧又無裕餉
之方蚤夜思維負 君父隆恩多矣竊念忠義之性
誰獨無之乃往往驕兵悍將奸宄蚩愚搖惑而不即
定須得真才真品斯可以收人心而濟時艱況桑梓
綢繆撫綏宜蚤尤僕之深憂而過計者也從來以人
事 君者大臣之誼僕雖庸碌豈敢蔽賢因而妄藉
寒松堂全集
書簡
卷之十
七
餘光自盡微分不暇計及清恙之全愈與否也頃拜
翰教復接令第面談始知夙病尚未盡瘳捧檄猶有
難色讀至力不從心寢食皆廢數語僕之此舉於
朝廷不敢言功於知己不能辭咎矣柰何柰何但足
下心切報 國信於平生今出處所關必有定見僕
既以入 告夫復何言惟在高明自爲審度求所以
上不負 天子下不負所學則僕之至願也僕行年
五十有九當此 君憂臣辱之際勉竭駑力未敢告
勞兩鬢雪霜不堪自對統煩令弟口道之冗筆率復
不莊不盡

寄解法周同年書

長者南行之日未獲面別終抱一歉嗣此止聞途中平安耳而抵粵消息無聞也今春令嗣過蔚頗知近況萬里之外寄訊爲難適因紀綱南去附候起居竊有三進焉南北風氣不同滋補藥餌不可不有衣服飲食不可不節此保身之道也艱難困苦遭遇不齊自古迄今不知凡幾返諸屋漏原無愧怍只以義命自安可省多少煩惱此安心之道也平日讀書率爲虛名所誤今日身家俱非所有惟聖賢道理老老實實昭揭天壤正好尋求倘有所得著成一書必有傳東松堂全集書簡卷之十末

之者興至則吟咏遣懷奇山奇水奇人奇物收入囊橐此立言之道也至於朝廷雨露之恩祖宗墳墓之望皆事之不可必得而得之終必有日者仍聽之天而已高明自有達觀不待愚言之贅也前歲靈邱宋侯陞任羅定僕曾寄一書並小詩寄候未知達否吾鄉仕嶺南者一時多君子推食解衣或無饑寒憂乎良友佳士所得幾何人熊夢之叶竟何如也統乞示我爲慰寒舍平安老母數年多病今幸無恙僕菽水之餘大約以修輯儒書爲學問以移風易俗爲事業家居近況盡乎此矣若詩酒田園非所計及也敢

爲知己言之聊慰懷念耳路長紙短諸不具悉

答王夢航同年書

與足下不相聞問者十有七年矣。蔚僻地也，從無過客。仕宦可托雙魚憶，二年前從白登友人徐子處寄來長歌一紙，僕快讀數過，竊喜別後學力之深，詩律之細，追跡少陵，舍此其誰隨粘之？授經堂壁時時珍玩，竟不知詩之所自來也。去歲臘月廿八日，周計百貳府下車左衛，致書蔚羅知足下見訊，雅意僕與周君交非有素，僅托賤名，並刻箋致候，猶恐浮沉不意，推愛至再，尺牘大函復走山中，宛宛見故人談舊事也。吾同榜四百人，今復有幾？同館五十人，今復有幾？

寒松堂全集 書簡 卷之十

仕籍家食之間，曾以道德學問相與相成者，今復有幾？言之可爲三嘆。況知已山居養親，與僕同不通音問於都門，與僕又同獨詩格精進，僕遠遜不能及其他所學，又不知僕之相及萬一否也。聞蘇門山中高賢在焉，僕所企望而不得一至門牆者，鍾元先生一人耳。數年來足下有何講論，有何著述，身親函丈較千里而私淑者，什伯也。幸一一教我。大集有付梓者，並望指南。若僕自菽水而外，惟講明六論鄉約與里中父老子弟改過遷善而已。昔遽伯玉行年五十而知四十九年之非，吾輩正其時也。足下日課工夫

凡可爲我砥礪者，請悉爲剖示。丙戌榜中若無三五人以理學經濟名世者，缺事亦愧事也。貴鄉前有二程，後有二呂高明，當何以處此？誦雙烈詩，誠有裨於風教。彙集不日付梓，拙詩一冊希長者逐句刪削，即并數語以志勿忘，諒不我吝也。語言絮聒，幸垂察。

答馮訥生及門書

門下天資高妙平日敬服頃接翰示具見向學真誠句句踏到實地所詣自不敢量矣細讀來論以求放心爲本以勉強力行爲先以有恒爲要是三是一但入手把柄用力淺深隨人自得耳如行路然認得程途不差究竟走到是處若化名心室念欲云云當於存心公私辯之人倫日用間本無新奇之言矯激之行將從何處求名然而實行之必有名者猶芳草之必有香非求香也香亦不能自掩耳故君子疾沒世而名不稱不然逃名絕世是禪非儒矣至於怒與欲

寒松堂全集

書簡

卷之十

七

尤不可少一怒而天下安則公一怒而諸侯懼則私欲立欲達則公欲富欲貴則私正門下所謂止乎天理人欲者也純天理者爲聖守天理而閑人欲者爲賢此即安勉之分耳聖人是有體有用底人然道理只是一貫曾子守約見爲忠恕故唯這箇顏子復禮見爲文禮故嘆這箇且當日卓立光景明白易見了無疑義人自今日懸想孔子道理一言一動實實落落如在眼前顏子親承教澤如愚足發故所見如此許謂日用行事是也日用行事無一非性與天道之端倪也此外無道矣亦無學矣極知趨向堅定力圖

體用之學再進一言先求改過僕不敏願互相切磋焉時家祠經始方有事於土木不及詳答再白

寒松堂全集

書簡

卷之十

答馮訥生及門書

來書謂從前工夫尚有未是乃學然後知不足也由博返約豈廢詮解記誦但詮解記誦爲實非爲文爲行非爲知耳以門下向學之專任道之勇何求不得僕曩所謂讀書明大義者正因年過壯盛不能讀書一味勉強而行改過遷善或未晚也即有時讀書亦從自心自性驗之古人合否而已敢實証於知己者如此昨書內有知而不能一語待門下細參之頃讀制義云孝與忠夫人而知之事親事君宜夫人而能之二語畢矣又何多言愚正謂無不知愛無不知敬寒松堂全集 書簡 卷之十 苦

知即是能此孩提稍長事也能竭其力能致其身能即是知此成人以後事也其中大小精粗之故非閱歷之深體驗之熟未可盡言耳高明當自得之也大著切願領畧幾希錄之名目中未見而意欲相成點綴無當門下存其意可也原稿附回再承慰問感感老母在堂何敢爲西河之慟平日所學儘可勉持但言行有失責在朋友幸勿吝焉

與馮訥生及門書

前讀來書先行求放心二解率皆探本之論其於學也庶幾矣昔人云學貴疑大疑則大進小疑則小進僕尤不能無疑焉門下解先行是教以慎言之道非教以立言之道誠然但云聖賢不得已而有言非有意立言此非僕所知也竊謂聖賢之言如人之飲食夢寐如物之踰躍飛鳴如天之風雨露雷日星雲漢皆自然而然何嘗有意立言惟近代詩文之家分門別類極巧窮工每刻一集動至三二十冊不知於立言之道果何如也僕嘗反已自愧犯此病多矣若夫寒松堂全集 書簡 卷之十 幸

聖賢之言皆聖賢之行也譬如閱歷程途其中山川險夷一一舉以告人使人不迷於所往雖謂之有意立言亦無不可其不得已者又安在耶門下又解求放心謂心神物豈能求來更不再放豈同鷄犬可以籠致云云此更非僕所知也竊謂鷄犬至蠢也人心至神至靈也既知一念之邪矣而一念又續之既知一事之錯矣而一事又繼之推之念念事事槩可知也豈復可言學問若云時時放時時求是無他者而有他已矣者而不已也立言宗旨果如是乎且孔子言一日克己復禮天下歸仁言成功之一日乎抑教

之日日克日日復乎克復與求放心有何異乎勿其
非禮則禮復矣既復而仍有不復之時乎知其不仁
不義則放心求矣既求而仍有放之時乎夫放而弗
知求者衆也及其求之而又放之以學道問道之心
亦有時而不仁不義以至神至靈之心亦有時而若
愚若頑欲其終食無違造次顛沛必於是難矣門下
所謂內外精粗中和慎獨俱在此者必不得之數也
以愚論之世儒之求放心者皆攝念之說非求放心
之說本章仁人心義人路專爲求仁義而言孟子七
篇大本領正千古學問大根源蓋心之放於不仁不
義者確乎從事物求之也不然泛泛求心佛氏未嘗
無之居仁由義恐不爾也如謂去聲色勢利佛老一
求已畢云云乃僕前說未悉門下之疑有自來也請
一再申之譬有人焉今日知聲色勢利佛老之非明
日又見聲色勢利佛老之是倏收倏放反復不常雖
操莽之心不是過也門下顧以堯舜微危擬之豈人
心去而道心存亦有忽存忽去時乎類擇一集雖言
不能盡亦可爲本章羽翼耳至謂心在腔子裏察公
私義利之辯此門下合乎朱註志氣清明義理昭著
之說也謂心求來更不再放則僕合乎程註下學而

上達之說也明辯之後尚俟豁然貫通焉故不覺媿
媿言之門下何以釋僕之疑乎二說與祁州刁蒙吉
商量未定因檢諸稿奉覽幸一叅訂之爲慰餘不悉

答馮訥生及門書

生日一節世俗相沿久矣論理此日爲報親之日論情則此日爲娛親之日故膝下稱觴情理俱合也若親尚在而自受觴祝何以答尊草之艱予未成而自開壽筵伊誰致斑斕之樂此情理之難通者僕十餘年來在都在里每逢初度淡食齋心自晚輩門人以至家僕官役惟令設座中堂拜我老母僕並不受人一拜遂定爲本家之例載在家乘矣去年州守某公及諸官長有破例之一舉辭至再四竟不從迄今回顧十年言行不相顧奈何奈何今年仍存舊例預謝

寒松堂全集

書簡

卷之十

親知即指爲過矯不遑恤也况僕不德不孝近有次兒及外甥痘殤致貽老母憂春秋高矣其何以堪雖家室之人抑情寬慰談笑如常欲得歡心轉增煩悶設悅之辰在即舉觴之禮不行仰奉慈命不敢不遵區區馬齒又何言哉遠承注念祇領佳篇情見乎詞矣若僕行之當則廣其傳以砥俗即行之未當亦可諒其心以相成也至於一歲之中求其不虛此生者幾何日此又難與他人道耳幸知已念之我輩終日講個行字此等固行之易忽處亦行之易制處也不然隨俗而流以無害於義爲口實非所共勉矣

與馮訥生及門書

大庭廣衆孰無正大之容處順居常孰無節義之語聲色交於前利欲迫於後人品見於是矣然辛子亦就當日之人言之也若今日見一正大之容必指爲迂濶聞一節義之語必笑其狂妄久之而大庭亦聲色居常皆利欲恬然而不知怪矣如門下所云立說以祈身後之名當今之譽者今乃並其名譽而棄之隨波逐流安問人品夜光芝草世猶見之獨正大之容節義之語不少槩見也士君子其有憂患乎門下閱世已深維世必切凡遇正大之容節義之語即珍如夜光芝草因其人而玉成之幸勿忽焉

寒松堂全集

書簡

卷之十

七

答成我存及門書

去冬讀見別之訊並悅心錄一冊門下之境遇學問大段可知偶成詩律未得奉答爲恨間聞南北實不能忘非世俗寒溫可了也每見佳著有善於處貧妙於却病之方安得窘塞如此或由勉而利之難耶抑入見道德出見紛華之易耶門下素有定力諒不他移當從根株求之則得矣不佞於境遇順逆難易之間到處只見成就故勉強受之久而驗之夢寐漸覺相安又再行一事要把自己平日言語作證即或事艱力窘時輒自責曰誰教爾說出來而今却退轉不來松堂全集書簡卷之十

得矣此不佞近日切要兩關與門下商量處置凡立言多而行不逮者或有之矣盍自信焉承念者老母今年七十有五衰病日見非拄杖扶持不能行半步常坐四輪小椅出庭院一遊而已小兒已讀論語半部歲前又育男爲家兄抱去繼嗣矣近况聊以附聞不佞讀書之功大約在儒言一集字字推求動見世儒辯難多而躬行少擇其闡發聖道言行相符者錄之漸成書矣目次中尚有缺本傳及語錄者各註明白煩門下留心購求之有便寄來爲荷前詩並奉一覽悅心錄再惠二冊贈知交也

答成我存及門書

不佞遵 旨扶病携兩幼子侍老母入都在仲秋之廿二日也前荷相念之雅裁有手書附便南去想入目中邇者慈闈夙恙伏庇稍清獨不佞孱弱之軀衰憊益甚猶作牀頭僵卧人且恐無當於清班而徒依 輦轂之下也行藥讀書選古今嘉言錄十卷時用自警外無他事矣芳訊再來知循理守法安命六字箴門下不忍鄙而置之也幸矣所云閩中師旅饑饉繪圖難盡不佞謂此圖繪之紙上不如繪之心中師旅所在 朝廷之封疆也饑饉相聞 朝廷之赤子也兵餉作何籌畫蠲賑作何舉行濟得一分救得一民於職克盡即於理無虧謂非循理不可也門下不嘗有見得到且着實行去之言乎行之在今日矣至於行善作好事等語加惴惴二字小心守法正在此處善之可以直行者天下有幾事哉必須三令五申婉引曲喻得以行吾之直而已平日持敬爲公二義足下大本領已具於胸中不佞夫復何言者若夫憂勞危苦正是錯節盤根真種子幾見古人功業從安樂而成哉以門下之淡泊寧靜受此 簡書我若不憂勞危苦而舉以讓人其何以展生平答知遇乎

命數使然言之誠是可謂善於安命耳此後之身與
名天自安排何暇問耶惟望珍愛

再答成我存及門書

接得來書及所寄李延平寥槎溪兩先生遺集知門
下按部之餘此心未嘗一日不與先儒相晤對也理
學淵源千載如新當世之鉅公偉人豈無一二師友
步武兩先生者乎如其有之洵可樂矣比讀謁文廟
誓詞大義小心凜乎冰玉趙清獻焚香夜告門下其
後身耶吾輩爲學只是去得欲斷自然見得理真所
示暗室警醒及師戒誡屬吏諸語皆成已成物人我
一體之心父之教子師之訓第不是過矣今申於前
而法繩於後貪風其少息廉吏其可爲乎所謂簡

書之靈也所云行正未足恃爲善尚多危不過就人
情言之耳烏足以盡天意哉近日北闡科場一案受
禍極慘而人心大快未聞有一行正爲善之人陷入
法網者前者不佞亦曾受鈎黨之謗意在誣而殺之
也顧聖明在上公論在朝奇冤立雪矣昨給假歸
里大病幾死請告有例而部覆無例及勉扶入都而
長兒忽殤豈亦誣我者所爲耶且如李琳枝賢聲載
道而大恩終邀又按差中之顯然可見者總之恃
天甚穩愈危愈慎得如翁直指渭公一出至今宣雲
童叟下顧凡翁氏世世爲御史不佞所深信於門下

者當如是耳老母因都門水土不宜今年仲夏令荆
妻奉歸家鄉矣不佞開門檢書不晤一客間中有嘉
言錄之選未能即就蓋以今人之爲嘉言者一時難
子採輯也容奉寄梓行何如曩過湯子問病曾見寒
暄之訊甫一二日而湯子辭世矣安能呼天而問之
極知關念並附一聞

與王允大及門書

昨借看卽抄知門下奉有學政之命深爲色喜憶
門下幼而受業者與公先生也長而受知者不佞也
文章固所優爲矣然其勝任而愉快者不第文章已
也不佞以道義交門下幾二十年稔知枉已而徇人
素性所不爲向來一蔬一醴各相與於世情之外衡
文千古事也顧可容其枉且徇乎况凜凜簡書生
平一日與其得罪於寒儒素士也寧得罪於卿大夫
昔日與公先生之校三晉士芳規具在焉山高水長
曷日忘之且聞門下善事慈闈色養備至奉太安人
之教惟謹太安人亦未嘗不愛其子如與公先生及
不佞者也不佞文章遠不逮與公而澹泊之志竊有
合焉者十四年來並無一事貽高堂之憂惟此小心
耳更不煩爲門下贅矣但思秦地之去敝鄉不甚相
遠恐習知門下與不佞有舊招搖騙詐之徒壞我名
節雖門下深知不佞從無竿牘之事亦不得不嚴防
而密察也至於片紙隻字彼此兩絕若門下有起居
於不佞者亦投之水火不敢開惟自愛並愛不佞爲
望曩所勉者循理守法安命六字箴也今所贈者公
明二字箴也倘異日三秦之地有理學名儒其人者

建大功立大業必溯淵源而論之則不佞之藉光實多矣惟理學遺集敢煩購求者一爲呂涇野先生一爲馮少墟先生也二公著書甚多幸留意焉前惠紬菓捧獻家慈謝謝

答王允大及門書

不佞行年五十有六矣去年九月服闋後小兒遊泮完婚蓋十五歲也次小兒爲家兄承嗣餘尚幼穉此家庭事也今歲起復固不敢忘世祖高厚之恩因有小恙遂欲終焉而已不意召旨兩下誼當赴

闕叨蒙聖眷擢用西臺迂腐書生恐克副言責甚難惟竭盡此心耳此出山事也兩月以來仰見天子勵精圖治聰明寬大無事不念及百姓而臣子之心顧身家不顧民命尚奢美不尚儉約求所以仰副宸衷者又甚難不佞雖不才竊願與士大夫共勉

之此入都事也每年用度約需三百六十兩房租地租計得百二十兩俸薪計得八十兩妻兄李恒嶽每年許助一百兩共三百兩截長補短不隨公分不請客赴席每日一兩足矣此度日事也他復何求哉聞門下偶患臂毒今平矣太夫人健飯可喜諸子讀書可嘉門下念及淵源更當盡心職業藉光尤多僕於閏七月朝日入都茲承注愛並念小兒讀書感謝並候

答孫壽周及門書

前者寄訊丹陽因貴郡爲名醫數可代老母求一良方也不謂買舟在先郵筒未及頃者骨肉關切復從都門覓方於蕭封公其人老成君子不佞向所敬服者也觀其發論鑿鑿對症可知又勞門下精選藥品遣价遠來泡製封函用心曲至不佞爲子而不知醫不孝也門下有以益我矣遂進一介叩膝下代致遠意奉慈命稱謝至再焉不佞適自鄉中與東甌胡氏修輯荒譜歸家越二日值先祠秋祭是日執事之勞盛价與焉不知門下聞之快心當何如也過此秋氣寒松堂全集書簡卷之十

更爽即照方投劑奏效可卜小兒讀論語俱完卜於中秋前三日就外傳承惠衣帽以成人望之雅誼良厚姪子在長兄宅亦能語能步矣附聞長安道上候缺未補之時正好讀書大約理學經濟開卷益人況門下志向不凡同門而外可與馮訥生互相切磋磋吾道其有幸乎諸友近況大槩已悉袁丹叔每有音問到蔚周芑穀甚遠便中煩一訊之勉其山中讀書也不盡

寄孫壽周及門書

前得芳訊知門下有提督蜀學之任不佞喜而自慰者三新闢之土文教方興賴門下有品有學拔孤寒而作士氣蜀之幸也素性淡泊與地相宜人亦諒無責望又門下之幸也衡文之官近屬濫觴辱朝廷而羞當世者多矣能以公且明爲此官重且不令讀書生童唾罵及之飲水思源知不佞取友必端也不佞之幸又爲何如哉自今以後與門下斷絕書函以俟三年而復常也幸勉旃自愛

答易子然及門書

盛介遠致芳訊慰山中不佞見之宛如接面益知門下雅誼纏綿如此其重也閱黔省題名敬竣王事果得淵源之學不僅以八股稱最者門下豈欺我哉憶敝鄉乙酉科亦以兵火之後風教初開兩主司公而且明得人爲前後諸科之冠朱小晉其榜元也王君承禎又安知不頡頏耶喜可知也昨寒門蚤沾綸命榮寵逾涯所不敢忘先帝之深恩者從狂

波烈猷中得扶侍老母以有今日此擬表一通猶冀仰答在天之靈於萬一倘非先帝明如日月則

寒松堂全集書簡

卷之十

四

要人刀俎已加之久矣願諸友立身行道更出不佞之上故諄諄耳門下勉勵有加吾心慰矣夫復何言惟是注念萱闈藥以丹砂衣以絲帛不佞進一介叩膝下且代致遠意奉慈命請謝者再先是不佞與東甌胡氏纂輯荒譜自鄉中歸越二日值先祠秋祭是日執事之勞盛介與焉門下聞之快心當何如也聞厚菴先生予假南旋携譚氏子振宗歸哺漢上夫韶來之有後也天生之厚菴成之片言何足德先生但不佞與先生同學聖人之道以先生班在侍從向不敢折一疑辯一惑然而飲食夢寐未嘗不依依講

席間也今漢南塞北起居更難此後明道於鄉尤有深望頗行煩爲致聲前寄洵詞一書至今未返恐橐中又少一物並希白之爲望更有言者清署如冰勉修職業分光不淺不佞菽水有暇尚以移風易俗爲事吾輩無論在朝在野直一體視之耳孫退谷先生所學甚正是不佞奉爲典型者泉石無嫌問答不斷門下日親函丈近而求之必有所得也先生老矣時不可失敢並及焉

寒松堂全集書簡

卷之十

四

寄袁丹叔太守書

別後憶新政可次第就緒耶 計典在即一切賢否
開報倍加慎重以副 朝廷黜幽陟明之至意又不
俟愚言之贅矣足下素性愛人才重學問生所稔知
也敝鄉絳州有黨氷壑先生名成者隱居閭修不求
聞達其真正理學在吳康齋陳白沙之上曩來官此
郡者勞勞簿書中無暇物色之且不知此地有先生
也足下知之否知之即當式其廬叩其所學敦請講
學於晉山書院倡明吾道教化地方與鄉之士大夫
相與以有成豈不美哉如果真學真品不愧山林隱
寒松堂全集 書簡 卷之十 聖
逸之選即繼李中孚先生而力舉之以見 朝廷求
賢而賢出勿以浙省爲忌也是在足下爲之耳若不
佞聞其人讀其書則敬服久矣王數五太史請假遂
親歸里因便附言別無他及

答徐雲門貢士書

小春惠佳句策勉之意厚矣厚矣雖未裁尺一爲謝
然已錄之佩言集中不作尋常壽詩觀憶庚子仲春
之夢當因氣餒而成僕經學本疎故覓夢猶歎未能
講出一貫之旨也如秀才夢督學較試驚怖而醒終
不成章正此類耳曩因仁兄翻閱五經敢有此請若
大解云云何其門面耶日知嘉言錄不妨詳慎訥生
之論是也但宋儒以後純粹之言幾成空谷之音求
之時輩又不當過苛矣況集中原非道學名目其人
不過善人信人之流於詩文之外利祿之餘有此一
種嘉話醒人心脾豁人耳目未必非熱鬧場中清涼
散也謂在都諸公有嫌可避則可無言可採則不可
暫停剗刷再商之僕嘗屈指同朝共事真狂真狷不
下數人皆僕萬不能及者顧可輕量天下士哉佩言
集非問世之書示我後人足矣倘暇中爲數言序之
願從質也願學堂講書誠如高見此舉成已成物固
非所能獨是桑梓之士溺於八股套中竟不知聖賢
書爲何而作僕若借州大夫之意以共明之即云掠
名亦未嘗不美第恐無益於人而獨損於己欲何爲
乎此亦頗費躊躇之事也鷄黍一約暮春新秋無所

不可仁兄家庭間亦非灑灑無慮時也聞命矣讀送
馮詩十二首公舉也自風美可觀若我輩自爲送詩
宜更真切耳但證一冊與訥生相質者希從實答示
如座上挹清談也僕於臘月廿八日又舉一子因家
兄缺嗣奉老母命告諸先祠彌月時爲家兄後慈心
慰矣仁兄關切等於骨肉敢以相聞餘不贅及

與徐雲門貢士書

前月之信寄至西洪知尊恙晚年之常確非火症可
無藥也慰慰老母承注念更感大抵今年多病迴異
去年膝下承歡難盡萬一當何以益我庸齋二冊又
煩指示費心過多然所以告我朋友之願此一年可
以了矣佩言一序後改者佳但未用曹植一段未免
因老瞞刺目再容面商昨讀近咏備見秋岳公虛以
下交不介而合如此此公海內負重望一旦爲塞上
福星林間臭味喜當何如且爲吾鄉培養元氣大有
作用觀風采詩特其一節耳頃者晤敝州鄭侯云閩
鎮屬僚於其生日有徵文爲祝之舉公也非私也禮
也非情也或亦功令所不禁者屬僕爲文以僕頗
悉生平且都門相知有素原不當辭其如僕之不文
何仁兄知僕久矣凡壽賀之類從未涉筆不容不辭
此鄭侯所諒也繼以轉求相託意在平城矣此則不
容代辭者况仁兄與曹公初交如夙契而下車以來
之實心實政目擊最確口道尤真倘大筆筆之議論
出於草澤之間渾是輿情豈云阿好以視假借縉紳
銜名者天淵矣曹公知足下之人誦其詩而猶未讀
其文也會當三絕又何吝焉若從前履歷僕所知者

奉採及之惟祈台照

寒松堂全集書簡

卷之十

果

答申臬盟書

寒松堂全集書簡

卷之十

果

踈起居久矣頻年老母抱病日在湯藥中塞上無醫粗習方書幸無大誤垂危而安者慈德所致也然僕則諸事俱廢矣所歉者三兄館選而無一言二兄秋捷而又無一言豈但老兄寒溫數語哉每與鄉間親友話及潭府忠孝之篤友愛之真人品之高學問之正科第之盛詩文之雅卓乎備矣惟願清白家門兄若弟互相師友兢兢然善守而光大之居鄉勿履公庭居官勿交匪類奉正人君子爲師爲友本天理良心愛國愛君文章既傳理學漸著要使忠臣之裔大儒出焉是僕區區之所企望者也若以縉言致賀深愧不能矣今年四月因老母大病之後八袞之辰膝前菽水無以承歡乞言一紙纔入長安矣屏間四十八人不可無廣平申子乃時迫路遠不能端請懇三兄一言代之雖不我吝然壽集中終少大篇爲缺事僕初念安可違耶乞言紀事奉上希勿吝二兄方工應制有暇亦賜數言憶四月初六日老母着命服出廳事男女親眷二百餘人次第進觴畢跽告以某詩某文某公所作顧而樂之家庭之間融融如也昨歲重修老母所居之興亭額曰天倫樂事聯曰想白

雲親舍之情誰非人子觀斑衣兒戲之狀實獲我心
敢爲知己道之年來老兄學養日粹著書必多幸惠
我指南拙著日知錄成而未梓內藉名言爲重古今
計五十四人儒言錄輯而未成分大儒醇儒通儒名
儒四類也俱無副本可寄耳今秋得孫徵君訊云會
從中臬老處題數語讀教未知達否幸示巔末弟可
據以復徵君也呵凍率草不盡欲言

答申臬盟書

廣平道上敝州久無仕宦商賈往還其間惟小价每
年一二次入都計舊寓房租囑以必向三兄官宅問
仁兄起居回報安好慰甚不幸去歲遭先慈之變苦
塊餘生勉襄大事三冬病濕幾無人理所抱歉者不
孝曩於太母奠酬有闕茲承三兄致所以奠酌先慈
者不能不感且愧耳在仁兄何闕之有哉捧讀唁慰
無異握手悲傷正不知握手何日獨念我輩所敦者
道誼所礪者學問少年文壇晚歲理路天道之春夏
而秋冬聖教之博文而約禮願與仁兄共之故不憚

言之諄切者頃再得荆園小語讀之知仁兄道力日
堅且日進矣一卷之中不孝作三分觀見未及者一
分見及而勉行者一分見雖及而未能行者一分也
中庸不可能一語其至言乎佩服佩服若以此書廣
布同學人品心術德造無涯再乞惠我十冊勿吝昨
徵君先生三致書見訊不以不孝爲不可語必因仁
兄向在夏峰言之故深信如此自顧生平所學何以
克副耶先生著書兼收朱陸初不可解繼而書來大
約謂隨時補救從易經看出雖另具苦心恐非百世
不刊者也又得伯巖兄消息尤慰懷想但未卜猶龍

乃即能讀書上進否附具先慈誌表二冊奉覽存

答劉千里書

十年懷想尺素難通歸養以來處隅僻地鱗鴻愈少
矣長安道上從不敢一問故人懼干功令然於先
生求友而北半載京邸則絕不相聞也今年三月從
易子然處寄來手函竟讀如晤終以不晤爲悵耳幸
輦下高賢留心學問者尚多不然厚庵往矣誰復親
切而談也哉捧誦內篇字字從體認中出直與先儒
互相發明苦心備至僕獨於學者起志求仁一則最
爲嘆服仁誠敬三字顛撲不破其餘亦半在疑信之
間安能一二面質之而復大暢其說耶僕山居孤陋
寒松堂全集 書簡 卷之十 三
菽水而外粗習方書因老母多病塞上無醫也有暇
謬輯日知錄已成又有儒言錄一書蓋明二百餘年
之理學分大儒醇儒通儒名儒四類各附語錄於本
傳後借以自勵且欲粗備性理之續惜未正有道亦
一缺事也嗣後先生著述爲倡明聖學計凡涉禪語
機鋒懇宜刪去勿貽後人口實是僕區區之誠敢效
他山者高明以爲然否至於僕躬行實踐多所未能
更望先生進而教之復有問者先生北來張開有並
無隻字而台札又未及開有一言吾開有在籍無恙
否豈不重可疑哉願示好音爲慰拙刻不能多寄二

幅三冊聊述近况而已不敢言學也諸望精明強固
爲道自玉

答劉千里書

十年始一通問今再讀華翰宛如握手可亭共商學
問事矣僕自先慈去世鬚鬢多霜無復出山之意
因召下田間告病未允力疾赴闕蒙恩擢用
再補言官夫以五十有七之弱軀勉圖報效心良
多自期不喪生平終是有辜聖眷惟與都門諸君
子約只在立定脚跟閉門守拙反躬自考與人爲善
而已無講學之名可也先生著書百卷倡明聖宗真
不負昔日鵲湖一語但編輯付梓有不可不慎者方
今正學榛蕪二氏夾雜程朱而外門戶各分稍一游
移壞及世道僕有儒言一集不敢輕出問世蓋慎之
也高明以爲何如揚鄂州曠達敏捷大是解人恨相
見之晚惜歸去之速此吾道一真種子也歸舟藉候
並望爲道愛身翹祝不盡

答林二史

庸齋晤教初識荊州竊見執事宦海雖深赤子之心未雜望之則儼然吾道中人也及靜對久之識見極高明議論極誠實留心請益辯論良多居然吾道中人矣別後未嘗不西望而相思也遠承下問足仝虛懷讀書之方及所讀之書曩曾畧言之惟治心並無他長憶某自四十以後粗知力行工夫要從寡欲入手此外有不能到處亦有不肯到處總不敢爲高明道也如台下之所期許抑亦過矣願執事隨處涵養赤子之心擴而充之即終身大業一息千古耳昔王寒松堂全集書簡卷之十

書

答連克昌進士

賤性疎懶素寡交游頗聞海內賢人君子中心向往者久之前敝州諸舍親公車歸來備悉高致謂風雅壇坫而外性情尤非近今可比每一相對如飲醇醪此舍親之所爲心折而樂與也嗣聞下詢拙稿愛屋及烏方愧無以仰副虛懷復勞華翰問及山中始知足下曾經信猶老及諸君之言謬備蘭譜以告者過也夫足下新發之硯也日生之陽也才與學之所詣俱不敢量而又以真性情行乎其間海內更有何詩何文足當一面者乎某時近炳燭矣爲學已晚而況寒松堂全集書簡卷之十

書

賢之道而因以及其文詞敬佩之矣若云已矣無足言矣易政聞命

答夏祇台孝廉書

讀來教謂不肯學而學亦不能通曉則過謙矣謂僕爲當代大聖賢則過譽矣俱不敢聞命若云當自知之一語何其信僕之深待僕之厚也夫人之失學坐不自知耳孔子所云是知孟子所云良知蓋言自知也饑而食渴而飲痛而撫痒而搔人尚不知其饑渴痛痒而況衾影夢寐之間戒懼愧怍之念如魚之飲水冷暖誰知哉僕由此而認之過曰自訟福曰自求孽曰自作德曰自明道曰自得不得賢則自省橫逆則自反好惡則自慊大抵從自知始陳布衣曰真能知寒松堂全集書簡卷之十

之則行在其中矣仁兄之言殆相合也佩之佩之至於來教云理學一端不啻扣盤捫籥二語偶差敢不竭一得以效葑菲蓋理者人心之天理學者第覺得天理在此而行之耳不是別處討個理來亦不是奔向別處學去以我所固有之物而扣盤捫籥無乃騎驢覓驢乎仁兄吾師之子也僕吾師之徒也同一淵源而相資相信諒必垂聽所問願學堂一段公案盡乎此矣幸原亮

與史默之進士書

自足下讀禮以來每聞清恙備知哭號擗踊宅兆安厝心力俱殫大事克襄安得不執箴在疚耶擬携蔬具一解哀戚終以未及大祥而止然而此念積有月日矣近者鄉人傳說病因酒致初不敢信繼亦不復疑華宗貴親嗜飲居多進言必少或因卜葬之後餘慟未息載酒相慰者有之竊昔謹持之心未勉因人而弛此僕所以惕然而自咎者也夫責善告過朋友事耳以足下平日謙厚視僕在朋友之上未嘗不期其相規相勉而僅以一日之長加於體貌間也又未嘗不諒其平生好直言非諾諾於他人之是非者也又未嘗不愛其待人之誠且敬而樂與爲善也以僕今日之事則大事所望矣足下素有酒興僕頗知之而居喪後之飲與不飲莫得而知也日以病聞矣僕又知之而病之在酒不在酒莫得而知也第據所爲傳說者則確甚焉豈足下讀聖賢書而不知麴蘖之爲害乎溺於杯中物而忘先人之遺體乎舉南宮之捷而輕擲之君恩未報獨不一顧乎諸第甫露頭角志搖搖無所向將聽之已乎凡此皆僕之欲信而復疑者也惟僕之愚狂未竭故足下之胸臆難明說

者又曰慕劉伶阮籍之風也僕竊惑焉夫伶與籍不得志於時者也托於酒而逃者也千秋而下所嗤爲放者也足下進身之始匪放蕩形骸之時儒雅之流豈比附荒淫之輩鄉人之言過矣返躬自思伊誰之咎謹以嘉言別錄一冊奉陳左右此數年所集節飲却病之效可展卷而得之也僕言不足重亦不足恕惟足下重古人之言而恕鄉人之言僕幸甚矣若曰愚不諫賢僕曷敢以諫自居也哉

上李穀可巡憲書

僕人微望輕居恒好論人物利害曩聞執事大賢君子也海內推許久矣晤張伯珩先生言及人品心術爲今日第一不但一方之福星實安社稷之重器也伯珩豈欺我哉近見下車以來清操惠政大法小廉三尺童子無不稱爲好官者雲中一塊土如在春臺之上矣蔚州則部內地也受福尤多感且頌者寧待言哉顧縉紳父老之望而欲遂者台駟一巡歷此地得以盡言其情耳不謂君命榮擢啓行在邇矣地方艱苦情形有執事知之而未嘗見者敢一直陳

寒松堂全集

書簡

卷之十

李

上官鋪設不問他郡邑而問蔚州錢糧完解不先他郡邑而先蔚州協濟取足不責他郡而責蔚州衙役催提不喜他郡邑而喜蔚州獨豁除荒糧徧及他郡邑而竟不及蔚州何也均是朝廷之赤子前之察荒不報者獨視蔚民爲瘼外忍令之死耶今逃者死不敢歸荒者死不敢墾城市村堡之間房屋折毀者多矣修蓋無有也衣袴不完者多矣綿絮無有也此地縣可知矣猶曰好蔚州好蔚州此其實累而名似美者也大利大害真難真苦民命所係者遇大賢君子而不言更言之何人言之何日乎諒執事至誠愛民聞之必潸然淚下矣所望晤諸上官或後來當事一備悉艱苦爲民請命而急救之於倒懸者惟執事是賴也樞從不敢爲他人致一書而特敢直言切望於執事者以平日相信之深今日下問之便耳幸垂察焉蔚民歎四首附呈教覽

寒松堂全集

書簡

卷之十

李

上曹秋岳憲副書

絕塞春回君子道長豐年之兆當從人事卜之樞之
菽水耕鑿有餘適矣昨辱垂念深慰慈闈老母今年
七十有八食僅一盂步惟一杖更無足以得歡心者
幸托餘庇敢報平安若地方之窮而且荒猶有家人
父子之樂孰非執事仁愛所貽耶去歲秋災得沾
浩蕩拯恤之意無地不周哀此窮黎漸有起色執事
直家視雲中矣頃因地震虎豹之異循省不遑採風
下及當於古大臣中求之樞仰承明問謬進狂言今
日地方有不得其平而鳴之者不在民而在讀書之
輩矣夫邊地惟讀書最難難養生一也難買書二也
難進學三也其富貴之家不須讀書而進學者不與
焉况三年一考收錄不過五人十人孤寒寸進比於
登天往往父師之訓子弟者廢書而泣仰天而號曰
積書不如積金何日撥雲霧見青天乎今提學未經
按臨頒布條約極其森嚴可規公道而雲人之惓惓
期望者以有執事在上地方招搖假藉之惡習或可
少止也但從來干王章而壞名教多由敗類之鄉
紳不顧士民之唾罵固執事素所洞悉者樞適值家
居驚聞道路之語不勝駭然惟有杜門靜聽伏念士

寒松堂全集

書簡

卷之十

李

寒松堂全集

書簡

卷之十

李

首四民風教關焉執事愛地方之民必愛地方之士
士風一壞恐大君子萬物一體之心有所不安也近
聞東鎮蕭公較士鐵面冰心盡絕請託榜發盡是孤
寒一時兒童走卒祝世世公卿不置口然又多彼地
之鄉紳有以成之也執事有體有用海內仰爲泰山
北斗豈無所以制鄉紳之劣而成提學之高者哉雖
提學自能公道然而相與以有成全賴執事維持調
劑於其間下以息道路浪傳之口上以昭朝廷取
士之光要使荒涼邊塞不絕讀書種子十七學中猶
有識字秀才足是執事三年來家視雲中之一大關鍵
而亦樞三年來不負故人不欺前輩之一大關鍵也
高明必有以處此至於樞迂腐無似世故不通門以
外保無假藉招搖者乎竊怍懼焉祈執事留神察
訪得實則置諸法無令膝下之名節不全以貽老母
憂幸矣不覺娓娓言之前承大教篇篇少陵美于生
一章亟請付梓欲爲鼓勵人心計也且拜且祝

答曹秋岳憲副書

捧讀手教仰見執事慮周地方未嘗一日忘雲中赤子也前者敝州未邀浩蕩定因薄收而無重災不得附在諸郡邑之列然而分賑代輸苦心備至矣感戴何如幸今歲秋禾甚茂不意隕霜頗蚤田似成熟實爲虛耗苟力請入告民心允協矣第未知八月秋災於部例允合否也僕記憶事例不確未敢懸對仍望高明裁酌之至於常平賑饑誠爲美事但輸粟於前而變價於後士民委以爲累難逃洞燭而衆口叢叢歸咎於僕及諸孝廉之首倡此皆鄉愚不識大義者也可無問矣若古義倉之舉僕曩同鄭侯課士發策曾問及此里人率謂難行言詞甚鄙大約澤鴻甫集升斗爲艱稍有積餘又屬陞吝故諄諄疑僕爲多事也頃見執事籌畫周詳萬物一體後來利濟未可預卜而一時驚弓之鳥開口便是難局不領於官則徒成畫餅領於官則又多一常平矣目擊羣情敢率下問今日風俗大抵皆然言之浩歎不特此也從來捐助之家名曰義民邇來名爲富家此二字者足以殺其身禍其父母妻孥而有餘故視捐助如陷穽然蓋不得不避也如近日太谷縣人吳姓枉告蔚之

富民州衛幾二十家夫以千里以外之人戶墾田產風馬牛不相及也蔚人之父子男女聞者莫不寒心即在僕亦幾幾抱杞憂矣此等刁風一日不杜此地百姓一日不安惟執事留意焉雖因臬司濫行准理然而造福邊民則大君子分內事也復娓娓言之乞垂察不盡

答劉貞吾總鎮書

再承大教永禁民間運炭一事誠蔚人之福也在執事本無沽名之意止期革弊甦民足矣而蔚人之勒石者蓋爲實非爲名也初亦不欲以勒石聞於臺下而涉於沽名然不過代言輿情耳愚見淺薄悔之何及雖然陽禁而陰取前禁而後取皆曰沽名執事實禁矣永禁矣何云沽名乎且美事之必有名如芳草之香明月之影也顧安得而辭之若止以運炭論上官覆被地方一薪之產理當供應而不知催辦之輩得此奇貨號爲美產逐堡沿鄉指一科十不美之名

寒松堂全集

卷之十

李

答朔州侯侯書

曩因賢聲如雷貫耳友人解法周曾言爲民請命與上官力爭派荒爲熟之一節佩服益深近從敝州李侯得讀丁祭考議一書此又執事經濟文章也僕敬如神明矣他人一登仕籍日逐逐錢穀中不復知禮樂爲何事聖賢爲何人即孔廟祀典輒故事應之考議者幾何哉僕再拜再讀不獨於古循吏中求之更當於古大儒中求之矣承惠二部一以存學宮一以存書筭其書內字義稍有差訛者大抵梓人之過也惟樂章徹饌咸和之曲維清且旨登獻于三二句似誤以本章句多而前章句少且失韻也按會典果在第四章酌彼金罍之下或不可不改正者希再檢正至敝州學文廟木主年久殘缺僅存一二瞻拜之際心爲惘然今正在考修而刊書適至殆有啓之者耶且大叙云書爲范太乙先生所訂此公言行不愧庶席僕藏其第經八行圖說諸集即擬剞劂以續於孝經之後先製木主祀於文昌閣上躬率士庶尸祝之惟從祀有待夢寐不忘知執事重其人乃敢贅其事耳近刻八種附覽聊代咫尺一晤實非經濟文章之可比也年來奉母山居於當道槩不敢通一刺遠承

寒松堂全集

卷之十

李

惠書誼當裁謝解紳托在棠陰之下頌德尤多嗣此
惟神依左右而已

答蔚州鄭侯書

屢勞賜顧昨登堂謝教不覺又作長談蓋今日賢士
大夫之肯談理學者不可多見幸執事美質好學超
悟非常僕雖以他山之石願效攻玉而反蒙啓發獲
益良多在俗人視之不知所談何事也僕寧敢避嫌
哉及立談時承諭壽屏借用僕姓名一節此固執事
重之愛之使姓名達於上官之前文章附在名公之
列豈不甚願然而僕爲人之拘謹行事之執滯執事
知之最深即欲擴大之而不可得也如屏幃之禁僕
於邸報中已熟知之且詳錄之矣昨蔚士民躋公堂
寒松堂全集 書簡 卷之十 七
而上壽率皆出於衆情可由而不可知也僕日處執
事忼懔之下姓名不敢與豈忘其德政之在蔚哉實
因日日奉教只有致知格物躬行實踐之學互相勉
勵耳執事現在仕途或有不能自由者僕家居之人
謬辱執事講堂一座每愧格物之未明躬行之不逮
曾以此而致辭並辭刁先生且勸刁先生僕獨不自
持乎況去歲蔚人欲爲執事立德政碑僕遂令止之
雖不言其何故實爲現任立碑是 律令之所嚴而
非循良之所尚也惟闔庠立願學堂碑記其名頗正
耳僕之敬服執事者不獨以循良望之竊以聖賢望

之矣今壽屏一箴出於諸郡邑之公舉僕雖不能力
勸而寢其事亦不敢不爲執事直言而正其非若借
用僕名姓又執事主之以格物躬行之大義裁之可
耶否耶至於管官假借當道姓名武人何知無足問
矣惟執事高明另有達觀慎之諒之是所望也恃愛
一字不欺文稿容細訂另復前致刁先生書稿附覽

答蔚州佟侯書

前聞太夫人清恙隨附書奉候想已大安高年以調
飲食和脾胃爲第一妙方況執事色養全備舞綵承
歡體慈闈之心造百姓之福入爲孝子出爲慈母以
此而格神明不卜可知也近日夏稅秋糧一事或外
阻於督撫或內阻於部議以致聖主之膏澤不下
於民仍使百姓受正月開徵之苦而臣子安享爵祿
之榮愧耶否耶至僕忝居言路未能盡職大負國
恩不如犬馬即早晚罷去願與編氓同甘苦爲盛
世輸將租賦之人又素餐之一鑒戒也久知執事催
科之中妙存撫字蔚民固幸甚矣但閱撫軍達公疏
云晉省從無夏稅秋糧名色心竊異之如敝州夏秋
地糧其名已久買地立契隨帶夏秋糧石若干昭然
可考前執事因比較之便暫改一條編仍須存夏秋
之名異日或可邀緩徵之恩耳至切至切附具茗
果鮮菜煩致尊堂代候起居不盡

答耿逸庵書

友道人倫之一也知固難交亦不易如不佞之與湯荆峴知之一日而交以數十年者也乃與先生知以數十年而交則一日遲早有所分傾慕無所異也憶昔同在班行覲面失之亦足見吾輩之落落難合矣京國傳聞先生人品之正學術之醇自非過情而不佞終未目覩故淺深莫窺景仰徒切耳今幸不吝指示得從諸刻中一一領畧始深知其爲躬行實踐之學也益肅然起敬矣吾儒之學大抵腳踏實地而以虛心入之若駁古人騰口說都是虛脾終日終年決

寒松堂全集

書簡

卷之十

七

南之累耳姑臆言之不取地方一錢不徇鄉紳一情不縱吏書一事不尚聲伎遊覽一種不入詩文交遊一套此五者荆峴所優也民無累矣然而屬官有朦蔽有貪婪有關革民累一錢糧有侵那有預徵有私派民累二地方有過往有抽豐有關說民累三鄉紳有把持有包攬有交通民累四旗兵有窩盜有勾逃有營債民累五五者江南之牢不可破者也在荆峴明知之有不能不力挽而施救者矣救得一分則百姓免一分之累荆峴亦去心中一分之累此其不負天子不負所學也至於寬猛緩急之間必有成畫

寒松堂全集

書簡

卷之十

七

在胸中且以言笑不苟之端人猶有敢於犯之者吾不信也高明以爲何如不佞恪遵 功令大臣不許與督撫司道拜往接見乃竟不敢與荆峴一別茲承先生虛懷謙下以刻集問學於不佞是問道於盲也愧甚因率復謝教不佞六十有八頭暈發迷老病無能爲矣惟望力學敦行爲道自愛不佞晚得良友幸矣幸矣荒言八紙聊代面談臨筆神往七月初十日具復

尺牘

答宣督佟滄涵

前辱大教具悉造士盛心感可知也塞土荒涼民生
憔悴兼以逆變之後求所謂保妻孥守墳墓者十室
之中不過一二即有砂田數畝無力可耕又安得四
壁蕭然肯讀古人書者哉執事既以不擾民爲整理
殘疆之要領妻孥墳墓漸漸有之而又以科名鼓勵
我邊徼士洵覆載之仁矣嘉惠再頒將謂某前日之
所辭爲過矯今日不妨作兩截人耶是執事愛之深
而知之淺矣藉手歸上幸諒區區尤感明德昨者先
寒松堂全集尺牘卷之十
布謝
君子入祀鄉賢仰承褒誨懸之家乘百世爲光另容

答晉撫劉勉之

自捧 詔竣暫歸旋即入都憶執事立身行政不在
古大臣下某奉爲典型者匪一日矣伏思身在言路
以正直忠厚爲本一味愚戇無補 興朝固某數年
以來之大愧也若索人之小過忌人之清操擠人之
孤踪污人之大節尤死不敢爲者恐得罪於 天日
得罪於 君臣得罪於衾影夢寃莫可得而贖之矣
至於執事廉介自持肝腸如雪嘗言生平所見居官
之家祖父喪心取錢欲爲子孫百世之計而子孫蕩
費只如糞土不旋踵而大禍隨之此執事自愛愛人
之格言也尤當書紳以志不忘若一切是非毀譽悉
歸於 天與命而平心處之又何慮哉頃者循資量
移深有蚊負之懼所自信者心則無他守則益堅耳
過辱雅貺尊者之賜也曷敢槩辭然今日之不恭實
遵明訓正以尊者諒其心而他人並絕其迹庶幾可
以信朋友而答 聖明矣仰希慈照

寒松堂全集

尺牘

卷之十

七

答江督馬擎宇

仰承大教高誼虛懷似欲委節鉞之尊而下交者所愧碌碌庸人材識謏陋乏尺寸之長答朝廷而慰知己其何以仰副大君子垂問哉惟願大江以南水不揚波人人從春臺上歌咏太平農桑雞犬之樂無復有蠹而擾之者是治生之所爲切祝也嘉惠完上惟有中心佩服耳

寒松堂全集

卷之廿

七

答漕撫王清遠

猥以疎庸謬辱夙愛拜讀翰札下問殷殷仰知執事不遺葑菲念國與民而望之切也敢不佩服江南今歲之漕倍於諸歲今歲之災又倍於諸鄉執事甫清難破之極弊再極未有之奇荒西北數百萬軍儲與東南數百萬民命胥有攸賴以視某之空言而罔濟者殆無足爲高明道也方今聖天子日月遠照朝野之人爲明公加額久矣尤願慎終如始焉

答秦撫馬勉吾

執事今日之韓魏公也自節鉞入關鴻猷益著以凜凜冰玉之操仰答簡書表率屬僚合朝野滿漢千萬人之稱述如出一口仰之敬之某自愧薄劣謬辱記存永言佩服但嘉貺下投實以奉教於君子者有日槩不敢嚴於愛人而寬於自愛也伏祈照察

寒松堂全集

卷之廿

七

東張次先學使

卧病日久奉教全踈頃聞新除未能躬謁殊爲歉然執事以名家夙望司中士文衡行將起衰革弊絕情面而拔孤寒固僕之所爲切望者僕硯拙自守仰遵功令從不敢走一使以瀆交知或亦知己所共諒但恐中州密邇都門道途易達如有借通候之名行請託之計者必小人之假冒也吾輩名節所關幸嚴察之尤感至愛

與厚庵先生

瑣事未結謝客遠嫌枉車後不即掃門歎可知也譚子韶來不超天胡可問伯牙之琴已立碎矣若其旅魄策策非賴先生骨肉之將安歸乎昨辱手教知棺殮不誤此時似可無費僕薄有贖金爲渠視歸之需先送先生處貯之日來痛思韶來成詩十律天高霜老情至無文先生固韶來之范巨卿也不卜揮淚之餘肯一斧削否

與施尚白西曹

與施尚白西曹

序逢好月客乏高懷掩雙淚以剖瓜謝孤光而閉戶長天雁過不聞砧杵千家小院風來知落梧桐幾葉乃藉騷人之雅韻聊述遊子之深愁愧堦下蛩音牽而不斷警牀頭寐語夢且未真總無當於吟壇敢妄呈於執事

答郝雪海

廿年不及一晤自是缺事茲讀丁未見貽一書何必覲面哉南北海此心此理古今來此人此學只是知之真行之力一切超脫捷悟吾黨所斷然不敢爲者也先生既取其言與行備者而學之矣今日之遼海視昔日之龍場必有過之者幸爲吾道勉旃僕且老矣無能爲矣再入長安惟以職業酬應爲學問妄謂即事即理並言語亦可省却雖一時諸君子留心此道尚不乏人而仕宦中必能立定脚跟不爲一切奪去者乃可謂真人品乃可談真學問矣僕亦常與互相砥礪有存諸心而不敢出諸口者惟友已自修與人爲善八個字耳未審高明以爲何如熊青嶽學士學極正論極確著有閑道錄曾寓目否惠來諸稿容細讀之晤教何期終爲悵惘

答王麗五同社

前讀大教中心藏之矣僕量移以後凡至親密友片紙不收 天日鑒之師友知之獨足下不我信乎僕以肝膽答足下而足下以儀文應之將視僕爲何如人所望足下相照以心不必求之區區交際間也僕近況何足爲知已道然亦惟足下知我爲最深孱弱之軀既無濟於國事愚拙之性又不合於時宜每臨節序倍念鄉園老母心牽遊子藥餌難廖不識何日進膝下舞斑斕矣遠辱注問言之不覺其切耳

東松堂全集

尺牘 卷之十

全

答張綠雪同垣

瞻望日深魚書難報三尺虬髯少帶霜雪否曩聞江上風濤惡甚唐公以忠信勝之 天固可問哉言歸里門斑斕寂水諒不輸長安道上緇塵矣但足下抱激切之情負剛直之氣竟無李裴其人者薦之 帝右元膺何損乎調補謫遷明綸赫赫垣中咨部者惟足下一人耳湖海元龍區區不敢測惟靜觀於大君子出處之際是所自慰也

與袁丹叔及門

循理守法安命固不佞之平生也書之座右以自箴云贈門下亦不出此今之良二千石 聖朝所重也濟兵民籌利害誠屬吏相與以有成者是謂循理一介不取一介不與輸運無逋欠賢否皆以平心衡量之守法矣人不負官官去留直聽之耳他人或捷足吾寧守拙以俟天下之公論清議自有命在也不佞立身立 朝只以勿欺爲主每清夜自檢有一事不可告人者即欺也願門下亦力行之此後當令愛我者起敬而惡我者增愧矣近來 功令嚴切不佞奉東松堂全集 尺牘 卷之十 全

與沈季子及門

天末音信稀少兼以恪守 功令未能裁訊書中拮据勞瘁係全巖疆六載飲冰偃蹇如故等語固足以報 朝廷而慰知已矣若遷擢之事命所定也直聽之可耳不佞素有六字銘曰循理守法安命願與同志者共之前聞門下爲地方受過微有註誤近閱邸報內各省俱有 奏明叅罰諸疏仰見 聖政之寬大未嘗以原無姓名之盜賊久累人才也真門下之幸哉獨不佞報國無能養親有愧所自信者誓不收親友片字雖及門聞問尚在情理中者悉絕之正恐東林堂全集 尺牘 卷之十 全

諸君損其清俸無以養廉也不恭幸諒我

答張開有及門

作吏維艱又值繁劇風塵之狀果何似乎所信者家有老親守身如玉孝子之心較世人以富貴榮親者大相逕庭也不佞矢不受及門一錢不通外官一字正所以慰高堂倚閭之懷耳門下得無相同耶令親手畫羅漢爲宰官現身說法意深哉絀出家纖非官中物也勉留四疋以供春服餘悉附還幸諒我心拙詩二幅率筆言意諸惟珍愛

東林堂全集 尺牘 卷之十 全

答聶輯五同年

驄馬西行每深懷想所不敢以尺素候起居者祇因恪守 功令誓於寒暄通問悉謝絕之遠辱相念心矢明德酒資藉手奉還非自外也諒之諒之惟望執事執法如山守身如玉愛民如子去蠹如讐誨屬吏如師之教第閱招詳如弟之親師薦舉賢良如讀古人得意之書 君命可以不辱矣僕近狀碌碌有循分盡職已耳何足爲高明道哉

答孟淑明先生

張益野入都再接手札知先生功成身退有合古大臣之所爲小子輩豈能管窺萬一但此後去函丈漸遠望生成益深所賴珍攝起居一以慰海內之仰一以慰門下之懷此某所爲惓惓切祝者又聞世兄里選拔尤德門之報庭訓之昌喜可知也念某兩年以來憂讒畏譏心膽欲碎老母年六十有七自昨歲驚疑成病望兒眼穿迎養既艱省視不遂寢食湯藥日夕牽腸豚犬育於壬辰之冬今逾兩週漸能言笑少慰慈闈辱垂問而並及之若某升沉毀譽隨遇而安其如高堂白髮何哉言之泣下矣

東松堂全集

卷之十

書

東劉紫封明府

僕素性寡交於人落落難合若氷炭然昨東谷先生座間得接叔度知爲東谷先生所友也敬之再發佳集讀至謝絕請託一論謂與其得罪於民也寧得罪於鄉紳大吏中流砥柱今日見之吾師乎吾友也擬十九日齋中置斗酒奉教

東松堂全集

卷之十

書

與易子然及門

接來書知門下愛民造士疏引通郵斑斑皆惠政也在門下固不我欺而不佞信門下之心尤勝於信道路之口循理守法安命六字門下其力行矣敬服敬服清俸僅足自贍分以惠我何忍受之且弟子之報師長以立身行道不辱門牆爲尚儀節非所尚也祇登葛布用驅炎暑餘悉附還老母入夏以來飲食倍少晨昏缺然不孝之愆無可免矣承念志謝

與馬步先廣文

朝廷設學校之師以訓此一方士率皆老明經爲之日暮途窮神昏志惰教思無望矣間有孝廉就教者一列廣文便自謂曰我乙榜也不與人同州縣官亦往往推重之以批狀詞通請托爲作輿以交劣衿恣狂態爲踈放嗟乎孝廉之稱自此衰矣何足爲師耶今日之用甲科者特例也其前途遠大所謂作輿踈放者固不屑爲而吃緊在孝弟節義四字循循誘人察諸生內某某孝則敬之某某弟則愛之某某節則表揚之某某義則崇獎之務俾人人聞風而起吾道

與松堂全集

卷之十

金

尊矣吾職盡矣濟貧扶弱其次也講學課文又其次也至於開報行劣如賭博武斷顯過可指者聊示薄懲予以自新其一切閨闈曖昧之事不得妄聽傳說指爲過端本以興教化而反以傷教化也慎之慎之每得一孝弟節義之士則書其名告於先師紀其事粘於明倫堂壁與衆見之其爲玉筍令兄所詳言者不敢再贅

再答王麗五同社

頃聞足下差竣入京持籌之勞可暫息矣慰慰遠辱相念感同骨肉僕病狀前已附聞近於五月間方能起床徐見風日矣又恐精神不旺難以遠行乃復重加參耆期於步履稍健六月內即扶掖北上倘一息尚存庶幾仰答君恩於萬一也獨念慈母垂白未忍絕裾而往知己者當何以教我佳惠出於至愛但清俸如冰僕林泉無所事事之人曷忍妄分耶心矢雅誼足矣晤教伊邇統俟面悉

與松堂全集

卷之十

金

答蔚州曹侯

鄒子一書乃敝州先輩理學未與俎豆之列者也其書垂百餘年今得授梓特敢呈教更藉表章古人所謂藏之名山傳之其人者知執事有深念耳聞清操惠政內外著聲願天下之爲民父母者盡如吾蔚羅亦治平之象矣僕子民也歲事不敢獻一片又辱佳貺分不當辭伏思執事冰玉之心與僕硜鄙之性不介而合已非一日矧功令嚴切遵奉惟謹雖云交際之常然分所當却亦可心相照而迹相忘者也

與蔚州李侯

昨辱枉問抑鬱頓聞德音之重於藥石可知也日來狂風捲沙麥苗枯槁農家望春雨久矣今入夏燥熱似有旱徵邊地水田絕少沙磧頗多十日不雨即無麥矣雖藉執事仁澤晉徧民心不甚驚憂若月內霑足是即一方之福也不則豚蹄之祝亦何益乎乞執事俯詢野老量此時需雨之緩急作何祈禱古人反風渡虎之政將再見於蔚蘿矣

寒松堂全集

尺牘

卷之十

全

答裴晉卿先生

病後筆札久廢每憶崑崙深處有知己買山地把酒獻碁傳經課子種種皆人生樂事奇功偉業又何足易汾上一溪雲哉清恙未瘳補官亦可稍後獨僕歸養未卜曠官自羞敢言之氣傷矣如長者教之愛之豈所望於懶且病之人乎惟念聖主在御想見太平求人心奮勵滿漢協和足矣吾鄉撫按兩公皆一時之賢長者可常常而見昌言地方疾苦耳

再與王允大及門

不佞愚拙甚與門下之勉於道義也非一日矣每事不可以告人不可以告人者皆不敢爲愛名節而重身家實所以安老母之心不敢灑遊子之淚也不佞屢以清白報知已使天涯落落之人倘有諒其肝膈而畧其形骸者即大幸矣遠辱來訊知我更深能無感激但清俸幾何分以贈我不識門下何所賴以自贍乎若因交際難割有毫釐取之地方者不但壞門下清白之操反以貽不佞門牆之累自愛愛人俱失之矣宜以爲戒嗣勿再來門下勞於簿書已久此

寒松堂全集

尺牘

卷之十

全

與周芭穀及門

別况各懸音問遠隔幾年矣不佞前歲子假歸省抵里甫兩月幸老母病痊不佞忽大病卧床者十閱月幾至不起當事代題請告因引例未合部議不允勉扶入都無缺可補半年無薪俸之養入口有索米之艱從家鄉湊泊資斧迎養萱闈以供菽水庶免兩地憂牽亦可就醫調養杜門謝客檢藥讀書不問門外事也斷絕交際之初志堅不可奪惟幸而慰慈顏者又生兩子不幸而傷慈心者反殤長兒或亦生不德之所致也若一官之遲速有無聽之彼蒼寒松堂全集尺牘卷之十

答易子然及門

門下茹苦山城已閱四載可謂功成九仞矣諸宜慎重自愛以俟循序而進是所惓惓也馬齒漸長百無表見惟有恪守功令冀免愆尤以慰慈母之心耳衣紬以遠寄領愛極感綈袍別惠萬不敢留藉手完璧吾輩居官同一畏法愛名相與有成者也況清俸幾何弗能自贍而復分以贈人不佞何忍乎嗣勿再及尤感至誼即筆札寒溫亦可省却此何等時而猶在形迹之間論淵源之誼耶念之諒之老母旋里賤內侍歸遊子天涯別無佳况草復並聞

寒松堂全集尺牘

卷之十

年

再答周芭穀及門

門下罷官後平安歸里菽水承歡人生樂事也暇則教子讀書萬事足矣獨不佞依依闕下未能報稱已負聖主留用之恩老母在家為遊子籌畫資斧不遺餘力米麪油鹽之類悉累慈懷惟終始克勤克慎斷絕交際必不敢受人一物以貽高堂憂此心聊可自安數年心事門下知之已久况躬耕所獲養親弗贍不佞尤不忍分一粟念之諒之嗣後片紙隻字不宜輕入都門古人道義相成原不在區區形跡間也世亦安有以疎節之過督及林泉者哉

再答張開有及門

楚水燕山與門下不相聞問者二年餘矣門下罷官歸里於心無愧救水之樂若將終身乃猶有宦情未了耶七旬老父白髮垂垂諒不願遊子遠去天涯也萬一宦途嶮巇貽高堂之憂平生所學何事而顧忍爲之乎居山之與出山在門下審慎而行之不佞老母亦七旬而不能歸養不孝爲甚曷敢言門下之非前因在籍抱病請告未允惟有 聖恩當報耳不復言烏哺之情也從家鄉運送米麪設處資斧以餬口於長安道上斷絕宴會交際書簡之類所以安臣分

寒松堂全集 尺牘 卷之十 李

慰母心此外悉聽之天命而非人之所可料也老母里居荆妻侍奉幼兒甫育長兒已殤薄德之人有何佳況但齒日加病日積勉強支持苟存視息耳辱念一聞之方今 功令森嚴門下或知之未悉諸九片紙隻字寒溫數語俱不得輕入都門其關於名節身家者不小吾輩凜凜恪遵未可忽也貴鄉縉紳大夫統希布而知之爲望

與湯泰瞻同鄉

屢詢貴治風景知近來賦日少民日多公事之暇鳴琴種花無不可者或 天之所以愛廉吏俾一味窮苦一念仁慈用之於極難極遠仍與他邑之極劇極羶不作兩等觀也守我生平撫我赤子以答 天心足矣接書深感相念且悉近况甚慰但僕與門牆諸子道義之交也從不敢收一物茲因來紬出自家織特領其一告 天可無愧也附候不一

寒松堂全集 尺牘

卷之十

李

東畢亮四同年

長者僕之畏友嚴師也聞賢聲與岱嶽齊都下紳士大夫及兒童走卒之口無異說知非邀譽者昨卓異之選與同榮不與何辱哉僕常問客某某做得官否曰做得又問做得人否客無敢答者做官做人是一是二耶高明聊當自慰僕之畏且嚴益不敢稍後矣

答申臯盟處士

林密山深故人高卧喜可知已客春聞有都門之遊
適爲僕歸里抱病卧床時也伏枕請告幸當道代
題謬謂可以終老丘壑常在慈母膝下矣嗣因却覆
不允扶病來京檢藥抄書閉門謝客既無田園之慮
復近市朝之間官守言責都不干涉又謂可以依光
日月稍慰慈母憂懷矣人之相知貴相知心如佳句
所云宦小得容身行藏問老親鮑叔知我哉日來與
殷伯巖坐十懶齋中促膝清話進我於道者頗多猶
恨相見之晚且山中有事不及慰留足下贈我以友
寒松堂全集 尺牘 卷之十 書

答劉千里貢士

別後勤思道範殊切鄙懷以 功令森嚴不敢走尺
素且奉老母慈命書札久已謝絕坐是三易寒暑不
聞起居何似也惟期晚年留意性學接先儒嫡派蚤
有驚湖之望耳僕近來向學頗專一切情緣毫不爲
動獨念老母垂白乏膝前菽水之樂又無尺寸長以
報 聖主知遇其去道也遠甚自顧生平步趨古人
者何在竟茫昧至此因採輯儒者格言彙成一書名
曰古今嘉言錄其於存心養性立身行已治世安民
成家教子之類悉備焉步之趨之頗勝於詩文之務
寒松堂全集 尺牘 卷之十 書

華而亡實也惜不能奉足下一裁正耳倘靜中有所
得幸勿吝示辱芳訊至如肅坐可亭對長者鬚眉矣
來詩四章其衡陽之蒼松古栢乎敬聞教

答喬白山同年

數載聯床之兄弟留滯金門者尚有僕一人在辱煩
記憶惠我好音感可知也札中教之愛之道義懇切
許僕以大賢之名何敢當此夫所謂大賢者進之有
益於朝廷退之無愧於菽水而僕無一克盡焉惟
有恪守功令保全身家而已坐是交際燕飲贈答
之事無一不廢朋友一倫至僕更不可問足下曾見
古之大賢有制行如此者哉過矣若僕堅守之志矢
不可奪昔薛文清公云每顧遺體之重未嘗一日敢
忘先人仰止有懷此心此理也聞足下萊綵之餘讀
寒松堂全集尺牘卷之十 案

書不少復寄情於山水數術之間高風可挹有何毀
咎而省察若是其嚴耶寡過之學難爲量矣僕近日
工夫以寡欲爲事亦能身體而力行之然共爲君子
之心勃勃然動於中妄有古今嘉言錄之選蓋集有
明至我朝儒者語錄而成書也編摩二載將以問
海內之共爲君子者矣白長洲先生集藉重佳叙僕
得附驥以傳願示一帙近刻三種並呈教削

與王東臯同年

僕志大才疎無當世用忝附同年碌碌不足短長辱
朝廷而羞知已自知明甚躬耕養母異安愚分不謂
蠹朽之材聖朝不棄扶病而北勉綴班聯主恩
厚矣真感極而繼之以泣也入都以來竊見賢者在
位君子道長慶幸之私形於顏色緣僕大病初起長
途濕熱孱弱之軀委不能勝以致手足腫裂膿血淋
漓望闕瞻依身難赴部走役投遞職名循徃例也
細人沉閣曷足深怪今閱五十日矣而見朝終無
定期禮云出必告行反必告面家庭且然况君父
寒松堂全集尺牘卷之十 案

之義乎昨辱足下枉顧榻前方知說堂必須印文保
結此或未經申明之近例也又僕詳閱吏部准假原
劄止云假滿赴部並無起送保結字樣似乎京官假
滿較之服闋還職等項防短喪防假冒者例有不同
也且僕非無印文也總督咨達吏部內開起程赴部
日期頗悉說堂之可據不可據非僕之所敢知也若
兵馬司保結之說特不得已者而曲爲之計耳僕地
非原籍官非屬下突然而乞保結未必即與與矣而
京堂末員手持小吏片紙以博一官亦傷吏部之體
也敢煩長者再一熟思之僕惟有仰遵赴部之旨

扶掖見部靜聽酌奪而已此後之事安於義命不敢問矣亦知非足下職掌因叨知愛又景高賢故責望之如此輕瀆之罪伏祈垂察矜宥

答郭元庵分憲

每憶清節直聲在瑣闥間補闕拾遺以補某謏劣之不逮顧亦有淮揚之遺雖爲敝鄉占福曜而實爲吾道感晨星也扇頭拙句情見乎詞矣近以功令嚴切引嫌未敢裁候頃接大教依稀正色左掖時抵掌天下事也折慰如何雅贖出於尊命分不當辭所歉者執事下車雲中某未展一賀按臨蔚地某未獻一芹即高明不加督責返之子民之誼其能安乎非敢却之却之自取不恭也至某給假一年卧床十月於地方之事如在夢中無所知者惟願執事提挈綱領表率羣僚擴下問之虛懷採輿論之公道始終不失言路本色是所厚望也藉手具復不盡

答朱山輝分憲

枉車下里促膝榻前夜雨猷懃寒榮相對指示之下
無非藥石令某胸次抑鬱爲霍然不復知此身猶在
疾病中也嗣望仙旆過蘿山登樓賦詩爲入蔚以來
一大快事聞執事往返宣雲之間王事賢勞又值
某假期已滿行色匆匆奉母入都不及取道宣鎮又
一缺事也老母此行心切愛子不憚炎暑不辭勞瘁
高堂之情重於膝下言之哽咽已卜七月十一日同
出里門矣頃拜手札情誼兼至所頒清俸出於十年
道義之心例却何忍但某卧病之日諸凡各上官下
衆本堂全集 尺牘 卷之十 五

車俱以子民而失禮抱歉良多飽饑寒辭所以自安
也今若復開異同則又自欺耳想執事必能恕之於
常格之外矣大教云兩鎮三關志所得又非完書不
卜仍有秘之枕中者否也近作二律情見乎詞奉高
明正之至某以積僇多病之人再辱清班信友悅親
必有道焉以處此故因垂愛而附請之邊塞風霜諸
惟珍愛

答胡東甌同年

昨一力走上谷敬候道體安好且以告雲門至蔚之
期也仰知長者新愈之餘十分珍攝若寒家一譜勞
靜中起居此心何安讀書吟詩寫字皆費心力誠如
孔子所謂游於藝也則得之矣所教大有了悟云云
此當在平日不在病際也凡穎悟無工夫者易墮禪
學固知足下了悟在平日也服服庸庸言煩指示親
切愧無足當藥石者奈何奉懷一律情見乎詞惟正
之

與陳天版

別後僕即邀恩歸養矣與足下相隔數千里鱗鴻
都不敢問嗣借邱抄聞有抱病回籍消息懸知調攝
之餘衣綵授經家庭有樂事矣山中願訊太翁太母
起居及賢郎學業若何足下心性之功有何進境日
行何事同學幾人一一示我爲慰僕遐邊寡陋惟足
下以所得者教之庶幾昔日之共勉者可相與有成
也幸僕家庭安好老母近復健飯且弄兩孫爲娛力
學有餘地耳敢以報聞

答李繪先

弟自邀 恩歸養一刺不敢入都得手教始知台下
去冬北上矣詢及近况捧讀書紳諸集諒所云身心
性命歸落有在乃復問道於盲耶夫身心性命歸落
在齊治均平即大學之明德新民止於至善也外是
則二氏之學吾不知之矣竊見老年翁存心立言無
一不善孔子云言之不出恥躬不逮又云顏言顏行
願知已於行字着力直接吾鄉文清公一派去聖道
不遠此處是真歸落矣粗縑匪敢言答並附家刻統
照及

寒松堂全集

尺牘

卷之十

五

東程學博

前以心喪三年之義請教接台翰是論制服非心喪
也竊謂心喪者追憶不忘三年有如一日其冠裳服
飾以及婚嫁宴會事事無所拘滯倘遇平日受教之
事之地惻然有動於中如手澤口澤之存如終身忌
日之感是也過三年又如朋友之墓有宿草而不哭
矣此皆因義而類推者士君子有心則有喪無心之
人安問喪哉故曰弟子爲師心喪三年其義蓋深且
遠也愚見如此再折衷何如

寒松堂全集目錄 卷之十一

祭文 墓表 墓志 碑銘 行狀 紀畧

歸省告祖塋文 丙申

歸養告祖塋文 三亥

鄉賢祠告祭文 丙申

建祠告祖文 庚子

豫告神主入祠文 庚子

祠堂安主祭文 庚子

告繼兄嗣文 癸巳

告焚黃文 甲辰

寒松堂全集祭文 目錄 卷之十一

祠堂告 贈文 甲辰

告安柳文 巳酉

禱雨告神文

禱雨謝神文

祭文

祭吳橫溪房師文

祭何非鳴先生文

祭太傅范座主文

祭趙洞門總憲孫興公少司空李退庵少司馬

晉長君銀臺曹厚庵學士桑笈雲方伯楊猶

龍方伯七先生文

祭前中丞張伯珩同年文

名宦祠安主祭文

公祭張慧一貳尹暨孺人袁氏文

祭馬玉筍考功文

祭左翼宸前輩文

祭孟淑明先生文

公祭徐雲門貢士文

祭傅哲祥同知文

祭徵君孫鍾元先生文

祭少宰孫北海先生文

祭內陞侍御王東臯同年文

公祭烈女宋典姐文

祭夏師母牛氏文

祭貞節妻母王氏文

祭李孺人文

祭解安人文

祭三妹張孺人文

祭曹子步妹丈文

祭二妹曹孺人文

祭方伯亮四同年文

祭少參王近微同年文

墓表碑銘

刑科左給事中沈湄揚公墓表

通議大夫福建督糧道參議前巡撫陝西兵部

右侍郎兼都察院右副都御史伯珩張公墓

表

承德郎進奉政大夫吏部考功司郎中王筍馬

公暨元配宜人吳氏墓表

通政使司通政使前刑部尚書東谷白公墓表

徵君孫鍾元先生墓表

文林郎清源縣知縣儲公遜庵墓誌銘

誥封徐母顧太夫人神道碑

碑碣銘

蔚州宋烈女石碣銘

行狀

刑部尚書謚端敏公愚劉公行狀

先妣李太孺人行狀

紀畧

張烈婦袁氏死節紀畧

蔚州魏象樞環溪書

祭文 墓表 墓志 碑銘 行狀 紀畧

歸省告祖塋文 丙申

象樞不肖幸邀祖宗之世德及吾父之庭訓得以成科名竊祿位以有今日伏念丙戌入仕以來諸凡建功立言繼志述事足以顯揚家世者今無一焉象樞志大而才疎多經而少權固祖父所洞察也惟恃此心兢兢乎不敢欺 朝廷不敢辱祖父而已顧十年之內奉職而職未盡得罪而罪已寬被譴而譴不售無一非 聖主之仁明其為祖父默而祐之者實多也若象樞有其欺與辱矣是義之之所謂無尊而趙括之僅能讀書也祖父亦何利有此子孫象樞亦何能逃祖父之鑒察而譴責耶象樞久居京邸僅從捧詔之便取道蔚州扶病一展墓下其餘歲時惟西望遙拜耳霜露之感其能已乎頃因母病給假奉旨歸省於本月初六日方抵里門仰先靈之如在兮不可度思念遊子之言歸兮誓也何詞悵陵谷之改變今展墓而視告無愧於祖父兮祖父其吐棄予否也

歸養告祖塋文 已亥

象樞聞先賢之訓矣事親為大守身為大若象樞一身歷十四年來蓋為 君父之所有也母氏不得而有之以故升沉不敢計毀譽不能辭死生不及料惟有凜凜清白兢兢職分冀得免於辱身及親而止是象樞之所以仰承祖父世德者祖父知之無間人之知與不知也自前歲拜墓而北仍補原官又經二載幸 聖主垂鑒不加譴責同列諸君亦復有和衷共濟之雅公退之餘與志同道合者究心聖學互相砥礪期於無忝所生致身將在此日焉獨念母氏在堂春秋高矣象樞委蛇 君父不能日侍母側菽水湯藥委之長兄象懸一人於心何忍昔人所謂報君之日長也不得已有陳情一疏六月得請八月乃歸抱兩子於膝母心慰矣祖父在天之靈不更慰乎況此身原為 君父之所有而今得為母氏有象樞之守之者益加力焉辱身及親庶幾免夫若夫顯揚之業耿耿在中猶未敢告無罪於祖父之前也雖春秋霜露常掃墓前一片地其如世德何哉先靈鑒之

鄉賢祠告祭文

丙申

吾父食俎豆之報三年於茲矣象樞不孝之罪殆莫可指數也前以尸素諫垣竭蹶職業不獲躬擧牲醴虔告几筵既而被謫補過霜露屢更獨賴長兄象懸奉春秋祀惟謹此象樞所為中夜傍徨而不能自安者也憶癸未蓋棺之日公論已屬值甲申國變事遂寢焉今垂十年餘而公論益著矣稽紳隣里悉能表吾父之德上下官長復能褒吾父以言獨象樞數年以來在鄉在朝無片善微勞顯揚吾父之家世繼述安在乎此又象樞所為中夜傍徨而不能自安者象松堂全集卷之十一 孝

也至吾父追踪先哲祔享千秋且荷 覃恩贈徵仕郎刑科左給事中之官凡此皆 朝廷之賜也象樞分當捐糜以報之顧乃心長力短往往以愚狂之故見容於 君父而取忌於僚友未能仰副庭訓慰吾父在天之靈此又象樞所為中夜傍徨而不能自安者也茲因母病陳情奉 旨歸省始得再入里門瞻仰廟貌猗歟休哉自非吾父盛德孰能當此乎凡象樞所為中夜傍徨而不能自安者今為稍釋矣然不孝之罪終莫可指數也神其鑒之哉

建祠告祖文

庚子

象懸等生晚不能見祖宗奉教永居指顯孝思之年垂二十春秋矣樹欲靜而風不休子欲養而親不在豈不慟哉雖時享克修焚香薦食母氏之心少慰竊念象樞忝職光祿叨受 恩封一 予省親再子終養而祀先之禮獨缺焉不備豈母氏之心哉按會典所載品官祠堂之制甚詳家禮云君子將營宮室先立祠堂於正寢之東而今有其地矣母氏十年所積之粟粒粒從勤儉中來工師食之裕如也象樞昔年捧 詔至晉地方官長例有贈遺致隆天使故象松堂全集卷之十一 四

至今藏之用為磚木灰石之需而非不義之物也象懸復畢力相助不難刻日而成矣擇於本月二十四日鳩工集事先是卜易得小過大象云君子行過乎恭喪過乎哀用過乎儉旨哉此母氏之心而即祖宗之心顯考之心也敢不敬從謹此預告

豫告神主入祠文 庚子

報本之心人子皆有家廟之典品官獨隆按會與所載倣宋儒祠堂之制著為令甲炳如日星我先世隱而不仕時享於寢於禮為宜至我顯考一命之初年已遲暮故有志而未逮念象懸等少不更事愧無敬承今象樞既叨封典之榮幸備京堂之末因與象懸同心協力營於南街新宅正寢之東以終顯考之志以全母氏之孝祠僅一間龕分四架櫬楠安祔庶乎祖完藏書於左則題曰存澤課子於右則題曰授經若東曰滌器以表蠲潔西曰操曰以習勤勞且省牲有所彰名分也侑食有所和神人也至於齋戒有所其心乃虔矣沐浴有所其體克修矣在祖宗儉德相傳粉飾固非所尚惟 朝廷恩典隆重規模不可不崇爰經始於五月廿四日閱七十日而落成筮得本月初六日敬遷四代神主就祠安享慟色養之不逮喜俎豆而重新始祖禮無龕架而祀於前案水源不本誼不敢忘百世不祧竊有取焉其叔祖禮當祔祭謹祔於高祖之龕庶妣禮當易牲謹祔於前妣之龕遠遵家禮罔敢乖違仰承先訓罔敢隕越神其垂鑒屆期來臨謹此豫告

祠堂安主祭文 庚子

家祠初建登豆方新上合典禮下竭子情感激 隆恩曲體臣誼追念盛德詒厥孫子本本水源敢忘昭報維我始祖自雲遷蔚成家創業艱苦備嘗傳至高祖仁厚好施岐黃濟世鄉評推重庶老高風再傳曾祖生有忍性不躡公庭勸息鼠牙常解睚眦置酒下拜殆無虛日人稱長者奕世發祥再傳祖考商賈為業施捨為心葡子柿霜濟人疾疾傳至我考仁孝性成繼述光大七歲喪恃血染麻衣恬靜寡言受辱不報筮仕庶謹囊無長物憐孤恤寡濟困扶危內助賢淑相與有成從祀賢祠光生俎豆嗚呼世代雖遙家聲不墜善積於前澤流於後士勿廢讀官勿貪賂有一不肖廟貌胡安處家以和居鄉以讓有一不肖几筵胡歆存聖賢心行仁義事有一不肖先靈胡妥若子若孫備物蠲吉非有精誠胡格祖考母氏年高親滌釜鼎黍稷非馨明德維馨神其鑒茲永勿吐棄

告繼兄嗣文 癸卯

祖功宗德源遠流長本支相續家世發祥象懸繼承
不逮厥嗣未昌象樞仰託垂裕而子弄璋今以次子
出繼承房連枝並茂萱室壽康自茲以後益篤彞常
席庇先蔭瓜瓞其慶

告焚黃文 甲辰

家世顯揚祖父之德 絲綸寵錫 朝廷之恩竊念
象樞前任諫垣奉職無狀恭遇 恩詔封贈父母及
本身妻室遵領 勅命分不敢辭謹於本月本日母
李氏率男象樞婦李氏跪迎肅受即於次日捧至先
考文臺府君前母蔣氏墓所開讀立碑上以昭 熙
朝之曠典下以展人子之至情伏願聞命自 天分
光於泉壤矢心報國永祐我子孫惟屆日以祗承合
先期而豫告

祠堂告 贈文 甲辰

國家褒贈之典原以教孝而作忠臣子習第之策更宜因勸而知戒總期受之者無愧而守之者不辱也維我祖宗家世積德貽謨昌後累傳而至顯考顯前妣續承先緒垂訓義方懿行夙著於鄉邦壹饒宗淑於宗黨茲以象樞官 贈如官膺茲 寵命克無慚德象樞祇申薦饗少答劬勞伏念象樞叨遇 覃恩之日則供職諫垣以言事 君之日也前乎此者果其無愧於 覃恩也乎榮矣若存一非理非法之心言一非理非法之言而冒濫 朝廷綸綍之休雖施案松堂全集 祭文 卷之十一 九

之而難為受也愧莫大焉及今恭奉 制書之日則謝事光祿以道養母之日也後乎此者果其不辱於制書也乎榮矣若存一非理非法之心行一非理非法之事而干犯 朝廷追奪之令雖子之而不克守也辱莫大焉愧而且辱象樞之不肖何辭徒具几筵罔馨明德顯考顯前妣靈爽在上方指為祖宗之罪人而吐之以為為子而貽羞於國貽累於家者戒然而象樞有愧有辱與否不敢自信也惟我祖宗貴降鑒焉是日母李氏今封太孺人扶杖率象樞妻李氏今 封孺人拜於祠下伏望來格

告安柳文 巳酉

粵攷古禮塋有棺柳柳同於棺此各柳一棺之制也衛人之祔也離之魯人之祔也今之此雙棺一柳之制也大凡喪塋稱家有無昔處素士非治柳時今所處差異始為 勅封太孺人顯妣李氏祖治一柳奉有遺命恭讓顯考情理曲盡敢不敬從但恐前顯妣顯妣庶妣俱屬無柳顯考念及賢淑心或未安若治四柳地狹難容茲因開擴並作大柳四棺皆周庶妣稍後尺餘子心差可無憾一措置間未免驚動謹此告知又為前顯妣暨庶妣補誌銘一石以傳千秋伏案松堂全集 祭文 卷之十一 十

惟幽靈鑒之宅兆永奠存沒均安尚饗

禱雨告神文

維康熙十三年四月十九日順天府府尹魏象樞同
府丞崔官治中衛台揆通判王瑜等本月十六日接
禮部劄付內開康熙十三年四月十六日奉 旨天
時亢旱傳諭禮部着順天府虔誠祈雨欽此欽遵到
部相應劄行順天府照例祈雨三日等因伏念民資
農事以養苗賴時雨而成今值夏令已行風霾時作
旱魃為虐靈雨未施仰體 聖主之心憂勞甚切自
返樞等之職瘝曠必多伏願 尊神轉達 帝闕俯
念樞等忝守茲土民瘼攸關即有溺職之愆應聽
案松堂全集 祭文 卷之十一 十一
天譴之及於民何與因此蒼生惟祈 上天布恩施
沛甘霖於畿甸下土待 澤普沾霖霖於郊圻禾稼
隆生秋成有望和風甘雨時惠閭閻樞等得以下慰
萬姓之思仰報 九重之命民生幸甚樞等幸甚

禱雨謝神文

維康熙十三年四月二十日順天府府尹魏象樞同
府丞崔官治中衛台揆通判王瑜等本月十六日接
禮部劄付內開康熙十三年四月十六日奉 旨天
時亢旱傳諭禮部着順天府虔誠祈雨欽此欽遵到
部相應劄行順天府照例祈雨三日等因樞等遵
諭祈雨普濟羣生當 天高聽遠之時望甘雨和風
之降無由上達於 帝闕惟有仰藉夫 神功伏念
樞等自十八日虔心步禱黻黷之雲氣已垂迨十九
日率屬重來霖霖之雨澤立沛有感必應實由 上
案松堂全集 祭文 卷之十一 十一
帝仁愛之心積誠可通全賴 聖主憂勤之念幸而
百靈助順曲盡臣子之微忱從此萬景昭蘇深荷
神明之降鑒樞等不勝懼忭踴躍之至謹謝

祭文

祭吳橫溪房師文

是年五月五日房師寔死越月始中州人果真遂設位於庭哭而祭之

嗚呼痛哉吾師平生為豫中之人豪死為蒿下之厲魂官則塞北之福曜家則汝南之德門僕儻其才兮目十行而筆千言顯燦其名兮畧形骸而卻籬樊好爵不易縻兮捧毛檄而況乎高萱佳士不易得兮撫卞玉而題曰名璫嗚呼痛哉吾師乎方其自號為死人也血與淚而常吞迨其自額為埋菴也功與過而何存僕婢無異乎人之僕婢弟昆亦猶夫人之弟昆儘流連於詩酒任徜徉於邱園詎擲掄於齧齏遂煨

寒松堂全集

祭文

卷之十一

古

煉於覆盆嗚呼痛哉吾師乎匪鼠投器匪虱處禪匪鳥擇木匪羊觸藩致身亡而家破覺地慘而天昏果干國法而胡死之非國法若拂輿論而胡弔者在輿論嗚呼痛哉吾師乎倜儻而情傷於放顯燦而室忌其溫燭閣蕭蕭兮條損西河之目公門濟濟兮誰叩北闕之聞嗚呼痛哉吾師乎珠隋深淵兮蚌血無痕蘭蕕當戶兮晚草無根棺浮淺土兮孤影在垣月照下泉兮鬼眾如管今日數厄而人莫逃兮黑獄沉冤他年案雪而天有鑒兮白骨啣恩嗚呼痛哉吾師乎神來入夢水去思源千里之遠几席之尊塞

予小子兮歌易水之短筑望廷尉之長旂既昧於河汾謚王通寧取乎宋玉招屈原

寒松堂全集

祭文

卷之十一

古

祭何非鳴先生文

嗚呼師弟之誼道義之感歲月之深死生之大固不能一日忘哉憶樞負笈而從也則在辛巳先生乘箕而去也則在甲申今垂十年而不及獻生芻私心竊冀承乏執王事取道姑蘓泥首墓下傾十年來未傾之淚得效古人掛劍願足矣區區此心先生知之乎先生鍾東南川嶽之氣特異體貌魁梧以麟經起家取科第如拾芥豫章鳴琴樞曹佐政文章行業表表在人耳目間時樞猶未及門牆也迨夫治上谷之兵建北平之鉞固樞執經問難時矣諸如誨樞知樞

寒松堂全集

祭文

卷之十一

五

愛樞者無一不盡推而至於君民朋友亦無一不盡者樞方爲諸生先生獨於儔伍寒酸之中題樞門曰國士無雙諸公署許傳鼓入講說嘗至夜分不倦誨且盡矣比壬午捷書初至令齋者先報魏生名得雋始展閱曰是科榜中少此人便無光耳知且盡矣製詩及衣屨豫祝先君子髦壽畢乃出手書促某上公車期以大業愛且盡矣樞每於侍座之餘窺先生秉躬端亮與人不立方隅雅重聲氣遂有疑師欲左袒某公者輒波及先生坦如也負性耿介而慈洋軍民頌德忌者惡其異已下石甚厲先生曰聖明遠徹

可恃耳未幾而事白矣事白而望益重開府之命遂下矣時勢多艱毀譽當至大事去而絕粒殉之苟盡此心未云晚也嗚呼以先生之才識德量各具本領君民朋友槩見生平其於天壤間殆無愧矣第求所以不愧先生者不更難乎猶記先生語樞曰爾經年未嘗向余一談家事何其素也異日居官當亦如是自樞選庶常授諫垣分較春闈佐理計典無敢悖先生訓者區區此心之有愧與否先生知之乎而今已矣憂讒畏譏中實無一長可以答知遇且母氏望七之年抱病一載嚙指望兒樞旦晚邀君恩歸侍寒松堂全集

祭文

卷之十一

六

菽水矣塞北江南相去凡五千餘里誰爲致生芻拜墓下以抒掛劍之初心耶嗚呼師弟道義歲月死生之際固不能一日忘哉茲門下士孫子允恭以捧齋事竣酌酒陳牲代展小子微悃誼屬淵源仰止先哲神其在鑒而享之

祭太傅范座主文

吾師番番元老休休个臣忠 君愛國之誠出於天性尊賢下士之量冠於 朝班詔徵弼違有宣公之論奏而不著其迹同心一德有召公之來輔而不尸其功難進易退有留侯之知止而不高其名履泰居謙有潞公之大年而不變其節此皆所以見知於

先帝見信於同朝見諒於天下之縉紳大夫以及兒童走卒而非門下士所敢稱述而悼惜者也象樞之所以稱述悼惜於吾師者惟在二十餘年淵源之本末而已吾師丙戌主會試考象樞成進士隨同榜謝

寒松堂全集

祭文

卷之十一

七

恩畢踵門投一刺而吾師未識某某之面貌姓名籍貫也未幾考選庶常象樞濫竽其列吾師奉 命送鼎甲暨庶吉士入翰林院讀書是日始得見吾師顏色而吾師仍未識某某之面貌姓名籍貫也既為吾師衙門官朔望循例作閣揖外無私謁每元旦開印後及吾師誕日持刺拜賀閣者例辭不受帖迨至改授掖垣以迄游歷光祿前後凡十四年槩如此順治十年內象樞忽遭萑菲幾成寃獄午門外會審事屬子虛都人傳說會審時吾師剖悉情事舉朝洞然象樞於光天化日之下得以全名節而雪奇寃者賴

先帝之聖明而滿漢諸君子之有公道也吾師之德

安可忘哉然而以德報德中心感之矣順治十六年

象樞以母老蒙 予終養時吾師久居林下象樞亦

謝事將歸兩無嫌疑力疾一謁吾師乃延入園亭命

之坐曰十餘年師弟今日纔見一面象樞起而謝曰

吾師之恩象樞之罪也但吾師未受象樞一餅酒象

樞未領吾師一杯茶何獨於四百門弟子中知象樞

之深耶吾師曰嘗在會議處見丈有直氣是我 國

家可用之人不欲他人誣害耳象樞不覺泣然涕下

吾師亦含淚不言少頃曰太夫人年若何象樞曰七

寒松堂全集

祭文

卷之十一

大

十一歲吾師曰年高正宜在膝下余亦老矣此後不知與丈再見一面否吃我一飯去飯罷握手而別業經八載果不能再見吾師矣嗚呼慟哉慟哉憶象樞歸里之日設 闕位於存澤堂中並置吾師生位於左每朔望叩頭畢即拜吾師位前如問起居今生十月之朔忽聞吾師訃音遂抱生位於別室哭而祭之柩子幼不克往奠遣僕魏居謁於門牆之外以門下士代祭焉吾師遺有諸世兄之賢克世其家且上而帝悼元輔下而朝惜哲人亦無需小子之生芻為者惟吾師夙許象樞有直氣因直述二十餘年一面

之古道四百人中獨知之大德以報吾師於地下昔
劉元城事司馬公當其在朝書問創迹及其開居亟
問無虛月况與吾師生同隔世何嫌何疑之有哉願
服心喪三年勿削門人兩字敢告靈爽實式鑒之
閱此文竟知范公與先生有知己之恩又不可以
尋常同論也

祭趙洞門總憲孫興公少司空李退菴少司寇

晉長眉銀臺曹厚菴學士桑笈雲方伯楊猶
龍方伯七先生文

世路悠悠今宦海茫茫邂逅相遭今冠蓋相望云
友兮友兮而奚足相當必志同而道合兮且守潔而
行芳抑功崇而業廣兮或文和而詩倡學淹雅兮性
溫良誼難愆兮情難忘憶十載今事明光旋分袂兮
各一方起居兮安問生死兮何常計音兮不至邸報
兮聞喪箕尾幾人天上去將從何處奠椒漿墓宿草
而不哭謹合祭於一堂衷情瀝瀝靈爽洋洋

祭前中丞張伯珩同年文

嗚呼兄竟卒於官耶允升自蔚歸無由致訊偶聞六月三十日邸報始知兄逝矣然猶不忍遽哭至七月二日爲位於授經堂中哭之遂從絳州李廣文寄訊允升問兄家門消息茲於八月十七日得年姪茂生訃音及來使備述抱病屬續以及扶櫬歸里日期顛末余與兩使相對而哭發械又哭允升得無允升亦痛兄之深而不起耶讀年姪書云上奉二世尊人下撫三歲幼子何以趨中繩墨無玷先人數語字字血淚讀不成聲兄之靈爽式憑之矣越三日齋明再祭

梁松堂全集

祭文

卷之十一

三

公論在焉年姪克荷父薪清白家風在焉夫復何言哉嗚呼五倫之中友道重矣惟兄知我我寧不悲我獨何悲以兄棄我兄其有知必來鑒我

梁松堂全集

祭文

卷之十一

三

名宦祠安主祭文代

甘棠一樹峴山一碑歷千百載尚起遐思矧茲近代
卓乎芳規或養或教有守有為振肅僚屬保障邊陲
萬姓之口三代之遺某叨守蔚土典禮是司過而憑
吊俎豆何遲爰採輿論告於先師敢薦一席匪云
阿私嗚呼典型未遠步趨難追有懷君子龜勉從之
功德在野昭報在祠祐我皇祚保我氓蚩凜遵國
典敬筮良期奉主來享靈爽鑒知

公祭張慧一貳尹暨孺人袁氏文

慧公慧公爰勤事矣許國謂何臣心瘁矣孺人孺
人爰盡節矣殉夫謂何婦道竭矣嗚呼痛哉昔日之
去兩車並御今日之歸雙輓同悼嗚呼痛哉彼邑之
男罷市而談彼邑之女停杵而語嗚呼痛哉蔚山蔚
川舉目黯然對悲蔚歌灑淚如沱嗚呼痛哉其為子
也吾痛公孝一理持身古先是倣一經承家誦讀是
樂為親守身犯而不校為親保家方而不拘賢哉孺
人助公克効其為兄也吾痛公義家不析簪財無私
筭食則同几疾則夜視田之紫荆姜之大被賢哉孺
人助公惟勤其為臣也吾痛公忠兢兢素志寒塞匪
躬書生面目清白家風輸漕運餉水盡山窮事終海
嶠魂掩江楓賢哉孺人助公有功其為夫也吾痛公
正琴瑟其情薑桂其性有物有恒維家之政匪高匪
嗜如賓之敬從一而終夫子所命賢哉孺人助公以
行嗚呼痛哉一第之名孰與平生百年之修孰與千
秋一節之揚孰與五常一身之捐孰與兩全嗚呼蓋
棺久矣青史壽矣德在口矣誼在酒矣靈維偶矣歎
我否矣

祭馬玉筍考功文

嗚呼兄竟逝耶或似夢而果真元日停午二使忽至
遽莫識其何因但問一門安好俟二使喘息稍定而
細加咨詢不謂懷中有計乃諸孤之泣血哀陳某驚
聞而哭於授經堂之右益友之龕伏地而沾巾二使
長跼云七月抱疴猶介壽於堂上至十月十三日而
隕身具哀函於昨歲乞墓表於今春嗚呼痛哉吾道
之不幸也夫何以慰八袞餘未獲終養之慈親何以
慰垂廿載共坐講席之天民何以慰千里外志同道合之故人何以慰兩部中公忠體國之同寅嗚呼
集松堂全集 祭文 卷之十一 幸
痛哉吾道之不幸也夫痛念賦質忠厚篤志天倫脫
然雜處天理是循樂羣寡欲鮮怒與嗔不褻聞室不
侮賤貧其於事君之際事必告天而凜凜其於接
物之時心必反已而恂恂其於踐履之間行必合義
而汲汲其於辨難之下言必歸本而諄諄有體有用
之儒者大公至正之賢臣昔在京邸叨居比隣相成
者道義相與者精神每一言之晤語覺終日之飲醇
胡六旬之甫過棄萬事之爲塵慨良朋之凋謝恨吾
黨之連屯淚隨筆而俱下炙與絮而曷伸雖大數之
有限幸至德之無垠知靈爽之不昧爲聖賢之所珍

既生死之相隔願入夢而常頻

祭左翼宸前輩文

先生孝行格天清操絕世官未達而科名著德愈修而鄉黨欽守顏氏之樂道安貧學孔門之正心誠意反躬責已故大儒之所爲閉門著書鄉先生之罕見象樞神交兩地筆札時通雲華仰止高止典型常對不意一疾不起更念兩子先亡停柩在堂已歷寒暑入土何日誰勒碑銘僅存在抱之幼孫幸有坦腹之佳婿象樞雲華前申薄祭今具賻金雖不敢居麥舟之名聊可以助寒食之塋更賴金城之紳士共慰泉壤之英靈古道可風大喪斯舉先生如在伏惟鑒之

寒松堂全集

祭文

卷之十一

七

祭孟淑明先生文

嗚呼痛哉吾師於正月廿八日捐館於十二月初二日聞訃已十閱月矣是日抱訃書於授經堂中踞而哭越三日乃設位奠焉念樞受知吾師在己卯之秋聞以麟經卷薦之主司幾售復失吾師批卷畧云暫屈三年即期大發但不知子爲何地英英也殊切仰慕勉旃勉旃樞讀此知吾師以國士遇之雖未能即附門牆以慰下墓之意其成我多矣迨壬午樞果售謁本房吳橫溪先生具告前科始末吳先生云孟公今任居庸司李明歲公車道中可相晤也樞過居庸謁吾師相得甚歡甫入都門因先嚴卧病星夜奔回遂丁外艱未幾甲申國變矣避寇深山苟全性命尚能與吾師通尺一書耶皇上定鼎樞乃提南宮選詞林改校垣十年之間吾師任監司擢廉憲轉方伯兩舉卓異樞之敬我師與我師之愛樞者總屬道誼之一脉也嗣吾師由浙省藩司丁內艱請告不出樞亦陳情終養歸里樞居北塞吾師處西陲求一音訊不可得然而飲食夢寐未嘗忘也前歲辱吾師遠寄祝先慈八旬壽時先慈逝矣塋矣捧至主前哭而告之報書致謝未及達而夫子亦逝矣塋矣嗚呼痛哉

寒松堂全集

祭文

卷之十一

七

遠隔數千里生不獲進一觴死不獲執一紼將何
以為情耶嗚呼痛哉夫子之清操則楊關西之四知
也夫子之惠政則魯中牟之三異也夫子之待人接
物則朱光庭之春風周公瑾之醇醪也夫子之睦族
傳家則范文正之義田顏魯公之家法也無論子弟
門人哀悼之深即吾師轍迹所過之地居人有不聞
而泣下者耶樞正擬從都門致奠適於康熙十一年
閏七月初一日奉 召入都晤及趙君元李君乘龍
何君誌又知師母亦相繼逝矣嗟矣且二兄亦不幸
逝矣嗟矣樞聞之且驚且哀又將何以為情耶嗚呼
東松堂全集 祭文 卷之十一 无

痛哉師母壺德之正內助之賢無俟小子敘述而闡
揚之二兄孝友之純哀毀之過更有闡揚所不能盡
者回憶握手長安時竟成隔世矣嗚呼痛哉茲托何
君附具薄奠聊將心喪並錄挽詩用存元韻詩曰太
原門下士夢裏祝龐眉萬善心無忝一清世共知寄
書生死恨聞訃性情移太華高千尺斯人不朽時煩
為代讀墓前統乞鑒格

公祭徐雲門貢士文

嗚呼文章道義之交生死存亡之際士君子所為惻
焉心悼者也若對代兩家之於雲老則重有悼焉者
雲老才大而學博安貧而樂道有黃叔度林和靖遺
風其為古文辭賦詩歌則又元稹白居易之流也又
手刻燭不足喻其斂妙郊寒島瘦未可倣其清高以
故對代間詩筒文牋往來幾無虛日而相成相規者
每每在語言文字之外有精神氣味之投故於蔚則
嘗策蹇過從難黍是約或升堂拜母或促膝談心或
檢質疑問難之書或商移風易俗之事至今庸齋中
杖屨宛然也於代則嘗風雨聯牀首偕為歡時而賦
恒嶽之崔嵬咏桑乾之沆瀣時而追漢文之故址弔
蘇武之廢城至今鐸署中翰墨依然也而平城竟逝
耶且蔚於雲老交非一日諸凡家世之譜牒祖宗之
祠祀父母之喪塋兒女之婚嫁無不相聞亦無不相
信前之陳情也而雲老喜焉後之奉 召也而雲老
勉焉是對之進退出處亦惟雲老知之也雲老蓋近
於道者也六經四子研究已深物理人情體驗更熟
有道之氣令人肅然起敬而其虛懷善下問道於蔚
則又抑然自處謙讓弗遑也昔安得不於雲老有深

契今安得不於雲老有深悼耶回憶壬子春西洪話別時意中頗有不能再見之感惟有著書數卷謂生平苦心具是焉代州曾見而愛之將欲剞劂以傳不朽至秋携稿北上畧加訂正即爲付梓重詩文也重人耳甲寅冬梓人告竣歲杪寄平城乃篝燈展帙作而言曰是集也代州之表章和州之評定非蔚州而青雲之幾何不爲覆瓿也嗚呼曾幾何時而雲老竟逝耶幸有子若孫能讀父書而且壽登大耋全受全歸猶見蔚代兩家冢子列賢書以詩來賀喜溢言表其亦可以無憾耶獨自此而風雅之道不復聞規勉

寒松堂全集

祭文

卷之十一

三

之言不復聽老成持重之人不復親則蔚代之不能無憾於雲老可知矣意者精氣所結筆墨有靈貫徹於蜚狐勾注之遠感通於飲食夢寐之微彷彿若雲老之終老衡門讀書學道而猶未逝也是耶非耶二月廿旬都門聞訃乃於署務繁冗中搦管爲誄灑淚致奠深愧弗躬靈其鑒之來格斯筵尚饗

祭傅哲祥同知文

曰嗚呼我公固所稱愷悌君子也亦限於數而溘焉長逝耶夫數不能限公有三焉念公之生則醫巫閭之間氣也其出也則值聖天子應運而從龍者也其淵源也則理學大儒凌川先生之遠派也其育且教也則太翁太母兩賢之玉於成也天人協應諒非偶然其不能限公者一也公自起家鉅鹿令特舉卓異第一未幾刺申國守維揚悉以寬平奏績迨左遷金城以至攝尉篆再攝渾源篆尊賢下士剔蠹恤商撫百姓如嬰兒仁心惠政載在人口其不能限公者二也公事太母至孝晨昏定省而外每體慈德不忍苛民且手足骨肉之間友愛備至期於共爲君子無貽堂上憂及庭訓令子惟以讀書明理爲業又恐一日不近正人聞正言鑒我忠孝家聲也至性至情太和元氣其不能限公者三也某等知交有素暨平日門下諸士固信公深矣即所部之縉紳父老以迄兒童走卒無一不爲公信者何竟限於數而溘焉長逝耶嗚呼痛哉樞尤有痛者先是攝篆至蔚甫下車即式閭見訪首詢地方利弊樞謝不敏次以聖賢之學相質樞肅然起敬欲互相師友相與有成公益謙遜

寒松堂全集

祭文

卷之十一

三

不遑始知其志之不虛也復推錫類之孝升堂拜母
爲文祝先慈八袞壽樞亦操拙筆進太母觴事竣歸
金城猶歲時通問安否然未嘗一語及私也去年先
慈見背公爲誄章哭之今年春擢恒郡貳守去留詩
別樞於苦次有垂橐此行仍皂蓋舞斑還得侍兕觥
之句蓋公不以遷秩爲喜惟以道里甚近得以迎養
慈親菽水歡聚官橐蕭然亦可樂也無何蒞任三月
竟限於數而溘焉長逝耶嗚呼痛哉樞聞訃之日懸
贈詩於益友堂中讀其詩如見其人淚從喉間出幾
不成聲 天乎天乎爲之奈何惟願自今以往令弟
寒松堂全集 祭文 卷之十一 五

寒松堂全集

祭文

卷之十一

五

體兄之心善事慈闈順承儉德令郎體父之心敬守
嚴訓光大家門庶可慰賢哲於地下表清白於人間
樞依廬守制纔過小祥言不能文莫寫哀悼一詞一
酌具告几筵靈其如在來格斯虔

祭徵君孫鍾元先生文

樞蓋慕先生之爲人而始終神交者也樞生也晚竊
幸於先生之生平與先生之學問得聞其梗概日以
不獲親炙先生爲大憾今則已矣泰山梁木之悲其
將奈何耶先生受天地中和之氣接聖賢誠正之傳
氣節重於前朝孝友著於北地甘貧樂道暢一志仁
義之懷致知力行淑當世狂狷之士吾國有顏子諸
大夫登之薦章前身是靜修 先皇帝賁以徵聘然
而先生如祥麟威鳳之難爲致斯繼往開來之有所
歸蘇門之巔百泉之上有大儒在焉返諸聖經直探
窮神達化之本叅以儒說不諱異端曲學之非其立
言也大而能平其教人也感而善入故天下四方率
多有志於聖人之學立雪者得意聞風者傾心先生
猶謂理學之傳代有所宗集成全書畧破畛域隨其
資力各見性情天理人欲之途分而上智下愚之志
奮俾前聖之絕學復續 聖朝之風教漸興此先生
所爲有體而有用也乎憶樞未通聞問之先則仰先
生如山斗既奉教言以後則依先生爲典型故捧先
生壽詠於先慈者戊申歲也拜先生哀誄於先慈者
已酉歲也請先生指誨於馬君者庚戌歲也禱先生

寒松堂全集

祭文

卷之十一

五

疾病於 孔子者辛亥歲也約以乞骸之後過訪夏峰而先生却寄詩喜樞入都者壬子歲也手題學宗人瑞四字爲先生九十壽者癸丑歲也正值 今上崇儒重道之時擬請存問耆碩旦晚拜疏忽因用兵而止者甲寅歲也嗚呼好音頻寄受益已多先生孝友堂中函丈宛然樞竟無緣拜登耶五世一堂家庭間太和景象樞竟無緣目覩耶玉樹蘭芽森森塔下樞僅見孝廉一孫此後可能一一叩其家學如對先生儀範耶且先生髦而好學誨人不倦今年四月六日劉子數季自夏峰來傳先生語謂此生不能見蔚

集松堂全集 祭文 卷之十一 奎

州又讀先生手書策勉甚切謂樞光彩已映於蘇門之山光水影樞不敏頻年廢學德業罔進方愧無以報先生豈意先生遽爾辭世留茲絕筆耶倘樞同志有人觀摩有日不負先生臨終一言之期許先生得無默爲啓誘耶五月廿四日既設先生手蹟數紙於廳事率子學誠哭奠矣勉修蕪章絮述本末敢煩構斯馬君及孝廉代讀而告之聊敘樞所以慕先生之爲人而始終神交者有如此嗚呼人之相與義取相成哲人往矣樞也虛生遙申薄奠言出涕橫靈輿如在鑒此微情

祭少宰孫北海先生文

嗚呼先生 朝廷之文獻道學之宗盟縉紳之典型士林之師表也今往矣能不慟哉先生登第後自作令以至諫垣俱在明季某生也晚都不能記止見馬文肅成忠愍兩公手書一則云向與年兄極推光舍萬孫北海令人盡如兩君子事亦豈至今日乎一則云使在都冠紳盡如光舍萬孫北海天下事尚可爲夫馬成兩公皆正人君子明季從容就義忠臣也其言如此先生之人品爲何如哉先生以盡節未死之身 本朝舉遺賢擢吏垣長誓不與賊俱生迨申明大義然後就職每歷一官必有建樹乃告病後猶有指爲溧陽之黨者於退谷中何損焉先生閉戶二十年讀書逾富窮理逾深養心逾純講學逾正著作凡數十種大約明五經闡四子佐 國史重學校尊先儒闢異端尚經濟表人物勵風俗啓後學也此皆海內有目所共見者某復何言第某與先生定交垂二十年矣已亥秋某陳情養母爲設餞於青藤之下勉以力學贈以儒書與二三老友賦詩而別某家居十年尺素不入都門惟與先生千里談學質疑問難往復相通嘗於夢寐之中得聞道誼之語至今筆札盈

集松堂全集 祭文 卷之十一 奎

尺辨論成卷言言砥礪字字箴銘何日忘之耶壬子
歲某奉 召入都引 見之次日登先生之堂握先
生之手聆先生之謦欬觀先生之儀容無異已亥相
別時先生年已八旬耄而好學手不釋卷口不離理
某每過梧軒談必竟日非希聖希賢之真諦即憂
國憂民之正言而且家庭之間勤儉孝友明理讀書
時而携兩家子孫聚於一堂聽先生說古人嘉言善
行陳仲弓荀季和遺風宛在也某於先生豈非志同
而道合哉然猶有三憾焉 聖主纂修明史典故未
備裨官野乘聞見或恐失真若問之先生瞭如指掌
寒松堂全集 卷之十一 七
矣惜不獲仰佐編摩傳信萬世一也某自輯儒言錄
一書彙集元明諸說以為性理之續先與刁蒙吉訂
其槩蒙吉作古仍待先生定其歸自惜虛度歲時缺
畧未就竭履職業無暇商榷二也先生之爵之齒之
德鄉邦推重人望攸歸某曾待罪京兆擬請先生為
鄉飲大賓用增 首善之光克重 國老之典乃某
未屆酒禮量移廷尉愧非賢主徒望嘉賓三也某抱
此三憾意中竊謂先生年雖衰邁而議論臺臺氣從
中出是為壽徵豈意一疾不起耶憶仲秋間病同坐
芥舟室中先生曰日來差愈但不過一年死耳請記

吾言今果然矣勿簣前二日榻前執手語某曰自端
生平無愧心事林下讀書二十年從不問門外今撒
手去矣命解衣相贈以志永別淚下各失聲復取遺
詩遺言閱之先生二十年真學問至此絲毫不亂乃
見得力處也獨定 朝廷失一文獻道學失一宗盟
縉紳失一典型士林失一師表某獨何心能不慟哉
自初六初八哭先生後因署務繁冗寸心弗虔不敢
設奠以俟潔誠之一日茲者豚兒從晉闈鄉試中式
歸固先生素所愛而教之者令捧帛執爵隨而告於
几筵哭於寢門欲再見先生於藤陰之下芥舟之室
寒松堂全集 卷之十一 八
促膝一話不可復得矣某獨何心能不慟哉惟靈有
知諒必來格尚饗

祭內陞侍御王東臯同年文

嗚呼世道之淳澆人心之邪正豈不繫乎人哉夫既得人矣足以振國家之紀綱養天地之正氣不曲學以阿世不逢迎以事主不苟且於功名之階以滋海內隨波逐流之漸當其生也未嘗大展其所用而賁志以沒及沒之日天下之人爭惜之且歎息之或流涕不能已已者必曰國家之紀綱既不得此人而振之天地之正氣復不得此人而養之真世道人心之不幸也嗚呼何竟亡我東臯公哉公幼而敦重舉止語默即如成人下帷讀書凜凜庭訓時假蕭寺蓬蒿案松堂全集祭文卷之十一元

蔽屢斷菁啖茹不易菜根風味故與貪安之若素迨舉於鄉鄉之人以真孝廉稱丙戌捷南宮以進士分校北闈得人甚盛初授行人奉差東省毫不與地方事惟登泰山謁孔廟即歸矣識者曰異日居清華必其嚴一介之操者也後特擢吏曹禁私謁杜苞苴外僚不能干以私或議黜陟大事有不合者輒力爭之羣聲不能奪實抵杜豕宰同真定梁公大興朱公特疏保薦清直請留掌選者十年廉名大著朝論咸服既而受上知拜官御史諫書數上其時有以貴即進者欲授正印公白簡褫之巡視京城輯暴鋤奸

一時豪強歛跡不敢怒馬輕裘揚揚聯鑣於道上公之丰采為何如耶公既膺內擢仍管道事應差巡鹽而極力辭之兩監文武聞風清弊絕肅如也公之廉介自持始終不渝又為何如耶天下之人方望公一旦大用以光明俊偉之概為國家振紀綱以禮義廉耻之防為天地養正氣今聞公沒而自滿迄漢自士大夫以至兒童走卒識與不識無不流涕嘆息豈僅為公一身生死惜哉憶公以監禮南郊歸而感病卧牀聞嚴父訃即扶病奔喪哀毀不勝抱病讀禮既除服謂公行且北上矣豈意晨起遂肅衣端坐而逝耶公伯仲五人而公居長其諸兄弟之光大家門亦未之或知然皆卓然成立亦可無手足憂所痛心者棄八十五歲之老母於北堂反借棺以殮子日夜撫子柩而哭之此某之所為流涕歎息終疑廉吏可為而不可為也將奈何耶幸而有子承祧異日克繼清白以竟公未竟之業天下之人將拭目望之又

不獨我二三同譜關切在懷矣嗚呼嶽嶽懷方乾坤不易生而正直沒而神明清剛之氣凌於川嶽太室峯崒洛水蕩漾其人云亡其道斯長維靈不遠來格來享嗚呼尚饗

公祭烈女宋典姐文

爲臣死忠爲子死孝爲婦死節皆人倫之大風化之美也有一於此舉世稱奇若夫娟娟弱息伉儷未諧方在納采之年遂引于歸之義如宋女者尤奇中之奇古今所不多見者也宋女賦性堅貞言笑不苟生長農戶未覩詩書媒氏合婚羅帕成禮蘭家負素之子卽爲宋女舉案之人不意合卺未成蘭子夭折女聞訃而腸欲斷母力勸而志彌堅投繯未及結褵之期至死不改從一之節嗚呼烈哉女出農家一奇也裂蘭姓羅帕而縊二奇也氣絕後面目如生三奇也寒松堂全集 祭文 卷之十一 望

以鄉隣之公舉衛官之申報廳道之查核學使具疏上聞奉 命建坊旌其烈紳士大夫復爲詩歌以表章之女其死而不死矣理宜合塋以慰幽魂從此烈女塚間木可連枝瓜可並蒂鳥可雙棲不獨一方之景仰實爲千萬人千萬世之景仰也女其有靈鑒茲公奠

祭夏師母牛氏文

樞喪母奄忽及禫師母辭世已九閱月於茲矣痛哉樞母逝而師母亦逝慈訓淑型相繼而隕樞且抱憾終天不能已世兄其何以堪耶竊念樞自髫年侍吾師門墻躬承教澤稔知師母閨範久矣唱隨之際相敬如賓井臼之間勤儉備至止生一子七齡就學聰穎而敦重識者以大器許之未幾吾師捐館舍庭訓不終師母堅守苦節以慈代嚴期玉於成雖茹荼和熊不是過也世兄果登列州庠矣尋拔 國雍矣尋又登北畿賢書矣捷至師母乃喜曰我未亡人也庶幾可以報夫子於地下世兄捧賢書如捧激然祇願長侍慈闈膝下也自是菽水承歡樞亦邀 恩歸養樞母或過師母家師母亦或過樞母家相與話閭儀說女工論持家課子之心商崇儉黜浮之道家人閨之莫不凜然樞每於歲時伏臘恭問起居見師母步履壯健似中年人從未見其扶杖也樞私心竊幸曰壽不可量矣不幸樞母於己酉年見背去師母固無恙也乃 世兄就銓且曰吾老矣得見爾膺一命吾心慰矣世兄遂謁天官筮仕南皮令人曰疲邑也樞曰不然皮距對不十舍正好奉板輿時世兄抱病力

疾就任即圖迎養慮冬寒師母不能勝卜在來春和
煦時執意冬杪一疾竟不起耶目下僅是磨一命而
不復沾 綸綍之榮豈非數耶痛哉世兄迎養未逮
湯藥未親含殮未視雖有諸孫在其抱憾終天者當
何如也樞既痛樞母又痛師母兼痛世兄之無母同
於樞之無母即欲升堂一拜而兩家慈闈寂然矣痛
哉奈何嘗讀仲由之言曰昔由為親百里負米親沒
南遊於楚從車百乘累袒而坐列鼎而食欲負米百
里豈可得乎樞與世兄均抱終天之憾淚不能止矣
師母有靈想亦隨淚茲因世兄奔喪歸里虔祭至三
果松堂全集 祭文 卷之十一 畢

門墻弟子薄奠几筵文耶情耶酒耶淚耶伏惟來格

祭貞節妻母王氏文

痛哉痛哉某無母矣幸外母在如吾母在焉今外母
亦棄而去耶此樞之所以痛也憶垂髫時曾親見外
父顏色問病安否外母引至榻前令撫摩之未幾外
父亡遺二女俱屬弱齡外母曲為養育誓不改節俾
二女嫁事次第完成外孫男女幾如林立樞自登第
後官京師者十餘年每月則遣僕致詞自己亥歸養
在里歷十餘年每朔望則躬詣堂前親問起居如家
庭禮蓋外母子視某某即母事外母也樞母去世矣
外母目雖昏固無恙耳去年樞奉 召入都時跪外
果松堂全集 祭文 卷之十一 畢

母床下告別外母潸然淚下曰爾去可喜吾老矣不
能再見爾矣樞忍淚寬慰之迨入都半年聞外母病
尋且瘳逾半年又病竟不起此樞之所以痛也外母
平日每以外父缺嗣為憾今兩曾孫為之承嗣而外
母含殮之夕有姪並姪婦有次婿次女暨諸姪孫姪
孫婦外孫外孫婦外孫女俱環視之以視他人生兒
不立或浪遊遠方醫藥不謀衣食不備有子而無子
者為何如也況外母賦性溫良治家勤儉言笑不苟
壽登大耋冰霜之操達於 彤庭垂於棹楔千萬
為之不朽外母亦復何憾哉樞所憾者一官羈絆不

獲視含殮護靈輅惟有外母之長女奔而送於墓門之間俟封樹而返樞聞訃之日爲位於長安邸舍中焚香設奠率子媳而哭之茲托長兄象懸代告几筵又不獲躬致爵奠此樞之所以痛也靈其不昧伏惟尚饗

祭李孺人文

嗚呼孺人其逝耶何遽至此耶以孺人之淑德即壽登期願坐堂上受五世以下人稱觴進祝容未有父也以孺人之淑德即眼見兒孫輩取科甲綰墨綬跪起床下次第問安咸荷天子恩綸各捧制書以進容未有父也以孺人之淑德漸以內則風鄉里俾人知孝慈家尚謙和戶敦勤儉富忘其富貴忘其貴凡閭內之執婦道者咸奉之爲女師容未有父也何遽至此耶豈侍藥者愛護之至小心之過耶抑果數定必不能違耶嗚呼復何言哉憶昔先慈在世孺人寒松堂全集 祭文 卷之十一 聖 登堂拜祝先慈去世孺人撫棺悲痛曾幾何時玉步不復過寒家矣昨歲六十九歲之辰計及明歲古稀晝堂開筵兒孫舞綵姻族黨無不歌詩而介壽者某若服闋入都恐不獲躬進一觴爲壽此心歉然也孰知某未入都而孺人辭世某猶得伏地痛哭於寢門間耶某入都後遇有佳菓佳蔬欲奉吾母一啖不及矣即以奉吾母者轉以奉孺人佐令子菽水之歡亦不及矣豈不痛哉豈不痛哉茲於几筵前酌酒陳詞自愧弗躬又冗筆不克表淑德惟有遙拜致哀而已靈如有知伏惟鑒格

祭解安人文

解魏兩家年譜世好三十年相與之雅同於骨肉安人所稔知也憶昔辛卯歲安人隨法周年兄自濟陽令內擢戶曹時尊姑郭太安人迎養在京先太孺人亦在京遇歲時伏臘往來過從共談內則并白諸事兒媳輩側耳聽之几上僅餽核數器而已金珠之飾兩家驟未有也先太孺人數稱安人聰慧質樸幼從父授經書下筆數千言可立就却無示及閫外者尋隨法周年兄赴池州太守任不幸值海逆猖獗奸人迎賊郡城內陷遂坐失守遣戍粵東安人從之越閭

東松堂全集

祭文

卷之十一

哭

關萬里險阻備嘗恬如也未幾會赦釋放安人有

一女抱而歸以爲生還故鄉隨我法周兄守墳墓奉

蒸嘗幸矣嗣是先太孺人去世聞安人每一念及未

嘗不潸然泣數行下也今年四月終接法周年元手

書知有老蚌生珠之喜余京邸中兒女僕婢俱舉手

加額以爲清白吏之報不意六月終安人訃至矣法

周年兄亦附手書曰寒家失半壁天小兒女將何恃

也嗚呼痛哉以安人孝而且賢於法周年兄有如賓

之敬晚年琴瑟靜好既得手摩二子玉茁蘭芽又復

躬受恩綸翟第珮聊酬半生之艱苦胡乃天奪

之速俾法周年兄鼓盆而歌撫絃而歎喜中生哀添鬢上霜雪幾何耶獨奈袍絮一官不能辭酒躬莫聊陳蕪詞以申情懷靈其有知鑒之格之

東松堂全集

祭文

卷之十一

哭

祭三妹張孺人文

嗚呼吾妹何遽爾長逝耶吾妹屬續在三月廿六愚兄聞訃在四月朔五吾家兄弟姊妹僅四人長兄大妹得以執手而訣愚兄獨於京邸設位而哭既不能見吾妹之面又不能撫吾妹之棺嗚呼天乎豈不慟哉慟之極無暇爲誄矣然亦不得不收淚捉筆以寫愚兄身在宦途手足傷殘之苦况兼以述吾妹茹荼守節女中丈夫之賢名則愚兄之誄猶是淚也吾妹賦性溫良閨範嚴肅自妹丈去世所遺子女尚未成立吾妹以未亡人撫之教之婚之嫁之曰吾異日乃可相見於地下也其經理家務則豐儉適宜其待宗親族黨則恩義兼盡或有以壺內難處之事相商者則又裁決明爽不喃喃作兒女語固婦人女子中所不多見者懿行彰彰指不勝屈今壽未及耆正宜享諸孤菽水之養酬三十年擘畫之艱倘有採風者舉以入告表其貞節夫亦可以無憾矣吾妹何遽爾長逝耶豈不慟哉然尤有深慟者愚兄生子最晚已酉一子聽星士家言宜寄養於母之多子者十二歲歸本家吉因而此子累吾妹神瘁心勞不啻鞠育計今十二年矣尚不忍遽以歸之魏者而俟焉遺之矣

愚兄將抱此子歸不知吾妹九原之心慰耶否耶憶壬子歲愚兄奉召入都時灑淚而別恐病軀未愈不復見吾妹幸而九年之間勉支瘦骨若從茲漸成衰朽不克勝重任早晚蒙聖恩放歸曰里兄弟姊妹聚首輿亭以愚兄兩鬢霜雪視吾妹纔頰白耳夫何遽爾長逝耶嗚呼慟哉慟哉自去冬至今不半年而哭吾女又哭吾妹此愚兄之所以傷心而老景之所以不幸也有數存焉其奈何哉茲遣誠兒親致誄詞隨吾兄後哭而奠之靈其不昧鑒吾遠悲尚饗

祭曹子步妹丈文

嗚呼慟哉子步死耶其定數耶此固在天者也余何敢言第以其人言之五十八歲而即死余之所不解者也余自髫年受完我夫子之托與子步爲伴讀及夫子棄世又受兩師母之託於子步爲授書見子步孤苦零丁受人欺侮幾不能自存所有先人貲產爲貪官索役並豪強者橫吞殆盡幸其人僅存耳子步始發憤入州庠尋以本朝定鼎改武署渾源守戎未幾歸而耕薄田營生計粗有棲身餬口之業然而慷慨之性樂善之心往往重義而輕財扶危而濟困

寒松堂全集

祭文

卷之十一

五

在國必爲忠臣在鄉里爲長者在海內必爲義士此人當死耶不當死耶今竟死矣此皆余之所不解者也慟哉夫復何言哉獨余老矣憶子步於己未之春送余大兒入闈又於庚申之秋送次兒入京見余年過六十鬚髮多霜勸余加飡復望余首丘倘余犬馬力竭謬蒙聖主鑒憐俯允乞骸之請生還故里子步已先我而逝余目中不見子步何以爲情即今聞訃而悼傷飲食頓減又增一番老况余所以深慟子步之爲人如此而竟死也其竟死者定數也其不當死者子步之生平爲人也可奈何哉京邸設位兒女羣悲大兒感切躬奠總悼兼慰吾妹以安旅思靈其不昧來格來依尚饗

寒松堂全集

祭文

五

祭二妹曹孺人文

嗚呼痛哉余宦京邸者十年而手足骨肉之間傷殘殆盡矣豈不悲哉歲壬子余奉召入都親若友送別殷殷吾女拜吾膝吾兩妹侍吾側勸吾加餐子步妹丈送吾至京師凡長途之飲食起居旅邸之米鹽薪水皆躬爲經理不假人手閱數月乃歸彼時余抱疴吾妹及吾女皆無恙也乃已未歲亡吾女庚申亡吾三妹今夏又亡吾子步妹丈聞訃之後悲慟傷心淚不能止回憶至戚中當日慰余送余者止存吾妹一人耳勉抑哀衷爲文一首詩六章哭之不自知其

寒林堂全集

祭文

卷之十一

七

言之長也隨遣吾兒歸慰弔吾妹丈兼慰吾妹勸其節哀抱孫以消晚年歲月倘余他日乞骸而歸見吾妹鬢髮蒼蒼矍鑠而來一敘十餘年手足濶別之情事且悲且喜即如見吾妹丈及吾三妹與吾女也嗚呼痛哉何吾妹今又不存耶吾妹年十三賦于歸即充盡婦道營塋其祖若翁拮据艱苦鄉里欺侮之事孀姑備嘗彼時門祚衰薄孝養不缺且事死如生歲時蘋蘩之薦三十年如一日吾妹之孝可以感格天心也吾妹丈讀書於外吾妹獨理家務佐膏火資後因世出單丁欲置側室至於動色相勸吾妹丈終不

之從而此意亦閨閫所僅見者矣吾妹之德可以挽回定數也吾妹忠厚存心勤儉御下有人稍設雌黃者必力斥之曰勿傷厚道若不聽則遠去之弗與言而且華細不事粗糲自甘荆布之風度幾見之吾妹之懿行可以享長年膺厚福也何年甫週甲頓棄人間世耶天道果不可問耶意者吾妹丈於琴瑟之好晚年更篤家庭出入相敬如賓或園亭花開果熟必攜手同觀相視而笑彷彿鹿門遺意今不忍中道乖離竟相從於地下耶不然何天奪之速耶獨是余兩鬢多霜傷心疊見三年內四動悲哀一月中兩聞凶訃老年何以堪此耶至他日乞骸歸里之時舉目淒淒余又不知如何感悼矣謹陳薄奠用表遠忱靈其有知來享來格尚饗

寒林堂全集

祭文

卷之十一

七

祭方伯亮四同年文

嗚呼先生其逝耶人之哭先生者謂學貫天人蔚然
爲世儒宗是三晉一大人物也而執掌外吏終不獲
仰承 顧問先生以天下才別歷中外所至泰廉平
第一而不獲竟其施先生德重於朝功施於野善溢
於鄉而不獲享期頤壽以爲砥行修身者報是皆足
爲先生哭嗚呼先生塵視富貴達觀死生亦何一足
介先生意而所以哭先生者以先生至性隱德不欲
人知卓然爲邦國望而今不可復見也先生家故貧
早失怙恃依大父鞠育甫領解額色養不逮先生含
痛終身布衣藿食歷官數十年不乘輿不衣帛不一
御梁肉人詰其故則嗚咽涕泗悲不忍言先生之孝
何純也先生起家學博晉郎署外歷諸監司偉績彰
彰未嘗候朝廷一事而飲冰茹蘖未嘗取百姓一錢
甫擢楚右轄聞彼處上官有陋例即引疾不履任願
甘罷職策蹇歸里門閭闢萬里一僕隨之尤古人不
遽家居時累經薦舉被 徵召復以老病不能應意
似理亂勿與聞者然平居指畫山川險隘政務要領
地方利若弊所當先後緩急憂勤隱恤惟寐始忘一
遇事則慷慨勞晝義不引嫌每娓娓數千言爲國

寒松堂全集

卷之十一

祭

寒松堂全集

卷之十一

祭

家綢繆未雨之患又未嘗一日忘 君父先生之忠
愛何摯也先生以名進士位至方伯亦尊矣榮矣乃
二十年閉戶蕭然躬耕數頃日與農夫牧豎飼牛羊
操畚插爭勤惰於嚴寒溽暑之中雖老無幾微倦色
先生之律已何高而苦也先生窮經讀史於古人書
無不窺下筆數千言不易稿所著述等身人叩之冲
如也問所得曰無有而其與鄉人交循循謙退雖遇
臧獲不敢有傲容人亦幾不知爲畢先生者先生之
接物何謙和而下也此皆先生之隱德不欲人知知
之亦未更僕數方諸古名臣隱君子誰爲先生伯仲
者今天下又安 聖天子敦崇耆舊愛惜人才使假
先生以年關西操守范老甲兵足以有大任決大疑
當與永寧于比溟先生齊驅並駕利濟生民即不出
而讀書田畔上下古今與太原傳青主同爲 熙朝
文獻亦人瑞也何竟奪我先生之速耶嗚呼痛哉朝
之士大夫何所式鄉縉紳誰復爲典型當事之訪得
失禮於其廬者奚所諮而處焉父老疇與嬉遊後生
小子將焉考德而問業四方之聞其道勃然而慕者
烏乎景從迴念同譜諸君子落落晨星又將安倣而
安仰也嗚呼筆至此而涕霑霑下矣哀哉尚饗

祭少參王近微同年文

吾丙戌一榜登進士者四百人斯時也 國運方開
人才蔚起與一代從 龍之彥接踵聯輝濟濟稱盛
在內則翰苑臺省以至卿貳端揆不乏也在外則藩
臬巡方以至節鉞不乏也若先生者具磊落英敏之
才負光明俊偉之氣虎頭燕頤骨格異人以之任大
事決大疑建大議經文緯武出將入相裕如也誰敢
以百里才目之乃按序授官予恩縣一令時值地方
初定伏莽甚多父老子弟不得安耕鑿上官且爲城
池倉庫慮先生笑曰善牧馬者去其害馬者而已今

寒松堂全集

祭文

卷之十一

七

寇在門庭而不除如民牧何遂親率健捕躬擐甲胄
直入賊穴擒渠散脇如是者數而積寇靖四境安然
後善用撫摩勸課農桑三年報最擢禮曹凡定制求
才諸事無不實心擔當往往名公巨卿及都人士見
之曰此明堂一柱也尋分憲慶陽其志甚壯秦西之
人素聞先生名望之如景星慶雲獨是性顛直不肯
媚上官履任年餘堅以病辭兩袖清風飄然去矣始
也一縣令耳有上馬擊賊下馬草露布之畧而不獲
大其用究也一監司耳有一介不與一介不取之意
而不獲竟其施先生平生抱負將自是遂已耶墨莊

一卧不復作功名事業想集詩萬首寄托終身矣有

知先生者累薦於 朝再蒙 徵用先生終不能就

而不意病果膏肓矣嗚呼先生甫遇花甲何奪之速

耶哭先生者咸謂先生才氣骨格天壤所不多得

朝廷所不常有是可悲也而不知先生居鄉德望更

有堪爲矜式者林下二十年杜門不出於地方官長

從不通一刺先是典試山左最號得人後門下士蕭

公視學上谷先生力卻謁見成其大公試異問寒溫

一語足矣師友高風俱可千秋不朽至里中少年橫

加欺侮毀門庭之額辱骨肉之親似難忍矣先生卒

寒松堂全集

祭文

卷之十一

七

不與較晚年涵養智深勇沉駸駸乎近於聖賢之自
反者有如此語云雖無老成人尚有典型於今不可
復見矣第是年既哭吾畢公亮四而先生又倏騎箕
尾一時恒山以北太行以西頓失兩大人物爲年譜
悲耶爲桑梓悲耶爲世道人心悲耶不覺涕泗下而
悲風起矣先生有靈請鑒格馬尚饗

墓表碑銘

刑科左給事中沁澹楊公墓表

余不敏言不足重輕乃不得已而出一言以庶幾不
沒其人於生之日亦不得已而再出一言以庶幾不
沒其人於死之年非好多言也將欲爲 朝廷養直
言敢諫之氣爲天下後世千百年留直言敢諫之臣
而已沁澹楊公山西陽城人也以前進士簡戶科給
事中特疏糾璫援高平令喬淳貪酷論絞淳以賄營
反噬誣公請托不遂勘問數年亦羅織獲罪去又數
年我 大清定鼎訪求天下言臣特舉公授禮科右
遷刑科左丙戌典山東試丁亥行 計典疏糾平陽
通判署某縣墨狀下撫按察覆謂公風聞不實部議
輒鐫級判得遷隣省郡同知未幾撫按臣即以貪
糾黜之一時廷臣皆惜公直余叨吏垣長時奉 上
諭察科臣進言罷斥者察用公名列疏中以非斥革
者比不行又因言官職掌未盡具疏剖公前事寬亦
不行乙未春 上念及舊臣吏部方列公於十三人
之首以 聞得還原官未入京卒於里公性廉介交
際悉槩絕且慙直與人不易合然皆敬憚稱爲古君
子云至晚年百折不回蒙 上特用之公雖未拜官

東松堂全集

墓表銘

卷之十一

七

而天下之人皆知直言敢諫有沁澹楊公其人者歷

康熙十一年余膺 召再來京師公之子梓如請表

其墓余又不敢使直言敢諫之臣終落於荒烟衰草

而莫之知將爲詢其墓高幾尺田幾畝種松與柏幾

樹石碣之屬幾若行請一一鐫之於石使天下後世

千百年行道之人過其原而指之曰此 大清直言

敢諫禮刑二科給事中楊公沁澹之墓公諱時化字

季雨別號沁湄萬歷己未進士以行人授戶科給事

中仕 大清授禮科右給事中遷刑科左給事中

於萬歷乙酉閏九月初四日卒於順治甲午三月十

東松堂全集

墓表銘

卷之十一

七

四日享年七十

通議大夫福建督糧道叅議前巡撫陝西兵部

右侍郎兼都察院右副都御史伯珩張公墓表

余與陽城張公伯珩同舉于鄉復同仕於朝日以所學相砥礪余先養母歸闕八年公卒於官余在對聞訃爲位而哭諫以言者再蓋爲吾道惜也既卜塋其子茂生丐東谷先生誌且銘走書屬余表其墓余知公頗久不忍辭乃西望拜手而言曰此墓也是海內所稱清介君子世祖嘉其實心任事不愧風憲者也公自起家縣令歷侍御擢亞卿特改巡撫以寒松堂全集 墓表銘 卷之十一 李

迄謫補少叅所部吏民將士有一不德公者耶卒之日自朝至野暨鄉里故老有一不悼傷涕泣者耶公之人品德業表諸海內久矣余胡表表者躬行實踐之儒而狂狷之流亞也公爲人篤於孝非法不言非道不行可謂孝矣行孝先以忠去其私正其色可謂忠矣與人畧短而取長得人一善若已出可謂恕矣平生不立崖岸不苟同流俗不矜名飾節以欺謾朋友不爲急言遽色以凌轢屬吏事無巨細求其心之所安而止嘗自言人能於五倫中遭逆負屈真心忍苦不求人知即此是陰德又語余曰願學孔子萬

古不易家法尋取所爲下學者何在其正已而不求於人乎又曰顏子之屢空武侯之淡泊入道本領在此公於躬行實踐誠爲得力若第謂才守過人而著書未聞也豈知公之學者哉公壬午列賢書纔十八齡余從八十人中竊窺之疑重如山嶽對同譜無一戲謔語其居鄉也聲色玩好了無所喜邑俗故尚奢公默寓維規懼隳先世淳樸意雖官至中丞僅置一區構家祠爲蒸嘗地耳余見世之爲大僚者甫膺華騰輒廣結納競豪華諸凡宮室輿馬僕從優伶田園器具服飾宴飲之類無不侈然鳴得意然而怨惡隨之弗恤也公有一馬否且人有廉未必才而有才或反以佐其不廉即廉矣才矣又或一念一事之勉強而非其心之所安也視公之心爲何如耶昔人有云所不取也可使貪者矜而非彫斲以爲廉所不爲也可使弱者立而非矯抗以爲勇惟公有焉嗚呼儒術不明一二講學之士徒騰口說觀其取舍大抵時所好耳違俗而適己獨行而特立如公者乃可至於聖人之域而無難憶昔與余論學有中行不可能狂狷亦非易之語蓋素心也擬之以狂狷之流亞匪敢抑公云余不敏謬辱公知亦竊自附於知公獨以不獲

其學中行爲憾安在公之朝聞而夕死而余非罔生也吾道其不幸矣夫公諱璿字伯珩漳州之陽城人若家世行實生卒年月子女已詳誌中不復表

承德郎進奉政大夫吏部考功司郎中王筍馬公暨元配宜人吳氏墓表

嗚呼是爲吏部考功郎中王筍馬公暨元配吳宜人之墓公醇儒也與余稱道義交者垂二十年每以聖學相期許其反躬實踐余往往愧弗逮公與余同有母公先蒙世祖章皇帝允侍養余繼得請閱十年遭先太孺人喪除服未匝月而公卒壬子元日余聞訃痛悼伏地不能起竊念慈闈之養未終君父之恩未報吾道又何不幸也時諸孤走使具狀乞余表墓道以垂不朽余遽無以應稍定發哀函曰先君未塋恐傷祖母心卜吉春二月啓先慈吳安人墳舉合塋禮隊中誌銘孫徵君先生許之矣及讀徵君先生書又以墓表文屬余謂余不忍不一言也余不敏即有言亦何能不朽公哉第畧舉生平表其聞見最真者爲後世觀感云公諱光裕字繩貽號玉筍別號止齋先世由曲沃徙安邑自始祖以下傳七世皆有隱德曾祖崇博雅君子也從學之士五經咸備崇生斯才以春秋登萬歷乙酉賢書宰尉氏有聲是爲公大父斯才生之偉積學弗顯學者稱爲高隱先生皇清覃恩贈承德郎進奉政大夫元配張太宜人生丈

夫子二長即公幼服庭訓卓然有遠大之志稍長益肆力於學凡高隱公所藏書悉搜覽無遺與堂兄聞如弟玉霽交相砥礪一門儼如師友爲文以理學爲宗不屑屑逢時技年十七爲諸生尋食餼遭高隱公之變哀毀骨立祭葬悉準古禮乙酉登鄉薦與尉氏公科目次第皆相符人咸謂馬氏世有積德云丁亥舉進士戊子授工部都水司主事乙丑上命管理衛河公遣役迎太宜人與吳安人至任所隨躬歷河干率所屬郡廳力督疏濬奉清慎勤三字爲官箴夙弊悉除去于河有圖有說務殫心力不敢怠職業退

寒松堂全集

墓表銘

卷之十一

墓

食有暇晷自念平日私淑鄉先達曹眞子先生未窺精妙時容城孫徵君爲一代理學宗隱居蘇門公日造大賢之廬究心濂洛關閩之學篤志躬行不敢不勉道岸斯登矣閱兩朞吳安人忽遭疾不起公悲歎曰吾門內失良友奈何吳安人爲邑望族吳五桂之孫女性端莊識大體治家勤儉以孝敬事舅姑與公相敬如賓助公爲孝子爲廉吏爲理學醇儒者安人之力居多也壬辰冬差滿報命假道過里門爲吳安人畢塋事繼娶劉宜人隨赴京供職轉銓曹由文選主事陞考功副郎晉稽勲歷驗封至考功郎凡五

遷迎太宜人奉祿養俱不就命來使報云當學吾邑劉吏部清正勿以我爲念公益勤於官兢兢飲水自惕留心銓務力扶公道余待罪部門與公爲比隣雖爪李引嫌頗悉公舉動會推大臣則侃侃持正昌言於朝考功日議天下功罪不下數十件悉以平心處之一一奉王法天理而行甲午春題庭聯有事必告天心惟向日二語稽勲號寡事公檢架上遺編輯日抄二卷宛對典型又思天下大勢第一在培養元氣因草晉民三大苦一疏以無言責不果封進遇地方大吏之任採及地方利弊即詳言之次第入告

寒松堂全集

墓表銘

卷之十一

墓

得嘉納再陟功司兩經考核督撫矢公矢慎無不仰副上意丙申正月掌計典竭七晝夜心力詳核再四不徇私枉法逐人逐事剖斷明確然後登冊復錄實蹟一冊自隨同事初以爲煩及上問降級多寡之故公據所錄起草一夕疏成諸公咸駭神奇讀公先期告神文蓋凜凜乎趙清獻之復作也在部兩奉嚴旨皆出意外公疑神定慮惟以義命自安時玉霽以乙未進士受職之任公訓誠懇懇復命余贈言策勉玉於成公將母之念愈切矣曰古人不以三公易一日之養况吾弟遠離膝下哉遂亟以終養請

上報可一時公卿祖餞賦詩贈別皆曰馬先生純孝人也及抵舍日依太宜人左右居必致敬養必致樂凡可以悅親心者無不曲盡太宜人偶違和爲文祈於神願以身代不數日大愈會營宅先立祠堂四仲致祭必豐必潔曰吾身所享受皆先人貽澤也願子孫世世勿忘因稟太宜人慈教著家鐸曰則首孝弟次和敬次勤儉次寬忍逐款作歌明白易曉遇朔望講解家人悉敬聽焉居恒不問戶外事問視之餘建育德書院日課諸子其中曰望汝等爲真人品真學問慎勿昧我家聲也又誠之曰天地惟無物不有無物不容所以成其大若有一計較便生間隔與天地生物之心便不相似諸子拜受教公處袒免而下至於里閭全以至誠惻怛之意相爲流通任物情之或喜或怒或德或怨求慊於心足矣總不以介意即有犯者亦不較嘗布感應篇三萬卷廣示從善之樂曰善人人可爲聖人人可至只一念悚惕便是人定勝天公一生學力都在人倫日用處切實體認以主敬爲把柄以躬行實踐爲工夫坦率謙謹中有確乎不拔之操有廓然大公之度隨時隨處檢身常若不及近年尤竭力於自反曾寄余書曰邇來毫無善行

足述只事事反求諸已不敢謂已是不敢謂人非因病求藥大君子宜有以教我余敬讀茲語益服公五十知非之學焉宜乎徵君先生二十年道義開切無異余之與公也先是公每遇生辰不受客賀遇太宜人誕日則舉觴盡歡去秋已得疾爲太宜人壽猶作嬰兒狀寢疾三月扶掖問起居不少懈彌留之際猶惓念孝養未終潸然泣下也孝子之心其曾氏之敬手足乎諸如敬族親恤孀孤佐鄉約以挽頽風立文社以崇實學與閭邑議建學宮之尊經閣與友人馬子補正先賢先儒之名號位次芳規美蹟昭然在人耳目間彼世之讀聖賢書溺於紛華嗜慾惑於異端虛無者無論矣有能如公之孝友天至謙謹性成不以不義之物奉親不以非道之行辱親生辰不受賀母誕則舉觴歡宴抱病猶不欲親知至扶掖問安死而後已者幾人乎有能如公之位列銓曹飲冰誓神矢公矢慎一一奉王法天理而行者幾人乎有能如公之力肩聖道就正大賢實踐躬行反求諸已不外人倫日用以爲學者幾人乎嗚呼公往矣公以一身承先啓後積厚流光子孫日蕃盛科第日聯翩其所以不朽公者將有在乎嗚呼公往矣後之人望鬱鬱

松楸撫豐碑而讀遺文寧無觀感而興起者乎此余
表公之意也夫公所著有止齋集庭訓錄若干卷若
公與吳安人生卒年月日世系子女及吳安人懿行
俱詳載各誌銘不復表

通政使司通政使前刑部尚書東谷白公墓表
於戲是為 皇清通政使前刑部尚書晉大儒東谷
先生之墓先生薛文清後一人也其學專事求仁復
性而以存誠主敬為功要在躬行而實踐之嘗作仁
敬誠贊矣曰每日隨事求仁則此心常在少有斷歇
即是自欺但不敢自欺處即敬即誠即仁至於仁而
事畢矣又作復性贊矣曰仁即性也誠敬所以復其
性也於戲觀先生之言以考先生之生平則皆不出
乎此矣先生明季成進士選庶吉士當 國初召入
翰林以忠誠受知 世祖皇帝擢吏部侍郎刑部尚
書 世祖英明天縱注意刑法懲姦不拘常律先生
獨謂開國規模宜崇宏大務以寬平佐 聖治凡事
兢兢畏慎公私出入律未嘗去手丁酉歲科場獄起
北闈一二敗事已伏臯獨南闈所坐無主名先生懼
非辜未敢即讞決會有蜚語上聞 世祖怒寘考官
於法降先生一級蘇松巡按王秉衡坐贓死 世祖
欲沒其妻子入官先生念罪人不孥同三法司議免
世祖召先生詰問再三先生援律正對獨自引臯
世祖不懌素知先生無所欺僅降三級調用而已
當是時 天威嚴重廷臣被詰者皆震栗失措先生

從容敷奏不激不撓卒之感悟 聖主曲示包容非
誠且敬能如是乎先生補太常考合祀議雅樂遷通
政爭寃民叩閣事侃侃力言未嘗以前故少却值
今上嗣位 國有大事奮顏抗議尤多方駁駁進用
屬遘微疾遽疏乞歸堅卧不起於戲進不致以尸素
負國家退不致以寵祿負一已出處較然不款其志
非誠且敬能如是乎先生既歸杜門却掃以歸庸名
齋日取六經性理諸書研窮體究刪朱子近思錄文
清讀書錄各為一書教訓子弟及其鄉人晚歲工夫
愈深涵養愈熟深入性天之奧然益刻厲進修不肯
東松堂全集 卷之十一 三
少懈疾革集子孫問曰誠敬無心二者孰是少問曰
無心涉外道當以誠敬為主言訖而瞑蓋先生一生
得力用行惟是舍藏亦惟是生順惟是致寧亦惟是
如饑之食如渴之飲欲須臾離而不可得於戲至矣
故余斷謂先生文清以後一人而敘其立身行義之
大仍蔽以先生之二言曰誠曰敬予繼先生登 朝
居官暇相過從必以學問正宗勗勉望余殊深余陳
情終養歸先生賦白華六章以贈未幾先生亦 予
告家居相去二千里有便必教以學余有所問手答
不倦為余作家祠碑記仁人之言藹如予再補臺班

貽書訓誨備至先生於余不獨道義之殷又情誼之
篤如此先生之歿既自為誌其孤舉人方鴻復遣使
請予表其墓予雖欲以不文謝其可得乎先生姓白
氏諱允謙字子益東谷其號澤之陽城人世繫官爵
生卒月日子孫塋地具自誌中不更錄於戲先生之
人不待文而顯而余實言書此匪獨慰其孤之請且
以告吾鄉之人庶幾覽之而感慕興起發憤力學繼
前人於不墜他日復有如先生之於文清者夫亦先
生之志云爾若予則重負先生之志矣

徵君孫鍾元先生墓表

康熙十有四年四月二十一日徵君前明舉人孫鍾元先生卒其年冬十月塋於輝縣夏峯之東原又八年蔚州魏象樞表其墓曰先生諱奇逢字啟泰鍾元其號保定之容城人大父臣嘉靖辛酉鄉薦歷官河東鹽運司運判父丕振邑諸生先生年十七舉萬歷庚子科鄉試與定興鹿忠節公善繼為友以聖賢相期勉忠節家江村先生家比城相去十里雖風雪暑雨過從無虛日討論濂雒之旨而證諸六經發為文章皆自抒心得不屑屑訓詁詞章也性至孝連丁父

東松堂全集

墓表銘

卷之十一

墓

母憂哀毀成疾喪塋一準古禮偕兄弟結廬墓次者六年巡按御史以聞下詔旌焉家故貧饔飧常不給有巨室以金粟餽者婉却之一日與鹿公講學自辰至日昃蒼頭始持豆麪作羹以進怡然無不足之色嘗言從憂患抑鬱中默識心性原本生平學問實得力於此天啓末魏忠賢竊柄荼毒正人左忠毅光斗魏忠節大中周忠介順昌先後被逮三君皆與鹿公為友於先生有國士之知時鹿公贊高陽孫文正公軍於榆關先生遣弟奇彥上書高陽曰蓋魏諸君善類之宗直臣之首橫被奇冤有心者孰不扼腕昔盧

東松堂全集

墓表銘

卷之十一

墓

次梗一莽男子耳謝茂秦以布衣為行哭於燕市曰諸君今不為盧生地乃從千載下哀湘而吊賈乎李獻吉在獄何中默致書楊文襄求一援手康德涵至不自愛其名左魏之品可方獻吉非次梗所敢望某一介書生無由哭訴尚慙茂秦閣下名位比肩文襄豈至出德涵下乎高陽覽書即具疏請入朝面陳軍事將為諸公申救忠賢聞之謂高陽與晉陽之甲夜遠御床而泣乃馳詔止之時左誣誑二萬魏周皆數千嚴期追比三君子皆清白吏無以應而忠毅舊為三輔屯田使有遺愛又嘗督學畿內門下士甚眾先生與鹿太公及其友張果中倡義獨助輸者雲集甫就而三君子相繼拷死則又經紀其喪餘則按籍俵散當是時邏校嚴急士大夫觸手糜爛親戚故交鍵戶謝絕先生慷慨急難呼號同志禍福不足動心而禍亦卒不及也高陽知其有經世才將題授職方郎與共事先生知時不可為自陳願老公車不敢借途求用臺諫交章推舉堅辭不就崇禎丙子容城被圍土垣將圯率宗族間黨矢志守禦城賴以完巡撫都御史上其事特詔褒嘉南兵部尚書范公景文聘贊畫軍務亦辭不赴時秦晉已陷寇氛漸逼都城携家

入易之五公山結茅雙峯嫺黨門人依以自保者數
百家飭武備定條約暇則講詩習禮修冠婚喪祭儀
節簡而可行干戈搶攘之際絃歌俎豆遠近服其德
教盜賊聞而屏跡時以方田子春無終山馬 同朝
順治初祭酒薛公所蘊具疏讓官兵部左侍郎劉公
餘祐及巡按御史薦剡上先生堅卧不應蘇門爲康
節魯齋讀書之地泉石幽勝遂移家築堂名曰兼山
讀易其中子孫耕稼自給門人負笈來者日衆先生
涵養日邃每晨起謁先祠畢澄心端坐雖疾病未嘗
見情容接人無貴賤少長必以誠有請問者隨其淺
深傾懷告之無不人人自得子孫甥壻數十人進退
揖讓皆有成法即耕夫牧豎亦知尊敬時節花放隣
村爭置酒相邀兒童皆歡喜相就曰我先生也年九
十二卒士大夫弔哭屬路不絕市者罷耕者廢耒督
學使檄郡邑列祀百泉書院容城夏峯皆立專祠祀
之先生著書甚富理學宗傳表周元公以下爲十一
子別爲諸儒考附之蓋出獨見非依傍舊聞者其學
主於慎獨而於人倫日用體認天理嘗曰喜怒哀樂
中節視聽言動合禮子臣弟友盡分此終身行不盡
者自言平生年愈進功愈密天理二字是千聖心傳

非語言文字可以承當世之學者不務躬行惟騰口
說徒增藩籬於道無補體先生之言可以自悟矣余
昔奉母里居無由親炙與聞緒論間嘗馳書請質所
疑荷先生手教還答千里如侍几席今典型既邈後
進誰宗因其孫壬戌進士淦之請謹書其大者如此
過其墓者低徊俯仰當有慨然興起不能自己者則
先生之風教愈遠而彌新也其子孫名次列在志銘
者不具述

文林郎清源縣知縣儲公遜菴墓誌銘

康熙丙午丁未間人文焜耀宜興三儲配三蘊讀其文其一蒼蒼堅緻類有節一英華美秀而有度一個儻幻化義不與今古人苟合有骨觀乎人文以化成天下此其驗也壬子歲余奉召入朝詢三儲官一選木天其二則皆百里選也乙卯大兒學誠舉於鄉出孫太原儲清源兩公門儲公者正余曩讀其文謂義不與今古人苟合當世所稱廣期先生者也歲時廉其治狀有聲戊午上詔舉天下博學宏辭之士董學士訥疏清源知縣儲方慶人文稱報可將入都

東松堂全集 卷之十一

清民攀轅環泣不忍慈母去比至都下待試十閱月滿然著書足不過公卿門試不中清源復以竹馬來時抱病絕意仕進竟歸里自號遜菴爲兒時家門鼎盛其祖太學公承御史公後頗豪華蓄女樂二部堂中匏竹絲管歌舞之聲不絕母家潘氏饒甲興邑父太學君奇愛遜菴外內戚屬爭致煩艷娛悅耳目遜菴概棄不視獨愛書七歲五經成誦八歲抱至督學前與試號奇童十六試棘圍不中屢試屢鎖中更父若母大喪家廼中落遜菴益肆其志於文章三十四舉江南榜第一共難兄井陘公善慶堂姪庶子公振

俱大魁名益盛震動一時遜菴殿試直言時政比諸封事得二甲不與館選遂家居奉祖如父七年令清源西南方用兵清爲孔道邑小牛馬芻秣供億日增數從上官爲小民請命力言費煩重作法派民軍行不數年而民盡矣上官意不許遜菴憤激舉債補濟歲終銷算亦不許乃力任不派里甲絲毫士民咸德之獨不獲意於上官坐不能去又不許是時善慶令井陘與清源遙望五百里軍興震盪旁午飛馳之聲相應日或踣數馬所過誅責不如意杖馬箠指長吏雖以怒詈井陘君不勝憤自經署中風聞遜菴哭累

東松堂全集 卷之十一

日夜不能止引疾乞休曰職與亡兄生同胞幼同學稍長同失父母起居飲食倚祖爲命及成各卜仕無不同者兄困於王事死非命不才骨與俱碎有祖九十有五不能當悲哀乞題放還保祖命左右聞者皆泣當事不爲動踰年其祖太學公果告終遜菴求去益力上官留益堅病甚會徵車就道事畢余始相識知其義命自安不復作金門想遜豈待卜哉既歸塋祖成禮撫荒田敝廬甚適掃榻讀古人書課子姪爲文章門無雜賓慶吊宴會不相聞非骨肉戚屬與素所交遊雖至不見後亦罕至遜菴又嘗自愧不及古

人獨一見與余合遜菴才名初盛余在家及余在國
 遜菴復去官余爲詩送之有人從玉署瞻 龍衮君
 合銅章讓布衣之句遜意存焉爾遜菴爲人天性耿
 介扶弱抑強不慕勢利才幹骨力養晦數年可任天
 下事乃五十而夢登天悲哉遜菴家世起唐御史儲
 光義公以事長卜江南后裔止宜興爲臧林儲氏累
 世簪纓不少入明宗祀益繁行曾祖御史公昌祚起
 萬歷名進士傷於讒終蜀兵備晉階中憲大夫祖懋
 端太學生父福疇中壬午副榜貢太學有文名 贈
 文林郎清源縣知縣母潘氏明己丑進士戶部郎中
 案松堂全集 卷之十一 五
 諱守正公孫女州二尹諱紹謨公女 贈太孺人生
 四子公其三也公諱方慶字廣期號遜安康熙丙午
 解元丁未進士授山西清源縣知縣生於癸酉三月
 初五日辰時卒於康熙癸亥三月二十九日辰時享
 年五十有一配 氏子五人長右文中康熙丁巳科
 順天舉人娶莫氏辛丑進士現任刑科給事中諱大
 勲公女次大文邑庠生娶董氏現任陝西漢中府知
 府諱遂昇公女次在文郡庠生未聘次郁文未聘次
 雄文聘蔣氏乙未進士候補少參諱龍光公女女四
 人長適王沂遇次適太學生瞿天奇次適太學生潘

本仁己丑進士長蘆分司諱瀛遜公冢孫現任湖廣
 淑浦縣知縣諱眉公長子次許字那庠生周百藥庚
 辰進士禮科給事中諱正儒公子遜菴門下士牛兆
 捷善師遜菴聞變有望祭文詞甚哀亦傷遜菴長於
 特立沮於孤行也余兒學誠以詩有空將詞賦傳
 華國不使才猷說濟川之句其實錄哉所著文集二
 百篇詩各體共千首嗣刻行世爰系以銘
 銘曰景星慶雲天之瑞也文則有神君慈母人之善
 也官則守玉輝於山珠媚於淵而弗耀於市物何咎
 于未義興號才數朝華夕謝難爲久鬱彼佳城深且
 厚登高望遠期不朽
 案松堂全集 卷之十一 牛

誥封徐母顧太夫人神道碑

國家丕基肇造敦龐淳淑之氣蔚爲人文必有偉人碩彥應運興起閱學名德萃於一門如古之元凱其人者古今史氏所記不多見蓋以卜天地錫瑞之徵祖宗養賢之報也崑山徐氏健菴名乾學果亭名秉義立齋名元文兄弟先後擢大魁官侍從立齋且侍講幄備聖主顧問矜望金甌矣搢紳先生嘖嘖稱科名盛事然君子則以爲芝草有本醴泉有源徐氏之賢非獨子德茂也蓋實有義方之訓焉尤數數聞之吳中長老云丙辰冬聞太夫人訃健菴立齋哀毀骨立幾不欲生自都下奔喪素車白馬長號而歸果亭時請假在籍卜塋有日介余友葉詠菴學士屬余撰墓碑文余竊自念先慈見背後母儀雖存弗克躬踐迨詳讀行狀輒俯首至地拜徐母之訓猶吾母也曷忍辭按狀母顧姓自高祖至祖皆進士累世爲顯官父資瑤公諱同應官廕生清修篤志品重東南母何夫人博學明禮幼即訓以列女傳孝經諸書太夫人四歲即能誦唐詩屬對女工組紃精敏過人穎慧性成也十五歸贈侍郎公操家政者四十六年事王母相夫子教後人爲徐氏孝子賢婦嚴師其懿節高

寒松堂全集

神道碑

卷之十一

全

行志銘詳哉言之謹述其槩太夫人之智仁恭儉數

大端可爲百世儀型者太夫人諱見遠大每論古今及當世事幾侃然言之洞中窾要贈公讀書好古不爲酷吏所善以危法中之幾不測太夫人心力交瘁營救解免得明哲之義贈公遊學閩越及隣郡一切徭賦逋責叢委填萃太夫人綜理酬諾悉無後時贈公得端意四方交無顧慮賴太夫人智也課健菴兄弟尤謹嚴所讀書背誦覆校問大義夜分必察其讀何書何所語俾贈公之誨益勤不懈丙午經營贈公大事折衷古禮哀悼况率無遺憾維太夫人仁也先

寒松堂全集

神道碑

卷之十一

全

即一門元凱不是過也益信太夫人之智仁恭儉儀
型百世矣余不文不能表章懿德聊據其實用備異
日太史之採云爾太夫人享年六十有一 誥封太
夫人 贈侍郎公先太夫人十一年卒贈公懿行齒
爵別詳志乘子四長乾學庚戌進士及第右春坊右
贊善兼翰林院檢討次秉義癸丑進士及第翰林院
編修加一級次元文己丑進士及第 經筵日講
起居注官翰林院掌院學士兼禮部侍郎加一級教
習庶吉士次亮采監生女二孫男六孫女五其聘娶
姻姪太夫人生卒年月詳載志表不再述爰系之銘

銘曰

懿彼女宗嬪於東海內則既閑母儀斯在一經教子
勝金滿蕭三鳳鏘鏘來儀闕庭或長北扉或參侍從
譬作明堂汝惟梁棟龍章象服以答勞勛華廕匪榮
德婉大家賜肝鬱鬱昆山之麓億萬斯年自求多福

碑碣銘

蔚州宋烈女石碣銘

康熙四年正月二十三日蔚州衛西崖頭烈女宋典
姐死死之日年十七父宋有懷母裴氏無子典姐先
是許字州民蘭尚安子蘭州廝兩姓皆農以羅帕約
爲婚未及娶蘭州廝暴亡其家距西崖頭二十里計
至女涕泣絕食乘間裂原聘羅帕自縊死嗚呼烈哉
衛有司具事請 旌表暫厝淺土五年十一月十二
日督學使蕭公惟豫聞於 上報可越歲丁未四月
十六日蔚士民議運典姐柩啟蘭州廝塚合塋焉義
士李雲華磨匠誌其墓舊史氏魏象樞爲之銘曰其
心如結其碧爲血不爲劍合寧爲玉折生則異室死
則同穴 天子聞之書曰貞烈
山東法若真曰宋蘭皆農也宋且無子僅一女生固
未解忠孝節義之事且年十七尚未嫁日從父母荷
重執穡事聞訃置甬歸而自絕嗚呼女固烈矣其父
母能視女之怡然以就死也亦賢矣哉魏生銘其死
者予傳其生而能視其死者

行狀

刑部尚書謚端敏公愚劉公行狀

康熙十八年己未大司寇劉公公愚以致政卒於里報疏至 上覽而悼之予祭筵如例謚曰端敏一時諸縉紳無不涕淚者余與公同庚同榜復前後同官尤有深痛云公子性哀毀骨立具行狀乞余狀詞甚哀志甚切也余素知公誼不容辭遂狀焉公諱健字玉巽號公愚先生山左汶上人諱士元者遷順天府大城縣之趙扶村始為直隸人六傳廼生北泉公臻臻生春湖公灝灝生夢生公漢儒春湖夢生兩公皆

東林堂全集

卷之十一

金

贈通奉大夫夢生公以壬戌進士官至左副都御史直節有聲副都公娶 贈夫人王氏生七子公其次也公幼端靜不好嬉戲攻苦誦讀十六遊邑庠試輒冠軍十九廩餼已卯隨夢生公遊粵中江海巉巖風波阻險未嘗以震驚渝所守趨庭服義方訓整如也由是聞見益廣殫承家學順治二年雋於鄉三年丙戌成進士 世祖拔授戶科給事中丁亥轉吏兵二科左右給事中亮直多所建白如議緩征以甦災黎捐俸薪以拯流亡借牛種以業貧民巡督撫考核糾撫鎮扶同諸疏皆有開國計民生者垣中不受私謁

東林堂全集

卷之十一

金

不徇情面清而不激和而不同其生平大節類如此旋以言事落職歸事夢生公王夫人愉愉色養者又五年順治癸巳 特詔起補兵垣典試闕中得士甚盛今少宗伯富公鴻基尤稱翹楚 世祖欲令廷臣練民事遂外任山西河東副使奉有才優經濟堪任養民之 旨下車即榜署聯曰存心似水執法如山可謂有志矣山盜竊發單騎諭之散為農賣劍買牛於今復見其大者若稽兵餉侵扣之弊清纖匠包賠之累察吏恤民繕城諸治績至今晉人能言之巡方高公疏薦以 聞皆實政也時夢生公迎養官署每退食必問所行某某事諄諄以忠廉為誡尋擢中州大叅治蹟無異在河東時再擢楚臬秉公持法民以不究觀察之職廢幾無忝於古云及遷楚右轄右轄稱閒署以吏民相安為善舊例協黔餉必經楚藩允授公倡議更例令解官面付不由司庫省衙門胥役批掣時日留難稱較輕重諸費人咸頌之時西山巨寇三省夾勦職饋運窮履行間晝夜不少懈癸卯春聞王夫人喪哀毀泣血撫軍為具疏請守制耶治院以軍事急轉饋難無代公者公設位朝夕哭嘔血數升以死乞歸治院必不可公墨衰從事崎嶇山石草

棘中運夫皆感恩信又覩公勞瘁狀互相誠勉輸芻糗無少缺賊平始得還伏地號呼曰天乎今日始得奔喪具罪人矣慟絕復甦比歸讀禮鄉居得侍蓼生公晨昏菽水之餘立義館義曰以待宗族之朴不能文貧不能活者踰兩年蓼生公捐館舍追念王夫人終天之痛愈愼愈戚遠近皆以孝稱其於諸弟尤極友愛居四弟以已宅移七弟以覃恩廕撫六弟所遺幼子幼女嫁娶以禮如已出痛五弟卒於官經理喪事俾孤姪扶櫬以歸手足之誼又如此服闋補江西布政使時滇逆叛亂藉餉供兵事辦而民不擾

東松堂全集 行狀 卷之十一

全

王師從枕席上過先是憫江土瘠貧申請激切得免四州縣浮糧且贖難民招流民禁差役追呼郡邑尸祝者如出一口異聲達於朝上召授太常寺卿遷大理卿不數月遷左副都御史隨具有請蠲江民缺額之賦一疏言江右當楚閩亂後民逃田墟錢糧缺額不蠲則逃者不歸歸者復逃荒者未墾墾者仍荒語甚懇切上覽疏為之惻然下部議未幾奉特旨盡行蠲免以恤凋殘江右之民其有瘳乎又陳勦楚賊機宜言楚賊守長沙止知大兵由江西道袁州而不防袁州南由永新不百餘里達茶陵又三百

里可取衡州衡州下則長沙不能守西北辰常西南寶永俱可傳檄定也朝議寔之舊以袁毀急左脇痞丙辰秋遂大作又感溺血症戊午秋具疏乞骸溫綸慰留復遣醫診視令加意調治病中陞少宰隨晉大司寇甫奉命余適詣榻前問病公曰治病與治刑異乎否乎余曰醫者意也當補而瀉當瀉而補失均也刑者平也失入而寃生者與失出而寃死者失均也公聞而是之已未春病劇再疏辭職俞旨子致仕歸里二十日病且不起呼諸子至前囑曰生老病死時至即行語云生寄也死歸也獨君恩未

東松堂全集 行狀 卷之十一

全

報耳索筆作遺疏正衣冠卒公賦性謹厚與人無忤閭里稱為長者且勇於道義恬於仕進讀書務見躬行詩文不為彫飾尤善臨池所著有雙鶴堂詩集諫垣疏稿按公出歷四省所至必修學宮建書院講聖諭以經術為治術善撫百姓如家人婦子待屬吏持大體不為苛察卓乎經濟之才也惜大業未終不無遺憾焉宜其臨別之日執余手而長泣謂吾兩人同受皇恩乃不獲同報也奈何猶憶余同榜同庚者五人若王東臯伯勉之清介喬白山映伍之厚重衛澹足貞之剛方劉公愚樵之端亮今皆化為星辰

矣獨余以後死之身碌碌無補仰對 聖君俯思良友愧哉愧哉公丁巳十一月二十五日生康熙己未五月十三日卒年六十有三元配陳氏 封夫人前乙卯舉人遵義府推官國維女妾南氏宋氏陳夫人生長子性歲貢生候選國子監學正南氏生次子忬庠生三子憬乃先生五弟櫓遺孤撫爲子者宋氏生四子懔五子懋陳夫人生一女適太學生高恒升一孫琬性出一孫女忬出余拙於文詞以俟橡筆銘公者公且不朽矣謹狀

先妣李太孺人行狀

嗚呼慟哉先孺人竟棄不孝象樞長逝矣不孝象樞罪惡深重夫復何言自不孝象樞已亥夏六月邀恩歸養閱十年所先太孺人大病三次垂危而安藥力幾與飲食等去歲戊申壽躋八袞親族進觴鄉里稱慶不孝象樞復丐名儒巨公之言承歡膝下一時家庭之間融融如也曾幾何時竟棄不孝象樞長逝矣嗚呼慟哉不孝象樞不德不克一言一行之幾於道以顯揚先太孺人乃並先太孺人行實泯泯無所述述或失厥真不孝象樞死且不足贖矣飲泣苦塊謀爲狀以告先生長者長兄象懸淚淫淫謝不敏不孝象樞追憶懿行儼然如昨榻管荒迷罔知措詞問諸老友雲門徐子徐子曰太孺人內則表表固鄉里所悉聞也八袞乞言引且達於國盍取而狀焉不孝象樞如夢乍醒遂杖屨檢小引詮次爲狀乞大君子哀而賜之誌與表勒壙石以垂不朽太孺人姓李氏爲青州司李孝廉公諱祺重孫女河內縣尉公諱登科女也端恪寡言笑孝慈勤儉悉出性成及笄歸先大人比見先大人賦質清癯弗能健飯心忤忤懼一飯一食太孺人自爲之假人手慮弗潔也蓋前母蔣

太孺人事先大人有舉案遺風太孺人繼之猶兢兢若弗逮云迨綜理家務周策遠慮不以累先大人惟念先大人藉於嗣庶母而下為置侍妾太孺人仁慈逮下相得甚歡先大人得內助之力從容頤養眼者兒女成立以耄壽終然太孺人實未嘗一日安坐堂上也先是先大人戴江西新城尹之任留太孺人撫不孝象樞家居守墳墓門戶蕭然外侮尋至不孝象樞纔七齡耳太孺人孤力撐持不勝賴外祖縣尉公出死力保護之門戶乃無恙俾先大人薄宦四千里外無內顧憂且得以廉謹稱太孺人始慰甚自太孺人委禽後先王父母既逝太孺人曰吾為魏家婦未及事翁姑盡孝養凡瓜菓菜羹必肅獻主前如問視禮曰此為婦終身甘旨也歲時伏臘禮更加焉年至七十步履頗蹇始令代獻酒漿猶手纂罔倦勤又語不孝象樞曰致祭家祠必孝子賢婦祖宗享之親族有不敬父母者勿令與祭居常遇親眷男女惟孝慈勤儉是誠大義凜如訓不孝象樞居官秉公居鄉持正勿激勿隨俱未能仰副慈教惟有自守而已太孺人性尚樸素不飾珠翠衣至三澣不敝不更簪珥適用而止絲絃歌唱每深惡痛絕之尤不喜告密及談

人短長聽眷屬談井白滌隨則樂間有戲謔或言衣飾綺麗者即正色叱之曰此等不願入吾耳吾獨愛本色婦人老實持家也里中閭之頗相尚焉生平不肯暴殄天物物無貴賤皆手自積貯不使散佚人亦無敢妄冀侵漁至蓄養僕婢殊不厭煩晨興先為櫛髮寒至即為著綿有疥癬虱蟻之類太孺人手自篋洗擦治了無厭惡意且曰吾子女垢面蓬頭嚴冬慄慄侍吾側心如割矣若輩離父母吾即其父母也寧二視哉族黨有貧乏者解衣推食往往無德色然亦不濫施予人咸德之無過望者諗知勤儉家風蓋如案牘堂全集行狀卷之十一 全

此不肖象樞服官垣掖順治八年遇 覃恩父贈徵仕郎刑科左給事中前母贈孺人母封太孺人迨歸養後於康熙三年領 制軸迎至里門時太孺人病起扶杖望 闕叩頭祇受即不孝象樞色養有所未盡賴 天寵隆渥怡如也詎意一疾不起耶太孺人精明爽決德量尤莫能及死生之理見之甚明荒唐怪異絕口不道卧牀五十八日而永訣兒女環侍悉能識某某受遺命且呼不孝象樞命之曰吾年逾八袞自近生平死無憾矣嗚呼慟哉母氏劬勞昊天罔極不孝象樞身不能代雖滴血和墨安能寫太孺人

慈德萬一哉太孺人生於明萬曆十七年十月初六日寅時卒於康熙八年六月十六日亥時享年八十有一子二長象懸庶母趙氏出順治辛卯武舉娶馬氏武進士柳溝參將馬公如龍女副室孫氏次即不孝象樞太孺人出順治丙戌進士封徵仕郎刑科左給事中前內翰林國史院庶吉士今任光祿寺寺丞娶李氏太學生李公經權女封孺人副室劉氏女三長適舉人張公紹芳長男貢生韞溫庶母趙氏出次適舉人商河知縣曹公鑒男署渾源州守備雲中次適處士張公文範次男太學生大猷俱太孺人出孫男三長學誠象樞出聘舉人賈公時泰次女次學讓象懸出次學謙象樞出俱幼孫女四長適庠生高公世樞男庠生明德象懸出次適天城參將劉公中淑男太學生候選縣丞天賜象樞出次適貢生周公之鼎男廷錄象懸出次名端莊幼象樞出不孝象樞抱恨終天言無倫次謹述大概幸採而錄之存沒均感曷其有極

紀畧

張烈婦袁氏死節紀畧

張烈婦者蔚明經張旺妻袁氏也明經困窮年甫壯以拔貢官河南陽武丞齋解閩餉七萬兩納軍前事竣旋舟白下歿仲弟瞻暨子一枝奔赴扶柩抵任所袁往哭撫棺泣血絕食誓同死夜不及防遂自經時康熙四年九月十三日也陽邑侯劉公臨喪涕淚捐俸資棺殮申達省會諸上官已經表揚博浪沙士民男女流涕罷市薦紳先生率作詩歌以義之旆歸蔚里人自紳士迄閭閻無不踴躍者蔚郡侯鄭公復申達請表揚悉如豫省例嗚呼袁其死而不死乎袁死明經明經死 王事食謂臣職婦道兩無忝云按明經性孤介蚤失怙恃肅家政表出望族言笑不苟共撫兩幼弟俱成立食庠餼永不析箸家貲以外無私蓄每食同几數十年如一日兄若弟之友恭者在蔚蘿稱最其內助賢且烈復如此明經刑于之化可多得哉先是宋烈女死高其義者類歌咏不能已已茲彙集烈婦執詩合刻一編曰雙烈集蓋風化第一事云

說議論辨解跋評問對贊

箴銘擬表啓雜著

中和位育說

東林說

三物字說答孫退谷先生

克已復禮歸仁說與白東谷先生

命說與張伯珩

性習說與武承之

析穀說與蔚州李侯

寒松堂全集

目錄卷之十二

一

議

重修蔚州志議

重經學端士習正文體議館課

論

復其見天地之心論館課

澹泊明志寧靜致遠論館課

辨

儒吏樵吏辨

學顏淵之學辨

解

歐陽子性非所先解

致知格物解

尋孔顏樂處解

七夕解

跋

六君子帖跋

保泰十二策跋

書申鳧盟遺筆後

評

漢儒新語新書新序新論評館課

寒松堂全集

目錄卷之十二

二

問

虛齋問

對

經學對館課

答

求放心類擇答

蔚州志編次答

贊

師友贊

辛復元徵君贊有引

屯牧道范公贊有引

王近微像贊

范太孺人節烈贊有引

喬太母節孝贊

重修廣靈縣學贊

刁太母壽贊贈蒙吉先生

五十生日小像自贊

賈膠侯中丞像贊

王西樵考功贊

題田氏紫荆圖贊

宋松堂全集

目錄卷之十一

王

王太孺人梁氏贊王數五祖母

豐城丁氏家譜贊

讀孫君僑布衣墓誌銘附贊

王子瑣言贊

徐立齋小像贊

箴

六字箴有引

循理 守法 安命

友箴有引

貧賤交 諍友 擇友

銘

硯銘三則

硯銘墨硯

燈屏銘

擬表

擬 太和殿成元旦 上臨御受 朝大宴文

武百官羣臣 謝表順治三年

擬 上覃恩封贈給與刑科左給事中魏象樞

父母本身並妻 勅命二軸臣象樞 謝表

順治八年

宋松堂全集

目錄卷之十二

四

擬 上念水旱頻仍兵民疾苦 特諭滿漢內

外文武官員各陳所見以備採擇羣臣 謝

表順治十三年

啓

辭鄭郡侯講學啓

與賈開伯孝廉聯姻啓

與李晉陽州佐聯姻啓

與祖勿庵學士聯姻啓

與史信之孝廉聯姻啓

雜著

學約請問與孫退谷先生問答

如晤語與孫鍾元先生問答

願學堂講子曰學而時習之一章

願學堂講曾子曰吾日三省吾身一章

願學堂講子夏曰賢賢易色一章

願學堂講子曰君子不重一章

願學堂講子曰吾十有五而志於學一章

願學堂講子游為武城宰一章

願學堂講子曰德之不修一章

願學堂講顏淵問仁一章

願學堂講仲尼曰君子中庸一章

願學堂講孟子曰自暴者一章

願學堂講孟子曰仁人心也一章

庸言 共計一百八十則

寒松堂全集 卷之十二

蔚州魏象樞環溪著

說議論辨解跋評問對贊

箴銘擬表啓雜著

中和位育說

嘗讀中庸至致中和天地位焉萬物育焉終日理會而不得其解按朱子云推而極之蓋自戒懼慎獨而約之精之實從天下大本天下達道推而極之也本者根也千枝萬葉從此發出也道者路也千門萬戶從此走去也君子戒懼慎獨一身之內中和備矣自

寒松堂全集

卷之十二

一身以致之於天下使天下無一人不中無一人不和無一事不中無一事不和是廣之布之義也所謂修道之教也洪範云皇建其有極無偏無陂遵王之義會其有極歸其有極曰皇極之數言是彝是訓于帝其訓凡厥庶民極之數言是訓是行以近天子之光董仲舒云人君正心以正朝廷正百官正萬民而陰陽和風雨時諸祥畢至則中和位育之實理實事可知也其為修道之教無疑矣乃說者曰位育之效帝王有其事聖賢存其理夫古有聖賢而帝王者矣亦有聖賢而不必帝王者矣雖一本而萬殊實同體

而異用故一身中和即有一身之位育如心廣體胖
晬面盎背動容周旋中禮是也一家中和即有一家
之位育如父慈子孝兄友弟恭夫倡婦隨男女繁生
奴婢聽令草木昆蟲不傷其類雞豚狗彘無失其時
是也自國以及於天下斯聖賢而帝王者之能事矣
何也人君之喜怒哀樂即禮樂政刑之所從出人君
之禮樂政刑又即雨暘燠寒之所由見中節則一人
無偏倚之私天下自協好惡之公生所當生生固生
也殺所當殺殺亦生也予所當予予固予也奪所當
奪奪亦予也推之而田疇以治學校以興諸侯用命
臣工修職徭役均平盜賊屏息範圍天地而不過曲
成萬物而不遺天道下濟地道上行則位之象也人
無天札物無疵厲則育之象也又安有禮樂政刑之
乖其宜而雨暘寒燠之失其序者哉夫人君之喜怒
哀樂患不中節耳不患位育之無其事也故大本者
道之自修於一人也所以施教也達道者教之大行
於天下也所以立命所以事天也

東林說

昔堯舜禹湯文武以道治天下執中相傳載在尚書
皆以躬行非徒口說也故夫子曰德之不修學之不
講是吾憂也則講學所以修德明矣中庸有云修道
之謂教則教人必先修道又明矣講學而不修德教
人而不修道皆口說也口說則近於清談近於標榜
於是假名節者得以附其中而行其私而人之惡之
者衆遂並講學而非之其君子又疾惡太甚小人之
怨益深心思所以中傷之者朋黨之害所不免矣明
有東林之黨東林蓋當時所目為正人君子而黨則
小人加之以名者也小人加之以黨固小人之過而
非盡小人之過也鄒馮兩人之品則高而講學之名
甚盛其一時從講之人口說多而躬行少耳使二人
者身居要職上格君心下率臣僚一以敦尚風節進
賢退不肖為務道德交修躬行實踐不煩口說而學
自明即孔子得位行道要不外此安用區區聚講為
哉乃竟以成已成物之心蹈分門戶之迹自號為東
林而人即指為朋黨此朱童蒙東林為戒之疏所自
來矣繼而攻東林者不止童蒙一疏而受攻者亦不
止鄒馮兩人衆人攻東林太毒由於東林攻魏瑞太

急也不知君子之於小人除之宜操其勝易曰往不勝爲咎當其權勢方熾之時以楊連之素信於君者尚不能勝況未信者乎衆人以爲不效楊連則非東林故羣起而攻之如以木擊火知其不勝而往則東林二字驅之也會高攀龍糾發貪惡崔呈秀呈秀賂脫擬輕罪心不自安乃父事魏璫適楊文烈二十四罪之疏上故有東林殺我父子之語黨禍自此起矣衆人既入黨局因而誣陷羅織遂一網打盡耳嗚呼漢有李范一代偉人議者惜其不善保身正在疾惡太甚又好標榜也吾於鄒馮亦云

三物字說答孫退谷先生

先生閱拙著大學管窺乃問大學物字與舜明於廢物物字是一是二與萬物皆備之物有物有則之物是一是二樞曰聖賢立言一章有一章之意旨訓詁家難說是一若叅會說來安得有二舜明於廢物無非身心意知家國天下之物也當日工虞水火都是大學中物人倫尤庶物之本舜不徧物而急先務者正是致知格物知所先後也明於廢物明明德於天下矣由仁義行止於至善矣又如萬物皆備於我無非備此身心意知家國天下之物也一物不備從何格起既備於我便非逐物矣反身而誠誠意之學也強恕而行絜矩之學也一部大學自誠意說到平天下孟子兩言括盡原自願學孔子得來至於詩言有物有則此物即身心意知家國天下之物沒一件不與形氣俱生此則即格致誠正修齊治平也沒一件不與天理恰好天理流行其則不遠件件要還他恰好處須件件便格到恰好處大人明明德蒸民好懿德壹是皆以修身爲本也再按中庸誠者物之終始不誠無物先生雖未下問亦可叅看物之終始事有終始也不誠無物本亂而未治者否也成已明明德

也成物新民也時措之宜止於至善也大學誠意必致知格物者誠之爲貴也諸如此類原不宜穿鑿割裂其實皆可一線穿去矣敢因問而請正焉

克已復禮歸仁說與白東谷先生

按紫陽註天下歸仁曰歸猶與也一日克已復禮則天下之人皆與其仁每讀至此既不敢以朱註爲非又懵懵不能見大意竊謂與其仁是說向人的那一邊天下之人之稱許安可必之一日耶第云歸猶合也通也庶幾近之遊子歸家而云會合百川歸海而云疏通其義自見正與復字緊緊對針先儒或有言及者拈出以正之近讀王文安公語數云仁爲心之春春之日萬物歸之而日未嘗使其歸尤深切可會至於克已復禮儒學也克已而不復禮禪學也儒者非禮勿視勿聽勿言勿動者是禮必視之聽之言之動之矣若釋氏則以耳目口鼻爲障並視聽言動而空之禮遂去矣此復禮不復禮之分而即天下歸不歸之分也

命說與張伯珩

命之理微孔子則罕言矣乃於行止死生之際未嘗不確然而歸於命也一則曰道之將行也與命也道之將廢也與命也一則曰亡之命矣夫行廢亡而皆命命之理其殆微而顯者也至孟子則謂修身以俟為立命盡道而死為正命夫修身矣而不能不俟盡道矣而不能不死命之理抑又微而顯顯而著者也甚矣命之不可不知也命者何陰陽五行是也人之生也陰陽未有不全而不全者有之五行未有不備而不備者有之偏陰者柔順而清平甚則流而靡矣偏陽者剛方而激烈甚則躁而愎矣至於金缺則不嚴木缺則不寬水缺則不達火缺則不文土缺則不質命有偏有缺而氣質成之甚矣命之不可不知也昔孔子五十而知天命又曰不知命無以為君子哉成輔相之事出乎其中矣知命又曷可輕言耶張伯珩先生語余曰子能取子之陰陽五行而察之乎過者抑之不及者揚之是知命者矣信如斯言修身盡道之功無非裁成輔相之事先生殆有見於微而顯顯而著者與不然行止死生之際蓋難言之宜乎聖人之罕也余將退而察夫陰陽五行之過不及者何

在以求合於先生抑揚之說矣若知命與否則終不敢自量也

性習說與武承之

甚矣人之所習不可不慎也因讀論語性相近習相遠一節先儒謂此性爲氣質之性而言愚謂天命之性本一也安得又有氣質之性但氣質所以承受此性者也性所以主宰氣質者也性離氣質安頓何處此性一落氣質之內豈無稍偏然究其最初之理原自相近猶孟子所云平旦之氣其好惡與人相近也者幾希今人乍見孺子將入於井皆有怵惕惻隱之心疇爾而與之行道之人弗受蹴爾而與之乞人不屑也夫以今人行道之人乞人無不皆然相近了矣矣只要慎其所習耳故下節緊說惟上知與下愚不移上智下愚有幾人哉其餘皆可移也武承之曰柴愚參魯師僻由嘯亦相近否愚曰以聖人之中正視之則有偏耳其相近者自在固非上知亦非下愚也四者各有當盡之工夫各有合道之氣質故曾子卒能傳道也如藥性然參著苓水炮炙不到亦有偏處但與甘草同用則得其平若加苓連則寒加烏附則熱此又習相遠之喻也承之曰猶有辨請即以藥性言之人參有堅厚者有輕薄者其輕薄之十分不及堅厚之五分性之不齊豈不如是乎愚曰不然人參

堅厚輕薄是氣質也如人長短強弱之不同耳非性也堅厚輕薄俱能補人此性之相近也即有輕薄者其性未嘗殺人也此性善也學者格物之功顧可忽乎哉

祈穀說與蔚州李侯

歲庚子州守李公樂天過膚寧而問曰蔚之無秋也計十年民困極矣食且不繼誠將安出兼有蝗有雹有旱有水有疫果數乎否象罔曰天災流行何代無之數也儒者不言數咎在人茲地也人虞詐與俗健訟歟行誼悖歟天物暴歟淫祠盛歟有一於此足以致災大夫牧此地者也事之可為者為之不可為者盡祈諸按周禮州長以歲時祭祀州社又命百縣雩祀百辟卿士有益於民者祈穀實夫百辟卿士如勾龍后稷之類是也諸侯以下雩上公祈穀之禮自古然矣為其可為更為其不可為牧此地者之責也大矣夫曰善乃蠲吉上旬之八日率僚屬致齋祀之象樞因與諸紳士約各致齋從焉

議

重修蔚州志議

蔚志在明季凡兩經筆削業有成書今者聖主御極之十有七年也革故鼎新其時矣州大夫蒞茲土值報政期慨然取舊志而重修之美舉哉洵一方文獻之幸也謬承委託屬以訂正之役將以樞為舊史氏乎抑謂樞初而讀春秋粗知聖人筆削之意也汗流濡下矣樞聞孔子云吾志在春秋行在孝經樞行之不逮遑問志志固郡邑之書未敢擬經然郡邑志亦一小史也求所謂勝任而愉快者樞豈其人哉賢大夫於蔚之山川險夷風俗淳澆食貨登耗人才消長知之者稔倘肯操三寸管主其事而學宮子弟輩為之旁搜博採以佐萬一足矣又何問道於盲耶然愚夫亦有一得敢不盡言以仰副明問夫志者志也行吾志而因事立義俾閱者觀感而興起斯其所以為志也且志有綱有目有附見始稱作者按舊志輕重詳畧之間率多未備今請立其規模而後從事擬以方輿建置職官政令武備祀典賦役學校選舉人物外志藝文為十二綱以諸目條列於其下細者彙而附之如災祥古蹟則方輿內事一以攷興廢一

以備修省至要也不必他附其舊志止有歲時紀而無風俗未知何說今擬採一統志地理志職方圖輿備考等書補入若職官凡委署撫守皆不得與惟奉命者載焉春秋杜私門義甚嚴耳政令如鄉約碑禁所關於教養利弊者甚鉅而舊志不載自我作古可矣且武備之軍餉不載是重者輕之也壇廟之祭物禮儀不載是詳者畧之也名宦鄉賢皆志從祀者也而壇廟之下不載是合者分之也今俱當另爲之惟戶口田賦止照賦役全書無敢增減者學校之祭器雖不備名數可攷也臥碑雖不讀功令可存也所

異者舊本儒學失載明倫堂此一大缺耳今悉當補正選舉志中更有創爲者先紀年而後紀名故曰年表亦所以尊制科也別以例監附貢選以武職附將帥約而不繁矣人物之產於斯地也頗盛歷代以來有名臣有卓行有文學有武功而不分條目者是也恐其人一節難概未免牽附耳其分註者忠必捐軀是矣孝不必割股守身為大也節不必輕生未亾人為正也義士托死生全骨肉赴患難雪冤仇賑饑荒還田宅非此族也何義乎嗚呼慎之哉凶逆舊本所無無以明是非佐褒貶當於外志悉載之勿托言忠

厚以蹈非之無非刺之無刺之譏藝文舊收太濫大抵皆靡麗之音贈答之詞也今宜嚴加去取留其關於地方風物者數十篇則庶幾矣其更謬者紀事多四六排語不但失體且失真也今宜攷之史紀通鑑稽之通紀實錄訪之家乘詢諸故老凡有名碩各爲立傳字字肖其人而後已夙陋一洗可免覆瓿若鄉賢紀以駢語苟不失當日申請從祀之意者姑存之又如寺觀仙釋二氏之流也舊志大書尤爲舛錯今悉正之作者顧可草草歟其他刪繁就簡去華歸實在賢大夫挈其綱領而力爲主持諒不愧良史才也

諸凡見在之官見在之人不必品題以俟君子此鄙意未知是否仍望裁酌千百年文獻竟可一日定矣不揣愚狂惟高明採擇焉

重經學端士習正文體議館課

文教方新海內枕經藉史家絃戶誦之風彬彬乎稱盛哉而淹貫聖經砥礪名節涵濡仁義之精游泳六藝之途訓辭深厚文章爾雅卓然稱當世士者蓋鮮夫人有真學問然後有真心術有真心術然後有真品誼然後有真文章真幹濟其大原皆本於六經六經古人之文也伸正不伸邪榮義不榮勢而古人之習見矣心亦強而有智力亦強而有功而古人之學見矣古之學者耕且養三年而通一經唐宋以來科有明經經義未至大晦明初罷詩賦以經書論策取

東松堂全集

卷之十二

五

士士專一經者考溯源流淑身令世不區區櫛字比句尤旁覽諸經以資博洽則豈有離經之習荒經之文哉自鉛槧家曲學阿世淫文破典雕琢鉤棘不過剽竊風影以希青紫偶得所求以為道在是矣經術不通亦安望士習文體相發而成不朽之盛事乎方今文運初開宜盡罷八股帖括三年制科以兼通諸經詳言大旨及博洽子史詞賦者列甲榜先以孝弟力田舉於鄉通二經及論策者列乙榜督學專司文衡不得以貪庸老疾浮陋之吏濫廁其官蓋督學督士學者也士不學則習壞學矣而不知有經小言小

東松堂全集

卷之十二

五

辨纔能執筆辨章句則習之壞也更甚夫士習以習督學耳習為如是之學又習為如是之士又習為如是之文以求當於督學故督學不可不慎也督學較士宜以通經為優劣博者賞背者罰荒謬者黜令郡縣官同博士月較於學宮勿循作養故事三年之中士必有經學以應當世試問所學何事自宏辭以至一藝其有孝弟力田稱為潛德之幽光者悉優禮而書論之從此端人正士蔚起庠序豈無以擅文章之能事矣乎然而經學壞於依傍士習壞於招搖文體壞於割裂脂璞消稱彙鼎失貴猶可言也風驚塵走吹影鏤空譁張陰陽炯幻鱗甲不可言也一旦隸之仕籍經傳置若土蕤節操等諸反芻鮮廉寡耻辱朝廷而羞當世殊可浩歎夫躍冶之金泛駕之馬亦在鑄之御之而已今督學者果能於一學中指其某也學古某也順非則學古者勸指其某也不求聞達某也希世度務則不求聞達者勸指其某也茂才異等某也小言破道則茂才異等者勸知所勸者士也知所懲者必士也勸懲得於督學之一身則今所謂士習者習督學耳好竿則進以竿好瑟則進以瑟未有好端方之士而下顧以淫說浮薄之行進者即使異

日分一職受一官凡依附奔競握尾乞憐之狀明知
爲士君子所耻亦不肯苟且效顰貽笑罵於卿士大
夫何則學習之既昭制其神明者然也至於文體之
正不正關士習風尚根本經學相因而成經不明而
有子史有佛老有語錄有稗官雜說大文決裂理趣
茫然兩漢雖得事理之辨而士習浸以流失沿至輓
近填綴策積荒誕爲奇據拾爲富牛鬼蛇神盡蒙頭
面文體之壞良可痛哉愚以一言指其弊曰不經夫
雕鏤刻畫棘喉滯吻不如太羹元酒之夷淡也艷思
綺語神氣曖晦不如江河日月之正大也今誠能廣

勵學宮風以崇尚古學至意諸不在六藝之科者絕
勿使進其爲學無由接於淫非之地則其入之道正
行善也若性然耳乃其要在慎簡督學院部試其文
行兼優者專責久任歲登士莪嚴加磨勘夫督學勵
士既操進退賞罰之權即督學之進退賞罰以進退
賞罰乎督學而士益勵勵於經無敢不重矣勵於習
無敢不端矣勵於文無敢不正矣士之所以能重能
端能正督學之勵之也督學所以重之端之正之抑
又有勵之者也蓋聞導民以禮風之以樂宜詳延天
下方正洽聞之士咸登諸朝其令禮官勸學講義興

廉舉孝以爲天下先夫經衍明則常道著道德一則
風俗同方正庸則士心勸謬悠黜則支窵息啓文運
以歸淳引人心而之厚其振束挈領綱舉目張之道
是又有勵之者也

論

復其見天地之心論 館課

天下有並立之名而無相悖之理陰陽其大者也陽生物而陰佐之陽之理豐而陰之理益以全非形於兩者之不悖惟貞於一者之最神也不二之謂變不變之謂貞運而莫測之謂神若徒見其春夏長育秋冬剝落遂謂陰陽相耦各爲盛衰一氣之內自爲度絕則陽之復又於何處橐其籥耶儒者稍明於盈虛消長之義或謂不翕聚則不發散不肅殺則不長養是矣夫聚之散之殺之養之原非二心也使聚者殺

東松堂全集

卷之十二

手

者爲一心散者養者又一心則天地有時芻狗萬物萬物亦有時賊害天地心之不仁也滋甚抑何以昭然藹然共見於天地之間乎嘗從至一處求之造化茫茫也樞紐存焉庶彙芸芸也根柢藏焉先天後天自爲終始者祇此心爾程子曰天地何心以生物爲心元氣運轉畧無停待生生不息充滿布護陽之退即陰之生非陽外又有陰也陰之盛正陽之蓄非陰見而陽頓絕也設令陽之外另有物焉以爲之陰必且錮閉衰落如槁木死灰此心寄於何所豈眞天地不仁耶蓋天地之於物也獨陽不生獨陰不成春而

發育陽之施也天地之心之好也夏而長養變化陽

之極也天地之心之憂也既蓄其好生之具又慮其

匱乏之憂天地安得不剝又安得不復復者仁也剝

亦仁也所以云見也謂復而見之則可謂未復以前

無是心則不可謂陽自緣剝而得復則可謂復必借

重陰之蓄而後見則不可況天地之心原無斷續又

何隱見人所見者陽之陽也人所不見者陽之陰也

然究竟陽自見也陰亦自見也非關人之見不見也

雷吾知其能奮虫吾知其能蠕鳥吾知其能鳴至冬

至而雷蟄矣虫堦矣鳥復矣苟以爲無雷無虫無鳥

也則後之辟句者蟪蛄者嚶鳴者伊何物耶得天地

之氣者猶然況乎綿綿若存爲天地根者乎且夫天

地之心猶人之心也易曰寂然不動感而遂通寂然

者則陰象也浸且爲幻爲滅奈何云通惟其舉天地

萬物實有之理歛而爲寂故湛然不動中觸之輒應

未感非本無也既通非始有也動而能詘靜而善因

均是是心至此則愈可見耳見於其所可見天地之

心在也見於其所不可見天地之心亦未嘗往也第

復則見之不復從何見哉夫復亦難言矣陰之極也

龍斯戰焉戰非龍之幸也然未有不戰而能復者戰

匪勝人自勝焉已耳克已復禮自勝之道也天下歸仁心始見也於天地又何疑焉信乎貞於一者之最神殆非形於兩者之不悖亦甚彰明而較著矣惟復故一惟一故見舉凡摩盪網緼於生生之際者又未可以管窺而盡也是在善讀易者求諸盈虛消長之大原可也

澹泊明志寧靜致遠論 館課

天下之言有發之一時可守終身者乎苟其守之匪獨終身且可以教後人諸葛武侯之訓子有曰非澹泊無以明志非寧靜無以致遠亦家庭恒言已爾而後世大儒且援之以爲理性命審根極相與尊大其說以輔聖人之不逮豈無故哉古之大有爲於天下者伊尹周公爲最著觀其嚴取與而定毫阿衡四世歷風雨而負宸宅洛七年震動者苞蘓桐宮之勢其席豐而處厚者伊魯蔣邢茅祭之安似乎澹泊寧靜之義可始不可終可小不可大可退不可進可暫不可久亦安取尊大其說以輔聖人之不逮乎然使武侯老南陽一巾一扇無所爲於天下自謂澹泊寧靜無志之甚矣或有所爲而中道異趨爲所欲爲天下事非因權取濟之爲難而志弱氣輕之可慮有所爲而反之是自背其說又以欺其子也自背其說又以欺其子伊尹周公所不爲觀伊陟伯禽之所以成與博陸新都之所以敗而差殊觀矣而謂武侯爲之乎武侯志伊尹周公而學之者也有其才可無其學有其學何可無其志志者豪傑所珍惜聖賢所秘藏也我志欲上柔而下之我志欲激順而安之我志欲

靡欲浮疏而鎮之我志欲見智欲呈能匿而韜之舉
世間紛華靡麗可歆可艷之物不足易梁父吟數篇
耳功名富貴能奪乎縱橫捭闔能移乎才智馳騁功
能顯燦能焚極捶撼乎夫志濁則神躁志清則神寧
澄神以養氣養氣以沈幾吾志定矣物其奈我何哉
而或亟亟乎欲有所就之而或亟亟乎欲有所去之
志且不許於寧靜又何居耶夫寧靜者藏於事先而
據乎物上者也其見定如止水之澄故能鑑天下而
不淆其力定如泰嶽之鎮故能肩天下而不亂其慮
定如處女之閒故能運天下而不窮語曰上視下者
明大治小者順天下治亂紛出艱大紛投雜沓紛至
無足難我者皆寧靜以致之皆澹泊以明之也方武
侯抱膝隆中高談管樂自奉衣食外不別治生產以
謀尺寸抑何嶠然不滓也感漢主三顧之殷逶迤而
起曷嘗有纖毫迫試其志之心有纖毫迫試其志之
心則天下之大計見之不明發之必不確以此致遠
猶夫適北而南其轅爾最後長驅吳魏間當紛紜多
事之會卒於澹泊寧靜橫塞其衝佐漢而爭天下至
今讀其出師二表尚凜凜有生氣甚矣武侯之似伊
尹周公也子若孫當建興之世俱能出死力以盡臣

節比諸伊尹周公之子孫直不幸耳家學淵源久而
彌定而吾則以為澹泊寧靜非一朝一夕之故也明
矣極其聰明匡正之才而不外乎尋常之理於是儒
者信之曰澹泊明志寧靜致遠可以訓子併可以訓
天下後世也志伊周之志學孔孟之學志與學合而
後似聖賢似聖賢而後說不謬不然淮南氏固已言
之矣

辨

儒吏廉吏辨

吏有辨乎曰有有之斯可爲吏準矣準乎儒與廉而步之趨之於是指我冠博帶稱說先王者曰此儒也指矯情鎮物飾名勵節者曰此廉也噫名所貴也而士所標也貴其名以立之標又安能禁天下之不依似而竊附哉夫辨吏者辨其心而已鳴琴乘馬絃歌武城者著矣自博士具官待問斌斌多文學之選於是通經學古之吏出焉拔葵煇機妻子不免饑寒者著矣自廉吏歲計有餘食祿者不得與小民爭利於是奉法循理之吏出焉儒吏嘗見爲廉遷史傳臨淮守十餘人皆曰廉節傳轅固曰廉直傳倪寬曰廉智有以簞簋不飭坐者豈儒哉廉吏嘗學爲儒范史傳魯恭清平曰化行傳卓茂恬淡曰樂道傳楊震清白曰好學有以簿書俗吏嗤者豈廉哉雖然儒以循爲能而廉以才爲用丹陽以經明通律并州以几杖威遠河南寬政爲識治秀州荒政爲知兵是通儒也三郡皆勸於孝弟三鎮皆正於德仁浙東政事可觀湖州經業足用是純儒也通而純循吏之所求也亭長不敢隱丞相不敢干嗇夫不敢欺廉生明也守漁陽

不敢謹守武威不敢叛守雁門不敢射廉生威也威與明才吏之所求也是故吏而循惠不儒不惠其不廉也吏而才惠不廉不惠其不廉也京兆埽鼓不鳴渤海劍刀自解循吏事耳是豈盡失名譽者穎川先教後罰零陵興利教儉才吏事耳是豈全暗經術者問其名則異考其實則同以絕不相蒙之蹟求之絕不相戾之心所由異政而同治異治而同功也既其實不既其名則李斯之徒有吳公不亦廉乎張湯之後有安世不亦儒乎胡質父子之清異而廉有異乎柳公綽遠近之治殊而儒豈殊乎既其名不既其實則儒之名寬寬則近於通廉之名嚴嚴則疑於刻於是有儒而不廉者矣趙綰馬融以賄敗躬行安在乎有廉而不儒者矣尹翁歸趙廣漢以強毅聞蘊藉何有乎有儒而爲廉者矣公孫宏之布被黜以爲詐發蒙不已有議乎有廉而爲儒者矣倪千乘之引經湯以爲長者束濕不已有議乎真則既其實偽則冒其名既其實儒與廉真也儒而廉廉而儒亦真也冒其名儒與廉偽也儒而廉廉而儒亦偽也綰墨綬效花城則庸可冒儒循不可冒儒飲食泉垂介石則墨可冒廉才不可冒廉然而儒與廉之名實終於不可冒

大約儒可兼廉而廉不可以兼儒其兼之者既其實不既其名也何也儒者使人兩得者也平日淡泊寧靜中洞悉乎天人之分際君民之大義皎然以廉隅自持求為上不負君下不負民中不負所學其於取舍得失經權是非之道見之也極明守之也亦極固守之也極固則發之也必極從容而暇裕以故分一邑守一郡施一治著一書當時奉為著蔡後世誦為典章區區埋羊還魚之節終不可與儒等蓋儒者使人兩得者也漢儒曰盛名之下其實難副黃允史叔實皆有盛名郭泰規其非真以為必敗王衍口不言

東松堂全集

卷之十二

未

錢而營三窟遂為天下蒼生之禍故數百年以老莊冒儒者多矣若夫身列薦紳口談氣節薰心於利欲而道喪其廉耻名之不好安問其實此又在莊老之下不可以冒廉顧可以冒儒耶然而儒吏廉吏之辨亦辨其心而已矣雖然未有儒而不廉者也莊子謂魯止一大儒文中一語洞然乃謂不必長於經術此徒見有馬种第宅耳比於廣川濂洛之儒則必有辨矣今欲崇儒效以風俗吏經術固不可少也

學顏淵之學辨

今世學顏淵之學者吾惑焉非人之惑愚自惑耳顏子一生學力都在日用常行處做工夫曰陋巷飲食曰視聽言動曰遷怒寡過曰伐善施勞步步踏向實地纔是聖學真種子孔子雖許其不愚不改不惰不違顏子只見自己未知未行不純不熟能如孔子仕止久速之時乎意必固我之絕乎下學上達之知乎老少朋友之志乎故喟然一歎歎聖道之不遠聖學之難幾而聖教之終不可負也然則學顏子者亦於其居處食息而已耳目口鼻而已人情物理而已但

東松堂全集

卷之十二

未

學士家只講高妙不講平常曰平常便不是顏子之學愚謂不平常便不是顏子之學又不止不是顏子之學並不是聖人之教不然當日諸弟子高才博學者多矣而傳道止二人一則魯一則如愚也端木喜聞性與天道而傳道終不與焉蓋顏子謂博我以文約我以禮文禮都認是我的這禮中有檢束準則惟恐躬行日用越過一毫子貢謂文章可聞性與天道不可聞將文章性道認作夫子的這聞字中有精微高渺惟恐聰明識見畱下一分此顏賜之所以天淵也謂子貢悟後者猶經生之見耳

解

歐陽子性非所先解

歐陽子云聖人教人性非所先先字有病世儒疑而議之是也孔門日日言性何云非先性非所先一語蓋謂性非渾然先言也次第言之耳如言仁而仁言義而義言禮而禮言智信而智信也此聖人教人極誠實極切近極周詳處也歐陽子之言所由來矣若大賢以下雖有渾然言性者其於父子君臣夫婦昆弟朋友未嘗不析言之傳至諸儒說愈虛妙不幾學出聖人之上乎端木最穎悟嘗歎性道不可得聞孔子之文章即性道而端木過求之也或曰端木非高弟也顏子子思庶幾聞之矣夫顏子之爲學也其心三月不違仁不曰其心三月不違性也克已復禮爲仁不曰克已復性爲仁也仁禮非性乎學顏子之學者學性乎學仁禮乎子思之言性也亦曰喜怒哀樂謂中和不曰性謂中和也中和非性乎學子思之學者學性乎學中和乎譬如舉業家小學四書五經各有名目次第去讀不妨渾言讀書也一句一節一章各有題目次第去作不妨渾言作文也歐陽子之言似有病而非過也

東坡全集

卷之十二

三

致知格物解

致知格物諸儒辨論紛紛家持一說余聞見有限曷敢以管見妄爲低昂嘗因書旨不明取白文讀之從上節物有本末事有終始讀到此處不曰欲致其知者先格其物而曰致知在格物何也蓋明指天下國家身心意是物致知工夫就在這裏不在別處也與文不在茲乎直在其中矣等在字相同與在明明德等在字相應大人之學內聖外王萬物皆備開手便從天下做工夫起一串聯珠歸落致知格物是大學最得力處朱子解即物窮理原自實學後之說者謂其即天地古今之物而窮其理將不勝窮矣故稍有滯碍夫天地古今之物實有不能窮亦不必窮者以其無關於天下國家身心意也惟即天下國家身心意之物而窮其理纔是致知纔是明明德如天下本平國本治家本齊身本修心本正意本誠而何以不平不治不齊不修不正不誠也天下不平國不治家不齊身不修心不正意不誠而何以平之治之齊之修之正之誠之也此物未格此知不至不能洞洞徹徹必且以非爲是以是爲非顛倒混淆毫釐千里非大人之學也大人視天下國家等皆我性靈中物

東坡全集

卷之十二

三

諸凡善惡真妄公私義利之關纖微毫髮都有一個理在由本及末原始要終一一討得分曉我於物無疑物於我無蔽物之所感知是知非知之所存有是無非此誠意之所以先致知也然則致知不先格物而在格物者斷斷格天下國家身心意之物而天地古今之物亦格其關於天下國家身心意者而已矣非泛然逐物而格之明甚况致知是知止真工夫固未有紛紜繁賾之交役耳目竭精神而始云知止者果爾則定靜安慮中便着不得天下國家等物只閉戶澄心以盡其理是又離物而求知與禪學無異近

東坡全集卷之十二
圭

有解物為物欲格為格去者頗合明明德之旨而物有本末一句又不貫通物欲安得有本末耶且窮理之時是非分明積久功深物欲何處潛伏格去之意已在窮理之中矣余反覆紬繹朱子之說終不可易也或曰八條各自為目難以牽合又曰致知者致吾之良知於事事物物又曰知之所在即是物物即性也善也率皆明儒之說余所不解者第就白文讀之物有本末天下國家身心意知皆物也事有終始格致誠正修齊治平皆事也本末始終當身體認隨事措施此知行合一之學學之所以大也

尋孔顏樂處解

孔之樂處不能得得二語曰不怨天不尤人從何尋曰下學 顏之樂處不能得得二語曰不遷怒不貳過從何尋曰克己 思之樂處不能得得二語曰不援上不陵下從何尋曰居易 孟之樂處不能得得二語曰仰不愧俯不忤從何尋曰集義

尋孔顏樂處一語先儒言之後學聞之其深造而自得者多矣予淺學也竊謂舍功而問效如舍舟而渡水舍梯而登屋終日尋之不能得否則講說高妙動涉禪機茫無把握也不若溯流窮源直從切實下手處尋去水到渠成自有樂地由孔顏而推及思孟大抵同然由孔顏思孟而推及此心寧有異乎請質之高明

東坡全集卷之十二
圭

七夕解

世傳七夕鵲橋事有信者有疑者有辨其非而嗤其誕者以事論之余亦曰非也誕也按其言之所由來出於古人夫豈無故蓋古人立言所以垂教也七夕鵲橋事或亦借以教天下後世之爲女子者也女子生長閨門旣不可不教以婦道又不可遽教以婦道故托物比興取牽牛織女二星夫婦之義存焉耳原其系曰天孫不可謂不貴矣正其名曰織女不可謂不巧矣乃下嫁於牽牛以至貴而匹至賤以至巧而配至拙未嘗不兢兢然執婦道以相夫子也且躬親紡績終日不輟言其勤也支機僅一石而金玉寶劍舉非所尚言其儉也與郎君一年一會有琴瑟之好無衾枕之戀言其靜也勤儉且靜庶乎賢哉所更異者相隔僅盈盈一河水寧不可朝航而夕渡必言七夕何也將謂秋風薦爽萬寶告成蠶事已完農工漸畢問織則天孫應問耕則牽牛應此其時矣區區兒女情暇蚤計乎且牽牛之賢亦不在織女下閨別經年豈無月宇諸妖越度而淫惑者牽牛獨得性情之正不爲動也至於閨道諸星麗於天門者不知凡幾以上帝之命臨之何求不偶而獨牽牛耶意天之上

下男耕女織皆屬本務若衣若食事正相當富貴炎必有不足取者矣不然牽牛之嫁果何取也彼世之傳其事而教其女者每於七夕節穿針乞巧共談銀河故事俾曉然知夫婦之義上應星辰其貴如此其巧如此其勤如此其儉如此其靜如此而相夫之賢得婿之正又如此即言在疑信間亦當與家人之卦關雎之詩並存千古洵閨門一大懿範也又烏得而非之妄之哉故曰古人立言所以垂教也

跋

六君子帖跋

正人者國之元氣也元氣削則國運衰余讀六君子手蹟而重有感也當明之初國運方興正人在列一時縉紳大夫率以忠孝廉節相尚而文章次之師師濟濟蹇蹇諤諤如太和元氣流布朝端之上荷歟盛哉迨至晚季權奸用事煬灶蔽明諂媚成風廉耻道喪雖有二三正人卓立班行維持國是動為羣小所忌橫遭傾陷禍多不測說者曰東林之門戶太峻致之也究竟忠言諫論大節高風與日月爭光者東林也乃或死或戍或去或廷杖臣分畢矣其如國運何竊聞當日有真定梁氏大金吾保全善類世有賢聲慎可先生時值瑞寧恐君子道消社稷多故往往於洪濤烈焰中委曲調護欲為國家留一日之元氣雖縱騎在前爰書在後弗恤也海內重之久矣今觀諸君子往來報書僅尺幅耳忠孝廉節之性直透紙背讀之尚凜凜有生氣即文章之彥終老著書力勉文事亦碩果也先生之取友槩如此傳至癸石年友克紹家學特表而出之題曰六君子帖六君子者趙忠毅楊忠烈黃石齋朱平涵倪文正及錢也

保泰十二策跋

保泰十二策此忠君愛國深憂遠慮之所為作也歷觀古來治亂安危之數莫不始於微而戾於積漸惟以小心圖之安不忘危自治不復亂耳方今聖主在上敬天愛民典學勤政保泰之道孰大於此而其最急者講生聚撫瘡痍以培元氣也守險要控邊海以壯神氣也核兵餉裁虛糜以足國用也興教化抑奢僭以重國體也由此而民有雞犬桑麻矣則父兄妻子可保也士有禮義廉耻矣則紀綱法度可立也盜賊雖多可以潛消刑獄雖繁可以衰息推之而水旱之沴天不為災矣江河之行地不為害矣凡此者蓋由上有保泰之君而下又有保泰之臣也以今觀之聖心如天無滿漢之偏而臣子存心可無滿漢之偏否聖心如日無宮府之私而臣子存心可無宮府之私否聖心崇節儉辨等威而臣子之車馬服食田宅僕婢何如也聖心尚清操黜貪墨而臣子之結納賁緣賄賂囑託何如也臣子不能以君父之心為心而欲使天下之士民化其私去其欺罔回心而嚮道一德而同風必不得之弊也揆厥所由本原之地在朝廷朝廷之政在人才人

才之效在 皇上知之明用之當而已矣今者 皇
上用一人其難其慎何嘗不以臯夔稷契待之而其
人返之清夜問之余影驗之言行質之友朋汗淫淫
下曰我不爲臯夔稷契上何以對 堯舜之君下何
以對堯舜之民耶持此心也可以愧天下之爲臣而
不臯夔稷契者矣所謂保泰之臣其在斯乎何慮不
公忠體國而秉心塞淵也何慮不正色立朝而面折
廷爭也何慮不正已率屬而造福萬姓也何慮不推
心置腹而嘉惠殘黎也不特此也可以推賢讓能有
內不避親外不避仇之風焉可以據忠報國有刀鋸
在前鼎鑊在後之節焉即或任勞任怨多危多疑不
幸而爲法受過亦有事不辭難罪不逃刑之義焉此
保泰之臣之實效乎以言道學則躬行實踐真道學
也以言經濟則建功立業真經濟也俾天下知一代
人才之盛上下交而志同有如此 君臣並美泰運
重新豈不休哉因讀十二策以志其後

書申鳧盟遺筆後

余交鳧盟垂三十年初以端愍公奉 旨諮察旌表
時鳧盟從淫霖漲水中徒步入都志在伏 闕上書
以明殉難始末余知其爲孝子也遂定交日夕談詩
互相倡和言歸以後詩筒往來不絕余知其爲詩人
也嗣余陳情養母十載家居與鳧盟相隔頗遠間得
音問有書而無詩其所論皆理學所著皆格言也非
復昔日詩人矣余旣被 召來京因晤乃弟隨叔細
詢動定又知鳧盟杜門不出潛心修證也沂水春風
之意余方欲商確吾道砥礪晚年未幾而鳧盟已作
古人矣嗟乎鳧盟不死其所詣寧敢量耶今展閱遺
筆鳧盟宛在而生乎孝友之德以及詩賦之才一時
名公巨卿多慕之乃足跡不至炎途尺牘不枉當道
躬行實踐不失儒者氣象不昧端愍家風鳧盟真吾
友哉因述三十年交誼識於冊末付其後人藏之

評

漢儒新語新書新序新論評 館課

論古人之行斷以心讀古人之書斷以義學術有醇駁不在累牘連篇也本源有得失亦不在片言隻字也持此以上下古今知其人可讀其書矣嘗讀漢史見陸賈賈誼與劉向桓譚輩並稱儒者心竊疑之及攷其著述賈有新語十二篇固漢高時一奏一稱善者先儒傳以為快書喜其洋洋纚纚頗滌戰國習意其在干戈初定之時為之也或曰齊梁好事者為之也夫齊文病緩讀中論者蓋言之至捕亡治生開塞

東林堂全集

卷之十二

早

當世叅之人事察治亂之理審權勢之歸真通達國體者治安一策統出新書七十二篇劉向剛為五十八篇治道國體經學胎教皆能貫天人之精微洞萬物之榮悴究刑政之得失暢仁義之與交三淮南並建而有言言七國也四子列侯而有言言戾園燕王旦也因服疑僭警蹕因盜鑄議鹽鐵至於推恩之為眾建也納粟之為積貯也誘致馬邑之為三表五餌也求海上不死藥之為四壽五壽也而非也此自晁袁桑孔主父偃王恢樂大之所欲言斷然一軌於正述其所以深著其意者皆漢家相為成敗之故顧用之有得失爾廬陵謂孝文畧施其術亦能比德於成康安在宣室長沙之為異已乎說者以痛哭流涕為過激然則人臣囁嚅天下之事不幾為寒蟬矣乎乃新書五十八篇往往截治安諸策策短而氣佚疑漢之有文章者之所為是故讀治安諸策得其學問經濟之所存不讀新書可也劉子政立身行己亦可以伯仲長沙第長沙之書憤深而子政之書義襟新序三十篇目錄一篇子固所序者十篇而已率據中書襟傳彙輯成編較說苑更為煩蕪然自舜禹以至周秦古人之嘉言嘉行具在焉大都義取諷諫非誕漫

東林堂全集

卷之十二

早

於怪奇可喜之論且妹喜妲已腠理骨髓之箴與列女傳相表裏鑿鑿乎感悟漢成者至矣吾謂不及外戚諸疏刺譏時事指陳災異徵應慷慨陳于天子之前宥死批鱗數困於讒而不改其操斯則子政之大槩矣子固譏其為衆說之所蔽不知有所折衷而純於道德之美蓋苛論也後有君山則不能無所議矣君山博習五經雅尚古學若不屑以章句自命其著書如賦誄二十六篇外復有言當世行事名新論者本造王霸以至譴非啓寤祛蔽正經二十有九篇意皆主於窮折異端禁絕讖記自子政父子所不免浸淫至於建武而君山毅然不為之惑蓋曰天道性命聖人所難言也但其詞不本道德事不歸仁義又喜為繁聲區區託琴道為諷諫以言事君之義果出此乎及讀其琴諷一篇謂天下未嘗無事不縱即橫縱成則楚王橫成則秦帝也語雖採其近真而氣或傷於太露肅宗喜其持論簡夷故命班固補成全書耳所可取者君山掌樂數年不肯作符命以媚王莽可謂全節不妨與誼向淵源之學術同日而語也其書則是其人則非者不讀其書可也其書則非其人則是者書之可讀不可讀又何病於英雄豪傑哉故曰

知其人始讀其書可以攷古并可以論今云

問

虛齋問

齋有名乎曰有名有義乎曰有義定斯命名惟其有之是以似之斯義也道德出其中學問亦出其中矣吾家塾師龐久釐先生則顏曰虛齋嗟乎虛之時義大矣哉曷取乎爾請以物喻竹中虛而外直先生之行取諸此歟既而思先生學者也海之虛也為百谷王故容納也多先生之力學似之谷之虛也與百川應故響答也合先生之求友又似之二者將安取乎既而入思先生教者也君子之設教也如撞鐘然大叩則大鳴小叩則小鳴虛故也先生之教有焉以之似先生猶似也即曰是先生無不可者雖然執一說而是之果足以是先生乎哉余往往過家塾徘徊瞻顧於虛齋前意者先生之齋其太虛耶包涵萬象而無一物耶先生之於齋其有而不有耶何案上琴書幾幾乎亦若無也於斯時也見虛窻日影閒若無人半榻空懸靜如太古余為悵然久之歸而興嘆曰先生之齋真太虛也夫真太虛也夫還問之虛齋先生

對

經學對

六經皆治世之書也自仲尼沒而微言絕七十子衰而大義乖裂經毀傳儒術幾絀焉秦灰既燼典冊無復存者漢有天下廣求遺篇摭拾秘卷召諸儒講同異一時賢良蔚起家尚專經易有十三家之說書有二十九卷之文高堂戴氏以禮鳴申培轅固韓生以詩鳴胡毋生董仲舒以春秋著制氏王禹以樂著麟麟炳炳如日月之經天江河之行地也厥後支離誕妄之說起謂一經兼數經之用者非謂一經盡一經之用者尤非義畫兆始有天地即有四象有四象即有八卦六十四爻之中作者其有憂患乎黜八索除九丘斷自陶唐迄於成周蓋懼載籍紛紜覽者不一也且四始六義存采風問俗之遺藉十二公之行事明賞罰是非之重大哉經乎先聖之一日刪修皆後儒經術經世之淵源也而夫子亦嘗定禮矣獨因諸侯去籍在千有餘歲之間經之亡也有由然矣乃經亡而禮傳曷以記名禮名記者二禮之傳也記而得稱經者繫經以立明經以行者也一定於大戴刪后蒼再定於小戴刪大戴四十九篇中類此節分是皆

道德仁義所由成而君臣父子兄弟所由定也禮之
為教數經之義備焉禮固未嘗亡也至大司樂與周
禮併為手著知聖人宰制宇宙飭以五禮即諧以六
樂是故別宜居鬼正以敦和率神輔禮教之大總繫
之矣奄之以合幽明上下遠近及蒸為至利世乃無
否塞焉易由之以啗陰陽書由之以偵政事詩由之
以持性情春秋由之以定尊卑嗚呼信生人之利也
漢興魏寶公獻古樂經其文與大司樂合而學士大
夫率沿為禮家言無端學也乃古樂經亡而周公所
著經固存於世至於河間雅樂古音率下而中壘樂
器數枚不能肄之伶工惜乎樂之器遂不存耳謂先
聖贊定之經散失則可謂之經亡則不可謂四經存
而禮樂不亡則可謂禮樂之致用與四經同歸則不
可雖然愚更有臆說焉經之存亡視乎人心古學者
三十而通六經非泥經以求經也即吾心以會聖人
之經能貫通一心於六經統滙六經於一心心之太
極非易乎心之中非書乎心之是非非春秋乎心之
敬且和非禮與樂乎勿得岐四經而用之聽汚隆於
古今也是在善讀經者

答

求放心類擇答

世間萬事萬物其類無窮人心一耳以一心而應無
窮之感無事無物不可以放心無事無物不可以求
放心心而曰放必從事物邊放去放而曰求必從事
物邊求來若未到事物邊只主敬可也主敬而心不走
作得而勿失也既到事物邊只擇善可也擇善而心
不陷溺失而復得也從來無屏絕事物之學問但事
物之中理欲叅焉放之於理仍未放也放之於欲便
當求矣雖有大小淺深之不同純與不純之各異然
非其好仁則其惡不仁者也孔門之學只是求仁孟
子之學只是存心求仁即存心也存心即求仁也詎
有二哉故類擇云者蓋欲人連類以及推類以求充
類以盡也非以二十餘人盡世間之人更非以二十
餘人之事物盡世間之事物也

蔚州志編次答

蔚志何爲而作也一代之興必有一代之制革故鼎新版圖爲重方輿宜首志焉蔚屬燕趙之餘言趙不言燕者志州而衛特附之正其名曰古代郡今蔚州何也沿革明而得失可鏡也疆域畫而要害可審也星雖麗天分野實屬於地災祥亦從一方見之者故列於沿革疆域之後若山川古蹟風俗物產皆察地也是爲方輿志大凡經理方輿之中者可攷而知也次則志建置建置維何以守國也則城池重以分職也則官署重以儲民財以達軍令也則倉庫郵驛重缺一不可者夫有出政之地必有布政之人繼建置而志秩官重得人也大小勿遺篇帙繁甚本朝之官此地者一命必書若前代小吏僅存什一於千百耳雖然得人則治不得人則亂入境而問政思過半矣爰作政令志某事倡率其事告誡興利幾何革弊幾何顧可忽乎然國之大事惟戎與祀志武備者以觀兵也志祀典者以報功也有昔畧而今詳者如軍餉壇廟之類是也有昔分而今合者如名宦鄉賢之類是也有昔重而今輕者如寺觀之類是也作者其有憂患乎至於賦役國家之本重哉其志之也以驗

登耗以占盈縮以稽出入諸凡祿食廩餼祭享燕會無一不取之民者撫字生聚豈異人任故傳曰有人此有土有土此有財有財此有用也然養立而教興作學校志爲要嗟乎不與祭不知敬也不讀卧碑不知畏也不觀飲射不知孝弟之義也語云師道立則善人多竊有取焉夫北鄙固尚武蔚地奮身文教者代不乏人即徵辟之材干城之選亦國士也故志選舉又志人物焉嘗聞太上立德其次立功其次立言有一可傳不能沒也後之讀列傳者可以知人論世矣其忠孝義節之流各分一類用以維風而勵俗豈細故哉若外志則裨官委巷也怪事凶德也存而不論論而不議可耳至於藝文有志或以徵獻或以徵文天下文章莫大乎是風雲月露何足云云故抑而後之其作志大畧如此上下二卷列十二綱爲十二集

贊

師友贊

教我以道勉我以行告我之過成我之名下則韋布
上至公卿有一於此如父如兄

辛復元徵君贊

有引

先生名全字復元絳州人明徵君以布衣設教河
汾著書三十六種尚書李日宣特薦不仕

正心誠意希聖希賢言與行顧行在言先羽翼洙泗
庶幾真傳秉彝同好師厥遺編

屯牧道范公贊

有引

東松堂全集

卷之十二

辛

范公名志懋字太乙河南虞城縣舉人明崇禎年
間任蔚州屯牧道母太君遺八行圖說為訓遵慈
訓惟謹生平不衣帛不茹腥著弟經十八篇十讓
一不讓說行世

躬行實踐廉吏真儒萬姓其子小子其徒

王近徵像贊

君是上谷王生思縣令也不彎弓躍馬挺長矛橫掃
境內寇穴百里為青疇雞犬桑麻今尚留我愛偉然
丈夫志千秋何不手提一劍取公侯何不亟請尚方
斬佞頭誰將此人置之一壑與一邱

范太孺人節烈贊

有引

范太孺人者前侍御今大理寺寺副裴公希度母也
不生不可以托孤其生也節不死不可以成仁其死
也烈維節與烈終始無缺恒獄汾流精神不滅曲沃
男子獨非熱血受尚方劍而弗能引義以自決誰則
巾幗誰則鬚眉請分優劣

喬太母節孝贊

不廢學家之政不接佛家之令不好名家之行厥孤
未竟維孫之慶斯未亡人之性與

重修廣靈縣學贊

東松堂全集

卷之十二

辛

讀聖經感人心學宮茂草久銷沉修蘭若損多金世
俗江河已到今彈丸邑窮子衿瞻望宮牆歲月深瓦
礫亂風雨侵補葺還愁力不任吁嗟乎吁嗟乎事其
事空谷音

刁太母壽贊贈蒙吉先生

存其仁母之仁立其身母之身靜修老和靖貧門以
內道如春

五十生日小像自贊

這個漢子生來甚孱着衣喫飯行五十年肝腸自白
氣質猶偏有體無用多經少權日月易邁老大徒憐

曾記得你二十以前初通章句頗習詩篇繫童心耳
若處女然漸傷比匪遂濁蒙泉二十以後三十以前
形骸放浪意氣飛騫非貪非病如狂如顛科名僥倖
際遇迨遭嚴君蚤背亂世相延投鼠忌器得魚忘筌
偽職不染餘生苟全三十以後四十之前明運既革
清詔乃宣勉應 國制竊綴朝班交遊固擇趨向弗
專既讀中秘尋改科員心期鳴鳳口類寒蟬叨蒙
寵召恭侍 御筵一堂克濟三代竚看 君恩愈重
臣節難完濫佐 計典誓絕一錢仰質 天日俯對
班聯不干政府不謁司銓妄談古禮懶逐塵緣孤而
寒林堂全集 卷之十二 五
匪傲方而勿圓小人欲殺 大德同天雨雪誣蟻三
宥罪愆崖邊收馬江心補船年四十矣而無聞焉上
承 先聖次希諸賢制行不逮立志惟虔學纔半步
道在雙肩二三師友日夕周旋願為後勁須著先鞭
辭官養母上疏歸田庭闈菽水祠祀豆邊顯揚未盡
持守彌堅里黨何事風化為先獨慚涼德幸遇好官
宣陳 六諭講肄 聖傳於人寡效在已必獨名教
之樂天地之寬嗜欲之寡夢寐之安此理欲界是人
禽關手中一卷腹內三餐自問自答我愚我頑長無
尺寸短有萬千知過必改見善則遷五十已至自今

勉旃

賈膠侯中丞像贊

尚書賈公真豪傑運際風雲名烈烈中外剔歷三十
秋盡是盤根與錯節開山鑿路著奇功補經翼史探
密穴蒼生疾苦告 君王皇華古驛分車轍秦豫雙
留萬戶春林泉花鳥自明哲義田義學古遺風曾聞
卿老口中說只今頰上見三毫他年麟閣貌無別惟
有扶危濟困心丹青難寫肝腸熱

王西樵考功贊

才如干將莫邪而試之未遂學如深林邃谷而探之
未至抑何天性之過人竟毀瘠以自致律以先聖之
言或違孝子之志吾將取以愧天下後世之不忠與
不義

題田氏紫荆圖贊

樹具人理天生地成彼連枝者無情有情異哉田氏
抱樹長鳴淚濕黃土枯矣復萌凡今之人誰無兄弟
同氣垂庇痛死紫荆

王太孺人梁氏贊

王數五祖母

冰霜滿屋上有黃鵠雄者飛去雌者哭痛哉痛哉無
半菽織機聲映月讀祖德光孫謀續忠孝誰之貽慈

訓千秋肅

豐城丁氏家譜贊

鍾靈毓秀天之至仁尊祖敬宗人之大倫豐城丁氏
派起湖濱水源本代有聞人嘉言懿行代有拔陳
以德以爵為子為臣或卿之望或國之珍前模炳炳
後裔振振高懸世系如接精神志事有屬門祚常新
流光奕葉衍慶千春惟愛敬合斯風俗醇我家北地
安得比隣

讀孫君僑布衣墓誌銘附贊

君僑之生為徵君嗣君僑之死有學士誌崔玉璫學士撰文愛

卷之十二

弟忘身成仁取義不知其學視其所事千載而下望
夏峰之高墳橋梓何愧

王子瓚言贊

道在天地學在聖賢雖由心悟實賴言詮隨人取益
到處逢源千頭萬緒兩語三言文端有後瓚言在焉
人情物態世故家緣詞簡意該事備理全單方療病
一味可痊坐言起行展卷了然我將錄之置諸座前
返躬互証王子勉旃

徐立齋小像贊

為憲萬邦 天子之命大法小廉表端影正既肅紀

網亦職諫諍危坐凝思有懷欲靖此古大臣披圖起
敬

東松堂全集贊

卷之十二

五

箴

六字箴有引

樞有六字箴曰循理守法安命用以自警兼為分校所拔諸士訓今行之閱數年矣因思六字固海內習聞者敢不與同人共之乎爰列三箴如左

循理

天之生人具有此理違之則非順之則是以此合天以此求已易存者心難任者意

守法

曰寬曰嚴秉自昭代理雖無違法或有悖守之守

東林堂全集

卷之十二

集

之勿誑勿貸勿謂誰知勿謂何礙

安命

理既明矣法既平矣毀矣成矣辱矣榮矣素其位而行矣進可以仕而退可以耕矣

友箴有引

朋友之格八有道德相親而交者有學問相成而交者有氣節相感而交者有然諾相信而交者有政治相助而交者有才技相合而交者有詩文相尚而交者有山水相娛而交者下此者羣居狎處早早不足道矣爰列三箴如左

貧賤交

貧賤之交不可忘也方貧賤時豈其無因者患難相恤也有無相通也不則延譽而知名不則升堂而拜母也是而可忘孰不可忘

諍友

士有諍友則身不離於令名寤寐思之死生以之朋友之義大矣哉且四倫元氣也朋友風雷也鼓動而後相濟相濟者相全相全者相知之至也愚故曰朋友之交如泰交

擇交

東林堂全集

卷之十二

集

人不交我必我之無益於人也我不交人必人之無益於我也惟兩相擇則兩相得也雖然盲者負臂者而走兩相用則兩相治矣故朋友亦不廢偏才

銘

硯銘 馮秋水所貽即用
來書二語銘之

敦古力學閑邪存誠贈言如石秋水先生

硯銘 畢亮回
所貽

得之浮海之餘贈以歸山之初中若虛義何如

硯銘 陸孝山
所貽

圓而不方吾甚怪磨而不磷吾甚快舍短取長名端

介

硯銘 畢亮
所貽

安乃身靜乃神山之窟水之濱有母兮何人生此石

東本堂全集

麒麟

燈屏銘

劍在匣玉在匱彼短檠者亦以韜其光而益吾目

擬表

擬 太和殿成元旦 上臨御受 朝大宴文

武百官羣臣 謝表 順治三年

伏以 帝闕瞻雲象北辰而運泰 皇居向日俯南

面以吹和 三極維四海之尊共祝歸極會極 一

元協萬邦之頌不愧體元調元色動呼嵩神頭飲宴

臣等誠惶誠恐稽首頓首上言竊惟王者蒞內以周

外宅在中央天子居重而馭輕家以天下自堂高簾

遠空瞻式玉之模而棟廊宇崔莫覩其型之著義原

存乎覲見門更隔於聲聞但掃家庭謂茅茨之風不

東本堂全集

再誰卑宮室令溝洫之力惟勤既侈雕牆峻宇之雄

任築愁築怨而莫恤謾誇金盤玉醴之盛將成林成

海以貽羞玉食者一而肉食者千味幾窮於山珍海

錯吐哺不聞而含哺不見居徒號為虎踞龍蟠迨自

東錄西崑狎客珠明柳濯瓊花但譜臨江之艷遂致

南箕北斗謀人骨喜酒悲曲水空流上已之和惜哉

大厦將傾不堪支以一木悼彼鼎餗全覆猶然愛此

千鍾四隣之盛事莫追一體之休風安在未有尊昭

代之宸極萃萬國之歡心如 今日者也茲茲伏遇

皇帝陛下 中正履符 神明合德 少年天子負

康法成周之規 有道聖人仗劍作中華之主 志
澄禹甸中外仰敦信明義之模 治數堯天遠邇深
遏寇寧民之戴 念小人之艱苦蠲常征肆大赦而
尤定爰書以宏草木之恩 鑒前代之得失絕加派
錄遺賢而充誌竹簡以定金石之史方開草昧未剪
荒蕪因法象既章土階非可以宏體統兼休祥協應
旁室豈足以接神人爰召冬官聿興大役工可鳩也
信而勞吾民木則求之喜而勝其任美哉輪美哉奐
大匠何妨靈曰沼靈曰臺小民有頌告 祖宗而名
左个右个臨諸侯以受大球小球太液風微高燕雀
寒松堂全集 卷之十二 本
而不下甘泉露浥燦星日以同輝竣工適逢元旦之
辰朝 天會當述職之歲 六龍飛御華鐘隱隱列
千官 五鳳遙開僊樂霏騰萬象雲移雉尾進青
瑣而點朝班瑞蟠頭藹香煙而浮翠幄 特勅光
祿大宴百僚 賜酺先元武之門飲醇近平陽之第
醴醕頒來 玉府饒知春夜醉僊堯烹飪拜自 大
庖恰共椒花浮玉盃三陽日麗樽前玉樹同忻五色
霞飛觴罷銅人皆喜允稱小往大來之世載賡君都
臣俞之篇臣等檇櫟散材斗筭薄器爲 國作幹真
貽柱石之羞有志調羹罔濟鹽梅之用瞻 帝座之

九重日近咸思運斤以呈能體 聖惠之萬國風同
難忘借箸而籌策敢不益勵退食之節永懷折檻之
忠伏願 見羹見牆垂裳而出治道 如饑如渴連
茹以關賢關 約已裕民幽風繪之丹青殿內 宵
衣肝食太極列之青玉案前勿謂已治已安盡撤刀
劍戶牖之儆當思肯堂肯構彌篤饗殮牢醴之誠將
見上而太和在 殿陛則惟無疆之恤無疆之休是
訶下而太和在宇宙厥惟有夏歷年有殷歷年是祝
矣臣等無任瞻 天仰 聖激切屏營之至謹奉
表稱 謝以 聞

寒松堂全集 卷之十二

擬 上覃恩封贈給與刑科左給事中魏象樞

父母本身並妻 勅命二軸臣象樞 謝表

順治八年

伏以 龍章護紫泥推父生母育而申命 鳳篆馳丹闕兼夫倡婦隨以承恩妙行激勸之大權曲中顯揚之微意庭闈動色泉壤生光 臣象樞誠惶誠恐稽首頓首上言竊惟國家綸綍之典原教孝而作忠臣子翟第之榮匪沽名而冒賞粵稽往代歷有成規唐給告身執符惟尚書之印宋用草勅僉押止三省之官紫綬文軒因經術而賜祖母金花綵袋隨湯沐以

寒松堂全集

卷之十二

三

予郡君未聞封號之嚴安見官常之肅無功而受如爛羊頭之列爵堪羞非分而誇似沐猴冠之歸鄉可鄙故錫予必慎之又慎有慶則施若遭逢雖奇而又奇惟人斯稱伏念臣象樞性本愚慙才復疎庸初讀中秘書涓埃罔效繼登青瑣閤葑菲莫酬幸際 求言納諫之朝願盡補闕拾遺之職玉珂金鑰雖非抱葉之寒蟬白簡皂囊殊愧朝陽之鳴鳳對天地鬼神而自問質夢魂衾影以何顏茲蓋伏遇 皇帝陛下 體膺生知 烈繩祖武 握乾綱而獨運四海為家 按泰卦以相交羣臣一體 契道於

小心翼翼格 天之大孝夔夔爰因 新政之初肇

舉 尊親之體 鴻恩下逮顯秩有差惟 聖主萃

萬國之歡心斯小臣對 一人之休命 王言渙雙

壁見雙鳳從 日邊邸來 御墨灑五雲綠五花自

人間辨出膺茲 異數領到寒門榮及本身溯於前

代先臣義方雖遠儼聞過庭之詩前母壺儀尚存載

彰舉案之德微臣登第而後老母祿養之年教臣以

廉米鹽薪水必有節廣 君之惠宗族鄉黨無不周

頗賴妻匹糟糠粗知化叶琴瑟心驚 錫類之寵共

捧 絲綸情深報本之思均沾 雨露痛矣曾哲羊

寒松堂全集

擬表

卷之十二

奎

東空鋪設於豆中幸哉萊子斑衣更輝煌於膝下臣象樞敢不顧名而思義行道以顯親心 君父之心避人何須焚草學聖賢之學遇 主那肯抽簪不惜身侍慈闈即奉身而許 國原因父有諍子宜資父以事 君利害死生總歸 覆載之大是非毀譽難逃 日月之光矧家室受 煌煌之褒嘉豈臣子忘區區之靖獻幽德與慈顏共慰 國恩並家慶齊章伏願 人倫為本 王道無偏 天語溫和舍已從人而取善 宸衷廣大推心置腹以求賢俾史臣執簡而書謂帝典王謨邁累朝之繁縟令奕世開軸而

視將稗官家乘表一姓之淵源應知子子孫孫頌堯
仁之蕩蕩不獨男男女女祝周歷之綿綿矣臣象桓
無任瞻天仰聖激切屏營之至謹奉表稱
謝以聞

擬 上念水旱頻仍兵民疾苦 特諭滿漢內
外文武官員各陳所見以備採擇羣臣 謝
表 順治十三年

伏以 日照青原祁暑遙通於萬國 天高紫禁菲
封下採於千官 修實政者一心警予用惕 擴虛
懷曰四目惠我其咨饑渴思深明良慶洽臣等誠惶
誠恐稽首頓首上言竊惟天人相與之端捷如桴鼓
銓宰同心之效視彼堂堂廉易象乾坤道先下濟詩歌
雲漢業啓中興宋景有善言星猶退舍貞觀祝稔歲
災欲移身蓋必耳不逆於忠言然後情可通於民隱
自懸鐸之風既邈即止輦之義無聞議出盈庭孰是
回天之筆言多築舍自誇獲野之謀水旱既難回委
於天行之定數逃亡猶可賊移之地著之殘黎吸者
露而餐者風嗟茲甲士南有箕而北有斗念彼蒼生
遙望萬里之閭野老那識雲日空下十行之詔諫書
隨付丙丁未有念集澤之飛鴻愛朝陽之鳴鳳如
今日者也茲蓋伏遇

皇帝陛下 寬仁性植 神武天開 德冒八荒彙
茅茹而拔士 慮周萬世聽鐘鼓以思臣 不戰而
屈人之兵 廟筭先籌於九代 重農以立邦之本

躬耕風戒於三推頃者水旱頻聞兼之此離日見
貌貅億萬入穴中以探虎狼鳩鵲百千下枝頭而辭
燕雀看甲邊風蟻疇無雨雪之悲辨竈底蝼蟻難免
溝壑之慮若欲疇咨化理須觀內外之興除所以敬
答 明威先問兵民之疾苦 特頒 勅諭大誠臣
工謂平時之職業未修尚曰我無言責也若今日之
消弭不講可曰此非王事乎 九重不悉諸閭閻即
堂上百里而堂下萬里庶尹不陳之 殿陛將小臣
不言而大臣誰言况由親及疎各有耳目股肱之任
且自內迄外均為父母師帥之官哀哀嫠婦泣秋鴻
寒衣堂全集 卷之十二
單望一函封事處處流人驚夢蝶獨無片紙陽和苟
濟燃眉不必備荒之政十有二安忍枵腹待至力耕
之儲九與三有謨有猷 下詢者如主人之訊耕織
可歌可泣上達者似父老之話農桑驅壯士於邊疆
從軍之樂安在起餓夫於桑下重遷之意何如無取
議論之雷同徒見文章之霞燦言之不當者忌諱都寬平
見洛陽必多賈誼之陳書言之不當者忌諱都寬平
陸自有距心之知罪臣等才疎補衮念切解懸觀目
下之瘡痍魂驚補救愧 朝中之師濟計拙條陳雖
抱用直用諷之心難際合聽合觀之日欣傳 溫諭

不覺中夜整冠謾草狂言總欲明朝聽鑰敢不按疾
而投藥自展葵心去苦而分甘聊回菜色伏願 乾
行不息 晉接勿違 朝政政夕糾虔倍軫寒咨暑
怨 春補耕秋助斂無令累死金生但籌養兵之源
兵可不用亟去賊民之蠹民將自安言之難聽之尤
難當思補闕拾遺務作棘蟬之氣大可利小亦利
勿因連章累牘輒驚仗馬之心從茲物阜人和覲太
平之五風十雨庶幾主 聖臣直頌 天子之兩地
參天矣臣等無任瞻 天仰 聖激切屏營之至謹
奉 表稱 謝以 聞

寒衣堂全集 擬表

卷之十二

辛

啓

辭鄭郡侯講學啓

伏以崇儒重道古聖王之隆規勵俗維風賢司牧之雅範景高山而有日測瀚海以何從恭惟郡侯執事濟時名世華國鴻才製錦江城見一班可大可久之畧分符邊郡擴先世成已成物之模德與政而交融民懷吏畏教與學而並進儒立頑廉爰以文章禮樂之漸興念及綱常倫物之有本慮士子讀書窮理宜務實而抑華謂薦紳學古入官須明體而適用因集衆議高建虛堂更卜良期下詢寒舍象樞捧華箋而欲汗謝枉車而無詞虞鄱陽立條制以讚時雍稱千古之美事韓穎川明喪娶以開風化表一代之芳名古道匪遙循良何讓惟象樞學漸濂洛行愧程朱章句腐儒謬備追隨之席贅疣浮語敢分講論之班從此跛子執鞭或當學步設也盲者登座安能掖人謹布微誠兼辭清晏惟願瑞集麟鳳廣聖澤於無我無人化格豚魚布王風於有知有覺行將大裨後學之志庶無少累知人之明矣伏冀鑒垂可勝感載

寒舍堂全集

卷之十二

文

與賈開伯孝廉聯姻啓

茲謹具書奉請者伏以一倫正始周禮著贅禽合鹿之文兩姓成歡毛詩興黃實灼華之詠惟舊好夙投於筆硯斯親姻世篤乎絲蘿誼重求鳳鳴當占鳳恭惟孝廉親家賦性溫和平和持家樸儉賢書已列依然韋布之風仕籍將登卓有清白之志兩郎玉立能讀父書二女璧聯克嫻母訓矧次令愛端凝有品咏雪謝女休誇廼長豚兒愚蠢無能坦腹王郎欲效因託名彥仰干素心自愧腐儒謬參古禮媒妁宜遣俟諸納幣之年書問先通擬在繫繩之日採不遺於葑菲何須白璧雙諾肯重乎芝蘭願引紅絲二縷珠玉弗貴布裙雅稱夫荆釵井臼必操宗子克諧乎冢婦樂雖三日而不舉歡將百歲而可偕羨賈氏之賢敢告先祠以聘叶魏門之吉行卜後裔其昌敬布荒言尚候雅命

寒舍堂全集

卷之十二

文

與李晉陽州佐聯姻啓

伏以蒼葭依玉樹平分萬附之緣蔚岫映洪川正值
桃簪之候牽絲非偶合璧有光恭惟親丈世契詩禮
望族孝友高風積善承家萬柳傳來規度遠提躬步
武一門接得肅雖多因結文字之歡漸引瓜葛之契
嫺聯世譜貴因親以及親誼篤驛壇緣舊好而爲好
幸邀君子之作合若徐若曹若楊若劉竊效古人之
芳型如朱如陳如王如謝生素仰尊翁老親家之世
德側聞令堂親家母之遺言曾告慈闈喜得佳婿果
踐良約敢外名門伯氏吹埴而仲氏之吹簾可卜元
方難兄而季方之難弟何疑漫云庚甲不齊最是門
閨有色異日奉兄爲翁而兄嫂爲姑弱女之幸也惟
願訓弟如子而弟婦如媳愚心斯慰焉捧誦雲緘欣
依潭府共體先人之意爰開後裔之祥宜室宜家百
代長綿麟趾俾臧俾熾千齡永叶鳳占敬布荒言而
報雅命臨書可勝翹企踴躍之至謹復

與祖勿庵學士聯姻啓

伏以星高銀渚喜逢佳邱駐三秋日照金臺擬結良
姻諧百世酌贅禽合鹿之禮誼重丘山詠贅實灼華
之詩韻調琴瑟既磨尹之迪吉肅寒修以陳詞仰冀
德音用光家乘恭惟老先生老親臺生涵海嶽學徹
天人花暖步磚共睹春回上苑柳迷歸院常聽風引
僊鈴清露紫薇天珥筆螭頭人似玉白麻紅燭夜揮
毫鳳沼氣如虹寵注 宮僚曾撤上方之蓮炬弼成
儲翼時燃太乙之熬煙而且道氣迎人藹如春日清
風範世肅若秋霜端謹孝慈一代共瞻君子氣儉勤
樸素滿門無愧古人風樞久深仰止於高山遂冀上
攀夫名閥因令愛行一德儀蚤備夙嫺中聞之規念
蠶兒居次頭角未成妄擬東床之坦奈賤性拙守不
知美玉華鈿况寒門素貧止有釵荆裙布朱陳世講
恐其不倫梁孟天緣諒已有定倘蒙好速成偶先締
射雀之盟庶幾宗祧傳芳永叶鳴鸞之和惟願教先
內則賢法女師德宜室家幸并白蘋繫之有托慶綿
瓜瓞俾門庭家世其克昌則數十載之素心欣同璧
合五百里之佳會真似絲牽矣

與史信之孝廉聯姻啓

恭惟老親臺望隆雲塞品重蘿山學海澄泓全聽鹿鳴之詠文峯萃律行題雁塔之名平原家世舊簪纓風範猶然韋布洛下文章雙棟葦門庭獨富縹緲猷孝友可風久矣科名不隳生既同桑梓復托淵源素欣公瑾之飲醇竊冀王郎之坦腹昔也交深道義何幸新調琴瑟之音今也誼篤絲蘿漫言夙有門牆之分況今愛久爛閨範百年不負絲牽但小兒徒讀父書他日恐慚玉潤惟願鳳占叶吉唱隨生家室之光佇看麟趾呈祥瓜瓞綿宗祊之慶矣敬祈朗鑒惠

東松堂全集

卷之十二

五

我好音臨啓可勝翹切踴躍之至

雜著

學約請問與孫退谷先生問答

程子曰善惡皆天理但人自不可流於惡云云此與性可以爲善可以爲不善之說無異陽明云無善無惡者心之體有善有惡者意之動云云此與性無善無不善之說無異何世之駁陽明者多也先生曰程子此說是人以生爲性便有善惡若性原無兩物相對其流爲善流爲惡是生之性非人生而靜以上之性也譬之水其原本清流爲清流爲濁總皆水也但非原初有清濁相對耳此學問極透語與後人語相去千里

東松堂全集

雜著

卷之十二

五

明道先生真亞聖也余觀彼透體於二氏中過來者又程門上蔡與游楊三先生皆從禪裏打過來此等語載之集中使讀者且曰明道先生從二氏中過來吾輩學禪何碍不幾爲後世嚆矢乎先生曰二氏邪說足以煽惑一世沿流千百年豈易至此非吾儒深入其室盡破其迷謬何可振醒後學若此如韓昌黎以禍福因果之說斥之未有不爲異端所笑者故宋之大儒無不洞曉其旨而批根導窠彼始無道情後之墮於彼教者皆未遍讀其書而徒事觀場所謂不

入虎穴安得虎子也

顏子好學不在怒與過上用工只看大易便知復卦初九一爻惟顏子能當之蓋謂不遠復也愚謂喜怒哀樂怒為難制吉凶悔吝過則多端不在此處用功終非克己之學何如先生曰顏子亞聖觀其不違如愚所學固不離於怒與過豈專在怒與過讀昌黎不貳過論亦淺之乎視顏子矣朱子曰顏子之不遷不貳乃其終身好學之所就此語可思

祭位西上以次而東今改設是否先生創行設如士大夫家祠堂一間東西不能容許多桌子且附位退

東松堂全集

雜著

卷之十二

古

後又安得有如許餘地恐難通行至於神主高若干積高若干今尺準周尺若干近世多不如式先生曰祭禮不宗西上之制非始於不肖先儒皆行之祠堂止藏神主朔望及時祭於此行禮若大祭合祭皆請主於正寢祭畢奉回祠堂如朝廷藏神主於寢殿祭則於太廟正殿乃古禮也

古禮主人主婦男女同祭樞改為主人率衆男先祭畢主婦率衆婦行禮止獻茶此斟酌古今不能強同也未知是否先生曰祭日於正寢設一幃主婦先在內凡茶酒湯飯皆主婦率子婦等親入器中使家人

妻送出家人接遞與主祭者親獻三獻皆然男子祭畢少退主婦率諸婦拜仍入幃主祭者送主撤饌禮畢

續學約不入月川楓山後渠念庵功在孔門尚少耶涇野涇陽少墟功在孔門頗多或當日有人指摘亦遂減其分量耶先生曰月川楓山後渠功在孔門與涇野諸公無差等而薛胡羅高四先生學識更卓用功甚深細心參酌自見近日熊敬修先生欲以涇野入集然其語錄欲分為十四類便不能及涇陽所著五先生抄釋多有未合處然不敢輕肆盡言也

東松堂全集

雜著

卷之十二

五

如晤語與孫鍾元先生問答

竊聞先生曰子臣弟友盡分視聽言動合禮喜怒哀樂中節是終身行之不盡處樞謂分何以盡只要忠恕禮何以合只要克己節何以中只要戒慎恐懼又樞終身無行而不當盡處先生曰庸齋之板實即江村之認真也真人本色開口托出

先生曰饑餓窮愁困不倒聲色貨利浸不倒死生患難考不倒而人之能事畢矣樞謂素位而行之君子上也不淫不移不屈之大丈夫次也循理守法安命樞之所謂不倒也先生曰成功一也

先生曰或曰士不可以小自待不惟不宜讓今人並不宜讓古人予謂士不可過自恃不惟宜讓古人並宜讓今人樞謂不宜讓者是引之使進也宜讓者是抑之使退也因入施教之法或言亦宜並存不宜抹倒先生曰有前段自應有後段如雜卦一及一正相互者然

有問處事之道者先生曰水到渠成不必急性天大事總平常事樞謂水到渠成者是堯則天舜恭己禹無事孔子不踰矩也學者引水開渠時這等話且莫說得太蚤先生曰正好理會

東林堂全集

雜著

卷之十二

主

先生曰匹夫不可奪志也蓋志不可奪便是造命立命處樞謂此孔顏真樂源頭處也下學上達欲罷不能安可奪乎先生曰人各有不奪之志獨孔顏真樂是其源頭

先生曰人患不能信更患不能疑人患無所知更患有所知人患不明白更患太明白此非真實有理會者未易語此樞謂首二語如曾子之三省身漆雕開之未能信是也次二語則孔子所謂吾有知乎哉無知也末二語則文王內文明而外柔順也賢可勉而能聖不可學而至若說與初學人恐引入圓熟曠蕩

一路矣先生曰法非專為初學說先生慮及初學便是為初學說法思深哉

仁者以天地萬物為一體諸儒却未說明樞謂無私則一體兼愛非一體堯舜生殺子奪孔子筆削褒貶纔是一體學者切莫錯認先生曰無私與兼愛自別孔子罕言仁故論人亦不輕許仁而儒者率云孔門之學先識仁仁從何識乎樞謂仁者無私之謂心安理得之謂一事無私則一事之心安理得也終身無私則終身之心安理得也生熟之間違合之分耳識仁者亦求之無私而已矣求之心安理得而已矣先生曰罕言仁無纖等之教也除却心安理得所言何事此論得之

東林堂全集

雜著

卷之十二

主

先生曰周元公而後程正叔不讀佛書樞生平未見所謂佛書道藏者為何物雖云不博却落得胸中有大受用口中無大辨駁先生曰有此大受用又何用大辨駁

何以止謗曰無辨昔人之言也何以別異端曰無辨樞之言也無辨者非徒閉口要盡其所當盡耳先生曰極是

樞常聞人有言釋氏云終日喫飯不挂一粒終日着

衣不挂一絲人皆贊之樞謂此二語只是一個沒天
理吾儒終日喫飯粒米皆挂詩曰鋤禾日當午汗滴
禾下土誰知盤中餐粒粒皆辛苦讀此能不挂乎吾
儒終日着衣寸絲皆挂詩曰昨日到城郭歸來淚滿
巾遍身綺羅者不是養蠶人讀此能不挂乎若讀至
二月賣新絲五月糶新穀警得眼前瘡剜却心頭肉
我願君王心化作光明燭不照綺羅筵偏照逃亡屋
樞恐普天之下食者衣者俱不自安矣此幽風之所
以告成王也吾儒異於釋氏寧俟辨而知之哉先生
曰儒家用世釋氏出世用世者自挂心出世者自不
挂

寒松堂全集

雜著

卷之十二

夫

挂心所謂法各為用道不相謀也

樞有三關循途而過焉第一關違禽獸不遠第二關
悅不若已第三關言行不相顧樞平日策勉如此讀
先生耻不耻之間其人禽之介乎更嚴矣先生曰人
不肯認者我不諱便是大過人處

先生題三教堂云法各為用樞以四字足為一聯曰
道不相謀此都門讀答問時申明先生之意今錄而
質之以志十年同心之一端云

按家禮朱子曰薦新告廟祠吉凶相襲似不可行示
墓可廢既葬則使輕服或已除者入廟祠行禮可也

四時大祭既葬亦不可行又曰家問頃年居喪於四
時正祭則不敢舉而俗節薦享則以墨衰行之蓋正
祭三獻受胙非居喪所可行而俗節則惟普同一獻
不讀祝不受胙也又曰喪三年不祭但古人居喪言
語飲食皆與平日絕異故宗廟家祠之祭雖廢而幽
明之間兩無憾焉今人居喪與古人異卒哭之後遂
墨其衰凡出入居處飲食與平日之所為皆不廢也
而獨廢此一事恐亦有所未安竊謂欲處此義者但
當自省所以居喪之禮果能始終一一合於曲禮即
廢祭無可疑若他時不免墨衰出入或其他有所未

寒松堂全集

雜著

卷之十二

夫

合者尚多即卒哭之前不得已準禮且廢卒哭之後
可以畧倣左傳杜預之說遇四時祭日以衰服特祀
於几筵用墨衰常祀於家廟家祠可也樞讀此畧為
參酌三年全廢祭禮朱子之說固是四時祭日以墨
衰行禮杜預之說亦有可商樞平日家祠祭禮止三
獻讀祝不受胙而鄉中先達亦從未見墨衰之制竊
欲畧倣前人諸說於小祥後既以練服為冠去首經
負版辟領亦不必復製墨衰止以練服四叩於祠外
畢令嫡孫輩除服者告獻並不讀祝或亦幽明兩無
憾之道不然祖宗三年不血食不見子孫俯首於堂

下靈爽其安乎昔人因情而制禮後人酌古而準今故寒家有禮酌一書蓋取擇善而行曰酌之義也質之先生先生曰禮以禮其心之所安而已心之所不安者便非禮夫子大林放之問本喜尚也之起予其言曰事死如事生事亡如事存其意自見

· 願學堂講子曰學而時習之一章

今日開講先要說明一箇學字這學是我夫子一生的本領一生的受用却把與天下萬世人的本領天下萬世人的受用我輩每日讀論語開卷說學而時習之還是學箇甚麼大家一想少不得生一點愧悔的念頭起一番踴躍的精神就好講這箇學字這箇學如周子云聖希天賢希聖士希賢程子云學者將以行之也朱子云學之爲言效也人性皆善而覺有先後後覺者必效先覺之所爲乃可以明善而復其初也總要致知力行爲主今人於聖賢之善多是浮慕不能真知故行不去辟如四方之人要到京師來必先向走過的人討箇端的某處是水路從某處上船從某處登岸某處是陸路從某處渡嶺從某處過關了了知得分明然後程程走去東西南北都可到京師學聖賢定要如此此刻講書是知轉刻踐履是行若知而不行便是不肯走聖賢的路了終到不得聖賢地位與草木同朽腐而已雖知何益故夫子開口說學而時習之不亦說乎指與人一條大路教人尋討活潑潑趣味覺得聖賢原在我心體中親切領會當下承接無一念不合聖賢的理無一事不合聖

賢的道心體上充滿洋溢渾是聖賢對照如掘井而
及泉如磨鏡而見光何等快心愜意這箇學原與天
地萬物為一體我嘗得真趣味便要公於人人曉得
真趣味便要資於我所以同志之人因一人以及多
人因近者以及遠者都要來商量箇為聖賢的法子
講求到正心誠意處各得本性所同然一齊向聖賢
路上去自此脩身明道有朋安民致主有朋世道盛
衰人心消長道統絕續都在這朋友身上朱子云立
必俱立成不獨成方還了我萬物一體襟懷初則一
心獨悅今則衆心共悅豈不可樂故曰有朋自遠方
來不亦樂乎這箇學幸有同志者知之他人知與不
知何損於學我只時習便了我只與同志者講求便
了惟聖知聖惟賢知賢惟豪傑知豪傑流俗之人他
怎麼能殼知我的學這種流俗之人纔與他說箇為
聖賢必無信從之理就如醉夢癡痺吾方矜憐哀憫
之不暇那裡有一毫怨尤的意思這等便是尊賢而
容衆嘉善而矜不能到底底是聖賢與人為善一片熱
心腸成已成物而又不忍棄絕流俗之人非君子而
何故曰人不知而不愠不亦君子乎成了君子就成
的聖賢只是一箇學字一息如是終身如是大家猛

省憤發如紅爐點雪如撥雲見日端不負此番講論
已至賢者學聖未至賢者學賢當自今日始

願學堂講曾子曰吾日三省吾身一章

曾子時習工夫只看吾日三省吾身一章纔見吾身何等關係何等重大凡齊家治國任重道遠都在這身子上反身不誠便虧體辱親了怎麼擔的這担子起雖指出三件事來却總是毋自欺一念如為人謀是我一體的胸懷必如舜為堯謀禹稷契為舜謀孔子為天下萬世謀方是忠與朋友交乃五倫中大事四倫都要靠他成就必如久要不忘平生之言孔子所云朋友信之方是信傳是道統絕續關頭必如精一執中舜承堯禹承舜孔子所云三人有師

東松堂全集

雜著

卷之十二

金

善者從不善者改方是習這三件在人看作小節目曾子看作大綱領人看作欺他人曾子看作欺自己故不忠不信不習都在心苗上檢點人不及知而我獨知之三件正是忠恕工夫用到純熟田地所以獨得一貫真傳後來放子足啓子手時侯方卸下弘毅担子完了日省勾當此真時習之學終身不能盡一日不可忘的想我輩受病處或不止這三件且學曾子從三件下手莫把天生父育的身子輕輕壞了令人痛惜大家各自一揣為人謀較為已謀孰忠與責善的朋友交較與比匪的朋友交孰信傳道義之傳

較傳名利之傳孰習從此肯一省察便是曾子後身也

東松堂全集

雜著

卷之十二

金

顧學堂講子夏曰賢賢易色一章

這時習之學原是實地上做工夫不是記誦文章了
事顏曾以下如子夏子游是有聖人一體的他兩人
都以文章著名却不重文而重行看賢賢易色一章
便是他的學問故說人生在世學成個賢人孝子忠
臣信友纔不虛生一場學者終日講求千言萬語只
要明這道理道理不明先由心地不清心地不清多
因好色不肯好賢既不好賢一點誠心已虧喪了那
有誠心愛父母於父母必不竭力那有誠心愛君於
君必不致身那有誠心愛友於友必不全信人若識
集林堂全集 雜著 卷之十二 全
的好色念頭是病心上一轉移變而好賢妄念變為
真念人心變為道心心地上何等清明或見賢人所
行之事實寔效法他或聞賢人所立之言實寔尊奉
他世間孝子忠臣信友都是賢人都是我所好的我
所好在孝子事父母就能竭力我所好在忠臣事君
就能致身我所好在信友交朋友就有信這力如何
竭也有救水承歡的也有爵祿榮養的總要立身行
道纔不辱了父母這身如何致也有庶人服役的也
有卿士奉職的總要以身許國纔不負了君這言如
何有信或言賢當好色不當好的或言為子當孝為

臣當忠的總要責善告過纔不欺了朋友這樣人人
倫上明明白白完完全全難道沒些學力做到這地
位既說他未嘗記誦這等清心寡欲明善誠身可以
對親可以對君可以對友在不觀不聞之地理欲交
戰之時用了多少工夫從勉強而幾自然豈不是真
實學力子夏博學篤志切問近思一生功力和盤托
出可謂善學聖人之學吾輩細看學莫大於五倫則
以賢賢居首政莫大於九經則以尊賢居首可見虛
心屈已是第一難事是第一要務此處見的明行的
當別項一線穿去自不差錯學者不可不知也

集林堂全集 雜著

卷之十二

全

願學堂講子曰君子不重一章

孔門時習之學賴有君子一種人勇往擔當全要固學纔是載道之器若心體有一些不厚重舉動便覺不威嚴如容貌既不能遠暴慢顏色既不能近信辭氣既不能遠鄙倍終日所學言的都是虛文行的都是偽事這就是學不固了君子貞固足以幹事許大經綸從此做出原非色莊襲取斷斷要主忠信忠信是一點至誠無偽的心為聖學真根本所主在此直向聖學遠大處勇往擔當言的是這個忠信行的是這個忠信任他生死利害毀譽總搖奪他不得所學

東林堂全集

雜著

卷之十二

朱

願學堂講子曰吾十有五而志於學一章

這個時習之學我夫子原有當身的指點看吾十有五而志於學一章便知為聖賢更無別法只是存養天理不可虛度年華所以十五就有十五之學立志必要為聖賢今人立志便圖功名富貴盡虛度此十五年了既到三十須成個三十之學在天理上立定脚跟一切紛華靡麗曲學異端都搖動不得今人風吹草動引的心去便虛度此三十年了既到四十須成個四十之學涉世既深萬物都體驗一番凡天理當為的畧無一毫疑懼在胸中今人遇大利大害都是疑關便虛度此四十年了既到五十須成個五十之學從事物上返到源頭處覺得天地間萬事萬物都從天命付來纔到了下學而上達田地今人遂未忘本將分內事諉之氣數便虛度此五十年了此時窮理盡性樂天知命天理都是爛熟的既到六十須成個六十之學隨所聞見入耳不費思量渾若固有如舜之聞一善言見一善行若決江河沛然莫禦的一般今人聞善言見善行只作口邊風過去便虛度此六十年了到的七十工夫無息涵養純粹昔日從耳入者一一合於心今日從心起者一一合於矩這

東林堂全集

雜著

卷之十二

朱

矩是堯舜相傳一個中字不論矩如允執厥中一般乃一片兢業小心不敢自是的念頭雖七十猶學也今人晚年怠荒便虛度此七十了我夫子自少至壯自壯至老不但撰出個時習的年譜把與人聽却寫出個時習的小像把與人看自今思想我輩年紀有十五的有三十四的有五十六十的自返於天理上若何今日若悔這十年前的缺欠也須慮個十年後的地頭定要學到聖人那一件此志便不可限量纔是時習之學有志為聖賢者各宜體會

願學堂講子游為武城宰一章

再看子游為武城宰一章子游既列文學就該在文章誦讀上取人乃夫子一問得人却舉一個戒明以對可見平日胸中全以名節道義為重故物色此人為一邑中矜式想戒明光明正大善行不止二事自其小節而為人所難者言之詭隨苟且世俗所喜戒明行不由徑這就是行已有耻的根基奔競干謁世俗不免戒明非公事不至偃室這就是大公無我的器量看他一舉一動既可挽俗維風又非矯情絕世凡有公事如飲射讀法之類關乎風化合乎典禮每至偃室相與有成可知也此等人品必見重於子游此等邑宰必見重於夫子若非學聖人之學怎造到這田地我輩居官當以子游為法居鄉當以戒明為法這是子夏子游以文學之賢敦重實行如此孔門諸弟子槩可知矣

願學堂講子曰德之不修一章

這個時習之學原是說的樂的我夫子却有憂之再看德之不修一章正是爲聖賢實實的工夫有是憂纔有是說樂也修德在人倫日用上修不是修邊幅講學在道統血脉上講不是講章句徒義者聞得天地間義所當爲之事即轉圈以從改不善者見得心性內不能自安之處即省察勿憚如此便是時習之學自然說樂只因這幾件是終身不盡的事我夫子安得不憂但今人所憂者功名不盛富貴不長子孫不保耳看我夫子只要修德講學遷善改過功名此

東松堂全集

雜著

卷之十二

李

願學堂講顏淵問仁一章

這個時習之學孔子自少壯以至衰老終日乾乾夕惕若厲工夫不息如此不獨聖人爲然大賢以下都是這個工夫成就的如顏子工夫從克已做起把如愚足發的本領漸漸純熟到三月不違處曾子工夫從省身做起把任重道遠的本領漸漸純熟到一貫處我輩要學聖人且從二子身上體貼領會試看顏淵問仁一章孔子只教他克已復禮何說天地生人心中各具一段天理自其藹然與物爲體處是仁自其秩然與物有節處是禮這天理本是我所固有的寒松堂全集

雜著

卷之十二

奎

與中來所以說一日克己復禮天下歸仁焉看這等直截迅速毫無停待分明萬物皆備於我克者誰之已復者誰之禮歸者誰之仁一點靠人不得不由乎已更由乎誰此時夫子說的勇決顏子便要為的勇決隨請下手條目孔子直說出四箇非禮來都貼在已上去視聽言動一件有過不及處便是已四個勿字方是克己非禮者勿視勿聽勿言勿動是禮者視之聽之言之動之便是復禮總之胸中先有禮字作主沒禮的事到來都無着處我的耳目口鼻何嘗由人制伏由人關防故說由已而不由人顏子當仁不讓合下信的下手去做不離當身而可通天下曰回雖不敏請事斯語其勇決如此看他一日克己復禮終日如愚足發三月不違仁領了多少聖訓用了多少實功纔成個時習之學造到未達一間地位當日夫子教顏子工夫精細我輩且從粗淺處各自檢點猛然承當當從耳目口鼻做工夫將這淫聲美色浮言妄動四件一一勘破莫任已便倘有一件到來就把天理去省察克治明鏡在中四面皆照一夫當關千人自廢何處埋藏躲閃私欲去得淨盡天理葆得完全這樣人品可令風聞者慕觀面者親我無私於

人人無私於我豈不是歸仁氣象顏子學聖人未達一間我輩學顏子亦庶幾未達一間可不勉哉這章書是顏子一生的本領自請事斯語以後著了這勇猛心腸時時在已上做工夫看他不要怒不敢過有不善未嘗不知知之未嘗復行以能問於不能以多問於寡有若無實若虛犯而不校見其進未見其止擇乎中庸得一善拳拳服膺而弗失這都說他實實克己實實復禮無一念一事不是請事斯語的日子工夫純熟到極處也不過遷善改過懲忿窒欲求師問友發憤進步我輩却把這裡看得沒要緊便使顏子復生也引不到己已路上去大家猛省

願學堂講仲尼曰君子中庸一章

孔子時習之學自曾子得其宗傳再傳之子思子思慮聖道遠而異端起故作中庸以明道之原於性命者是中此中在日用常行處無過不及是為中庸看他引仲尼所言一章說君子者性命完完全全本體恰合當然之理故中庸小人一團私意與性命大相違背故反中庸君子之中庸也其人既是君子原有為善之德又用了戒慎恐懼工夫其存心制行自然隨時處中也不過喜怒哀樂子臣弟友在這裡處的停當即如孔子與上大夫言閭閻與下大夫言侃侃

東松堂全集

雜著

卷之十二

朱

麻冕純儉便從眾拜下是禮便違眾這都是時中樣子不是一味隨時亦不是一味執中這纔是君子中庸若小人之反中庸也其人既是小人原有為惡之心又無戒慎恐懼工夫其應事接物全是肆欲妄行如行險徼倖索隱行怪這都是無忌憚樣子本欲背叛其實又不得不竊附其名這便是小人反中庸君子小人不同如此要知道這時中就是時習的真境無忌憚就是不悅不樂不為君子的偽腸我輩要學聖人之學各自檢點一番勿蹈無忌憚行逕便是時中路上的君子這一部中庸也只是教人學時中戒無

忌憚便了會心者當自知之

東松堂全集

雜著

卷之十二

朱

願學堂講孟子曰自暴者一章

子思再傳之孟子也是這時習之學孟子所著七篇只道性善求仁義是他本領看自暴自棄一章說人性皆善沒一個不是可學聖賢的要學聖賢全在自家奮發保全仁義完成一個人世間有一種人人不肯暴害他却自家暴害這就不可與有言以引導他又有一種人人不肯棄絕他却自家棄絕這就不可與有為以鼓勵他何謂自暴因他把天生與我禮義之理是最美的却言語非毀一味私欲陷溺去雖引導他只不肯信便是自家暴害自家何謂自棄因他說天雖生與我仁義之理我這身子實不能勉強承認一味怠惰因循去雖鼓勵他只不肯行便是自家棄絕自家這兩種人怎知仁義是我性分中至安至正的理一刻離他不得離了此一所宅子其餘都是危地離了此一條路子其餘都是邪地奈何將自己安宅曠了不肯居將自己正路舍了不肯由錮蔽既深性命全失甘心做了不仁不義之人豈不可哀這哀字明明說他雖生猶死天地間枉生下這人了我輩若時時居了安宅由了正路這便是時習之學且悅且樂而為君子朝聞夕死何至於哀看了這章書也

知孟子七篇之中願學孔子在此要大家體會

願學堂講孟子曰仁人心也一章

孔門時習之學只是求仁傳至孟子直截指出本體來教人猛省體認故曰仁人心也義人路也世人只曉的終日在聲色勢利楊墨上思量計算便是心孟子却說這是私意不是心仁是人心世人只曉的終日在聲色勢利楊墨中出入往來便是路孟子却說這是坑塹不是路義是人路可見爲人個個存這一個心的個個走這一條路的奈何舍其路而不由放其心而不知求舉步動念都到不仁不義處去了喪了自己本有的物留一個空空軀殼隨着世俗集松堂全集 雜著 卷之十二 五

漂流無所不至豈不可哀試看人家失了一雞一犬其物至輕他覺的從那處放去就從那處求來何等明白了當既做一個人只有這一個心難道自己放了去如一所房子失了主人翁一般反不知去向何處雖終日學問不過聞見上奔馳心愈放去道愈遠故說學問之道無他求其放心而已矣人若學道問道只在天理上用工夫時時涵養體察講習討論都是此心但覺放到聲色勢利楊墨一邊去一旦反來再莫放去斷無今日求明日又放之理看無他而已矣五字真是斬釘截鐵孔子所謂我欲仁斯仁至子

妄所謂博學切問仁在其中顏子有不善未嘗不知知之未嘗復行都是求放心的學問孟子願學孔子只是這些血脉教世人成得一個人也只是這些關頭必盡返聲色勢利楊墨之習歸於仁義纔是真學問我輩誰無心或放在酒色邊或放在名利邊或放在佛老邊種種不同各宜翻然自返去邪歸正莫負孟子這段點撥苦心也

庸言

故禮諸侯不祭天況其下焉者士大夫僭祭矣而又以焚紙錢爲敬大不敬也上帝赫赫明明爲萬靈宰福善禍淫隨人自取斷無受人紙錢之理即正人君子如楊震者暮夜却金尚畏天知假若天可邀求何畏天知乎夫朔望焚香者馨聞於天也焚楮帛者以表潔也鬱鬯牲體以將誠也其不敢祭天者禮也不宜焚紙錢者理也每事必告天者畏之至而敬之大者也

關侯生而爲人拒曹操金如土然奸人媚態心竊鄙之今爲神矣浩然之氣充塞天地猶持一陌錢以俯

寒松堂全集 雜著 卷之十二

五

首階下諒不取也取之者何曰忠臣也孝子也義士也彼不忠不孝不義者對廟貌且當愧死尚敢乞靈徵福耶至於祀典諸神皆聰明正直者也不受諂媚槩可知矣人亦求其爲神所取者而已

熒理陰陽宰相之職也寒燠失節風雨不時皆咎焉魏子曰非也陰小人也陽君子也進君子而退小人熒理之能事畢矣丙吉問牛喘以察時序不如陳平所言卿士大夫各任其職爲是故韓退之詩云勿憚吐握勤可歌風雨調

人心一念之邪而鬼在其中焉因而欺侮之播弄之晝見於形像夜見於夢魂必讓其禍而後已故邪心即是鬼鬼與鬼相應又何怪乎人心一念之正而神在其中焉因而監察之呵護之上至於父母下至於子孫必致其福而後已故正心即是神神與神相親又何疑乎

居官者何嘗不擇吉日任事而陞者陞降者降黜者黜死者死未嘗皆吉也娶婦者亦何嘗不擇吉日成婚而壽者壽夭者夭孕者孕絕者絕未嘗皆吉也類而推之諸事皆然其義何居魏子曰君子則吉小人

寒松堂全集 雜著

卷之十二

五

則凶理也周以甲子興商以甲子亡非明驗乎程子曰擇地有五患不可不謹須使他日不爲道路不爲城郭不爲溝池不爲貴勢所奪不爲耕牛所及此擇地之實理非風水形勢之言也至於陽宅亦有五患愚亦竊取程子之意以補之曰不近寺廟不近城垣不近卑濕不近屠沽之所不近奢淫之家即吉宅也若以禍福論之只在修德與不修德者各有所驗今人不修德而求地將謂山川有靈其許之乎嘗見先君子座右書清江引詞一闕其詞曰陰德明明做不得偶爾無心意方便處處行那管名和利活

潑潑一團真天理

人之存心忠厚者必立言忠厚立言忠厚者必作事忠厚身必享忠厚之福子孫必食忠厚之報

儉美德也余謂仕路諸君子崇尚尤急數椽可以蔽風雨不必廣廈大庭也痴奴可以應門戶不必舞女歌童也繩床可以安夢魂不必花梨螺鈿也竹椅可以延賓客不必理石金漆也新磁可以供飲食不必成窰宣窰也五簋可以敘間澗不必盛席優觴也經史可以悅耳目不必名瑟古畫也去一分奢侈便少一分罪過省一分經營便多一分道義慎之哉

東松堂全集 雜著 卷之十二 高

一味疾人之惡小人之禍君子者十有八九終日揚人之善君子之化小人者十有二三

語云聞人之過如呼父母之名耳可得而聞口不可得而言此以厚道教天下也若司諫之官以言為職諸凡大害於國大蠹於民者自當以直道行之未可以隱惡為口實也據拾小過以博直名謬矣

漂母一飯淮陰千金今古傳為美談然當日一飯非以望千金千金自不忘一飯也毛詩云投匭報李孔子云以德報德總以報字堅人修德之心使人如歸者之望家耕者之望秋耳

怨由公起終日不解而再日悔之怨由私起終身不解而子孫啣之大凡同理一事意見偶有不合者公怨也各國一事心志不能獨快者私怨也學者當以怨之深淺辨心之公私

友人某致魏子書曰子以修路故奪官矣修路官責也工弗竣州官罪也今不罪州官而罪道官苑僵李代是非不白子何辨魏子曰小臣先大臣而任勞大臣先小臣而任過體也明公以水田插稻難開新路諸君為民耳以為民之故而奪官吾無憾矣置辨是啣過也啣過是求官也求官非大臣體也孔子曰

東松堂全集 雜著 卷之十二 高

觀過斯知仁矣督撫有隙者彼此相尋則彈劾屬員以快吾意道府州縣有隙者彼此相尋則鞭朴衙役以快吾意嗟乎以人之功名性命為我洩忿之資天理安在哉吾恐子若孫棄功名捐性命不足以償矣

僕不能讀書見友人齋中書可充棟輒自愧無書可讀遂欲購書藏之既而思童年曾讀論語如學而時習章通至其為人也孝弟章吾日三省吾身章賢賢易色章開卷便是總不能行得一句天下更有何書可讀者昔人云讀一尺不如行一寸信夫

清心寡慾壽之骨也濟人利物壽之血脉也節飲食
慎起居壽之皮毛也今人置數者不講一遇誕辰輒
殺生置酒親知滿堂或進火棗交梨冰蔬雪藕之詩
或奏白鶴青牛丹鼎絳雲之曲虛文無當俗套相酬
絕不及身心性命一語甚且壽翁而誇子孫之貴壽
子而表家世之尊於骨於血於皮毛毫無裨益彼
窮鄉之人姬妾少滋味淡嗜慾寡心氣平尚有問精
力之盛衰而勸以保養休息者獨士大夫不聞此風
也

以賄予人而禍隨之每每中人不及覺昔燕丹遣荆

東坡全集雜著

卷之十二

七

軻刺秦王獻督亢圖以藏匕首圖窮而匕首見王乃
拔劍斷軻左股不死於軻者幸有劍在也不然危矣
彼世之甘心納賄而不顧者宜以燕秦故事為炯戒
士大夫受賄囑托得人數金之報遂喜而不以為憂
如挖煤密掘涸井富翁處高堂之上給鈔覓傭工輩
凡墜死渰死壓死而富翁無罪也夫傭工貧寒子耳
猶為衣食計也遂忘軀命矣若擁高爵食厚祿既非
饑餓不謀朝夕何得以性命殉人哉

官遷則為常賀客之來十有八九官死則為變甲客
之來十無二三殊不知喜慶之家視客如蒸雲多一

人不見其多衰戚之家視客如晨星少一人亦覺其
少故行賀於權要顯貴者宜選一日兩日而金門行
弔於貧寒卑寒者量捐一金二金以為此固賢者
之所為也

為人作墓誌銘甚難不須事蹟則求者不甘多填事
蹟則見者不信甚至事蹟無可稱述不得已而轉抄
彙語及眾家刻本以應之辟如傳神寫照向死人面
上脫稿已不克肖況寫路人形貌乎願世人生前行
些好事做個好人勿令作墓誌銘者執筆躊躇代為
遮蓋也

東坡全集雜著

卷之十二

七

德可達天曰聖道足濟世曰賢通權達變曰智革薄
從忠曰愚萬念皆善曰吉一念不善曰凶違天悖理
曰禍居易俟命曰福

山雞自愛其羽每臨水照影甚至眩溺而死弗顧孔
雀亦自愛其尾每棲必先擇置尾處人取其尾者挾
刃匿叢篁中伺其過急斲之少遲雀一回視則金光
翠色盡殞矣其靳惜之意專致而通於神者如此士
君子自愛其名節必有甚於羽與尾者可以人而不
如鳥乎

士大夫書札中云啓云奏云九頓首及壽杯內鐫千

秋等字者意義尊隆用之於朋友兄弟之間失體矣
習而不察戒之

池能衛城亦能壞城第中語水能載舟亦能覆舟古語富貴

之於人也何以異是

樹之榮華周落垂之變化歸藏時各不爽理亦甚明
人之未三十而娶未二十而嫁未四十而仕既七十
而不歸違時昧理往往不如樹與垂矣

嘗讀家語曰孔子去周老子送之曰吾聞富貴者送

人以財仁者送人以言吾雖不能富貴而竊仁者之

號請送子以言凡當世之聰明深察而近於死者好

樂善堂全集 雜著 卷之十二 貢

議人者也博辨宏大而危其身者好發人之惡也孔

子曰敬奉教此古人愛人真切處

晏子曰君令而不違臣共而不二父慈而教子孝而

箴兄愛而友弟敬而順夫和而義妻柔而正姑慈而

從婦聽而婉禮之善物也此古人言禮周詳處

聞外轉而輒不平者予甚不解以為辱耶京官徇私

犯法何嘗無辱以為勞耶京官潔已奉公何嘗不勞

以為卑耶每榜進士四百人有才有學淹在下位者

不知凡幾自揣才學果在四百人之上百人卑而我

尊果無愧耶噫亦可一笑而平矣

士大夫背人耳語必非正言賄耶淫耶謗耶識者不
可得而聞亦可得而料矣余從旁觀之深以為戒故
立朝十四年幸未蹈此

今人見科目仕路中人謂某某有功名矣余不敢信
問客客曰列高榜登甲第得顯官居要路非功名而
何余始知今人之功名異於古人也古人之功或在
社稷或在封疆或在匡君或在養民古人之名或在
尸祝或在口碑或在文教或在史傳一代之有功名
者不數人一人之有功名者不數事也何今人功名
之多也

樂善堂全集 雜著 卷之十二 貢

東粵一武弁遊寺中見眾僧各房誦經問住持曰何

不向大殿同誦住持答曰此僧代人誦經耳弁曰經

可代誦耶住持曰可只供給齋糧便了弁大喜曰好

好我回家便供給兩個秀才代我兒子讀書雖弁語

偶不經意却大有悟頭

嘗見士君子見佛經道藏必盥手焚香方敢展視及

見四書五經牀頭散亂篋內紛紜未有盥手焚香呼

先聖先賢而後誦讀者何也求福之心勝妄謂先聖

先賢之書不若佛經道藏之靈應耳嗟乎今人若肯

實體聖賢書行之字字是福勝佛經道藏遠矣

魏文侯擇相李克曰居視其所親富視其所與達視其所舉窮視其所不為貧視其所不取五者足以定之矣推此言也可以取友可以延師可以聯姻可以薦士可以聽言

傳曰天不為人之惡寒而輟其冬地不為人之惡險而輟其廣君子不為小人之句句而易其行天有常德地有常形君子有常行推此言也苟無常行便是小人

古人之詩出於性情故所居之地所處之時所與之人所行之事所歷之境所見之物至今一展卷瞭然

寒松堂全集 雜著 卷之十二 車

者真詩也若今人之詩亦曰性情物耳然而不真者頗多即如極富而言貪極壯而言老極醒而言醉極巧而言拙失其真矣且功名之士故發泉石之音狂悖之徒飾為忠孝之句尤不真之甚者也學者宜以真詩為法哉

見居官者不問職掌盡否興利除害幾何百姓安危何似輒問何時陞轉何日出差地方好否宦囊有無遷移者有誰照管淹滯者是誰阻抑凡問及此即為薄待天下之人

子為父母慶生辰膝下稱觴情也禮也至於我之生

日乃母難之日也若受親戚隣里門徒故友之祝開筵扮戲餽遺殺生於心安忍然斟酌情禮凡我之日當齋心以報親今我之子孫次日稱觴以盡孝度幾兩全矣

喪不祭而請僧設醮至謂超度地獄安知親必在地獄中乎此惡俗也有志維風者勿忽焉

凡醫不明望聞問切之道不察寒燥溫涼之時不審強弱虛實之人不辨陰陽氣血之症不分老少新久之治不按君臣佐使之宜皆庸醫也其更庸者藉口通變不拘古方其古方在何門類作何加減實實不

寒松堂全集 雜著 卷之十二 車

知而不得不任意妄用也夫古人立一方幾費心思幾經效驗而始載于書今人聰明豈能過之哉

敗家子有二種淫蕩賭博驕奢縱佚花費祖父之貲產者敗其家門也此則愚頑不讀書之人為之妨賢病國罔上行私貪賂肥家害人利己辱沒祖父之名節者敗其家世也此則聰慧能讀書之人為之不可不辨

人之所畏者有三等畏天命者上也畏國法者次也畏冥報者又其次也總以畏清議為下手工夫人之所愛者亦有三等愛人才者上也愛百姓者次也愛

文章者又其次也要以愛名節為切實本領

每日所言所行盡合於理理順則心安心安則可以對天可以對人何等清閒受用泰然而樂也故孔子曰君子坦蕩蕩每日所言所行不合於理理不順則心不安心不安則強欲瞞天強欲瞞人何等消阻閉藏戚然而憂也故孔子曰小人長戚戚

凡不義之財不可以供神不可以祭祖不可以獻親不可以貽子孫不可以修家祠置墳墓買書籍惟濟貧救荒施藥埋骨修橋補路庶幾可耳不然死後聽姬妾攜作改嫁資亦得好好散去也

東谷先生集

卷之十二

事

儒者以天地萬物為體不待去我而自無我何其公也大也釋氏以耳目口鼻為障強欲去我而終有我何其私也小也

白東谷先生贈聯云識得造物生時意草盆魚皆是尋取孔顏樂處吟風弄月何妨主靜居敬存誠揔要觀未發時氣象窮理致知格物無非求放心的工夫執敬忘憂境遇常教不足存誠取聞工夫切畏人知先生所贈即自言所學也

市上肥甘之物一二家不可買盡須留些與眾家一嘗纔有滋味富貴功名等物皆然愚同年友王近微

讀而嘆曰子先子題小亭一聯有但寬一步常無失每積三分定有餘亦此意也

近世士大夫亦有稍知求道者皆因實德未成而先揭標榜以來世俗之謗是以往往墮瞶無立反為斯道之梗學者宜以是為鑒誠然

昔人云兒子從宦者貪乏不能自給此是好消息又云世路如漆雖明者不能自見惟稍遠爭地常負屈稱乃是好消息

天子之孝曰就德被萬物始終成就也諸侯曰度奉天子法度榮其先也卿大夫曰譽遐邇稱譽也士曰

東谷先生集

卷之十二

臣

究明審資親事君之道也庶人曰富躬耕力農以富德養親也此義不可不明

直己守道者士之經樂天知命者聖之實持盈以謙者德之盛遇險而順者仁之成

王崇慶語

孔子開口便說學而時習之是孔子一生大本領大願力看十五志學一章五十學易一章甚矣吾衰一章自少至壯至老何嘗一時不習即一部論語又何嘗一件不是時習之學願學孔子者須學此孟子開口便說何必曰利亦有仁義而已矣是孟子一生大本領大願力看梁惠王一章景丑氏一章宋慳一章

王子塾一章告君告臣告王子何嘗一處離了仁義
即七篇孟子又何嘗一句不說仁義之言願學孟子
者須學此

曰正心曰存心曰洗心去人欲盡之矣曰盡性曰率
性曰養性循天理盡之矣曰知命曰俟命曰立命曰
至命去人欲循天理死生不渝盡之矣世人論辨紛
紛皆余之大惑不解者也

人君以天地之心爲心人子以父母之心爲心天下
無不一之心矣臣工以朝廷之事爲事奴僕以家主
之事爲事天下無不一之事矣

東松堂全集

雜著

卷之十二

書

或問人死則氣散矣又有厲鬼何也余曰英雄豪傑
冤恨難明突然而死其氣不遽散久之無不散者如
狂風大霾三五日亦自散惟清正之氣附理而行在
天地間有常行不散者大聖大賢忠臣孝子也

余見嗜酒之人生子不解人事者頗多其步履語言
常如沉醉狀後亦不能成立揆厥所由蓋因醉後受
孕之時心神不靈精氣從而昏亂安得具有先天眞
性哉况父母貪淫惡暴奸狡狂悖之心存於中其精
氣俱無所主凡所生育必非善良可類推矣

大凡作文立言體會聖賢闡發道理者其人必光明

正大論定古今剖析情事者其人必英爽豪邁巧露
才思多設機調者其人必譎詐權術竊取莊老崇尚
虛無者其人必妄誕浮夸勦襲陳言訓詁字句者其
人必酸腐學究

閱本草知牛黃熊膽狗寶麝香之類獸死尚有一椿
可用人靈於物須思至死可用處何在

鰥夫寡婦之家最宜遠絕媒婆賣娣巫婆尼姑人等
勿令入門一入則金石之操嫌疑不白矣慎之

姻親有寡婦守節者固當頻頻周問尤當加以敬謹
有時親往則坐於中堂或双僕往則令立於中門外

東松堂全集

雜著

卷之十二

書

語畢即出凡周恤止宜布粟而已

或有問天地之理者余曰未知一身焉知天地乎

昔人云願識盡世間好人讀盡世間好書看盡世間

好山水余曰識好人先自貧賤愚拙始讀好書先自

學庸語孟始看好山水先自祠墓田廬始

昔人云省費醫貪彈琴醫躁安分醫貪量力醫闕參

禪醫想獨牀醫淫痛飲醫愁讀書醫俗余曰對善人

醫惡念交正士醫邪心

昔人云每閒坐想古人無一在者何念不灰余曰還

想古人至今尚在處何念不憤

聖人是天地一大醫有病在人心性間或在事物間者一病必有一方治無不效者特人諱病耳

僊欲一身長生佛欲萬物無生儒欲萬世之人生生不窮其分量大小自見學術邪正自明

漸也
薄於朋友者薄親戚之漸也薄於鄉黨者薄宗族之漸也

居官者一揖一讓一拜一跪固當為朝廷存體統一進一退一取一予亦當為父母存體面

以神道教人則奇以人道事神則正以鬼道教人則幻以人道事鬼則真

蕪松堂全集 雜著 卷之十二

真

死生壽夭一定之數也富貴貧賤偶然之數也若疾病勞傷憂思喜怒直情耳數云乎哉

遇利欲苟且之事遠禍患則當重身家遇民社重大之事立名節則當輕身家

諸花香者無色色者無香香而色者必非正色色而香者必非清香德勝才勝之理如是

諸禽雄者文采雌者朴素可以知婦人貴德不貴才色之義

先儒觀薰酒知雨之理觀爆栗知雷之理余脫衣見火光亦知電之理

顧涇陽曰羣居終日言不及義好行小慧難矣哉難其違盜賊不遠也飽食終日無所用心難矣哉難其違禽獸不遠也聖人之鞭策人未有刻迫如此者樞謂言必及義不行小慧便是用心之人便非盜賊禽獸矣又何難之有

高景逸曰居廟堂之上則憂其民處江湖之遠則憂其君此士大夫實念也居廟堂之上無事不為吾君處江湖之遠隨事必為吾民此士大夫實事也夫實事本於實念愚嘗自返深用疚心

有明三百年間理學吾愛薛文清詩吾愛陳白沙文

蕪松堂全集 雜著 卷之十二

真

吾愛馮北海草書吾愛黃鐵庵

子瞻視世間無一不好人何獨視伊川為不好人陽明與弟子言見滿街都是聖人何獨見朱子非街中人殊不可解

周禮州長各掌其州之教治政令之法正月之吉各屬其州之民而讀法以勸戒之即今之六諭故州長一歲再讀黨正一歲四讀繁簡之宜

章句帖括走者如鶩視為學問一路者上也視為功名一路者也視為富貴一路者下也今人大抵就下

古人有一二小節傳為美談者如濂溪之蓮淵明之菊太白之月浩然之梅元章之石叔子之碑伯牙之琴子陵之裘孟嘉之帽林宗之中以及諸葛之菜之類非物重人人重物耳

楊伯起暮夜却金以四知謝之方暮夜時止兩人耳餽者語人耶伯起語人耶趙清獻因杏花一聯夜間令老卒喚妹未幾悔之欲追老卒回老卒知清獻意移時即解竟未去而止老卒語人耶清獻語人耶范忠宣謫永州夫人不如意輒罵章惇舟過橘州大風雨船破僅得及岸公自負夫人以登燎衣民舍公顧

寒松堂全集

雜著

卷之十一

東

曰豈亦章惇所為耶夫婦對語乃與伯起清獻並傳者忠宣語人耶抑夫人語人耶古今類此者亦多矣傳不傳固有幸不幸歟人亦止求自信而已矣東海有蜃氣時而結為城郭樓臺人物之類在依稀有無間士大夫慕之者求一見而不可得或形諸夢寐或發於辭章或枉道而趨或齋心以禱幸得一見喜輒三生奇話驚人佳篇累牘余不知其城郭樓臺可近否也人物可親否也而慕之喜之顧若是乎使海內有高賢在焉道德學問可近可親其未見而慕既見而喜者一如蜃氣耶抑饑渴溯洄更有甚焉者

耶

陵母知與嬰母知廢不疑之母平反飲酒延年之母決獄慟哭此婦人之明哲者也滂跪受教李杜齊名褒坐舍藏家事任長徐庶之母義憤捐軀陶侃之母留賓截髮此婦人之通達者也合之可作賢母傳女有五不幸生而殊色一不幸為富貴家女復為富貴家媳二不幸丈夫不知義理三不幸不生不育四不幸生育過多傷殘肢體五不幸

幼而讀書以至於長且老聞孔孟之教久矣及其死也兒孫用浮屠追薦之令地下之魂屏諸孔孟宮墻

寒松堂全集

雜著

卷之十二

東

之外是可忍也孰不可忍也隨俗迷謬一至於此幸而浮屠幻事也若其果真則不孝之罪安可贖哉風水吾不敢知其理而已祖父已死之骨安厝未妥子孫既不興隆況祖父在生之身奉養未周子孫豈無災禍欲於塋後享福利須要生前致歡心此吾所謂風水之理也

七月二十八日劉景講子食於有喪者之側一節畢問之曰聖人此言凡講書者童而習之矣今人到喪家飲酒談笑飽而且醉何也景曰今人口耳之學有其名無其實也兒學誠在側因問之對曰聖人有哀

死之心今人無哀死之心耳又問曹鼎對曰古有聖人教化人尚知禮今無聖人教化故不知禮又問張其理對曰人不痛他自己父母故亦不痛人家父母四子皆甫成童者言俱近似故存之

世人都看戲場何曾看得一個好人好在何處我當學他看得一個不好人不好在何處我不當學他更可憐者終日笑花臉自己常花臉而不一回顧也可奈何

婦人淫行責其失節是矣男子有仕宦而改節者何婦人之不若也

東松堂全集

雜著

卷之十二

心中有天上等人也頭上有天中等人也腦後有天下等人也心中天可問頭上天可呼腦後天猶可回顧其餘則頑然冥行不知有天矣

佛胎之召夫子欲往陽貨之拜夫子不見蓋化叛臣易待權臣難也聖人猶然而況下此者乎

見人而不見已能言而不能行是學者大病根拔去此根作聖之功備矣

開口先講太極便不是實學只講五倫便好

說陰陽是道若說天地則有缺陷矣說性便善若說氣質則有善惡矣

程子云天有是理聖人循而行之所謂道也朱子云

心之安者是道楊慈湖云心之精神謂之道湛甘泉云精神之中正為道羅整庵云所通之理為道高忠

憲云成于天而不可易之謂性由是而之焉之謂道張楷云成已成物之謂道按諸說當以程說為是但

聖人循而行之則繼天而立極百姓亦循而行之可由不可知也楊湛之說皆謬

善即生生之易也有善而後有性學者不明善故不知性此言有理

崔後渠曰大學其作聖之的乎莫先於本末之知莫

東松堂全集

雜著

卷之十二

三

急於誠欺之辨是故知本之當先故推平天下者必原於格物紀末之當後故充格物者斯極於平天下約之皆修身也愚按大學明德一章歸重修身中庸問政一章歸重修身孟子盡心一章歸重修身以此知內聖外王只完一身

夢中作得主張者方是真學問方能臨大事不亂患嘗驗之矣

學不切已精神都向末上去終日問辨以為無不在道而於道背馳矣斯言切中後學之病

徐筆洞曰讀三字書思無邪是一部詩經無不敬是

一部禮記讀二字書執中是一部尚書讀一字書時
是一部易經余補之曰讀四字書春王正月是一部
春秋徐雲門曰古聖人千言萬語只要講明三綱六
紀反人心於至正心正則倫明心正倫明則三才極
致一理五經無餘蘊矣合二徐觀之便得五經一貫
之旨

人生而靜赤子之心是也

弟子入則孝一節赤子備大人之事賢賢易色一節
大人完赤子之心此二節即聖域賢關也

雖曰未學吾必謂之學矣謂學莫大於盡倫非謂盡

朱林堂全集 卷之十二

倫便可廢學也學問之道無他求其放心而已矣謂
學問莫大於求放心非謂只求放心便不學不問也
盡倫便是盡性求放心便是存心沒兩層工夫

三年無改於父母之道道字是鉄案故不敢改且父
之道是心法更不能改三年則體認熟擔當定矣即
有當改之事必無可改之道若其非道也豈有蹈襲
因仍不蓋前愆之孝子乎

知之為知之不知為不知是聖門致知真訣言忠信
行篤敬是聖門力行真訣余讀此十六字與虞廷十
六字並懸座右

孔子意必固我說個毋字是安而行之顏子視聽言
動說個勿字是利而行之原憲克伐怨欲說個不行
是勉強而行之

志於道一章言體用之學游於藝乃致知格物之功
不是旁通觸類曲枝小術也

聖人無行而不與不止與二三子實與千萬世矣至
今觀之真是無隱

仁體不遠於心心體或遠於仁我欲斯至言本體也
日月至焉言工夫也一日克己即一日用力三月不
違即終食無違矣

朱林堂全集 卷之十二

仁人心也有何遠近剛毅木訥氣質近也力行者工
夫近也有其氣質有其工夫亦在乎熟之而已矣
諸生以孟子學不厭智也教不倦仁也二語求解子
曰智即知言之全體仁即養氣之全體不厭不倦是
不動心真工夫不動心是願學孔子真種子

君明臣良父慈子孝纔見得天地位若不君不臣不
父不子便是天地不位了拒楊墨驅虎豹號九河殛
四罪纔見得萬物育若為我兼愛率禽獸食人便是
萬物不育了故曰至誠贊天地之化育與天地參
善餘慶不善餘殃天道之忠恕也德報德直報怨聖

道之忠恕也

君子心安處是天理小人心不安處是天理

老聃容貌若愚不如夫子溫良恭儉讓遠矣

孔門惟曾子爲大孝孔子獨稱閔子騫者以其處變甚難也

人者天地之心子路此語令讀者每一自思汗流浹背

人有善則伐得善則失不善則雖知而復行惟顏子無伐也弗失也未嘗復行也吾師乎

聞譽慮其或無聞毀慮其或有是爲已之學

東坡全集卷之十二

陳布衣云人於此學若真知之則行在其中矣請轉一語曰人於此學若真行之則知在其中矣

良知知也良能行也王陽明只講良知是教人有始無終有內無外

天道在人人道在心人者天之都會故心曰天君

盡性只是與天爲一體

教所以敬天而尊聖也

天理如人之血脉一息中斷則血脉漓矣

敬者鏡也有垢則鏡昏有欲則敬亂

求誠以聖人爲法求聖以赤子爲法

修身如修屋一處不密一處便漏

心無日月之明志無雷霆之奮不可與言學

理明而天地在脢腓況萬物乎

損有餘益不足平天下之能事

湛甘泉云學以救偏也如其不偏何俟講學故學者

大公之道也夫子憂學之不講夫講有不公同不必

同所以求其同也然後義理生焉如彼二磨其齒不

齊然後粟米出焉講學宜深明此意

聖賢之言理一分殊會而通之皆可達原讀三愆而

知知言之學也讀三戒而知養氣之學也讀三畏而

知誠意之學也讀九思而知正心之學也讀三變而

知修身之學也讀三復而知齊家之學也讀三重而

知治國平天下之學也善讀書者又於此七章知致

知格物之學矣

東坡全集卷之十二

孔門之學先求仁仁從何求乎仁者無私之謂心安

而理得之謂一事無私則一事之心安而理得也終

身無私則終身之心安而理得也生熟之分天淵之

判耳求仁者亦求之無私焉而心安理得矣

孫鍾元先生云賢智之士驅而歸禪亦氣運使然誠

哉是言也邇來學者以佛書爲內典以禪語爲性命

之學其明驗矣

世間有一種人因聖賢說理句句道盡不得不翻案見奇另立門戶重發新論名曰羽翼聖賢實則叛離經傳名曰提出頭腦實則添出枝葉

先儒謂靜坐便是善學愚謂靜坐非主敬也主敬則不覩不聞是靜造次顛沛亦是靜

孝廉失之謬辟署失之詭限年失之同九品失之狗清議失之偽銓選失之雜用人之難從古然矣

讀書不達世務真是腐儒讀書不體聖言真是呆漢常把自己說得好話一一自問你既不行誰教你說

出來

東林堂全集

卷之十二

書

講學格套可厭者五借孔孟而資穿鑿一也置五經四書而講通書太極二也出意見而立宗門三也尚新奇之論而蹈禪機四也辨難多而躬行少五也

湛甘泉有揚子折衷一卷辨慈湖為禪詳矣不獨整庵也余觀慈湖云言即不言不言即言知即不知不知即知又云動即靜靜即動又云大學分身心為流養孟子分志氣心性為多疵老子致虛守靜為入道噫余已知慈湖之為慈湖矣整庵詆曰猖狂甘泉辨其茅草可謂有功於聖門也夫

有明講學家有云只貴眼明不貴踐履者有云擬木得法是道者有看童子捧茶為道者有云無學無覺莫棒莫喝者有云斷送死字可當大事者有云換個手勢者有解無善無惡斯為至善者有見案上有硯几下有火皆心者有談心要放下者有謂心無一事為敬者諸如此類曷可勝記無怪乎開人辨駁之端也

學之歸宿固未可豫定惟志其必為此不為彼明白較量固可一時而定此所謂匹夫不可奪志也人不忠信一笑一啼皆假相也況文章事業乎

東林堂全集

卷之十二

書

問如何致曲曰孟子四端是細曲禮兩篇是目

一言終身以恕字約賜之多也六言六蔽以學字化由之偏也

欲友天下之善士須絕詩酒之濫交

原憲四不行希賢也顏子四勿希聖也孔子曰毋希天也

吾儒立論從無處說到有處如問鬼神而曰事人問死而曰知生問十世而曰殷因夏禮周因殷禮致知而曰格物之類是也若二氏便從有處說到無處矣說之何益

脉理方書字字分明而良醫甚少何也口授之訣少也天理人情字字分明而名賢甚少何也躬行之力少也

有不可知之天道無不可知之人事

奸名是學者病却是不學者藥

古人為善者自為善不以為善而邀福今人為惡者自為惡不以為惡而避禍

貪者忌廉未有廉而忌廉者也詐者疑誠未有誠而疑誠者也昧者嘗明未有明而嘗明者也奸者毀賢未有賢而毀賢者也

東松堂全集 雜著 卷之十二

集

居大臣而德不純才不粹不如下僚居下僚而政不平刑不中不如素士居素士而理不明學不正不如庶民

心安則言行安言行安則夢魂安夢魂安則生死安生死之不安者心不安也

凡破人之惑者難與爭於篤信之時待其有所疑焉然後從而攻之可也

偶見水與油而得君子小人之情狀焉水君子也其性涼其質白其味冲其為用也可以浣不潔者而使潔即沸湯中投以油亦自分別而不相混誠哉君子

也油小人也其性滑其質膩其味濃其為用也可以污潔者而使不潔倘滾油中投以水必至激搏而不相容誠哉小人也

守死善道殺身成仁舍生取義俱是全受全歸

工制義者如優伶之說孝說忠偽而易見工詩賦者如巫覡之說神說鬼偽而難知

為學之功要明辨祇當在未行將行處辨之徒鬬唇舌無益

五倫之外無道六經之外無文四書之外無學

萬物皆備故天下歸仁

東松堂全集 雜著 卷之十二

集

佛老者二氏之聖人也其子弟從之無怪也吾儒以孔孟之徒而奉教於二氏何異為子而父異姓為臣而懷二心乎

吾儒竄入佛教者約有三種走差程途曰誤得罪名教曰逃隨世崇尚曰襲

晦庵喜慕曹孟德書是胸中擴大能容余惡曹孟德詩不使入目何其狹也涵養之不同如是

只因八股文章就閣了多少學問王安石乃秀才之功臣孔門之罪人也

詩之盛也奏於郊廟詩之衰也散於山澤余讀之有

感焉

貧賤立品富貴立心方是天地間真男子

成德每在困窮敗身多因得志

爲僊爲佛論死後地位爲聖爲賢論生前地位此虛實有無之別

世間第一種可敬人忠臣孝子世間第一種可憐人

寡婦孤兒

吳芾云與其得罪於百姓不如其得罪於上官李衡云與其進而負於君不若退而合於道二公皆宋人也合之可作出處銘陝西進士劉璽云與其得罪於

寒松堂全集

卷之十二

墓

赤子寧得罪於鄉士夫此其令烏程時禁投私書告條也樞云與其得罪於寒門素士寧得罪於要路朝紳此樞與陝西督學王功成書也合之亦可作教養銘否

十二月十八日與錫伯兄同侍 母前論聖人之道

德其子孫却不能盡傳兄曰後世之人傳聖人之道

德者即聖人之子孫也此言大有理

父母有過子猶幾諫諭親於道心無欺慢兄弟有過

豈容背訕面吐表腸誰能離間匿怨而友良朋所患

一人作偽一家習慣骨肉手足講張爲幻人而異情

小豕之豢

背後有言面前無議生前有笑死後無淚兄弟爲假

夫婦爲僞朋友之交如此者崇

恭謹忍讓是居鄉之良法清正儉約是居官之良法

士君子進不能表率一國退不能表率一鄉皆足貽

誦讀羞溺於詩酒者相去一間耳

先儒云爲學先嚴義利之辨愚謂爲政先嚴公私之

辨雖義利公私總是此心而幾微毫髮不無少別

士君子真能體認祭如在祭神如神在兩個如字丘

之禱久矣一個久字可以事鬼神

立品者令人愛不若令人敬令人敬不若令人服至

於服而愛與敬俱盡矣布德者令人喜不若令人感

令人感不若令人忘至於忘而喜與感更深矣

規矩方圓之至聖人人倫之至聖人只是有規有矩

的人人倫之至只是成方成圓的事孟子之言此也

非與也

伊尹一介不取方能三聘幡然柳下惠三公不易乃

可三黜不去故曰人有不爲也而後可以有爲

寒松堂全集卷十二

寒松堂集九十二卷

江蘇巡撫
採進本

國朝魏象樞撰象樞字環極蔚州人順治丙戌進士

歷官至都察院左都御史遷刑部尚書以病乞休

聖祖御書寒松堂額以寵其歸卒謚敏果其平生立朝端

勁爲人望所歸講學亦醇正篤實無空談標榜之

習文章樸直亦如其爲人惟其子學誠編此集時

意在於先人手澤一字無遺遂細大不捐幾盈百

卷未免有榛櫟勿剪之憾耳

且亭詩六卷

〔清〕楊思聖撰

遼寧省圖書館藏清康熙七年刻本

附《四庫全書總目·且亭詩集

無卷數》提要

序

古之善為詩者莫周公若如關雎麟趾
豳風東山及大小雅文王爪哇諸什大
抵皆周公作也顧周公大聖人也不可
以詩人論後世善為詩者晉有陶淵明
唐有杜子美宋有蘇子瞻明有李空同
其他作者林立要不得與之方駕齊驅
雖其學力之深厚哉亦其得之於天者
有獨至也然是數子者當其聲譽蔚起
海內人士仰之如祥麟威鳳景星慶雲
希一炙其光儀不可得而其後遇合往
往不偶或解綬彭澤或潦倒夔峽或遠

謫瓊崖或繫繫廣信當時既惜之而後
世讀書懷古者亦往往抱其遺編欣賞
擊節高歌歛嗟嚮往不能自已嗚呼才
人之生也寔難數百年而生一人天殆
將與拯溺亨屯之五百名世同其秘惜
鍾異而世之纖夫細人頗喜於摧折妬

序

二

忌阻其登進之路毀其震煜之名甚乃
有至於欲竄之殺之者何其不仁也然
天下忌才者雖衆而憐才者亦復不尠
是以陽春白雪遺世獨立之章終不淹
沒於酒媪醋婦之手而留其萬丈光燄
比於日月雲霞以待有心目者之快觀

詩曰鼓鐘於宮聲聞於外鶴鳴于九臯
聲聞于天此言有其實者有其名也又
曰風雨如晦鷄鳴不已既見君子云胡
不喜此言君子變而不失其常而詩人
有好賢之美也若吾年友猶龍楊子其
近代詩人之冠乎歿已數年矣今子履

序

三

吉與廣平申鳧盟鷄澤殷伯岩裒集其
所為詩付之梨棗先是猶龍生平所為
詩無弗示余者余既盡付履吉而鳧盟
諸子又廣之雖有軼失已得十之八九
矣余惟猶龍詩才之妙清新俊逸兼以
波瀾老成出風入雅鳳翔鸞翥歷下竟

陵之學不足道也其人品卓絕胸中五岳森立故筆下無一點塵蓋嘗撫一卷而太息對萬壑而冥心自少至長未嘗以家人生殖縈其慮而汲汲若失者惟知心友朋視為性命生死以之書屋數楹襟時名花閉戶高吟動經累月望者

序

四

視之為天人矣丙戌丁亥詩已工已丑庚寅以後超忽入神至蜀道閬中則人謂子美復生然卒鬱鬱不得志以死搢紳先生聞而悼痛孤寒之士為位而哭哭之而涕泗交頤者指不勝屈余則尤驚心于龍標之五溪夜郎微之之殘燈

冷燄子敬之人琴俱亡也悲哉今猶龍詩集俱在啖唾皆為珠玉宛轉自成文章鬼神能促其方至之年而不能促其不羈之才世俗能阨其華膴之仕而不能阨其磊落之氣崔嵬險道浩蕩煙波能憔悴其童僕行李疋馬布飢而不能

序

五


銷鑠其精思湛解也猶老之詩與人繼淵明四子之後無疑矣昔徐昌穀自選平生所為詩文錄曰廸功集及病且死抱以付其子曰傳我必獻吉也若余與猶龍交情著聞海內知猶龍宜莫余若者向已誌其墓故因履吉之請而復為

之序其奔鄙不文知不足以擬獻吉闌
幽光而問奇字尚有望今之皇甫先生
云

康熙七年歲在戊申三月望日年眷弟
栢鄉魏裔介題於京邸之素心居

序

六



本傳

廣平申涵光撰

見

楊公名思聖字猶龍鉅鹿人也曾祖坦以舉人仕至
杭州府同知祖若栢光祿署丞考粹玉娶閻氏生公
及思廉思謙公自兒時有神童之目十二應童子試
有司奇其文首拔之隨丁母憂已卯鄉試中副榜入
太學復中壬午鄉試丁父憂丙戌成進士改翰林院
庶吉士授編修纂修實錄陞修撰已丑會試分較禮
記得曹本榮等二十八人曹研精理學有大儒稱

世祖皇帝命爲日講官脩顧問餘亦多爲名臣一時咸
楊方伯傳

服其知人歷春坊侍讀學士出爲山西按察使陞河
南右布政使四川左布政使辛丑入 觀卒於途時
年四十有四公爲人和易無崖岸而中實彊直意所
不可雖顯貴不與交而素所往來稱忘形之交多布
衣寒士甲申以後天下甫離兵革熙然尚文治公與
今冢宰魏公裔介同年友善以文章道義相觸切如
左右手魏公作五子詠首推公及魏子象樞曹子本
祭中子涵光知子浴也天下稱曰楊魏士之自負才
能來 闕下者必携卷軸謁兩公得其一言以爲榮

兩公亦勤勤汲引一藝之長延譽恐後蓋因而成名者多矣公性無他好好詩及古法書居長安室無騰妾毀色之奉山亦不樂爲酒食譙會一羸馬斃隣自署中歸健戶謝客庭中植雜花竹木脩然如林壑詠哦殷達戶外間與所知論海內人物則抵掌大言當今詩若書獨某某數輩耳彼大冠若箕者何爲哉某某以詩與文自負方在顯位無不人人譽之爲古今無耦者公顯斥之至不在論列於是聞者大恚

世祖皇帝政務之暇兼涉書畫喜滄州戴公明說書楊方伯傳

自董華亭而外無取也一日坐便殿召公及陳公燦賜上方筆札書稱旨賞賚甚厚蓋自米顛懷研而后此風久不聞海內以公當上意幸旦夕且柄用而忌者益不悅會

世祖皇帝加意民事擇廷臣才堪外任者備藩臬選使益練習俟有敘以次召用之遂由公於山右而陳公亦出爲外藩說者謂公文采風流宜在翰苑刑名恐非所長公至折獄精敏輕重各當其辜貪墨欲進俱改行步志晉中人曰吾臬自王元美李京山兩先

生以文章吏治照耀前後并公而三耳在中州常攝左藩事以廉謹聞諺孫徵君於其城徵君惓然以道統相屬曰吾所見仕宦人超然如此君蓋寡耳及遷蜀念去家益遠欲自投劾作倦遊草思廣羊不置廣羊者郡之西山方天下未亂時公與鷄澤殷岳永年申涵光鋤茅山頂爲終焉之計已而宦遊四方雖膺組紱無一日不曰吾廣羊吾殷子中子也至是借隱之意愈急時制外吏不得自疏陳而撫軍惜其才止之不爲請遂蕭然携書劍而西登嵩少華嶽入棧道楊方伯傳

所至皆有詩公詩風格宗王孟俊音亮節近比信陽入蜀以後山水之助老氣橫發得少陵遺意時贊莫及也蜀自兵荒後民少又苦瘠力不能辦租賦是時滇黔方用兵軍需旁午公轉輸不竭而內撫殘黎蜀賴以少安未幾病瘧瘧不已肌膚內消食漸少乃杜門習靜病少愈入觀舉治行卓異第一以便道抵家省墳墓欲止不復出而部檄敦促力疾就道至單懷疾又作豫撫以狀問乞休致公召殷子與居輒關牋命謂之曰吾歸與二子尋廣羊舊跡讀書學道

以樂殘年志畢矣已而病亟冀曰醫數投涼劑取快
目前耳遂相誤至此惟青渚力言其非青渚來吾齒
可望然青渚寒暑固不出奈何青渚者傅山字太原
高士也博學兼通醫其人素難致而公在晉臬時曾
折節式其廬殷子曰非我自往無濟也時六月大霖
雨晝夜行山谷間四日而至太原踞謂傅子曰猶龍
病先生其有意乎傅曰世無兩猶龍吾安得坐視時
亦抱病慨然遂偕行未至前二日公歿歿又數日而
請告之命乃下歸隱之志卒不遂亦可悲矣平生

楊方伯傳

四

所著有且亭詩七集若干卷行於世娶南宮李氏子
二履吉徵吉皆能讀書有父風

申子曰世以楊公失職悲係鬱鬱而死如長沙者流
豈其然哉公少無宦情舉榮名富貴俗所營營者皆
不屑而志在山水朋友詩文間太山水朋友詩文亦
何藉於高位且公雖鄉吏亦方面大僚非遷人逐客
之比謂以性命殉必不然矣獨怪以彼其才親受知
於

主是宜輔弼在左右乃一出不可復返嘗疑推爲少

司馬及憲副皆不果用豈非命歟韓子曰斥不久其
文學詞章必不能自力以致必傳然則天之所以厚
楊公者固在此不在彼耶

楊方伯傳

五

且亭詩

鉅鹿楊思聖猶龍甫著

五言古詩

秋夜感述

空院響梧桐夜未秋方半竟夕不皇寐沉吟坐成歎
披衣步前楹仰視明河爛初月出未高衆星縱橫燦
南有孤飛禽肅肅厲羽翰霜重倚侶失哀鳴如有怨
苦被凡鳥猜顧影自驚彈稻梁志已違鳬藻非所玩
何當矰繳收飛飛入雲漢

且亭詩

五言古

送黨大司農于姜告歸

志士樂世業達人貴止足自昔以爲訓白首乃不寤
曠覽懷前哲艷稱有二傳寥寥經千年此道不復著
況當天衢亨羣公正翔步華纓間朱輪照耀紛馳騖
胡然遽拂衣維繫不可駐征車旦夕駕僕夫儼在御
賦贈滿詞林尊酒狹廣路感彼道傍人三歎爲君顧
日夕悲風起驚沙卷高樹去去難重陳庶足慰遲暮

其二

遲暮何所適東山有舊址陽岡富松篁陰崖秀蘭芷

結廬玩晨耕悠然隨杖屨有時逐社飲田父要皆喜
或訪南澗僧玄言偶一啟帶雪鋤茯苓穿雲挹石髓
歸來對兒孫陶然不知止

答周元亮

長安無靜交車馬紛相望寸心各有營僂僂學揖讓
嗟我素心友遠隔蠻方瘴澗別已歲周延佇空惆悵
何來雙鯉魚緘書報無恙開緘讀素書畧盡寒溫况
雅慕劉簡齋清修秉微尚爽籟振金石孤吟發空曠
如坐仙霞巔聳肩聞高唱寄我篋中山突兀恣奇創

且亭詩

五言古

烟雲儵起沒巖角忽歛蕩髮髯來虛室章侯而元亮
人生百年內役役無善狀詩畫及友朋常苦不得當
殷勤謝遠人斯義誠難忘

濟寧道中書所見

水氣噴山浮洪流迤奔峭天際環如繩落日迷蒼嶠
蘆舍潛蛟龍鷗鷺相吐哺濺濺樹頭烟樓臺遍隱躍
我時乘舟來慘淡悲風哨四望盡蘆荻皇問禾與稻
哀哀寡婦哭秋原影堪吊日暮心魂肅餘光銜山嶽

題張似渠先生傳

滄海蘊靈奇青蒼裊烟霧中有餐霞翁高臥心跡素
抱犢耕石田蕭然遺世故不笑亦不言彈琴未日暮
興來偶披灑髮髯見張路公精于繪事愛平山臨之絕肖偃仰一室
中忽與山水遇鹿門德公操栗里淵明趣悠悠隔世
心千載仰高步

雪

窮巷寡交遊息心就枯槁夜來雪覆門僮僕不復掃
晨起理書齋茗香恣幽討肅肅几案靜稜稜窓隙皎
放眼見西山千峯白瀨瀨思得一尊酒對酌驅吾老

五言古

三

顧玩坐超忽聞其來展查欲沽乏囊錢一笑始願了

寒夜

冬夜凄以長寂寞絕入境涼月薄帷幕荒庭交樹影
寥寥寒柝鳴熊熊孤劍冷擁被不成眠森沉萬慮永
早歲乏深智凌厲思一騁遂爲世網牽甘心逐蛙黷
人生不百年哀樂在所領貧賤各有適豈必勒鐘鼎
愁來憶古人見機苦不猛含恨當語誰淚下如修綆

舍弟應至都

弱冠生計拙低頭徇微祿十載客京華夢寐隔親族

秋風遲汝來如對諸伯叙挑燈話良夜一一心爲觸
天矯池上松蕭疎籬下菊厨中魚常鮮甕頭酒初熟
佳節誰先醉明月或同宿北郊有別墅我父手所築
別來曠歲年憶想時在日桃李莫輕折園丁宜時督
汝昔慕俠烈比聞就約束茅茨可以居何必取華屋
硤确可以耕何必厭梁肉天道有盈虧君子貴詒穀
拙哉比隣子窮老事積蓄

卒歲感述

我有長恨端迫此歲暮情朔風吹庭樹寒日照柴荆

五言古

四

起坐仰天嘆歸鳥飛且鳴吾生胡不達獨爲世網攪

其二

冉冉冬日暮積雪耀林端負疴卧虛室慨然念微官
家貧祿復薄妻孥常苦寒况乏濟時畧終當歸林巒
奈何日微迷索米老長安

其三

出門何所適落日見西山回回寸心違途人多厚顏
三五誰家兒傳呼大道間貂裘控驄馬嚼齧黃金環
出入尚書第可望不可攀引領長太息歸來獨閉關

其四

天運有代謝富貴易汨沒鄙哉何者翁專欲事虛喝
我聞至人訓真樂在寂寞腐鼠良可擲榮名焉足託

懷古

日夕登高臺云是昭王墓野雪蓋枯草下見征人路
霸圖既銷歇山河亦已故徒有黃金名千載令人慕

其二

燕市豪俠宿擊筑事屠狗酬恩借一言殺身常恐後
我有平生劍芒寒夜觸斗含笑當贈誰感激空在手

且亭詩

五言古

五

寥寥今千年斯人不復有

追憤

愁來昧所適崢嶸歲月長短示不掩滕日暮纏風霜
撫事感百慮歷亂攢肺腸昔余墜地時微願在四方
雖乏濟世姿妄欲効贊匡况遭天下亂不忍卽徜徉
中道罹禍患理數或相妨儻忽二靈逝蕭蕭悲白楊
遂使寸草心無由報春光弟妹未長成幼小誰扶將
流離強因人隱忍情內傷有似失巢鳥哀鳴聲遑遑
乾坤莽回互慘淡日月黃妖星動宸極赤羽挿雕梁

明明天子國翰爲戎馬場回首橋山松萬古涕浪浪

豈少諸大帥累若佩貂璫蟒玉會登壇賊來不敢當

毒蛇恣吞噬曠野多豺狼潛身匿下里恐懼如探湯

家業既蕩盡吞聲行裹狼徒跣如水雪中夜慨以慷

皇天重驅除盜賊不終猖滿洲十萬弦驍騰若雲驤

一洗鯨鯢穢復覩日月光草昧經綸始稍稍力紀綱

從龍皆老成邁軸無留良詔許逢華士縣官爲促裝

公車旦夕駕無乃太卒倉是時家初破饑臥凍欲僵

但冀沾微祿未便愼隄防含淚別親友亦覺謀未臧

且亭詩

五言古

六

朝

廷重文學翰林實國昌謬以燕石質比美於琳瑯朝

隨同學子聯翩步玉堂盍簪拜先師問道儼循牆日

走前輩門屏立自矜莊忸怩對僮僕枵腹事文章十

日一朝尊也復陪鴛行敝裘壓羸馬取笑街頭倡

雖無多周旋日見雜亂忙常將形問影初志云何忘

我家漳水南別業在廣羊自從遭羈絆故壘但空桑

子弟婚嫁垂親戚盡老蒼昨日寄書來苦道田地荒

何如早歸去披髮耕山岡

漫述

侵曉露氣集東旭照我房高空麗明霞彩翠表春陽
百卉悅天澤動息以時昌喈喈衆禽啼離離南陌翔
亞枝花漱澗穿徑蝶悠揚竭來無所事早起玩晨光
科頭臨芳砌躡履步長廊地僻心自遠慮清機亦忘
力歎塵埃裏憂勞多感傷

酬紀伯紫郎送其之晉陽

大江勢浩浩南北錯輿輪往往異人出結交在一言
我家漳水涯子居白下門素心各有托意氣自孤騫
相逢長安陌雙眼望朝暾長安多王侯第宅若雲屯
且亭詩 五言古 七

綺筵羅珍食朱纓馳華軒賓從紛逕選沓附勢如灼薰
靜交有吾徒冥然絕世喧不就唐生決肯借金張援
時時顧遂徑樽酒共討論落日登高臺慷慨天爲昏
擊筑聲淚下重招烈士魂忽整晉陽駕貽詩重璦璠
以儷魏給事無乃非其倫伯紫爲石生及感君安所
予作二君子行
贈此意貴未敦

除架

吾廬花蔓合翳翳一林藪朝夕怡客顏幽期良不負
以此倍護持相對如好友霜風夜來吹脆質委楊柳

古風

僕夫理晨課剪伐詎能後蕭瑟立階除妻清倚戶嬾
默默感物情沉吟爲之久轉憶明年時花發人閒否
豺虎性甘人狼貪固難移哀此蚩蚩氓蹙蹙安所馳
機深伏臭鳥山澤網罟施矜恤猶不暇况乃任恣睢
晨興理爰書涕下如漣瀾坐視不可救惜哉心力疲
吳天有明鑒殺人烏可爲

武聞感述呈同事諸公

倚余草澤士俯首事詩書少壯謬登朝出入承明廬
且亭詩 五言古 八

一麾親簿牒遂與文墨踈踈藩蒞中土旬宣長恐虛
范高望大梁千里見丘墟十月霜華重方當校武初
殺氣耀弧矢壯士利馳驅局闢天宇晶星月下墜除
好友四五人樽酒坐相於梟聲鳴午夜援劍共歛歔
海內正遭亂干戈禍未紓撫卷探奇策寒燈影徐徐
男兒志疆場太息此身軀

遊嵩岳偶紀

乾坤結與區瀕氣宅靈元羣峯皆內向屹然成一尊
混混烟嵐合終古白雲屯彷彿鬼神朝愴怛肅心魂

對面少室開拱立如弟兄三栢自何代老橫盤地根
冷冷天風吹似有聲響吞下馬剔殘碑纏藤雜苔痕
千支頽金碧琳宮無一存怪石當路伏攫挐虎豹蹲
鳴泉聒暗壁綠崖被蕙孫的礫野花明鳥雀滿巖喧
一僧嶺頂來負擔行步奔暫紆詢所歷手指翠微樊
策杖望絕巘飄渺隔天門我欲從之遊徙倚已黃昏

山行遇雨

栖栖苦無成中年嬰世務行役安得辭鷄鳴懷往路
陰雨感天時險夷信所遇振衣陟重岡蹉跌無安步

且亭詩

五言古

九

輿夫怨塗泥招呼何暇顧滴瀝聲轉急千峯起烟霧
風來麥浪翻綠波飛鷗鷺山花隨意開瑣細不知數
衆壑響驚濤丁丁石橋渡牛羊下高巖樵牧隱深樹
旅途雖云勞亦復賞幽趣行行至前村燈火時已暮

硤石

凌晨過硤石土立如深壁昏旦虧陰晴天光窺一隙
積雨泥淖滑行人苦逼窄牽扶強登涉僕馬頗極力
泥高眼初放萬壑明歷歷合沓遠近青負勢各爭出
嶺頂瀉飛泉崩奔若雷激紫茸草樹豐鳴鳥聽不一

峭絕千仞崖戶牖當豐闢嵌空架數椽束縛還相汲
稚子類猿猴見人滿巖集當時避冠亂久因托家室
吁嗟手鮮民何年脫險厄近聞多虎患白晝恣吞食
天使人獸爭安敢不戰慄跂予望前途足趼空愁疾

由雲臺至玉泉訪希夷洞

日入琳宮靜夕陽下諸峯披襟步平野漸見遠烟封
迤邐信所適仙宇多奇蹤徑仄塞急峽流水聲淙淙
數轉山更幽鳥鳴翳深松一亭特然立四圍樹色濃
藤根布石上歲久如盤龍洞裏人已去遺像睡方慵

且亭詩

五言古

十

安得叩玄言一爲開心胸羽流道貌古衲衣破不縫
食我胡麻飯相對語從容幽尋興未了前谿隔暮鐘

鴻門

荒郊殺氣高酸風吹野水伏策渡鴻門指點多壁壘
劉項此戰爭英雄各競起乘時取功名得失誠有以
歎息古人沒還爲今人耻

客行

客行漢北口日入夕景迫蕭條市肆空狐狸橫阡陌
一二殘父老面瘦氣愴切向我前致詞欲語聲先逆

自從遭喪亂兵荒歲相接男婦生別離鵲狗喘未息
今年麥稍熟庶望給朝夕誰知復用兵轉餉無時絕
縣帖終日下索夫動逾百邑小苦無丁何以供力役
繫縲及妻孥鞭打日流血棧道勢連雲千里烟火缺
途汗史催行身前步轉漉餓即死路傍痛苦焉敢說
我聞置郡邑本欲蒼生活奈何事猷剝傷殘若饕餮
美官固可要人命亦可惜作此告長民勿貽後世責

入棧紀行

極望峯巒稠雲飛常沒頂空翠露衣裳吹落澗谿影
且亭詩 五言古 十一

花鳥亂聽聞心眼細細領晴陽射碧潭石磴碎光爛
蒙籠草葉陰樹老身戴瘰山鬼時一嘯肅肅毛髮冷
前行隔後行後嶺迷前嶺

其二

戒途首茶坪跼步凌盤磴登僕馬勞相顧色不定
石氣涼生雨停午山色暎感歎發中懷何暇賞幽勝
客子多畏人履險憂躊躇

其三

山深四時殊六月麥未穫地瘠民苦貧終歲衣裳薄

不知造化理于何齊美惡美者豈常妍富貴蒙丹艱
惡者豈常煙貧賤耳藜藿美惡天難問窮愁伊誰託

其四

暮投黃牛宿荒垣駐洩烟樹柵防虎過昏黑燈火連
旅食敢求餘菽麥性所便屋角枕巨壑水石聲潺湲
勞生驚物役憂心中夜更起坐當語誰俠劍淚潸然

其五

棧雲易爲雨朝行蒙霧露崖樹架連橋奔流澗石怒
攀緣爭一罅跛陀馬足誤山禽鳴翠屏幽陰衆壑赴
且亭詩 五言古 十二

其六

始知所歷高下見夜來路壯懷在馳驅漫自賦感遇
鳳邑萬山內城小帶砂岡草深鋤犁廢磽确石田荒
居人盡健兒戶口半逃亡况復通秦蜀官差日相望
喧喝盛氣勢錦衣坐當堂奔波縣令走驛吏色倉皇
美酒間大肉飽食身手強持符事橫索鞭朴多殘傷
此輩工假竊仁者宜慎防安忍見窮黎割肉奉虎狼

其七

千峯萬峯盤鳳嶺稱高秀蒼筤巖谷深終古雲烟奏

裴清轉異禽。斷續啼猿狖。山果俯可拾。雜花開錦繡。
何處潛蛟龍。崩奔雷霆間。百折未及半。回首低群岫。
稜層石齒尖。寸步苦難就。嗟哉此險艱。行人困馳驟。
安得煩五丁。手驅噉噉走。噉噉不敢藏。朗然見白晝。
突兀何時盡。鬱結使我疚。

其八

客子悲遠道。旅途未遑安。整裝凌晨發。帶雨度柴關。
灘石相激聒。雲生暗峯巒。步滑屢欲仄。衣濕幾時乾。
強顏慰僮僕。談笑輕波瀾。中情默自傷。胡能駕羽翰。
且亭詩 五言古 十三

其九

男兒生不偶。辛苦遠行遊。蜀道連天塹。山川阻且修。
登車抗前旌。慷慨彈劍綬。功名既有分。亦不爲封侯。
所悲同衆人。白首老園丘。浩歌懷古烈。馬嘶風颭颭。
誰能乞世憐。未爲高士羞。

其十

棧深雷雨驕。溪喧愁無寐。積霖困荒村。屋破苦風吹。
蕭條晨爨艱。恒饑色憔悴。人馬雜坐臥。相對發長喟。
起視山頂雲。縷縷生烟織。重陰密難開。惜此陽光閤。

其十一

棧行苦未已。終日歷崔嵬。西登鷄頭嶺。喜見萬山開。
七盤相摺拄石門。雲氣來落景。望梁州。川原遠城隈。
不復憂顛墜。暫得避喧呶。寸心稍慰悅。故鄉安在哉。
艱難蜀道遠。哀歌首重回。

觀音寺松花水保寧第一泉也亂後圯塞牧豎
擅突二三詞客賞延之次謀作亭障之賦詩遣
長白僧以導遊者

深寺闕奇秀。雲竇根青壁。活活停細流。方廣不盡尺。
且亭詩 五言古 十四

澹瀕印日光。空影寫金碧。參錯野花開。飛鳥聲寂歷。
供養千指僧。房房開朝汲。風塵忽泥濁。歲久干戈積。
健兒日磨刀。血落泉源赤。諸佛慘不歡。冥冥靈怪泣。
泥沙何日淨。觸目感遊客。謀欲樹山亭。欄檻爲之隔。
問其絕人喧。冷冷似疇昔。物理有推遷。庶足見洗滌。
遊東苗寺

委蛇越重岡。轉轉緣沙岸。隱望入田塍。古寺山之半。
下馬躡層梯。廢基餘舊殿。當門寒鷗蹲。白晝蒼鼠竄。
發願一僧貧。衲衣不遮骭。導我們危崖。昔賢書題編。

剝池繡蒼苔摩索稍可按
元軋道間唐宋時幾換
再登路愈欹荆藿翳洞面
頽臥露殘碑尚記唐公撰
自言家新安明時此謫宦
清暇携良朋終歲事遊晏
山水發奇懷杖履烟雲幻
因歎太平人流離無嗟怨
徘徊野風鳴陰森毛髮顫
諸嶺下西陽大江飛素練
遊玉峯俗名三臺山

間南玉峯危獨立諸山遠
曲折抱河流回回巖谷轉
凌晨果茲遊沙石亂清淺
登頓披蒙茸蹴踏屐齒緩
呀然天闕開群壑俱在眼
錦屏西如朝雲氣互晦顯
且亭詩五言古
十五

古殿稍輝煌歲久積塵滿
恭惟上帝尊像服猶冠冕
最後孤頂圓峭絕昔誰刻
相傳璞璧藏欲採苦深緬
下望見江村人家散平衍
戶牖蔭桑麻花竹通鷄犬
尚想堯舜時飲食恣行衍
奈何戰伐仍干戈到漁艖
門多縣吏跡夜黑聞賊歛
盜賊胡能定鬱紆愁未展
放懷委林丘佳境從斯踐

春蘭
倚倚春蘭枝露氣滋微香
賞幽忻採摘移植君子堂
清芬越衆卉淡艷發孤光
當其在山谷寂寂以自芳

臨風時寄傲不遇庸何傷
堪笑桃與李紛飛逐蝶狂
登城觀江漲

長峽古誰鑿險勢闢閭閻
崖東下急湍萬壑爭奔放
潄雨重陰積半夜聞江漲
驚響聞雷霆陣馬鳴甲伏
晨起憑危堞目盡波瀾壯
杳冥衆山浮城郭恣泥濘
崩石頽岸沙千艘不得上
在昔此川水吳楚舟相望
群流會夔門瞿塘如楹屹
千里片時間哀猿呌疊嶂
何當靖寇盜深谷見滌蕩
舳艫接東南絡繹看轉餉
飽聽竹枝歌競學榜人唱
乘興過荆襄擊楫破巨浪
且亭詩五言古
十六

倏忽通往來布帆欣無恙

送王邁人分藩江右

人生殊南北出門托徒旅
相知何用深邂逅千秋許
所以昔人交往往在日杵
堪歎世上兒意氣多豪舉
勢盡遂見傾對面成間阻
秋風吹遊子行行至吳楚
屢勉慎者嶽底幾敦古處

其二

迢迢棧嶺雲曲曲岷江流
誰云蜀道難前賢多勝遊
與子官此地清燕足夷猶
並馬出郊圻吟望登高丘

日暮扣禪關僧飯爲淹留草亭有孫子磊落亦吾儔
談笑無虛日杯酒相獻酬情歡聊共娛於何知窮愁

其三

明允惟君能句宣我所職兵興賦歛深法令滋忌刻
惜哉凋傷餘而不量其力豈無字人心怵惕未遑克
今子蒞西江度支藉整飭顧視此窮民何以答軍國
征伐幾時靖轉輸浩靡極隱忍愧斯名相對三歎息

其四

落葉千山肅分飛鴻鴈鳴如何在異鄉茲晨送子行
且亭詩 五言古 十七

霜露被征衣寒林多悲聲執手立斯湏對酒不能傾
我聞潯陽水江流九派清匡廬勢吼啤隱處惟孤貞
奇草徧巖谷服食可長生青雲日以馳白髮日以盈
安得脫塵網相從採芝英

尋僧暮歸

獨行盼秋江因尋江上寺逢着南來僧細話還山事
香厨羅清齋妙談遂忘去東峯塔影沉星高月在地
微吟踏月歸鐘鼓隱市肆入門人更稀衣涼夕露墜
拂几展殘編寒燈照古字

征婦歎

悽悽復悽悽悽悽晝夜啼啼聲一何苦云是征人妻
征人邊城戍結束出門去相送到江頭千山不知處
別時柳花明牽衣語叮嚀歲歲江頭望楊柳幾度青
目斷音書渺買卜兼問禱感歎不理粧首亂如蓬葆
男兒身從軍志欲立功勲應念空閨裏寂寞秋復春
思君不可見妾心似輪轉連朝惡夢多獨坐色驚眊
昨日同伴歸細問疑還非可憐苦戰死骸骨拾得稀
出入忘昏曉兒稚女又小天地太無情忍使紅顏老
且亭詩 五言古 十八

春郊行藥

山。高。及。水。長。足。未。識。沙。場。安。能。生。羽。翼。飛。去。堊。君。傍。
東隣哭聲哀西隣哭聲切切切與哀哀纏綿不斷絕
蕭瑟夜雨鳴慘淡悲風驚淚洒。堊。前。地。春。來。草。不。生。
青塚何時旦千載明妃歎憑誰寄琵琶一爲寫幽怨
負病四運周久臥積重陰今晨天氣曉和風吹我襟
息訟朝行藥駕言適水潯雜英覆芳甸麗日耀層林
谷靜嘉禽集參差弄好音遊子感時序遇物成悲吟
榮名復何事素領忽見侵嘆息靡家室悠悠滯余心

觀音寺遊宴

春色徧郊原蔚藍精舍敞晴日照高樓依依花竹長
微風過香楠虛簷布蛛網乘暇集嘉賓良晏愜心賞
他鄉不易逢韶華修成往爲歡當及時奈何苦鞅掌

且亭詩

五言古

十九

且亭詩

鉅鹿楊思聖猶龍父著

七言古

聽塲箏

夜半鳴箏北堂上勞嘈咽切情所向臥聽罷能星月
高酒淺絃急色惆悵一聲哀怨一聲訴碣石巫峽無
限路宛轉如聞烏夜啼空濛似有湘靈渡須臾轟闐
鐵怒鳴壯士悲歌氣不平黃雲淡淡砂蓬振白草颼
颼劍戟橫憶昔經過趙李家綺筵紅袖圍繁華妙歌
且亭詩 七言古

此曲殷細細座客滿堂盡歎嗟自從喪亂那聽此不
記開元舊宮徵勸君何必意慘愴人生哀樂徒爲爾
爲丁野鶴題重逢羅漢卷

白描虛傳羅漢像古今幾人稱心賞公麟已沒章侯
灰盡手徒多祇爾莽我觀此圖真奇古經營毫髮皆
可數縱衣幻作蜃樓雲飛錫倒連滄海雨洪流汨汨
旃檀香老龍夜吐明珠光水精隨處盡辟易翠蓋靈
旗時渺茫憐君自是再來人靜修白業種佛因暮市
遭逢雙眼碧泥塗一紙見前身携君手爲君題精爽

颯颯日已低相期共結青蓮舍杖履長隨明月蹊

苦雨歌

崩雷坼地浩呼洶倒瀉黃河勢如湧高田下田同一
川南北那復辨禾穞吁嗟皇天號令乖老魚瘦蛟日
喧逐漂流不計邦國活頽洞忍使南山摧婦子啼號
百計左不眠終夜守燈火南隣塌壓北隣哭輾轉徙
移無一可余本風塵流落人一星多年更遂巡披衣
起坐坐復立恐懼如聞真宰噴去年平地走洪濤至
今版築苦難操今年雨爛秋禾成二三遺黎何遁逃
且亭詩 七言古 二

送王玄芝督糧江西

噹噹初日照承明 天子開閣引儒英丹樓綺戶森
相望雲霄遙聽讀書聲是時飛纓盡哲匠我正少年
君方壯朝退同鳴花外騶班聯雙接玉階仗囊滿那
問塵生釜狂歌大叫漏長午酒盡何妨典鸛鶴賦成
共許凌鸚鵡豈知迂拙逢世難祇餘貧病寄一官敵

裘屨遭公卿罵薄俸不救妻孥寒風塵荏苒頓十年

感時憶舊各愴然躍馬食肉亦細事耽耽安肯受人

憐卽今流移豈至尊與子閉口不須論人生窮達

會有命遠宦何必非君恩况聞東南催科久以爾

作藩意良厚平生康濟有本懷忍使蒼生賦星鬬蕭

鼓中流畫鷁催牙旗十丈對江開追呼無穀吏人靜

飛輓如山萬里來擊筑爲君進一觴寶劍摩娑有奇

光男兒立地當自致焉能拘捉老嫗細世事茫茫歎

路岐爾我相看有誰知秋風倘作故人夢早寄匡廬

且亭詩

七言古

三

一首詩

雪中送廉弟歸

北風獵獵朔雲屯行子思鄉動征輪僕夫在御馬在
轅欲別執手殷吐吞河橋路凍斷行人飛鳥無聲沒
前村望而不見徒逡巡月雪歸來獨閉門含恨空齎
誰與言

叶天歌

今年雨多催寒早秋盡朔雪枯邊草關山指墜歎征
人沙戍風高沒飛鳥天地慘淡凍雲結重裘不暖皮

肉裂塞上將軍欲獵難金門學士愁憂竭幾處穠
映燭華誰家珠翠繞琵琶烹羔炙酥猶含冽何況泥
亡在天涯街頭日暮悲風起鳩形盡是可憐子腹中
無食體無衣號寒孰緩須更死忍死強呼天叫天天
漠然層木峩峩山雪盛豹虎咬人殺氣纏天乎不可
叫萬姓苦無告高車駟馬彼何人痛哭早下蠲恤詔
放歌行贈崔興我

督亢陂邊沙皓皓昭王臺上空哀草擊筑難尋舊酒
徒扳劍哀歌天欲老崔生崔生謫仙倚一飲一石不
止亭詩 七言古 四

能休心輕黃金如糞土常將白眼對王侯昔年驄馬
氣如電楊州視離誰不羨一朝歸來祇敝裘蕭索程
門無人見惟我與君最相親得錢沽酒不辭貧脫帽
露頂復大笑人間毀譽等浮塵只今持節向安廬許
寄毛家一簾書丈夫相知在然諾天涯雖隔猶比閭
執君袂把君杯眼前同心能有幾身後榮名安在哉
奈何不醉徒徘徊

雪中東齋文衣

朔風颼颼枯樹響長安雪花大如掌泥滑街迷沾酒

爐夜寒燭冷讀書幌喬子傲儻世無倫偶來燕市逐
風塵側臥禪房不肯睡狂呼每使老僧噴興來落筆
字如斗一夜吟詩三十首今晨重極瑤華篇囊錢罄
盡涎流口兀坐茅堂客思枯把子奇文色敗腹挑燈
詠罷還復詠冷冷哀聲扣珊瑚我有儲斷腕未開忍
寒珍重待君來相見不必勞相問竟須一飲三百杯
天地凍裂蛟龍藏黃昏寒鴟嘯空梁與爾同謀今夕
醉世上啁啾空自忙

雪浪石以子瞻得名魏石生年丈雪後望西山
且亭詩 七言古 五

曰此雪浪山也作詩屬余和之

亂石槎枒古北口怪雪吹山山勢走千巖萬巖何天
矯天吳鼓鬣老魚吼絕似層冰結又如碧海移耳邊
已聞驚濤怒眼底常見堆琉璃蒼蛇蜿蜒數百里噴
珠濺沫鞭不起中有雲氣隨變化晶光騰掉鱗甲裏
昔有髯蘇氏得石名雪浪卽以顏其齋薛銘坐相向
吾友石生更好奇每對西山發浩思雪後迥視忽大
呌高懷應許子瞻則風塵湏洞道路艱泥汚車馬滿
市闌安得携手住岩間刷藥塗霞弄潺湲來往空明

落心願

同魏石生年丈投河歎

石生石生真給諫慷慨示我投河歎
仲紙拜讀未能終頓使流涕淚被面
乾坤黯淡殺氣肅浩浩洪流晦
平陸驚濤圻地鬼夜號怒浪掀天人盡哭我愛元道
州憂民心如怒作爲春陵行庶以愧當職君詩悲壯
有如此筆力豈不與之敵前月一疏竦天聽繪圖
不數監門鄭中肯勅發內帑金歡動川谷路人頌
我亦賦詩哀流民上書不得徒吟呻乃知豐凶天地

且亭詩

七言古

六

事捍患弭災賴大臣嗚呼安得天子用爾爲大臣
致君堯舜風俗淳恩加四海無窮鱗

飄風行

黃雲覆天天夢夢飄風撼地地欲動百丈層水結重
陰白日無色勢瀕洞獵獵寒旌殺氣高驚砂撲面利
如刀鴻雁聲澀馬毛裂負龍凍蟄狐狸嗥燕南濟北
人蹙蹙死者含冤生者哭挺有樂土那可移奮飛不
及鷺與鷺流離深感皇心傷詔書十道被遐荒誰能
遣此風霜歲忍待明年春麥黃

送彭燕又旋里兼訊顧偉南

光熹之際龍在野人文往往歸復社當時陳徐最知名
若也犄角不相下十數年間歎沉淪後及尉顧俱
埃塵短衣破帽子尚在泥落誰悲矢志人去歲上策
復不遇憐才難買千金賦狂歌日沽燕市膠痛哭屢
吊昭王墓愛我時時肯一過酒闌擊劍客顏酡人生
感激爲知己抒心寫意豈有他送子七月涼風早萼
菜鱸魚秋正好到家爲問顧偉南他日相逢漫草草

雪樵子行

且亭詩

七言古

七

昂藏七尺雪樵子浪迹金門饑欲死十載栖遲守一
官不堪重問少年事少年意氣頗不羣共美作賦凌
青雲縱橫豈屑秦王父指顧常輕霍冠軍交遊盡是
天下才置酒論文登高臺屢欲將身獻聖王手拯
蒼生何雄哉物換星移陵谷改相看無復舊顏在著
書誓擬老吾廬採藥頻期入滄海偶觸世網困風塵
敝裘羸馬走踈蹇自憐不是公卿器且復低頭隨衆
入懶慢從來不同調強學磬折何由肖婆娑每使長
官嗔踴躍微聞僮僕笑以此感歎獨閉門蕭條謝客

負朝瑄一歲苦吟詩一卷眼暗手皺雙鬢君不見
潯陽陶元亮囊懸乞食猶無恙罷官彭澤乏酒錢黃
花滿把坐相向又不見浣花卜居憂亂離衣衫露兩
肘朝移西瀼暮東屯旅病年等銀十歷觀古來達
人高士大抵皆如此況我才疎已老親雪熊子爾何
處郭外有田床頭有醪遠屋青山雲霞變當階流水
竹籬披何如早歸去耕爾田啜爾醪登山臨水讀書
彈琴胡爲汨沒名利場魚魚鹿鹿下氣低眉黃金不
可聚官高亦足危以窮以老安足悲

且亭詩

七言古

八

上元同人讌集

去年上元在都下兒女滿前聲啞啞寶馬龜車不暫
停燭光照地銀河瀉今年上元在邊州蕭條風景使
人愁明月無聲悲笳動但聞四壁寒颼颼同人三五
集今夕飄零俱是江湖客座中狂歌誰最豪四明周
子醉眠白夜闌星墮燈影橫促席擊劍話平生丈夫
有才不見用何必區區學逢迎

毛將軍贈刀行

將軍意氣誰與儔錦衣貂帽紫驄驕俄頃往往決大

計雄畧何殊班虎頭慷慨憐余稱同調握手相看忽
而笑脫贈寶刀如有神良工動色嗟光耀虎氣龍身
寧久藏風雨時時聞騰驤誓以精誠托俠士羞將奇
質炫明堂男兒各有封侯志世間何多不平事好歸
匣裏莫常開他日中原爲君試

故宮行

黃雲黯黯悲風起萬捲洪濤咽河水孤城半沒睥睨
浸傳是當年王孫里珠樓紺闕已成塵萬戶千門生
荆杞熊羆不復守故宮民間往往拾金璽白頭老吏
且亭詩

七言古

九

始皇墓

雙泪垂指點猶能憶舊趾最後有山鬱龍嵒委蛇直
與前殿逼問之知爲古良嶽崩頽石壁嵌玲瓏草深
磴道已無路洞壑雨塌倒亂蓬兩朝繁華歸何處滿
眼山河感慨中我行至此欲安往夕陽老樹搖春風
祖龍東巡山鬼蹙餐徒穿壙殷山谷木石驅盡天爲
驚血污遊魂開畫哭茫茫何處問神仙魚燈不滅照
黃泉銀海金鳬一朝閉石馬無聲泣斷烟當時氣
如號虎六國平來誰敢侮豈知身歿阿房焚寂滅

山一杯土君不見漢文陵墓亦荒涼
路入下拜每傍
復夜來樵牧高丘話風雨時時怨始皇

聞臧策

嗚嗚嚴城臧策鳴軍中號令盡
點兵征馬群嘶壯士
怒朔風慘烈捲旗旌可憐此日天涯客
萬里飄零鴻雁
飛滅颯颯寒雨不堪聽一望關山頭盡白

送人赴蜀鎮幕

中原雲擾競逐鹿奔走下士應無數
整頓往往歸異
人豈能憔悴老山谷羨君年少迥出羣
翩翩意氣美且亭詩
七言古

而文紫駟飛轡致千里白袷談兵驚一軍
上書曾邀

天

子顧杖策西出蠶叢路論蜀爭傳司馬文
登樓漫擬

仲宣賦憐余薄宦歎飄蓬愁病獨吟一老翁
相逢傾

蓋如舊識時時慰藉旅途中江城春早寅回斗
梅花

爛醉嘉陵酒野寺行吟送夕陽山亭吊古圍
衰柳卽

今經歲苦南征烽烟滿地哀笳鳴君去莫惜
服中箭

爲我一隻下聊城

酬王邁人見懷之作

梅花已落杏花吐庭樹春禽兩兩語微風一
夜吹草

堂曉來獨看屏山雨珍重裁書寄數行
淋漓佳句墨痕
香烹茶要欲聞清話泚筆頻遲作報章
憶昨追陪
成造次朝飲江頭暮佛寺相別不覺動隔年
車馬雜
還非我志平生快意幾能酬況子與君同
宦遊嶺雲
溪水徒勞望子規殷斷使人愁

野人歎和王邁人用元韻

野人歎息逢世亂干戈百年已過半
城郭蕪沒田廬
空十家九家盡鼠竄荒郊積骨如山丘
鬼哭夜夜咽
空喉傷殘誰解惜民力帝遠天高呼不得
且亭詩
七言古

其二

野人歎息戰伐勞傳檄徵兵入不毛
芻粟供應如雷
急哀鴻滿地嚴徵徵公然入城攫市貨
撲鷄射狗行
索賂處處劫官賊旗樹我兵我兵及早去

其三

野人歎息歲時惡秋雨連綿春雨潤
塲稻生蛾麥苗
乾可憐終歲事耕作官發招買年年有
轉運何曾見
停手忍饑背負大道邊腹中無食囊無錢

其四

野人歎息挽梓苦官差絡繹勢如虎頭船未過後船
來沿門捉夫動城府別家數月心搖搖子散婦離遭
惡燒鞭撻怒呵不知恤生拋故鄉死作客

其五

野人歎息天殺人大江流血傷亦痛前歲過地獄顯
語至今望氣識金銀落日幾家泣夕陽賦歎頻催田
地荒殷勤爲告諸朝士上書一念可憐子

紀變

日維己亥夏四月六日日暮北風發嘉陵城中男婦

且亭詩

七言古

十一

驚白晝爲昏天柱折黑雲壓空空亂鳴雷霆怒擊鬼
神爭官舍民居一時盡灰飛滿地聞哭聲東有草堂
聊宴息火燒重茅撲不得花樹應悲他日看圖書幾
慰平生憶可歎宦遊人旅行多苦辛愛此數間屋復
遭烈炬焚使我出無所見入不能存魍魎朝走鴟鵂
夜吟毒蛇猛虎瓜牙凌侵眼枯唇焦顏色靚浩歌激
越滯江濱

苦雨

巴蜀巫山山雲屯十日五日雨殷頻竹籬場壓連牆

倒鸞鳴喧鬧惱比鄰經句不出閉門坐簿牒沉綿愁
無那碧草青苔綠階生鴉鵲鳬鷺交相賀驚聞街頭
米價高民窮難免衆嗷嗷種畦淹沒豆苗晚耕作誰
憐終歲勞况復夔州尚苦戰轉粟如鯁常恐死幾時
兵罷市亦晴問閭沽酒賣銀釧

楊龍山按獵南知晚歸馬上同白奔山人賦

霜落巖城急鼓吹將軍合圍清查出亂踏涉石渡江
橋旌旗照曜北風利揮鞭號令徒御驚撥草疾驅不
聞嚴用命者賞違有罰此雖小技可知兵馬鳴士奮
且亭詩

七言古

十三

蛟龍吼兔狐殺盡亦何有奏凱從容引角弓仰射飛
鳬貫其首須臾置酒南山頭將軍宴饗歡椎牛醉臥
氍毹幔帳暖金樽交勸枕吳鉤書生舊是高陽侶烏
帽雄談兒獵喜憐君意氣盡君杯笑吐肝膽誓河水
鴉啼葉落又久暉蛻蛻平岡聯騎歸隔林人語燈火
亂月寒久露濕征衣

酬白奔山人

遠宦巴蜀親知絕望白奔山人萬里間隔論

險遠詞交情至此不愧昔賢矣開門迎揖

視勞苦項寓僧寮輒枉瑤篇百讀十吟朗然

王案不揆拙鄙率爾奉酬異於清談耳山人

忘其姓名

吳越山川競紛紜大河南北盡平原勒銘昔傳劍閣
險叱馭只今誰更聞白奔山人姓名幻僕破芒鞋足
跡徧五岳登臨眼底明開興驅驅入雲棧剝啄開門
相顧驚剪紙燒燈話平生萬里無書故舊絕君來今
復見交情酌酒坐我見山堂竹樹冬青蕉花香烟霧
霏微錦屏立吏散烏啼午夜涼落落那堪與世偶獨
止亭詩
七言古
十四

止亭詩

七言古

十四

止亭詩

鉅鹿楊思聖猶龍父著

五言絕句

題畫

幽徑蒼苔滿秋山黃葉賒騎驢吟正穩不覺夕陽斜

其二

樹裏半開門兒童報客訪携乘兩忘彈坐聽松風響

其三

隱者白雲外杖藜踏淺沙歸來看紅樹吹落滿貧家

止亭詩

五言絕

其四

沙蘆鴈影移月明蘆花廣時有打魚人孤舟聞盪漿

喬文衣寓燕寺雪後有新什許示久佇不至因

先寄此詩

夜雪打空廊高人詩骨冷吟成獨坐遲惟許老僧領

其二

風雪誅絕牀報我有佳句亂落梅花交君詩在何處

兄山堂秋曉

曉起坐空堂寒花垂白露科頭懶讀書閒倚籬邊樹

鉅鹿楊思聖猶龍父著

七言絕句

送傳掌雷兵備清源

十載同官弟與兄
燕雲朔雪送君行
醉餘慷慨看長劍
岐路悲歌漫不平

其二

携手河梁動晚颺
海天渺渺足離思
憶君獨醉清源月
衙靜歌殘夢到時

且亭詩

七言絕

其三

尋常愛客引清卮
慣唱新聲白紵詞
別後絲雲何處落
霓裳難譜使人悲

其四

扶風帳底坐吹笙
史筆常懷宋子京
一代書成人不識
名山風雨護龍精

其五

材官千隊擁旗旂
鼓喧填父老迎從
此潢池皆赤子
一犁春雨事農耕

其六

竹盡淇園役未休
使臣空影日悠悠
君行正及桃花水
疏鑿應寬聖主憂

張秋道中口號

水漲沙頭日已曛
鷺鷥鴻鴈各成群
微茫樹色參差見
合沓山容遠近分

題李五絃亡姬遺像後

霜散空庭暗錦茵
梨花夢斷永傷神
清時幾見留才子
薄命由來是美人

且亭詩

七言絕

二

其二

感君共賦白頭吟
花外冷冷調素琴
惟底曲終人不見
百年情竭爲知音

其三

嬈嬈芙蓉秋可憐
兜家幽慧倩誰傳
館娃築後無西子
明月空歸范蠡船

時五絃告歸

送人

黃沙千里塞天懸
疋馬蕭條出送君
一曲驪歌腸欲斷
前程望望起行雲

其二

兩年懷抱許君知君去遲遲勸酒卮海上傳書人不
到天邊有夢鴈來時

明妃詞

滿地笳聲夢裏疑覺來猶似漢宮時
不遣君王問恨少黃金買畫師

阿嬌怨

夜捲珠簾霜色繁沉宮漏咽長門雙蛾不肯隨人
畫買賦何由感至尊

且亭詩

七言絕

三

班婕妤

玉輦辭來事不同獨憐團扇畏秋風殷勤寄語承恩
者莫放紅顏損鏡中

人日

雲物暉暉護薄寒幾年佳節寄長安
敝裘典盡厨烟冷可有隣人送菜盤

其二

滿城絲管伴愁吟人日題詩淚不禁
獨把青樽成晚眺昏鴉飛盡遠鐘沉

過魏環溪可亭留飲深談

蕭蕭蓬徑易招尋風雪相看共此心
門外軒車應不到清談常是坐燈深

其二

焚香酌酒話名山世上榮枯摠不關
莫笑兩翁生事拙長安新得幾人閒

其三

桂菴詩句敵秋雲凌許清詞亦不群
驚起同君洗酒讀清窓風雨葉聲聞

且亭詩

七言絕

四

其四

閒居豈敢怨蹉跎靜裏關門學養疴
聞道蒺藜能却老不須因果問維摩

其五

萬點蒼山雉堞齊鴈門關外草凄凄
獨憐李牧還祠廟零落殘鐘臥澗溪

其六

曹子存孤托永生感君爲賦古交行
如今此道成輕將謀修舉爲余言之如此

薄不是黃金不定盟謂氏有遺囑手書謂當守此志而命其內人繼之學溪為自志

守歲

老大難禁歲暮寒隨人強薦五辛盤愁來忽憶當年事竹馬兒童何處看

春日魏環溪過訪余以臥病偶缺展待輒枉見

訊依韻奉酬亦解嘲之意也

蕭條春舍晝闌扉伏枕遲君君亦違自是蒙莊耳寂

寞誰云天祿好忘機來詩云石渠天祿觀摩畫檢得蒙莊學化機

且亭詩

七言絕

五

其二

朝來謝客減新憂靜裏攤詩自校讐作賦不須煩狗

監文園今已雪盈頭來詩有狗監不療司馬河之句

立秋

荏苒年華客裏過天涯人老奈秋何空階一夜蟲聲

亂不覺鄉心滿薜蘿

秋夜

空窓風嚴葉打窓滿城殘月吹寒龐征人驚起披衣

坐夢裏渾疑是舊邦

憶周茂山

遙指孤帆一月程榴花開遍暮花明思君夢繞錢塘水聽到江猿第幾聲

贈溫獻之

相逢涕淚且停揮城闕蕭條夢裏微唯有青山常不改月明時見鴈鵲飛

九日

節物驚心天一一方重陽兩見菊花黃雲山萬里無歸雁何處登高望故鄉

且亭詩

七言絕

六

示離指和尚

鐘動黃昏山寺秋白雲紅樹隱沙洲老僧閒坐心無事獨對門前江水流

于念劬自渝州回携蘇帖花石黃柑見惠賦謝

數行榻得墨痕新虎攫龍拏鈞似銀想係峨眉山下

月蘇公當日是前身

其二

奇巧天然五色陳銅盤浸水玉粼粼惟來海嶽當年

拜袍笏顛狂呼丈人

其三

分來綠橘與黃柑堆案傾盤不厭貪君去風流何處
寄獨留秋色似江南

且亭詩

七言絕

七

且亭詩

鉅鹿楊思聖猶龍父著

五言律

己丑除夕

臘意中宵盡驚心事事違暗知筋力異新覺官情非
燒燭留殘燼開簾待曙暉闌闌憎巷鼓旅夢不能歸

其二

行藏難自料漸老歲華侵孤枕他鄉夢兩年此夜心
笙歌喧薊北烽火接山陰萬事蹉跎裏無勞問陸沉

且亭詩

五言律

畏事

畏事門長閉空庭首自搔遠天垂霧嶂滄海足波濤
珮珎文章異經營造物勞熱心渾欲絕失計問青袍

寄懷南亭諸友

一從辭舊社却悔廿年心薄暮無知己中宵思故林
亂離猿夢隔烽火鴈書沉爲報枌榆子名山好共尋

其二

歲暮風霜逼天涯思正繁諸生猶袒袒大隱已金門
命相文章妒陰陽雷雨屯何年星海駕刷羽向昆崙

送王孝源

送送渭城干河橋柳已殘離思慙別酒客淚下征鞍
萊海旌旗渺幽州雨雪寒蒼蒼城又暮寂寞獨凭欄

歲暮感興

難從季主卜羞自判行藏寓久移風土官閒愧稻粱
鄉心侵歲切旅夢隔年長徙倚空庭暮昏鴉背日黃

其二

落日衆容歛長空歸翼齊風沉古塞外月隱數峰西
薄命憐星骨殘生狎鼓鼙不才甘自老閉戶少扳躋

五言律

過戚畹廢宅

太息主人去空堂掩綺羅春風翻石燕夜雨泣銅駝
客散君恩盡臺荒鬼怨多傷心千載恨涕淚向山河

秋日書懷

故山不可到客夢老藤蘿散漫一官嬾蕭條片月孤
謀生悲落葉閱世淡秋蒲旅況何能寐相思鴈影徂

其二

西風連夜至蕭瑟薊門前雲淨天無色沙圓鷺盡拳
孤燈耿細火老樹鴛蒼烟健戶人高卧端居愧俸錢

金山寺

峭壁開初地中流瞰大江濤驚逆石走佛怒咽潮降
雲木圍僧榻龍雷護法幢青蒼望不極終古自淙淙

其二

危磴何年寺江流不肯平金天開一闕龍背湧孤撐
鐘動雲生籟瀾迴石有聲薄遊欣得托小憩道心清

其三

鐘輅波聲急蒼茫石徑微佛樓迎浪活塔影射江飛
渦轉喧僧渡雲腥潤客衣偶來如有悟鷗鷺本忘機

五言律

舟發錢塘看嚴陵一帶山水

泛泛嚴陵棹無山不水源行人聽石籟舟子報潮痕
岸斷深藏路峯迴遠認村掛檣風正利漁唱不聞喧

其二

瞬目看山過徐舂畫欲暝崖懸掛瀑白石老溜痕青
人語翠微落松風天際冷奇情不可駐飄渺隔仙局

其三

峽束江流壯陰森別有天高峯虧晚照古竇浹寒烟
客棧雲光濕人家樹杪懸平生耽幽勝未敢廢黃緣

其四

合脊峯容異空濛石氣流水環烟作寺山連竹爲樓
嵐影經時幻猿轂入夜稠孤舟何處泊浩蕩客心秋
過巖子灘登釣臺

搖落層臺暮探幽一杖過昔人不可見江水夜空波
敗葉披荒徑崩雲濺古羅勞勞塵役裏得不愧渙簑

仙霞嶺

地氣東南盡天根老此疆浙閩分嶺頂江海眼津梁
峽緊風濤怒山深雷雨藏奇遊看不厭俯視但蒼蒼
且亭詩 五言律 四

其二

威遲盤磔路百里白雲封古洞綠蒼鼠靈湫戰老龍
仙衣屐見舞石杵夜聞春何日幽棲遂松喬會此逢

宿山寺

曉鐘投野寺客意憚蒼涼巖壁禪燈暗花龕佛火荒
盤藤懸古月老桂發山香幸就山僧榻塵緣得暫忘

延平早發寄答周元亮

王程催去棹晚色動波瀾好友難爲別名山只借看
相思橋柳渺有約荔枝寒風雨梨關道何由駕羽翰

野眺

凭高不可望暝色歛寒空潮潤吞天白霜稠樹紅
平沙圍宿鴈荒徑響秋蟲故國音書杳雲山無路通
旅次初度

主客百年事榮華歲不同衣裳欺白露鄉夢劇丹楓
報國身將老逢人術未工眼前兒女隔誰解慰途窮
便道過里

歸客慚司馬曾無四壁留殘書遺鼠囓野稼任人收
狂益親知怪貧添兒女愛那堪行又別明日是長遊
且亭詩 五言律 五

使回東丁野鶴

憶逐星輶發空成汗漫遊天隅頻入夢好景迥添愁
把袂還青眼銜杯尚黑頭相期各努力或不在封侯

其二

不必恨交晚相憐卽弟兄任遊我已倦落拓爾誰尊
冰雪老騏驎江山勞夢魂加餐聊共慰時事敢輕論

其三

江南殊物候久客苦淋浸風軟花爭媚潮多氣易陰
孤舟芳草路細雨碧山心遲爾何出至蕭條空自吟

謹梅

為憐臘後約不借一枝看煖室香偏麗蓬門影獨寒
難隨高士駕莫逐凍驢鞍空有菱霜節憑誰結古歡

查伊璜抵燕不預關事買姬以歸賦詩三章為

送末篇專贈姬子

君來何所事歸去各凄然夢破江南月愁深薊北天

狂吟聊閱世青簡互編年

余與伊璜有明史之役

歎息河橋別

空悲遠道篇

時以遠道詩為序

其二

凡亭詩

五言律

六

滿眼誰相識吾徒落落間悲歌燕市酒春夢武林山

歲月竹書債風塵禿鬢髮雲居如可待為我築江關

其三

十五美翻翻春生客路邊青絲莢葉渡紅袖孝廉船

山色搖湘珮江花拂翠鈿預愁西子近相妬亦相憐

暑中答野鶴

尚餘孤壁在強半是君詩雨歇山青後香殘月上時

冰霜清暑夢海嶽老雄詞此意今人薄惟應靜者期

答周元亮寄怪石圖秋稜集至

交情古所慎傾蓋見吾徒問訊烽相報關河夢不孤

高吟驅瘴癘拙宦老狂奴惆悵年來別堪悲怪石圖

其二

開君寄我札畧似寄君時寒燠空相念悲歡強自持

雲山千古約花月美人私坐卧成昏曉秋稜一卷詩

遙題陳鍊師紫芝山房

閒有含元子終年長閉關白雲天外闕疎樹雨中山

法駕邀龍馭塵心對虎閑探玄吾欲訪靈境可容攀

其二

凡亭詩

五言律

七

天宇畫沉沉清齋見道心鶴盤松樹古泉聒翠微深

石氣封丹竈秋風動玉琴金芝倘可覓不敢戀華簪

贈李山人

麗眉戴古顏來往住人間日月塵中老江山笑裏閒

幻符哄客座咒鬼發冥頑予亦餐霞客何年問大還

悲陳章侯

憶歸櫟園子勸我及君盟越嶺相思約吳山大索情

辛卯于役八閩櫟園書訂章侯待于吳山勸余大家之

身前留傲骨老去厭時

名寂寞青藤路年年春草生

徐文長青藤山房後為章侯所得

其二

歎息斯人沒寥寥誰愛才世情成市虎吾道竟蒿萊
身老丹青悞詩狂白眼猜悲君楓樹冷江上有猿哀
送宮紫玄南還

其二

十年纔一會戀別惜杯殘落日江闊孤帆何處看
冬風吹劍冷東雨觸衣寒預想還家夜問堂夢乍安
送爾登舟去茲遊未是貧到來燕微暮歸及海陵春
驗索詩無恙登臺賦有神人生感意氣出處不須論
且亭詩 五言律 八

冬至日雪

積陰連至日朔氣晦層霄竟昧龍蛇蛰祗看孤兔驕
雲屯迷遠岫霧重結寒條惻惻天心轉微陽不易昭
送人歸蘇門侍養

其二

惜別蘇門去如聞鳳嘯殷高人不致弋者莫虛驚
京洛車塵暗雲山子舍清何妨扶侍暇書札到承明
烏腎十年事傷心故舊違風塵知己少江海異人歸
避世休談劍娛親自煮薇但能存嘯詠吾道未應非

寄中島盟

愁思風雨夕忽漫十年過曾否狂如舊將無鬢已皓
君才豈落後吾意亦烟蘿出處誰能識悲哉兩地歌
夜雨

官令閑於寺幽居不近名挑燈尋舊緒聽雨坐深更
暗牖低龍氣空堂度鴈聲興來何所事午夜有詩成
雨後宋玉叔過談

宦拙無人訪招尋剩有君莓苔初破屐笑語欲生雲
幻影池光靜攤詩花氣熏雄談渾不忌海岳足奇聞
且亭詩 五言律 九

其二

卜居臨隘巷一屋大於拳時下高人楊長留寶劍篇
雨餘山色碧風定樹光圓君但能來往吾廬未覺偏
次宋玉叔雨中過訪見投原韻

其二

齊居無一事留客此茅堂風雅名難副烟霞道未忘
披帷來細雨敲竹散空香待到秋期近移尊泛月涼
衡泥君肯出走馬到埭欄坐覺千峰秀談深六月寒
美名應自惜好句與誰看落落風塵裏能無愧一官

久雨見月喜賦

總彼重陰翳能無此夕明影斜難到地輪
不覺羣星助惟餘孤鬼生亦知天意睽暫喜慰人情

立秋日雨有感

積霖愆物候秋至益瀟瀟鴻鴈江湖晚
長貧祝歲稔將老恨家遙慰藉煩兒女驚聞黑鬢凋
階下植秋花數本一夕雷雨墻圯見壓作此傷

之

小卉可憐色階前每自芳昨來一夜雨并作委泥傷

組亭詩

四言集

弱質終難立孤根失所防西風吹別緒憶爾不能忘

送卜聖猷還里

幾載淹卽署踟躕懷苦辛還家孤劍在去國一身貧

秋老張華宅蘆長易水濱感君何所贈且莫厭垂綸

秋病

伏枕看霜露偏驚旅宦情乾坤高病色身世老秋聲

籌國憑人借忘機任衆爭但能安薄祿未可歎無成

喜由鳬盟至都門

意外勞相訪秋風人正閒喜深無一語驚定始開顏

款款悲霜鬢遲遲話故山長安非昔日莫畏鶴書還

其二

不堪今夕會重憶亂離初人老于戈裏交存生亦餘
山川幾命駕涕淚共裁書十載還耕約相看愧鬢疎

其三

望極燕山暮相逢感泣多人間遺玉枕故物指銅駝
恨血千年碧甲申索園先龍池末夜波雄圖今已矣
尚有酒徒過

送王念石叅藩湖南

五言詩

五言律

莫道湖南遠衡陽有馬過楚雲迎去馬湘月引行歌
轉戰遺黎少窺人山狄多知君富治術佳政在民和

其二

夫子廟廊器胡然役遠方人情工國宦我輩限才良
北地秋霜早南天別羽長尊前遙憶汝離思滿瀟湘

題雲栖曉霧冊

不識雲栖寺來從畫裏看蒼茫圍竹樹遠近落噴崦
啓曙僧扉冷迷烟客杖寒尋幽徑日果深覺負微官

哀流民

歸子嗟何計強流未忍分全家依草痛哭寄秋雲
征鴻頻羣吏殷憂荷 聖君當今誰卿侯早遣繪圖

其二

霜重鴻飛急時危民命輕饑寒違故國枕藉卧荒城
舉目皆豺虎他人孰父兄齋心寬大詔萬一軫 皇
情

秋遲有懷

秋城餘返照霜色淡遙峯落葉空齋掩蕭條聞暮鐘
且亭詩 五言律 十一

客情隨宦減生事逐年慵兀坐遲今夕懷人何處逢

送宋玉叔兵備隴右

隴山望不極迢遞送君行鴈影沙中度梅花笛裏生
鏡歌臨廣漠鼓吹過邊城惆悵關河隔應憐漢月明
其二

落暉

萬古河源地遙看旌旆懸開筵森畫戟出塞富雄篇
出守關門迴風沙驛路連此行多勝事天畔莫潛然
一官長自笑竟日掩雙扉多病心空壯無家夢不歸

倚筵看鳥過仰面觸蟲飛吟望終何事西山又落暉
送姜澹思歸省

暫罷臺即務歸帆入武林幾回青瑣夢此日老萊心
烽火鄉關急雲山魏闕深明年春水發破浪好相尋
徙倚

羈愁不自極徙倚客心懸秋淨蒼山出庭空白露先
黃余看世態短髮蹙流年何事書生老終朝守一編
閒亭

好靜官程想閒亭物外蹤讀書秋少睡服藥晝多慵
且亭詩 五言律 十二

樹淺驚棲鳥窓低載半峰肩憂非我事微願學爲農
宋玉叔遊香山寺回詩以問之

愛說香山寺秋風信杖扶應隨啼鳥至或與老僧俱
翠色仍留否宸章好在無勝遊誰共汝吟望客心孤
哭岳霞標 公官國學十年不遷甫移戶曹即愛

應悔詩書悞早栖不若人誰云司計美只是一種貧
質朴古儒貌迂疎老病吟傷心旅旄憐何處泣高旻
喬文衣申鳧盟觀仲社集敵齋時鳧盟將歸里

良會知非易相逢况異鄉詩才吾里盛旅興幾人長

歲覺都門廢歌綠醉裏狂可憐明日別揮手各蒼茫

送中危盟并呈殷伯巖

幾月依燕寺蕭條客念歸送君懷往路昨日雪花飛

則北連沙戍漳南老歲薇寄言殷伯子招隱故心違

高卧

官貧人事少高卧養愚慵獨掩一庭雪遙聽何寺鐘

閒心開藥裝旅食媿村農漸覺浮名累吾將悵所從

送郭裕九以言事謫歸

勿嗟今不用此去已承恩朝論歸吾黨危言託至

且亭詩

五言律

上四

尊風和鄉路逼沙亂帝城昏宣室行應詔寧教老灌

園

贈周雲石先生

白髮照顏蒼高居一草堂吟詩隨老健種樹與年長

臘校閒能着籃輿醉任將兒孫看滿眼拓舞不知狂

送法黃石歸膠西守制時膠西爲亂兵所陷

昨罷膠西戰歸疑路不同寒雲凝素蓋野日黯霜風

人代烽烟裏鄉園涕淚中離心且莫問知爾恨無窮

山信

歲序冬逾駛栖遲未得閒遄風吹碣石大雪滿燕關

濁酒堪扶老黃金豈駐顏年年山有信招隱幾時還

早春遊覽

鴉鳴春樹曉初日照城樓寶騎聯公子金輿度列侯

歌隣南陌動客過北堂留誰念青門外啼鴻滿道周

卒歲感懷

生涯今莫問何事老長安花鳥催春近水霜逼歲殘

漸看容鬢改轉覺宦遊難寄謝寒梅發窮愁賴爾寬

癸巳除夕

且亭詩

五言律

十五

守歲憐風俗椒盤且暫親難將今夕意說向宦遊人

世事閒逾拙生涯老更貧故鄉那可忘薄酒欲霑巾

甲午元旦

碌碌浮生事棲遲又一春悲歡遠故舊歌哭向時人

夢裏青山失尊前柏葉新自憐疎懶骨鳴玉對芳晨

早春

流年何太劇春事早相尋車馬征人路鶯花故里心

暖煙回遠陌晴日散遙林翹首憂偏切誰堪拄杖吟

其二

生事還如此開門晝不開夢隨池草發春逼雁聲來
貧病從吾好迂跡任世猜芳時容易度肯惜盡餘杯
答魯挹庵總戎

鈴閣日清晏風開大將旗鳴笳朝氣靜疊鼓夜筵遲
壯士揮金劍佳人舞柘枝軍中行樂慣真是一男兒
燕九魏石生年丈邀同魏環溪喬文衣申觀仲
飲郭外薄幕登土阜晁元故城愴然成詠

聯騎出郊外乘春踏野煙河明堤柳繁雪盡遠山懸
人面紛相接仙踪幾處傳徘徊西日下吾醉不知還
且亭詩 五言律 其

其二
勝日憐燕九相將過水隈呼朋選樹坐提榼就煙開
士女傾城出笙歌沸地來婆娑遊正適歸路莫教催
其三

白雲何處是野殿尚嶙峋舊蹟增新感殘碑繡古春
吾生原幻化至道豈浮塵欲覓還丹訣茫茫誰問津
其四
蒼涼餘此地曾是帝王城感慨當年意登臨落日情
遠村雲漸合危岫雪猶明底是征塵裏勞勞過一生

寒食

風雨長安路淹留客計非閉門傾濁酒寒食換春衣
深巷煙初亂隣家花又飛十年官舍冷何處夢渙磯
春日閒居雜詩

人閒天意靜幽興滿吾廬藥銑春晴後甌香午夢餘
尋山常愛畫懷古剩翻書只此堪容懶浮名漸欲疎
其二

爲官兼避地高卧不聞喧過雨庭筠綠經風砌草溫
客懷春易老吾道拙能存近識莊生達行藏敢細論
且亭詩 五言律 十七

其三
自然非世器不是厭逢迎才拙耽微祿官閒荷 聖
明捐邊芳草合檻外衆峯晴獨坐人來少從誰問姓
名

其四
老眼拚花放衰顏劇酒紅人情隨地異春色故鄉同
散秩容狂子乘時有數公生成造化力何必泣途窮
其五

淹蹇爲郎久生涯竟若何燕泥增舊壘庭木發新柯

應接午眠減柳榆春夢多空慙招隱地高上蒲山阿

其六

局促悲城市風沙失曉晴幾人堪對酒何地好聽鶯
坐惜青林遠常懷春水生韶華君又事歸計苦難成

寄懷陸李言本與簡

雲中連朔漠榮戟欲臨關落日邊笳靜春風戰騎閒
登陴懷古烈舞劍壯顏顏獨有書生恨金門鬢欲斑

春夜雨

浙浙鳴簷樹風燈向夕局客懷春不釋時雨夜多重

且亭詩

五言律

六

天外孤鴻叫林間獨鶴醒明朝蒼翠處一半在山屏

同魏石生年丈過張永舒園林看花留飲成醉

尚有回亭好連朝花信催主人能愛客爲我掃莓苔
空翠霑青蘋餘香覆綠醅徘徊知不厭乘興許頻來

其二

寄坐意何適淹留卜夜闌樹聲喧鳥墜燈影夢花安
醉舞拖藤杖狂歌側簪冠芳時朋好在莫問寺鐘殘

夏口閒居雜詩

卜築成幽趣閒情付藥欄夏雲當戶飄簷雨動波瀾

短髮臨風好孤吟入夜寬閉門無不可底事問漁竿

其二

沉睡移簾影幽吟倚石床呼童問煮藥欹枕浸焚香
返照明簷樹荷風散晚涼一官何足問幸不礙清狂

其三

栖栖燕寓久早濕苦相侵無計離城闕常思卧竹林
經行宛盡落獨立聽蟬吟物化隨流坎生涯詎可任

其四

午陰暑氣薄連雨客亭幽屋壁綠蒼蘚塔除帶淤泥

且亭詩

五言律

九

身間官似野門閉靜於秋莫訝吾謀拙微名不用求

其五

旅食悲生事棲遲老此身憂懸妻子病宦久弟兄貧
終日驅羸馬何時埋釣繯近來踈懶極逐熱肯因人

其六

今年雨又甚何以慰人情龍掛無時出鳧飛作意鳴
乾坤增轉戰黎庶泣深耕由溺知誰切微臣愧聖明

明

訪舍弟臨三於慈仁寺左方丈

何年兄弟別燕寺得相從久厭微官縛來聞精舍鐘
離家鄉語異隔代老僧逢坐語渾忘去西陽下遠峰

新秋雨中秋卧病

養病頻請假何地快幽尋空托含香署難忘楓樹林
年華倏藥餌風雨入秋心漸覺寒花發齋居不廢吟

病中過魏石生年丈值其亦病遂訂西山之遊

踈拙兩人在何堪病亦同閉門新事淡伏枕舊圖空
共指西山霽遙憐秋樹紅扶筇應有待絕莫畏霜風

秋日懋報國寺僧舍

五言律

五言律

五言律

適意尋煙寺蕭然遠世情空香清梵唄古木引禪聲
氣入金天肅心因初地明飯依徒日切所悞是浮名

秋雨卽事

密雨簷泥細幽居竹徑清寒花朝旋蓋病葉暫爲聲
何處雙砧發空天一鷺明忽驚身是客獨坐達含情

送家弟臨三鄉薦後歸里

還家初得意此去有逢迎磊落真吾弟栖遲愧爾兄
青雲輕少壯薄俗重科名方羨驂騑異終看萬里行

送沈子襄下第南歸

徒然行李去相看一霑襟旅次寒衣減江村落葉深
登堂遊子淚望遠老親心知爾才終遠無嗟遲暮侵

秋日閒居雜詩

頗厭周旋苦曾無車馬來綠門秋草長一徑晚花開
徇祿慙多負全生愧不才時當新黍熟得醉且銜杯

其二

爽氣秋齋集新涼坐夜分寒蟲燈下切孤雁月中聞
歲事憐黃葉鄉心悵暮雲從來甘寂寞誰復更論文

其三

五言律

五言律

五言律

豈意成顏放雄圖事已虛時平宜酒宦拙漫裁書
秋月堪酬客青山不負予遙空霜色冷留滯歎居諸

其四

高枕賒秋色蕭森物望同池寒蓮葉白霜近蓼花紅
好景真難負香醪幸不空閒知消息理雲外聽冥鴻

其五

旅服憐時序秋城風雨多黃花驕帝里紅樹賤漳河
沈淖朝餐懶居閒體氣和且謀終日醉撫事漫悲歌

其六

豈少雲林地幽棲未敢名秋高鴻雁塞人老鳳凰城
聞世交遊寡攤書感慨平西山堪供眼迎眺眾峰明
秋半

一年秋又半萬事轉蕭條山清遠房淨笳吹霜月高
官程慙祿米卿夢厭波濤落拓隨生計休嫌應接勞
搖落

沈寥天氣靜風景起離憂雁叫龍沙月霜飛鹿塞秋
短衣垂老淚遠夢結鄉樓萬事同搖落憑人呼馬牛

大風夜坐

且亭詩

五言律

五

薄暮風聲壯千林散怒濤那堪門獨掩深坐客思勞
伏枕悲寒折懷人憶大刀病軀渾不耐愁逐五陵豪

聞亭冬月

冬淺晴宵暖悠然晚興舒竹風吹壁曉星月下簷虛
散步彌清景忘言卽敞廬向來憂悴極此夕見吾初

曉起望霽雪

雪色開初日庭虛入曉寒朝從窗裏望積素滿林端
枯樹饑鳥集晴簷凍雀橫淒淒誰可語展轉客思難

夢吳崑白

崑白沒十五年矣是久始來夢夢中無別語

但深惜其不售把遺文示余淚泫泫下嗟乎

崑白負異才不幸朝露生未酬其志卽歿亦

難民其悵耶枕拈一首用誌朋友存亡之感

時甲午上冬之九日也

思君何處是今夕恰依然慷慨懷猶熱蹉跎恨豈捐

含情持舊友垂淚惜遺編負爾慙非一空疑累月懸

送孫子任資詔越中

紫微直省卽捧詔出明光路指吳山近恩傳越徼長

且亭詩

五言律

五

江嚴橋石鏡湖色上錢塘勝覽行應遍無嗟在異鄉

雪

一夜窓痕白朝來雪滿籬竹聲簷外靜山色霧中奇

懸几媚幽獨垂簾清夢思未應嫌寂寞真樂不吾欺

冬日閒居雜詩

曙窓驚客寐群動各蒼茫犬吠寒城拆鴉啼早樹霜

婆娑身易老羈束與難狂夢斷梅花信清宵淚滿床

其二

無營長自適懶漫不妨官酒好隣家送山從畫裏看

晴軒容曝背短髮笑彈冠坐惜雙九老水霜度歲殘

其三

幸不登清要高居足晏眠驚心惟曙鼓入望抵寒烟
看劍渾閒事吟詩亦偶然諸緣無復繫蕭酒合逃禪

其四

悲風吹日淡暮色下庭除拚拙爐煙冷崩鬢燈影踈
昨愁煩僕話多病信方書莫問謀生策終年自一廬

其五

數椽清淨內孤坐見生涯急景催寒雁驚風落塞沙
且亭詩 五言律 二十四

歲殘鄉夢劇心老壯圖賒已悟浮沉事微官莫強嗟

其六

輦下藏名好時光慰眼前笙歌惱不徹兒女笑相牽
裘敝無餘物囊垂有賜錢如何聞道路哀怨太平年

立春病起偶拈

猶是羈栖客其如春事何草根依砌潤山翠入簷多
閉戶酬書債閑吟耐病魔恩恩人漸老身世嘆奔梭

關山月寄宋玉叔兵備隴右

爲憶關山月征人幾度看不堪悲玉塞何處夢長安

影亂黃榆冷秋生畫角寒男兒期報國清嘯漫憑欄

曉入東第呈同院諸公

曉日趨東第虛堂敞夏陰編摩慙 聖代獻納愧詞
林氣接 皇居迥雲移畫棟沉自憐同載筆何以答
知音

贈吳雪帆侍御

萬夙還官日艱虞啻此身抗聲驚虎豹搔首笑麒麟
頻下清時淚難忘 聖主仁不知累若者若個懼埋
輪

且亭詩

五言律

三

其二

相如能許國黃石詎歸山博浪椎空擊秦庭壁竟還
玄黃留傲骨冰雪冷秋顏天意良非偶無嗟直道艱
午出東闕散步松林下

退食松陰午長林枕御溝烏鳴宮漏靜蟬噪樹風秋
赤日流雲氣青山壓鳳樓承恩陪侍從緩步每遲留
馬病詩以歎之

拙宦慙生事塗泥我馬黃倦蹄傷道路瘦骨怯風霜
剪拂恩難斷飛騰志不忘哀鳴如有訴報主意何長

山夕獨坐

不書滿清意空亭駐久煙無人覺
即興獨坐豈徒然
小山通花氣輕風滴樹泉
閒心關一一幽事此中偏

贈興駿公

廿載徒相憶何知共綵毫
風塵淹宦蹟疎放自吾曹
署對紅雲近詩吟白雪高
簪筓能起我明月大江濤

秋響

不覺逢搖落簪軒納晚晴
看花秋慘淡步月夜虛明
露冷蟲多語雲深雁有聲
憂來堪獨寤肅肅旅魂清

丘亭詩

五言律

五

其二

開門車馬少鄙性合幽居
虛閣朝臨帖秋燈夜讀書
未能輕綬冕安敢憶樵漁
潦倒年華變驚看綠鬢疎

其三

寥落重陰夕秋風獨掩扉
霜鐘雲外徹螢火雨中飛
愁病頗應換家山夢不稀
十年干祿客彳亍欲何依

其四

秋容經雨淡望裏盡空濛
苦勸含新綠籬花綴晚紅
寒催吟力健夢覺野情通
老大真堪笑羈栖似轉蓬

其五

榜散仍通籍栖遲老歲年青雲看後進
白首嘆前賢
木下秋窗冷門關一榻懸
微官聊可適長日幾回眠

其六

未可憑高望嚴城秋色來風煙迷巨麓
砧杵亂燕臺
岐路楊朱淚清時賈傅哀
悲吟懷不淺感動獨徘徊

其七

世事今如此誰能學醉歌塵中知己少
郭外好山多
宦况委霜露鄉心寄薜蘿
忘憂非有術假寐尚無吡

丘亭詩

五言律

五

其八

身世驚虛擲恩恩歲序流悲風嘶代馬
夕日冷吳鉤
生計貧逾拙狂圖老未休
何當隨俠少射獵北山頭

其九

官閒無一事寂寞憶仙踪靈藥從誰乞
丹砂竟不逢
浮名慙驥尾老態厭龍鐘
留得谷神在山中問赤松

其十

黍谷秋陰早天寒落照低驚霜孤鶴怨
失木野猿啼
城市連烽火郊原雜鼓鼙
吾生慙未達遲暮惜招攜

其十一

憶得郊西路山圍樹已黃
霜洲明鷺影野水上漁梁
蔬摘秋葵滑齋炊晚稻香
何時兄弟醉笑指老夫狂

其十二

近有家園信田荒半野蒿
可憐民似鵠忍見盜如毛
歲儉鴻穀急沙寒魚尾勞
慙慙語諸吏好爲解天弢

十三

戰伐胡能定安危伏
廟謨普天驚羽檄何地妥江

湖粳稻東吳泣樓船瘴
海呼故山煙雨外終擬著潛

且亭詩

五言律

元

夫

十四

曉日宮雲紫樓臺簇錦鱗
梯航千里國臣妾萬方賓
地勢東連海天形西控秦
太平誰獻頌居重在深仁

十五

驅馬過燕市蒼涼祇暮雲
悲歌人不見擊筑事空聞
酌酒酬黃葉題詩送落鵝
江山常在眼俯仰意何勤

十六

上書悲樂教結客感燕丹
易水河流咽高臺草木寒

那能憐駿骨空復憶危冠
萬憤填胸臆時時把劍看

十七

傳說吳池地金元有舊銘
興亡時已易歌舞昔曾經
老樹壇墠黑殘陽壁壘青
依違堪玩世無用泣新亭

十八

惆悵前朝事秋來思不勝
青山園故國白露下諸陵
禮樂存遺逸興亡問老僧
異時誰載筆涕淚傳蓂弘

十九

秋穀何處至一夜送寒潮
月暗翳嶙峋寒雲沉啼棘
橋

且亭詩

五言律

元

二十

深巖棲老衲古木響山樵
此意無人識空齋客夢遙
破悶惟耽酒傷離不廢詩
暫須依薄祿未可怨良時
雨雪孤臣淚關河旅客思
那堪風景暮淒淒使人悲

二十一

金天紛客緒非敢效閒吟
虛擬歸田賦空懷憂世心
寒城催鼓角孤壁爭瑤琴
何事昏鴉亂爭枝滿上林

二十二

驅我來城市看山夢亦慳
可憐秋氣肅况是夕陽間

落葉深辭樹歸僧晚閉關幽尋何日事堪悵鬢毛斑

霍龍淮招飲徐園同劉淇瞻魏石生

高晏秋筵敞樓臺隔市塵憑欄山翠入拂檻柳條親
沉醉邀新月登臨對故人此中風物好來往莫嫌頻

其二

陳閣虛臨水飛簷架木牢樽前俯雉堞窗裏亂波濤
艷曲負龍醒雄談星月高平臨雙眼豁頓悟世緣勞

魏石生初度

雙星昨夜近秋色滿壑除諫草留丹訣新詩卽道書

且亭詩

五言律

三

樽開燕月暖門對遠山疎曉入蓬萊殿餘香引佩裾

秋螢和魏環溪

蕭條堦砌冷望裏自依稀帶月流光小穿籬落點微
輝輝明客眼故故上人衣寄語西風早凌霜試一飛

其二

燭燭飛難定乘時夜夜過細光輝竹樹流影亂星河
秘閣燃藜少平原簇火多微生雷草露好得奈秋何

其三

附煙誰名汝偏於晦處明連欄疑有色度幕欲無聲

隱見金光閃飄飄玉宇輕推遷感物化腐草盡生成

其四

那知埋照意只是愛宵遊汎露何曾歇乘風亦未收
勞勞逐麤蟀楚楚伴蜉蝣草木無情甚餘明忌暗投

送人歸里

驅馬秋風裏前程亂夕暉長安同作客故國獨成歸
邑里新知少山川舊路微甲兵天地滿不敢問柴扉

九日

佳節愁如此羈栖興未豪他鄉誰送酒旅客幾登高

且亭詩

五言律

三

可惜籬花殘空驚短鬢搔一官成簡漫何必美蓬蒿

出都宿天寧寺

襤被倉皇去黃昏入梵林鐘聲清客夢鈴語喚禪心
雨雪都城暮風霜驛路深何時征蓋息復此得幽尋

雪霽晚行

嚴裝侵曉霧野望盡蒼茫樹掛千村白林開初日黃
寒旌凝朔氣短鬢貼繁霜迢遞晉陽路勞臣敢自傷

和壁間韻

最是羈栖客窮途感易生壯心悲暮鼓老淚下孤檠

雨雪天將晚山川路漸更勞勞征蓋發堪笑此浮名

過固關

尚見雄關峙連山睥睨齊黃昏聞虎過落月聽鷄啼
幾處喧刁斗何年靜鼓輦客愁頻立馬前路去將迷

入晉行山中

百轉山重障高低砂石中人家雲外住行客嶺頭逢
耕鑿存唐俗牛羊占晉風憑輿聞歎息何處有哀鴻

除夕同周茂山守歲

又復催春至過城旅病身迂疎誰記憶拙宦且風塵
且亭詩 五言律 三

故國年光異他鄉朋輩親愁來無可慰敢惜酒杯頻

人日雪同諸友小集

人口驚飛雪山城寒未消判愁聊引劍對客漫呼臯
臘酒香堪醉春燈夜可燒相看知已在旅夢不須招

立春雪適家書至

宦遊何節次忽復訝春非愁裏開鄉信雪中檢舊衣
鶯花生事減樽酒壯心違腸斷南來鴈今年歸未歸

邊春

不識春光好邊城祗暮風沙寒驕獵馬日冷勁雕弓

老去心多慮狂來氣尚雄芳菲容易盡何以謝微躬

申臯盟自燕中歸在顧晉陽同周茂山喜賦

每共茂山子論交憶汝賢忽傳燕客信正及早春天
沙塞聽鶯渺官厨漉酒鮮相看俱老大珍重莫言還

贈傅青渚

此地誰相識清修尚見君才高防薄俗身隱累深交
學道丹應幻忘機鷗可群雲山春正好何處有塵氛

夜雨

邊地催寒早無端又到秋孤燈耿客寐夜雨人鄉愁
且亭詩 五言律 四

老大慙鬢鬢風塵唉馬牛一官如可棄何事獨遲留

秋夜示同人

客心秋夜永空院露華高愁病常無寐喧卑敢告勞
遙天增感慨老樹助悲號慰藉惟朋輩時時引濁醪

秋霽呈周茂山

過雨秋光好空驚節序催盆花寒結子庭樹老生苔
遠味江魚渺高天塞鴈來行蹤餘我輩此地莫興哀

漸能

漸能安俗吏不敢愛周旋病裏形容老愁中歲月遷

有心難問世怪事幾書天啼笑俱非計顏習倍自憐

同諸公飲金粟園

塵氛何處息此地易追扳樹裏行廊冷花邊人吏閒
官狂客縱酒客久放看山乘興恣歡賞無嫌數往還
遲憚涵萬不至得來詩却寄

近得中牟信知君入太行萬山遙見面大雪促行裝
書畫賢兄絕才名難弟當朗吟嵩少作杖屨莫相忘
過金粟寺寺爲故晉蒲園

暫喜辭塵務今來禮梵宮慈雲敷貝葉法雨響松風
且亭詩 五言律 三首

臥坐諸緣幻觀身萬累空名根終未了遮莫泣途窮

其二

地是王孫造名因浩劫留園花資佛力畦藥足僧謀
落日千峰迴汾河一線流登臨真不厭勞弊識椒丘
殷伯巖至

知已終憐汝相逢眼倍青邊城驚把袂官署喜占星
話舊懷空切移家世未寧幸餘尊酒在但醉不須醒
立春

去歲茲晨事今來正一年陰陽悲邁鳥出處愧前賢

可惜春光好惟餘愁病牽暫時歡解印頻索酒杯錢

出太原

帳別并州路還看似故鄉一年愁與病遠道雪兼霜
簿牒憚人百山川潤客裝無嗟遊宦苦不減舊疎狂
蚤發盤陀驛

脂車未暇緩侵曉餘盤陀況瘁僕夫嘆喧呼驛使訶
砂灘鳴雪籟土屋傍岩阿宛轉風塵裏前途定若何
上元前一日宿南關

驛古三家聚荒荒憶俗淳衣裳猶昔製草木自爲鄰
且亭詩 五言律 三首

石窟熒燈火居民賽土神上元明日是旅夢不知春

晚行

停驂何地好林木已棲鴉行李霜露鬚眉落塞沙
奔流深澗黑返景暮山斜莫漫悲于役前程未有涯
雪霽山中曉行

憑輿資遠眺曙色指朝曦春雪雲邊寺孤煙山下村
殘鐘驅客夢冷雁喚征魂何似林居子高齋尚閉門
過長平

銅鞮南去路傳是舊長平野老收遺鏃居人指廢城

山高多鳥下林黑暮煙生似見青燐隱偏增感慨情

入太行

勞人悲首路何處寄遊踪落日驅車去行山千萬峰
陰崖溜凍瀑遠驛出疎鐘望望誰相慰經營志已慵

山行

山形不可極凝望入蒼煙蛇徑千盤上羊腸一線綠
孤雲依馬首群壑落輿前叱馭何人事悲歌憶昔賢

其二

遙遞層阿險板綠躡石梯山頑不受樹澗凍故藏路

且亭詩

五言律

五

夾背看人小摩崖覺日低纔從東嶺下前路又烏啼

下太行望清化鎮

晉豫猶同壤暄寒一嶺分村籬圍竹樹隴麥覆春雲
倦馬嘶隄柳征人看雁群平原堪縱目不覺至斜曛

視河

浩渺知何際波聲自吐吞神功移地軸積勢下龍門
白浪吹沙止黃流漲日渾誰能循禹蹟既鑿問河源

周太望隱君七十詩

秋期七十近酌酒憶翁賢種菊堪娛老疏蘭自引年

漁樵滄海外圖史夜燈前有子遊方暇歸囊滿贈篇

其二

伯也直吾友相從每說君看山輕策杖呼酒快論文
閱世嘆桑海怡情寄水雲舉觴遙望祝桂樹正披紛
送周茂山歸四明

其二

不敢留君住知君有老親門前黃葉樹江上白頭人
且亭詩 五言律 三

其三

負米休慚祿烹葵莫厭貧甲兵天地滿何處好爲鄰
好會良非易重嗟在晉陽可憐同患難始信有離傷
高韻傳秋雪悲歌敵塞霜天涯知己少千里貴無忘

其四

數子湖山傲相從共訂盟過江傳我輩入里念茲行
出處高人達詩書亂世輕但須崇令德他日有逢迎
送殷伯巖歸西山即訂蘇門之約

每羨歸田好栖栖愧未能去留君不繫出處我何憑

地尋高隱看山依靜僧蘇門秋色老杖屨許同登

朱僊鎮

遺恨朱僊鎮千秋涕淚多天心不可問人事竟如何
江左驚鳴鏑中原收橐駝至今感父老指點動悲歌

晚行田家

野澗通征騎村低帶落霞鷄棲農事靜午飯夕陽斜
秋露滴禾黍天風吹豆花他鄉時序好何用苦思家

諸夢

莫問升沉事空勞旅夢訛天心存倚伏吾道本蹉跎

且亭詩

五言律

吳

知己青山在秋風故郡多歸來真不易消息定如何

途次感懷

兵革何年罷荒涼處處同人家園亂草門巷寒枯蓬
夜月孤城白霜林野燒紅經行旅感慨淒切媿鳴鴻

陪李公愚代巡清輝閣謠集

水面虛亭敞來隨驄馬過泉聲橋外靜山色檻前多
樽酒親與烏旌旗狎薜蘿情歡西日下歸路遍笙歌

閩中夜咏

烽火殷中夜傳呼鎖院深樓高風葉急宵迥柝聲沉

山水幽人志飛揚少壯心空塔頻竚立鐘鼓伴閒吟

月夜樓集

月上人初定樓高客共登自然無俗事况復對良朋
絳蠟垂銀蒜清罇低玉繩達欄松影密此夕倍堪凭

中秋夜雨樓集

莫虛今夕賞風雨一登樓疎樹侵瑤席明燈照碧流
百門秋氣老直北野雲浮何事周南客中宵歎滯留

遊百泉次韻

不謂風塵客相從到百泉山空疑作雨林密欲爲煙

且亭詩

五言律

三

亂石當樵路平流散渚田薄遊堪取醉好向水亭眠

其二

登頓勞心目如從畫裏行松驕盤石險雲靜蕩波平
孤嶼採菱唱深巖伐木聲低回幽興得句不書名

其三

攀緣非一致曲折意何如地僻堪謀隱民淳好卜居
陰森啼衆鳥撥刺響遊魚可惜浮名悞常教勝攬虛

其四

露下寒空淨鄰見石湖環山風雨葉隔岸水穿蒲

簪後何年調烽烟此地無臨流真足慕泛泛渚中島

其五

夕山秋色曠潭底幻明霞白動千巖月紅垂兩岸花
斷橋通寺徑古木隱人家獨羨持竿叟清寒立釣槎
拙吏

拙吏豈堪問馳驅夢亦勞自憐疎世務不敢羨時豪
客况驚秋雨年華感鬢毛山居何日定微願在蓬蒿
雨夕聞雁

仲中秋已盡此夕客懷多故國無家訪他鄉有雁過

五言律

五言律

四

風鳴黃葉亂燈照旅顏酡獨坐關愁緒瀟瀟竟若何

夜同馬某史作

判愁頻命酒寒夜坐來深剪燭消官况彈琴長道心
星河高院曙鼓角遠更沉落落鐘期在扣將好入林
送喬文衣之任湖口兼訊王孝源廉使

蚤春卽事

謝客常無事清和足退尋春禽鳴院樹冬草變牆陰

潑墨雲煙濕焚香畫夢沉名心真不緊却悔未抽簪

題陳簡庵谿南草堂

如子真名士谿南有草堂春蔬嘉客飯煙樹主人裝
得句題桐葉臨池搦便黃他年婚嫁了可許共徜徉
贈馬布庵

高居被服著頭白孝廉即看嵩雲生戶牖詩筓在床
花飛浮酒綠茶沸動甌香有客時相過淹留數不妨
題孟陟公高齋

無復風塵到蕭然處士家剪藤開潑墨燒竹夜烹茶

五言律

五言律

四

世路寧須問浮生自有涯兒童能解事埽徑報飛花

其二

主人原絕俗小築卽奇遊曲檻藏幽鳥清談集勝流
雲霞三徑暖風雨一窓秋長日渾無事浮名何用求
其三

題四

朴畧高軒爽幽尋自往來畏人雙戶掩愛客一樽開
聽山留殘竹行歌餞落梅卜居何地好爲汝獨遲回
彷彿桃源路春流處處通孤村梅雨白野寺杏花紅

林靜布幕倚人開開酒筒此中如可避不羨鹿皮翁

伏義墓

莫測洪濛意頽然主一抔何年著草長終古卦臺留
野水隨沙尾孤雲抱遠洲興亡千載事悲吊漫生愁

汝寧酬彭燕文

汝上相逢暮同悲行路難論心聽夜雨惜別勸加餐
涕淚天涯闕交遊宦海關迂踈吾共爾辛苦笑微官

其二

折腰應對面棄柳感平生世共推年少人誰重老成

五亭詩

五言律

聖

嵩峯鴻鴈度雲棧杜鵑鳴異地空勞念何山問舊盟

晚征

蒼茫野色暮惆悵欲何之隘巷牛鳴鐸荒村犬吠籬
人歸山市靜月上夕林遲明發遙相望風煙不可知

旅夕風雨

旅夜愁霜濕征人苦未閒驚風疑動地怒雨忽移山
孤枕遲卿夢寒燈冷客顏擁衲渾不寐離恨與潺湲

卽席酬翁藏若送別之作用燕文韻

送別春城路依依草樹滋青山常作客白首各違時

慷慨同誰賦風流亦我師心期千古在不必向人知

其二

藏名人不識風雨老雄吟花落他鄉淚鶯迷故國心
尊前愁易破客裏病常侵鴻雁蕭蕭去孤雲只自深

同翁藏若馬某史何仲端李簡臣梁曰晉遊超

化岩

峭壁千尋上人家已定居春秋迷漢臘鷄犬足秦餘
空齋堪娛老山深好著書一椽如肯借不異在吾廬

其二

五亭詩

五言律

聖

暫輟風塵駕同來數日留千峯延勝客一榻枕高丘
車馬兒童喜桒樽猿鳥幽相依無不可何事作狂遊

岱縣白松

相傳爲黃帝墓三女處

老樹何年植軒轅事有無霜紋飛素雪鐵幹冷棲鳥
赤日風雷急空山魑魅趨榮枯應不到天地任荒蕪

少林寺

古寺雲深處山圍面面峯鳥鳴金澗竹風落翠微鐘
斷碣封蒼蘚長廊倒榷松往來看不厭昏黑更挾筇

其二

岐路何時盡來參少室僧雲房清磬響紺殿紫煙凝
聽法歸雙樹翻經問大乘好峯三十六拄杖可能登
初祖菴

落日披蓊入空山若有人片峯留色相石有達摩像相傳爲面壁時所孤樹老龍鱗虎有樹云是崖巖洞鼠障庵荒虎
豹隣誰將一葦渡到處是迷津

入山懋莎蘿坪

一路灣環入花香啼鳥催濤驚翻雪浪石老卧青苔
猿飲空中挂樵歌雲外來幽栖吾所欲隱者莫相猜
且亭詩 五言律

青柯坪

不到三峯上愁經十八盤懸橋臨澗壑鑿磴倚巉岈
雨過牽藤怯人扶拄杖難天涯多偏側履險敢求安
贈海陽鍊師

登華山

白帝蟠西陸川原彌望中真形胎造化惟石老鴻濛
鐵鎖千尋引天門一徑通超然人境外俯視盡虛空

其二

萬古青蒼色孤懸天外峯雲邊疑攫虎杖底欲驚龍
石髓誰能識仙人自可逢登臨初有悟水雪潭塵容

其三

陰森天闕近風雨肅精靈九服崇禋祀千秋昭荐馨
玉虬迎翠蓋仙藥響雲輶冉冉隨煙霧迴看下界冥

其四

金天分氣象獨立俯諸山洞黑神飈發崖昏紫霧環
蒼龍生足下仙掌出雲間欲喚希夷夢重來叩大關
五言律

其五

絕頂翛然上身輕漸欲飛天風吹竹杖嵐影濕仙衣
歲久黃精老山深紫蕨肥憑虛諸念滅猿鳥本忘機

其六

凌空高不極大地盡紛紜渭水波光細咸陽陵樹黑
龍雷常晝動鐘鼓半天聞何日潛雲壑常隨羽士群

其七

山雨澄新霽天清踏嶽蓮神泉空外落古木竇中懸
撥草尋丹竈囊雲譜內篇游塵何處息目盡只蒼煙

其八

搔首層巔際，樵石磴巉星。辰垂大壑樓，閣立飛巖。
落月天鷄唱，崩雷玉笥緘。微生無住著，採藥托長鑱。
郭汾陽祠

道傍遺廟在，立馬嘆斜陽。一代中興業，當時異姓王。
山河園棟宇，烏雀亂祠堂。多少興衰事，空懷弔古傷。
王景畧墓

捫蘿談何壯，江東無此人。入山謀出處，哀亂托君臣。
伐晉策終失，石燕志不伸。徘徊古墓下，落日見荒榛。
五言律 聖

班仲升墓

投筆緣何事，封侯願已酬。黃沙漠關遠，白髮玉門秋。
望遠家人切，生還聖主優。可知千載下，寂寞祇高丘。
馬嵬

鼙鼓渙陽急，鑾輿西幸長。娥眉遂碧血，將帥且銀章。
落月深宮恨，淋鈴夜雨傷。墳頭芳草色，猶似戀君王。
茂陵

寂寞高原上，疎風禾黍哀。豪華追往事，拓畧想雄才。
封禪終何益，神仙竟不來。可憐民力盡，遺恨在輪臺。

至寶劍將入棧矣，計啓行之日已歷春而受寒。

曉遂易物色，亦殊蓋不勝旅人之感云。

行李何曾定，連雲入蜀天。鄉遙風物異，客久歲時遷。
隴樹飛鸛鵲，巴山啼杜鵑。蕭蕭官署靜，旅夢幾回牽。
苦雨山店夜坐

泥淖何時淨，驚流壑分客。愁連南足，鄉夢入山勤。
雲氣千林失，灘聲靜夜聞。自傷流滯久，孤坐念離群。
龍山寺明睿藩所建之報恩院也，老比丘猶是分封時與携者，自言行脚漢南已四十年矣。麗

眉白首每話前朝事，輒爲潸然也。

帝子今何處，兵戈苦未消。龍歸存浩劫，僧老話前朝。
杖履風雲暗，江山涕淚遙。焚香慙報國，白首望青霄。
漢丞相武侯墓

定軍山下路，丞相有孤墳。故國空流水，荒阡足夜雲。
君才自十倍，天意竟三分。行客年年過，鶯啼不忍聞。
大雲寺

寺臨絕壑，前枕巨江。石工隨山刻像，大小在心誌者，莫能悉其數名。曰千佛崖也，不知何

代所經始多宋元人留題

絕壁開龍象飛巖立渺冥千身原自幻百丈竟誰銘
梵放潮痕白煙環佛頂青宋元成往事今古自亭亭
褒城道中

棧接褒斜遠居民轉餉勞秦山雲矗矗漢水勢滔滔
鳥道時通騎行人日帶刀殊方猶格鬪旅食問旌旄
漢中感懷

漢南猶未定兵亂見蒿萊雨漲蕭何堰風高韓信臺
江山霸業日月老雄才底事龍川水東流竟不回
止亭詩 五言律 吳

金牛驛

蜀山方恃險漫道五丁開鐵騎飛常過金牛去不來
烽烟劍閣迥殺氣錦江催可笑公孫輩徒稱割據才
登舟

其二

西征方捨陸細雨動行舟白浪孤蓬振青峯兩岸稠
客身憐異域薄宦歎驚流飄泊何時定風波慎自謀
輕裝凌曉霧江氣入舟寒鳴櫓催殘夢楊舸下急灘
厓深青兕伏沙靜白鷗乾自笑狂遊誤萍踪獨未安

其三

江峽迷南北孤帆信遠風欹斜看辨子欵乃聽篙工
破浪烏檣疾維舟野爨同緣流山色暮停棹宿空濛
其四

中宵雷雨集蕩漾客心驚枕上魚龍氣洲邊戰鬪聲
鄉書天易斷匣劍夜空鳴擊楫愁難寐飄飄第幾程
入蜀

殘黎嗟爾在都市幾人過世亂漢歌隱廬荒虎跡多
青山供涕淚白日度干戈中野餘鴻鴈勞來事若何
止亭詩 五言律 吳

病中東離指上人

肺病當炎熱來求避世方峨嵋何處是爲我散清涼
畏路巴山險塵心旅夢長皈依如不棄瓶鉢任相羊
其二

夜雨

應是沃州住何年向此山靜中花雨落世外草堂閒
慧力堪駭病禪空不閉關一官慙自累相對杳難扳
鄉心驚夜雨伏枕聽秋聲滿地蛩音亂空塔蕉葉鳴
無家依藥餌不寐想平生旅客瀟瀟意誰能識此懣

和中秋夜雨小集

秋色夜蒼蒼天涯一葉黃西風吹客袂細雨打迴廊
壯志愁中減鄉情醉裏忘可憐今夕月不肯照流觴
贈謝明玉

十年征戰裏奔走豈徒然秋露悲禾黍春風拜杜鵑
黃冠心自苦白馬客誰憐好向江湖去扁舟任醉眠

觀音寺

古寺臨山澗門前積翠重一燈燃密室萬壑落疎鐘
劫盡佛恩見雲深僧路逢誰能空世務來此訪幽踪
且亭詩 五言律

登保寧城

壘石崇墉壯平臨豁遠瞻亂山圍雉堞驚浪撼城樓
野哭何時靜烽烟苦未休爲傳諸將帥早晚下渝州

遊錦屏山

山靜飛黃葉登臨感客情寒城朝日色空谷大江聲
家遠驚烽火林開見耦耕興來頻竚立拄杖一身輕
空樹

兵荒時幾易樹老已無心不識興亡事何愁霜雪侵
林枯看石立風動聽龍吟應有胡僧到空山跌坐深

遊錦屏山武侯祠

廟貌依然在悲涼舊業空河流猶漢水山色似隆中
今古憑欄盡乾坤極目同斜陽霜氣肅涕淚落西風
遊北菴寺

策杖臨高巘尋幽禮梵宮山陰晴亦雨竹密晚多風
佛座石苔老僧厨流水通徘徊西日下閒看夕陽紅
遊大佛寺置酒

結侶尋山寺攀緣細路懸樓臺金碧上井邑蔚藍邊
地勝容杯酒春和靜管絃黃昏歸騎擁燈火下前川
且亭詩 五言律

題宋陳氏兄弟書巖

讀書兄弟好巖洞已千秋池涸荷香謝堂空桂樹留
鳴泉風自荅谷鳥韻相酬破壁遺文在摩崖記勝遊

悼馬

遠道誰相伴長鳴爾獨親艱難開塞闕遲暮雪霜頻
病骨埋荒草征魂托主人
馬死死校中
先一日見夢
風塵騏驎少
老泪欲沾巾

轉戰

轉戰幾時定驚看羽檄馳千山鳴角萬竄冷晨炊

川北微輪急滇南消息疑不知諸大帥何以慰瘡痍

寒夜

蕭條人吏散暮色獨闌屏夜靜霜笳動天寒雨柝微
明燈低費影孤劍冷書帷萬里誰相見征鴻自北飛

送吳瑤如赴禮部便道歸錢塘兼詢周茂山查

伊璜諸友

不堪樽酒暮萬里送歸人雅量思才子清曹羨禮臣
角過巴峽險路入武林春欲采梅花贈何由寄所親

王邁人孫黃中小集

五言律

五言律

五言律

其切憂時慮相憐通從多不然其落何可以慰蹉跎
咲裏還聞歎愁中且放歌他鄉樽酒羨莫惜旅顏酡

可惜

可惜浮名恨全身計已非迂跡從世厭俯仰與心違
白首慙明鏡青山歎落暉悲來還自咲憂倩人忘歸

和見和王邁人韻

絕域勞相見能來數不虛新詩研道妙濁酒話幽居
招隱青藤杖逃禪白鹿車那堪同北望隔歲竟無書

雪片

雪片西川少冬來何處看江邊青草出臘月雨聲寒
泥滑時驅馬愁吟忽倚欄客中人易老遊莫歲時殘

十五夜

門閉不成歡蕭蕭坐夜闌春星低院曙明月近人寒
客市間燈放隣家聽曲殘殊方餘此夕重覺別離難

十六夜

愁極情難適翻因令節懸燈明猶昨夜酒綠似前年
何處歌鐘徹春城社火連客懷無一可強起望高天

春日項永伯招飲

五言律

五言律

五言律

選日歌筵敞園花幔帳開天涯朋輩合春色故鄉來
薄醉澹燈影輕寒護酒杯盡拚今夕賞莫問晚鐘催

東齋春日雜詩

避日東齋暖官閒笑隱淪花飛蜂起蝶簾捲燕依人
客病經春劇山情向曉新榮枯關物理披爽任吾真

其二

殊方春事早官舍卽村居大咲桃花落鷄鳴蕉葉舒
留賞除經草驟饒理園蔬雨後青山近常携數卷書

其三

近事真難問，驚心客病中。未須愁宦遠，烏敢怨途窮。
歲月鶯花老，江山草木豐。春深迷望眼，鄉夢倩誰通。

其四

聽卧當晴晝，風吹几杖聲。客心隨物換，天意與人平。
埽地清塵慮，移花養性情。閒來惟健戶，深喜謝時名。

其五

夜雨凝晨露，清虛衙署閒。籬根喧小鳥，屋角挂春山。
藥好潤餘種，詩從吟後刪。靜中心已了，何物得相關。

其六

且亭詩

五言律

優遊公事靜，吟望到斜暉。吏散巢烏下，門閒徑蝶飛。
長貧安遠宦，久病怯春衣。自悔浮生悞，何年賦採薇。

其七

爲客起常早，幽居耳目清。閒臨池樹坐，獨遶竹籬行。
芳草疎人事，春雲淡世情。窮通誰復計，萬里一身驚。

其八

退食成高卧，微官罪責深。憂時空有淚，濟世豈無心。
烽火現難定，微輸力不任。新聞六詔破，或可罷呻吟。

春燕

飄泊來何處，呢喃如話歸。穿花迷綠影，掠雨弄春輝。
故里巢難定，雕梁願易違。年年愁作客，須汝好相依。

書信

書信西南闊，淹留動隔年。關河開雨雪，楊柳闋風烟。
病骨春誰慰，憂懷老自憐。緘封來不易，把讀淚潸然。

春寒

蜀地春寒有三月，桐子花之語。

三月江天肅，雲陰暖未回。驚風吹竹壁，細雨濕莓苔。
山鳥暮還過，桐花寒始開。他鄉人易感，春色漫相催。

問城西樓春望

且亭詩

五言律

庚

曉日因高望，千峯歷歷開。野雲浮麥壠，春樹辨樓臺。
地接盤龍起，江從巴峽來。客遊堪送目，倚檻獨徘徊。

東齋春夜

虛堂澄夜色，微月下晴欄。爐響松濤急，風鳴竹葉乾。
依違聊玩世，踈懶却從官。隨遇心常足，何須問路難。

益州

自古益州地，誰云風物荒。江橋停估客，山市稅茶商。
火種畬田熟，林開橘園香。杜鵑啼樹樹，萬壑送斜陽。

春愁懷所思

何地堪乘興，憂來不覺寬。
迂疎得罪易，貧病乞身難。
夜雨聞啼鴉，春風倚藥欄。
所思在遠道，渺渺歲時殘。
同御邑諸公暇，日泛舟沿江而上，至北郭野亭留飲。

載酒江城下，維舟暑氣清。
橘牽山向背，岸轉樹陰晴。
照水休痕綠，回風舞袖輕。
歡來禮數絕，何必問將迎。

其二

政閒人自適，亭閣俯江郊。
山氣涼歌席，灘聲靜野庖。
清筵無俗吏，遠宦得貧交。
痛飲真成醉，何勞更解嘲。

五言詩

五言律

至美

午日同王邁人孫黃中齋頭小飲卽席賦

佳節成歡聚，還驚在異鄉。
榴花晴吐焰，蒲葉曉傳觴。
老至添憂患，官閒恕醉狂。
人生知己少，此會可能忘。

集孫黃中齋和王邁人韵

竹影淡籠紗，唧尊畏日斜。
簷垂元亮柳，園種邵平瓜。
笑語脫烏帽，狂吟飛落花。
頻來知不厭，得醉卽爲家。

贈乾南和尚

只向山中卧，兵戈見靜居。
焚香僧課懶，讀律世緣疎。
明月臨方丈，長松蔭佛廬。
西來衣鉢近，稽首問真如。

過後如山房

暫喜離城市，禪居不近名。
樓高山色合，僧定鳥聲清。
飄泊來初地，風塵役此生。
黃昏鐘磬晚，候吏愧相迎。

諸公移席草堂

茅屋新成後，群公載酒來。
座涼山氣入，杯動雨聲催。
薄宦存吾党，天涯老衆才。
自今花徑熟，敢惜數追陪。

晚坐納涼

向夕披襟坐，清齋靜見聞。
蕉聲晴送雨，江氣晚蒸雲。
樹裏明河落，籬間白月紛。
蕭蕭殘暑薄，寂歷欲何云。

五言詩

五言律

至美

秋江晚眺便過草堂寺

極目滄江上，千林秋氣高。
亂雲橫古渡，白露下東臯。
鳥雀禪關靜，山川驛騎勞。
斜陽歸路晚，短髮任蕭騷。

贈石山和尚還蜀養親

振錫歸來日，蕭條見故園。
雲山滿目在，緇素幾人存。
隨俗添僧臘，依親報佛恩。
空江風露冷，持鉢向誰門。

野望

天高一鴈鳴，楓葉墮江清。
曠野客誰到，秋山人獨行。
沙寒凝石籟，林遠度鐘聲。
何事黃昏返，勞勞更入城。

白弁山人來爲談陰太峯近况因寄

聞說中條勝風烟老一丘長吟堪獨傲高卧許誰酬
藥餌閒中晒詩書亂後收自憐塵役倦能不愧滄洲
寄馬崇史

憶別嵩山寺關河隔歲看歸應慙好友貧豈戀微官

錦樹巴江老梅花鐵里寒迷初猶可賦不敢賤漁竿

殷伯巖寄書寧夏自傷老矣勸子早歸買山而

隱感其意愴然有賦

不謂離群久封書塞上來雪霜砂磧合風雨蜀門開

且亭詩

五言律

五

勸我歸當早憐君老欲催卜居鄰巷近安肯負崔嵬

已亥除夕分韻

何事悲留滯行藏不自謀吾生真憤憤客路正悠悠

臘去山浮翠春來江泛鷗良時非敢棄微願在林丘

其二

今夕嗟何夕離憂倍黯然烟霞違故國風雨送殘年

隻影孤燈細滄江雙鬢懸椒盤誰解頌淚落酒盃前

其三

風物他鄉別栖遲久漸諳浮雲猶菊北鼙鼓尚滇南

客柳春還折山花晴可簪年來生計拙寥落任江潭

其四

客心驚歲序高卧一身閒借問來天末何如歸舊山

人看春月曉夢聽子規還漸悔交遊悞微吟且閉關

人口

人日江天遠題詩好寄誰雨聲鳴凍竹春色已媚寒枝

尊酒鄉心切山川客路疑芳時未可負此日益堪悲

庚子上元

去歲當今日誰知客再留心隨佳節亂夢及少年遊

且亭詩

五言律

五

巴俗喧燈社蠻歌雜市樓可憐杯底月重照錦江頭

白衣庵春望

倚杖江橋外祇園對錦屏人臨岩樹坐舟放綠烟停

亂桮封雲碧春城接岫青只應同載酒日日醉郊坰

春晚山遊

輕風山氣暖近郭好登臨草色綠河渚禽聲集澗陰

人家圍竹淺城市聚烟深馬上歸來望蒼蒼橫暮林

得周茂山書

頃子相逢日携遊笑醉歌一年接代北三月渡黃河

別後同吟少書來昔夢多歸期如不負未敢恨蹉跎

得傅聖秋書寄國門集至

大梁南去路遙遘竟難留豈意三年別真成萬里遊
江山新蜀國風雅舊神州遠道來非易鴻書珍重收
得紀伯紫書却寄

悵望故人信春風鴻鴈初經年巴峽客隔歲秣陵書
杖履身應健江湖願豈虛昨來頻送警高卧定何如
和前春燕仍用歸字

話別前年燕依人春又歸只應來舊屨未肯傍華扉
且亭詩 五言律 六

帶雨啣泥小迷烟掠水微風塵天地滿養子莫輕飛
漫興

吏隱容吾懶深居斷送迎支牀成獨卧得句自經行
遠樹分山綠飛花照路明殊方憐物色心跡喜同清

閩城春望

客眼登臨豁山入望蒼江沙連岼草春水上城牆
雲暖玉臺碧風輕閩苑涼依回憑眺久忽覺在他鄉

東程石公

與君俱有意相對且吞鰲虎豹天門險山川蜀道平

年衰資藥果才拙斷逢迎欲共峨嵋隱安禪老此生
贈于念劬

風雨悲行路出依前見君黃河波到海劍閣樹連雲
山水人同往清狂吏共分招尋類命駕尊酒會論文
其二

處處窮途淚休嗟蜀道難身閒從策杖俸薄笑加餐
故國雲山渺巴江花鳥殘風塵知已在何必說彈冠
苦熱

病體朝來劇炎方毒熱新火雲生夏峽赤日照征塵
且亭詩 五言律

消渴壺水渺堆床吏牒頻永懷故里好半醉脫烏巾
喜雨

小雨鳴簷外微涼暑欲消雲低穿井樹風細動花梢
肺病秋來減家山夢後遙何年高臥憊蓑笠伴漁樵
重遊錦屏山

久負青山諾登高發旅情風塵淹逐客憂患迫餘生
明滅江光細蒼苔野寺平涼颼吹更早萬木動秋聲
其二

錦屏色重來不厭看雲霞親杖屨魚鳥識衣冠

古廟殘僧守空亭怪樹磽依何憐薄暮落日滿林巒
嘉陵昭張晦先卽送其之龍安任

詎意經年別相逢此地親寒燈連夜話細雨異鄉身
鬚鬢驚顏改山川嘆吏貧竭求消息渺數問欲沾巾
其二

依依尊酒在客裏故人情落葉深離緒秋蟲助歎歎
天開巴峽遠路入棧雲平莫惜驅車去龍州幾日程
憶魏石生年丈

近得長安信真成行路難會須汝不允同去老巔岼
且亭詩 五言律 全

車馬乾坤窄溷樵天地寬往來楓葉黑愁絕夢中看
早寒

秋盡霜威肅驚風吹早寒山空林影瘦沙淨鴈痕乾
勝地悲身老清時歎歲闌烽烟隨處合珍重報平安
題画

萬峯行不盡客倦欲黃昏古路三叉口斜陽老樹村
風鳴山犬吠澗黑夕鴉翻寂寞成孤坐憑誰具酒尊
立冬

霜陰連日夕勿忘復是冬來砌冷蛩敲小籬虛豆架墮

連寒添舊服竟醉引新醅惆悵年華易山園夢幾回
苦雨

十月山雲合天寒雨不開窗間鳴白鳥屋裏上青苔
衰謝杯羞把閒愁賦懶栽遙山黃葉滿倚檻重徘徊
申鳧盟書來爲我卜居廣平

豈是號微祿余心獨爾知全生謀隱拙多病寄書遲
蜀道頻相念隣居近有期風塵通客久遮莫北山移
贈萬松和尚

萬松和尚蜀之營山人卓錫漢南九年以醫
且亭詩 五言律 全

藥全活者甚衆亂定還川結廬闔城之東持
咒拜佛不講不禪行年七十雙瞳炯炯健步
如飛予樂與之遊而贈之詩

布衲兩眉蒼名山托鉢長然燈朝供佛讀偈夜焚香
不識人間事常懸肘後方結庵依閭水笑問幾滄桑
見山堂秋日雜詠示兒履吉興至遣書遂不次
第焉

誰知已看只錦屏人情隨地異山色與年青
想家何在這歸費早星汝來差足慰深坐戶常扃

其二

忽忽廿年過真看似夢中功名堪自笑心事與誰同
旅鴈驚秋雨離人歎轉蓬天涯父子在未可賦途窮

其三

汝弟相離久遙憐似汝長豈仍呼棗栗曾否解文章
雨後蛩聲急燈前飛葉黃殊方此時節那得不思鄉

其四

馳驅南北路風雨悵離迷可歎淵明子徒慙仲孺妻
詩書時已悞婚嫁願難齊迢遞鄉關隔何當詠去兮

止亭詩

五言律

空

其五

聞買南亭宅圖歸今有家虛堂宜種竹深院好栽花
醉共親知笑閒從兒女譁幾時微願足敢復問京華

其六

三巴雖信美曾得比吾鄉盤鬱江山古荆秦城闕荒
官厨充芋栗藥裹檢檳榔伏枕年年事清秋病不妨

其七

見說蠶叢路堪憐叱馭豪崎嶇吾輩慣流寓昔人勞
山創青城險江啣白帝高秋來形勝在太息首空搔

其八

近事年來異何須痛哭頻黃金看世態白眼笑時人
露湛籬邊菊風清江上蘋此懷安可負長醉倒綸巾

其九

懶慢周旋少風塵歎謫居空懷招隱賦擬著絕交書
歲月雄圖冷關河老夢疎客情秋易感何處是吾廬

其十

汝來驚我老連夜話離愁圖畫應無恙琴書爲好收
一官雙鬢短多病客心秋何事排燈坐相看念滯留

且亭詩

五言律

空

十一

終日說歸去歸來何日真艱難千古道愁病四年人
露重迷鴻影風高冷鈞緡故山空在眼無淚到情親

十二

強忍思鄉淚思鄉淚更頻可知作客好未勝在家貧
兒女燈前戲魚蔬月下陳祗今人萬里辛苦夢難真

十三

驟雨鳴簷瓦轟雷破壁垣不知天意怒方悟此心尊
江亂魚兒落山驚燕子翻一杯成穩卧酒醒已黃昏

十四

綠風上異抱疾一身多藥餌親僮僕山情隔薛蘿
可憐眠食減漸覺旅顏暗秋色運行李其如瘴癘何

十五

西方炎熱地未是早秋天江闊雷聲隱峯高日氣懸
踰此人易老卑濕體難痊薄牒塵埋裏清涼何處邊

十六

數有乞休狀如何竟未成不才甘落後性少逢迎

味斷尊羹美秋寒徭鶴盟那堪霜露夕哀白臥江城

且亭詩

五言律

李

十七

何處山添雨江流夜有聲顏沙連岸闊駭浪與雲平
飄泊誰舟楫浮沉任鴈萍高堂臨急響數使客心驚

十八

萬里魚兒國西南到夜郎蜀裘元異俗蒟醬是蠻鄉
水滙巴渝曲天環邛僂荒從來設險地割據幾人強

十九

云胡爲至樂至樂不如歸白髮羞徇祿青山負採薇
更聞群鷺叫帶雨一螢飛百物知時序吾寧忘舊扉

二十

浙瀝金甌與他鄉催授衣漁樵何地隱松菊幾人歸
高館延秋色平林駐夕暉羈栖身漸老底事未知非

二十一

吹笛月中清征人恨不平有懷看短劍無路請長纓
壁壘秋餘濕江山戰後腥陽關誰唱別凄斷故園情

二十二

錦城十萬戶今日幾家存廢井沉龍氣高臺印虎痕

雲橫沙路合日冷戰場昏鬼哭秋風裏難招新舊魂

且亭詩

五言律

李

二十三

自悔時名累長齋古佛前囊懸貪載酒吏靜勇參禪
圓頂僧裝好方袍儒素偏無生端可悟何必學楊玄

二十四

數載忝方伯旬宣事竟虛流離餘婦子征稅到樵漁
卧病臣心苦違時世故疎秋風吹客鬢旅食愧居諸

二十五

陳戩寧好慢拙也竟稱在以此無知已長懷弋者傷
天機鶴鶴喜秋老蕙蘭荒物態關生事低頭愧稻粱

二十六

番漢再馳界經年雪未消山高橫玉壘崖東駕繩橋
沙塞俗無米石田秋種收古存戎索術金幣漸生驕

二十七

萬山秋氣肅落木畏風嚴簾薦挑笙冷尊開崖蜜甜
刀耕人布種火井戶燒鹽土俗看如此真成吏隱兼

二十八

落日衆山蒼人家住夕陽舟橫渾浦裏客醉酒鐘傍
桐樹巢朱鳳茶園過麝香爲憐風景美不是滯殊方

且亭詩

五言律

六

二十九

不信人嗟老于今老自嗟看山雙脚懶把帙數行斜
過雨吟紅葉經秋醉落花宦遊踪跡久能弗惜年華

三十

蜀江隨峽轉亂石下灘高估客輕危浪長年狎怒濤
千磐過翼疾百丈引舟來往風煙裏何如事桔槔

三十一

諸羌連大夏貢職比王封火浣種爲布鳩形杖是印
夷荒茶種馬僧古鉢藏龍傳望真何意開邊欲首肅

三十二

人傳石紐里從此導江源疏鑿神功太平成帝力尊
千峯開禹穴衆木下夔門响嶮豐碑在摩娑古字昏

三十三

雙息勞生役蕭蕭靜掩扉未知今日是深悔昔年非
月霽蕉心卷牆陰菜甲肥碁聲連夜動誰與寄寒衣

三十四

遺恨桓侯墓當年節制雄靈旗朝捲霧石馬夜嘶風
伏臘香燭滿春秋瞻拜同至今魂魄熱應在永安宮

且亭詩

五言律

六

三十五

秋雨鳴空細踈踈入座聞牆低穿夕靄衣冷撲江雲
紅豆風前摘紫薑霜後分數行寒鴈過似欲念離群

三十六

拙計憑人笑衰容只自憐愁中醒是醉客裏日爲年
水縮魚龍臥沙寒鷗鷺老凋來成棄柳久擬老江邊

三十七

長夜渾無寐蕭條孤枕橫疎窗殘月照空院亂蟲鳴
雲樹遲鄉信煙霞冷宦情散裘經歲薄顛倒怯深更

三十八

長日惟高枕，清秋官署寒。竹風吹几杖，桐葉下欄干。
懶慢催科拙，流亡賦役難。民窮慙厚祿，何以勸加餐。

三十九

轉粟千艘動，輕帆下急流。喧呼舟子怨，欸乃野人愁。
牛馬羞冠帶，熊羆羨斧鉞。願言寄盜賊，爾輩早封侯。

四十

早涼山寺曉，閒徑出層城。錦石清江麗，黃花赤岸明。
雲深流磬響，門閉隱經聲。老宿安禪久，無勞下榻迎。

且亭詩

五言律

七

見山堂遣興

錦屏山色好，况復際秋冬。穿牖白雲亂，隔江紅葉重。
排憂頻索句，遣興屢扶筇。每到夕陽下，星星聞暮鐘。

晤申鳧盟

幾處書相訊，驚看旅病中。乞身時已晚，謀隱志猶同。
道自存吾拙，才難學衆工。田園幸接近，尊酒莫教空。

過蘆溝

可數蘆溝道，年年促客裝。人從岐路老，夢逐故園長。
遠水浮虹影，孤城背夕陽。蕭然行里去，頓覺是他鄉。

涿州署中再用陽字

寥落征塵裏，官亭暫駐裝。纒踈過雨細，樹老引風長。
帝里瞻雙闕，家山指陸陽。勞勞驛吏倦，爭忍說吾鄉。

過范陽有懷鹿太公孫徵君張貢士太公伯順

先生之父及孝廉鍾元貢士于度皆謀救楊

左維護黨難世所號爲范陽三異人者也大

公父沒貢士猶及于其城見之孝廉今隱蘇

門與余善

黨禍誰爲主扶持有數公地當燕趙舊人與顧厨同

且亭詩

五言律

七

感憤傷時厄，悲歌泣道竄。我來成隔代，太息想高風。

其二

太公不可見，于度已千秋。所幸徵君在，典型今尚留。
爲農山澗老，學道石泉幽。幾歲勞書札，遲余訪舊遊。

寓東林寺僧房

古寺城東曲，松風白晝長。前朝留石碣，倦客借僧房。
以下香臺靜，雲來法界涼。憑高凝望久，暮色迥蒼蒼。

其二

小雨炎曦退，松杉落檻陰。疎雲開薄日，遠樹出高林。

蹠案青騰坐科頭散誕吟行藏應早定到此亦何心

其三

散髮竟何事僧窓客坐深風搖槐影亂月吐鳥聲沉
早悟無生理懸知不住心烹茶除夜色清梵出幽林

其四

行色何曾定狂遊道路賒逢僧皆是主到寺卽爲家
踈拙艱生事風塵老歲華那堪愁病裏再去向天涯

其五

避地尋金粟何妨數日留豐碑蹲蟲鼠老樹嘯鴉鵲

且亭詩

五言律

七

讀傳名心滅焚香宿病瘳家園足樂事歸去更奚求

其六

世態豈堪問山川自昔年違時須縱酒埋照且逃禪
客夢鄉關外愁思風雨邊知音久寂寞絕調向誰傳

其七

山寺朝眠懸閉門曙色高爲憐今日懶始悟此身勞
鳥雀喧庭樹莓苔上敝袍安能無一事飽飯髮常搔

途中示弟謙及兒履吉徵吉

夢寐幾相見那知岐路逢客床眠聽雨僧舍午聞鐘

病久形骸老愁多世事慵到家應計日慙愧說行踪

其二

垂死傷天未歸來是再生江山父子淚風雨弟兄情
池草連朝長庭槐昨夜榮登堂悲喜集不用問浮名

其三

離緒話難盡酸辛老淚多敝裘經雨雪疲馬望山河
家報年年隔軍書日日過全生何地好吾意在烟蘿

其四

苦憶少強日家貧學宦遊長懷民社計不作旅人憂

且亭詩

五言律

七

冉冉百年事垂垂兩鬢秋無成耳自棄潦倒笑封侯

楊椒山先生祠

報國身何惜孤忠百鍊鋼性原羞鵲喜膽豈借鰓張
異代存祠廟行人拜諫章通家瞻禮切流涕至今長

題梁揆石年丈眠雲卷

卜築何丘好披圖得隱居風窓疑落水池水欲生魚
欄淺堪栽藥堂偏宜著書肯容相伴老不敢羨華裾

其二

主人能遣世勝地有林塘囊剩修琴價家餘養鶴糧

柳翻雙岸綠荷亂一亭香糝癩百年事何心問稻梁

其三

舊仰人倫鑒如何寄遠村喧卑俗自薄疎懶道常尊
教子開書帙娛親抱瓦盆林泉如有此不異在桃源

其四

一從牽吏役不復到幽林自見眠雲壽常懷出世心
泉間閒洗髮松下自彈琴堪歎風塵客終年愁病侵

且亭詩

五言律

七古

且亭詩

七言律

偶感

獨眺寒城落日曛蒼烟平楚杳難分黃花西送天山
雨恒嶽南來大陸雲自惜一官同泛梗誰憑七尺閭
靈氛年來迸斷家園淚徙倚高空見雁羣

夢遊

高枕長安念帶留場來風雨應關愁已教避地置龍

尾莫漫逢人問虎頭瑤草石壇他日事青燈虛館一
身秋可憐踏斷東華道五嶽奇踪入夢遊

送劉魯一有事謫歸

上書不用歎無車長嘯歸來劍有華塵世如今輕駿
骨斯人豈合老烟霞薊門慘淡春風渺大漠蕭森白
日斜立馬窮途成痛哭憐君何必賦懷沙

贈丁野鶴

十年踪跡混風塵尊酒逢君意氣親天地有情容落
魄江山無恙對高人談心燕市鬚眉古倚棹津門涕

淚顏聚散此生難自料肯教雙劍老龍鱗

惜梅

粉褪梅心帶淚痕支離誰解愛花覓烟沉湘浦香生
夢月暗羅浮影到門畫閣有情愁歲暮綠窗無語怨
黃昏何人一夜吹長笛零落江南雪滿村

寒夜

夜靜霜筵拔刺鳴魚龍寂寞凍無聲夢迴短榻家千
里酒醒高樓月五更壯志當年悲櫪馬敝裘終日困
儒生蕭蕭四壁涼如洗拍枕猶憐一劍橫

且亭詩

七言律

漫興

劍冷書沉獨閉門誰憐貧病似文園看山久負蒼龍
杖卜築真慚白鷺村眼見興亡傷往事耳聞鉦鼓黯
鄉寬便應斗粒垂綸去遮莫臨淵羨大鯤

西湖

我來已值兵殘後勝水佳山倍惘然斷岸牛羊餘落
日畫船簫鼓竟當年陂陀廢寺僧來少宰堦危巖塔
尚懸耐可蘓公堤上望傷心髡柳幾行烟

入閩

烟林葉脫瘴初收二月輕寒氣似秋驛路齊編方竹
棚蠻兒多着木綿裘青山對岸猿移樹細雨驚灘客
泊舟回首可憐鄉土異浮雲不斷是神州

秋行紀興

萬里辭家事越吟不堪秋色亂楓林恨多荆有江淹
賦秦湘曾無陸賈金古道西風吹斷柳碧天清露響
遙砧客程計日渾難定愁絕征鴻淚滿襟

舟行卽事

木亂空林鳥欲栖片帆歸去夕陽西客中御袂知寒
且亭詩

七言律

近船裏看山覺樹低霜老秋風悲羣角魂搖故國怯
征鼙揚舠到處堪留泊一任萍踪落照迷

二

酒冷西風捉佩刀短衣瑟瑟敢言勞秋生天地吟偏
劇老傍江湖氣尚豪閱世有心歌白石懷人無淚點
離騷孤舟日暮誰相問醉脫金魚換濁醪

旅夜書懷

途窮兀兀坐更闌寂寞憑誰慰旅顏霜落長林孤鴈
過月明岐路幾人還攻愁賴有杯中物招隱徒煩夢

裏山無那望鄉秋欲絕微吟聊續不須刪

渙村問渡

落日維舟一問津西風颯颯動秋蘋穿林乳犬知迎客隔水癡兒欲趁人隣婦煮魚供野饌估兒搥鼓賽河神相期買宅同來此明月羊裘伴釣綸

江鄉晚泊

天涯況復是新秋楓葉蘆花並客愁故國有情人北望遠天無際水東流日沉夕鷺迷沙嘴風起歸帆泊渡頭底事壯心蕭索甚幾從射虎覓封侯

且亭詩

七言律

四

其二

江海狂遊劍一棱歸來俠氣未全慙客懷對酒談空壯瘦骨逢秋病轉增照水殘霞明正練隔林疎葦透渙燈嚼壺缺缺愁多少未夜悲歌思不勝

過楊州

廣陵東枕大江流水崩奔非舊遊黃鳥轂中間畫舫綠楊影裏失朱樓烽明隋苑歌鐘吹雨濕蕪城淮莽周異代繁華何處問誰能憑弔不生愁

瓜州守風

芙蓉露冷暗香銷仗劍從遊客路遙落日人歸京口雨孤帆風打廣陵潮大江水闊魚龍會澤國秋深鴈驚驕擊楫祇今誰士雅白頭空自老漁樵

酬魏石生見懷之作

承明簪筆昔同過去住空增感慨多憂國頻年俱涕淚懷人終日但悲歌天高玄菟風偏厲潮冷滹沱水白波極目雲山何處是夜深幽夢到青蘿

贈李緒光

搖落空傷年歲侵憐君不復問升沉書殘那免窮途且亭詩

七言律

五

淚驥老非無萬里心半夜雞聲迴客夢十年風雨罷瑤琴相逢燕市聊呼酒感慨還爲梁甫吟

雪中放朝

衝雪朝回興未枯迷離樹色亂啼烏樓頭火冷燭凝淚馬上吟殘水滿鬚幾處平橋閒策杖有人深夜醉呼盧十年奔走真如夢慚愧乾坤一腐儒

窮歲八首

自笑虛銜託署郎悲歌漫效楚人狂職名已老仍餘好傀儡今登第幾場風震諸陵佳氣黯雪殘沙苑夕

陽黃最憐薄宦金門客
疋馬衝寒鬢欲霜

其二

承乾河畔草蕭蕭
極目蒼茫野色遙
古路平沙無過鴈
長鏡深雪有歸樵
鹽車竟爾羈神駿
金屋何曾貯阿嬌
底是倦還還未得
小山叢桂可能招

其三

驚濤一夜舞山風
朔氣凝烟望欲青
日冷無勞爭向背
鳥飛何敢辨雌雄
嶽嶽寄道路荆榛
外潦倒年華夢寐中
俯仰莫悲身世拙
好將榮瘁付天工

且亭詩

七言律

六

其四

短衣凜冽暮何之
風雪關門正此時
梅老曲躬空有幹
鴉昏遶樹已無枝
直難逢世羞垂釣
局每輸人愧奕碁
却喜年來交漸絕
不驚剝啄負幽期

其五

敝裘相守笑彈冠
薄暮休歌行路難
胥足風烟迷大陸
驚心簫鼓動長安
圍爐乍可因人熱
抱劍還堪伴歲寒
落落壯懷何所寄
狂奴祇有一加餐

其六

斷蓬久矣歎無家
坐對壺觴述物華
醉裏關河渾不定
愁邊雲樹晚相遮
天寒絕塞麒麟病
暮雪深山橡栗除
總是飄零無可慰
傷心落日復悲笳

其七

榮華飄落欲安歸
惆悵當年事已違
無夢非關心共老
有卮聊與淚相揮
崢嶸歲月驚催矢
憔悴形容歎舉肥
自惜一身同暮鳥
夜深孤傍上林飛

其八

了無得失問前因
促戚空餘未老身
綠幻誰分蕉是

且亭詩

七言律

七

鹿官貧真覺桂爲薪
任教白眼聊調世
自許青山好結隣
徙倚不堪冰署冷
攀條咫尺隔陽春

立春

歲月驚心空自傷
春城物色逼年芳
攀枝欲共梅花笑
對酒微聞竹葉香
漢室徒教悲賈誼
清時只合老馮唐
卽妨風俗能相問
漫指雲山認故鄉

其二

夜中星斗暗移杓
海嶽陽回凍欲消
破浪魚龍元並得
時驚燕雀莫虛驕
昏昏暖霧披花檻
曉曉春風媚

柳條一笑流光成棄柳椒盤濁酒漫相邀

辛卯除夕

歌哭無端黯客魂天涯隨俗且盤筵百年憂樂齊今
夕千里風光隔故園濁酒不辭連夜醉敝裘常是到
春溫含毫竟句渾閒事旅夢空驚鼓角喧

壬辰元日

才力憑誰賦帝京繁華過眼不勝情等閒與比前年
減多少愁從此日生燈火遲明開却第歌鐘連夜動
春城自慚老大身何補腸斷椒花頌未成

且亭詩

七言律

八

清明

細柳輕烟布殺鳴天涯對酒客愁生當歡越擊隣人
筑午夢俄驚別院箏走馬春郊競射雉分香燕肆偶
遺傷年來頓覺風流減醉眼看花意每索

立秋送謙弟歸里

離亭日斷葉初飛送子登車賦式微作客幾能兄弟
具望鄉常念鴈鴻稀秋風茅店朝驅馬落日孤城暮
掩扉欲寄愁懷何處託傷心烟柳自依依

其二

攜手斯須岐路傍叮嚀雙淚忽沾裳獨無佳句慚康
樂豈可時名讓季方舊業漫存纔四壁傳書好在只
空牀千秋盛事推年少莫遣霜華逐鬢蒼

寄懷殷伯巖

策杖同聽山寺鐘幾年相憶未芙蓉歸田真見陶元
亮入洛虛傳陸士龍薄命一官仍短褐狂遊五嶽有
孤筇廣羊石室依然在他日芒鞋許再逢

寄崔興我

秋風車馬日蕭蕭感慨當年涕淚遥燕寺春花同載
且亭詩

七言律

九

酒卅江明月對吹簫微官猶在休辭妒遷客何勞更
交驛無那狂歌思轉劇暮雲哀鴈不堪招

酒狂

何事悲秋重日傷結交無復少年場哀筵夜動千門
月獵騎寒嘶紫陌霜客倦空留囊劍熱官閒故放酒
人狂羈愁一夕渾無賴旅夢平飛越帝鄉

鬪毛西音

勝遊無復賦長楊南北風烟客異鄉結社幾年同躍
馬傷心岐路已三竿吹簫詎識蘆中意擊筑難忘酒

狂薄宦一飽堪寄飯相逢何必涕沾裳

卽席贈丁野鶴

把酒相看笑敝袍悲歌起舞客能豪論心不惜酬雙
壁快意何妨脫寶刀落日黃雲沙塞冷霜天秋色太
行高飄零京國還詞賦遽莫尊前款一毛

宮紫玄倦遊賦歸一時同人罷行贈別者篇章

甚富予與紫玄交誼不淺成詩二首

相逢不惜勸加餐珍重河橋舊會難昔去風雲成想
像重來江海已波瀾短衣對酒休辭醉長鋏依人自

且亭詩

七言律

十

可彈感慨如君猶未遇漫因秋色憶張翰

其二

慷慨愁聽扣角歌歸歎客子意如何書沉南國風霜
異賦到西京涕淚多落日昏鴉迷上苑清秋正馬渡
渾河壯懷激烈天難問未許斯人老薜蘿

題宮紫玄春雨草堂

東掖傳經計已疎歸來爲築浣花居蒼山移石供支
杖春樹分陰照讀書竹外尋僧招野艇雨中留客摘
園蔬荷衣未製吾將老乘興何年共結廬

漫題

寂寂雙扉晝不開每臨書卷一開顏才疎未便文章
恨性癖偏宜禮數閑華髮初生慚北里名心漸冷夢
西山長吟漫訝交遊絕抱膝猶堪自往還

東魏石生環溪酌給諫

陸離瓊佩切雲冠抗疏中朝見二難剩有血心堆面
熱獨留霜劍照秋寒昌言未許恣譴詠痛哭誰憐策
治安受諫只今勞聖主肯令憔悴笑魚竿

遊天寧寺值雪望西山皆在霧中

且亭詩

七言律

十一

野寺幽尋計不疎生烟漠漠漲林墟衫細撲梅花
亂羸馬平吟帽影虛路凍雲迷歸鴈浦禪枯雪蓋老
僧廬徘徊故送登臨日無數蒼山隱望餘

送丁野鶴

掛來尊酒總忘形風雨無端歎渺冥漫說長楊能作
賦誰憐馬肆好談經感時有客頭雙白惜別何人眼
再青此去離思那可道天涯回首隔烟局

寄山中道士

白鹿仙人久住山疎松涼月敞幽關空潭故放神龍

護霜時聽古鶴還煮石何年成大藥餐芝百歲見
朱顏相携好伴青崖去掃地焚香一老孱

送李何巷兵備楊州

笙歌十里古楊州綠眼看君擁上游閭閻幾年千氣
象東南從此罷誅求錦帆春泛雷塘暖畫戟朝開甍
社秋老我騎頭簪筆客暫因詞賦慰淹留

贈張湛虛先生

匡扶志業已成虛三徑歸來賦遂初令子才名華蓋
近老臣心事馬蹄踈龍潛潭水噓寒浪鶴卧西山夢
且亭詩 七言律 十二

敝廬聞道朱顏春正好布袍石室注丹書

寄丁野鶴

夢老燕關鶴未還空餘勝地憶當年草堂得句常携
手蕭寺看花數拍肩家累久虛浮海約官貧難寄買
山錢空問命駕人千里不借王猷半夜船

附病

雲愁海立泣高曼畏路茫茫幾問津大壑偏能藏虎
豹清時巧欲植麒麟突生養孽渾難刈欲採椒蘭不
可紉平游天門無勅使將因臥病寄靈均

過廢寺

何年紺殿引金繩此日經過百感增方丈有僧留密
伺香厨無路蔓枯藤碑荒尚識中涓字梵冷空懸古
佛燈偶坐頓疑身世幻難將興廢問三乘

啓折

啓折那堪與世同任教生計付秋蓬學書自笑身何
補廢瑟非緣調不工遠夢乍離塵海外奇遊多在大
江東一官坐惜閒亭老搔首長天渺去鴻

過阜城舊飲處

且亭詩

七言律

十三

空聞雲外鴈嚴呼不見當時舊酒壚徙倚長堤愁黯
淡低回故徑認模糊人行秋寺心先折客散高陽夢
易通歸去不禁風露冷遙林暝色亂啼烏

秋懷

夢覺秋聲墮碧空宦遊蕭瑟只途窮臥疴畧比文園
拙作賦難同宋玉工渺爾河山芳檻外逶迤城闕夕
陽中閒愁愛詠西風老坐惜霜華滿桂叢

其二

流滯何心歌採芝疎風吹鬢影絲絲向從亂後偏多

感每到秋來倍有思
久客未須輕薄祿
無才焉敢怨
良時身疑暮鳥歸
林晚猶息強因借一枝

其三

年華荏苒歎居諸
半落才名三十餘
乘興閒吟高士傳
多愁懶寄故人書
當惜寒藥催顏換
半景殘陽照髮疎
一望滄江徒極目
秋風能不憶鱸魚

其四

癖性年來萬事慵
甘將拙落寄行踪
羞囊愧買新豐酒
瘦馬愁聽長樂鐘
遠道不堪懷橘柚
荒亭無那老且亭詩
七言律
四

芙蓉交疎久已違
人訪蓬蹤何妨恕不恭

其五

黯淡其如物色何
孤情耿耿暮寒多
傷時漫扣鐵如意
覓酒難尋金叵羅
嗟涼颺鬢喧太液
迎霜松桂滿山阿
空悲行路心常苦
回首風塵一放歌

其六

浙澁寒飈動客帷
無家何處賦來歸
壯遊京洛同人少
老閱衣冠故劍非
遠浦沙明渙正晚
孤城露冷獵初稀
埋名欲向青岩隱
破笠長簑伴采薇

其七

懷書垂老耻爲儒
裘馬蕭騷意興孤
猶憶黃金輕說劍
轉憐白首欲呼盧
吳門何地容窮士
燕市誰人識酒徒
獨羨元龍長自傲
暮年豪氣滿江湖

其八

伏枕心驚大火流
百年身世若爲酬
客當岐路無青眼
人臥秋齋易白頭
燮尾終難焦後響
畫眉敢向妒時修
逍遙自信貧非病
常笑馮驩跨蒯緱

其九

且亭詩

七言律

五

幽燕形勝自籠盤
萬古金湯望裏看
地濶渙陽趨碣石
河流紫塞帶長安
寒花細草宮雲冷
鐵馬雕戈暮雨殘
聖代卽今多向化
太平莫更說泥丸

其十

嶺外驚傳羽檄紛
樓船橫海接氤氳
烽明獠洞摧銅柱
竹冷蒼梧泣舜墳
大將雄名仍走敵
書生羸馬可從軍
憑誰寄語南征使
珍重他年麟閣勳

其十一

匝地風烟烏亂號
客心如醉夢魂勞
星沉紫極浮雲

暗日陷崑崙太白高匪兇何人迷曠野爲魚是處漲
波濤側身底事憂頻劇自歎無端已二毛

其十二

長安風物日淒淒沙樹連天望欲迷塞女朝乘金絡
馬市兒曉唱白銅鞮幾時南國寬輪輓何日中原靜
鼓鼙壯志久隨流水盡不須起舞憐鳴雞

其十三

小城北郭卽閒園東槿栽籬依水痕野客時來看竹
樹兒童但解散雞豚雨餘拄杖疏泉脉晴後科頭具
且亭詩 七言律

酒尊當日身經曾不省如今始信有煩喧

其十四

崩男邢西衆壑連誅茅猶記倚山巔何知晉魏疑無
世未老鴻濛別有天千澗遙從雲外落萬峯長共室
中懸可憐數子追隨地不見於今已十年 一時同志者有申鳧

盟股伯
巖兄弟

其十五

申子吟詩眼欲白殷生解緩氣多狂疲驢相訪誠佳
事皂帽耜耕亦可傷月暗征魂楓樹黑雲迷西岫柘

林黃此生大半不得意就爾結廬洛水傍

二先生詩 有序

二先生者當世所號爲正人君子余不佞常
得就而問業謬蒙國士之知今皆已矣杖屨
渺然典型如在追念疇昔不禁心愴雪涕裁
詩用抒太山梁木之感云爾

張日葵先生

故國飄零寄一身短衣憔悴任風塵千秋弔古懷英
武九日悲歌泣老臣 先生避地高邑九日携余登千
秋臺有期來燕趙悲歌地共作
且亭詩 七言律

流離哭草土何人爭覲闕清時有詔但垂綸 時以先
國人句草土何人爭覲闕清時有詔但垂綸生爲大
聖卿催赴者數應知同調憐忠毅卽上年年雨頻
四竟疏辭以免應知同調憐忠毅卽上年年雨頻
先生勿受知于趙忠毅公言及輒爲垂涕

孫二如先生

宦况年來付病魔傷心知己已無多臨觴獨下西州

淚擊筑難聞北地歌詩老烽烟迷巨麓 甲申避亂廣
阿從先生賦

夢殘風雨失汶河祗今搖落誰相問烏雀柴門夜

夜過

送單拙菴疏告歸省

雲屯車騎隘明光慷慨陳書歸興長我日緇衣吟病
馬君今白眼笑亡羊翟冠奉母觴初綠華月留賓菊
正黃暇日松窓定憶否詩成好處一相將

其二

論交海內如君幾歸去方知良晤艱斜日鐘沉雙鳳
闌秋風夢滿二勞山生憎燕筑能添恨未信吳歛解
破顏獨對籬花成悵望相思終夜白雲閒

秋日送人

水白沙青柿葉紅蕭蕭行李任西風人經慘淡心逾
且亭詩
七言律
大

壯詩到艱虞句更工松菊猶存堪共隱頭顱依舊敢
辭窮臨岐漫賦無家別愁絕音書仗塞鴻

九日申兒盟小集啟齋

又是重陽客裏催故人相對一銜杯門無剥啄科頭
穩坐有心知醉眼開幾處笙歌迷甲第連宵風雨暗
金臺虛陪侍草知何補愧爾登高作賦才

送黃恭庭告歸

浮名垂老幾能寬青鬢憐君早掛冠歸去朝廷公望
重珍來巖谷客心寒懼歌漫唱江南樂雨雪應悲蜀

道難萬里題詩須見憶可無清夢繞長安

古意

宵靜閒窗白露溥綺羅香燼覺衣單
寒心欲斷金徽冷妖夢平飛玉塞寒
幾處歌聲宣系月無端清淚濕雕欄
絨情總爲征人結錦字挑成不忍看

其二

霜覆桐音團扇秋鏡臺慵試玉搔頭
想當痴絕移啼樹人正愁時鴈過樓
斑竹何心悲帝子星橋無路問牽牛
遠書珍重憑誰達腸斷關河淚未收

且亭詩

七言律

十九

夕日

坐對寒山夕日沉蕭條景物助悲吟
草枯沙塞嘶邊馬風急高空歸暮禽
恤緯徒懸娶婦淚封書獨繫遠人心
不堪倚杖頻搔首似悔年來未解簪

再送申兒盟

雪草離離淨遠空飄零何事嘆砂蓬
詩名偶爾傳燕微行李無端聞朔風
人望白雲家漸近馬嘶殘照路爲通
思君漫擬窮愁賦雙眼悲歌處處同

冬夜獨步忽有魏二石生之憶

空階獨立近黃昏夜氣蒼涼靜客魂不耐蕭蕭風送
竹可憐皎皎月當門冥心忽覺霜鐘落倚樹頻驚凍
雀翻偶憶西街魏給事孤懷寂歷與誰言

次喬文衣上元集春雪齋韻

佳節輕寒雪作花圍爐小閣憑燈紗客懷易感難成
醉老友相看卽是家但遣金門閒白日何須絕域問
丹砂可憐此夜笙歌劇握手同驚兩鬢華

送喬文衣之任萊州兼訊王玄芝諸年丈

楊柳風吹遊子顏東萊馬首隔燕關一生宦跡多瀕
且亭詩 七言律 二十

海到處奚囊不厭山春老鶯花誰共醉夢迴島嶼幾
時還故人倘憶長安客爲報踈狂鬢已斑

春日送胡彥遠歸武林

孤踪幾處雁烽煙越水燕山亦偶然問世誰酬招隱
賦逢人漫擬感懷篇彥遠有前
後感懷詩紳心路逼黃梅雨客

劍風翻麥浪天乘興西湖何日事相思真買渡江船

散園春晚

暉暉初日照籬根早見春光動散園靜念榮枯隨草
木問齊得喪付朝昏一編入手常懷古萬壑當窗獨

閉門咫尺桃花渾不識人間浪說武陵源

送申觀仲歸里

離堂酌酒客懷清小陸雄談似大兄老拙慙予官興
頗飛騰看爾壯心輕晨裝曉濕孤村雨一路春催故
鄉好把奇文勤寄賞秋風莫負鴈來聲

奉

上命書恭紀

五雲曉色煥龍章玉殿春陰翰墨芳豈有書傳王大
令深慙恩遇米襄陽蔗漿御饌來天府獸錦宮袍出
且亭詩 七言律 三

尚方莫謂詞臣徒獻頌期將魚藻荅 君王

清明同石生環極右君郊遊飲天寧寺

夾岸垂楊綠覆堤偶從勝日一攀躋軒車官道風煙
亂春水人家草樹齊燒滿平原帝古墓觴開金界敞
招提良時好友誰能負痛飲須拚醉似泥

擬送魏環溪年丈疏告歸省

侍草鸞臺接禁廬手持黃紙拜親初十年忍隔慈闈
夢雙袖空存痛哭書碣石春寒難見雁飛孤水冷幾
生魚板輿好待明光詔莫遣清時獻納疎

春懷

丘壑空煩憶隱淪，春來閉戶已經旬。
雨窗聽賣櫻桃熟，木榻閒憐燕子馴。
人近五雲容卧病，思歸八口敢言貧。
勞勞車馬知何客，暫得能附要津。

五月五日

歲當甲午逢中夏，惆悵芳時寡晏遊。
艸偶隨童子戲，泛蒲難罄僕夫愁。
漫教競渡誇南國，時聞江上有警未可傳觴羨列侯。
桂楫蘭橈聞已具，好看簫鼓漾中流。

舍弟至話故山

五言詩

七言律

三

纔說家園雙淚霏，淹留深悔宦遊非。
龍沙古戍人將老，秋水閒庭夢未歸。
岐路烽烟常不定，異鄉兄弟暫相依。
何時得果垂綸願，霜滿蘆花坐釣磯。

送宮紫立

霜吹涼月隱悲筇，淚落窮途感歲華。
趨走頻年懷抱懶，行歌終夜夢魂賒。
孤蓬野墅人停棹，細雨秋風客到家。
應羨草堂多勝事，旋開新釀醉黃花。

贈顧偉南

幾年上策老儒生，失路猶憐似步兵。
短劍闌珊辭故

國，疲驢蹶躡過燕城。
時無狗監休存賦，世少龍門莫問名。
况是秋風搖落後，漫將心事逐流萍。

送黃心甫

寒促歸人霜鬢侵，敝裘誰寄食魚心。
時多感慨存燕筑，客少逢迎入越吟。
城闕路迷蝦菜渺，江湖秋老雁萍沉。
倦遊不用重回首，寂寞高臺動晚砧。

寄隴右宋王叔兵備

木落長安憶解攜，床頭劍冷罷聞鷄。
風塵淹客燕山北，雨雪懷人隴樹西。
積裏笳聲殷地發，回中燒色向

五言詩

七言律

三

天低知君不淺登，臨興落日詩成幾處題。

初冬

朔吹一夜動寒林，重覺年華感客心。
裘敝那堪酬薄醉，戶扃幸不廢閒吟。
蘆溝沙勢浮霜白，燕寺鐘聲帶月沉。
十載行藏渾似夢，多愁早已鬢毛侵。

其二

廿年心事竟何庸，物色蕭條已上冬。
不遠白雲迷故國，漸多青鏡覽衰容。
經心頗苦征鴻切，入口應憐市酒濃。
位竊清時慙報答，難將疎拙效夔龍。

酬魏環溪年丈送黃鼠兼索近詩

磊塊胸中豈易降多君清興寄吳江何來異味驚山
嵐忽漫間愁付酒釭將毋有心遲共隱補天無力許
誰扛獨憐詩句蕭條甚末日科頭坐北窗

卜築

一官蕭散會投閒卜築何妨近市闌病裏關門開古
帙塵中驢馬見西山驚傳鄉信風濤惡愁聽軍鼓道
路艱况值年光催雨雪猿啼鶴怨幾時還

晚眺感懷

且亭詩

七言律

三

夕日微微下遠空倚欄矯首送歸鴻繪圖幾灑流民
淚沉壁誰酬瓠子功東省羽書防躍馬南天戈戟漲
飛鏢清時處處烽煙滿感慨何人歌大風

寄西山殷伯巖申憲

綈塵不見鹿皮冠歲暮相思雨雪殘羸馬衝沙吾獨
笑熬牀索句爾同看官貧漸喜經營少老至真慚去
住難莫便移文稱謝客如今大隱是長安

題画

夕林一帶枕山岡連屋編茅樹隱牆稚子綠溪收棹

歸人隔嶺下牛羊行行似覺仙源近去去空留鶴
長安得置身巖壑裏科頭高臥到羲皇

至日張未舒招飲

歲事關珊雨雪涼憐君至日爲開觴一年又見飛灰
動雙鬢空慙弱線長自有新詩堪送老誰能沉醉不
思鄉天涯知己應相戀深坐無嫌笑語狂

消息

故鄉門巷隔煙蘿消息新傳未可過小市人荒依舊
樹空村屋廢見鼃鼃荆藁滿地衣冠少烽火連城寇
且亭詩

七言律

五

盜多冷落園林兄弟遠遙遙歸夢近如何

龔芝麓都憲初度

折檻當年舊有嚴今來驪馬領諸英中朝月旦歸吾
黨一代龍門望老成青眼看山詩力健朱樓結客酒
杯清須知臣壽能榮國佳氣常浮漢闕明

守歲

遲日人殷接市廛殘年風物轉悽然鄉音未改終思
趙白髮新添尚滯燕何處紅樓爭卜夜誰家錦瑟正
當筵疎慵只可關門坐裘馬羞驅俠少前

初春戴巖竿招同龔芝麓魏石生李坦園鄧孝

威齋中讌集

相邀恰是早梅天寶瑟銀罍照綺筵客聚燕山多感慨歌翻子夜倍流連眼前人物誰堪數我輩風流尚可傳沉醉莫辭星斗曙張燈還賦漢京篇

魏石生年丈新起書屋携喬文永晚過納涼

聞君築室報新成相訪無煩禮數迎脫帽狂呼星欲曙携琴密坐月初生剥來鮭菜諳卿味行傍花欄隔世情稍待西風消息近何辭百罰倒深觥

且亭詩

七言律

三

七夕立秋雨

雲影垂垂濕鵲橋爲憐秋信到芭蕉人間詎識星杓轉天上虛看牛女遙銀漢千年常作浪簷流一夜欲迴潮空教瓜果煩閨乞巧無緣怨此宵

送孔心一按吳

繡衣初試惠文冠驄馬如雲一路看勝覽姑蘇吳岫迥平臨北固大江寒閭閻漫苦征求切父老驚傳法令寬南顧敢忘勞聖主天門咫尺是長安

送張晦先按粵

秋風迢遞五羊城慷慨何辭萬里行躍馬頻年烽燧

驚揚舲此日海塵清島閭蟹戶迎征蓋嶺外梅花促使旌極目天涯鴻雁少蠻烟瘴雨足離情

秋夜感述

秋生雙闕動悲笳寂寞閒亭夜不譁明月夢回千里雁寒燈霜照一籬花才疎未許投時好客久何堪領物華十載金門渾欲老自傷留滯已無家

投老

名場歷盡夢猶酣投老其如七不堪斜雨斜風淹勸且亭詩

七言律

三

北好山好水憶江南飢驅元亮荒三徑病苦維摩寄一龕誰道陸沉金馬穩疎慵只合早抽簪

山情

繁華過眼已成虛黃葉飛飛蓋敝廬老味山情孤杖冷烽連家報一秋疎吾徒大半歸風雅微分何勞薦襟裾况是頻年受水旱滿天鴻鴈欲馬如

兵氣

寒空急景下荒臺白露凄凄塞笛哀木落桑乾秋水澗鳥啼獨鹿野雲堆柴門盡日無車馬藥裹經年慚

酒杯聞道故鄉兵氣盛不禁風雨首重回

生日

何能逐逐混塵喧一榻蕭條靜掩門
冠友百年催老大弟兄千里隔寒暄
行吟愁近黃花節伏枕慵開竹葉樽
祿食驚心虛歲月加餐隨地托君恩

其二

三旬過六記今年寥落重悲鴻
鴈天似使迂疎容嘯傲敢將身世怨
迢迢堦前秋月憐同縈籬外霜華笑
獨妍坐對壺觴成悵望故園松菊淚痕邊

且亭詩

七言律

二六

送劉淇瞻之任臨清

慷慨登車不可停北風吹雪晝冥冥
天涯謫宦頭堪白畏路逢人眼倦青
衡水畝冰勞輪輓邊城讞獄愧明刑
慇懃徒有臨岐約握手何年得聚星

送周伯衡之任池太

同時分轡出長安淚落征衣不忍看
客路何人爲載酒風霜勸爾一加餐
山開全晉魚書渺地入三吳雁影寒
京洛故人知憶否相思且莫話彈冠

不寐

輾轉中宵客計忙訟庭寂寞怨年芳
五更迴夢拆聲咽千里望鄉關路長
賊在平反常自念習於筆墨許誰狂
無端忽下憂時淚滿眼江湖不易藏

登太原城樓

樓臺面面駕長空落日平臨雉堞雄
檻外群山連大陸簾間一水下河東
驚沙自振飛狐口蔓草空縈帝子宮
聞道昔時多戰伐西來烽火徹雲中

春日過廢園

誰家亭子草離離春日經行路欲疑
古洞晝陰山鬼且亭詩

七言律

五

蕭寒塘湖落老龍移摩崖細認前朝碣
技淚強吟石壁詩蕭索不堪橋上望
夕陽無盡使人悲

飲酒示周茂山

老大真慚春色明漫呼濁酒待君傾
青衫是處堪揮涕烏帽何人更論兵
風起戍樓羌笛隱雪殘沙磧塞雲平
鳴弓擐甲尋常事却悔詩書誤此生

春半

九十春光已半過他鄉景物感蹉跎
沾衣稍見堦泥潤倚樹初聽鳥語和
遮莫閒心憐少壯空餘幽興寄

離多情傲吏風流甚訟牒昏昏奈爾何

卽事

西風蕭瑟促流光愁病何堪滯晉陽抱牘可容高吏
臥吟詩真減老夫狂鴈聲墮地綠遶郡秋色連天下
太行誰識年來爲客苦自憐無夢到家鄉

槐雨堂獨坐

庭槐落葉已闌珊有客悲歌行路難薄宦幾年隨蝶
夢殘生何地逐漁竿邊城鼓角催秋老官舍風霜欺
被單世事只今堪痛哭羞將雙眼向人看

且亭詩

七言律

三十

寄魏石生

朔雪驚飛鴈羽分關山阻絕悵離群一年魂夢依稀燕
月千里風煙隔晉雲但有憂勞工判牒誰從樽酒解
論文迢迢又是南征路回首金臺日已曛

送王孝源之任江右

同門同館復同庚與子相看卽弟兄此日天涯人忽
別十年宦跡夢初驚馬嘶梁苑春風暮舟過潯陽江
水平莫遣音書常寂寞悲歌兩地易沾纓

午夢

宦遊如寄閱年光晝日輕扣午夢長白鬢漫勞傷往
事青春何用到他鄉雲烟遙識山容淡僕馬行披柳
色黃却笑馳驅難自主可能歸去臥滄浪

贈別戴楓仲

漫將懷抱向風塵海內心知更幾人遷官經年余獨
且亭詩

七言律

三十

苦論交近日爾偏親樽餘濁酒顏還壯篋有青山吏
不貧揮手何須頻悵望好從消息問深春

渡河

落日旌旗照大河平沙渺渺水潑波烽殘古戍遺黎
少麥秀空畦野雉多數道軍書傳躍馬中原猛士待
橫戈臨流擊楫傷徒濟隻影慚看鬢已皤

過汴

斜日荒荒南雁飛蕭條城郭昔遊井雪殘梁苑誰同
賦雲散繁臺客不歸是處聞聞悲灌莽百年人物憶

音徽徘徊何事多懷感伏劍登臨歎落暉

郊行

愁裏誰知春可憐晴郊已見陌浮烟林鶯似喚征人
夢柳如催羈客鞭總使紅塵銷壯骨空教青鬢感
流年故鄉北望歸何處老淚臨風獨泫然

漫興

一身何處問行藏况對芳時滯異鄉世亂猶容元亮
隱途窮未許嗣宗狂天涯恨別逢花落節序驚心見
燕翔底事儒冠成約束多憂早已鬢毛蒼

且亭詩

七言律

三

雨後散懷

雨後園池散曉晴微風步履覺身輕迂踈轉切山靈
約老大非無魏闕情同學故人遲問訊上林諸子舊
締盟花香草色年年事常恐蹉跎負此生

有事汴城途中作

草木萎黃隴麥枯空村吹冷晝啼烏徵兵頻見軍符
下催賦如聞怒吏呼破壁殘僧依廢寺荒阡野犢散
平蕪踟躕徒切憂時策涕淚何人爲繪圖

述懷

漢洛無家托一官低回心事向人難違時自覺逢迎

累玩世誰將禮數寬裘馬盛年競意氣龍鍾老態任
衰殘每聞聖代容閒放願乞江湖把釣竿

贈江桂庵

翠壑丹丘自在身脩脩杖屨出風塵已甘閉戶違時
好尚有高吟動世人故園黍蕪空涕淚新亭憑弔水
傷神不嫌軒蓋驚簑笠乘興頻來伴隱淪

秋日過鄭州讀周元亮壁上詩有懷

燕山送別賦河梁執手相看淚數行一劍君衡黎嶺

且亭詩

七言律

三

雨雙旌我踏雁門霜心經迷路風濤惡魂托楓林關
塞長官舍挑燈尋舊句不禁清露濕衣裳

共城晤孫鍾元先生

天涯流寓一身輕混跡何妨逐衆行家近椒山瞻氣
節人高北海識宗盟臺空不見蘇門嘯世變惟餘泉
水清碌碌馳驅常自笑緇塵今喜拜先生

秋雨再渡黃河

河流東望接微茫飛蓋重過天正霜細雨虛洲人待
渡西風短棹客驚柳野禽掠水衝烟白秋草垂花夾

片黃歷盡波濤還此地瀟瀟疎柳濕行裝

提調豫閣志感

蘇門雲樹動弓旌夾道旗幟萬姓迎寤寐只今勞
聖主文章誰許繼西京清秋鼓角山頭發午夜星躔
桂魄明何幸菲才陪盛典須知多士待持衡

得周元亮書却寄

搔落江湖鴻雁疎聞天消息近何如殊方不隔秋原
夢萬里驚開嶺外書慷慨誰人同患難兵戈滿地歎
居諸曾聞白下堪謀隱忍死還來共結廬

且亭詩

七言律

三五

贈馬某史

短髮蕭蕭對夕照誰憐貧病臥松雲看山自拄青藤
杖嗜酒常披白練裙身外浮名堪嘯傲眼前世事任
紛紛飄零我亦無家客待爾同遊麋鹿群

次趙錦帆汴上相逢韻時余有四川之命

天涯放逐泣孤臣相見重嗟京洛塵蜀道雲山飛鳥
上梁園詞賦大河濱吾徒底是逢時拙良會何堪悵
別頻回首風烟關塞遠江湖滿地待垂綸

贈藏若

青衫皂帽髮全皤故國飄零事若何風雨江聲悲鐵
甕夕陽城闕感銅駝行經野寺題詩徧看盡名山頭
屐多樽酒莫傷相見晚天涯懷古正酣歌

雪中有以梅酒見遺者遂同藏若某史夜坐命
酌因及玄墓梅花之盛欣然欲往

竹樹瀟瀟話夜闌官厨送酒暫爲歡忽驚鴻雁樽前
過徧喜梅花雪裏看入徑雲深雙屐響客窓香燼一
燈殘何時玄墓從遊去醉掖山僧倚石欄

次藏若韻

且亭詩

七言律

三五

寒天飛雪急征鴻感慨何須泣路窮客號狂歌方入
社人高白眼許瞻嵩幾年敝篋留神劍百尺龍門見
古桐落落相逢容易別風流誰復繼江東

春曉東故山諸友

曉起欣聞帝鳥殷關心酒甕與茶鐺兩年抱牘頭空
白此日閒眠夢亦清投効難忘良友約著書敢負故
山盟獨憐嵩舉催遊騎秋老囊詩次第評

旅興

雲陰覆綠麥畦青細草輕烟護遠汀雨濕孤村春水

清風吹驛路野花醒他鄉空見山如畫遊子真看跡
似萍極目盡叢何日到杜鵑啼老不堪聽

贈何仲端

烏帝風露滿空林有客行遊正楚吟手註離騷頻命
酒懷餘山水獨鳴琴扁舟未了江湖夢匹馬難忘關
塞心蔡仗幅巾仙骨迴丹砂何必問黃金

少林寺留別諸友人

祇林鐘鼓動歌騷蜀道連雲萬里西悔對名山辭勝
友愁看落月感鳴鷄關河鴻鴈音常渺風雨盤叢夢
且亭詩 七言律 三

不迷珍重故人頻載酒他年同許問闍黎

曉渡紅龍澗

瞰瞰初日渡紅龍山寺風傳煙外鐘巖壑委夷環一
水河流曲折抱千峯危橋立馬雲生袖還客登高嶽
起胸回首馳驅難自問年來何事不從容

過潼關贈湯荆峴

相逢且莫嘆風塵青眼天涯對故人遷宦於今元我
輩名藩自古本詞臣廻看直北浮雲迥西望關門紫
氣新卸曲經年誰與和因君更欲奏陽春

潼關

飛樓千尺破重垣列柵連營勢尚存但使將軍高壁
壘豈令戎馬冠關門城連華岳嵐烟合郭遠黃河漢
戍昏慚愧從來稱設險哀笳羌笛滿中原

過驪山觀湯泉

繡嶺春迴雲樹陰六龍想像翠華臨朝元閣啓翠恩
曉賜浴池開警蹕深誰使笳聲鳴朔漢何來烽火照
高林遊人任意當年事山色泉聲自古今

西安懷古

且亭詩

七言律

草色淒淒滿漢宮山川憑眺杳難同金莖朝渴仙盤
露錦纜春收盡鷁風古道重來迷渭水行人何處識
新豐驚心城闕蕭條暮落日寒烟恨不窮

其二

亂後西京賦可傷經行空復歎興亡春深鴈塔餘芳
草露冷龍池自夕陽即第樓臺賓客散五陵寂寂樹羽
林荒不堪柳色灞橋路風雨年年綰別腸

秋興

秋來爲客感年華細雨高天萬里餘時際民艱慙作

吏身當旅病苦思家閬州漫說城南好蜀道驚看嶺
北邊况是羽書頻送督烽烟滿地動悲笳

過草堂贈離指上人

禪宮背郭隱精廬離落蕭蕭象木疎窓裏白雲開士
臥門前黃樹老僧居愛聽梵唄朝遊寺悔看儒冠夜
讀書細雨一簾清磬響蒲團趺坐証如如

問園

寂寞何須嘆一官閒園清課足盤桓花前催樹籠鷄
棚雨裏看修闢鵬欄倚杖自鋤稀菜甲臨風還裹舊
巾亭詩 七言律 三

儒冠人間不識藏名好滿眼悠悠行路難

秋晚

秋盡他鄉見物華空齋寂歷野雲遮紅催雨後籬花
艷翠滴風前徑竹斜不厭青山常入戶多慙良友未
還家來鴻去燕無消息望斷江天萬里槎

秋興

蕉窗細竹敞朝暉吏事無多獨掩扉薄宦經時惟卧
病孤臣九月未成衣天當絕域相逢少座對名山不
醉非刊處干戈悲轉戰桃源何地好圖歸

其二

幽徑蒼苔木漸凋笋鞋棕帽任逍遙每憐秋色晚除
架爲愛雨聲多種焦旅食不須彈匣劍遠遊誰許伴
山樵閒居招隱知何日自古丘園托治朝

其三

他鄉風雨草萋萋老眼何堪逐望低秋院樹深鳴鶴
叫江坡花落竹鷄啼巴人推稅輸塩井蠻戶燒畬穫
稻畦我在旬宣無寸補空憐涕淚到殘黎

其四

布帳輕寒吹夢驚無營終夜覺心清風搖四壁蛩蟻
舞月落三更鵲鳴鳴幾處木魚聞梵咒孤城益角起
邊聲閒情何事愁難寐秋老思鄉一淚橫

其五

遠宦由來未是貧俸錢聊可養閒身樽斟醅酒濃于
酪盤膾江魚色似銀白髮漸多纔閱世朱顏難再不
逢辰迂跡自合山中老敢向金門附鳳麟

其六

沈淖天氣慰愁顏身世榮枯總不關籬外黃花垂白

露江頭紅樹隱青山庭陰連砌鳥時下秋色滿園人
自閒况是盈樽新釀熟臨風賒取未須慳

其七

晉豫纔歸又蜀遊天涯寥落舊貂裘微官動作經年
別細雨涼生十月秋自是狂夫難入俗敢云薄相不
封侯霜清水凋蘆花老所謂伊人在遠洲

其八

宦情瀟灑學爲僧竹杖方袍一惠能掃榻頻添爐內
火看經時禮佛前燈緣深始悔身多累山在空愁病

止亭詩

七言律

聖

來登近識草堂天竺客許將慧力破愚瞢

夜吟

形影蕭蕭重自傷此生何處問行藏三年作吏愁成
歲一夜還家夢是鄉霜落寒鴉鳴晚樹燈殘飢鼠跳
空梁閒吟寂寞憑誰慰偏覺殊方更漏長

次王邁人至日韻

天涯樽酒與誰同節序催人旅況中劍外關河常帶
雨江邊竹樹自鳴風陽回漸放春雲暖老至難禁白
髮最求夜客懷愁不寐驚看野火照山紅

寄懷傅掌雷

憶在長安錫玉龍曉園花竹日相從醉沽蘭液居中
酒閒看慈仁寺裏松別久將無傷老大官狂依舊笑
疎慵只今絕域誰知己好賦歸來卧碧峯

戊戌除夕

寥落殘年雲物新空餘多病寄風塵壺觴暫借他鄉
醉烽火重經異地春獻賦當時依北闕傳柑此日
隔江潯回思往事真如夢細雨孤燈涕淚頻

寄懷魏石生

且亭詩

七言律

聖

看山一路想嶙峋風雨相思夢屢真陸海驚濤招我
友滄江白髮感孤臣無由共醉卽南酒何計長親喚
舫人萬里題詩空灑淚嶺猿溪月解傷神

春懷

沙漲江灘減石稜暖烟如醉旅懷增又園病渴憐司
馬杜宇春啼怨少陵得句莫辭連末夜看山須上最
高層天涯何事成留滯欲斷浮名自不能

春興

花飛二月徧林泉客況清和萬里天錦水晴沙明滌

爲巴山春雨過啼鵲移書自愛支茶竈沽酒何慙解
杖錢莫使誰愁侵病骨他鄉物色倍堪憐

送項未伯之任平陽

春深花裏子規聲疎柳江橋愁送行雲棧山容迎客
霽汾陽水色向人清樽前萬里驚離緒別後孤舟憶
去程碌碌風塵知已在天涯到處見交情

晚春卽事

花落閒庭春事闌主人長日但加餐竹間路好披雲
入窓裏山宜帶雨看半篋殘書留過目百年衰鬢罷
且亭詩 七言律 四

彈冠蕭條莫厭交遊冷逆旅悠悠蜀道難

春江曉泛

空江溶溶浪花浮夾岸青春放舟水漾山光搖酒
席風吹簫鼓振中流數行宿鷺連橋起一縷村烟入
艚收爲語長年勤盪漿澄波渺渺好同遊

東王邁人有序

邁人歷任兩粵復遷蜀十年宦遊遇至窮矣
與予相見嘉陵頗傷同病每過茅齋未嘗不
移目也茲復晉臬長不離斯地貧病思鄉之

甚乃爲文乞休余感嘆交誼漫賦七言詩當
白駒之繫邁人其爲我強留也乎

相憐宦跡問何如南北飄零世共疎兩粵山川遊子
賦三巴風俗使君書茅堂聽雨依簷竹暇日卽杯折
院疏莫便乞休歸計切他鄉暫喜慰離居

同王邁人孫黃中過觀音寺

郊園數里望坡陀古剎臨江客共過松落石床侵講
席雲流仙梵出煙蘿逢僧便覺名心盡入寺偏憐野
興多但使頻來同杖屨扁舟何必問魚簑

且亭詩

七言律

四

贈長白和尚

禪室枕山松花泉出其右院後古梅一株幽
香可愛每過汲泉烹茶徙倚樹下輒忘返也

和尚精醫藥

野寺雲深細路荒上人結舍倚山崗梅花樹老禪房
靜雪乳泉流石齒香自許清齋開象鹿閒將靈藥溯
岐黃客來未便催歸騎談坐何妨到夕陽

兄山堂成紀興

高堂新葺對山開竹樹蕭森長徑苔剝啄稀聞嘉客

道飛鳴時見野禽來身閒底事愁多病吏隱何能怨
不才戶外千峯雲氣滿倚欄未日獨遲回

其二

烟雲吹落萬山青缺壁顏垣畫不尙塵世幾能辭物
役微官聊可效沉冥閑畦課僕閒挑菜選石題詩自
勒銘載酒如今誰好事淹留空愧草玄亭

熱甚喜雨

江天積雨淨炎歊宴息高閣客望遙青草微茫連木
末白雲翳鬱帶山腰筆牀花落塵心冷茶甌烟生涓
且亭詩 七言律 四

病消閉戶焚香成老懶忽驚幽響到窓蕉

得沈繹堂大梁書因憶昔在都下同施尚白趙

錦帆吳六益諸友尊酒文會刻燭賦詩此樂忽

復隔越五六年南北各天升沉頃異可爲太息

已成七律一首奉寄

太行迤邐望峨峨異地雲山發嘯歌諸子風流今幾
許故人情興近如何身留巴峽猿聲苦夢繞梁園月
影多客裏得書成感慨昔遊寥落更誰過

後秋興

客贊蕭騷霜露侵不堪身世入愁吟寒城馬度秋將
久深院雲來樹欲陰伏枕久虛等國計登高偏足望
鄉心自憐老至修名晚淚滿殘陽濕碧岑

其二

天涯生事異悲歡聞水屏山兩度看客况未應常寂
寞鄉音難得是平安霜飛半夜烏啼切葉落千峯鶴
夢寒憔悴儒生頭早白漫將長缺向人彈

其三

長林霧隱野雲流細雨寒花杜若洲遠道幾年頻憶
且亭詩 七言律 四

別離人何處不傷秋老慙兒女違初願狂悔功名賦
壯遊滿地蟲螻催擣練霜風瑟瑟冷羊裘

其四

清秋夢滿故山阿短髮鬢髭鏡易皤眠嶺鴻飛瞻碣
石嘉陵江漲憶滹沱無家不惜風塵老多病還憐瘴
癘和懶漫一官公府靜幽栖真擬卧烟蘿

其五

少年曾逐五陵豪繡領朱纓大食刀別殿校書開御
戟龍樓召賦走銀毫夢違北闕天門遠人臥滄江

野月高寥落，應今誰記憶。殊方風露冷，綈袍

其六

翠壁丹崖錦樹凋，長天秋色隱岵嶠。魚龍半落三江
水，風雨平沉萬里橋。劍閣雲深鳴鐵騎，關城月黑響
金鐃。書生未上安邊策，旅食空驚歲序遙。

其七

旌旗十萬下渝城，轉餉千帆葉葉輕。錦帳連營堆玉
粒，金貂夾隊醉銀罍。瞿塘峽滿戈鋌色，灩澦灘留鼙
鼓聲。輸輓敢辭秋水濶，好音早許報昇平。

出亭詩

七言律

哭

其八

人道成都天府國，山川形勝自當時。琴臺物色雲皆
散，錦里風煙路尚疑。日黯狐鳴先主廟，磷青鬼哭武
侯祠。秋來況復聞征戰，蘆荻花開野老悲。

贈鍾文子即送其行

千山木落帶鴻飛，歎息相逢心事違。旅眼經秋人易
病，微官垂老客何歸。行遊古寺霜華滿，對酒江城草
露肥。便儻送君君憶否，天涯回首淚沾衣。

其一

從官萬里即投荒，驚見依依話別長。身世誰能謀出

處，乾坤偶爾興亡臨。鴈漫從非吾土，執手重看是
異鄉。滿眼風煙那可道，蜀山滴木木相望。

文子時遷山左

重陽前一日

歷亂江城烟雨隈，黃花節近爲誰開。風生虎眺秋鷹
健，露冷龍盤塞馬哀。客少心知休載酒，人當多病罷
登臺。故園此日應相憶，腸斷天南首獨回。

虎眺龍盤地名

贈楊龍山總戎

角弓金勒擁朱旂，百戰功成姓氏尊。曉日雲開新甲

且亭詩

七言律

哭

帳秋風霜冷舊癡痕，留賓西第歌鐘動。射虎南山獵
騎屯，青鬃封侯身未老，共看談笑報君恩。

白奔山人至限韻同賦

十月微寒零露濃，卿杯天末感相逢。鸞叢雨雪應遲
鴈，魚服風塵偶混龍。官舍燈青人萬里，山城漏下夜
初冬。狂歌何用悲摧落，錦水丹崖日日從。

歲暮雜感

獨倚簷櫺凍雲連，官舍凄其近暮年。手製長藤騎策
杖，頭留短髮醉逃禪。離邊種竹冬能好，江上探梅雨

可憐老去歸懷誰得慰孤舟日日客心懸

其二

落日千山急景催閉門真擬臥蒿萊吏閒聊可容吾懶才拙何妨任世猜蜀道天寒驢過巴江水冷鯉魚迴客中誰惜登臨倦漫遣離愁付酒杯

其三

肅肅寒吹觸壁輕孤城戍鼓報嚴更客眠未穩殘燈灺鄉夢初迴苦月明看劍忽驚成老大讀書深悔負平生飄零易下開河淚愁聽荒鷄半夜聲

且亭詩

七言律

四

其四

廿載馳驅雙鬢莎齋心長扣古維摩山川習足驚濤壯兒女關情老夢多到處鳴笳分鴈羽幾時風雪臥渙簑蕭條况復年將暮冷月啼猿奈客何

其五

嘉陵入臘只如春淡日疎烟靜四鄰山寺分燈明梵火蜀俗歲暮燒燈俱佛通置山谷間江畦挑菜趁羌民歲茂外所隸土司每歲歲冬男女偕堆盤手擎黃柑美歛稻廚登紅粒新莫爲無家頓悵望他鄉風俗

百相親

其六

四十蒼顏歲月分狂遊何事寄江濱當歸敢作彈冠夢未去先傳薤露文雪積峨眉天易老山連巫峽書常懸可憐載酒千年後奇字人間誰更聞

其七

金鑿玉帳散骸體妙畧群推上將庸白馬何人分虎竹青袍幾處列侯封冬深巴峽魚龍蟄日落夔門草樹重辛苦軍精催運晚樓船東下不辭從

時兩譚投詠列封侯

且亭詩

七言律

四

爵特遣部員傳送勅印先是滇黔破諸家相率來降以王侯封者蓋十數矣

其八

風捲長林枯葉鳴一尊懷古恨難平依人誰解憐工部作賦何能薦長卿草滿三巴城市少圖迷八陣野雲橫亂離久厭干戈慘愁說荊州未罷兵

其九

書空咄咄笑吾曹去就難憑客意勞不飲何從澆磊塊尋僧稍可慰牢騷沙寒月黑嘶征馬石淺江枯響夜濤囊有一琴還自爰休將古調向人操

其十

翁茫烟樹有無間屋下江流屋裏山
候客尋常稀禮數扶筇咫尺得躋扳
懸崖怪木經冬老絕塞孤鴻帶月還
荏苒年光春又至乞身何藥駐朱顏

泛舟

湘簾雀舫木蘭橈蕩漾烟波看漸遙
春水一江吹細浪青山兩岸接平橋
參差玉笛驚流響漱灩金尊欲上潮
橫槊船頭多意氣輕風催棹雨瀟瀟

上巳孫黃中招飲郊外

且亭詩

七言律

五十

勝日流觴事若何天涯修袂客同過
江山自昔稱巴國人物于今似永和
借草幽岩鳴鳥亂移尊芳樹落霞多
春來未許偏懷感醉眼臨風一放歌

蜀中春事

桑柘陰陰亂曉烟石橋春水灌平田
雨過小市青帘濕花落空村黃犢眠
樵路雲深鳴斧漁洲沙淺渡江船
行人最是傷心切啼斷枝頭有杜鵑

其二

錦城書日麥風涼布穀聲中好插秧
雲照槿籬蠶箔

蓮門臨水碓菜花香蠻方擊鼓催舟客
土廟張旛拜石即處處竹枝歌調美
聊筒沉醉酒家傍

午日感懷東孫黃中席覺海

遠宦同悲客底身榴花艾葉幾回新
難將尊酒酬佳節且向天涯對故人
城外錦屏峯似簇江間孤嶼水如縈
山川自昔容流寓莫漫長歌欲損神

閬州城南宴集

閬中山水匝城清載酒登臨慰客情
草樹蒙籠綠壑綠波瀾曲折蕩沙明
他鄉聚會休辭醉散吏風流不

且亭詩

七言律

五十

用名彷彿玉臺何處是斜陽堤外見牛耕

夏日遣興

何地池亭好納涼天留荒署縱吾狂
臨風靜煮茶烟細踞榻徐焚篆香客少
機心群鹿豕官無禮法傲羲皇杖藜獨
向斜陽眺一帶山圍遠近蒼

其二

浙灘叢蕉覆檻陰閒窗寄傲卽雲林
書中好友時堪對門外青山不費尋
自信無才非世器豈來相妬是知音
平生浪說烟霞骨白石清泉夜夜心

憂旱

憂旱誰能扣至公
巴山七月雨難同
千崖氣鬱林巒
赤午夜星垂電火紅
是夜星月明間忽有大光燭天自西四散而去
湖海有盟容客傲乾坤無淚泣民窮
支離病體愁炎熱伏枕何堪誦二東

過江上人家有感

小徑迴塘沙石橫
人家曲曲抱荒城
半扉雲掩深秋氣
千尺江流斷岸聲
到屋邊牽細纜客來花下擣香杭如何歲歲頻征戰賦欽時聞吏夜驚

且亭詩

七言律

五

見山堂早秋卽事

空天雨後散新涼
庭樹風輕飛葉香
石壁臨窓翻夕照
莓苔破履掩秋光
愁來近事心常切
老去浮名夢漸忘
拄杖科頭吟望懶
依違誰識主人狂

感述

朝來白髮鏡中新
校柳流光過四旬
筋力何由重似舊
心情漸覺不如人
雪山雲冷防秋急
巫峽風高擣練頻
多病一官家
萬里三年憔悴寄江津

秋懷

蕭蕭鴈影度寒塘
旅服驚飛一夜霜
異地秋雲垂橘浦
空山落葉響豺狼
舌存自覺逢人澁
家在誰憐入夢長
種藥挑畦官課懶
棲遲我欲傲柴桑

其二

西風吹鬢歎蹉跎
怪事書空可奈何
作客形容愁裏老
逢秋詩句病中多
千峯石冷飛清露
一徑雲深翳女蘿
玉壘錦江空睇目
側身天地欲悲歌

蟲鳴

空床淒切暗蟲鳴
撩亂鄉愁一夕生
海內交遊全隔面
中原骨肉各含情
授衣節近催砧杵
望遠天寒托杜蘅
滿目江山憑吊晚
無端涕淚忽縱橫

且亭詩

七言律

五

寄和元直

蜀嶺遙瞻故國雲
幾年書札遣相聞
通家從學憐癡子
絕域當官愧隱君
啖冷猿啼鄉淚切
江空鴈落客思紛
行山淦水應如舊
何日同吟對夕曛

述懷

南北飄流一葉輕
漫將出處問平生
居今方信天難恃
弔古常疑史未明
衰病山川慙識路
壯遊書劍悔

多情只應閉戶携佳醪沉醉終年不解醒

閨夜感述

絳蠟銀紗綵服臨高樓鐘鼓報更沉風簷還憶他年
市燈火重驚午夜心莫惜黃金來駿馬誰憐焚木待
知音子雲舊是益州侶獻賦應須擬上林

觀音寺閨夕中秋

較士重開選佛場析殼一夜亂寒蟬月臨方丈松陰
霽雲淡高空桂子黃人物只今餘草澤功名何事假
文章獨慙老大隨年少嘲笑從教兩鬢蒼

且亭詩

七言律

五五

晚步松花泉亭

倚山新構夕陽亭石角寒流細欲冷習靜幾能聞素
瀨探幽誰爲補茶經荒崑啼鳥窺人立小徑蘆花隔
水扁迤邐閒來憑眺遠蒼烟深處是南屏

樓居秋望

登樓一望衆山開白露淒淒點碧苔落日遠從岷嶺
沒秋聲遙自錦江迴三年飄泊悲鴻鴈幾處流離怨
草萊翹首天涯霜霰滿西南鼙鼓正堪哀

寄居僧舍留題

古寺秋深長綠莎客衣重換歎經過風搖窸窣鈴聲
急日照琉璃草露和行脚天涯渾掛搭托身僧舍卽
頭陀傷心莫漫悲留滯滿眼乾坤未止戈

傷秋

霜風吹合夜雲低曉霧遮林樹不齊塞笛偏當秋後
響寒虫故傍客邊啼衰髻白露稀疏髮病怯青山罷
杖藜欲問家園消息渺江湖搖落夢魂迷

贈魏子存任成都

絕域三年此見君每從坐次賞奇文柳洲春酒詩人

且亭詩

七言律

五五

社子存遺我梅里秋風高士墳嘉善有吳仲珪墓在
梅里世所謂梅花道
人夜夢吹殘千岫雨曉裝濕盡一溪雲成都舊是繁
華地俯仰應悲麋鹿群

秋遲

亂山烽火漲林丘蜀國頻年戰未收笳鼓霜清喧白
帝舳艫風起壓黃牛民窮未許征求切身病何堪憂
患投陰雨殊方秋色晚連天葭莢隱漁舟

漫興

浮名萬里笑遲留旅病經時漸不憂載酒偶然逢客

話看山連日上僧樓白雲千嶂夕霞亂紅樹一江清
露流瀟灑微官隨去住閒身此外更何求

古意

昨日秋風吹大荒城南思婦搗衣裳人投鹿塞音書
斷夢逐龍沙別路長關月三更悲玉笛啼鳥終夜怨
流黃漢家何事開邊急歲歲徵兵出樂浪

周茂山枉詩見懷得入閩消息

用元韻

聯吟猶憶在汾陽西入蠶叢路已荒遲暮不堪常作
客天涯無那強臨觴潮迴閩海魚來少木落巴江鴈
且亭詩 七言律

五

去忙珍重故人重問訊相思兩地是他鄉

冬日雨中同楊龍山席覺海張晦先集孫黃中

草亭

寒簇江城細雨頻草亭餘酒見情親千山漫道非鄉
舍萬里還看是比隣舟轉夔門飛輓急烽明雪嶺戰
戈新尊前共對成慷慨疎散能無愧隱淪

送張晦先巡威茂

風捲旗旌閃日紅丈夫談笑奏奇功塞帷塞上羌蠻
喜吹角軍中士馬雄雪滿松州高玉壘天連西極控

鳥蒙知君時上邊樓望好把封書托鴈鴻

送于念劬之山東右藩任

同官經歲歎遐荒雨雪俄驚吹鴈行峽裏囊雲隨去
馬江邊載石壓歸航南看瓜步鄉關近北入齊州草
樹芳知爾旬宣多暇豫緘書莫惜過瞿塘

舟發廣元寄保寧同事諸公

重山萬疊晚蒼蒼烟樹婁迷落葉黃初喜還家愁路
未轉憐作客悵歸忙江津古驛飛寒鴈野岸疎籬帶
夕陽却望錦屏人漸遠孤帆一夜鬢如霜

且亭詩

七言律

五

入覲呈同寓諸公

輯玉三年拜紫宸驚傳天語共逡巡不才自昔甘微
祿聖主由來恕小臣露湛蓬山仙掌曙鸞啼宮柳上
林春相看漫道鴛行接咫尺風煙隔帝闈

其二

三月長安不見春馬蹄跡遍御街塵鶯花未識誰爲
主尊酒還看暫作鄰雲外旌旗天伏渺望中烟樹客
懷新蕭蕭又向河橋去明日分飛是路人

晤魏石生年丈

相見何禁感慨頻應憐拙宦久風塵身名肯使惡知
已尊酒重來對故人里巷烟霞還似舊長安花柳幾
回新迢迢又逐征軺發敢擬高眠伴隱淪

寓東林寺

頻年奔走厭風波短劍支離再渡河卜築邇來閒地
少交遊今日恨人多鴉鳴午夜傳刁斗麥秀殘城牧
橐駝蕭寺孤吟尊酒冷心知那復見羊何

其二

綠水青山寄興饒狂遊未使宦情消今春沽酒來燕
且亭詩

七言律

市昨歲尋詩渡灞橋夢隔關河迴鴈斷身依僮僕去
家遙飄零傲吏風塵色桂樹吟成不可招

其三

蕭寺梟鳴旅夜孤壯懷垂老未全無牀頭燭冷迷蝴蝶
匣底龍藏掣轆轤千里音書憑客寄半生心事向
人通浩歌陡覺中宵烈獻碎當年處仲壺

其四

風過招提石磴涼憑高共喜得微茫城迷遠樹歸雲
合霞散西山落日蒼骨肉同來依施隨形踪何事滯

他鄉相携莫負家園約松菊重看舊草堂

其五

風煙萬里歎多艱蕭寺停車旅夢閒花雨暫教留客
住鐘磬未許送余還逢人大笑聊呼酒到處幽棲不
買山寂寂苔痕僧舍曉松清拂枕聽潺湲

其六

短髮鬢髻古疾侵好將襪被托祇林寶幢風起鈴磬
靜綺樹雲封鳥語深遊子登高頻下淚男兒投老易
傷心皈依合同金仙拜滿眼滄桑歎陸沉

且亭詩

七言律

五

上谷道中

上谷蕭條古塞垣居民戰後幾家存門連青草朝煙
冷風走黃沙曉日昏獵騎臂鷹穿巷市健兒飲馬下
河源不堪少小追遊地老大重經欲斷魂

曉行紀興

山外晴霞開曙光柳條千里上黃平沙渡蹇蹄痕
淺野水維舟岸影長家在不須愁失路身輕何必笑
空囊年來親友知相待爛醉無嫌舊日狂

次壁間韻

風雨飄零岐路偏行裝幾處歷蒼烟移家我自同孫
楚結客何人是魯連匹馬獨吟沙戍外單車愁絕錦
江邊相逢滾滾誰相識滿眼輕肥盡少年

雨中曉發

隴麥垂芒野雉鳴微官何計復長征路經細雨旌旗
濕人望前村水樹清萬事只今隨馬足百年多半寄
王程壯心遮莫閒鷄舞華髮驚看昨夜生

且亭詩

七言律

六十

跋

猶龍先生既沒之五年而詩集成集諸刻
而類之也先是廣平申鳧盟以書抵余云
猶龍詩宜合爲一刻分體相從子盍與子
元共圖之子元者先生冢嗣也余訪諸子
元業裒輯成編矣久之盡付諸梓而授余
使訂其訛既畢子元謂余不可無言余自
季十六七歲時即奉教於先生於今二十
餘載愚不能旣先生之萬一然先生之詩
必傳於後無疑而余得執校讐之役附姓
名於末簡不可謂非幸也記申酉之交天
下亂甫定先生讀書南亭余初以舉子業
見先生先生每燕閒輒慷慨論古今成敗
如指諸掌語次間及詩文尤揚扞不少倦
余時益心識焉而未暇以爲請也丙戌春
先生受知

世廟爲侍從近臣而余以己丑計偕晤先生

於京邸先生見余甚喜數招余飲劇談如疇昔而語加詳時先生名滿都下著作日以盛余盡乞其稿以歸間取古人詩讀之而求其用意之所在偶有所窺質以先生之言無不合質以先生之詩又無不合也已而稍習爲詩亟欲就正於先生而先生方歷官晉豫相去益遠於是手錄所作寄之郵筒先生得詩益喜荅書獎藉且言已絕意仕進旦夕歸里相從飲酒賦詩足樂也余誦其言用自壯而益以不獲晨夕於先生爲恨壬寅先生自蜀入

觀歸懋里第余樞衣進謁先生又喜握手道

契濶盡出蜀吟諸稿示余余自是得乘間諮叩以夙所疑歷夏徂秋凡以札示及面授者甚多壽先生詩有云今來侍讌談

疑義權爲剖寸筵發洪鐘中心矜所受蓋紀實也未幾先生復南祖帳言別先生顧余言吾請告之章且上計日間

命當中途旋車耳子待我長林豐草間向者之約可踐也頃復慨然曰侯河之清人壽幾何吾計決矣余私訝其言之不祥豈知先生果自此不返哉嗚呼先生往矣先生之詩俱在見先生之詩如見先生也是集

自五言古詩而下離爲三卷計詩八百有六篇諸體犇然備矣伏讀而深思先生其卒教我乎故於集之旣成而備述前後所奉教於先生者以志余感若夫先生之所以爲詩與其詩之所以必傳則栢鄉太保與鳧盟先生論之悉矣余何能贊一辭焉康熙戊申十月旣望南亭後學連佳徹拜

手謹跋

且亭詩集

無卷數 直隸
總督採進本

國朝楊思聖撰思聖字猶龍鉅鹿人順治丙戌進士
官至四川布政使申涵光所作小傳稱有且亭詩
七集然不著其卷數此本乃思聖既歿其子履吉
所編凡詩八百餘首其入蜀諸作刻意摹杜而刻
畫之痕未化也

四思堂文集八卷(一)

〔清〕傅維鱗撰

中國社會科學院文學研究所藏清康熙十

七年刻本

原缺第一葉前半葉

夫子者厚矣已丑摩挲南宮追
隨翰苑坐吾

夫子春風中者又稔矣間嘗讀
應制諸作洋洋纚纚臺閣氣
象不減盛唐然止如吉光片
羽撫拾一二而珍奉之終以
未得睹

夫子之全帙為快快也

夫子數歷中外荷

聖朝寵眷位日益崇功日益懋秩
大司空加宮保將攝政府端
揆論道乃賦遂初而歸卧石
門山以老朝生浮沉間秩二
十餘年雖睽違積久未嘗一
日不心焉向往也丙辰暮秋
乏中州學使以考事于從蒞

止汝上獲與次公世兄握手
言笑歡踰生平予小子吏於
豫域秉鐸兩河次公仕於魯
陽鳴琴百里以世誼敦好契
濶殷懷而忽如萍之聚合不
可謂非緣之奇而遇之快也
及考竣謝事後回思三載奔
走道路鞅掌校閱之苦甚於

簿書方以邸鯨蕭散時或出
郊盤古吹臺攬鄒枚歌賦之
馳帛信陵荒草之祠而復有
大快於心入於懷而悠然以
慕肅然以欽止歡然如觀容
儀而聆咲歌者則次公所刻
我

夫子四思堂文集也余小子敬

受而卒讀之

夫子立朝之大節見之於奏疏
諸章羽翼經傳之言見之於
用九用六河圖生易漢儒專
經諸論辨憂民憂國之心見
之於士傳民語諸歌謠林泉
灑落不違初志之超風逸興
見之於諸閒吟雜詠披覽之

餘如登尼父之堂而見其百
官宗廟之富美若其精言幽
趣則又如游夏之莫能贊一
辭然則余小子猶俛俛乎門
外矣昔楊雄之文侯芭傳之
韓愈之文李漢傳之芭與漢
皆出門下士余小子固陋何
能為

夫子傳有次公不匱之思念手
澤口澤之所在謀所以不朽
而傳之則父子作述之間賢
於芭與漢者不既多乎哉非
敢為序也謹述數言以誌所
向往云爾
肯

康熙歲次戊午春河南學使門

人莊朝生百拜謹識



四思堂文集

靈壽傅維麟掌雷父著

年家子 楚黃湘登韋鍾炳

後學 山陰枚吉周卜輔

上虞光生諸葛舍

魯陽少卿李當泰

真定公和任 飛

瑁 同邑魯一貢夏儒

獲鹿伯宗崔如岱

門下晚學魯陽游山程 洪 同訂

男 露來 變匯

去異 變謂

若壯 變磨

去偏 變鈞 謹錄

孫男 擴解

擴那對字

四思堂文集卷之一目錄

靈壽傅維麟掌雷父著

謙遊幸勸學疏

遵例自陳疏

條議國用以惜人才疏

條陳京察共計等疏

條奏海邊情形先事綢繆疏

速銓外缺以重國計民生疏

重賞罰疏

詳陳取送巡方之法疏

請備選藝以垂子慎疏

亟更役法疏

嚴巡方考覈之法疏

遵諭陳良疏

天變陳言疏

遵諭自陳疏

請建常平倉疏 應制

擬 皇太后加徽號詔 應制

擬漢景帝戒二千石修職事詔

四思堂文集卷之一

靈壽傅維麟掌書

謙遜幸勸學疏

臣以職輔陋儒叨任詞林出列司道蒙

皇上被格諭擢京官一歲三遷聚晉今職風憲何地

謬及庸愚卽捐糜頂踵不足仰報

高厚臣懷區區愚忠見之所到何敢緘默有負我

皇上擢臣之意竊以致治之本本於

君身立政之原原於

君身夫

皇上之身爲

天地

祖宗

社稷之所付託

皇太后之所愛養天下臣民之所仰賴一動一靜所

關匪輕而

皇上之政

祖宗垂統之基業在是子孫稟承之典則在是從古

帝王聖賢之治統在是一學一問所關亦匪輕臣

敢先以有切於

君身

君政者爲我

皇上陳之伏惟

省覽焉臣聞慎修謨陳乎迪德修身傳通于事親誠

以君身者萬化之源而表正之極也我

皇上自臨御以來

郊廟之必親也祀事之克勤也一切耕藉諸軍之典

建諸大事無不

躬親克成盛舉且

深宵而軫民艱披覽而至午宿勞神焦心以盡

下卽古之未明求衣日晏不遑暇食何以加焉亦

可謂所其無逸遠乎晏安疾毒者矣近聞

皇上時有巡幸臣不敢以大禹于逸周公于觀春秋

書觀魚網目書巡者二十九比擬我

皇上若起若有注做古右史紀動而數數如此恐非

所以示萬世也

皇上春秋鼎盛精力有餘雖一日萬幾不以爲苦而

營蹕多御未免過勞臣願

皇上於堯舜舜黜之中時謹

恭獻思道之意嚴起居慎出入以穆穆之弘度體

天道之安行詎不美歟不然或寒威之栗烈或炎暑之鬱蒸或時值晦明風雨之不時皆足以侵肌膚亂威儀

上天保定孔固之身萬無一慮臣不得不鯁鯁過計也臣請自今

皇上願養天和時加慎重寧勞心毋勞形寧靜而致福毋動而生虞

皇上念此一時之舉事爲萬世史冊之昭垂豈細故哉從此強固清明乎宋真德秀之祝願則避危遠見如司馬相如之諫書

皇太后之身安

皇太后之心安

唐躬康泰而游宇職事矣此所謂華無疆之慶也臣

又聞堯舜之世都俞吁咈交徵疇咨所以從古稱

爲聖政卽爲聖學無所謂經筵亦以謂經筵之上

群臣咸集有取於百僚之師濟不徒在詞臣之周

旋也然而欲收其實不得但襲其名我

皇上天縱聰明左圖右史淹通博洽變千古且講

官不離于側業已無日不學無事不學其無庸經

筵之陳迹明矣况已奉有

文華殿工成舉行之

吉且屢見諸臣章奏臣復以爲言不幾贅乎臣有說

於此者黃帝飭道于崆峒光武論藝於息馬宋真講禹謨於苑中原不以地拘如今

景山

瀛臺儘可舉行何必斤斤

文華之待也臣請自今

命輔臣等博考舊章華典

大典每

皇上臨御講官不必尋章摘句須要古證今證方啟

沃于經史之中參以時政之得失反復陳說以盡

其義臣尤不欲

皇上之獨爲學而願諸臣之共爲學凡遇講筵一時

大臣卿寺科道無弗畢侍於是議天下之大計陳

兵民之疾苦

皇上罔呼諸臣詢以職掌使其詳細條奏既可以覘

諸臣之才品諸臣有聞輒告

皇上有問輒對果當

上心立使屬草

允施行又可以覘諸臣之才品識見學問不必如前

者章疏之上僅博一讀部議奏之

旨而各衙門之覆仍踴夫無容再議之文共諸臣中

有職掌不明舉動闕茸者

皇上立刻嚴飭甚則罰治如此則

學以益增

政以益舉諸臣恪恭鼓厲各盡厥職合古之經筵召

對建事謀官而爲一於以敷碩畫糾謬法良法美

意遠邁前代而邳隆之治成矣此所謂開有道之

長也計斯二者實出臣一念愚誠受

皇上之恩深愛

皇上之意切故首及之至于群臣臧否典章事宜容

臣次節敢奏字猶踴格伏乞

睿鑒揀登天下幸甚臣恩幸甚

遵例自陳疏

順治十三年某月某日臣時任大理寺衙門准吏

部咨爲題京察則例事內開考察京官相應定於

秋八月舉行在京各衙門以

皇上親政之年爲始一二三品京官及在外三品以

上督撫俱自陳不職等因到臣准此臣思

大典肇興敢不遵例歷述奉職無狀以仰副我

皇上考績黜陟之盛舉竊念臣年三十九歲以幾輔

陋儒叨中

龍飛首科進士於順治三年四月內考改內翰林因

史院庶吉士四年五月內授內翰林秘書編修六

年十月內加一級九年七月內陞左春坊左中允

兼內翰林弘文院編修十年四月內奉

上傳內外兼轉優與司道員缺於八月內補山東

東昌道副使十二年九月內奉

上諭仍以京官用欽此本月補大理寺卿十月內

以前東昌道河官張桓一案帶罰俸六個月時當

外計蒙

恩寬宥不加顯斥感荷無地十三年六月叨陞今職

臣循分妄慚撫躬自歎詞林八載贈鄙少文分泉

無能謬蒙

諭擢入佐廷尉愧乏平反况以驚顛之才何當同正之任既騰驤之靡效更清釐之或疎茲大察聲舉之期正式序在位之日微臣愚昧課治罔功

盛世計官黜幽有典臣雖懷報稱莫效涓埃其可否實蹟應聽部院察核恭候

睿裁以定去留謹將不職歷數自陳伏乞

勅下部院議覆緣係遵例自陳不職詳開履歷字補

逾格仰祈

皇上鑒宥施行

臣等謹將

卷

七

條議國用以惜人才疏

臣竊惟準古以爲治者聖賢守經之常也因時以制宜者帝王開闢之規也古不可宜於今猶今之不能反于古

朝廷困于匪頒司農困于籌計有司困于叅罰百姓困于敲朴支解困于侵那銷算困于駁刻日議國用而不見其增足日作籌計而愈見其紛拏明知有司叅罰之太嚴而無解脫之法明知百姓敲朴之過甚而不思寬貸之方坐使侵那者益侵那敲朴者益敲朴古人云作法于涼其弊猶貪

臣等謹將

卷

八

開創之初如此年復一年日復一日千萬萬垂統向後將何如也臣所以爲千慮一得之愚有兩法焉恭爲我

皇上陳之一謂錢糧之款宜畫一也錢糧之積弊起于款項之多端徵解之多緒所以侵欺甚易稽察甚難各衙門皆有考成則皆有叅罰叅罰愈嚴則官司屢易而拖欠甚多侵欺亦愈多追呼孔亟卒使人才有摧抑之悲而錢糧無清楚之日昔諺謂一瓢百奧不如一人挈之而走所以貴乎畫一也何謂畫一卽今賦役全書既成矣所載者明朝之

原額乎抑我

朝之時額乎各處有報荒開荒復荒之異則年年消
長可知矣若徒定爲此時之數則又有開荒復荒
者將另造乎不造乎此書應可計議原額之書而
不可爲後人不刊之典也姑就今全書解額及裁
扣之款每州縣共銀若干分爲四季四解之數將
各部款項盡歸戶部如各部用銀則按事咨取如
以爲各部必在各部用也則工部不宜取戶部之
銀矣他事不宜用太僕之銀矣既作四款起解而
考成則例除全完紀錄奏罰亦祇定爲三等推而

國朝文獻卷一

九

府司亦如之每一季完則留省差佐貳首領解
府司即收銀發批不得更差衙役以滋侵欺則天
下錢糧之完戶部稽方寸之冊開卷瞭然耳各
州縣無零解之苦則侵欺絕無分衙門聚費之
苦則參罰亦少侵欺絕則國增實用矣罰既少
則人才不乏至于供應大兵米豆草束草束已議
有定價米豆時值增減合應照應撫所報各地方
之數報冊即與銷算定爲每百里脚價若干戶部
一筆註定而所供之數大將軍留清漢字印票執
票是銀不必又別生枝節供應若干補解若干則

一季完矣此議一行則衙役之詭計銷算之勒索
有因之疲應百姓之幫貼種種欺隱種種紛錯可
以盡掃矣若謂勞難盡一則一年之由單于頭萬
緒不續造耶一謂近錢糧之人宜經理也夫錢糧
固既盡一矣催徵之方未清保無艱於追比困于
中飽乎顧何以北方每完而江浙多逋非北方之
民好義而南方之民頑梗也蓋北方之州縣小而
江浙之州縣大耳北方州縣大不過四五十里小
祇十餘里或不及十餘里一歲徵銀多不過三四
萬少或一二千州縣官之催科足辦而察算易周

國朝文獻卷一

十

至于江浙則不然一州縣動匝數百里一歲徵銀
動至數十萬即以吳縣一邑計之編戶五百一十
里每里有里長有甲首有壽年此臣北方之名而
南方大率不越諸此每待比于衙前者不下五萬
人若如今五歲並徵便有六十餘萬人候比無論
以一官之精力稽其完欠稱其銀數况有詞訟公
務諸事即日呼名而點之一歲不過二三周未及
一二周而已考成降革去矣欲望其清楚萬不得
一之數也莫若分其縣而治之計各州縣戶口不
得過五十里每有多者輒分一縣即千所分之太

鎮市爲縣治將一縣衙役亦按數而分或三分或二分隨將里甲所分之錢糧卽隸於所分之州縣庶里甲少錢糧少而弊端亦少考成漸寬而人才有垂却將各省小州縣應省者省之如直隸之保定縣可省入霸州唐山縣可省入隆平縣大名縣可省入元城縣諸如此類通爲計算官不多而事集夫亦何憚而不爲也若謂衙宇等項必多靡費則前者祥符在滯頭村者十年而今者婁縣之設立不已事已行乎人之材不甚相遠顧何以長小縣者多瓦全令江浙者多就華此其故甚彰彰耳

况考諸古史書書在茶地皆入某地某處分爲茶處蓋不一而足安在明朝故籍之不可更也以上二款俱從國用起見非敢好爲紛更第恐庇奸者欲其多獎多獎則多利無識者欲其回循回循則安閑坐使錢糧日益欠人才日益減其獎益深其下益肥而國家之財賦漸益空虛有名無寔良可嘆也如果臣言不謬伏乞

勅下該部確議覆請

府議施行

條陳京察大計等疏

國家辨別賢否賴有察典京官則有五年京察之典外官則有三年大計之典武官則有五年軍政之典勳賢則有三年考滿之典舊制京官在子巳亥年舉行軍政則應寅申年舉行大計則于子午卯酉年舉行事有次第行有程期不相妨礙我世祖章皇帝以甲申年臨御寰宇扣至 年行京察大典而軍政大計歷歷不廢亦未嘗併行也昨奉有 云之

旨則是京外察軍政行于一時無論內而部院實爲繁雜而一事難兼數冊而優劣若積之一時未免草率賢否既混則匪類不除匪類不除則民生莫冀所關國計非渺漫也 臣請

勅下部院一照舊京官六年京察外官三年大計武官六年軍政從容料理則事易辦精在品陞則品不淆其以澄官方而奠民生端有賴焉至于京官考滿亦必除罰日而計其歷舉否出自

上裁外官必無瑕隙者始準其三年考滿據此嚴加考核不得稍濫

恩典則人爭磨勵矣

條奏海逆情形先事綢繆疏

臣 籌事衙門接兵部審咨內稱浙江撫臣陳應太

按臣王元職各疏奏據溫州鎮道塘報海寇攻陷

金和衛防兵退守獅子山等語是逆賊已至溫州

境矣臣一見之不勝駭異臣思今天下底定獨有

南方之孫可望李定國鄭成功三孽耳李定國踰

伏于滇南孫可望僻處于半蜀半楚之間憑險依

山所謂坐檻之獸即咆哮躍蹕不能出而肆擾明

矣此無可憂者也惟是鄭成功猖獗不恭耽耽閩

海叛而撫撫而復叛匪一朝匪一次矣不能驟就

廟堂文集

一卷

主

殄滅非祇瘡疥之疾也試觀大勢而論之海本環

中土東南數千里自福建至于天津處處可以揚

帆處處可以登岸則處處宜守處處宜援未事不

為綢繆臨時詎竟有濟乎况前年逆賊之踪曾瀝

江而抵金山糧艘被其焚燬矣由海而北窺又已

曾抵山東之境矣京師曾獲其奸細于州肆中矣

是逆賊未嘗一日忘入犯彼日而伺之我泄泄

而聽之甚非萬全之計也伏乞

皇上勅下兵部速從沿海籌算何地有兵若干可以

守何地有兵若干可以戰一一先事豫畫次第數

奏無使少疏更乞

皇上嚴勅沿海督撫提鎮作何防禦作何應援相時

度勢亦無使少疏結溫州之賊本地督撫鎮將能

遏其衝而殲其鋒賊勢披靡遠遁則沿海措置可

以徐備若猶然結艦連檣未離浙境浙中之督撫

鎮將固宜戮力行間矣蘇松提督宜移鎮雲間江

督宜移鎮蘇州操江宜移鎮瓜州總漕亦有海責

節漕務甚殷不能移鎮宜速撥兵將于臨海山東

撫鎮宜嚴守青登至于天津一帶整頓兵馬多備

火器各不得輕借事端擅離汛地所轄地方倘有

廟堂文集

一卷

主

貳虞即其身不在行間籌亦無容少造此尤宜先

為明飭者也臣非故為張皇第以數千里海涯一

處有警即赴援堵截可幸無事而百姓風鶴之驚

已大不堪矣度鄭逆之意必不自弭耳受撫伏乞

皇上赫然乾斷克定

廟算端意勦滅至于一切羈縻牽制之法不必顧慮

庶叛逆殲而海宇寧所關於封疆非淺也臣不識

忌諱有見密告于

皇上之前伏乞

採納施行

速銓外缺以重國計民生疏

臣竊惟國計最切者民生民生最病者吏治若其賢也始可安民生而勤職業如以被叅及緣事之官復令理事則其害有不可勝言者如在外有司官雖有督叅撫審撫叅督審之例亦有緣事革職不委署官仍留原任管事者夫緣事革職斷斷不可留之地方而被叅之官併未革職或解任在朝廷無非覈實杜枉之盛心然其官一經被叅提審必需歲月以現任職守之官而理申焉而赴審又未免廢弛且其款內計害者非其高役則其百姓以現在骨屬之人時而受治時而對質真情斷難即得而已破之既何事不為民生其有軫乎

臣請

勅下該部凡一經被叅之官或經事革職之官即行解任官缺即行銓選至如督撫不為委署猶使貽害地方一併處分至于審結之日虛則分別昭雪實則擬犯科罪庶乎清吏治安民生之一端也

重賞罰疏

臣竊惟賞罰者帝王治世之大權也漢宣之言曰有功不賞有罪不罰雖唐虞不能以治天下書曰罰康及嗣實經于世罰何以不及嗣賞何以延世夫賞仁也陽也生氣也罰義也陰也肅殺也明王奉若天道故傳云仁可過而義不可過陽常使有餘陰常使不足寧多生勿多殺故書又曰罪疑惟輕功疑惟重總之賞罰不可偏廢而賞于偏嚴而于賞偏重也即商賈先罰而後賞亦並云不備不濫其于今日則不然每聞即報見各部一功一罰不論世是降調無得免者而叙功叙勞則曰某也已經陞遷某也已經降調無容議叙夫賞罰所以勸天下之平也如此則不平孰甚臣竊讀之不勝太息以為諸臣之不能仰體皇上寬大之德亦至斯乎試釋恩詔屢頒之款一則曰分別陞賞再則曰各有賞資一則曰咸赦除之再則曰奏請豁免皇上之處心蓋即古帝王惟輕惟重之心皇上之行事蓋即古帝王弗及嗣延于世之事天下誰不仰頌我

皇上如天好生符于堯舜而無奈諸臣議奏之不然也臣又考之周禮云王功曰勲國功曰功民功曰庸事功曰勞治功曰力戰功曰多六者並稱原無軒輊可取而繫此焉卽如一旗下有功之官其爲牛彘時得功牌不及一級而已陞甲喇梅勒臣不知將前得功牌繳而不算乎抑尙算之也或爲甲喇梅勒得功牌不及一級而以別事處分臣不知將前得功牌繳而不算乎抑尙算之也若其不論陞降皆算之也何獨各衙門之罰敘而異之且有罰而無賞此臣之所不解凡至于軍前功績僅運籌勞修廢創工賑恤饑荒之類皆事關封疆生民之大其官或以俸將及期或以因事呈誤在急公忠義者固無論其陞降與否在任一日則盡一日之心于事有濟或遇徘徊顧慮之人謂旦夕將去必且自惜其財自愛其力豈肯捐費勞苦後得一無容議叙便了其局其貽誤朝廷之事良非淺小實足以灰任事者之心而短勞吏之氣不問而知其不可也臣請自今凡有參罰仍照舊例毋以降陞俸免而一切叙錄不論陞降一體議叙在陞遷者固得邀

皇上疊錫之弘恩而在降調革處者量準功過分別復職還級以擴

皇上使過之深仁使開自新之路甚盛舉也昔唐太宗謂房玄齡曰有功則賞有罪則刑誰敢不竭心盡力以修職業誠哉是言也若賞罰無偏廢庶大權不畸揅而于以風勵臣工未必無小補也如果臣言不謬伏乞
睿鑒採譽施行

詳陳取送巡方之法疏

臣竊惟巡方一官所以資澄清達民隱興利除害所關綦重

皇上慎重其選

命以用各衙門舊人新人取送恭候

辟裁誠古聖人立賢無方之盛心也奈事久弊滋而

各衙門之咨送則大可異焉蓋以地方有遠近難

易繁簡之不同且任重責大因而規避者多而送

否之權操之各衙門將

皇上用人之大典其或應或不應一任其意而無法

聖學文集

九

以處極甚駭之前者蘇松巡漕巡倉三差已奉

俞旨臣衙門咨吏部咨取矣接吏部催咨月餘以來

止送到舊人新人三員尚不足正陪之數即欲選

於衆而拔其尤豈可得耶今茶馬一差奉有

明旨亦行咨取矣前後各衙門第覆云委無可送之

官然此數十員或十數員果無可巡方之官歟是

其故可想而知矣臣以爲固在屬官規避而尤在

堂官之規避何也恐所送之官一不効後貶論舉

送之人無利而有害是以巧卸而不送耳不然何

以學道銓選而考者黜繁而一巡方缺出則應者

寥寥也臣請

皇上嚴勅各衙門每一差出或係舊人或係新人務
送一員以備選擇不必拘其入之已送未送已考
未考如不送者即係堂屬規避

勅部處分如果無可送者亦必詳開某官出差某官

緣事某官不堪若前次竟行不送一人而後次送

者即察前次此官曾否在衙門辦事有何情由如

前無礙而不送者一并處分至于送考學道應送

衙門亦準此例務送一員又所以防抑勒也倘以

後咨取有堅執不送者是無可送巡方之官則無

聖學文集

辛

可陞之官將不送衙門

勅部停其陞轉嚴規避之禁絕而濟濟多員選擇而

用其于澄清之治庶有裨乎臣未敢擅便爲此具

本謹題請

旨

請假遷葬以盡子情疏

臣竊惟錫類不匱者

帝王之孝也夙夜匪懈者臣子之誼也然

孝治與政治兼隆

君事與親情俱切

皇上合天下之孝益成其大又合天下之私以成其

公臣以謗劣庸材謬膺斯任

皇恩愈重頂踵爲輕卽爲勤渠夙夜未能仰答

高深何敢以私情冒竇

宸聽然思

皇恩愈重頂踵爲輕

主

皇上治天下無一物不獲其所更無一人不盡其情

臣有迫切至情不得不哀籲

上陳者痛念臣母平生止生臣一人臣母不幸故于

甲申以前其時正值搶攘權厝荒隴丙戌以來

服官內外未遑修遷昨接家報謂比年霖雨連綿

水衝土溜將有暴露之虞臣一讀之五內摧裂思

臣父今年七十有四眼見臣母墓如此必以臣爲

不孝之子此尤臣所朝夕靡寧中心自訟者也用

是披瀝下悃仰乞

鴻慈查吏部題定有京官三年以上方準給假遷葬

之例又查刑部尚書劉昌兵部左侍郎原毓宗俱
以給假遷葬前後蒙

恩俞允臣自順治十二年十二月內任大理寺少卿

至今已逾例期伏乞

皇上垂憐一視

勅部查例具覆客臣回籍遷葬事竣卽星馳赴

闕則存歿均感

皇仁而竭誠圖報正未已也臣不勝悚息待

命之至爲此具本謹具奏

聞

皇恩愈重頂踵爲輕

主

亟更役法疏

臣聞之易曰窮則變變則通又董仲舒云琴瑟不調則起而更張之蓋以利不百不更業害不百不易制古人誠有見于事極則反必更制立法有道以處之不以株守因循使病而益病也況我

朝當開朔之始事事維新正宜究三代殊尚三王異制之時也臣以今日蠹壞而極重難反者莫役法若今所行者僱役也僱役者周禮所謂游惰之民也其弊無窮數難更僕官廳察則借官之嚴以官民官貪橫則張官之嚴以官民或濫用官之能以害民或陽竊官之權以害民或害民以奉官或害民以壞官官墮其術民受其病役收其利以至錢糧被其侵欺是非由之顛倒刑罰由之不平訟獄爲之疊變有司數易而

朝廷之銓選滋滯人才之摧折益甚大率由此蘇軾云數十萬虎狼在民間者不可也

皇上赫然下

明諭蠹役計贓定擬不許原引無祿輕條凡情罪重大分別殺斬其餘俱流徙且遇

赦不赦亦可謂法嚴而行之斷矣然法行而益繁者

何也他不具論卽如一流徙也勢必用兩解役無

論南方數千里卽近而數百里此兩役之資斧自

備乎需索乎蓋必是需索之物此兩解役又當從

從需索而不問是縱蠹也需索而問之又將安所

底止况一役之工食每年多不過十二兩或七兩

二錢每日不過三二分僅供夫婦一餐之用古人

云黎民一日不再食則飢此數十萬游惰之民肯

枵腹而鵠立乎堂側馬走于階前乎必不能也窮

變變通此其時矣琴瑟更張此其時矣請歷陳

古役法周禮小司徒之職凡起徙役勿過家一人

以其餘爲羨漢法二十而傳給徭役唐立租庸調

法有丁則有庸每丁定役二十日宋有衙前諸役

轉絳爲三司使曾言衙前之害而王安石爲新法

則更爲僱役當役者以等第出免役錢一切如單

丁女戶皆出助役錢司馬光甚以爲非是自古及

宋寔皆出于里甲第名之不同法之各異然亦何

嘗不變革也臣以爲欲盡除蠹弊莫如仿古典行

甲役之法以一州縣計之裁去冗役惟酌其必用

者存之乃以里甲鱗次排比自書門皂快所用若

干加以丁論或百丁一人或七十丁一人加以祿

論武五百畝一人或七百畝一人三年一審編定
某里某人至某人出一役或某人之畝至某人之
畝出一役臨時其父老里長自推舉便使檢攝約
束餘者每丁資一二分爲日費州縣官量其才授
之役歲兩更大要數年用一周督撫道府則取之
州縣每州縣推舉量授先撥若干爲上司之役如
此則方爲衙役旋作鄉民焉敢害民焉敢害民雖
欲其有蠹役害不可得矣其原設工食除冗役扣
解充餉歲可得數十萬金而所留者仍給見役亦
聊佐司農之仰屋然

明皇聖主集

一

卷

朝廷又無抽扣之名所謂上下兩全之道也其有擅
用舊僱役者皆爲泰華役卽重治設有起而難
者曰昔鄉戶衙前往破產宋吳克言之詳矣里
役得無似乎臣以爲宋鄉戶典領官物衙前部送
綱運鄉戶卽今之收頭衙前卽今之解戶今未嘗
無乏也里役者第令奔走服事又不似宋之臨門
稽記何破產之有難臣者必曰歲兩更不滋擾乎
臣以爲今日之里長甲首率季更排年歲更民亦
不擾何也丁畝有一定編審無那移何滋擾之有
難臣者必又曰宋司馬光不言山野愚惡之人不

明皇聖主集

一

卷

能幹事乎臣以爲此爲破損官物者言若但奔走
服事何用其能幹事且今之各處衙蠹大約皆素
所稱能幹事者耳又必曰門皂諸役可矣書辦不
諳文移奈何臣又以爲書辦今納吏及五年起送
之法既行是各衙門房科有主文移之人矣其次
不過膳寫且見在巡方皆不用舊役已既可行安
在各衙門不可行乎前定例書辦五年起送夫在
衙五年則積蠹矣莫若更其法爲三年每一房科
當以兩吏爲率舊府州縣有司吏典吏之名大衙
門有掾吏都吏之名可一一綜理也考宋之僱役
縣職視親以坊場錢僱衙前他邑人役止如舊法
未嘗云諸役皆僱也諸役皆僱亦明朝之變法耳
非敢殫所難行爲百姓累第以衙役之法一日
不更則衙蠹之害一日不除致厯
皇上勤勞宵旰披覽爰書不勝其繁故臣請
皇上當此
盛朝開闢之初創制顯庸此其一端也伏乞
勅下廷臣集議可否覆候
上裁臣緣詳陳役法字數逾格伏乞
序鑒施行

嚴巡方考覈之法疏

竊惟周重皇華之使事謹爰諷漢著繡衣之威體
尊持斧所以宣上德而達下情職之重也我

皇上御極時仿古典

命御史巡方若得其人則助流政教澤及兆民不得
其人則敗檢成風害貽閭左果有一二匪人不能
仰承

德意致察黜止息相繼而興復又

於念域中察吏安民之官必不可缺止而復遣

皇上圖治苦心誠帝王之盛德而永世之鴻模也既

明思堂文集

卷一

五

諱諭切而憲法章必考核嚴始真才出其在差御史
有躍冶犯科及罷懦無能者臣衙門特疏題參
立爲處分然差回考覈之臣衙門有未詳使各差無
所據守以盡職而臣院無所憑藉以核實未免偏
揚指摘多所未安臣衙門見行事例有備者有備
而未詳者或徒以文字登列未見實跡以臣思見
特以關係

國計官民之大者膽爲捌事令御史差完覆

命之日一一條答臣衙門因以考修否別勤惰務使

警惕于心實措諸事庶無委頓廢事之愆而有振

綱飭紀之效謹爲表

皇上陳之

一釐革姦弊今天下官貪吏橫極矣上下之蒙蔽
錢糧之侵欺里甲困于無藝之征衙門每多無
稽之賄奸究匿于城市鍰罰濫于多金假名色
而科歛任情指公事而追呼困苦吏胥無賂則
廢格文移豪強仗財則倖免差役種種姦惡不
可枚舉近來御史巡方第據道廳開送全不廣
採博按探微索隱印按臨二三日如飄風驟雨
一過不留雖明敏之才亦止感行時息苦不殫
心體察姦弊奚除臣以爲自今御史出巡務要
嚴加延訪期盡下情倘有姦惡立置之法使風
清按屬乃爲稱職差完將革除過奸獎某事某
事造冊送臣衙門以憑考覈
一招捕盜賊今天下盜賊多有劫掠公行武官統
兵駐防兵卽爲賊而官卽爲窩或市井竊發衙
役庇之且山林有嘯聚之衆邪教有下軌之謀
地方官置若罔聞擁麾者付之不問以故實繁
有徒生民困竭若巡方御史果能發奸摘伏設
法招徠使枹鼓不鳴椎埋不作刀劍易爲牛犢

綠林化爲良民斯爲稱職不得僅以失事

題參便云塞責臣以爲自今御史差完務將招撫若

干撲滅若干造冊送臣衙門以憑考覈

一揚清激濁御史爲

朝廷耳目人才臧否黜陟之大恒必由之近來巡方

旌舉不問其人品高下立心行事曾否有卓異

政績第從下司開報據入薦章多至數十人王

石不分薰蕕莫辨所糾者不過一二人甚至及

于閑散或徇情偏護風紀蕩然臣以爲自今御

史巡方必于平日廉其行事考察觀其才品可

兩忠堂文集

一

五

道府官果可爲公輔之器應州縣官果可爲科

道部屬之官方許列薦而所勅者首先貪酷次

及衰庸務爲確實不得浮泛差完之日除舉勅

疏揭外將舉勅過官員詳開實跡造冊送臣衙

門以憑考覈如妄舉平常遺棄循卓客隱貪酷

不掛彈章客臣體訪得實考以不職

清理刑獄片言折獄大賢爲能民稱無冤惟

克允近時人多狡詐訟獄繁興陷害至于殊

捏砌恣手憑臆逞權勢則心怵利害遇豪富

靈讓錢神食酷之官淫刑逞而周內粗疎之吏

鞫問拙而縱逸由是情僞混淆以申冤理枉之

司爲結冤造枉之窟良可嘆也既不能離

好生之德且有以干

天地之和水旱災稔率因諸此臣以爲御史出巡務

慎明謙決虛心推勘毋愆意見而苛求毋委下

屬而草率必令懲奸扶善之事符明罰勅法之

文差完之日將理過冤枉清過刑獄造冊送臣

衙門以憑考覈

一旌正士風從古賢才聚于縫掖公論出自學校

道德之英華養之有素地方之利弊知之最真

兩忠堂文集

一

五

所當敬禮而延訪者也第邇來雜流譴實士風

凌夷讀書自好之人固自不乏如結黨把持是

非趨起以攢害爲媒利之徒橫噬爲快心之舉

起滅詞訟包攬地棍抗不輸將恣情欺隱種種

不法所在有之皆由教官開其貓鼠同眠以至

閭里騷然畏之如虎臣以爲御史巡方務悉心

訪察降顏延問上士獎賞如有此等卽爲拘拿

移文學道立行黜革并教官治以重罪差完之

日將訪拿過行劣蠱生若干造冊送臣衙門以

憑考覈或學道力庇奸徒應并列白簡不然考

以不職

一稽察風力夫行事固資勤劬任事尤覘膽識阿私偏黨誠巧利之徒而托卸遲留亦萎蕪之輩若于風行雷迅之中有擔當精敏之力斯為稱職凡御史巡方奉到臣衙門勘劄公文率多關係重大必公勤弗怠推勘詳明即事干利害或迹涉嫌疑果能不避權勢不徇情面從實勘擬斯為上矣或瞻顧遷延風力安在臣以為自今巡方差完即將已結未結號件臚列如何有還如何未完造冊送臣衙門以憑考覈不宜照舊

四庫全書

卷

三

僅列進行先否草率了事至于繁難棘手之事不得推托難結遺累後官有如此者置以下考一科彈督撫督撫權隆節欽開府一方原以巡按有去來督撫無移易有去來則借其震懾無移易則事鮮題形近來督撫中功在封疆矚然自愛者固自不乏或貽誤地方縱兵虐民私寵任奸擅自生殺且貪冒之人視屬官同于魚肉橫肆之輩罵司道等如奴臺體節動以金珠恐嚇幾盈千萬蓋以科道在京難得其實跡而家藏金穴又易為彌縫所以貪橫者多敗露者少說

者謂京城餽送尚不足為督撫門下一大之用使下吏含冤向誰控訴臣以為御史巡方務先體查廉貪漢賑綱所謂豺狼當道安問狐狸也況久奉有督撫按互糾之

旨從前科彈者何少也不過謂既有互糾之

旨則畏其力大而反噬又恐異日外轉道府督撫足以制其死命何況功名是以縮頸而不敢臣以為自今如某處督撫被他人覺發而御史不奏者考以不職

一禁除舊靡近來風俗奢漫無品節皆起于上

四庫全書

卷

三

行下效習以成風御史巡歷所以肅僚貞度觀風問俗不止後寒帷之觀驕驄馬之飾也必須肅修簡約鎮靜不擾母苛責供應多帶官承差使道從如雲飲食若流一日之費動至百金是為安民而反以勞民欲思其挽頽禁靡豈可得乎臣以為自今御史出巡第用隨在之官不許多帶官復力崇簡樸正已率屬然後訪問士俗興利除害如借名會場男女裸逐衣飾僭越婦女出遊假作神巫修剝淫祠之類皆嚴法禁止重即

題系差完之日細開某處禁革某事某事處分某人

造冊送臣衙門以憑考覈

以上八款平平無奇然皆澄清之計而風紀之攸

關也倘實心舉行不事塗飾豈云小補必有可

觀至于查巡人催錢糧訪衙蠹驅僣吏議存恤

厚積儲修城池墾荒田招流移清兵馬諸事皆

仿入欵舉行諸如倉務錢糧屯鹽茶馬各盡厥

職無事不為

朝廷振紀綱無時不為民生謀緩靖庶乎動搖山嶽

無愧乎代

皇朝文集卷一

天之福而榮其榮不忝于

臨軒之造將見帝道日隆而太平立致矣

不勝伏乞

採納施行臣率敢擅便為此具本謹題請

旨

遵諭陳言疏

竊惟

天變于上人飢于下一氣之通歷歷不爽顧救恤何如耳周禮荒政十二首在蠲賦昨閱邸報山西飢荒

皇上慨然蠲康熙四年錢糧起生民于溝壑堯舜之心也臣因思荒有重輕則蠲恤之

恩隨有重輕向來定例荒至十分者止免三分八分者免二分六七分者免一分五分以下不免即使免此一二三分洵

皇朝文集卷一

朝廷德惠然而災至十分則全荒矣田既全荒賦何由辦若止免三分則推比之七分率皆折夫妻鬻

兒女之賸得思及如此

皇衷必有惻然動者臣請此後災傷幾分即免幾分前部覆報災之既錄備下督撫取結取冊往奏動經歲月及奉

旨蠲免而完納已失勢不得不於次年流抵至於次年百姓無由提起照舊催科徒飽官吏之腹臣以為凡遇災傷督撫即委廉能官確勘併開結一同入

奏請部卽照分數請獨庶小民實受

皇恩而官吏無由滋弊于以救災卹變非小補也如

果言不謬伏乞

採擇施行

鄭惠全文集

卷

天變陳書疏

竊惟

國家設官職有大小衙有內外而陞授陞遷亦判然
不淆蓋莫重于資格矣如滿洲諸臣爲從

龍之彥乘

朝廷之隆運而與莫不大小奏功文武咸備而至于
漢人則不然夫漢人之有進士舉人貢監吏員亦
猶物之有金銀銅鐵也至于會試則

特遣大臣而鄉試則差京官典試至于出題有一字
之差殊墨有稍異之處亦必嚴究或有弊端立置
重典是

鄭惠全文集

卷

朝廷之重科目異于他途萬萬也貢則取于提學監
則實由以貢進至內之吏書不過出示招募外之
書役不過自投認狀今限以五年而與官無論此
五年僅供書寫比之古人窮經數十年而後獲亦
大相懸矣况資格之說

本朝行之二十年未嘗聞其用才之弗當今乃以史
員與一切較俸陞轉然鐵之爲物非不有用而以
之納錢糧供兵餉斷無有收之者也伏乞

皇上用人一廉資格更立復舉人檢過及廩生歲貢

之例

皇上之所重者重之天下之所輕者輕之大小宜力
各盡其職於以澄叙官方以安民生端有賴矣官

得其常則

天弭其變臣不識愚謬伏候

採擇施行

明忠堂文集

卷

遵諭自陳疏、

臣辦事衙門接吏部咨稱本月十九日奉

上諭云欽此臣職列侍郎例應自陳伏念臣濫叨

卿貳循分自省有愧崇階臣於順治十三年任太

僕寺卿恭遇內計自陳蒙

恩留用不敢復贅外十四年正月陞通政使司通政

使本月陞都察院左副都御史六月欽奉

恩詔加一級本年正月陞任東昌道戶部十二年

錢糧未完罰俸六個月六月因前任東昌道工部

十二年料價未完罰俸一年本月因前任東昌道

明忠堂文集

卷

兵部馬價未完罰俸六個月七月都察院公疏列

名為條陳固山下襲前程奉

旨會議革職戴罪照舊營事本月因前任東昌道清

丈熟地紀錄一次十月因前任東昌道工部十年

河銀全完紀錄一次十五年二月為欽遵

恩詔事奉

旨覈其戴罪還原官職銜遵

詔前罰俸開支十五年三月陞戶部右侍郎仍帶加

一級七月轉戶部左侍郎仍帶加一級十六年三

月欽奉

上諭加太子少保十一月給假還葬本年爲會推官
員事會推沈文奎列名奉

旨會議已經給假於補官日罰俸一年十七年七月
因阿古達一案奉

旨會議傳維麟已經告假應取口供議處查事在十
七年正月二十五日

赦前免議假滿赴京候補於十八年五月奉

旨仍以太子少保補工部左侍郎仍帶加一級

議短淺無益鴻工當茲甄別之期宜付黜幽之列
伏乞

四恩堂文集

卷

皇上聖賜罷斥以爲不職之戒臣不勝惶悚待

命之至

請建常平倉疏 應制

臣竊惟本固邦寧之說雖老儒之常談實治平之
要萬世之不易也人主立于億兆之上小民亦疎
且賤矣而以至尊者于四海之大窮簷之疾苦一
一若寄諸懷飢莫不欲食之寒莫不欲衣之至于
衣之食之縱一一而代之籌必有不及者矣祁寒
暑雨猶云怨咨况切體之所關者耶古緩邦屢豐
之世尚有無告之民倘旱乾水溢之不時室多懸
來野有與草而朝廷蠲租之令屢下不惜數十萬
金錢以活此一方民有朝發而夕不繼而百姓之
命雖朝不謀夕矣以致九重宵旰手上大司農俾
星于下諸有司守令旁皇焦勞而束手而民亦卒
瘁易曰損上益下曰益矧有不損上而下益者臣
以爲無如漢宣時所行常平倉法行之一方而一
方之行之一郡一州一邑而一郡一州一邑效所
謂萬世不易者也朝廷不必發內帑天下不必勤
呼籲而已有足裕者矣記曰九年耕必有三年之
食此豈皆貯之天庾以贍之四方而濟之也哉况
經始之功尤費斟酌

皇上頒德音令天下所在官司悉心討論或查無碍

錢糧或勸輸或贖銀或于逃絕土田量租招墾或
僻地裁節駢站計戶口之實數初約糴積稍足數
月之需漸于春穀貴時糴發秋成穀賤時收糴不
虧官不害民務足地方一歲之用卽以多寡定守
令之賢否有股民以增多者罪之乃以務人任而
責成功久之又久不止九年而餘三年矣縱有壞
乾水溢之不時可有備而無患而積貯既厚則如
舊制年凶粟貴則賤糴之以平市價而流以其價
爲次年再糴之資太荒則發賑之以贖乏是民無
荒歉之憂而土無呼應之慮于以廣聖德而濟萬
方甚盛舉也至泰百餘至于困窮而不救斷不出
于至社之禍而必議竊議賑上賑而下不益臣未
見其可也此法一行則荒水湯旱而民無飢色矣
間闕克足則兵革息四方寧謐則朝廷尊予以致
治保邦豈有謬哉

擬 皇太后加徽號詔 應教

皇帝詔曰尊養兼隆典重徽音之播生成罔極恩深
鞠育之宏緬思古聖敦倫咸勸報德敬以惟王盡
制慶邇初生禮所宜優朕何敢忽恭惟

聖母德協坤貞儀昭榮則操無教之心端莊式表秉
有齊之度聖善休聞

天眷爰歸符有身于周任帝祥長發儼載誕于姜嫄
獲育鴻躬嗣膺洪業思勤備至訓迪弘多茲惟萬
幾總攬之初敢後一本攸隆之舉孝思通于四海
用敬崇奉之誠懿稱荐于中宮莫報恩慈之大用

是竭恭辭謹擬奉冊寶以 某年某月某

日上

聖母尊號曰 云 鉅典既光于璇室休嘉宜布于程

圖所有 云 於戲鴻名天錫萬福同有道之長風

冊云升四海仰

母儀之永布告中外咸使聞知

擬漢景帝戒二千石修職事詔

詔曰惟天立君以主民君分庶職以通民理相因以爲治朕早夜勤勗以登進治道爲兢兢近者災異屢見民弗獲寧雖朕不德實以臣下不修職事之故公卿與民懸絕惟二千石最親民徵賢理物風化攸關今非不黜陟日行以仰遵高帝文帝之法釐飭吏治無乖典章而猶有訛墮其故安在况刑措風醇已觀冀軌今茲祇承清董何道而可爾務砥礪廉隅敬與長吏有司嘉惠元元共躋康阜凡所徵辟悉秉至公起獎維風克迪隆理果能勲茂治平朕將待以殊寵

四思堂文集

一

卷

四思堂文集卷之二目錄

靈壽傳維麟掌雷父著

會射賦有序

同漢文帝戒富庶之效唐太宗成貞觀之治其

故何賴

戊子江南典試策問第二

戊子江南典試策問第四

經學對

江南鄉試錄後序

擬會試錄序

四思堂文集

二

賀正詩題河南右轄序

代宋太人

賀胡委施晉大宗伯兼攝泉宰序

魏石生制藝序

觀始詩序

李坦園詩序

王覺斯擬山園詩序

申堯盟詩序

田子弗淵詩序

屠栢院募緣疏引

赤松遊引

序蔣母節壽詩卷代

題曹白公杏花囊詩卷

澹泊明志寧靜致遠說

擬待漏院記

江南貢院主考題名記

河上敵水記

人主之學當以明理爲先

復其見天地之心論

經世大典在方策

養士莫大乎太學

明思堂文集卷之二

胡九鼎太解

河圖生易陰陽老少生數辯

古今儒史廉吏辯

明思堂文集卷之二

會射賦有序

靈壽傅維麟掌雷

皇上御極之十五年歲在壬午復當大比郡國士鱗以畿南諸生得列賢書先是歲己卯皇上銳意大典接復古禮命於賓興廷對後群聚而較射於國學之觀德堂以倣周試之射宮之制而所以求武功於文事使不徒競雕繡之工成優游之習蓋欲多士追踪方召異日入則卿士出則將帥者肇端於斯實皇上加意作人甚盛事也放榜後士咸集闕下於九月二十四諸辟雍得御書宮牆之美富爾皇上兩率釋菜尊崇聖道雅重人文雖雖未躬逢其事詳詢太學諸生不勝忭舞是日兩宗師太史公及兩京兆公兩監臨柱史公升坐嚴閣堂高體肅公將聖天子明命皆不由假慢先試騎射乃遂易戎服躍馬操弓矢士三驅發九矢人多應舞風旋暢觀者謹聲震園橋而堂上堂下終事帝嚳舞朝歌步射魚貫唱名循循舍矢雖得算不同皆惕然功令且講於志正體直之道者素是以成事不負也雖不揣鄙陋援筆以紀匪敢夸靡自矜聊揚厲一時之盛云爾

於皇哉聖明綏軌度前徽三精體順二合凝曜萬
通典典昭式商圖廟志考祥寤迪街微切求治之殷
思擇俾又於英哲隨旁塗之匪續俞擴簡於文閣重
萃鹿於賓園祥靈蛇以就羣於是度離玄默懸指衆
衆拔茅巖谷衆非陳亮嘉首善爲方極整網絡以敷
張羅畢舉典與管尾收精氣於珠光統澤預之髦耆期
得士以咨謨天子齋戒肝衛執事炳蕭繡較蓋榜弘
開瓊璫並耀賢冊雲生鴻章日煥魄余鹿魚亦免晁
晁時值匪茹驚烽潰池播浪聖武布昭皇靈遐邇維
正且匡來同祈膏懷遠企助伐貳峙猗威馳麾旌推

卷一百一十五

七

敷命將謂由德虎獻獻恭皇德靈坐帳講論而王心
安隱凡讀書而敵氣喪敦詩說禮通經賦義皆藻雅
之流聲倚章健以千障乃集大儀振儒風剛秀進乞
勇崇下與儒典功四方多故五射是攻選賢觀善
辨試射宮和國徵召建迅雷同緣是思皇臨集挾以
備拾飛騎風馳暫辭奚冀彌望憐慈幸翁天色有華
爲榮樂從盛美菊月廿四濟濟觀德先是旌羽未來
辟雍表裏類川瞻眺養肅長懷賢圖大闢聖域開恢
教化宣明禮樂欣開積道德班政興材聞天子之
再臨兮攝正格而紆同四方慶攸同兮追典禮於靈

臺惟稽一之闡釋今聚衣冠於荒譯廣至訓於中園
令披天鏡於衡竅是崇蓋於三階今映黃旌以文曜
崇四術與四教今燭璧水而澄洞皇運錄以榮昌今
求下武之世德謠肆肄休風今觀化成於風雷儒術
庶其尊劬今昭周文之於樂聖道偉以著明今振頽
第而匡奇依以故文明炳燭諸吉桐斐弘敞不達大
經靡夷乃覆頂以進戟門凌霓殿庭嵯峨廟廡翼齊
穆清洞徹無事金縢拜鞠升堂恍忽提撕周章四顧
敢肆駸駸爰讀石鼓之篇文欽先哲嘉貞珉望葵倫
而仰止循堂室以遙巡撫松楸之蒼茂狀龍蛇於玄

卷一百一十六

七

靈方密與其未已臨賜忽以聲振師模太史清整天
府岳岳執法集之大國巍然之堂旁觀如堵冬士衣
冠揖讓楚楚儵英彩之發越爰如震而孔武方伏鶩
今儀鳳卽鳴雛而號虎第見袍施絢燦五色參伍輝
帝揚殿組練攢雨建旌布騎樹的列鼓健噴揮衣水
腹上數務質越越烏號選旅配以參鈞金錢石磐紫
銀束直鞞鞞朱羽飛黃馳乘狀多媚嫵翩凌華駟輕
迴徐舞赤電燦今不及瞬流星鎬今如度垣前引滿
今應弦弗虛後挽強今對壻若補續紛續還神氣倍
買三驥變容七鈞見鶴更有揮鞭露才奔騰礮附登

渦流激踴騰為莽鼓不暇擊旌不停俯觀者魂悸時
 若木柱突然擊節驪聲震許匪技勇之逞能誠熙朝
 之盛數環瞻堂上怡然樂睹建於又朝整復良躬雍
 容與佩正鵠既標節樂分綱次拾伙調懸弧有事敦
 戒傷驕爭心於君子威天下以睽爰彼脫劍之風
 美實立德之自効釋倫鵠以自志期中禮之勿紛業
 既閑於射藝端審固而功昭彎猿臂兮貫虱穿熊首
 而弗僥右附枝而左積木發無乖兮籌無僞咸令侯
 而今色豈漫漫而翹翹依旌俟立鞠其絃弭計算而
 登覽之慚禮大章允升對揭天子聖容覽覽恩厥捐
 四景堂文集卷二 賦
 解多士慶幾進勳兮一藝之自安務詩談以經濟
 今群殿邪以鄧鏐將大策於彤庭兮踟芳軌於前哲
 用底定茲萬方兮作王國之維翰端不惡此弓招兮
 雅矢懷勝釋鵠勇直盡乎巧力兮任重遠之艱難痛
 匪類之肆廢兮建豐勳於發矜為壯猷之翼與兮奏
 來威於師干贊射準於乘肅兮落機槍之肆字持一
 矢以反命兮成不逆於桓桓褒神武之奮揚兮定海
 隊以保大不負乎雲漢之作兮免賄刺於素餐崇文
 遂以恢武兮一德心而頌伊濯庶賴得以其發兮促
 協發於堯天

重日上理登閔普裔隕兮蒼昊變軌莫又穆兮右文
 成治百釐或兮弘績康鼎握提福兮殷憂啓聖肆伐
 謾兮萎蒨是振剛克叙兮強武虞整膠庠肅兮乘五
 撫辰薪標族兮式神鼓舞陋劍讀兮于邁伊教詎亢
 六兮大雅是宗拓萃鹿兮世微六月從儒服兮治期
 大同古道復兮試之射宮兼才錄兮應運幸與鮮樸
 檄兮鉛槧含毫詎善鏃兮整控縱送仰足副兮聖世
 育才繇來蓄兮繼儒大用無自胸兮絃誦韻鈴匪殊
 目今千以內外廣力勳兮翼猷世顯將輔輻兮敷佑
 幽遐皇明煜兮咸休經靜康世卜兮文德延敷盤宜
 四景堂文集卷二 賦
 禮兮

同漢文帝成富庶之效唐太宗成貞觀之治其故

何歟

人主之建政業而致盛治要在守法與精諫而已夫
蓋臣之願其君莫不欲海內安刑措不用戶口蕃
滋高拱玄默聽天下晏然以至行不賞罰外戶不閉
斗米三錢百姓安堵而一人晏然而人君亦未嘗不
欲見其如此然而卒不能成康阜之休賄仁義之效
者何也必君之與臣聽是聰明紛更成法謂神靈繼
起不妨更章以快耳目而為之君者又不延見群臣
訪問得失廣虛心之量擴轉圜之懷重門洞開與天

唐書卷一百一十五

二卷

下相見無書唐虞三代之至治杳不可望即求如漢
文帝唐太宗亦云難矣說者謂漢文帝唐太宗承秦
隋極敝之後于戈甫息戎馬亦閑為士者稍與休養
而輿勝之小民樂于相安易于見德而不知其越繁
尚稽遼役初罷可用兵而不用以致此乎非也夫弘
業難建盛治難成者大要出于侈肆怠荒之主而漢
文帝史所稱節儉之君也服御綈絺後宮衣不曳地
露臺惜中人之產四方有獻奇異者輒詔却之躬自
裁抑以作法于上而唐太宗又所稱勤政之君也身
親日戰櫛風沐雨以定天下得之難守之更難身自

勤勞以勵精于上威以兩君威漢唐之治者本乎此

愚以為皆非本論也或者以漢文崇黃老之術清淨

無為穆然尊居不事紛擾如是一中材之主端拱于

上足矣然跡其行事有不然而者二千石則詔飭之農

桑則勸課之逸吏則釐治之逸人則懷安之豈以無

事自了又以唐太宗多寵絡駕馭之術宮闈慚德不

輟游觀射獵之娛第能自振拔不失先王日昃之風

如是則秦皇未嘗不銜石程書觀其行事有不然而者

慕三代之治辨忠貞之行重人論之鑑斥封德彝功

利之說立為君先存百姓之論豈以威武紛紜自恣

唐書卷一百一十五

二卷

二

者愚以其本在義與同公上下一體斯克有濟耳然
漢文帝固賢君又得平勃相之每以祖宗之法為善
夫漢高雖疎褻弱不足法而定難于數十年之間一時
英雄之佐與共成之經呂后之變亂而猶存使一有
更易其時儘多驚駭就就之輩誰不曰此法可易天
下之民何以冰守法之澤也然唐太宗固賢君得一
魏徵每以仁義之說進十漸十思以至懷鵠而不嫌
雖生有田舍翁之恨死有仆碑之舉大約藉以軌于
正者不淺愚故曰人主之建弘業而致盛治其要在
守法與納諫而已而法之守諫之進則賢宰相良諫

官責也所以用宰相用諫官者則存之乎君漢唐兩
君成富庶之效與貞觀之治豈俾獲哉豈俾獲哉

戊子江南興武集開第二

高帝王以天下爲家乃或列五服列六服列九服
名數各異禮制殊者何歟邇邇可邇在茲遠人格
則邇人安邇邇一體邇何不同若此不泄不忘近
說邇來其說異相因乎邇邇有邇道也詩云桑遠
能邇書亦云桑遠能邇何詩書無異辭與九經桑
遠人之說前後相符也三代疆域不盡東海不盡
流沙不盡衡山不盡恒山厥後漸廣其間桑殺之
時與法可得而指數歟漢文帝置南越於度外端
務德化尉佗遂爾稱臣宋太祖曰卧榻之側豈容
他人鼾睡雖蠻夷爲兵荆固有不得已者歟我
皇游開天闢地流裔遠人慕義而化華心乃
邇來叛服不常何歟况兵戎所屆仁者無敵豈彼
以險遠足恃不念

皇仁之浩蕩歟抑撫綏苦心未易自於用武之際歟
稽武有七德將有五德武雖剛事必以柔道行之
或屬鞬之輩有不仰體

皇上懷柔之意是未可知也凡民不可與慮始可與
樂成則治遠何方結遠何術得其道即海外有截
又何有於一方哉昔有苗格於七旬鬼方伐以三

年兩君皆聖君爲期懸絕何也其用有不同歟諸
士於柔遠人及修文德之說童而習之其揚摧古
今據天下爲家之大畧

戊子江南典試策問第四

天生民而立之君以其生之成之也元后作民
父母父母於子未有不顧其成者養之教之固不
可缺虞廷稷契各有端官三代庠序學校與貢助
徹相表裏異世同揆豈教養原有相成者歟漢限
民名田文學蔚起孝弟力田同科唐有口分世業
律書算學皆隸國子宋遺常參官核諸道郡田立
學造士豈非以教養偏廢有大可憂者歟至建寧
之後尤當兢兢八誥之咨勗曰懋和曰康又曰士
愛心藏曰宅已繼居有幹百年頑民固如是勢聖
人之經營歟觀古賊寇姦充付諸士而好生治民
於刑罰寓生成焉不殊教養之心也夫弭盜固不
於盜弭之歟民可盜盜亦可民轉移之術何如耶
我

皇上軫念黎元免荒蠲賦勸開墾招流移簡拔英俊
布列郡邑亦既養賢及民教思無窮矣奚尚有失
業之民昧親上死長之義弄兵潢池果民之頑梗
不可化乎抑任教養之責者猶有未盡之心也今
日策弭盜者曰撫曰剿曰宿兵以重其鎮曰解散
以消其勢皆治標之法而良醫之治本也果何方

歟或別有妙用離教養有他道也昔有謂薄賦輕
徭選用廉吏則自不爲盜在今日亦有當否饑寒
不迫於身禮義復生於心孰忍爲盜子輿氏言有
恒產者有恒心其本安在多士目擊時艱自有治
安之策其悉心以對

經學對

天下有傳者有不傳者有傳而不傳者有不傳而傳
者此在人之聰明智辨而已矣人之聰明智辨有及
有不及焉而聖人以其權及天下使之持循舞蹈無
所于異而天地之理數以傳然聖人之權又以及天
下之不及則自然之中和始著耳中和出於自然無
所容其聰明智辨矣若夫晦而復明垂而可久日流
行節奏於天地間則聖人之權恭重豈非聖人聰明
智辨之所由生耶蓋制定之矣制者朝廷之所由傳
也經者聖人之所傳也說者謂易詩書春秋有完經
而禮樂不傳禮樂不傳而易詩書春秋幾無用何言
之易釋享嘉紀嚴薦詩序朝廟饗祭之儀書固禮樂
所始春秋以名分正禮樂若然則它經傳禮樂可以
無傳使其衣裳玉帛列于戚施羽之數而取易詩書
春秋行之奏之曰禮樂在是雖聰明智辨之士亦有
不能通者而可曰借他經傳禮樂耶昔人見野人擊
拳而悟禮見孺子慕者而知樂此豈有經學在野人
孺子歟所謂不傳而傳者也聖人之聰明智辨始有
以大服乎天下之心禮有周禮大小戴有紀何謂不
傳愚以爲此正所以不傳也傳信不傳疑禮樂記之

可疑久矣太史公闢禮書樂書必待褚先生補之太史公詎不能著兩書然而去古未遠親聞漢儒傳會之陋故不肯同于衆人是禮樂可以無書則可以無經又何必強易書詩春秋爲禮樂解嘲也雖然聖人往矣天地元氣元音至今猶存持行舞蹈不殊古人使聰明智辨于不及中求所以及之三代之禮三代之樂雖至今傳可也

江南鄉試錄後序

虞虎子爲

上觀極之五年鄉國復舊論秀

上允禮臣請復奉

新給進_臣等試之_臣維鏘咨次在諸史臣之後復蒙

持簡擢與校士鳳同官_臣清寬造典江南益異數也

_臣自惟北鄙疊疊學術駁淺遭逢

聖主給中書札處中秘琬琰三年於茲上之不能陳

說理道錫臣楊論思之才次之又不能笙簧藝苑

發牧馬變雲之氣方端備彼其之議是懼乃蹶膺

知不足齋叢書

卷十

殊渥厚之程才大國能望望繼浩無津涯愛

命飲水必自交舞鏡而思之人臣服官效職稟必

稱文章_臣職也昔賢有云欲報國恩思惟文章天

下文章孰大於以人事君者乎竭心膂之力繼之

於靖共以庶幾一過再適之風副

聖天子三德六德之選_臣之負乘將於此役少遘乃

載馳載驅星言祗事其時暑潦不辨塗塵望城郭

卸落不啻登樓麗戶每舍車而騎舍騎而徒自

陞辭歷四十昏朝始渡江及鎖棘幸共事諸臣咸矢

劼恭三試之嚴比於薰沐和平之聽可告鬼神事

已臣宜殿言簡末乃進多士而離之日夫吳會山川之盤鬱車書之鱗集英人碩士之比肩企踵悉數而終其物夸已臣誌士也焉用夸請與諸重質言之亦三復械模之章乎原夫豐芑初建武功伊濯慮王以作人爲綱紀四方之本謂樹人猶樹木也地美者善養木君仁者善養士積模以自庇積賢以自強故其詩曰芄芄械模薪之慙之賢人在而天下服如璋之必合於珪也如舟之必從於楫也則爲之頌奉璋爲之頌浮舟當此之時日月光華文章鬱麗故其詩曰倬彼雲漢爲章於天文至此度以類矣乃虞歌曰追琢其章金玉其相靡之者曰是琢麗事也金玉本事也麗事華而本事薄則食其模也有芃芃之模而澤以天章髦士所以攸宜也今

天子肇造區夏擬戈講藝側席題車

皇叔攝政王旁作逐爵見士誦書躬勅吐握弓矢未戢於建森鼓鐘已論於辟離五年之間學學於華鹿承筐之求者凡爾南國至於再至於三亦無負豐芑作人之化矣爾諸士之應斯選也其爲文乎爲模乎爲系徒之模乎爲麗天之雲乎將式金式

玉以崇厥內美乎卿從事追琢爲修能乎夫上以文求下不得不以文應固也然雲漢爛於天其本在璽璽金於砂璽玉於璞而尤擢斗墟文者質之極也代之盛也扶輿之淑氣未散其君敦龐醇固其臣亦重厚少文然而握手告戒之詞稱兕觥堂之誨嘉明廣大無意爲文而至文出焉則晉之方陞其既也文治率興國橋多觀聽之徒虎賁亦執經之侶勒銘嵩岱作賦上林其文豐融而衍肆然已爲離之日矧迫其季也制作滿家新體競出繼者紛風雲之狀詭者習棘藿之辭人擅靈蛇書

周思堂文集

二卷

三

疑載鬼雨天下遂加六代之季矣故文麗於離九炳於華離之九三節以鼓鉦華之初九肇用黃牛節之也因而後麗之也正炳爲虎文蔚爲豹文皆變華以從太人之時者也今冬士處華之已日而猶襲離之大塗不爲西京初唐爾雅馴深之文而蹈六季以後繁縟纖靡之響爰是

皇上加意人才勅釐文體司衡者以放淫詞崇正學爲恪恭茲役也繩繩乎慎之勿貌而許勿貌而距接之以誠訂之以悟披丹青而相與色罔敢不愛罔敢不潔罔敢不體要皆察其質果爲金乎玉乎

者亟貢之相好而重以修能者亟貢之或鼎而展
珉而偽者雖工巧不得賡觀乎天文取景鼎而斥
蠟竦觀乎地文樹梓漆而刈菌榮使髦士之壽考
與作人之壽考其量俱可以百世而後合於棧模
薪樞之義古之道也亦

上之教也諸士敬聽之哉夫江南天下之望國也戶
列詩書家藏俎豆天下資禮樂焉往者文章風氣
江南正天下亦正江南奇天下亦奇江南固開天
下之風氣者也今闡牘具有一掃繁縟纖靡而盡
歸爾雅馴深出雲興雨有開必先貢玉賈珠不脛
而走千里故臣於多士有厚期寧惟是張紘一方

題舉堂文集

二卷

七

而已俾萬姓咸曰大哉

王言一乎號而黎獻丕應肇茲人文以化成南國肇
茲南國以化成天下則臣之貳茲役也

煌煌簡書報國之文章在焉亦惟爾多士克廣德心
以道負乘之戾也臣又爲之賦思皇矣

振會試錄序

皇上御極之六年復當大比天下貢士

允禮臣臣以臣某某共董厥事闢門鉅典自

臨御以奉凡三舉南宮矣茲又以

郊祀恩恩廣額至四百名額倭尊

帝知人事

親精意鴻謨於古爲烈豈臣凡猥所能對揚然臣等

待罪

綸扉仰窺

皇上銳思太平登興民獻惓惓以士習文體爲先務

題舉堂文集

二卷

十

竊聞

聖化誕敷溥海內外意行風偃豈區區成人小子而

致煩

諄戒倡之不篤教之不先皆臣等之罪也昔宋訥爲

祭酒人才多中用歐陽爲考官文章遂丕變茲儼

然以多士昇臣而臣不能教之倡之猶如故慙先

正而負

簡書臣則何敢用是先期勸懲嚴正體限字之法期

在必行入闈三試之臣與諸臣對閱公堂更繙互

較面定可否矢慎矢公克殫心力得士四百人錄

其文以

獻宜有言何言亦即

皇上作公之

單思與多士釋思之而已夫物本乎天人本乎祖事
天而貴質率祖者以誠儀志體藏靡滌之不設而
明本棄枯之必陳貴誠而尚質也笙鏞鼓管之在
下而清瑟升歌之在上右志而左物也今
聖主肅薦誰誰報本反始率天下於

玄如

清廟之中正於是時旁招俊乂爲丕釐簡在之賓爾

四學堂文集

卷二

五

多上即未獲躬與駉奔抑思盡而不薦者何似以二
盞可用享登歌廟中者何以一唱而三歎豈非采
蘋可昭忠信而讓假不在多言乎夫文之祖始於
一畫參兩以倚數九六以命才錯綜以盡變而文
字之賾遂不可勝窮要其始於一畫者爲不視之
祖而一畫未肇之先有所謂昭昭靈靈通乎晝夜
方淡而至昧斯醞正希而太音以完者此則文字
之天也古君子之將欲有言也立誠以正其志集
義以昌其氣貫道格物以致其知使天全於中不
爲人損不爲物化然後本諸六經爲理宗廣諸正

史爲案據出入於諸子大家爲屬氣著潔之助言
以足志文以足言意達而止無取者文誇說以之
居業則靜而志以之獻身則誠而正詩云神之靈
之終和且平言至於和友聲動神聽而立言之道
通於盼矚不啻臨上帝而質靈祇矣今之立言者
不沃其本不養其內窮理則未睹其原論事則罕
通其會爲躁爲多甚者爲說務繁其枝葉苟以悅
世取寵而已譬諸忠信不昭而史巫紛若以求神
之我施神其享之乎茲與爾多士約母多言濫幅
者黜母詭理非法者黜母稱母靡詞淫者黜幸而
有不爲多不爲說不爲辭之志循循焉求之繩
墨然苟不沃其本不養其內將外枯而中瘠氣餒
而神不完雖優孟先華亦復何益故願爾多士正
志昌氣貫道格物以求進文字之天與祖也文章
之道與政通彙書彙雅彙商書簡嚴一代之治亦因
之義

四學堂文集

卷二

六

皇上師古立政大畧意主渾噩制尚簡嚴諸士際會
昌期舉揚文命備國典讓之麗厚以命意法監諸
之駿潔以立裁異時施於有政必能剛繁渾詩助
觀體要其大者敦朴惇惇共持重爲

朝廷養寧一之福其小者徽徽懷方少私寡欲爲百
爾成廉慤之風皆於先資之言卜之也多士易哉
古王者得士必告諸

天而禮於

廟大雅文王之詩揚祖德也而以思皇克生爲於昭
昭降之應模範美造士也而以左右奉璋爲義義
髦士之宜爾多士之克副茲選也惟

天惟

祖宗實式憑之臣等兢兢劬庶期無負我

皇上丕登簡在之意而已

附錄文集

賀丘公祖權河南右轄序代家大人

歲在己酉

今上御極之二載時闢土初定嵩洛隸國行中書右
肅待銓

天子撫玉几時衡良詰謂中土四方取則必得嘉績
久昭歷危震震搏如不勝轟雷之勁力者可膺斯任
厥維艱哉當事以公名請獲

俞旨然在

天子得人在中州得轄庇如此畿南何紳衿荷鋤耒
車之衆奔走休市欲叩闕留公以

附錄文集

末

新天子赫赫命無反汗不果而屬吏咸謂去我二天
傍徨百計永朝夕亦不果僉曰公之功不宜泯公之
心不容勝群走同一言於余余以烟林野老課雨蓂
蟻揖丘撫松日戴公之高厚如古康衢之民然而
公字下者親且久習公亦異且久誼不可辭余稽古
主功曰勲國功曰功民功曰庸事功曰勞治功曰力
職功曰多命名雖異紀功則同數者得一足以表懿
旂常垂馨緇素矧克全者乎然功以才生才從德理
蹈恒而竭揮霍未若歷險而試艱貞推移而竭明哲
未若清剛而嘉底定大抵聖天資德必試之輟輟總

料之際以宏考厥才是一人者出其緒餘撥亂勢莫
方域使下吏凜淵冰沐濺澍鳩黎穢雖經沸蟪不
啻沃清冷而處懷胥厥功懋矣唯我丘公顧指無忝
也恒山當畿甸之衝輪輿旁還錢儲繁懋幅輳千里
竹符虎節動淑期旬且胥吏作奸如賊射龜酒不可
方物天下計邦國凡百六十而恒山則旬宣保障實
總藩臬之任才匪恢游著騁鮮不蹟且率焉而公才
與德簡在明天子擇守我恒作良二千石爲治平第
一勛穎芳躅不遜古人時經鼎革勢易谷陵草昧迺
願旁求俊又復簡在

田忠堂文集

卷二

五

新天子用屏藩我輔匪其時異攸矯虔之衆猶嘯太
原以公才德控扼要衝詎尋常隼旆熊羆賦用是弘
奏膚功始終弗替大星三易永賴生成計前後之提
拔僚員庇翼兆庶者或爲頌揚莫彈萬一粵昔懔懔
蒸徒運丁否厄羽書朝屆甲馬昏馳芻糗建催錫旌
知警公方圖手畫心計籌回庚癸無猷桑麻不踐勞
神撫字鞭朴希聲此公之功也且泐議善議吏悲汗
難苞多謗笑持水飲管中山之書或致州嘆公懸犀
澄鑑別奸判孽爲國惜才不計迎合樂循循故其首
論鮮此又公之功也風雨旣季佻聞青青銅鑄鋒鏑

奪乎呼嗟鬼哭無靈紫光耿炯公化雨春風文翁振
德敦崇扶進聖卿化均是以章掖奮興戴仁抱義豐
華稟承咸有宗正此又公之功也至世道初艱叛譚
榮黜方謀阻亂建角遭貽億萬之命修短所懸膏草
瘞居危在吸呼公坐揮三畧秘制六奇調劑多方恩
威兼濟是以顛頤復全重保蘇息此又公之功也乃
抵波無險青嶽不尤兜嶺狂烽東垣填塞皇靈不造
禍祟幽燕人皆絳絨坐觀束手而公潛運良謀嘿維
崩軸毅然投袂匡救本朝遂使豺麋並遊獠牙無噬
圍閉靜肅老雁無啼此又公之功也繼而山摧西駛

田忠堂文集

卷二

五

海沸琅琅風雲爲昏井烟無色橫尸流血司那易形
公乃提劍撫心登壇誓衆神飛紫閣氣湧青霄英圖
邇邁義旅如雲志壯同榮師克在和屈禮交盟人祗
咸囑依處忠篤乘機剿定此又公之功也且也明祀
已頌竟非疏贊中原汨汨不絕如錢瞻烏靡止罔左
懸轡公秉羽仗戈誼聯下邑平心靜氣克撫蹇屯全
茲地軸歸於

皇清此又公之功也乃嘉聲丕著懋績騰揚
新命儼臨電麾爰樹其時上黨塵飛直欲迅機輿
公九泥式鞮表裏金湯載舉靈鑑弗煩金僕壯猶雄

德輿帶經乘博報子於襄樊萬穆之於濟豐此又公
之功也博報多足既時凶盤村落輝煌提攜飲刃乞
活類屬之軍流民多社稷之衆所在見告閭里震
蘇公嘯叱風生指顧電激清歌氛於雲月滅沴氣於
封龍谷靜幽空孤鳴罷跡此又公之功也及郎星
集穰穰爲聚衆動章動而履咎或吾莫應咸惕王
鉄公訓建多方衆愷甥翼悉從誘德嘉與同舟遂使
必琴有聲鶴庭草綠此又公之功也向者中澤啓
仇離嘖泣魂驚赤羽騰落金戈監門之所難圖杜陵
之所莫狀公出諸湯火予以社席遂至野多壞鼓室

南華堂文集

卷

有炊羹物視衣冠人瞻禮樂此又公之功也大約公
之功不可更僕振之古典無或少愧拱朔朝廷王勳
大矣保全土宇國功茂矣懷莫群生民庸厚矣執掌
王家事勞深矣殫心政務治力茲矣克敵出奇戰多
成矣此孰非公之德以運才才以集功之克臻此哉
象之戈肅銘於葵鑑將後世且欽厥德慕其才豈荷
鴻施者私說與書曰明試以功車服以庸所以當宁
齊隆絲綸沛煥

帝亦念括据之从備見英猷遂以當屏翰之雄展觀
遠畧耳夫中州當天下之中爲四鄰伯雄長之邦與

者降割頻年流風荼毒巫厄爲殃旱魃肆虐井邑丘
墟榛莽千里

上以公之德足以思之才足以濟之欲以起凋條而
樂利焉今公脂車在即中土聞之加額引領吾土聞
之拾珥弛瑟留歌一期借寇一載知不能矣公分珍
微旭徧沈泰音卽張華塵之在蜀陶士行之任楚不
足道也以功幾何者功大梁焉間者文教誕陳武功
宜懼神開天運追虞書之令緒翠華臨嵩高之下見
夫黎元康田野治雅化醇濃仁風扇播

南華堂文集

卷

極掌乎鴻鈞履曳星辰手披雲漢又以功幾何者
者功於天下焉在舊游之耦固終叨懷保不必言面
諸屬鼎若一皆衮衮清華峻秩師濟中外共仰我公
通明靜重之業沐我公有嘉醇醴之祚寧言匪哉
頌灼鑑在轉盼間余猶得扶杖拭目以觀其盛

賀胡委宛晉大宗伯兼攝冢宰序

今

天子以澹離之歲御鴻賓銳意到隆斗初復臨是次
天下大雍將於澄秋南呂月敦古典行黜陟式序在
位念翼亮天工允釐百職繫唯大冢宰是賴我少宗
伯兼學士宛翁胡公論道經邦勅典肅禮侍講輅日
从且先是膺命視大司農事旬朔之間不煩輟算而
邦國優裕益以敏練當

上心茲在廷以天官長闕人上請遂特簡公往攝厥
務歷春徂暑兩率六官蓋異數哉公受任祇厥官司

即思堂文集

卷二

五

震聲適當三品俸滿考績最

皇上嘉通前勳懋賞晉秩禮部尚書錫能綽單及公
以上三世長公子予曾監俾攝部務知故往例亞卿
奏最止晉一階示榮寵今獨以殊恩彰嘉績不哉與
明良比烈矣一時中外慶

皇上知人善任而公之能以忠勤端亮副

聖主眷也丙戌諸同譜共申燕賀屬予屬言以紀其
盛余惟唐虞三代任人致理公孤無人則官闕而不
補得其人即並任兼官不虞濫伯禹專司空之職爰
命宅揆公旦親修典禮而周官立政以冢宰見七十

士豈非有其德有其才又有其精與遇以濟之故能

齊一上下洽合神人成時雍丕變之治歟仲山甫殫

補衮之勤總喉舌之寄既式百辟旋命徂齊猶緒於

時關充分吏部爲十銓以禮部尚書蘇頌等掌之試

判未畢召次禁中猶膏於才與遇詹承旨兼領部院

身紹二綬憂忠靖並掌列卿一佩九印馬端肅取文

裕敷歷諸部皆四任尚書有其才有其時與遇矣而

猶或儉於德今公則惇大深沉少躋巍科讀中秘譯

國書與豐沛大臣螭頭獨對獻可替否而意常抑抑

有以自下則德勝也韓忠獻以學士臨過年甫三十

即思堂文集

卷二

四

朱史覽爲美談公年與之同而累防講官纂

聖訓以二十二較楚關二十九典南宮所得皆當代

名士更且持籌民部握鑑天曹批卻導窾洞中機要

則才勝也卿會五舉穆明布列

皇上以堯舜猶病之心歷殷商其難之慮於六部諸

尚書輒兢兢不輕授獨一再命公茲秩宗且三錫矣

凡所奏興利除弊進賢退不肖諸大政又皆鼓宮鼓

商朝上久可時惟卿旦遇則伊周非盛德大業孰能

當此無愧者哉公行佐

天子登叙官階節宣禮樂無寧茲寅清之命實簡

帝心綸屏黃序之間余且拜手交讓而公太翁太君
天賜眉壽今纔以半百計將如李文達劉文和之以
大臣祿養褒寵游加稱觴者踵履相屬詩曰左之左
之君子宜之右之右之君子有之又曰維其有章矣
是以有慶矣余惟載廣棠華以頌公無疆之休命

魏石生制藝序

嶽骨凌凌電眸炯炯麟耶炳耶於是乎出堅之弗摧
點之弗炬雖數澤揚葩咸同碩黷耳文章一道精血
氣息相逼以生倚隔一塵便同千里余年友石生氏
辭書爽勉望之龍秀拔之軒爽懸河腹笥千古八荒
在其肘衝掌指之際蕭然靜闕于西山石洞心醉六
經目羅五嶽者天之所發之爲文秦古人之唾獨抒卓
犖落筆吮毫如風雨之驟此骨氣自先雖爲鍊濯所
成亦其天姿逼人遠也不然爭紅顏猶非不窺俗人
眼界然終是碧紗窓中媚事余不敢作石生觀然余
服石生實不在八股衆其清剛變授洞達時務之胸
談天下事無纖毫柔脂處曾草奏章數千言皆關國
計民生之要以非其職不獲上余服石生之氣之識
實在經濟開闢創制不特此區區雕蟲伎倆也石生
之文傳矣石生之用世亦漸大且此山谷鏡服文章
事業當垂不朽又何庸余刺刺云

觀始詩序

天子見正人行正事聞正言與于其始則若此正故

子與氏曰一正君而國定矣雖

聖明御宇執極而運言動中則左右史不勝書無所

容平集益然而開創伊始措施之際渙汗之頒以至

著書立說舉必有關氣運度可爲千百世法程要必

正人出以左右

聖天子助流休化端其肇始是大臣責也諫官職也

御史中丞魏石生其人嚴氣正性嚴嚴嚴嚴立朝著

風節

自思堂文集

二卷

三

天子特簡貳西臺章數十上皆當世大務無一弗規

于正當道人曰表直影端源潔流清事貴乎其始也

佐理國憲手摘口宣議論凝重天下想望其風采乃

於公餘取

皇清甲申以來詩選之命曰觀始不知者謂詩雕蟲

小技耳石生動必究乎其大何事爲此然其選之意

正有見乎其大耳每錄一篇或開紀志或寓感慨或

追鄭繪或著土風皆可使

聖天子勸客乙夜選詩豈微渺耶昔人謂唐詩每變

愈下石生憂之大故選詩亟其一種鴻龐惇固之氣

渾淪磅礴使人望而知爲文明中留混茫之意不然

卽靈蛇隱鵠筆盡石連繫置不錄是以人不分朝野

各不分顯晦篇不論多寡體不論古近無畛域無愛

憎而惟此幾千幾百幾十首如出一人之手使千百

世後之人覽之想見我

皇上開闢之始元氣敦厚方且使千百世後作始詩

觀無復中晚卽進之細旃之席將與六經諸史並陳

不愧

天子聞斯正言播之聲教書爲正事而正人之槩又

不止于妮妮章奏間矣石生選詩之心庶足自于天

自思堂文集

二卷

三八

下後世乎愚謂石生正其始也者正正其終也是集

也可以廣明良雲與之祿

李坦園詩序

靜之爲道無性靈則俗無學問則俗爲俗累者無詩
心繫於俗者無詩骨獨空洞浩渺英異勃率自天分
中出而復濟之以洽博則俗氣不染若隱君子稱利
空流或能免俗而多寒陋無情至語讀之未免秋葉
聲乾由空泉咽然語於貴公子則極難裝馬豪邁消
肉之氣掩其天質卽間出數語匪臺閣則寶玉求其
情適流俗超然物表高懷曠識腹詩便便抑尤難余
向勉爲酒脫然資性鈍且多俗務故爲詩又多俗每
求華胄無俗者絕寥寥不多得內成揮翰日得晤坦

園集卷之十

元

園李年兄詢知爲前相國老伯胤公風致關關不減
樂齋年未弱冠氣超靈論金石玉山映人無塵俗意
私竊謂此異人特挺絕世姿也旣而讀其文如貌姑
射仙人可絕人間烟火清聲灝氣冷冷蒼蒼近來俗
蕪一空余已心折後得借游翰苑好覽課詩更覺然
驚詫清思秀穎咄咄逼人余又心折相與縱談間上
下千古無滯觀無腐意嗚然孤鶴翔覽有所見無
所得噫俗至坦園已消盡矣遂求其集讀之坦園不
以愚俗慨然出囊中若干上而漢魏下而近體余覽
之悉有長卿之溫詞無權氏之累句以少年尤多見

道之談每怪多坎壈語因知坦園蓋有長懷者然詩
不苦不工騷憂難憤河梁之廢高絕千古大抵方寸
五嶽皆境緣逼出噫此以常情論詩非坦園本色坦
園卽不坎壈亦工亦不俗坦園生潭居擁萬卷雄鄴
架能工苦研思毫不染綺綺聲樂之俗大性湛澈其
爲詩則濯秋潭映松雪素樸查玉臺之弱多林靜川
凝之致阮遙集謂郭詩泓靜蕭瑟貴不可言每談之
輒覺神超形越余於坦園亦云坦園蓋詩心異詩骨
奇故俗累爭坦園自今且文章事業名海內繼相國
老伯芳躅又不獨以詩著彼俗子輩以清書翰林目
坦園不惟不識坦園且不知詩余雅愛坦園之人之
詩無俗意故不禁剽剽然余未能免俗坦園曷爲余
藥之

坦園集卷之十

手

王覺斯擬山園詩序

王文安覺斯先生擬山園詩近萬首分數百卷幾盈三尺許天下愛公詩不愛公詩者皆知先生之詩然而先生之詩雄富詰曲好用龍鬼蛇虎及鳥獸草木之名重疊填苗未免讀之者不賞其博多識其蕪予不能詩亦不知詩欽先生爲詩壇宗工而未嘗不惜先生多以字句累大雅其子藉茅刻全集行世思天下後世雖有愛先生之詩者豈能重爲先生刻數百卷傳之永久是先生之多或致湮先生之詩亦不可必於是公事之暇刪存百中之二三覺先生之詩皆大雅近人是先生之詩不必以龍鬼蛇虎種種轉而更不以龍鬼蛇虎種種壓更何庸龍虎蛇鬼種種而後爲先生之詩耶選成質之老友滋黃石黃石不以予爲妄謬因爲梓之以廣其傳

申愚堂文集

卷二

申愚堂詩序

憶二十年前家大人與節愍年伯同官長安予與申子皆隨侍申子方垂髫而予冠時申子文名已滿籍紳先生之口予獲與申子結盟對席吮毫共事揣摩申子每發一論摘片詞予無弗心折申子既而家大人致冢宰政而予隨歸讀書石門山遂與申子聯絕未幾節愍年伯罹國難申子於亂軍中目死扶柩還平干申子遂不復出予既鹿鹿攫世緣而申子嶮然于塵埃之外然從山中來者未嘗不稱申子詩而申子詩名遂燥海內海內士大夫君子欲見申子而不可得相與轉求翻寄殺青幾遍天下予亦祇獲見申子詩而其人杳然不可見戊子予有事江南過申子廬清燈卮酒高談朗吟予仍心折申子如在京師時國朝揚忠節申子始能步走京師爲額

申愚堂文集

卷二

聖天子節愍年伯首列旌表京師縉紳先生因申子之詩欲識申子之人既而服其人而其詩益重矣已予從詞林分臬東昌申子遠涉漳衛顧予清源予得與申子盡歡時予當衡劇古人所謂一行作吏此事便廢而申子遂孤吟明華同鷄澤殷子爲江南之行復顧予清源予適以俗務走歷下過秦符二子慨然

爲酌泉岱嶽之遊着屐聯轡者二十餘日各有詩申
子歸刻岱吟初意三人共作一冊予時奉
天子詔入爲少廷尉匆不及同刻而申子岱吟遂
孤行申子詩已行海內者甚多岱吟其一班也千百
世後申子當列孝義傳又不徒以詩名重矣

田子弗淵詩序

予困馬蹄忙槐黃者幾二十年久隱石門山中石門
山去予邑百里遙疊嶂巉峭壁立萬尋而面出其趾
分爲十幾作九石門皆懸崖中所溪流湍激深寂幽
宵駭隔人世山村數家柴門茆茨其男女森森與麋
鹿相爾汝予築草堂其中額曰懷清竟爲藏矣予自
覺胸無埃塵目無障翳朝嵐坐几夕烟入袖日亦與
麋鹿相爾汝或與山音水聲相贈答隨手而口無弗
洒洒一咏一歌皆天籟之發其時家大人官長安每
趨庭際乘勞馬勞孤挾鐵佩芙蓉之錦綉即當屏發
刺肌蘊隆蒸膚或米生鬢鬢汗澁人馬而一咏一歌
亦皆天籟之發及忝列木天驅駘骨衝長安十丈塵
一切贈答皆強笑不數長歌當哭昔日之天籟方且
不知何往今復口噤目瞠意惴惴若逋債亦無
暇爲一咏一歌卽強爲搦管自疑且笑我非我也回
思昔日自評且嘆我非我也今讀田子弗淵近詠八
種人皆悲田子不售田子亦方賦其不售予獨幸田
子不售是田子之幸田子詩句在大抵于古法出新
意筆下無一滯語是田子之天全也不數年田子登
承明之廬或肩天下之大務欲求如此詠歌豈可得

乎因讀田子詩憶予當日願田子異日思田子今日
當不以予言爲妄田子其自珍之

魯相院募緣疏引

某生固陋至於內典實所未究弱管不能作釋語然
而所作者釋事必且爲大方笑笑則喜古云喜捨又
未必謂某也某家恒山之靈壽靈壽北倚太行有所
謂前山者前山非一山也萬峯糾互朱青紛沓踈暖
疎乎丰容矜嶂以爲眷屬烟嵐交應時序明滅松篁
遶密不讓日月衆壑幽涯砰然而多靜音忽山開奇
域鳳山峙其左象石蹲其後繡岫烟巖廻合出沒中
有古刹曰魯相院相傳爲春秋時魯世子成道之所
然不見經傳不可深信南曰太子峪更深窟玄險衆
氣所萃高綠炫惑蓋猶如來之雪山也近院數里山
盡產栢爲數千年物石罅仄巖不啻萬幹百尋濕翠
之氣濯榮靈賴魯栢之名所以緣起其刹自唐以來
爲一方名勝明隆萬間有僧于指遠近景慕卓杖攻
幽者日無虛晷直與清涼山等其後兵凶荒燹僧易
獨替祇一二老稱向之飛覺崇構金碧丹雘香宇丈
室雕甍瑤瑤盡樵斧游藥山鍾之聲昔青螺頂嶺白蓮
趺昔之游者通而垂涕雖興衰之理道若環及率然
亦因善信大力弗與神造所由然耳月公和簡從清
涼山南還虎林還京驛歷清微狼牙諸山不憚於懷

聞魯相之勝毅然卓錫周覽再三泣涕與悲發大願
心屢復曩勝於是聚徒多人感動鄉邑詠蒨叔共退
避聞之勇躍臻助高閣雄殿煥然洞曠被輝尊天神
工齊嘆諸大殿如來其像皆古名人所成雖經剝落
易於綠飾獨有初後殿閣頽積蔓磔今已締構森華
又復鼎建維摩丈室空洞虛明而下邑苦無高手以
作佳像茲院僧印祖服蘭京師募造諸佛菩薩關聖
韋馱衆像供奉於內莊嚴道場奉鴻費鉅願切力微
恨恨關閣待後感憤乃以其事屬某某不能辭脫某
之願力亦如和尚低偈再三肅墨伸版述厥源流伏
願某某主集二卷
乞犬善信運德長君分其消埃以成淵微即播種福
田之說吾儒不道而諸天証盟靈通冥默必大歡喜
其不能作釋語更不敢作妄語悵悵慧業印應鑒之
山靈云耳

赤松遊引

予丈東塵變時如困霧幾不辨青碧俗緣汨汨坐
老兩鬢於羸馬脊背上嗚回憶家居時芒屨破雲蹙
馳踏雪竹香入夢華落葉簾與二三心知呼濁泥流
塊壘感深今舊矣蚌緘縮日乏韻事兼之饑餓啼
餓不耐聞兒感高歌振林唾壺擊碎用亂如也余歌
特天籟鳴耳惜無佳調更惜無同調鹿鹿魚魚者八
之偶遇北海時人自號赤園遊鷗航夷磊落坐論如
風雨驟來教古人誼絕無妮妮世態遂相與揮筆談
心上下千古偶及史漢謂從來豪傑行事皆有歌曲
四思堂文集二卷
播其音微獨子房以千古奇人曲不輒見近多麗稱
情種遂使英雄氣骨全爲兒女子占據鎔鍊殆盡忠
幸俠烈幾不得芥人頰舌飽人眼孔乃共唱和而傳
赤松遊以當古人窮愁著書彈劍相和之意遇風日
晴悅意愉愉則歌嫺嫺雲橫思懷懷則歌感憤吟嗟
援劍酒酣則歌慷慨對憤然如有所愁者口不能言所
愁則又歌歷月白海嘯蒼黃離落不覺秋老衰段也
足四十餘段五萬餘言兩人相視而笑都無成心隨
市耳巷評庸弗計也歌而樂之即不若昔年卧咄咄
雲批紅抹綠堪雅興翩翩幸不若昔年漂提毀室花

淚鳥驚時孤懷黯黯也聊爲數此以俟登場與十丈
塵中人共作赤松遊觀

序蔣母節壽詩卷

代

夫人不歷艱難貞固之行不足異也不有異以顯吾
艱難貞固之行抑又何必異艱難則操苦而能甘貞
固則久則愈有難人之所難者是乃異耳山崎嶇
而麗厚則玉韞焉淵深沉而不涸則珍生焉且長存
於天壤間予所以感異於蔣母也蔣母稱未亡人蔣
生始齟齬正依依食猪時蔣母遂清節至今遂使蕙
帳燈空舊塔月慘睇肝墮血撫景生悲無卓絕之蹟
表表稱如君子此常人之所能也養道孤教之詩書
禮樂賢聖之道使拾芥功名此亦常人之所能也而
獨於親懷泣斷髮君之恩獨有盡髮欲昆季慈愛則
天性同昆季同愛則畢命之語不同而平以還平異
以成異則常人之所不能蔣母獨能常人至於胤子
成立則肥甘絨纈雖于情之盡而母亦忘其爲苦節
人吁世情至此悲夫覩蔣母所不屑爲而常人偶能
之蔣母今構一淨室燈光禪誦衣布茹淡根塵寂寂
益負至性而具大悟者夫桃李之榮不能必之春日
惟松栢之秉姿堅確飽霜雪歷風雨經年歲之永久
枝葉發而根株不衰豈非其艱難貞固之致然歟
蔣母已凋花甲齒髮衰志意同不變吁異哉今蔣生

售矣蔣母可藉以終黃鵠之局予知蔣母正多憂也
蔣生生有異徵長有異才驚文絕學有異常人之所
締構然世路平則坦坦異則仄仄談異於軒綬之場
正難爲俗人道也予較士浙闈得蔣生於墮擲中以
服其異遂拔之前茅嗣而聯雋南宮蔣生以異獲遇
從此卓犖倭倭立奇功於朝野間以大顯蔣母之艱
難貞固能人之所不能焉予又不特異蔣母當深美
蔣生之異以顯蔣母之異也士大夫惠金玉之章甚
多遂爾弁此蔣生何以慰母之艱難貞固哉予跋望
之

題曹白公杏花囊詩卷

漢武有金杏大如斗入東方生囊中稱千古奇韻事
白公年翁囊杏耶詩耶上林騎散龍山雪飄白公之
詩耶逆響驚雲清辭振玉春明之杏耶顛倒天工于
蕉衫駿馬作推敲狀煖日烘晴杏園興劇遂而集此
乃停雲一客直笑語于白公囊帙中爲周爲蝶爲詩
爲杏可以例語今種花梁谷之囊公庭花落不異御
苑負囊時第自此鳴琴調鶴又奪是杏花一半總締
耳然海岱人大幸而沐公之政當作花雨繽紛觀白
公且飲天漿食地汁結杏如斗盛以東方生之囊爲
天子壽歌曰天子萬年

澹泊明志寧靜致遠說

貞雋承之懷者不汨濃郁之脂毒具恢弘之畧者不
倚咫尺之隘局何也心之所養者裕而議之所燭者
廣也必欲使謀慮幽深規模英毅者與牧圉等庸則
碌碌者反得藉爲口實夫人而矢心於肩輿任鉅樹
鴻駿之業勛流青汗名勒鼎鐘徒相逐於浮名浮譽
之間而中無可持以爲楫則蛟之負山也驚之罟鴛
也趨者之呼吸憑急而半塗也鮮不力害矣大都先
於立志夫志之立也如祭九重之臺厚其趾基造廣
松之車堅其輻軸以昔躬親夫子之間號稱賢哲入

即事堂文集

上卷

聖

見聖道而悅出冕紛華而悅必篤志近思始造誠實
篤信聖人況後之矜才炫智者可泛濫浮托謂足以
周重大舉宏碩也乎恒人談沉頓抑鬱則色沮一言
及華腹薰燂之事則眉宇爲之飛揚談幽平寂寞則
夷爲無奇一言及狡捷斯馳之事則手足爲之鼓舞
蓋美好艷觀新奇馳驟耳目無王事業波流欲其崇
恬夷之度疑鼎呂之器心可以恭天下萬世而無愧
具可以受投遺艱大而無負嚙維艱哉古之君子簞
蔬耕耒焚溺抱憂匡坐弦歌民物在慮舍和守一上
下古今有似乎冲夷自廢之所爲及起而經天下之

即事堂文集

二卷

聖

務卽素餐不啻其明决豈生質之異資性之過人哉
良由湛然於道德之淵藪無功利以褻其心足以當
之猝然無所畏縮試之東西無所惑超卽處危疑輟
轉之場濇乎若無事而處于以巨大難而開大利無
數困不成之事焉不然燔焦炙鴛蘭和芍液肯於脫
采木膚萊根巷膠也雲綃霧縠絳錦繪華於弱水
縕結踵出肘露也連覺愧廡階堂清與安於上漏下
濕蓬戶繩樞也曼睪垂髻粉口列屋麗於綺衣茹蕙
炊爨井日也人孰不甘旨悅華喜安愛麗而乃取人
之所不堪守人之所不願乎然此特其境遇焉耳丈
夫能必其生富貴而無貧賤哉是不然必謂窮愁之
中有聖賢亨嘉之途無人品何異於下邑陋巷之老
謂却穗而名伯夷拱揖而號孔顏也彼富厚而慕道
廊廟而玄修者將奚說以處乎心慕道之貴哉則無
妨於方丈思衡門之栖遲則無妨於潭居不改布衣
之操持自不矜佩玉而曳組無乖琴瑟之癖好白不
溺蟬領而蛾眉假使却觀前之委順遇乎苦空以清
淨爲嘉尚以鈞玄爲高致以鈞名弋譽少無宦情爲
飾詐矜廉之計則天生斯人亦安取此矯情逃虛之
章爲埏埴萬物底奠萬方之用耶而加之以大務匪

厥則憐又嘗覽物興思膺疾於鳳蛙怒於龜螭於
麟螭勇於蟬醴梧之異於毛厘也蓄藏之異於鼓
也祥趾之異於狡逐風露之異於臭壤也其志異則
其慶殊故賜張泉嗣之舉動孫升擊之翻捷而曰
奮載茂績吾不信也必其冲然無求望然無擾神用
淵穆氣宇端平而特然之志如砥柱之在洪濤屹若
不移則不必揚以示人以之湛微則八窓玲瓏萬川
浩淼源頭活水綠樹青山匪守株之待膠柱之鼓也
而粹白無疵天下共仰之如景慶望之如雲嶠斯非
朝廷之良碩而人倫之表準歟於是爲之語曰寧爲
四思堂文集 二卷
瓊存母爲姁姁寧爲希聲母爲絃數寧淵博而瞻
母棲臂而蹕蹕借非然也昔武侯澹泊足以明志寧
靜足以致遠之言豈欺我哉

擬待漏院記

皇帝撫御方夏百度維新都廟壇壝之制遠過前古
芝闕清寧擬廷會靈其時奉養之鳳集于鸞班越案
之雉來於重譯雲合景從者仰當陽之宇以爲會歸
劍珮星軺依德光而止雖離蕭蕭倚歛盛哉雖人
不敢有怠違而制不可不弘備皇帝推如天之仁憐
群下因創爲待漏院復古制也其版築之歲月規度
之崇闕茲不俱舉想其時鸞和鏘鏘龍旂施施過闕
而下辯色而來麟次星羅聽鶴禁之麗譙度螭頭之
瞻望不可數計豈能以一院容粵稽有宋初創是院
四思堂文集 二卷
專優相臣然其立院之意其義廣也凡厥超躋之衆
莫不私自懼曰我皇上勵精圖治未明求衣時幾之
教鶴於聖躬體兢業不遑之心存何其未央之處何
如乾惕敢爲偃卧黃茵優游紫府以驟職業于于皇
上董勵臣工之意無乃或悖乎試敷古璫璣之設欽
崇之道擲堦之籌驚人寤寐鷄窓勤於進德圓枕俱
乎夢卿因文顯義不啻諄諄小物如此大者可知也
大事莫墮於神昏敬莫大於齋遠君臣之際尤其宜
嚴觀咫尺之天威懼告戒之或後能無顧望驚心靡
盥動念乎不但此也聞蓮花之湧箭思精白之清操

憶木偶之司鉅竊誠信之不與分咎異杪欲濟譴謫之風夙夜惟寅嘿抱贖官之慮漏惕于心耶心惕于漏耶總之無奉一人爵治之心則可耳雖然羣憂契爲千古臣則豈惟一勦毘哉所貴翼翼恭忱忠貞自矢以國事爲家事合衆心爲一心知有君不知有身知有公不知有私昏夜之乞既不慚於衆影多露之沾復無慮于厭浥則曉漏明光之間皆臣子肝膽披瀝之地推之退食委蛇燕居補過之際亦無間焉豈特茲棖概桶棟足以壯游觀資腴庇哉大惟是君臣相勵以有成也古帝敬授人時載更臘朔君臣皇

四庫全書

二卷

星

爲記

江南貢院主考題名記

南國鎮院舊有題名石故事闕試竣則書典文者爵里姓名於石志盛也亦志慎也入

皇清有事於鹿鳴者再而庶物草創豐碣未遑歲戌予予與同官梁史公來蒞南闈撤棘之暇徘徊堂庑摩娑舊所立石爲明嘉靖戊子踞今恰三周甲曆矣因喟然嘆息顧藩伯劉公孫公而言曰嗟乎斯文之在茲也譬日月之麗天江河之行地也雖陵夷谷變斯文未喪斯石長在斯人亦長在何事萬山之巔萬山之淵而後有託以不朽也哉制科之興肇自宋代迄明而大盛懸一目以羅天下之奇才異能入其目者謂之中程不中程卽才若淵奇辨如屈憤不得躍

四庫全書

二卷

星

治以取福澤樹鴻駿故三載大比司衡者廣帝簡而出濟濟多士拜成言而入肅若神聰嚴如聖師搏心戰志以聽一二人之去取夫懸一目以羅奇才異能之流更舉億姓百族而受命於一二人之取舉能其人惟主者能謂誰其人惟主者異則此一二

照汗青磊磊不知幾何矣然富貴而名湮滅者亦不可勝紀至今相傳曰是榜得人某某則某某所取士是科間無聞人則某某所錄士嗟乎樹椅桐者成而花人樹枳棘者成而刺人彼典文者謂是自前所得失僅以榮桃李植門墻已爾旅旅而進旅旅而退禮官不能糾簡書不及問烏知百年而後薰蕕林立得失較著指斯石而曰某賢某不肖者若燭照筮計也哉然則旌子皮之勛勵韓厥之報而陰以梳冬烘之魄者茲石不爲無助令

聖主幸輿稽古右文首隆賢書之獻五年之間南國

即思堂文集

二卷

四九

貢士者三廟茲題者無不鑄書文數職與以車卷回車馬之盛譬之大厦雲興杞梓棟楠皆登於用而操繩選材之匠猶快而莫紀豈古者闕士官師之遺意乎劉公孫公夔然起謝曰貢士予職也有美不傳亦予職乃伐石麗龜勒酉戌以來典闕者爵里姓名而爲文以記自戊子始

河上獻水記

予以癸巳嘉平分集清源清源瀆漕之事紛而患重播舉肝腦修塞無暇日昔繪者不能寫其苦南來萬帆需糧進歸亦萬帆需糧進歸事微卷下不計兌收之濡滯第費河千吏是以河千吏倍難甲午子月四日忽河米結馳望如雪駐于丈橋艦林瑛詢之土人云前此未有如是早者天顧贈予苦耳初凍不過三四里獻之法及人咸未備窮日夜力卸不過數武其水如綿納椎而弗解厚尺無所施踏蹴因虛舟兩崖梭觸之稍稍解日不過數丈其水漸堅虛舟觸之

即思堂文集

二卷

手

礙受集本機畏稱數百齊鑿之聲鏗鏗不絕水自若也遂以小舢載十人舢前後繼之而舢其兩端兩端數十人麾而前呼聲振野傳舢跡水上碎冒噲叱水被壓且舢上人左右撼弗已水乃崩微却役蹟而予嘆已枯日不過數等蓋三舟六繼之多則進退弗利也日不過一里初所謂結三四里者次日十里漸報二十里七日而五十里至百里而達者不過十里因募兵民胥役至千餘人予指揮狂跳其間製小旗分汎邊武健者持大鉄椎及石杵奮力下特方寸白必數十椎杵始透一孔入巨木力槌之水有破者人備

嶺隈淵大呼而走水碎而不流又懸賞募巧力有膽
氣者立方丈解水上順流而下竿劃諸水遇傍舟則
躍而上始日過三五里中流既歸依崖者仍小舟裁
之如盤食竹觀經水若銀條群將枯草着掌中以挽
不然纜手合矣河之濤歷兵燹無居廬官民日枵腹
集事或挾乾餼冷吞之予腹不能納寒物輒口不食
每啖棗栗數枚薑數片而亦不覺餒以田人荒黃茅
彌望風復劇漕舟過不敢舉火故耳雖日三五里而
予往還輒數十次左右多木偶夫役又不解予謀大
呼而聲已啞又慮巨水下致中梗時時分官民沿伺

之類則又駭敵初精力疲憊骨節疎痛抵暮不歸
夜以繼日漢星荒月黃竅清遶果烈如刀予憐眾苦
俾假寐予借棧一布窩夜深寒入髓理悲風更甚窩
外皆呻吟啜泣聲貧民衣單中宵聚語細聽之不成
寐牙格格屑直會北方大水化離輒道扶携老穉行
踉蹌不能抵村落古廟者野哭相續予擁羊裘每凄
淒淚下也及曉聞東首及衣皆霜凝色素矣或時僦
居漕舟夜水汨汨水下恍鬼之夜哭也尤不忍聞一
日狂飈驟至夫役皆伏岸側頃刻不辨爲人成土塊
矣予猶勉進挺立方呼飛廉而祈告之開口沙滿無

以爲聲稍息起相對皆面無人色如是閱二十餘日
始達東充境予得歸看小兒女幾不識予予憊之攬
鏡自照面瘵裂驚駭髮白睛赤神氣血肉皆類鏤予
亦幾不識予矣予職分所宜不敢言勞食漕之水者
盡念諸噫

人主之學當以明理爲先

聖主之臨御區夏必有攬厥要而精于不可雜者是
有道焉夫道原于夫幹流而不息閭闔而不窮藏于
宥密擴于清虛于是人主承之以聰明之姿建麟炳
商皇之業而欲任知術憑威力代鳥飛逐馬走能使
天下成到隆之治敷經天理物之學哉况人主之心
情愛糾纏以擾之牀第繁紆以亂之喜怒偏倚以淆
之浸潤膚慙以疑之而欲令此心虛半天地蒼凝六
合非洞然一元綏降之始灼然于六子氤氲之氣未
能勝任而愉快信乎人主之學必以明理爲先也請

四聖堂文集

二卷

五

申論之堯欽明而舜德著舜文明而文德升湯錫知
勇而有蘇奏武聖聰明而者定成豈自聖自雄不事
汲皇之所致耶夫堯舜之駕伊祈之功文炳千古蒲
衣之師爲汭之降遠燎于中天一德之應志典學遂
以接玄鳥之緒執競之演時訪範遂以開彬郁之傳
此已事可徵者且理之所寄至繁多矣日月昭同星
雲燎焯虹霓橫練河漢拂霄紀次營周黃赤通道明
之則承天之學嶽峻柱天瀆濤綿地星源停菡陵谷
驚移亥步章經水天桂游明之則應地之學太平蒙
昧多鸛無尾飲氣沉羽穿膈離題飲食編戶華才蔚

四聖堂文集

二卷

五

生明之則治人之學越裳馴雉肅慎悒天青域白狼
上方靈丹趾仁載詠繼統銘文明之則察物之學且
簡章青陽左圖右史則普明之用也才藝萬軸縑緇
千尋則招明之資也虛席夜半問趙涿山求明之術
也委莊鼓瑟置鼓談鐸購濬明之藉也此可姑在而
緩蓋芝而曰帝王齊立馳化氣返玄易執大柄肩大
任區區教儒者之所爲跡得無近于迂乎然舍此而
爲學未免理涉于玄而玉樓金閣瓊房瑤瑤紛其慮
理墮于空未免竺書梵唄輪迴麵牲炫其神求所爲
炳炳烺烺若止水若定雲若靈犀之夜燃秦鏡之朝
輝無不爲也無不爲也變不及矣求理而不得其所
以爲教教焉體勞體瘁口食鹽門衣被絺也躬處茅
茨計已役矣若能有所明則能有所通能有所通則
能有所謙蓋見于未然也使變幻煬傲詭譎之徒無
所施其巧不亦淮澄之懷明王之端拱哉而人主又
不止此龍輶象輓結綵垂簪金鍍瓊茷火齊木難食
紫刻玉錦屏曳裾燦明之相也屏之而理不晦燦
蓋穀和爲勺烹海島臘鯢窮窮奇獸賦明之物也淡
之而理不濁明探如龜機石文孫星旂垂威禪亭鐫

柱散明之方也省之而理不渝所以理之未能明者
斷非尋章摘句已也第不自知而師愚則理以虛成
矣不自強而守拙則理以樸成矣古所謂急先務以
握要不煩者誠達于天之道哉雖然君自爲學則滯
而不廣必陳殷置輔之得其人乎鄭人取玉載引南
之車夫賢士大夫人主之引南也人主虛心宣猷人
臣和顏進規又何泰交之不成而理不益若學不益
明也哉

復其見天地之心論

化其有焉歟厥微則摩有整厥章也蓋靡整蓋天地
亦寥穆矣幹流弗底滯貞固弗悔過涵無殊端堯王
王至道哉首尸氣皇中尸聖皇邊尸事皇觀若莫曉
若罔絕履而立橐籥靜而能理虛靈而能治爲物治
焉其主密無鑄係無極闢大繁之門無竭誓諸流變
堙鬱藏蕤咤牛厥懸童角狹狹六翼八目須鵜御雲
煥煥接接以至靈氣爲佳類聖淑平庸茹蛇卧虺梟
膈洞胸之民莫不依函蓋承剛龍牝馬之顛倒豈日
給役精爲耶有其太始太乙太素之源一氣初交極
柔托之是必之居中央生生以幾而天地又烏乎心
易復之象傳謂復其見天地之心試據譚之復者一
陽之動惟一故神而師謙豫晉剝未常非一然所計
有間橐于一衍于萬窮天地更化易運復歸于一何
也天地之心也目爲元元者氣始月爲會會者數交
其數十二星爲運運爲時行其數三百六十辰爲世
世者變終其數四千三百二十立乎一觀乎多茫茫
助設皆統一有一則有數數盡則物窮有物則有數
物窮則數盡數盡則復物窮則變變而能復故及是
以天地之數一數也若播乎十端四極四和十二綱

九野九垓虛無不可象崩洪不可兆轉蓋倚杵覆盆
輪轂玉儀銅渾三體六氣瀾瀾乎險不可升而曰曼
曼之帝孰宰是與夫七表四瀆八風九道九域九財
積塊莫倪厥章亥厥績絡含功牧生分率以辨廣輪
漫漫迢迢而曰死之食之不責厥德孰持是是皆操
求之娓娓也不職諸得一而清寧者乎往不來則來
絕矣出不入則出置矣復者來之入之之根也而終
古無傾陷虞耳夫赤遭平分浮屠無影神樞不稜書
府鎮砥是中也非心也形可見而測而心不可知則
天地見心是不體懂人也動之始則陽生靜之極則
如東堂文集卷二 七
主

者一而衆治綜爰考之律復位于子爲太陽之陽黃
鍾之宮集積而虛則太簇姑洗林鍾南呂皆以正應
無有愆微不復與他律爲從同心于一也以一積之
一三在上七九在下故陽龍種于黃泉孽萌群物爲
六氣元所養者一則衆節應爰考之曆禮重朔春秋
紀元日有六甲辰有五子冬至之子半名曰章月四
分月法以其一乘章月是爲中法從一推之三歲而
餘五歲而滿至六十一歲而更初更初以復則時日
月歲以及八十一歲萬二千五百二十歲各有其復
不然而大撓無功頤帝弗誌矣爰考之明堂圖心爲
身主榮衛筋骨髓經絡以環共之體有六經加以
陽維獨丹田混元之氣胎復于一周三百六十五穴
絡牽絡接俱起于一陽之初善療者稽其本庸者和
其支本則一之始也爰考之太玄易以六十四周歲
太玄易之八十一難用九亦用一也而不能移冬至
之中依于養故曰潛心于淵美厥靈根眺胸于亥也
露于子始爲方州部家枝載分正累累萬言祇明一
耳爰考之墳山墳始崇君象首數原于一歸藏始天
氣曰歸地氣曰藏定位生魂歸交生卵物原于一神
農墳始乾繼陽終坤形月氣原于一一則復耳爰考

之京房復陰極則反陽道行也一陽爲卦主與震爲
飛伏始坤六月至十月戊子爲正朔積算起庚子至
已亥土木見候五星從位張宿應精分氣雖二十六
而謂氣之始隆也言理數者方隅區分不出天地配
對參倚不離復始是天地無復化機幾乎息復之時
義大矣哉陰陽消息運之自然不然五德五帝五行
偶僥玄化既經立房已發亦安有宗耶故象曰至日
閉關務上下篤靜以順微物復之其早修而無悔中
正能復休美以仁若處動不已亦危矣復以從善洵
從陽之道乎惟六五中順居尊敦復自考以成豈會
至迷不復致大敗之凶故曰反復其道七日來復示
無妄蹕也復比震而異姤故震示恐懼姤初繫惕陽
憂乏幾陰不可廣復其得中適矣雖然復得乾始而
具坤體故天地全焉函三而爲一者元也元者善
之長體仁長人者懷其始和以體天地之心將見臨
而復守萬御總儼然玄嘿上通帝眷俯莫坤維則天
地之心在聖心矣

皇皇文集卷二

五

經世大典在方策

聖人作則以範萬民厥有準焉準立而式從而圖成
之者始由心舉其首善乎夫聖人之心廣大無垠
集立憲象物垂拱效法以擬經訓圖書以治時
雖遠慮雖生無難運變處物莫備乎其心此萬美
備之妙是以典贊神明弘開大道經絡天地推運日
月又必有法焉以立之歸德人法物物法天天法道
道法極極法素自渾茫闢理數開法著矣法著而聖
明聖明而法益明是以勤勤典章傳之同人秘之各
山載之藏室範圍不過曲成不遺其淵論人治更千
萬世皆可考稽會稽玉篇茂平漆淵潞洵丹用乃肇
嘉文亦以帝王之學迥異儒生耳若夫雲及理象金
錢瓊版道扶玄虛之菹言詮展綿之徵而無與於天
下萬世之法徒使章句鉤深汗克駭俗則盛德大業
竟何有哉惟彪炳日星照耀金石而聖人之心且見
乎辭矣善乎程子謂聖人經世大法備在方策須得
其要而舉行之吁此聖學第一義請申論之聖王之
心大不可極深不可測神不爭於器首駕不爭於域
鋒而制節謹度典則式昭如澄水鏡傳合六御而範
馳驅不代輿競走致藉力紀也如鑒琬琰之山載司

皇皇文集卷二

辛

南游浩漫之廣持櫓不迷王光顯微躬也何也天下皆面慕於王者之心使其師心自用子智欄雄則彷彿頭領輕驚紛筆食監門親肝脈股無毛足重野且勢立窮遠坐窮耳焉若問途轍於已經求精微於已效得其真寢聲氣可通神而明之有益於方策之言者哉說者謂曉遠則華勢殊則遷踈踈踈拘輟而趨遇險斯休矣亦未曉乎其原也夫帝王之有心有是學也非躬也夫經世大務也帝賴以款神賴以裡蒼默之擾擾賴緩理泉嗣洞胸長翟焦能升服赤愆之家顧西蓋七政賴齊五師賴合六宗賴正四

陳類主五職

章

邦則三德迭興百為以建金匱石室載其森備矣此皆靈鑒足據奉為標表後王即聰明神武無能加於盛德尤卓偉質瑰委煌煌令美之業耳欽文濬哲敬德日躋敬勝義勝之心欲不為維皇之穆穆乎帝之熙熙乎王之皞皞乎借非然也縱令后羿操弓甘蠅執矢無法而廢則魯縞窮於弩末也力賁育之雄擅烏獲之健弗左于將右饒鍾使之無法而剗剗則目衡觀髀驚怖卑兒徒手奚若然也弗設儀立表而目能眇日不瞬睨月知移觀星度寸無法則轉昏窮瞬睫也故規矩準繩公輸若之以成器徽絃桐軫成連

四庫全書

卷

法在以議禮而廟別昭穆勺別疏蒲蜡享無淪跡數
有度衣冠有代興之制儀文有千百之制則法在以
定樂則雲門以祀天咸池以享地鐘律以綏灰而辨
上下以生滅而知度指製律吹竹和聲則法在以定
賦而方物不同貢織能相厥宜授里以田歸兵於井
作十三而始同準十一以爲取則法在以制兵則丘
邑共車七家共什五卒分閭父兄斯衛王師討而前
研內卒戍而歌徵則法在以制刑則鞭朴異施下車
或泣疑輕疑重分其意不辜不經善其施刑則於無
罰亦爲慎則法在以法在則心留心留則學存豈徒於
深宮稱朕休形無見影揜聲無出響謂莫得其影則
無以直莫得其響則無以清濁耶果爾薄方策爲
不足信從則猶猜鹿挺勢奔鹿聚鳥驚魚駭種種變
起微措之事業以成治噫噫難矣則又不止下同儒
生爲學章句文義而已然窮則復復則通末聞五帝
襲禮而行三王襲樂而奏也或損或益其因乃善昔
云經之緯之太極始樹夫經直也緯橫也誠以直道
行之無回邪無隱遁則大法自此心生矣故云欲傳
堯舜禹湯文武之道擴充是心焉爾

養士莫大乎大學

賢之興也材之育也必有其本焉必有其道焉必有
其地焉表端則影直道大則體備地建則教有所自
立觀有所自虞夫天生人而駐駐穆穆紛還諸詠州
處而澶漫焉乃哀然拔萃樹幟號之爲士豈徒方領
矩步博帶褒衣以稱名乎亦將朝資獻替治資經理
折衝樽俎資謀謨涵陶萬物資工冶乎資之則必預
計之預計之則必專其教導之方而重以端本之處
使之朝焉夕焉息焉游焉不見異物而達焉蓋從來
聖王所以昭至德明人倫給政治毓英俊故建首善
自京師始所以廣川氏對策謂養士莫大乎太學誠
論議也士者特爾挺生出群品氓蚩而上之鍾陰陽
鬼神五行之秀而最靈聰明必加物智慮必淵深氣
英爽不可遏格心憤憤極乎無垠擇道摘文可以造
書契之所無而茂尋常之所習不有以養之則揚而
無抑行而無止有雄分英分而無剛克柔克以之任
事未免執已見償天下焉以之立身未免放蕩時作
無所檢式是以歷古先王知其然作爲上庠下庠東
序西序左學右學東膠虞庠曰辟雍曰頤宮曰瞽宗
曰成均曰朱廩曰發宮諸侯之國小小學內而太學外

天子之邦太學內而小學外皆養之之區也司徒學
正師氏保氏大司成大司樂小胥大胥小樂正大學
正書養之人也九兩三德三行六藝五禮六樂五射
五術六書九數六儀四術四教四書七教皆養之具
也元日習射上功習鄉尚齒春夏異教秋冬變習風
雨論難晦入繼者忽而執經者詔之忽而典書者詔
之皆養之之時也一年視離經辨志三年視敦業樂
群五年博文親師七年視端學取友九年習類通達
強立而不反皆養之節也取賢欽才或以德進或以
事舉或以言揚曲藝皆晉三而有一乃進焉其等以

四思堂文集

二卷

堂

其序論士之秀而升之司徒曰選士論選之秀而升
之大學曰俊士不征者曰造士論造之秀進之司馬
曰選士皆養之之辨而登進之以成其養也然何代
無學何代無士究其實養之不同而效亦迥異秦以
刑名法律爲治使學者以吏爲師燔詩書坑儒生尼
山棘滿魯壁苦侵題說之煇肆而奎壁之曜昏無學
也無養也並無士也漢興以干戈定天下謂安事詩
書禮儀冠冠儒貌而治亦雜霸迫武帝始興太學下
諸儒方正博聞之士增博士弟子員以廣賢才文學
掌故秀才異等咸出其中昭帝舉賢良太學增良百

人元帝時通經者千人成帝則三千人光武于軍旅
之際訪儒雅四方學士雲集京師咸屬太學和帝視
大學厚賜弟子員贊桓皆有事于太學以故西漢之
文章東漢之節義炳炳麟麟昭耀千古皆養得其道
而涵育教化之有其地倚欽盛矣至白虎石渠之議
論說堯典十餘萬若稽古亦三萬或橋門說經或稱
制臨決或造皇義五十篇命之爲講壇非所以養也
自是陵遲敗壞南渡虛華太學有灰炭之嘆石經下
缺斷之候弟子散落師法無聞正始始延學士于國
丘無學也太和勅經學于郡國三學也

四思堂文集

二卷

堂

學謂建國教學爲先所以遵理爲養器亦寥寥不聞
化導之法師儒之席無養也晉武初時生徒三千大
始七千無學也咸寧始起國子學及元成立學江左
養之非則應之亦非遂有何尚之之玄何承天之史
謝元之文雷次宗之推劉宋之聰明觀可命之爲賈
廬非所以養之而成也唐制六學明學舍千二百間
博士凡三千二百六十員其序遷檢閱第階習業之
法雖嚴且密然不難以辭賦掄士雖施補虎競走毫
端月露風雲爭排章句至廣德中以魚朝恩領國子
不亦羞章綬而辱先聖哉以故面禁口脂形之奏謝

拈尾鼓瑟紀之文場可命之爲詞館末嘗無學實無所謂養也宋重經術講究聖賢之義植而養之者在下不在上在野不在朝宋臣云今教不本于學校士不祭于鄉里輻輳而至者不過解額之漚舍過之私至王安石易以經義士遂揣摩帖括以希進取訓詁盛而大道微其罪不在祖龍下判國子王拱辰請增學舍儲賢哲爲國家養大器而三司乃云財費靡多豈養士如此能望進德修業以成振奮之業哉可命之爲文肆宋有學而學不在太學自卷而養亦不在司成也厥後有名無實有條例無深情嘆與前代等

四庫全書

卷七

總之學制者帝王一代之興作教化者師儒一心之精微士能自養然後可以爲上養士不能自養而上之養之者愈不容已矣善乎陽朔之詔謂立太學將以傳先王之業流化于天下儒林之官四海淵源宜明于古今通達國體始不爲下所輕而後可以尊道德美哉言乎緬邇古之爲吏者其德行道藝俱足以爲人師表即發政施令無非教也使民興賢出使長之使民興能入使治之儒與吏不岐教與養不判故養曰養教亦曰養則主教事其任匪輕則養之者要矣粵稽刻石傳經儒弗訂正華山有賦士林傳布盛

達之與楊恭也文質彬彬時人有欲當世儒宗天子致獎賀德仁之與盧誕也昌黎入而生徒相賀楊汪論而通經莫屈則祭酒得人矣進退作則動言是做陽城有之嚴以師禮扶善遏過實公有之張參手書九經山揮口誦雅始則司業得人矣廣文先生才過屈宋國子先生上規姚姒陽嘉既試明經高等左雄復奏海內名儒則博士得人矣程明道洛中師表而召判武學陳瑩中元祐明公而擢爲儒最伊川諸爲學政而性理以明安定教授蘇湖而體用俱足如數公者安可一日不在太學不然徒冠儒冠衣儒衣曰吾不佛不老孔子之徒也乃琳室梵宇鄙爲好究之場而璧水芹宮謬作斯肆之地所用非所養所養非所學何異懸馬首而驚牛肉督人之燕而南其輶輒哉興賢起化第一義孰有加于太學者乎誠計其養之源而廣川之旨愈明矣

四庫全書

二卷

庚

用九用六解

言數不言理言理不言事是無用也無用則積也積則不可有爲也立天之道陰與陽立地之道柔與剛天陽也而有陰地柔也而有剛以用有也彌綸天地之道則人極立易三才之道也兼三才而兩之則六也諸卦皆變而乾坤獨言用何也夫乾坤者而六子用惟用始有六子也夫陰陽用則交也陰交於陽則震坎艮也陽交於陰則巽離兌也天五地五用合爲十天地皆以一變四用者三不用者一非一不用不用之爲用祖也陽至九而無十故不足於後則永貞而曰無首陰雖一陰不足於首應無首而曰利永貞正所以用也天統體八變而終於十六地分用六變而終於十二天何以不言用則易動故言體以凝之地本靜故言用以盡之其用乃神也乾止於震餘入於無者天辰不見也坤止於兌餘歸於有者地體常潛也以用爲本而藏其用也既六爻盡其義矣不用則老陽老陰無權也故用有人事焉惟用則十二爻皆變動而諸卦遂成也大衍之數五十其用四十有九有一不用則終不成九六之數故幽贊之道在乎用也天以孤用故用數自起一三五七九皆生數也

周易堂文集

二卷

卷

地耦而從故用數合乾二四六八十皆成數也生成

者用之能也用九六而不爲九六用也乾西北坤東南父母既老而退居無用之地然母親而父尊故坤半用而乾全不用也用者在六子立其用者在乾坤也先天不用後天致用則乾坤二用非出於六陰六陽之外即在六陽六陰之中也在潛則用潛在飛則用飛在霜冰則用霜冰在玄黃則用玄黃也乾不用則陽窮坤不用則陰窮窮則變變則通變通者用之所乘而九六以交感細繆開闢動盪也故乾之策二百一十有六坤之策一百四十有四從三十二四之得陽之九六陰之九一十有二得陰之六四十六百有八合萬有九千五百二十是爲萬物之數也因用得數因數得用愈不可窮也陽極而亢陰極而戰不亢不戰不用理極則始也始用乎陽則震故帝出乎震也始用乎陰則巽與順也故坤順承天也出之承之用之所由起也陽君子之道也陰小人之道也乾文言釋用而坤文言不釋用故用乾則二三合而四也而釋之故用乾則以用坤也此聖人以人事釋乾元作也意也乾用四故取六以與坤坤用四故取一以與乾乾坤兩清六皆始用也餘皆歸身其

周易堂文集

二卷

卷

無幾故無首用則至亢不傷也遁窮必爭變爲干戈
故戰野用則大終有慶也天地有缺陷人事可補之
也故聖人垂二用以示人也用之時義大矣哉詩云
不競不綏不剛不柔敷政優優此之謂也

河圖生易陰陽老少牛數辨

河圖之位一六居下二七居上三八居左四九居右
五十居中計五十五數一等五陽計數二十五二等
五陰計數三十一二順位相配曰得一六對位相配
曰合一變水六以成之二化火七成之三生木八成
之四生金九成之五生土十成之故五十居中一六
在北二七在南三八在東四九在西二老位于西北
二少位于東南是生八卦八卦者陰陽奇偶之盡也
此體也用之則生六十四卦是定箇吉則必揲之而
始見合五十五數虛五不用爲衍母也示已有五行
但如無極之未形非無也用四十九而又虛一象大
極四十九已全陰陽之義便活動矣凡陽先老而後
少尊之也陰先少而後老卑之也凡言老少者以過
揲者言之非以掛扚者言也三奇則九矣過揲亦九
四九三十六是居一之太陽餘二奇一個則八過揲
亦八四八三十二是謂若二之少陰二偶一奇則七
過揲亦七四七二十八是謂居三之少陽三偶則六
過揲亦六四六二十四是謂居四之老陰四九三十
六之老陽計合易訣陽爻百九十二三十六個百九
十二計六千九百一十二四六二十四之老陰合計

該陰爻百九十二六十四個一百九十二共計四千
六百八共萬有一千五百二十少陽四七二十八得
百六十八計百九十二以四七二十八計之得五千
三百七十六少陰四八三十二得百九十二以三十
二計之得六千一百四十四亦萬有一千五百二十
總之天地之數是六十數六六三百六十期也餘六
六也朔盈氣虛各六也故易兩之六也以三十六合
二十四老陽與老陰配六十也三十二與二十八少
陽與少陰配六十也五歲再閏餘六十也五聲從五
行而乘十二律亦積爲六十也十干與十二支乘亦
六十也計河圖洛書之生數如此也

古今儒吏廉吏辯

蓋聞受命授民剖符敷惠藉茲循卓風紀攸關茲嗣
于百里雉離之邦屬捺于三椽退思之室躬行七教
砥礪知經守嚴六軍舟虛載善興文砥節曉斯隆已
然而仕優則獵典籍志潔而畏人知若鉤距未開麗
模之俗染鼎尚與嘗竈之誚蒙耻影衾可勝道哉否
則守卷政庭無救乎彫翹風清携橐計拙于撫安雖
貌必琴言歌之趣安折轅塵釜之陋亦腐而無庸解
而無濟號曰雅流何關卸治乎俯仰古今政難全璧
至于三代而下明季而前史冊所標耳目所逮累紙
汗牛過夢險惡顯顯無盡昔賢欲辨忌言用究
其心可耳吏而儒者每俱古學未彰隆名不立蒞事
如遊講誦之堂揮霍坐食道德之語口擅魯鄒業弘
風雅淵乎其宿理窟浩乎其窮竊深錢穀亦思大惠
之頒刑名比于哀矜之誥儼若師傳之臨允乎訓誨
之迴魂夢斯懷素志可酬吏而廉者則以仕非爲貧
不貪爲實我取而人丁其與此盈而彼處其缺赤子
蒼生父奪之子而不以名富養廉詔祿君錫之惠而
奚庸外求見利若惡蟪螻蟻若土苴而袖載風以鳴
清一孟賸水而著潔瓊茲峻節邈焉寡儔至于椎魯

無文荒唐故實英華無湛經術之秀聞見全球皆鑑
 之模語不通仁聖之言行不循高良之式勢必蠅營
 貽玷狗苟鑽懷晚血書云未應敲骨難償債願寄及
 問井酸禍縣黎亦使飢餓分肆播種應宿安能興起
 太平救極生生哉即使文章都雅被服魯裳拉郭眾
 之雄奮礪孔鑄之槩深羅爾全篇史稱腹笥而孔虎
 勢威賅適動念剝膏以實囊匱擷取以快墨心厥管
 孔長善蹟安錄乎亦或純白自好較諸（此處文字模糊）
 之（此處文字模糊）之休風晚景供（此處文字模糊）
 之（此處文字模糊）之（此處文字模糊）黃葛（此處文字模糊）日（此處文字模糊）
 理道旁之冠野秋守樵（此處文字模糊）茂社耶况有管窺無
 得侈口談天道岸未測極音悟理倖學而壞士習傷
 道以墮德謬儒斯僞矣抑或暮夜克盈焉言羅雀千
 金爲賄獲稱一錢究實不啻東陵之流僞各欲入伯
 夷之室廉斯欺矣若乃周禮計官廉惟歲會漢廷考
 課條對詳明二者並重豈其偏取也然匪溫文和雅
 之彥安知維風狷抑之操必其見道分明庶乎行嚴
 一介此在鏡水霽照文德夙備期令純儒興大化以
 濯俗大廉易橫聽之舊習不然徒取鬼簿董狐前踪
 剖別即使傳贊翻昔人之案無當機宜理化之資致

令流之于無可流始悔辨之而不蚤辨登進匪材可
 勝治嘆徒取異人甄陶何裨今茲經濟也哉

四思堂文集卷之三目錄

靈壽傳維麟堂甫父著

擬傳論滇黔檄文

漢儒專經各家嫡派考

漢儒新語新序新書新說評

孝德先生朱仲福傳

瀛洲亭銘

重經術端士習正文體議

議翰林官各副其實狀

公請白東谷啓代

代家大人回魏石生婚啓

代家大人與李襄來求婚啓

屯田苦民書

報臨清修城文畧

先君子行狀

專責成分功罪以速遷移揭

封給諫魏太公墓誌銘

高母魏孺人墓誌銘

文學孝子高公墓誌銘

祭梁瀟明年祖文

祭吳母 太夫人文 代家大人

祭魏母張太夫人文

祭給諫道生梁年伯文 代

祭梁母王太夫人文 代

祭南雄太守在宥梁年伯文 代

祭梁母王太夫人文 代

祭梁年嫂王夫人文

祭魏年嫂袁夫人文

四思堂文集卷之三

擬傳論撰黔散文

靈壽傳維鱗掌雷

皇帝御極之四年中原底定南國服從八閩歸心三
巴恬志獨演黔未附 皇帝不忍驟加之兵命史臣
爲檄傳諭其地者曰招携懷遠聖主之轍散投誠嚮
風遠人之大義頒神靈于天子賓重譯于遐荒先王
耀德不觀兵識登輿于海水四方慕化不恃險盡王
享于星躔昔者卜盧統牛越棠馴雉物雖無用誠則
足嘉在異方猶謹來同茲中土能乖內屬我欲成修
轍之典爾宜懸卹叙迺意惟義大清天命有歸亂
惟隆是以入主中華奮興東土 皇帝岐嶽廣曆仁
華義躬義洽幽明化周生苗敷文經予四履平章
和威武烈于兩階定功保大愛民若子視臣如身不
吝謫蠻猛雨之群用博旣優旣渥之澤帝耆式廓人
志攸依一怒而虐燭清再鼓而餘明燼東句麗西龜
茲爾耳者七十餘邦薄圓越山巴蜀歸款者九千餘
里版圖弘擴威武紛紜獨爾演黔尚阻聲教匪以羌
九之地敢抗龍舉之師第憑僻處嶺南未遑面批所
以吡蟬處穴燕雀怡堂未暇悉時勢于今宜遠稽

國子舌受南齊皇自境風雨之驟而會於南嶽至
軍防之戰風著漢河嶺實勢迫其習風養志
誦毒炮陽保遠其烈性莊嚴搖迷廟真聖之德舞
健錄錄無刑于焉謝吏效從從之勇請竟茂王章躍
楚勇之德榮思亦德無常普尊王之誼不隨現
勅黃卷之寔靈趙趙九十二年曾傾巢于德德而九
與五十未嫌其雄揚曾供饒東謝西謝之遺焉慶
將徵則徵二之屬因饒夷宗瀝水無濤功成慶縱漢
廷有署氣奮長腰倫憑水勝武勝之雄過恃金馬碧
鷄之險雲深五嶺斷巖礫之崇崗浪擁三江據滌紅
之激澗不思額地企睽贈天古事卽云未嫻今跡實
爲可屬金戈西指銅壁失函谷之危玉斧南征鐵鎖
絕江流之壑馬馳劍閣誰云蜀道比青天手勞梅尉
敢曰聞泉稱重地率皆越勢風同威能就列習班人
慶新恩土疆舊籍臨兵威之足畏實帝德之爲昭方
且表正萬邦覆轡九有兩何行甘暴棄自外生成卽
無用此僻荒亦何損乎廣大然備在宥同天之景豈
遺下土拳塊之微匪以爾玉富桂山珠呈愛浦利其
貨賄用是收羅維是天子遺積一身不食爲寶亦以
朝廷仁敷萬類得來爲先福因撫綏生靈故其選嶺

漢汗未遑載旆預布感言况今少輩盡除微明亦煥
成天下之共主建海內之烈尤憫爾有生不安無主
乃能顧我矢其文德誓于弗庭况故黔帥沐某者昔
作勝國之元勳世爲土夷所襲服爾主既隕于逆爾
爾得實據于私國倘能修風駕之儀自應廣除惡之
惠矧我清大聖明誓弘開虞綱舊家無恙咸錫丹青
新國有恩重盟自屬爾果效其歸悃我豈靳爾隆施
至于諸土官本膏肓之編氓作涓埃之長吏歷朝已
成故事千年無易啓疆倘其畏懼不悅免營自固應
龍之滅已鑒前車蒙段之強猶或首鑑先王正齊教
爾修聖世弗享贊臣人漢吏長子孫矧其故土屬禮
誦傳遺宜藥新刑倘率屬隸之職方則土科仍優銓
署或不信陸騰劉向之功安爲呂嘉區憐之事何異
黔驢逞技漢犬磨牙便成城火殃魚楚猿禍木是用
赫然授鉞欲爾揮戈氣歎雲興威驚雷震黃帝城四
盜不移敦敏之神高陽平九黎無乖靜淵之度卒驅
螭虎玉龍銅鼓湖濱將簡彭龍江浪如靈神
北闕功著南邦固大威稱咸劉而神武則不殺顯顯
令德克事安懷穆穆皇仁尤敦誠信非我求于二域
誰爾歸于一王果能史譚傳風千古稱爲明智若徒

邊險梗化萬族受其凶藏不爲輿視之來焉沐拂席
之治伏遇 皇帝大猷允塞聖道休隆天永如在勝
前濊澤無幽而不達薄海厝之祗上呼籲有聲而必
通卽未必包藏禍心亦實爲自貽伊戚幸際廣運文
武之主不附廣衡擊壤之民圖遁目前竟忘事後以
致艾蘭並刈玉石俱焚我卽欲並生哉爾則悔之晚
矣我言維服爾思其終無須襁負遠歸勞勞亦子弟
使正朔度奉翼翼黃典皆知北極有朝廷從此南人
不復反懷方重周道八埏遂觀光之恩來格躋虞廷
一人衆佐兵之慎全君民同體之誼成滿漢一家之
風尚應繼文王詩興章

漢儒專經名家嫡派考

不有漢儒經亡矣不有其傳雖有一家之言一時之獲經亦亡矣說者謂秦焚經存漢傳經經亡而書哉斯言豈其然哉天地有自然之經日月經天江海經地聖人俯仰因而經作天地以苞符之密洩之聖人聖人體天地之精著之爲經祖龍豈能逆天地之心而焚絕卽至聖人既洩天地之蘊以成經則天地亦不能秘惜復藏而中絕矣何者結繩而書契書契而經混沌文明自然之運豈人之爲哉運行氣至而經於是乎昭昭有能明之聖人之徒也雖有忽諸今懸

自惠堂文集

王

之學當著爲令則者十三而易書詩禮春秋最著爾雅論語孝經孟子皆以取士不取士分優劣焉愚又恐天地不忍秘聖人不使起秦火燼餘功高傳註千百年後或湮沒無聞試爲詳考而恭訂焉易有三代之易有後人占筮繼起之易昔宓戲氏八卦文王重六爻作上下篇孔子爲彖象繫辭文言序卦之屬謂之十翼故孔子晚而好易韋編三絕鑽燭三折者三戒故門易道深矣八更三聖世歷三古或曰周公作爻辭韓宣子見易象與曰吾今乃知周公之德謂爻辭作於周公易象與曰云班固乃謂人更三聖

而不言周公謂與文父子也序父不序子請備載於三聖之說遂以爻辭爲文王作重卦之人諸儒有以說卦主體剛等以爲伏羲元之徒以爲神農禹以爲夏禹史遷以爲文王我自夏禹及文王者觀繫辭神農已存取諸兌與云云而詩味幽贊之言則伏羲爲正題其始孔子授商瞿瞿授橋庇庇授馯臂臂授周醜醜授孫虞虞授田何及焚書時易以卜筮得存而亡說卦三篇其後得之河內女子漢初田何授丁寬又授梁項生寬又從周王孫受易復授田王孫王孫授沛人施讎東海孟喜卿梁丘賀由是易有施孟梁丘之學施讎無遺孟易至趙建則已恨其書亡半梁丘易十二篇雖然列於學宮亦云大幸又有京房易自云受之焦延壽延壽別爲京氏之學又有費直之易其本皆古字授王璜璜授高相相以授于康及母將承故有費氏之學後漢陳元鄭眾皆傳費氏之學焉融爲傳以授鄭玄玄作易注荀爽作易傳親王肅王弼並爲之註梁丘氏施氏亡而孟氏京氏有書無師又有連山易歸藏易連山易劉炫傳書歸藏傳始則司馬遷言占筮事辭廣義古後學以其不文欲棄之然連山之所以亡正在於此矣夫經傳

之又有焦贛之易無所師授語前而誕自言受之
者雖非聖人之經而文彩晉觀及善讀之註一出
何之學大明本傳粹然聖道總總以流傳至今不
衰書起五帝之泰後三皇之經本帝至之號張弘至
道示人主以軌範足以垂世而立教孔子刪之爾自
唐虞絕近不絕遠其目百篇秦焚學而孔子之孫孔
勝及耐藏之壁中漢初二十八篇後得秦書一篇合
二十九及孔壁書出孔安國定為三十五篇又別出
舜典益稷盤庚康王之誥五十八篇為古文尚書
漢儒聞古有五十八篇遂以張霸偽書二十四篇為
古文尚書本集卷之三
古文尚書漢書未見古文尚書也杜預注左氏
章句註國語趙策註孟子凡所舉書出於五十五篇
者皆曰是書蓋何曾見哉劉歆西漢之書止古文
學官以至賈逵鄭康成俱不能辨至晉古文始出
則備金史謂其工雖孔子宅皆古字不能分別
孝文求能用者則秦博士伏勝年九十餘僅見
錯口金史載漢書張生授歐陽生歐陽生授倪寬
寬授歐陽之子世世傳之孫孫高祖歐陽氏之學凡
八十三篇雅以傳其真其書長又有愛後漢
尉受其書生授衆人始為傳授衆人勝為大

侯之學勝傳子建為承夏侯之學三家鼎立然而授
受既殊傳寫多舛漢書既脫簡一名詁脫簡二率簡
二十五字者脫亦二十五字傳二十二字者脫亦二
十二字文字異者七百有餘脫字數十又有鄭冲者
以古文授蘇愉愉授梁柳柳授皇甫謐又授臧曹曹
授梅賾此後代繼漢儒而興者也總之孔安國所定
五十八篇為準而餘氏或是或非存而不論可也詩
序云在心為志發言為詩古者有採詩之官天子巡
狩則陳詩以觀國風知得失以自考正此詩之官
三千餘篇孔子去其重取可施於禮義上林賦中
述商周之盛至商周之缺存三百五篇皆可絃可歌
禮樂自此可得而述以備王道成六藝秦楚之際去
其六漢興詩分為四魯詩起於申公歷晉丘伯而盛
於韋賢齊詩起於轅固而盛於匡衡韓詩起於韓嬰
而盛於王吉毛詩最後出自子夏所傳有大毛公
小毛公按後漢儒林傳有毛萇者為訓詁傳於其家
河間獻王好之以小毛公為博士後有謝曼卿善之
為之訓授衛敬仲又加潤色而鄭眾賈逵馬融並作
毛詩傳鄭玄作箋則毛詩獨至今存古者笙歌有音
而無詩束皙補之題矣今傳者有禮記儀禮周禮

三禮耳其初離合之數可得言乎曰可禮記出自孔氏但正禮殘缺無從明故范武子不無敘禮之義及魯君謂儀高禮至孔子及七十二子之後共撰所聞以爲記或錄舊禮或錄變禮或兼記禮或雜序傳至中肅孔伋之書精衣公孫尼子之書月令呂不韋所修王制漢文帝時博士所錄而魯高唐生傳禮十七篇后若戴德慶普三家立後而古禮復出淹中里共七十篇文相似多三十九篇劉向較定得二百餘篇梁國戴德刪爲八十五篇戴大戴刪聖又刪爲四十九篇號小戴初孝文時有徐生善爲雜作禮官大夫瑕丘蕭奮授孟卿孟卿授后蒼后蒼授二戴大戴授徐昆小戴授橋仁楊榮又授馬融盧植而鄭康成註之合孝宣時所得月令明堂位樂記三篇凡四十篇卽今之禮記於是又有儀禮儀禮乃周家行禮涉於儀度委曲之書其初三千故曰儀儀三千漢止得十七篇說者謂周公所作孔子有學禮之言禮記有詩禮之文在當時固已有簡牘之傳矣非秦漢間筆也其制度大約出於聖人必曰周公作之吾不敢知初則儀禮禮無分別漢初言經則離記言記則離經今記附經將誰附之出於孔氏之壁曰禮記河間

獻王得先秦古書曰禮曰記夫禮者今之儀禮記者今儀禮之記未有儀禮之名豈後之學者觀十七篇中有儀有禮遂合而名之乎禮之見於漢者古經五十六經七十記百三十五至大小戴劉向所存者十七已十選七八高唐博士禮十七傳至陸德明賈公彥而獨融王肅復爲訓說遂分儀禮爲一書亦高唐生之傳也周禮一書出於周公以設位言之謂之周官制作言之謂之周禮按周公六年制禮作樂所制之禮卽周禮也後周衰諸侯吞并滅去其舊禮經余火是以百年之間隱而不顯漢興周禮漸出冬官缺一河間獻王以孝工記補之諸儒共排爲非劉向子歆校書時始信爲周公致太平之迹後河南蔡氏及杜子春頗傳其說賈徽及子達鄭興及子衆轉相解訓衛次仲賈景馬季良得同時授受鄭康成作禮註初河南杜子春年九十而鄭衆賈逵親往受業林孝存斥爲不驗之書作十論七難何休鄭以爲陰陽之書康成獨答其論難且序世祖以來通人達士皆作訓詁夫周禮不衰鄭氏之力也後世子實王邵賈公彥之流皆爲評論大抵皆漢儒啓之耳春秋者魯史記之名周禮有史官掌邦國四方之志諸侯亦各有

國史大書策小簡牘楚有構机晉有乘轡有春秋孔
子因魯史成文考其真偽而志其典禮以遵周公之
制以明後世之德示勸戒正各分共十二篇二百四
十二年始隱公終獲麟史麟者聖王之嘉瑞非特而
出聖人所為感也故總筆於獲麟之一語而徵言獨
傳於子夏太史公謂其不能贊一辭時丘明恐弟子
各安其意至於失真故論本事而作傳明大子不以
空言說經也夫子曰吾志在春秋又曰知我罪我而
孟子謂孔子作春秋亂臣賊子懼何王安石詆為爛
朝報非聖無法橫議于載之下可謂名教罪人潛春
秋之傳分為五家左氏公羊氏穀梁氏鄒氏夾氏初
漢興張蒼賈誼張敖劉公子皆修春秋左氏傳賈誼
為左氏訓詁授黃父以至賈誼授陳欽欽授劉歆
漢初胡毋生治公羊與董仲舒同業公孫弘亦頗習
其說子都授嚴公嚴公授孟卿孟卿授眭孟莊孟莊授
嚴彭祖顏安樂顏之後有冷豐任公符輅與都宗之
初穀丘江公授穀梁於申公孝武時江公與仲舒議
不如仲舒而公孫弘本為公羊學卒用仲舒因尊尚
公羊詔太子授公羊太子既通公羊後私同穀梁而
善之孝宣即位聞衛太子好穀梁以問韋賢韋侯勝

史高三人者皆魯人言穀梁本魯學公羊乃齊學
穀梁甘露中召五經名儒蕭望之等議公穀同異望
之等多從穀梁由是穀梁有尹更始胡常中章昌房
鳳之徒其初公穀夾鄒並行後來鄒廢河間獻王是
左氏劉歆獨是公羊宣帝立穀梁平帝並左氏左氏
最後出光武欲立左氏范中以爲不可立賈氏陳元
請立博士賈造以圖讖謂劉爲虎後極力是左氏
以李封爲博士和帝元興鄭興父子復好左氏其後
賈逵服虔爲訓杜預爲集解范甯爲注穀梁何休
公羊劉炫撰本經專解孔穎達爲正義陸澄爲傳
其後胡氏出則孔子本經行而公穀左氏備考而已
論語一經漢興有齊魯之說傳齊論者昌邑中尉王
吉少府宋畸御史大夫賈禹尚書令丑鹿充宗膠東
庸生唯王陽名家傳魯論者常山都尉龔奮長信少
府憂侯勝丞相韋賢魯扶卿前將軍蕭望之安昌侯
張禹皆名家張氏最後行於世初授魯論晚講齊論
遂合爲一號張侯論周氏包氏爲之章句馬融爲之
訓孔安國爲之傳鄭玄爲之註後有陳群王肅周生
烈何晏之徒皆宗漢儒而疏說焉而論語乃大明孝
經者孔子傳曾氏其言曰行在孝經漢興長孫氏得

其傳以授江翁傳后著翼奉至於張禹而孔安國爲之傳劉向較經籍以顏本爲正鄭衆馬融鄭玄相繼授受班固序古文孝經總之當以顏芝所獻河間獻王者爲定故王肅劉邵虞翻韋昭劉炫陸澄六家之書得以行者漢顏氏之爲之始也爾雅之書世傳周公訓詁之書得鼠辨文而著爾雅邢昺云劉歆始重爲經樊光李巡孫炎遞授而爲名家其始或言孔子所增或言子夏所益或言叔孫通所補或言沛郡梁父所考總之漢儒著其全文而晉郭璞爲之註觀孔鮒傳爾雅鄭樵註之後以漢史游急就章楊雄方言北海劉熙釋名合之不亦謬乎孟子蓋鄒國孟氏子車與其高弟公孫丑萬章之徒論難答問之語又自撰法度之言爲七篇秦焚書以其書號諸子故得不長絕漢興立孟子博士然無專家至後漢趙岐章卿始爲章句楊雄謂孟子散軼者多而爲之計後有張鑑丁公縱爲傳授至林慎思爲讀孟子則又不可信矣總之理宗師說學有淵源派別不清真偽易紊以雜說而窳聖經以異端而瀆大道自諸儒明道覺世遂使祖龍之焰不炎而孔壁之音愈響其有功於聖賢亦弘矣嫡派不易千萬世而下可因編繹理樸人

知學豈誣也乎哉作漢儒專經名家嫡派考

漢儒新語新序新書新說評

考古而商同異讀書而辨純駁鑒前論之得失知今
孩之趨舍六藝之文可遺補也聖賢傳經垂之永久
雖祖龍無可奈何道尊而傳確無論已獨漢承秦火
之餘儒宗漸削賴諸君子搜遺綴斷使大道弘章絕
而復屬功其偉哉詎意古經既復新纂迭興家擅離
龍人稱繡虎私學縉紳皆明其所長昧其所疑後其
所得昧其所失幾令後之人不知學有本統道有指
歸是又漢儒之過也愚濶覽六籍至班固論列劉向
父子所校書爲藝文志又卽歆所奏七略中序爲九

南學堂文集

三卷

五

獲首儒家爲其師宗孔子留心仁義殆近似而實不
然書凡五十三家內載陸賈新語賈誼新書劉向新
序雖桓譚新論別出三復抽繹未嘗不廢書而嘆也
陸賈遭漢高輕士嫂罵之主獨能稱說詩書於戎馬
干戈之間鑑前車中龜鑑謂天下當逆取而順守復
進以行仁義法先聖遂著新語十二篇史遷列之儒
書贊其優於鄒婁建通議是賈雖有兩使南越謂相
平勃之功而名則以書著識議明碩當時建功立制
之人皆不能道鄒陽馬氏逆取順守之說謂太史公
以已意緣飾其說不知著書自一時稱說自一時何

南學堂文集

三卷

六

必篇中見此說考其篇如道基無爲皆崇儉約尚清
孝而後來蕭曹守之以爲相文景依之以爲君宜其
每奏一篇帝輒稱善也前人論其當與儒冠同溺不
事善乎劉歆曰漢之儒者賈誼一人而已誼以少年
入奏明詔令對鬼神興制改議綽有偉畧辛抱痛長
沙呼惜哉劉向稱其通達國體班史贊以天年早卒
雖不至公卿未爲不遇太史公作傳於屈原傳之後
謂其忠相同而逐相類也歐陽公謂所言孝文畧施
其術猶能比德成康蘇子瞻論其爲王者之佐如其
所言雖三代何過皮日休讀新書後極其意其心而
竊其體數公已有定論矣第其書今昔不同漢傳七
十三劉定五十八隋唐書云九帙首通泰末吊湘餘
錄漢書畧籍本傳說者指爲後人之作然能指陳法
戒憂民諸篇皆經濟弘畧庶乎登作者之堂矣後人
詆譭此歟嗚呼獨怪其說經多異辭而詩尤甚以騁
虞爲天子之固官以靈臺爲神靈之靈則有大謬不
然者賈誼謂是賈誼一雜記蔡恩甚服此語劉向傳
治宗臣收荒殘之迹明先王之道而曾南豐校書序
謂學者知折衷聖人能純於道德之美者止楊雄氏
耳劉向不免爲衆說所蔽羣之意必以楊雄步趨孔

孟向之言不啻衆諸聖人故議者多以雄優於向考
其行則不然今讀其書向雖雜博而自得者多雄雖
精深而自得者少則向之書可遵而行殆過於雄矣
書能遠稽近討采擷不遺而至其嘉言懿行有裨世
風爲漢規則皆有可取特無段落條理先儒與新書
新語同議良有以也桓譚遠邇哀平之間進達光武
之世史稱博古通經明習大義不爲章句又曰喜非
毀俗儒由是多見排抵以非毀俗儒之見著書自多
雅裁覽其篇皆當世之急務言治則辨王霸立身則
除蔽感與不讀識之高識有足多者然文氣與上世
祖言政事疏絕不相類即琴道一篇在肅宗朝已失
命班固補之書真偽井不可知特快讀一過談言微
中可以解紛慕思綺流足以娛聽而口必出於聖賢
之途律以理道之旨愚寧輕與哉合四書觀之而前
爲勝誼以清姿節令忠心愷惻抗其世俗通大人精
微之蘊窮歷代治亂之故洞萬物榮瘁之情究禮樂
刑政之端貫通乎仁義道德之旨卓乎偉哉爾傑構
矣嗟氏雖漢世創始之論然散無有紀而暢所欲言
與世無涉者異新序說苑同出一手欲觀見古人
行事孰能舍此然亦難引漢收無所斷制桓氏最晚

出究治體探道淵摛倫極洞物情良矣特其麗而傷
雅博而不精而崇文總目與藝文志皆不載焉可以
知其品矣愚於是喟然興思曰夫子刪定修正不過
因前聖之傳俾如日月麗天江河經地故其言曰述
而不作信而好古而四書皆自命爲新是欲標一新
奇可喜之名以炫耀流俗而不知於先聖之垂教有
裨也愚以謂尊經之外無學問聖賢之後無著作矣
是不過資與肉可耳奚足貴哉奚足信哉

孝德先生朱仲福傳

朱仲福無字無號真定靈壽人世業農父生仲福早
卒仲福孩提時卽能行喪禮人咸異之成童不爲娛
戲出牧牛每於棚塾聽讀書輒曉大義從里中借書
求人指示其處卽其青尋之乃識字長力農養母每
帶經鋤灌誦讀書夜不輟食不得書每從里中士借
得一覽輒還人問之曰閱乎口頗閱人無知者母卒
家毀盡禮三年不笑語鄉人異之邑人給事中傅鳴
會印之造應與語太奇之遂與之遊裴魯荐紳聞人
皆以得見爲幸舉鄉書仲福常冠圓袂帽衣短布衣
四惠堂文集卷之三
諸士大夫雖以中仲福時仲福本小民所戴此圓袂
帽者應朝廷之製也幸加以巾則讀公又何必與仲
福遊年四十孝辛便罷歸獨處一草堂誦讀積歲而
諸士大夫家藏書殆遍如少年借里中書人或詰之
則曰聊涉獵耳數年後談及無一忘者每元日登其
神之阜曰狗台望氣輒言一歲休咎無不奇驗人勸
之著書曰天地間道理聖賢已盡言之著書非復則
偏何益况人世書未見者儘多一落筆安知非古人
已道者耶人咸服其言子二力耕以養仲福之母庭
前手植一栢仲福終身不忍折一枝每早起卽掃栢

手及落葉跪焚之教其子孫必於樹下鄉里化之無
爭鬪者曰恐朱老知也恭謹端方雖暴雨疾風無改
步自鄉至邑八里步履安詳士大夫每私使人尾之
未嘗見有惰容嘗與諸士大夫共遊許由山其山觀
唐宋碑甚多衆誦碑文一過數年後悔未錄一作聯
鹿文以問仲福仲福一一誦無一字遺人始驚以爲
神出言簡而理甚透嘗有一偶然上過其前適一車
至仲福曰君知車之所以載重致遠乎其人因放論
數千百言仲福曰不然彼體方而用圓是以如此其
人嘆服與大談其大畧觀此尤精曆法時朝廷問多
四惠堂文集卷之三
有美實大稅曆法差若懸閭仲福曰天體動曆
法原括九則必差差則必改今久而不改是以差人
勸之者曆法書仲福曰曆法律無禁是以自古及今
皆各行所見但曆學不能窮微恐下筆有訛處欺已
欺人所圖不小第錄其往背摘其當而去其謬而久
之出一編曰折中曆法其論甚詳今藏其家一日忽
語群公曰明年某月某日其長蘆諸公乎眾曰先生
康強何言此有術乎何夾如斯仲福曰吾無術第因
聽吾耳至每一伏時若干則一斷過一日則少若干
以曆法計之明年某月某日數盡矣至先三日備

鄉里親故坐一室人皆環視之談笑如常忽笑曰氣
盡數盡矣瞑目而逝其子爲修墓人皆見仲福立墓
上鄉人共稱曰孝友先生製碣于墓焉

瀛洲亭銘

相傳海上有三神山瀛洲居其一在道書所紀三十
六洞天及十洲之上而飄渺虛無不可尋從來人跡
不至則以弱木三千阻之爲解况珠宮銀闕玉樓瑤
殿大約皆想當然耳荷翰林院堂之後左轉望之佳
樹蔚翳花竹陰森就其下建亭虛簷敞檻飛甍環棟
不異如軒如峙特然有端人之槩傍砌文石石鯨噴
沫引玉河之水以爲環池澄碧瑩靜清變鼓韻鳴禽
上下此亭俗人跡所不至亦若瀛洲焉故以名亭
登斯臺者豈侈然自爲置身仙若遂傲視世人耶
田東先生文集 三卷 五
仙態輕鶴息風吸露飲若是者亦思脫然無累不愧
名亭之義若方之唐天冊登瀛事彼許敬宗之流詎
不使人齒冷爰爲之銘曰

伐輻伐輪置彼河側單韞畧未茨棟矢樛婉孌孤處
徒標節色彼何人斯杳然長翼綢羅其恢垂雲過迥
硯川爲耘艱哉力穡仙乎仙乎伊誰云卽望瀛洲兮
閼州水奚徜徉與憩息清虛日來視攘攘之穢濁爲
蟻丸爲腐菑乃構仙居永言思寔

重經術端士習正文體議

陵水經地烈晉平平清亦云術厥源乎疏濬排決機
梯舟車匪無事享之夫夫狂奔衝潰流溢滋變庠則
竹箭防則退旋旋則障壅治法嚴則水性改順之則
注於海休業莫豈豐謏哉民猶水也四民之首唯士
士誦習先王軌度古聖于日星金石之遺藎膏而組
奉之發爲辭章結繩不復紀其麗哉然經者士業文
者士靈心術出之敵爲達之一致之道也士習不端
欲絕道六籍文憑二雅廢道
三卷
備乎三矣古者明經舉孝廉至宰相以經術金終士

色重其譽雖書經禮樂其得彬彬然如楊子行馮
仲文輩昔典朗美亦春華耳說與耳抑知昭昭冥冥
無於駁焉踴躍搜羅無所希焉異經術乃出不然春
蘭積玉兩散雲敷使筆不停綴才絕驚儒當云揚管
文奴奚裨大治是以吹蓬奏鼓齒輪却莠且詔俊推
俊曰通旨道爲世宗行爲時情若依經守義各則半
稟士論翕然則士習不然士行飭若夷由則士文蕩
蕩如王道之無偏黨源者士乎式士者源乎周禮治
官之屬六十有三教官之屬七十有八成周盛治教

道於治是以治書曰格則庸否則威乃教有其治禮
臣君所爲下所從乃治有其教教其禹哉士其水哉
禹不使水逸其亦以嚴乎語曰慈母有敗子而嚴家
無格齒必內外司教志官擇端方嚴重之儒操切刻
厲令熟就就乎如矜而負水悸乎若蹈危水凜凜乎
若防春冰恐墜于重淵雖有奇才不敢逞雖有夙議
不敢發飛揚之思緝備岸之行消弭首厥項從事經
術尚有矜春矜後離龍以逞聖成德德之妙嘆道
不可及哉文不祈正而自正何也威約之新也昔聖
人出因讀易貪病賦詩悲憤作春秋六經垂憲大抵
則思堂文集
三卷
皆古聖賢窮愁沉困之作士不窮則不飲得文不窮
則不循循使藏進賢冠冕諸於富貴操朝廷之短長
譚倫類之賢否無所整齊於嚴範畏型之下欲求其
如求隄涓涓必不可得差杞柳不屈不可爲區籃金
錫不迫不可爲器用士習詎易端端士詎易事乎然
論士無奇策視其文文之說厥心維僻文之雅厥心
維平文之激烈厥心維慷慨而達文之信恬粹牙賦
心必有所不能伸者文出於經術豈啻自歟若其欲
專經而入雜家欲式士而入瑣屑欲弘文而便月露
風雲逞厥藻逸茲又司士之過思難言之雖然防之

隄之川壅則潰所傷實多大禹治水稱神聖亦唯順
水之性而已人性本善何有不端則經術由是重文
體由是正而無事愚講矣

議翰林官名副其實狀

右條件試為私議者 某竊以朝廷設職因事命名雲
鳥鳩龍各有取義歷代因革相其所宜苟可更絃不
妨改鑿是以虞夏殷周通有增易豈時有不同事有
或異乎昆由隨宜制官用裏厥事耳茲

皇清受命董正百官使事麗乎名人重其職內外大
小稍稍增損明制創始周密善兼之欲以置詞無
容私喙獨是名如古昔事當博謀如翰林官者周設
內史漢闕蘭臺唐有弘文集賢掌天下文章書物宋
代翰林尤為親幸一凡百舉 詞悉歸主持其定明
卿學堂文集

時內閣詹事宮坊俱兼翰林以其端主文章也今分
為三院俱冠以內翰林其于前代尤為親切貴重矣
宜其事關文章盡為衡擬乃典試提學大半踵襲明
朝委之簿書庶職翰林疊管株守長安鴻無事即
有纂修諸役又無容多人何若天下文章盡歸于是
典試提學悉為差遣于其使司疎典與典與教廢
厥正務復事丹鉛又屬代庖諸事停閣月始
歸本官且省提學又替日訓書書及雜書括強所
選彙俛釋精微豈如日事編摩時優文翰者乎夫翰
林文章官也所讀者書所主者文心無它營日無旁

眩常守此道無有遷移况翰林考優又經教習別衙
門一行筮仕無復誦讀乃舍所尚務委庶司授之情
理俱未稱文章之家既不事諫諍銓選錢穀刑名而
乃使各官主文章之事不其曠已之官侵人之職乎
今議會試分房鄉試直省主考盡用翰林而各處提
學則以內翰林某院某官提督某處學政事或科或
歲考閱必周以所取試卷送掌院磨勘卷有低昂人
分優劣一如臺中回道事例則文章歸于文章之官
定與名稱事與職合諸官不至曠坐長安外交不至
侵淫文事時當鼎革制宜變更此議書者既久發可
謂聖堂文集 卷
施行然而翰林自言嫌于競躁讀書臺各天親衡文
誰復具疏上取進止乃私議如右者

公讀白東谷啓代

伏以儀型標鎮岳千秋遠耀模範模範嘉會協星雲
代文章開泰運當茲屬象維新之會益景知覺在先
之行騁蹀躞于羣鷺聖域跡祥麟清旭應玄圖之瑞
試騰輝之鵷鵠天風轉實鳳昌期昭紫微之尤與錦
來章聿成盛典恭惟老先生師相靈龜晉爵品重天
球學海文清胸盈楊紆千里澤玉函金檢章綜玉星
九霄文五車七步爭雄鍾虎首罕中之正氣人傳自
酌風流三采六談濟美際昭昭協洽之祥玉珥有苗
仙領袖瀛洲振采文光爭散霞飛國士仰瞻德潤
聖堂文集 卷
燦賈珠星張蓋惟定鼎建屯之盛際必資玉鏡懸珠
念嘉猷真筆定權書蘇子謂曰夫曰君用大弘章從
微諸韓公以七衡萬奕驚奇立標準于玉堂鼎鑒望
重探精華于金匱山斗名高帝簡爰乎喜文章莫大
乎是人倫式表慶道學不晦于斯誠盛朝應運之英
賢而新進可宗之哲匠也伏念某等雖愚末技窺豹
微材快際清時茅茹同井覩運練光于曳馬欣逢景
運瓊琳並耀慚于寶氣于連牛況茲玉署清嚴可容
吟類齋鳴阜起深幸金繩顯陳得以尊遊五康六莊
天子育才核模作人俞是學師宗成德琢磨相器啟

文心筆六月廿四之良時展四十餘人之鄙悃西崑
藻煥尊開北海之繩繩東璧蔡光風挹南薰之拂拂
仰雲霞之煥席丰儀金碧騰輝接珠玉之升階色笑
琳瑯發韻伏願綠卷排籤暫輟絳帷函棧宏開分緒
論以惠同人人獲拱璧廣提擲而誘多士士扣洪鍾
懿度峙高山雅教與西河並駕瑞芒通寶宿德星依
北極生輝仰候鳳臨曷勝鵠俟

代家大人回魏石生婚啓

伏以豸府風清白簡升時朝宁藉安樓鼎石雀屏霞
煥紅絲牽處室家慶和樂鼓鍾經綸敷海宇助猷佐
履協閨門靜好大婚開萬世之嗣既忻永語遙聞綢
繆結二姓之歡敢斬魚書贈答恭惟年兄命世文章
扶天事業五車七步鍾鉅澤恒山之正氣人驚百韻
風流二曜雙星際聯珠合璧之芳徽時現六宗祥瑞
身膺龍舂西臺凜冰雪之威嚴壺重麟徵中洲咏雅
鳩之燕婉風古成六父之吉飛來紫府丹書鸞書敦
六禮之初定送藍田白玉瓊篇輝寶器快生蓬戶風
光芝蓋擁重文喜會帝城辭色飲念茶唐虞贊寶山
澤瀾形抱薏苡圖每爲花辰開眼界含飴撫幼嘗逢
婚事銘襟懷忽捧鸞章儼御水流將佳句兼承屬帶
慶朱門隆錫珍儀顧德僅以神飛何期兼之倚玉望
陽輝而色動克獲華之附松姪孫女綺窓蘊拙會無
庭雪之才金屋嬌嬌實乏林風之度訓弗姻于匹綠
絨承就于流黃謬叨玉杵之堅盟得儼蘋蘩之並獻
鴻席罔既備躍未窮伏願嘉祉有融宜家戩穀喜朱
陳之允合同志同鸞慶梁孟之相成齊眉舉案無令
小星侵曉日之月何幸少女比承乾之坤則山壽敦

情益衍益斯于奕世而川流徵福永諸燕喜于千秋
謹啓伏惟賜照

關恩堂文集

三

代家大人與李雍來求婚啓

伏以日麗龍門桃李映萬年春色雲開鳳管梧桐棲
百尺孫枝仰王爵之衣冠地漸水壁慶朱陳之婚媾
庭見蘭蓀玉樹將悅鏡臺協吉恭惟老親翁年臺閣
下嶽瀆精靈公孤偉望貞清正直三禮道備秩宗翼
亮謨明二陝功高太保弼時初造既緯地以經天錫
爾後昆來拜禽而命伋惟二親家年兄稟仙根之玉
立垂鳳閣之金聲淵角山庭早已聚看北海銅魚嵩
戟偶然卧理淮楊安石堵前偏吟白雪太冲膝下每
賦明珠弟 某山澤癯形唐虞棄質昔登茲榜再同龍
圖恩堂文集 三
虎清齋今掛輝冠兩結樂由逸伴加以小兒讀父書
而當國未開休爽風裁至若小孫 離服祖訓以成家
不見長虞神骨底念尼山之同苦縣自世通家遂與
王樹之與兼葭三生締石永言過聽屏雀徐開鍾太
傅女孫定作司徒盛範荀朗陵弱息豈禁太史文星
蕭筐篋之初將訂蘋蘩之永托齊非鄭偶寧堪鸞鵲
相期晉結秦盟只自弟兄式好惟其儀不惟其物卜
諧五世啓璧玉於理因迨其吉并迨其今錦報七襄
送天孫於銀渚敬申御私于鸞版矜候茹納于鴻慈
謹啓

屯田苦民書

某
謬以畿輔孤踪叨附詞林八載自規編纂無補
有負

皇恩荷蒙

上傳才堪外任有請練輯紀法度之衰重以習知土
俗民情之偽奉

命之後夙夜憂惶分臬東昌永就自普蒞任以來不
敢怠忽每延見紳衿徒步田畝雜進農老疾苦周
詢若力所可爲稍有利害於民者輿革不遺餘力
務期見之實事若力所不能爲而事有關係不得

愚思堂文集

三卷

書

已托之空言者無如興屯一事興屯設有專官原
非職掌

朝廷之上方將倚以藉國儲厚軍需每年報租科盈
數萬見利而不見害然以草野計之則有害而無
利也况無庸此而

朝廷之利自在乎某
不揣鄙陋於簿書繁濫倖個之
中爲臆二十餘款聊陳大較至於委曲詳細有非
筆舌所能形容者在覽者類推之耳

計開

一民開承種田地每州縣按賦役多寡輕重徵派

多則每畝不過五七分少止四五分糟米每畝
不過升許粟麥不過合餘總計銀米每畝約不
及壹錢而雜泛差徭卽糧重亦祇費其半耳今
興屯荒地每畝徵穀一斗草一束重七觔按今
時值穀一斗至銀一錢六七分草七觔約至二
三分合而計之較舊熟地每畝不啻兩倍矣此
苦民者一

愚思堂文集

三卷

書

徵派此苦民者二

一民間荒地原以屢經兵疫死絕流離乃致棄業
拋荒地久不耕棘茅編茂責令開墾勞力頗多
一經認屯仰派徵穀草未問曾否收穫第知一
例責比枉受刑逼賠措難堪此苦民者三
一民間有等愚懦名下實有糧地懼應頭役差徭
將地投掛勢豪名下每歲按地供納正糧不欠
如斯弊端不可勝數今既興屯卽有挾營里鄰
稔知其人種地有據糧冊無名卽指有糧避差
之地作爲詭隱無糧捏首屯官百刑究治卽本

人又不敢言寄托某人名下無奈原糧不除復
認作屯更有天贖里書務民有舊荒詭造作熟
復捏作屯逢迎屯官一地二糧有究莫控此苦
民者四

一民間有種軍地與明朝王祖籽粒地者大約皆
黑鹹不堪之地原徵租銀每畝不過二三分并
無米麥雜差今察入作屯責令照例輸納比昔
一倍十倍此苦民者五

一民間因人少工貴祖業地多一時不能遍耕先
取肥饒者耕種其餘荒地原係祖父血產以待

附錄金文集

三卷

卷

陸續開墾今因興屯奉有聽民開墾之行即欲
開墾奈無工力不得已竟聽旁人謬去因興屯

有禁不敢聲言以致祖業永失此苦民者六

一興屯令行凡豪強營將撫賊劣兵皆得乘機認
種其人一至民庄凡事欺虐以認開荒之名竟
侵成熟之地借興屯之舉爲壓衆之資鄉民畏
之如虎舍屈莫伸以致民業無歸無奈空糧賠
納此苦民者七

一興屯事舉添設道廳原爲不妨舊官政務前心
料理屯田凡徵收穀草差役提催在官又多一

番催比之擾接察荒地挨鄉騷動在民又多一
番刑逼之難此苦民者八

一徵收屯租另立收役差催屯總通催屯戶因循
詐害不勝枚舉而且管徵管運聽查聽比百倍
往昔此苦民者九

一屯事既舉屯官獨以屯政爲要州縣又以正糧
爲急派徵者係舊官里書辦納者係有糧人戶
督催者亦係有地鄉民正糧先完尚有屯租之
催先納屯租又有正糧之比考成各有責任兩
官偏執並行或派或催或納或解因而兩事不
能兼備前後糧責違避糧租俱虧是急公而反
悞公也此苦民者十

附錄金文集

三卷

卷

一屯官發下屯本州縣吏放豈肯輕易與人必擇
富厚之家不論開墾不開墾按銀徵糧每屯本
三錢每年徵本銀一錢息銀一斗息草一束足
利浮於本者數倍富者亦貪此苦民者十一

一開荒興屯原爲招撫流移此

廟堂蓋虛心也第流移一至境內地方官恐干係滿
洲遊人厚僱出境即有一二留居者官肯以屯
本與之乎即與之每畝三錢一夫一婦一切牛

種農器更何所出秋來又逼屯租不得不累土
著之民而土民亦漸成流徙矣此苦民者十二
一縣縣果有荒田報屯開墾尙猶可也本州縣大
糧全納並無荒田屯官惟恐上臺謂此州縣如
何遺漏將地方里老人等刑逼報屯無奈報至
多而又復徵租州縣官不敢申理地畝均攤甚
不加派之加派也此苦民者十三

一各處荒熟不等熟地納大糧矣荒田報屯糧矣

既已與屯則奸民徑自開墾屯官來查則云原
係大糧田地而地方官又不敢干預屯事恐蹈

四思堂文集

三卷

五

越俎之嫌致使奸豪隱占地成畝脫而獨累鄉

愚上納屯息此苦民者十四

一大糧原係徵銀屯糧已成穀草將來穀有折耗

草有泥爛卽兌交兵馬有名無實州縣官不敢

虧少數目只得另徵百姓賠補原數此苦民者

十五

一真正荒地多去人家窮遠屯官一查之後按里

派耕彼處又無村墻可以棲身卽費十倍之力

不能墾一倍之田或越或貧致使有虧正額親

戚鄰里包賠大糧此苦民者十六

一興屯之後有納大糧之地有納屯糧之地地既
兩分民成兩項互相爭攘構訟多端里老鄉鄰
日隨提審廢却正務徒飽訟師此苦民者十七
一興屯原不論人給本徵息有等奸徒群報認屯
願爲屯戶嘯聚曠野偽言耕荒肆行劫掠不犁
有鋤又不得指以爲盜地方官及百姓明知其
故不敢聲言恐蹈阻撓屯政之罪此苦民者十

八

一屯官利於報屯愈多愈喜奸胥里書素行無忌
本無認墾輒報屯戶致使百姓無由分辯一

四思堂文集

三卷

五

徵租小民但一告理屯官便謂巧卸反爲刑逼

以快奸胥此苦民者十九

一給發屯本屯道委之中屯屯委之州縣州縣

精明者擇人而給昏者一任奸胥朦蔽而無

賴詭名詐作殷實冒領屯本在屯廳惟憑州縣

印領發給彼銀一到手恣其浪費其中多有寸

土未墾者及至追徵穀草往往免脫州縣恐屯

本無着遂將穀草酒派實在人戶李代桃僵此

苦民者二十

一屯官給發屯本十扣二三而且銀水不足復經

州縣胥役到民尚無一半小民足數足色償還
虧而又虧此事山東夏巡撫曾泰屯田同知臧
養熙人所共知故附於末

以上各款皆真聞確見方始濡毫豈敢稍飾虛詞
以聳聰聽嗷嗷中澤至此而極是所望於哲人也
今某有官守而無言責耳聞目見浩歎徒增日夕
思維不能緘默然某之愚直性生此一時大人先
生之所素鑒也因奉有習知土俗民情之

上傳知而不言大非

皇上任使之意故刺刺如此也伏乞當道仁人君子

賜恩堂文集

三卷

爲

國愛民爲民惜命入告

聖上急罷此舉民猶可存乎遺也難之者必曰屯不
興將

朝廷之地不墾軍國之需輕棄乎某聞之傳曰百姓

足君孰與不足書曰作十有三載乃同聖言聖政

千古爲昭某以爲莫若下墾荒之令責成督撫道

州縣譬如一省則通計所轄原額除熟用見徵大

糧外共荒若干以二十年計之每歲應墾若干除

足額者無論墾額者分別陞賞不及者分別罰治

撫還而下亦如之各官多方勸勉墾種一年至秋
按冊查稽冬月彙冊報部核過發下明年乃墾大
糧起科不數年則墾者成熟正徵漸滋不愈於節
外生枝耶夫以

聖朝億萬年之統需此二十載之延不爲迂緩行之
十年之後除可墾之地令照常開墾若有固地果
化爲巨浸如東昌一帶萬分難墾者該地方官申
報督撫委官查勘奏請止墾勒爲定額永遠遵行
事出一手政不兩行庶田無荒蕪賦多增溢既脫
之地無所藏諱計之好無所吝又不費

賜恩堂文集

三卷

朝廷之屯本勸墾息如詩之紛更豈不大益於

國無損於民耶所謂日計不足月計有餘也某亦不

知興屯之舉幸於何自倘一見某書不惟不怒且

慨然悟曰原爲足國用撫流移闢荒廢自謂盛舉

不虞流弊至斯大發悲憫從中懇懇亟反初議以

救小民殘喘若以某爲妄誕沮撓大政輕肆唇舌

某卽爲民受過亦所不恤伏乞仁人君子早賜矜

憐國計幸甚民生幸甚因差役赴戶部報同空船

數帶此投遞實從民起見無他腸於其間也惟惟

亮焉

報請清修城文署

竊思建城設垣周成形勝臨清雉堞原係陶甃廿載
已奉不修數年又遭雷雨倒塌已甚保障奚裨本道
目擊心營庀材鳩料圖度歲月備極苦心諸事大備
始敢興工屈指就緒正是虞陳思惟至誠可以動物
矢公足以服人本道豫期感言躬先勸導按工自勸
精熟親書不假委官不遣胥役念古公何之典尚屬
多勞考昔用民之力不過三日詎意微聲雷動奇鍾
雲來本道雖朴弗施撫慰倍至不呼而集三尊自歸
咸樂爭趨實非強累豈敢云子來之本日庶幾乎辟
田畝堂文集 三卷 聖
適之易使也自三月初十日起工至本月廿九日報
竣成甃城到地大工一百五十六丈墜下接高工五
十八丈五尺月墜二百五十九丈六尺墜日二百四
十七座墜塌土工三百三十六丈浪窩九十八處葺
餉倒壞城樓九座補砌甃城墜塌處所皆本道委商
捐措或自來助輸共辦泥水匠木匠及鑿理塊甃石
匠培墜打牆匠工約三千餘名每名日給工銀壹錢
用石灰三千九萬三千觔每十萬觔用銀三百三十
兩皆差官役向安山等處值買並不平煩行戶一切
麻州膠料莞布諸物皆發銀買用從官廢基搜覈及

願送甃堦約一萬餘個不費

朝廷一兩不歛民間一文勉成茲仡仡金湯期不負
煌煌明詔又外城汶衛交流岸側通行車馬相築水
門三座各長十丈費灰料半於城工城西門舊設木
橋一座日久壞爛咸並督修新固何敢自詡微勞於
地方實乃小民効順于國事蓋拮据經畫之積德而
設險捍禦之有資矣

先君子行狀

嗚呼痛哉先君果棄不幸等而仙逝也歸歸攀號
嗚天踏地竟不能爲先君留也嗚呼痛哉不幸等
既不能爲先君留計惟將先君生平祖爲表章而
先君之嘉謨嘉猷鴻功峻節固難於追叙其名言
懿行又不能罄述苦哉不幸等之心也痛哉不幸
等之心也今就服官歷任受

呈清恩寵與林下卿居事哀毀昏頓中畧述一二以
備大君子採擇焉苦哉不幸等之心也痛哉不幸
等之心也按傳氏始於舜第四子除以前不可考

四恩堂文集

三卷

聖

入明占籍上元始祖公諱才奉母單以錦衣指揮
隨明成祖遷都燕京始祖留一子官京師奉母單
始卜居靈壽生二世祖諱寬始以業儒起家寬生
三世祖諱千千生四世祖諱濟有大功德於人生
五世祖諱鳴世爲理學宗號桐岡先生實不孝等
之高祖也生曾祖代王相前贈資德大大吏部尚
書槐軒公諱承訓西安府前贈資德大夫吏部尚
書巖軒公諱承問兩曾祖實有大德在人巖軒公
無子以不孝等之祖父孝廉爲岐山令前贈資德
大夫吏部尚書今蒙我

皇清贈通政大夫都察院左副都御史加一級用礪

公諱銓爲嗣生先君諱永淳字惺涵號熙宇先君
幼而聰穎長而端凝生有奇質左口有神光能視
神物少時常指點於諸母諸母皆以爲詎成童時
始自知爲已目中物後常指點與不孝鱗情狀先
君有服祖諫諍字衡公常謂先曾祖槐軒公曰汝
之諸子皆占科甲獨指先君曰此子必高第爲名
臣曾祖巖軒公常撫先君曰異日大吾宗者必此
子也舉皆如兩公所言先君少時讀書而笑曰
此皆賤工也遂棄去讀書一覽不忘天啓辛

四恩堂文集

三卷

聖

西薦於鄉明年壬戌以曲臺爲南宮第四人魁天
下筮仕湖廣房縣知縣房山野先君至爲啓學社
十餘區爲民開三十六堰種種不暇記除俸薪外
常乏用人稱曰水爺丁先祖艱事事盡禮起補山
西芮城縣知縣有均糧諸大政兩處皆生祀焉考
選河南道御史巡直隸秦中積疏四百餘章其便
弊可知也秦中數年不雨先君至祈禱雨即日應
秦人異之呼爲御史雨如親提選兵三千夜渡河
破流寇數萬轉戰三日全卻陽等五城奪回婦女
千餘皆查給其家諸不暇記其梗概可知也晉太

僕寺少卿太常卿兵部侍郎是時總憲缺朝野
七推明季懷衆皆不愜一日朝班十三人入對先
君獨奏對獨育真樸都察院左都御史今存疏稿
百餘篇當日奉朝可想而見也轉吏部尚書加一
品俸銓政種種亦不服記明季庚辰謝病歸辭朝
疏有云臣半肩行李策蹇言歸先君原不能具路
費蓋實語云其時朝政紛拏三黨角力俱來招招
先君先君挺身獨立其風裁可想而見也先君事

先祖先祖母个

諸贈夫人前贈夫人李極其孝養處兄弟盡友恭待

四思堂文集

卷三

鄉里親友以和遇荒歉多周恤之杜門課子孫
一襦夏一葛常携一小童走郊外林麓問鄉人常
與爭路不知爲舊塚半也通籍三十年絕不平預
公事及諸公祖邑父母求一面不可得平生無聲
色之好不蓄古玩一物歲甲申北方大亂携不幸
等棄家避難海島中是歲聞

世祖章皇帝聖駕入都

御極定鼎遂從海島中入京

朝見既而先君舊疾復作具疏控辭奉

世祖章皇帝聖旨賜年方尚壯倍添進朝何乃建以

疾請覽奏情辭懇切准回籍調理吏部知道欽此
順治十四年

詰封通奉大夫都察院左副都御史加一級先君見
靈壽地土雖陋包糧者多人多過寬穀然爲紳士
呈首一時地方撫按諸臣據呈入

告得

恩旨謚贈若干民甚便之歲丙戌

龍飛百科不孝繼得成進士辭先君入都先君誠諭
之曰爲官內不必美外不必惡盡忠於君仁愛於
民清慎勤三字千古名言汝謹誌之不孝雖自初

四思堂文集

卷三

服官至今每接先君手書皆云盡職勤事以忠事
君今在笥數十紙不過數語無他及也不孝雖遲
兼至京師居十餘日即欲歸不孝雖想留先君笑
曰山中烟霞冷落與逐蹟亦近前三日謂不孝等
與左右曰予夢坐於高山上予殆將仙矣平時先
君每遇佳樹修竹或花放處靜坐其間从之人不
聞其與鬼者雖數十呼吸過舉事即應聲答通之
日一如平日靜坐時不聞鼻息嗚呼痛哉先君果
棄不孝等也及三日大殮顏色如生異香結髮親
友情異之先君生於丙戌三月初三日寅時卒於

康熙六年二月十六日酉時壽八十二歲不孝等
不過述平生粗跡如此苦哉不孝等之心也痛哉
不孝等之心也嗚乎痛哉

贈夫人前封夫人彭朝興卿皆知其賢有端狀不
暇悉先君平生無妾媵先母止生不孝婦男一人
女一人每勸先君置妾先君笑曰有子女何庸此
後先君巡方秦中先母爲先君聘試待贈儒人陳
先母故於明季庚辰陳故於甲辰先君獨處怡如
也先母生不孝維麟丙戌進士歷陞太子少保工
部尚書妾庠生王礎周公諱如砥女

附恩堂文集

三

誥封夫人女一適河南右布政繫祖吳公諱嵩胤長
男思舊生吳令彰陳生不孝維梅中丁酉科舉人
娶庠生輔之賈公諱翼祚女不孝維楷娶訓導燦
九王公諱之瑞女不孝維樸娶庠生叔獻許公諱
國琛女陳生女三人二適庠生楊其英三適丁亥
進士江西南城縣知縣星曜張公諱秀實長子廩
生張守開四適岢嵐道僉事夢岩劉公諱邦弼季
子庠生劉宏勳孫男六人孫廩生燮離前妾禮部
尚書王立梁公諱清標長女故繼娶太子太保禮
部尚書維來李公諱若琳孫女陝西臨洮府同知

惠嘉李公諱享陽長女孫官監生燮調娶吏部左
侍郎敷五梁公諱清寬女孫庠生燮娶娶浙江杭
州府知府加一級咸池丁公諱洛初女孫燮鈞初
未聘皆不孝燮出孫燮調聘娶卯科舉人若水梁
公諱士紳女孫燮常初未聘皆不孝梅出孫女八
人長適乙酉科舉人傅心貢公諱駿學季子庠生
貢良儒二適己丑科進士山西長子縣知縣宏範
孫公諱溫長子庠生孫元禎四適舉人崔公諱一
淳孫庠生正長諱元裕長子庠生崔如岱五未聘
皆不孝燮出其三孫女俱不孝楷出俱初未聘其
一孫素不孝樸出初未聘曾孫男三人擴圻孫燮
離出擴離擴孫燮調出曾孫女三人二燮離出
一燮調出謹卜于年月日與

附恩堂文集

三

焉

誥贈夫人前封夫人彭合葬于靈壽之東龍岡祖塋
今不孝等哀毀之中述儘率畧伏乞大君子採擇
焉

專責成分功罪以速運務揭

竊惟漕白二糧關軍國之急需京師上下官民仰
藉如此萬不容遲此不待言矣第向來催糧雨下
額禿紙責數盈筭僅而催償不過爾爾者何也不
揣其本而齊其末也無提綱挈領之道則繁文瑣
屑之事舉矣愚所以目擊心切而不禁敷陳耳糧
船之在途所以遲遲者大約其急公之心不如其
營私之心沿途賣卸私貨必至淨盡而始行有利
欲之據其胸無刑罰之驅其後也亦其勢然也沿
河各官催償傾囊不力而船卒停泊不前者有說

四庫全書

卷

焉糧船壟斷多至四五十隻少亦一二十隻計船
上之人不下數百人皆驕橫悍手目中之無官人
矣夫償船之官大者司道司道一過乃始理棧起
轍作解維之狀必至力爲呼譟揚言寧處若船前
無帶則無奈開之而去船前有帶則曰某帶在前
頂幫矣而幫復頂幫各官及汛而返而汛外之停
泊又不得過而問矣至河廳之威靈尚可行之小
幫至於差官差役未有不爲所辱不爲所毆者若
夫州縣之官有離河七八十里者或一二十里一
切催徵審辦倉庫緣因之事繫于一身豈能日日

四庫全書

卷

河干耶則其役而催者又可知矣况運官大約狡
獗無藉者多船中大半擁嫌妄列倡優中流簫鼓
怡然而樂即使立轉沿河之官于岸而彼固無與
也况琬琰乎然又有棘手之事焉部文運官少糧
則訊其某地盜賣即究處某地之官運官之少糧
多在水次兌時暗折黃河空處潛偷倘沿河官稍
拂其意則曰我糧若少到戶部我便云在爾地方
盜賣沿河官唯唯之不服而敢致其怒歟此並行
相悖之事也彼沿河之營將千把大率類是將沿
河之官不催乎非也愚請悉而條議之若重運過
催則給一長單凡各州縣衛所地方河道幾百十
里至營將各官皆有定數第列地方不必定官各
刊印成冊每幫與一冊到一處則註某日到汛過
隔者註某日過關至司道廳地方則用印鈐蓋亦
定用印日期及到通之日將單送倉場堂印日註
功過平三字如期者註功字遲玩者註過字不如
期而未至甚遲者註平字先期者註兩功字一年
船盡則取各地方糧管職名按單查算功多過少
者列薦過多功少者列劾相準及平者遣之如此
則沿途各官皆自爲計又何必催糧數百道使言

之諄諄聽之藐藐乎又何必載船之揭歲至數百
道使無復可差錯難在遠乎而況前此者一載動
飭止開容處糧船過遠未聞騰揚亦太平泰也
沿河審之功罪既明而糧船運官旗甲水手之功
罪奚可再不明也自通淮通計若干里以一遶岸
計之一日重運限四十里通計日若干知風雨停
泊糧船勝放諸事取各地方印信刊結存照此輩
無賴不畏刑罰定以遲幾日責若干板至遲幾
日則加一板再遲幾日則加一夾旗甲水手一體
治罪其期而主者如官一級能越幾封而疾飛者
優獎其職事處虛為題薦兵部不得抑其義
不畏刑罰而趨者于功也即半速留之而亦不
意德矣况德價事旗甲水手定例給賞若夫少糧
一節俗謂云遲遲事服長命丹何也少糧必解還追
比地方官謂其不係補糧寬其罰司使之振親友
坑善畏避之又益微侍

收文半第半

大清律一百二十兩獲罪之條如少糧若干不必解
還追比倉場堂印題移刑部立置重典追比家鄉
彼見一盜官糧雖家積多金身死家破無所附之

而猶有貪身盜貨者雖不備舉糧船過遠不
修清于日于日之類方收規糧者其應收糧官
一修糧船登時空長事難題至十日不登單者
一乘車庫糧糧官吏既看糧庫官立刻押行若既
領單登日之外方回空者天津道按單報以還
登記移各處分此單到准收貯兼送倉場堂照重
運事例飭効其責處庫上之人則總漕部院行之
若夫帶私貨一事則賣之船送鈔關若潛逃各官
一盤出私貨一切貨物入官飛報倉場堂立奉監兌
之官及通淮盤驗之官若不處分於始裝之時而
後自放送不查也應者竟安然鈔關止利貨稅不
一盤是否糧船若其地方查出私貨則已過之鈔關
難免職失隱匿之罪同空載貨亦如之如此既無
利於載貨而逃大遲違何為也是皆提綱挈領之
法也如此尚奚須今日行一文明日發一票而云
下不應者無是理也第安然安坐而數千里之功
罪如掌提中尚須今日混取誤清職名明日查考
稍進地方千餘百索而未有察驗者無是理也沿
途要不能價運官敢於道違者無是理也收糧前
有留難時空久泊津道者無是理也倘有可採供

乞蚤賜題請勒爲定例以爲明年新運計庶功罪
分明而綱領不失軍國之急需有賴而天庾之儲
積早登矣

封翁諫議公奏議錄

於戲士有奇爵德材腹積五車筆耕千古不得與
錄錄未有異者雖華應數也然數能厄人知遇而不
能厄人之材在學法不能厄人之品究之數益奇材
益難節益節而學復窮荒絕耳目無遺逸簡當各由
德重現璧又何必珥彤展側執冊增前迺始稱遇如
是卽數之厄遇也庸何傷夫文章發之於身而功業
建之於後未始不爲遇道足衡數從古然矣若魏太
公負性茂修竟以雍士終們爲數厄而余曰否否太
公自初而壯名噪海內余久慕太公風正望其仲
公紛諫與余同津熱潮同提南宮復同讀中秘書稱
金石兄弟給諫太公與先後知交年誼滿長安而太
公獨遺余手書謂給諫性與口皆耿介使余規之然
余生平坦率常感否人物不去唇吻今思之太公益
愛余教余矣戊子余于役江南歸過郡城登堂始聞
太公太公剪蔬酌酒加家人父子相與酬應健談承
夜太公爲說當世務所關既切且鉅更深扶性命之
與訓秘天入余始知太公蓋深於內修故瞻覽鑒鑒
太公出所修明書讀之筆削簡嚴竟日而後不多
見其時太公精采煥發雖足稍弱而高論至漏盡

不衰趙明年冬忽訃聞京師余不敢信及長公明府
次公給諫兩年兄時以先丁太孺人艱家居備份千
里間歸於余嗟乎痛哉太公果齋志以愛也余不敏
何敢銘太公然不謂余知太公蓋以太公深知余余
不能忍按魏氏周畢公之後曠代不暇記世居栢鄉
先世籍笏甚盛實黃北望宗太公諱栢祥字元昌號
拙菴晚年號愧燕父侍御公母將晚身夢大栢自屋
參天寤而生來遂以命名少岐嶷丰姿詔令穎悟
絕倫一目數行下弱冠爲次排名雄渾厭繩尺有不
可一世意初就童子試高邑趙忠義公見其文報驚
喜許以大手筆將來稱無敵侍御公病太公侍湯藥
不解帶不交睫者數月及喪而哀毀如古少連母孀
居十餘載每病如侍御公居恒左右孝養極盡其
時諸弟甫齡髫髻祿祿世傳教謙遜遂多外侮太公
虛心調劑之不使有乖黨閥和日夜拮据教撫諸弟
皆婚娶公山產先後並有文名太公少慕豪俠家素
饒親友侍以舉火者數十家胸蘊岳寶常慷慨然如
向子平覽宙合名山既而以諸弟少身爲韓家宗子
遂肆力舉子業建路余樓局戶端居不出丙夜明暗
聲動林水文出人多駭試輒冠軍時桐城左忠介公

督學畿南稱爲士林僑肝拔入北雍數上秋官主者
見太公卷人人咋舌不下每以功令損使太公稍抑
就何應拾芥是豈文之罪乎數也性耽幽潔家雄鄉
棠乃小築城東隅引蔬種木克以古今書帙既而擇
城東南十里營別墅曰柳庄以胸中丘壑爲布置
瀟灑寔建諸堂宇作勝樓雅著書其中時杖履散步
意有所得輒形吟咏恒偕親友登西山絕頂長嘯高
歌或探窮谷遇遠處多枯坐幾日不言蓋有襟抱
與天柱山無念僧爲禪友所著有三峰山記不啻柳
子承中諸作生平有大志奇偉闊闊識見開徹當明
神宗末年指陳時變上書相知書道每論數千言據
其所見後十餘載無弗如左券皆心折太公及懷宗
癸酉流寇數萬自慶陶大掠而西驚塵蔽天問里烏
敵時大名張司李偶過栢散出城行太公諫曰不可
公出必遇難且一出則人心渙如一城生靈何張悟
遂登陴誓守太公捐家素懸賞募殺賊者適有熊并
南來倉皇北走太公馳禁其馬激以忠義遂同鄉勇
列營戰斬獲甚多太公信賞之健兒皆曰使朝廷如
此何患賊不殺盡耶栢賴以全然口不言功勒石歸
美張司李此事至今大能感而道之無何大帥梁南

擁重兵至太公切勸以乘機掩襲且圖畫州勢謂從此賊可殲不至燎原甫怯以賊去爲幸置酒高會卒不可撲滅使當日從太公言何至於斯太公例以棄士授邑令追戊寅之變相令劉銓棄城走士民盡竄後劉誤上書構太公圖未滅而忌太公者復陷之太公慨然曰彼不過欲奪我五斗粟耳我不生豈以五斗甘人下及事平遂岸不就銓亦歎也蓋彈力研究寒暑無間嘗曰古人三不朽余其謀立言且年已知命窮達了然惟有擁萬衆樂此不爲疲耳遂取魏氏家乘補綴之特創爲傳志以顯其先大及邑乘雖云邑可當畿南一大紀綱若明書九十條卷上下三頁年燦然明備最非於確不執意見稱良史至今經書目錄十部集筆力真脫自出手眼爲詩文道勢雄瑰不肯拾人牙後一語與人談義理皆懸河注而不竭而一軌於正魏氏有祖塋自元宋至今子姓蕃衍科甲茂材異等名公指不勝屈崇崇多丘太公擴而大之庄石塢工皆煥然操議哉惟宗族無少長敦尚忠厚貧者濟秀者教皆賴太公侍御公盛德在人輿論僉同歸然隆鄉賢俎豆雖侍御公之所應得而太公繼述之業爲有光云課諸公子甚嚴日督月程編越

矩步長公副鄉薦令費太公至費觀其治績論以吏從冰上立人在鏡中行二語長公遂爲山右循卓太公官翰苑收給諫太公論之曰言官論事須有關於國家利弊生民休戚若有一毫私意卽其言得行未免清夜有愧給諫公侃侃入奏多大政每疏輒得俞旨蓋庭訓有本云太公晚年居里尚簡和藹常自題其廬曰克讓克毅步步畏懷天理學暴富乞兒教孫教子時時照管家風便是急流砥柱其謙遜如此精岐黃術多所拯濟遠近頌之太公德行文章爲天下泰斗方期網羅千秋蒐葺百代成大觀焉盛朝蕭輪之聘條人壽祿式以成太公未伸之志嗚呼太公竟齋志以終也數也以太公之抱負不唯根極性命使登華躋勝德行道豈不功濟生民文垂琬琰而終落落數一過數與否與余謂士不論潛居名無拘窮達有本食報較乎不爽今太公著作壽終世不磨以次公得封給事中身膺榮寵長公次公爲官者令各異日未可量其諸公子咸名步太公福且未艾誰謂數能厄太公耶太公生於明萬曆癸巳年五月十六日卒於清順治己丑年九月二十一日壽五十有七元配張太孺人先太公卒有專誌于五長者

魯剛卿薦任費縣知縣次喬介丙戌進士任吏科右
給事中次喬訥邑廩生次喬懋庠生皆元配張太孺
人出次喬側室鄭出魯妻馮介妻韓故繼袁誦妻
曹懋妻趙女四所配皆名閭閥家先後慕太公重望
戚太公孫男四魯生勳庠生介生勳誦生懋懋生勞
越明年清明將葬太公於祖塋之正穴噫嘻余能銘
太公耶余銘不足重然而太公深知余余不敢辭於
是爲之銘銘曰載誕頤頤厥藻琢乎懋迥勇之爽爽
輝哉其寡敵淵乎簡冊匪惟數篇哉疑哉匪惟俶昭
乎揭日洞若曉書聿彫休醜而爲兆曆勳奕葉允惟
其歲歲雖終閭閥而道莫予纂龍升於梓煌哉吳之
錫銘於幽宮永亨於靈

高母魏孺人墓誌銘

魏給諫石生與予同官翰苑爲置好年友石生議論
采著於朝長安爭識石生憚石生直遂借才惜也
慷慨有大節無言人所不敢言動輒數千言皆當世
大務且急雖石生而然要成於家訓實多太翁太
夫人皆賢哲淑善故其所產多異石生長姊魏
人幼而穎秀女誠諸書讀之立解與母氏多論難悉
中竅居室窺孝盡不履庭承顏無忤及舞鸞臺高
侍御挂河公長子尤嚴甫作新嬪值婚玉夫人捐舍
將家務能德備太翁曲糾裁喪嚴肅而劑之以給
魏喪甚戚動各女則高氏兄弟雖多皆無聞言嗚呼
矣侍御公居西臺有棠在室孺人敦姑嫂愛一切衣
衾綦帨皆孺人拮据經營以獲舅氏倚爲左右手稱
佳嬪夫光釐力學下帷不問戶外事一切廢棄皆孺
人力辦問悉欽內助生子壽及某某孺人教訓之不
假顏色中陶不啻焉以是子壽垂髫能文如古無忌
藥師大有舅風方期享大年暗後祿遽中道溘然集
世生年三十有六其時石生太夫人傷於憫亦仙逝
石生讀魏誌語寄京國請銘以予生同里知之最深
古嬪人無專銘有專銘非禮也然非禮於其子之

請爲避其父其夫之嫌太翁正矍鑠以愛銘之禮生於情在石生禮成於其親之志其可無銘乎是年將葬於高氏祖塋爰爲之銘銘曰懿哉無親而饒多有一善弗朽而嘉且惻匪擅厥藏而百歲俟偶惟孝也故魄歸於阜而魂依於母

文學孝子高公墓誌銘

人有可以壽千古者不必崇廟而百行之源洵足風厲異襮如文學高公之先世出於四岳呂武王封青後支得賜姓高氏前代多達聞系不可考仕元官溫州路同知瑞安州事階承務郎曰琛用始居寧晉北曹古噎遂爲寧晉高氏始祖琛用生飛謙六傳而生祿曾控產代故人子償所寢寐三其數傳皆有隱德珙生凌燿以子提貴封御史中丞廷尉即太公太公爲名御史以直節聞配劉生公公諱去聲字存雅別號弱菴門稱高孝子生而穎異成童文蔚膠庠英氣磅礴試輒冠軍郡國舉貢北雍非其志也毅然歸緣太公仕四方家用迫督棘園歷歲月以數奇乃棄章句嘆曰人奚必吃吃帖括又以純袴恒席蔭行蹤跡敗祖父德孰若步趨黠矩守身全令名無損前型自拔流俗時太公攬轡山左山左距寧相錯疆有竭吏欲避計典苞苴適公公婉辭曰君賢考且最何庸斯函發家君清白黥矣其人懈去公終身不以名告人其忠厚如此門扉肅穆若農處尋太公以拔直爲忌者所銜出備兵東昌既而誌以封疆案考公慮憤深乃疾作會太公北上公私素春糧從太公知之戒

不使行公泣下曰父顯族熱兒居堂與耶時不救食者千朝暮力策蹇酷烈中左右視體索弗備極恭門披髮號寃諸當事持書叩閣某公素重太公直慰曰君父子忠孝天植此舉誠嘉恐其怒益蹈不測爾重尊太人累君即捐廉詎弗拂親心耶乃中止諸當事感動而思者亦消沮太公得還武林公護行獲還屏歲時率子弟南向頓首派淫淫下每食歎惋謂展內雖稱具視食旅邸凄風苦雨家三千里耶轍駭駭七明崇禎壬午公次公舉於鄉又益感買客駢至無喜色無何太公武林計至號絕者數乃跪哭南奔明

附忠堂文集

三卷

卷

未幾變觸起親友力阻以亂公踉蹌就道道達故舊以東道生強留者甚衆而公撫經矢棘焚也予義林立哀號是數月達武林辭隔過甚毀至榮立呼骨出新穰行人爲之心側徒步扶柩還一切喪葬辦禮遠近歎服事繼母如劉歷四十年如一日太公遺側室曰劉曰張敬而弗觀與諸弟怡怡擇肥推之不弟均也北方士夫人人皆服譽之直指使兩上孝行於朝訓子弟罔弗中程少憐情讓讓曲謗無他意大清順治丁亥次公成進士筮仕國之松源令說之曰無愧祖風其治家嚴正如此性相易無逆不華錄有

怡行市中識者目之曰此黃介而旦暮贈委者何幾味也居恒不問家有無飲食盡讓遇親友則尤款盡情甲午義舉訓次公曰子雖給由遇車錄未有賜梓吾愛勿稱贈官令我現愧貼也公竟黃志以破矣情哉故第稱曰文學孝子云配間大鴻臚嘉謨女

令叔有儀不輕笑語奉母訓惟謹未笄女紅一試輒精久者不及也于歸於公中饋潔飭事翁及兩姑極誠敬而毋於祭祀必躬必親未嘗以米鹽涓公口體從寄事公後其肺腑而彌量出入一準於法每聞爲典服則泫然流涕綴弗輟前後兩姑恒慰休而順其

附忠堂文集

三卷

卷

訓稍正已輒勤如故壽二十四而歿歿之後親戚戚獲皆念其惠德弗衰公繼配馮武庠士澄女尚存其規摹一遵元配不啻至之遵何也公生男子七如狀公生於某年如狀將以順治十二年乙未月日葬於廬陶北曹古睦之祖堯其次公具狀來問銘於予予時以太子中允出備清源兵奉

天子命將還都門甚匆遽然與次公同舉於鄉生同里知公最悉素聞祖父訓謂高氏爲畿輔甲族多長德及長得公行事衷心傾仰久矣雖事兩集不可以辭樂爲之銘銘曰瞻屬行先而常首惟厥克有

誠動以化醜惟變弱而竟制孰哉無盤洵無朽弗藉
龍繪而厥榮孔卑繩繫將長而惟所培藏之各山而
與天壤久

祭梁澹明年祖文

嘻嗟細雲之黠穆玉樓遠肯構噫馭霓輶而行空獻
歎覽茲曾宙噫在達人則齊死生悼芳菲多悞受噫
神桓盤以洞囑噫噫竟弗與妬噫其若木耶星滿耶
願聞聲而茲椒耐噫蒼茫懽悅杳難攀藉令獨而負
項茂噫畢輝耀光以篇辭驚駭駟之迅驟噫抗絕悟
于七齡方鄴衡之不謬噫匪楚楚而踞鼓飛鸞琢冰
而宜淑秀噫映玉山以焰人苞萬卷而賦立就噫孝
明誕降十月中天性率恂乎自幼噫美蔭固所宜膺
魏基漢矩茲復邁噫噫鱗屋比擴恢恢撫玉樹而竟
關學堂文集
推授噫不問之賢首恢乎聖心持躬敦睦以無漏噫
裘馬鄧五陵豪六經芳潤之爲噫噫就古學而藉丘
索用情之乎高厚噫才既長而數以奇輕岩岩之級
綬噫噫龍且于脫腕龍鵠弗慚負噫訝烟舒而露捲
炫奇觀于振袖噫胸中丘林何迭迤邐素過生嶺岫
噫屋玉塵勇立勝榮芳應揜何何噫集蜉蝣及蟲魚
追周篆及秦籀噫抗六典之興崇輝百城之雄富噫
嬉嬉乎太上之忘情披春颺于節誇噫自松仰對以
無央寄冲氣于宵晝噫華庭虛延涼月哦雲誰儼泰
豆噫匪下可一世任卷野乎載覆噫業佳秀而香蔬

滋撫摩訓迪以弘就噫升天衢躋雲路光國瑞贊明
后噫龍綸煌燁華簪璫大德不官晏然如舊噫嘉
貽謀之丕臧橫鶚副藉始復噫冥冥鴻飛以樂天噯
噯鶴算以永壽噫卜期願之康強胡類泰山黠寶宿
噫思風流之不墜覺梁塵而晉滿噫噯方壺而恨音
容悲芝輅之不爲留噫噯人韻士啼霑裳况栢蘿之
相湊噫序大器爲鴈行同頻順而泣如奏噫懸錦幘
之遺美恍山儀之日近噫虎豹九關皆洞開噯哀辭
以過姿噫恭儉酌水以迓真人敢荒穢而薦卑噯羽
旌翺其反而鑒我誠而裕爾後噫神乎神乎庶幾以
由思堂文集 三卷 主

墓右噯尚書

祭吳母焦太夫人文 代家大人

依昂婺煜騰沱坤吉休闢壽雲嶽儀聚琬右順擲芳
高祀表律女師式開婦英維哲聖善九彰載育作饒
音嶽淵懷嚴君弗遠開壺爲軌緣泉端質御輪初服
桓變勤縞布裳操具鴻案儲冀湘釜羣醴皃矧旦述
簪火承青內德懿佶誕生鴻材麟標鸞鵠藍煙秀挺
明堂佐謠逮詠栢舟鵲歌勿失淚盡淵波烈成霜口
熊九夜和扶灰晝率機杼吟唔瞿良鳴瑟陶鬢中海
禮游義立持節和正嚼水甘離象賢荷起莘拔編出
雲對蓬壺仙班聯騰雷浪天香被繡擇落慈幃霽顏
由思堂文集 三卷 主

嘉迪仍寄王事經營玉署名率熊軾愛依子健遵律
惠洽晉雨澤覃塞霽簡在宸辰銘助崇秩給梓龍騰
翟輦溢逸瓊琬在躬柔嘉平姑繡悅瑤璫令懿若綢
還酢避嫌依同匪驅彈力勤思義慈周急推食解衣
內外依恤蘭桂叢芳恩斯齊一教育兼隆畢誠盡實
下逮藏獲寬仁撫疾至于成婦尤欣慨既弱息愚昧
咸銘加膝是訓是携無異無睟孫枝永秀得和琴瑟
何以象之如霖渥櫛方覆慈雲迷厭塵沔西崑芝嶸
征邁胡望鳩雨空軒風儀歸囑月窟忘珠一時儼佚
親附絲蘿聞音愴慄內則母儀有懷洞添感德摘詞

難鳴精筆粹粹神來享茲芬苾

日山金文集

九

祭親母張太夫人文

嗚呼噫嚅芝駢雙青鸞羽剪斷絳綵如聞咳呶儼然
鑒此悲傷鶴歸霧遠何以倩綬摘辭與晨頤頤酸誠
靈其弗棄溯昔懿規含英敦質毓秀華宗名聞澄粹
賦雲鳴才揚南僂類動履以禮靜軌于義四矩弗愆
六書式治淑慎厥身芳徽夙施結禱御輪姬宗乃字
椒椒身庭婦道維茲裏釜理縱旨願肅事秉脯昭誠
朝昏理饋有無龜勉不憚勤勤乳姑怡顏撫叔成器
無怨無哀功勞耕織鴻眉孔端壽域贊肆下帷窮探
爰得專致名著上雍蔚爲國瑞雖曰自奮厥由無累
集思堂文集 三卷 年
曩將東飛猶藉潤澤焉時建務詎惟壺議覽履遽
憂勞况瘁沉浮卷舒安危無易能允書茲訓垂提示
盛務弘張霞蒸日麗仲子惟賢天門樹幟淑桀允趙
科名不愧中秘讀書琅琅啓遠迎養離卽海派佩挺
批鱗骨鯁廷欽碩議鳳鳴梧岡霜嚴封事隨彼寒暄
出後類萃遵行葵教憲章弗墜伯舅制竹魯邦之費
雙與東伯鳴琴奉送鶴庭獨留政成三與萑苻綰綬
綈飛泰泗風飭宸驚翬榮現悖或云宜去力貞卑離
躬餉酒醪珥增糧構存亡以之士奮堅壁賊莫如盤
淑謀克恃爰歸惠帑來歡典試鉅節久稱家燭九齡

妯娌代操臧獲惠庇布素自安不矜純翠儷美古義
經學燕翼愛茲蘭芽珠榮玉姒遠送于歸柔嘉備至
候歌薤露摧肝淹背孝德淑芳終以慈摯嗚呼哀哉
窮受不惠龍綽舒膚鸞青遠祕花雨空庭丹霞掩棧
訃達瑣闌哀哀血汨簪佩聞之群爲傷咽夙仰淑儀
壞梁不啻奔走執奠靈其遙次俎豆須申椒漿罔置
營駕翩翩乎時神嗜鑒我忠誠格歆昭賜尚饗

祭給諫梁年伯文

敬遇有美焉疊疊駐駐乎日月望烟消兮難扳粉
陸離以遂訣謝慙慙面猶夷睇若木兮勞嫺斯奪昆
燧焉如摧痛映珠之踴躍起忌言乎方剛儼輪瑟兮
匪虛訂桂諸子鷄鳴盟於數乎復古作橫北斗兮闕
干入契芝之懷託氣既叶此金石陋市絲之醜臚踵
至鐫于雷鉉維曼羅于瑤萼訂承好兮惻惻蔭孫枝
而翼弱施萬壽乎松上嚶鳴烏而締結愛纏綿兮間
無倪作匠林之軌襲驚哲人以速萎顧髮鬢而索莫
排閭闔與招搖九關杳兮虎豹攔嗟房皇而誦誦楫
四思堂文集 三卷 七
德陳所發陳建青龍奔河由噴奔古之宛昨思王林
之秀拔日入懷而翔鶴組絨縷于卿鐵羅石渠今綵
將麗卿雲以鳳集恥笙簧之援柏方瑤瑛于不離詎
鑲冰而燃燭譽波騰以雲浮敦秩秩兮弗薄允嶽嶽
而含純弘漿液兮廣鐸慕遲顏于懷袖貫黃墟于噉
鳩宇賈呼于饒萃群飲醪焉足漫揚芬美于霞流嚴
遂雀乎族惡羌遶辰之儵戾哀天荒于闕穴處明夷
而怡然胸無翳兮空靈軼際昌期之五百珥形管于
丹闈專實綸之清輝謨孔彰而藻錯
帝嘉績兮愛邀啓蕭樞而延酢殫賜違兮顧箴詢聖

直以尤若微經國之遠猷矢忠良而鑒鑒標玉鑑于
金觴御前紀之屈錫無冒冒茲榮非洞庶務其無關
解犯隱兮弗還卿所正以錄蓋詔剖均而集鴻拂木
龍兮升藉稽司聽于古冊進隆徽以嚀噪明弘施于
耳鉉曳星辰之履禰天不憖兮珍遺詎玉樓之翠履
傷心知兮飛洩判天人兮忽夫損餘聲以臨風呢嘯
鍵而束霍失歌兮今烟林孤客與兮碧落賦皎皎而
絕琅琅空大招兮莫作憶笑語以平生盡親情而申
爵之桂醑與瑤腹冀翱翔兮鑒格

迎神之章

四庫全書

卷二

圭

有美君子乘彼青霞五鬣駢莖八疇負車芙蓉劍灼
杜若裾華惠然肯來手把紅蓮

初獻之章

幾筵初拂式理椒觴玄雲澄黯悄恍青陽星精拍肩
煜燿風瑤響茲芬苾鑒我悲傷

亞獻之章

戒卮觥醕瑤笙靈鼓進暮盤恒繽紛花雨炙燄儼如
擊壺握塵玫瑰柜枚庶幾弗吐

終獻之章

澗淚流連不忍匱莫形聲聞寂冷然御電蘭音弗渝

久茲盼倩縵絕好懷歆世黃鸝

送神之章

振玉經桐翻舞既終遺簪弗落駕氣憑風接君昆青
慰我悽柔葆真歷劫迨是紫宮

祭梁母王太夫人文

嗟坤靈之於昭兮離昂區而難娶表淑姬于泮池兮
蜚清聞而修著曼林風以粲皓兮蘊冰懷而舒雪御
三周以結輓兮雄伯鸞之寶族和繁藻而思齊兮鳴
閭闔之荆布警靈飛而迺朝兮仰瞻于昏雨拓前
闕而益烈兮眞僊祥于麟足振隱鵠而號才兮騁蹕
踐于皇路乎薦肩而慶逢兮名文章于秘府暨掖省
之直節兮高伏滿于往古式內贊之無歸兮補衆衣
于聖主痛泰山之先類兮吟寒蛩于寒草毓衆賢之
森發兮嘉八龍之聯翥濟厥乂之多祇兮揚英聲于
四恩堂文集 三卷 主

韶濩薦桂蕙之蕙蕙兮奪瑤池之玉露服申禮而符
陶綱兮休模及于哲步納白鳳之理詞兮奏金聲于
擲賦執金珣之屬邪兮昔著威于貫宿
龍章輝爾載黃兮已覆蒙夫珠璐翺堂浪于澎湃兮
將天香之馥郁東璧揚其哀徽兮西崑登爲選羽輔
皇朝而作楫兮望鴻影之雙翮揮絲綸于清鑒兮翔
大宋之闕吐泝秩宗而開冰鏡兮欽季方之建樹全
偉器于熊九兮爰資成于師傅育孫枝以菁葱兮誠
瑶林干瓊園幸托薦蘿于松栢兮獲兩珠之眷明表
嫺姑于扶輪兮多靈宗而遵度光女史以君子兮爲

女中之芳柱感小星而協命兮嘉弘襟以弗如撫臆
獲而逮惠兮群贈資于飲饌嗟窮巷之悠遺兮儼失
軌于仰瞻逐麋輪于還方兮知豹關之無拒酒鵲零
于芝庭兮冷乳烟於蘭昨爰玄雲而擁衛兮矯霓旌
於旁輅聞絳綵于展衣兮鏘銀珂以韻速慰責思而
情況兮格親情于誠懷懷微醺而申明裡兮靈底幾
其款遇紛綵幢而遙臨兮響飛詞之愴訴翔紫霧而
式享兮願雲軒其暫駐

蔡甫雄太守在宥梁年伯文

噫慨慶輪之奄邁兮嘆山河之邈若思同方之弗留
兮追絕絃之故躅爰裴褻睇聆茲音客兮忽忘言之
遐征溯芳遺于生平兮駕哀棟之潛願秀挺間乎扶
輿兮詎畢火之流輝欽璞渾之絕倫兮蚤蜚英于濟
郁若輩推躡乎瓊業兮美復始之無難譬星海之不
闕兮緣九迴之端復驚江夢之擅長兮獵異同之芳
鮮齊晉綬以罔慚兮豈裴統之鹿鹿光太微而敵凌
乎霄雲兮人依玉樹于參軍傳銀紫于明殿兮衛鈞
陳以寅肅摧金籌而奠邦本兮隆玉版之嘉豐運心

即惠堂文集

卷二

主

計于轅頭兮展譽乎含香之清醲受成而質

天子兮眷南國以榮懷光青嶂之茂明兮慨慈雲之
情覆坐嘯而洽惠澤兮陋渤類之虛名蠻方依仁父
而披仁風兮諱穠麥于漬漬忽尊思之悠悠兮懷仙
蕙于丘林辭朱輪之白鹿兮旋大庾而留犢樂綠野
之青藜兮携雲月于東山瓊蘭桂之亭昌兮快麟臥
趾毛之協卜躍龍津而絢彩兮象瓊瑰以輝山暎青
黎于天祚兮度義方之軌淑毓肇絳之彥于清閨兮
嘉庭雪之良才顧豚犢之無知兮感諾金而從睦矧
佳譜之世篤兮屢序雁以翔翔休戚相爲依倚兮方

萬難之耐乎喬木覬踈拙之遜輅兮撫松竹而幽居
遂赫曦之相將兮緒承好于烟谷促良夜以談心兮
曠今古以同懷望登仙之旌旆兮美國門之輪轂予
美之不可惜兮達遠道之音書期把臂而益親兮慚
乎詎玉樓之成速初情悅而致疑今謂倥傯之可逸
胡梁月之懷涼兮猶以雲儀之在目咨嗟而沾袍兮
思天意之惓惓不欲貽茲艱危今是以班仙靈于垣
宿神其妥于冥冥兮悟齊物于逍遙御寶裝麟仍以
無涯兮亨燕貽而被祿標予懷而易已兮雖無桂醕
之清冷庶鑒此機誠兮謾來歌于玄穆

即惠堂文集

卷三

主

迎神

鼓斷鑼聲響考在靈有美一人婉嫕清揚御賁撫舞
霜劍風瑤惠而式臨爾我悲傷

初獻

白雲冉冉儼然來偕有威斯通神不我解何以申將
蒲醑初戒茫同明燭徒增泣噴

亞獻

坎壇盛發山儀其端義罕允養輿禮在壇仰如琬玉
奧若芳蘭笑語無隔相像盤桓

終獻

修爵惟三孔燔弗敢神其肅哉式歌載穆髣髴烟香
冠裳黼黻執手無從徒爲頌頌

送神

電旆霜旂不可久留遶銅庸散歌舞載周芝蘭勿歧
念昔綢繆瞻望難華涕泗橫流

祭梁母王太夫人文

噫嗟芝蘭露輅玄雲靈輿綵綵輝煌琤琮屬黃胆
愔愔格靈誠係叔肅肅厥庶幾歆遇享乏備芬芳饒
穆所坤靈特聯弟分廟妻花澳淑哀清幽秀著林風
隱約水心雲句三周結綉伯鸞裔裕紫絳皮輪宦門
荆布誓語朝蠅懋勤昏雨機軌前修弗懈麟足才振
伏窮康馳皇路粉署香流邦計匪誤揮鞭而算內賢
無靈青嶂爰登浪溪隨赴循著堽遷異徵虎渡洪岸
望崇凌江澤澍環珎清而變炊安作風袖悠悠相聲
弗悉士度表儀民謹五稔內美無渝克襄之故天子
即事堂文集 三卷 七
曰翻藉我長教龍章輝煌衣襟珠璣驚燦爰彰怡如
履素知止鶯梁續連還顧烟林琴瑟靜好莫儻式穀
謀臧遷降麗綺秀氣襲賢英聲韶護桂蔭金花現池
玉露申禮陶鬢休襟繼步由鳳摘章金聲擢鳳靈振
紅翻天香續吐東璧揚光西皇繼羽海成偉器金爵
師傳陋彼黽允應隨苦驚撫育葆枝菁滋玉樹奇把
萬難惠承春响儵失仰瞻增興哀慕德勇懿姑多
遊度女中君子充分載註小星感愛賢哉弗如惟
祇復成資飲俾天不慈遺旋輪返展虎豹九關笑
危懼鵲雨芝庭乳爛蘭沚綵綉何窮厚錫胤祚廣

項將荒詞恤訴盡其末茲彩霞紫綵鑒我責懷鬱軒
暫駐

祭梁年嫂王夫人文

嗚呼哀哉年嫂遽歿矣年嫂于婦人中其生也重其
死也重婦人之于時喪無足稱道者恒噴噴不滿人
口或其行事不可爲輕重其歿也亦已而已亦有生
平指拂勞瘁爲鞠育善就淺深可謂賢矣如慈憐初
掩粉泥未滿而髮笄空存獨舞再合非男子之善忘
抑婦人之生不足以永其死也年嫂親于名族歸于
名族抑然無傲情容其質足重事祖翁姑及翁姑奉
養極歡其孝足重巧于女紅手出一物罔闕之珍未
嘗不重之以爲則解文義善書法閨中相對尚確古
今又不特古雞鳴之贊也其學又足重華宗女婦尚
珠翠錦綺亦其宜然而獨敦儉朴御布素人之所重
者而年嫂否是又足重綜理家務若無事肯又重其
才嫻親相聚咸重其談論秉爲式教三子如古熊九
童孩且惠愛其甥慇懃周悉不少倦其慈足重有如
此而年嫂方且被羣翟以禮稱久爲世表年四十竟
資志以歿也聞歿而室中慟戚里慟噫求如年嫂之
孝慈才德不少榮見嗚呼箕珥輩莫宗矣聞年翁矢
弗續膠絲六結紳士大夫其嫡亡輒廣副室而弗正
繼或以平日苦妾婢無寬大之量其去也若火翳而

年翁乃素無嫌焉豈賢賢之易樹裕于年翁哉要年
之賢足以感之也即使惠韓終掩粉泥終塵而覆
也愈重于生安得薄薄盡以年嫂之風風之使聞中
皆不可少之人無間內外而其重也弗啻存歿矣其
生同里聯姻姻復與年翁同成進士知之真其重之
也尤甚故于其歿也哀亦甚爰爲之誄章伯椒苾以
薦靈其不遐其謬予言耶

祭魏年嫂袁夫人文

變造化之不齊兮誕蘭蓀于景肖何景貴之遺恩
處公宮而在坎先四齡而失咭兮隨塵地而若仆
含懼以歟與兮顧依劉以爲勳稱陽中之道福今姻
內則而端茂當狐兔之橫橫兮幸先時而遠冠稟四
禮以得年兮協風占而之婚歸都諫以克相兮飽極
鮑之婚構得堂上之歡心兮甫鵲鳴而盟徽繼樂羊
之機絲兮佐芸雪之夜讀甘荊布而若性成兮壹百
兩之爲陋入鳳臺而見遺簪兮感蕙帷之有舊法左
進之賢母兮繼塔下之哀勿雖已出其不異兮與彤
管之翠環方譽德之計備兮及而宮之見售入機退
而正色乎親然膚面草奏勉折腰之青風兮驛脫簪
以左在斯淋濯與締綵兮手承羹而組纓奪天孫之
巧思兮結趙娥之絲哀謹緘縻之出入兮肅蘋藻之
鍾豆率間政之穆宣兮嘆內德乎齊懋天既界以溫
顧兮宜降禧而殺佑胡玉輝之遽掩兮豈司命之多
謬抑所賦之難全兮豐者德而壽者壽測霜露之所
由兮雨衣揚而裳未就竟鍾和之禮範兮就母儀乎
中壽徂徽音乎珩璫兮雖克耳乎瑩瑩悲夜臺之冥
冥兮感行路之輻輳繫在筐而熊在匣兮詎克昌之

非厥後望丹旌之飄揚兮薦椒香與芳糗靈庶幾其
不昧兮或鑒此而允侑尚饗

周易卷之三

三